

sl/B K 102958
2



94(473.22)

9(49322)

89386

მარი ბროსსე

№ 3-2016-104032

საქართველოს ისტორია

ნაწილი პირველი

მეფეთა და მთავართა გენეალოგიით და სტონოლოგიით

ნათარგმნი და განმარტებული სიმ. ლოლობერიძის მიერ.
გამოცემული ნიკ. ლოლობერიძის მიერ.

ტფილისი

1895

სტამბა მ. შარაძის და აბზ., ნიკ. ქ. № 21.

Типографія М Шарадзе и К-о

თ. ც. ს. მ. ს. ო. რ. ი. უ. ლ. შ. ბ. ლ. ი. ო. თ. ე. ა.
T.C.H.-ИСТОРИЧЕСКАЯ
БИБЛИОТЕКА

№ 102958
2

50981

Дозволено цензурою, Тифлисъ, 19-го Октября 1894 г.

გ ა მ ო მ ც ე მ ლ ი ს ა გ ა ნ

ეს „საქართველოს ისტორია“ ჩვენის ისტორიის გამოჩენილის მკვლევარის და არხეოლოგის, აკადემიკოსის მარი ბროსესი გარდმოგვცა იმისმა შვილმა, პატივცემულმა ბ. ლავრენტიმ, რომლისათვის მას უგულისათვის მადლობას ვუძღვებით. ზემოხსენებული თხზულება შეადგენს საქართველოს ისტორიის მასალების ხანგრძლივ შესწავლის და კრიტიკულად გარკვევის ნაყოფს. მ. ბროსესს დაუწერია იგი რუსულად შემდეგის სათაურით: **Очеркъ критической исторіи Грузіи.** ბ. ლავრ. ბროსესს საშვალემა მოგვიპოვა გადაგვეთარგმნა ქართულს ენაზე და დაგვებეჭდა ეს ხელნაწერი, რომელიც აქამდის გამოცემული არ არის. რადგან ქართულს ენაზე არ მოიპოვება წესიერად შედგენილი საქართველოს ისტორია და, რადგან საზოგადოებაში უკვე აღიძრა სურვილი ჩვენი წარსულის შესწავლისა, ამისათვის განვიზრახეთ ზემოხსენებული შრომა მ. ბროსესის გამოგვეცა ქართულს ენაზე. იმედი გვაქვს, რომ იგი საზოგადოების მოთხოვნილებას რაოდენადმე დააკმაყოფილებს. მეორე ნაწილის თარგმანი, — რომელიც შეიცავს საქართველოს ისტორიას სამეფოებად დაყოფის შემდეგ მეფე ერეკლე II-ს დრომდე, — უკვე მზადდება და მოკლე ხანში გამოვა.

მთარგმნელისაგან

საქართველოს ისტორიის პირველი ნაწილი, რომელიც ეხლა დაიბეჭდა, მ. ბროსეს შეუდგენია 1855 წ. და შეიცავს ჩვენს ისტორიას უძველეს დროიდან 1469 წ.-დე, ხოლო მეორე ნაწილი, რომელიც მოგვითხრობს ჩვენს ისტორიას სამეფოებად და სამთავროებად გაყოფიდან 1744 წ.-დე, მას დაუწერია 1858 წ. ავტორს ჰქონია აგრეთვე დაწყებული მეფე ერეკლეს მეფობის აღწერაც, რომელსაც ჩვენამდე არ მოუღწევია; იმედი კი გვაქვს, რომ პატივცემული ბ. ლავრენტი ბროსე — რომელმაც ვრცელი ბიოგრაფია თავის მამისა და სამაგალითო საძიებელი იმის თხზულებათა შეადგინა ¹⁾, — არ დაიშურებს იმის გამოგზავნასაც ქართულს ენაზე დასაბეჭდავად. ხელნაწერი რუსულს ენაზე ავტორს წარუდგენია ს. ჰეტერბურგის სამეცნიერო აკადემიაში, რომელსაც გაუსინჯავს იგი და თავის ბიულეტენებში 3 ავგ. 1855 წ. პირველ ნაწილზე ამას ამბობს; მ. ბროსემ წარმოადგინა საქართველოს ძველის ისტორიის მიმოხილვა რუსულს ენაზე... ამ შრომის უმთავრესს ღირსებას შეადგენს ის, რომ ავტორს საქართველოს ძველ ისტორიაში შემოაქვს არა მხოლოდ უმთავრესი ფაქტები, ქართულ მატრიანებში მოხსენებული, არამედ მრავალი სხვა წერილმანი ამბები, აღმოჩენილი ძველ დროის ისტორიულს ნაშთებში და უცხოელების — ევროპელების და აზიელების — წყაროებში».

¹⁾ Bibliographie analytique des ouvrages de M. Marie. Félicité Brosset. SPB. 1887.

ხლო მეორე ნაწილზე, რომლის თარგმანს უკვე შევუდექით — აკადემიის ბიულეტენებში ვკითხულობთ შემდეგს: „მ. ბროსსემ წარმოადგინა ისტორიული მიმოხილვა — ცალცალკე შედგენილი — ქართლისა, კახეთისა, სამცხე-საათაბაგოსა ანუ ახალციხის მხარისა და იმერეთისა საქართველოს სამეფოებად გაყოფიდან 1744 წ-მდე, რომელიც სრულიად დაუმთავრებია. ეს შრომა წარმოადგენს არა მხოლოდ ვახუშტის მარტივს შემოკლებულს მოთხრობას, არამედ იგი შეიცავს ნარკვევს (résumé) ხრონოლოგიის წესზე შედგენილს, სადაც ჩართულია ახალი ფაქტები, დამყარებული როგორც ნამდვილ საბუთებზე და უცხო ტომთ წყაროებზე, აგრეთვე მათის ერთმანეთის შეთანასწორებაზე. ამ თხზულებაში ამასთანავე შესწორებულია და კრიტიკულად განხილული ხრონოლოგია მოყვანილ ფაქტებისა, რომელნიც ავტორს ყოველგვარ სხვა და სხვა მასალებიდან გამოუკრებია ¹⁾).

თუმცა, სამწუხაროდ, ჩვენ არა გვაქვს ქართულად შედგენილი ავტორის ბიოგრაფია, მაგრამ მკითხველი საზოგადოება კარგად იცნობს იმის მოღვაწეობას პერიოდიულ გამოცემებიდან და სხვა და სხვა წიგნებიდან. ვის არ ახსოვს ის ღრმა პატივის ცემა და დიდება, რომლითაც იმას მუდამ იხსენიებდა ჩვენის ისტორიის დაუცხრომელი მკვლევარი და არხეოლოგი დიმ. ბაქრაძე, რომელიც თავის ისტორიაში სწერს: „დიდად საჭიროა რომ ორივე შრომა (ბროსსესი): **Additions-**იც და **Introduction-**იც ქართულად ითარგმნოს.“ ამ ჟამად ჩვენ უფრო საჭიროდ ვბოვებთ მ. ბროსსეს „საქართველოს ისტორიის“ თარგმნა, რადგან ქართულს ენაზე არამც თუ ჩვენი ერის პრაგმატიული ისტორია არ მოგვეძევა, არამედ — წესიერად შედგენილი სახელმძღვანელოც არ არის. ისტორიული თხზულებაწი ზოგი დაძველდა და ზოგი თავის სიდიდით და სიძვირით მკითხველთათვის მიუწდომელი შეიქნა. ყველასათვის ცხადია, რომ ჩვენს დროში დიდი მოთხოვნილებაა იმ ნაირ ისტორიულ წიგნსა, რომ-

¹⁾ Bull. hist. phil. t. XIII, col. 79 და t. XV col. 349.

III

მელიც საფუძვლიანად, თან შემოკლებით და ხელოვნებით იყოს შედგენილი, ისტორიულ მასალებზე იყოს დამყარებული და თანაც ჩვენს წარსულ ცხოვრებას წესიერად შემუშვებულს, გვისატავდეს. ამას გრძნობენ როგორც მოსწავლენი, აგრეთვე მრავალი სხვა პირები, რომელთაც სურთ შეავსონ თავისი ცოდნა და ხელად ჰქონდესთ ისტორიული ცნობების შესასწორებლად სარწმუნო წყარო. ამ ნაკლულევეანების შესავსებლად ჩვენ ვიკისრეთ ბროსეს ისტორიის გადათარგმნა. მართალია, ავტორს არა აქვს ის შემოქმედებითი ძალა და ხელოვნება, რომელიც, მაკოლეის სიტყვით, ისტორიკოსის უმთავრესს ნიჭის ხარისხს შეადგენს, მაგრამ მკითხველი ჰპოებს ნაამბობს ნამდვილ ფაქტებზე დამყარებულს (კურნოს სიტყვით — ისტორია ფაქტების მეცნიერებაა), ფაქტების ფრთხილს გამოკრებას და მკაფიო და სწორს მოთხრობას, რომელიც სრულიად მოკლებულია გადაჭარბებულ მაღალფრასოვანობას, ასე გავრცელებულს ისტორიულ თხზულებებში. ხანდისხან ავტორი, თითქო მემატიანე იყოს, ისე წელიწადებით ჩამოსთვლის ფაქტებს. ამ შემთხვევაში იმის გასამართლებლად ტენის აზრი მოგვყავს: „ქრონიკა სრულებით შესაფერია იქ, სადაც ჯერხანად ისტორია უდროო არის“. ჩვენის ისტორიის პირველ ხანაში, ესრედ წოდებულ გმირულში, შეგვხვდება ხოლმე მოგონილი ამბავი, მაგრამ ამასაც თავისი საფუძვლიანი ახსნა აქვს. ამის შესახებ სამართლიანად ამბობს ლ. რანკე, გერმანიაში ისტორიის ახალი სკოლის დამფუძნებელი: „თვით მოგონილ ამბავში არის თავისი სიმართლე, რამდენათაც ის წარმოადგენს უძველესს ზეპირ გადმოცემას (ტრადიციას). არის პერიოდები, სადაც ზეპირგადმოცემა და ისტორია განუყოფელად ერთმანეთში გარდაკვანძულია“. მეორე გამოჩენილი ისტორიკოსი მაკოლეი სწერს: „შეთხზული ამბავი ისე ჰგავს ფაქტს და ფაქტი — შეთხზულ ამბავს, რომ ზოგიერთს ძლიერ შესანიშნავს დაწვლილებას ვერც ვერწმუნებით და ვერც უარყოფთ, და ამისგამო ვრჩებით უსიამოვნო და დაუსრულებელს გამოურკვევლობაში. ვიცით, რომ აქ უნ-

და იყოს სიმართლე, მაგრამ არ შეგვიძლია ნამდვილად განვარკვიოთ, სად არის ის“. შევნიშნავთ მხოლოდ, რომ ავტორს ღრმად ჰქონდა შესწავლული ჩვენი ისტორიის ყველა წყაროები, რომელიც კი იმის დროს მოიპოვებოდა და რომ ამ შესწავლას მან თითქმის 60 წელი თავის სიცოცხლისა შესწირა.

ჩვენ არ უნდა დავივიწყოთ, რომ ჯერ.ხნობით კიდევ აღმოსავლეთის ისტორიის შესწავლის დასაწყისში, იმის „პირველ ფურცლებზე“ ვიმყოფებით, რომ აღმოსავლეთის შესწავლა შედარებით ახალი მეცნიერებაა, რომელიც ჯერ კიდევ მაგარ ნიადაგზე არ არის დამყარებული, — რომ თვით ეგვიპტის, ძველ სპარსეთის, ასსურეთის, ბაბილონის, ინდოეთის და ჩინეთის ისტორიას სრულიად ახალი ელფერი მოეფინა მას შემდეგ, როდესაც შეუდგენ იმის შესწავლას ადგილობრივ წყაროების საშუალებით, — რომ გამოჩენილმა ორიენტალისტმა რენანმა სიკვდილის წინეთ შემდეგის სიტყვით მიმართა თავის მსმენელებს: „თქვენ ბედნიერნი ხართ მით, რომ მოესწრებით ასსურეთის და ბაბილონის აგურების წიგნთ-საცავის წაკითხვას, რომელიც სრულიად შესცვლის ამ ქვეყნების ისტორიაზე გავრცელებულ შეხედულობას“. — თუ ეს ითქმის აღმოსავლეთის ისტორიის შესწავლის შესახებ, რომელსაც ეს ერთი საუკუნე მეტია შეუდგენ, რას უნდა გვაძლევდეს ამ უამად საქართველოს ისტორია, რომლის შესწავლა დიდი ხანი არ არის, რაც დაიწყეს. სამართლიანად ამბობს პროფ. ცაგარელი: „ამ საუკუნოს დამდეგს ფიქრობდენ, რომ ქართულს მწერლობაში დაბადების, საეკლესიო და საღვთისმეტყველო წიგნების გარდა, მოიპოვება მხოლოდ ისტორიული კრებული „ქართლის ცხოვრება“ და რამდენიმე ხელნაწერი. ხოლო ჯერ მე-30 წლ. ბროსემ უკვე შეადგინა ქართულ ლიტერატურის ნაშთების სია, რომელშიაც ას თხზულებაზე მეტი იყო მოხსენებული, და 1838 წ. მანვე დაბეჭდა 300 მეტის ნაშთების კატალოგი; ხოლო ამ სწავლულის სიცოცხლის დამღევს,

მე-80 წლ., აღმოჩენილი და თითქმის სიითაც აღნუსხული იყო არა ნაკლებ 2000 ნაშთისა; ამ უკანასკნელ 12—14 წ. კიდევ 2000-ზე მეტი ნაშთი აღმოჩნდა. ამ ნაირად ჩვენ გვაქვს დღეს პატივსადები რიცხვი ქართულის ლიტერატურის ნაშთებისა, ვარაუდით ხუთი ათას ეკვემპლიარამდე. ამ რიცხვიდან აქამომდე სრულიად დაბეჭდილია მხოლოდ 30 ავტორამდე და 10-დე გადათარგმნილია ევროპიულ ენებზე, ხოლო დანარჩენებისათვის ჯერ ხეირიანი და ვრცელი კატალოგიც არ არის შედგენილი. ამას გარდა აქამომდე ცნობილია სამი ათასამდე ეპიგრაფიული ნაშთი (VII საუკუნოიდან) და აღმოჩენილია დიდ ძალად იმათი რიცხვი ჯერ კიდევ გარდმოუღებელი და წაუკითხავი. ამ მოკლე აღნუსხვიდან სჩანს, რომ ამ საუკუნის დასაწყისიდან ჩვენი ცნობანი ქართულ მწერლობის შესახებ თანდათან ვრცელდება და არავითარი საფუძველი არა გვაქვს ვიფიქროთ, რომ თვით ახლო მომავალში ამ ნაშთების რიცხვმა არ მოიმატოს,—პირიქით, ყოველივე გვარწმუნებს, რომ ეს ასე უნდა მოხდეს*.

ძნელად გასაგებ ადგილებს და ნაკლებად ცნობილ გეოგრაფიულ სახელებს მთარგმნელი თავთავის დროს შენიშვნებში ხსნის. ის აგრეთვე უჩვენებს ავტორის შემდეგ აღმოჩენილს ახალ წყაროებს. ყველა შენიშვნები მთარგმნელს ეკუთვნის. მასვე ეკუთვნის გენეალოგია მეფეთა ხრონოლოგიის ჩვენებით, რომელიც მან ბროსეს და ვახუშტის გამოკვლევაზე დაამყარა. პირუთნეველ კრიტიკის ყველა შენიშვნას მთარგმნელი მაღლობით მიიღებს.

საქართველოს ისტორიის მეორე ნაწილის თარგმანს—რომელიც ჩვენს ისტორიას სამეფოებად და სამთავროებად გაყოფიდან 1744 წ.-დე შეიცავს,—მთარგმნელი უკვე შეუდგა და იმედი აქვს ამ მოკლე ხანში იგიც დაამთავროს და თან ძველის საქართველოს კარტაც დაამზადოს.

წინა-სიტყვაობა ავტორისა.

ჩვენ გვაქვს ერთად ერთი წყარო, საიდანაც შეგვიძლია ამოვკრიბოთ ნამდვილი ცნობა ქველის იუკრაინის შესახებ; ეს არის „ქართლის ცხოვრება“, რომელიც ჩვენ აქ გვსურს მოკლედ განვიხილოთ. ეთნოგრაფიული მხრით რომ გავსინჯოთ ეს მატრიანე, ის ხშირად არ ეთანხმება დაბადების თქმულებას უთუოდ იმიტომ, რომ, როდესაც ზეპირ-გარდმოცემა ქართულთ ერისა დაწერილ იქნა, ის უმეცრების გამო უკვე დამახინჯებული იყო. ის მცირე და შემოკლებული საისტორიო ცნობა პოლიტიკური ცხოვრებისა აღუქსანდრე დიდის დრომდე, რომელიც მოიპოვება მატრიანეში, არაფრად არ ეწინააღმდეგება მოსაზღვრე ერთა — სპანსეგლების და სომხების — თქმულებათა. ბერძენების შემოსევის შემდეგ გაქრისტიანებამდე „ქართლის ცხოვრება“ ყველგან სრულს ცნობას ვერ იძლევა, მაგრამ, თუ გამოვიკვლევთ მას და შევუთანასწორობთ რომის და ბერძენების ისტორიულ თქმულებათ, საზოგადოდ, სარწმუნო გამოდის; ხოლო, თუ შევადარებთ მას ასიის ისტორიულ სინხრონიზმებს, ჩვენ ამ გვარადვე დავრწმუნდებით მის უმთავრეს თქმულებათა სინამდვილეში. — მეოთხე საუკუნიდამ მეთორმეტემდი იწყება მოთხრობები მაჩიას და გუგასაღას მეფეებზე, იმპერატორის ირაკლის შემოსევაზე, იმ მეფეებზე, რომელთაც მისვლა-მოსვლა მქონდათ ბიზანტიის იმპერატორებთან და მსჯილდისი დამპყრობლებთან და თვით მეჯვაროსნებთან, თამაწყ და რუსუდანი და სხ. ამ მოთხრობებში იგივე ნაკლულებანება და თან სინამდვილე იხატება როგორც საერთოდ, ისე კერძოდ მრავალ წერილმან თქმულებაში.

ჩვენ არაფერი არ ვიცით იმის თაობაზე, თუ ვინ შეკრიბა თავდაპირველად ერის ზეპირ-გარდმოცემა და ან რა დროს ცხოვრებდა მემატიანე; ვიცით მხოლოდ, რომ საზოგადო. ქართული მატიანე მერვე საუკუნის დასაწყისამდე მოკლედ იყო დაწერილი ვილაც ჟაკანსკი-ჯაკანსკის მიერ, ხოლო განკერძოებით მიჩინის და გუგუასის, ზაკრატ III და IV, აგრეთვე დაკით აღმაშენებლის ისტორიის თანამედროვე ნაწერის ბეჭედი ატყვია ¹⁾).

¹⁾ ავტორმა დასწერა ეს საქართველოს ისტორიის მიმოხილვა 1855 წელს, როდესაც ჩვენი ისტორიის მასალები ძალიან წაკლებად შემუშავებულნი და გარკვეული იყვნენ. მას შემდეგ ჩვენი ისტორიის მკვლევარნი უფრო გულდადებით შეუდგნენ ამ მასალების ძიებას და შესწავლას. ჩვენ საჭიროდ დაინახეთ მოვიყვანოთ აქ ჩვენი ძველ ნაშთების მკვლევარების და არხეოლოგების დიმი. ბაკრაძის ბ. ბ. ექ. თაყაიშვილის და თ. ქორდანიას და ა. ხახანაშვილის დასკვნანი შესახებ „ქართლის ცხოვრების“ პირველ წყაროებისა.

დიმი. ბაკრაძე იმაზრისა იყო, რომ „ქართლის ცხოვრება“ შეადგენდა სხვა და სხვა ვრცელთა კერძო ხრონიკთაგან შემოკლებით გამოწარმულს საზოგადო საკითხავ წიგნსა. სირიულ მამათა და სხვა წმინდათა ცხოვრების ავტორები ვიცით ვინ არიან, ამას ვერ ვიტყვიტ საზოგადოდ საერო კერძო ხრონიკებზე, რადგანაც იმათ არ მოუღწევიათ ჩვენამდე, ან ჯერ არ არიან იგინი აღმოჩენილნი. — სუ მ ბ ა თ ი ს ხრონიკა მთლად ცალკეა შეტანილი მარჩამ დედოფლის „ქართლის ცხოვრების“ ტექსტში; დაბეჭდილ „ქ. ცხ-ბაში“ „და სხვა დედნებში კი დაგლეჯილია და აქა იქ დაფანტული. — „მოქცევა ქართლისა“ იოანე ბერაის ხელით ჩვენ მიგვანია შესამჩნევ წყაროდ“. სპ. ისტ. გვ. 54, 55 და 57.

ბ. ექ. თაყაიშვილი სწერს: „თუ ბროსსეს არ შეეძლო თქმა, რა ეკუთვნოდა ვახტანგს ქართლის ცხოვრებაში, ჩვენ, მარჩამ დედოფლის ვარიანტის განხილვით, თითებზე შეგვიძლია ჩემოვთვალათ ის, რაც ვახტანგს „ქ. ცხ-ბაში“ შეუტანია.

თუმცა ბ. თ. ქორდანიას ბ. თაყაიშვილს ამ დასკვნას ტრიახობად სთვლის, თითონ ვი დაბეჯითებით გვარწმუნებს, რომ ქართლის ცხოვრება თამარ მეფის სიყვდილამდე შესდგება ცხრა სხვა და სხვა კერძო მატიანეთაგან.

აგრეთვე დამტკიცებულია ის, რომ ქართული მატიაწე მეთორმეტე საუკუნემდე არსებობდა იმავე სახით, როგორც ესაა ვხედავთ სომხების მეისტორიენი მეთოთხმეტე და შემდეგ საუკუნოებისა ხშირად ხმარობენ ამ მატიაწეს, რომელიც არა უგვიანეს 1311 წ. უკვე სომხურ ენაზე შემოკლებულად გადათარგმნილი იყო.

ბ. ჟორდანიას სწერს, რომ „ქეშმარიტი ყოფილა ვახუშტის ცნობა შესახებ იმისა, რომ გიორგი ბრწყინვალემდე ქართლის ცხოვრება დაწერილი იყო, ხოლო გიორგი ბრწყინვალის დამუხატვანგ მეფის ბრძანებით შეადგინესო ქ. ცხ—ება სხვა და სხვა წყაროებითა. პირველი ნაწილი ქ. ცხ—ბისა ალექსანდრე მაკედონელის შემოსევამდე ამოღებულია ნებროთიანისაგან, რომელიც არის უუძველესი მატიაწე როგორც ქართველთა, ისე სომეხთა და სპარსთა.—ნებროთიანი დამცნობები მერმე უნდა შეეტანათ; უუძველეს ქ. ცხ—ბაში, რომ ეს ცნობები არ ყოფილა შეტანილი, ამისი დამსახურებელი არის ქრონიკა „ქართლის მოქცევისა,“ რომელშიაც ეს ცნობები არ იპოვება.—ალექსანდრე მაკედონელი დამ დაიწყო წამდელი ისტორია საქართველოისა, ხოლო აქამდის ჩვენს მატიაწეს მითოლოგიური სახე აქვს, ხოლო მითოლოგიური ნაწილი ყველა ერთა ისტორიაში მერმე შეტანილი და, რასაკვირველია, ჩვენს მატიაწეშიაც მერმე იქნება ჩაწერილი მოხსენებულ წყაროდან (ნებროთიანისაგან).—მეორე წყარო ანუ მატიაწე, რომლისაგან შეუდგენიათ ქ. ცხ—ება, არის ისტორია ალექსანდრე მაკედონელის შემოსევისა, აზონ და ფარნავაზის მეფეთა.—ამას იქით, სხანს, მერმე გაუგრძლებიან სხვა ქრონიკებით. აქაც თითო-ორი ცნობები მერმე შემოეტანიათ ბერძენთა ანუ სპარსთა ისტორიიდან და საეკლესიო მატიაწედამ.—მესამე მატიაწე ანუ წყარო ქ. ცხ—ბისა არის ცხოვრება მირიანისა და „ქართლის მოქცევა“—„შემდეგის შეუმსიათ „სომეხთა მოქცევისაგან“ (აგათანგელისა). რაოდენიმე ცნობები ამ მატიაწეში შემდეგვე შემოეტანიათ ბერძენთა და სპარსთა ისტორიიდან.—ქ. ცხ—ბაში შეუტანიათ ვრცელი მოთხრობა წ—დანინოს ცხოვრებისა ჯერ თვით მატიაწით და შემდეგ მეტაფრასით.—მეოთხე წყარო ანუ კერძო მატიაწე, რომელიც მთლად შეუტანიათ ქ. ცხ—ბაში, არის „ცხოვრება ვახტანგ გორგასლისა“ და რაოდენიმე ცნობა ამოღებულია ქართლის მოქცევის ქრონიკიდან.—მეხუთე წყარო ქ. ცხ—ბისა არის ჯუ-

თუ მივიღებთ ყველა ზემოხსენებულ საბუთებს მხედველობაში, ჩვენ სამართლიანად და საისტორიო კრიტიკის წესის თანახმად ვბრუნდებით, რომ იეკრეკლთ თქმულებანი თავის ქვეყანაზე ქვეშარიტად მივიღოთ, ნამეტურ მაშინ, როცა გარეშე მოწმობა არა იბრუნება რა; წინააღმდეგ შემთხვევაში ჩვენ შევითანასწორებთ „ქართლის ცხოვრების“ თქმულებას უცხო ტომთ ნაამბობთან და მივიღებთ მხოლოდ მას, რაც არ იქნება წინააღმდეგის სხვა მეისტორიებისა, უკვე ცნობილთა. დასასრულ — ქართულ მატრიანების ნაკლს შევკრებთ მოსაზღვრე აზიელების და აგრეთვე, შეძლებისაგვარად, დასავლეთის ერთა ისტორიულ წყაროებიდან.

მს საქართველოს ისტორიის მიმოხილვა შედგენილია თანახმად ამა წესისა. უმთავრესი მისი მასალა გამოკრებილია ქართველების თქმულებიდან და გარკვეული და შევსებული ზოგიერთ უცხო ტომთ მწერალთაგან.

იმ ქვეყანას, რომლის ისტორიის მიმოხილვას მე ვწერ, სამი უმთავრესი სახელი ეწოდებოდა: ერთი ეროვნულია, გა-

ან შერის ისტორია—რადგან 200 წლის მატრიანეს ჯუან შერ თითონვერ აღწერდა, ამის გამო ეკვიც არ უნდა ვიქონიოთ იმაზე, რომ ჯუან-შერს კერძო ისტორიული წყაროთაგან შეუდგენია თვისი მატრიანეს ტანგი დამარხილის მეფობამდი.—შემდეგს მატრიანეს მართლა იტყობა იმისი კვალი, რომ იგი დაწერილია სხვა და სხვა დროს თვით—მხილველისაგან და თანამედროესაგან. თვით მემატრიანე უნდა იყოს კახელი. მეშვიდე მემატრიანე, რომელსაც გაუგრძელდება ქ. ცხ-ბა, არის ბაგრატ IV ცხოვრების აღმწერელი, ამ მემატრიანეს უსარგებლდება სუმბატის ქრონიკით.—მერვე მატრიანე, რომელიც შეუტანიათ ქ. ცხ-ბაში, არის დავით აღმაშენებელის მემატრიანე, თვით მხილველი, სამღვდელო პირი, და უნდა იყოს იოანე ანუ სვიმონ ჭყონდიდელი და ანუ არსენი იყალთოელი. მეცხრე ვრცელი მატრიანე, რომლისაგან შესდგება შემდეგი ნაწილი, ქ. ცხოვრებისა, არის თამარ მეფის მატრიანე, დაწერილი თანამედროვისაგან ანტონ ჭყონდიდელისაგან. ქრონიკები თ. უორდანიასი. წინასიტყვაობა.

ა. ხახანაშვილი ამბობს, რომ „ზემოხსენებულნი წყაროები (საქართველოს ისტორიისა) და ახლად აღმოჩენილნი გვიმტკიცებენ, რომ ქართ. ცხ-ება არა თუ რყენიდა ისტორიულ ნაშთებს, არამედ აკავშირებდა მათ ასე თუ ისე ხელოვნურად. ამის გამო ქართულმა მატრიანემ სწავლულთ განხილვაში უფრო სხვა მნიშვნელობა უნდა იქონიოს და უფრო სამართლიანი დაფასება უნდა გამოიწვიოს მათის მხრით“. *Источники по введению*

რეშე ქვეყნებში სრულიად უცნობი, ქართლი, — რომლის მცხოვრებელნი ქართველებად იწოდებოდენ, საილამაც წარმოსდგა საქართველო, იგივეა რაც ქართლი; მეორე სომხური — გირქ¹⁾ ვრატან, რომლის მკვიდრნი გრატებად იწოდებოდენ. აქედამ წარმოსდგა ბერძნული იგერია, ლათინური იბერია, იგერიკლანი; მესამე სახელი იყო სპარსულად გურჯისტან, არაბულად გურჯან, რომლის მკვიდრნი იწოდებოდენ გურჯებად და გურჯებად. აქედამ წარმოსდგა რუსული გურჯი, გურჯი, გურჯისა და ფრანგული გურჯი. ამ ქართველთა ქვეყნის საზოგადო სახელებს უნდა მივუმატოთ სხვა და სხვა ამის ნაწილების კერძო სახელები, როგორადაც: 1) ქართლი²⁾ შუა ნაწილი საქართველოსა, 1469 წ. საქართველოს გაყოფის შემდეგ — რუსულად კარტაღანად და კარტაღინებად წოდებულნი, 2) გასეთი, რუსულ-

христианства въ Грузіи въ 1 т. В вып. Древн. вост. Моск. археол. общ. за 1898 г. Составъ и источники начальной груз. исторіи. Журн. миш. нар. пр.

¹⁾ ბროსეს აზრით გირქ მრავლობ. რიცხვია სიტყვისა ვირ და წარმოსდგება სომხური ლექსილამ ვერ, ი-ვერა — ზემოთ, ზევით. იხ. ავტორის Introduction 1 ნაწ. გვ. IV. შეადარე უცნაური ეტიმოლოგია შოპენისა, რომელსაც ირი, აირი — დამ გამოყავს „ვირ“ და აქედამ ლათინური vir — მამა — კაცი. Нов. зам. по древн. истор. Кавказа и его обитателей И. Шопена გვ. 204 და სხ.

²⁾ შოპენს თავის აზრებული ეტიმოლოგიით ქართლი გამოჰყავს „ლექსილამ კარ — ილამ, რაც ნიშნავს ქალღიურად რქიან საქონელს და დაცულია ზედის კარელიაში; ის დაცულია აგრეთვე ადგილობრივ (ე. ი. ქართლში) ფორმაში ხარი; ეს ის ხარები და კარები არიან, რომელნიც მტკვრის და იმის შენაკადების პირად დაზინავდენ და შეადგინეს ვრი, რომელმაც განდევნა ყველა თავისი მესობლები და, დროს გამოშვებრთ, ბატონობდენ და იწოდებოდენ ქართველებად.“ გვ. 211 და შემდ. ქართლი და კელტი — ამ ორ ლექსთ ერთი და იგივე მნიშვნელობა აქვს; იქნება ეს სახელები მათ დაერქვათ იმიტომ, რომ ქართველნი ცხოვრობდენ, მაშინ როდესაც მათი მესობლები უბინაოდ დეხეტებობდენ. და შორებულ აზრის მცხოვრებნი ქართა სახლს, სადგურს უწოდებენ.... კიდევ უფრო ზევით ჩრდილოეთში „კორ“ ნიშნავს შინაურ ირემს, აქედამ — კორიაკის ვრი. ბრახმანებში (ინდოეთში) კარა — სპილოს ჰქვიან; პენიკური (აფრიკაში) კარტაგენა ნიშნავს დედა-ქალაქს საბინადრო ცენტრს, რაც

ლად კასკეტია, კასკეტინცი, 3) იმერეთი, რუსულად იმერეტია, იმერეტინცი; 4) ეგრისი, ქენგრელა, მეგრელა, რუსულად მენგრელცი (სამეგრელო ყოველთვის შეკარშირებული იყო ქართველერთან). აქვე უნდა მოვიხსენიოთ 5) გურია და 6) მესსეთი ანუ სამცხე, შემდეგში საათაბაგო, აწინდელი სალციხის მახრა, რომლის თითქმის ყველა ნაწილი რუსთ მეფეების სკიპტრას ქვეშ იმყოფება.

მკითხველი აქედამ დაინახავს, თუ რა მიზეზისა გამოძველ დროის ისტორიაში მე ნიადაგ და თითქმის მარტო ქართულ საერო სახელ-წოდებას ვხმარობ და აქა იქ სომხურსაც, — რუსულ სახელებს კი-იშვიათად, გარემოების შეხედვისა გვარად, რის გამო ნაამბობს უფრო ადვილ გასაგებად ვხდი ¹⁾).

მიეტყუებოდა ვახუშტის, რომელსაც ამგვარადვე ივერია. ლექსი დამ „ვერიე“ (მოვერიე) გამოჰყავდა და ბატონიშვ. დავითს, რომელმაც კოლხი და ქალი — ხი და დ მიიღო, ის აღარ მიეტყუება შოპენს და ზოგიერთ ჩვენ თანამედროე ფილოლოგიის უცნაურ მკვლევართ, როდესაც შედარებითი ფილოლოგია სამეცნიერო წესზე დამყარებულია. წარჩინებული ენათა მეცნიერი ბიურნუფი სამართლიანად სწერს: „ამ გვარ მკვლევარ კაცმა უნდა შეუდგეს სიფრთხილით და შეადაროს ურთიერთს მხოლოდ ის ფორმები, რომელთ ჰეშმარიტი ბუნება ორისავე მხრით ნათლად არის გამოკვლეული. ჯერ კიდევ ბევრს არ სწამთ შედარებითი ფილოლოგია და, თუ ამ მეცნიერების მკვლევარნი სასტიკ სიფრთხილეს არ გამოიჩინენ სხვა და სხვა შედარების და დასკვნის დროს, მაშინ ხსენებულ ურწმუნობას ფილოლოგიისადმი საფუძველი მიეცემა“.

¹⁾ ავტორის აზრი ფრიად მოსაწონად მიგვაჩნია ისტორიულ და გეოგრაფიულ აღწერაში. შემდეგში, როდესაც ზეპირგარდმოცემა თან და თანოიკარგება ერთი, ეს შეცვლილი და ახლად გამოგონილი სახელები ბევრს ეჭვს დაბადებენ და დაბნევენ მკვლევართ და მკითხველებს. აი, რას სწერს სამართლიანად ამის შესახებ ანდრიევსკი, კარგად ცნობილი ჩვენში თ. ვაროცოვის დროს: „მიუხედავად ამისა საშორებლად და არეც — დარევის მოსასპობლად, რომელიც მომავალში ადგილების გამოკვლევაში ასე ადვილად შეიძლება მოხდეს, მე ვფიქრობ, რომ არამცთუ სასურველი,

საქართველოს ისტორია 1469 წლამდე.

ქართველები ძველი ზეპირგარდმოცემით თავის მამამთავრად ქაბთლოსს, თარგამოსის შვილს, ნოქს შვილის შვილს იაფეეტის შთამომავლობიდან აღიარებენ ¹⁾. ბაზილონის ენების შერევის შემდეგ 3317 წ. დასაბამიდან სოფლისა 2191 წ. ქა. შ. წინეთ ქაბთლოსმა ²⁾ დასტევა სომხეთში თავისი ძმა ჭასია, სომეხთ წინაპარი, გარდავიდა ჩრდილოეთში და დაემკვიდრა თავის მამის, თარგამოსის მიერ მიცემულ მხარეში, რომელიც მდებარეობდა მდ. ივრის, ბამბაკის მთის, შაჟი ზღვის, ღისის და კაკკასიის მთების შუა ³⁾. იმავე დროს ორი მისი ძმა

არამედ მრავალთა მიზეზთა გამო ძლიერ სასარგებლოც იყოს ძველი სახელები აღვადგინოთ. მას, სხვათა შორის, შემდეგი მაგალითი მოჰყავს: „იმ მცირე მდინარისაგან, — რომელიც აბანოს უღლის, — ხეობას და თვით აბანოს ახლაც ოცხის აბანოს უწოდებენ. ხოლო რუსებმა ამის მიუხედავად მთელს ხეობას მიათვისეს სხვა სახელი, რომელიც მას წინეთ არაოდეს არ ერქვა და რომელიც მათ სოფ. აბასტუმნიდამ შემოიღეს. Главнѣйшія изъ Карталинскихъ минеральныхъ водъ. Э. Андриевскаго 1852 г.

¹⁾ დაბადების თქმით თოგორმა, თორგუმაზ (იგივე თარგამოს) იყო ძემეარისა იაფეეტის ძისა. (დაბ. თ. 10).

²⁾ რუმინანცევის მუზ. ქ. ცხ-ბით პირველ ძმას ერქვა ქართლოს, მეორეს ჭასია. ქართლოს იყო ყოველთა ზედა უზუცეს და უმთავრეს და ესრეთა პატივსა სცემდენ ყოველნი ძმანი მისნი, ვითარცა მფლობელსა თვისსა.

³⁾ ბატონიშვილი თეიმურაზი უჩვენებს ქართლოსის წილს შემდეგ საზღვრებში: აღმ. ზღვა გურგენისა, დასავლ. ზღვა პონტოსისა, სამხრ. მთა დაწყებული პონტოსის ზღვის მახლობელ

დაესახლენ: ჰერმოსი იოს და ჯღაჯანს შუა, კერძო — რიონის ხეობაში და შავი ზღვის ჩრდილო-აღმოსავლეთ ნაპირზე. ამ უკანასკნელთაგან წარმოსდგენ ჰერმოსები, რომელნიც დაემკვიდრენ ეხლანდელ სიღსადის მაზრაში, და მეგრელები — სამეგრელოს და სამურზაყანოს მკვიდრნი. ამ გვარად სამი ძმის სამფლობელო შეიცავდა მტკვრის მთელს ხეობას სათავიდან ალაზნის შესართავამდე, აგრეთვე რიონის მთელს ხეობას ზოგიერ მთიულ მდინარეებით, რომელნიც ჩრდილოეთით შავს ზღვას ერთვიან და ამასთანავე — ჩრდილოეთ ნაწილს მდ. ჭოჭოსის ხეობისას, — სადაც ეხლაც ქართულს ენას ხმარობენ. მაგრამ ადვილად შესაძლებელია, რომ იმ ჩვენგან დაშორებულ დროს თანაგამოსის ოჯახი ერთ საზოგადო ენას — საგონებელია — სომხურს ხმარობდა ¹⁾).

მრის ზეპირგარდმოცემით ამ დროს მხოლოდ ერთი დიდი შემთხვევა მოხდა ივერთში. — ეს იყო ბრძოლა ნებროთთან, სპარსეთის პირველ მფლობელთან (რომელსაც მთელი

ტრაპიზონისა და მუნით წამოსული განულის საშუალ არზრუმისა და ბასსიანისა და ყოველი საზღვარი სამცხე-საათაბაგოისა ვიდრე დიდის სომხეთის საზღვრამდე, მთამდე მასისისა და მთითა საშუალ ერივნისა და საქართველოისა, რომელნიც მიიწვიან ვიდრე მდ. არეზისა. ჩრდილოეთად საზღვრამდე რუსეთისა და მცირე თათართა. საქართვე. ისტორია გვ. 27.

¹⁾ ავტორი ამ დასკვნას ამყარებს მის მიერ გამოცემულ „ქართლის-ცხოვრებაზე“, ხოლო რუმინანცოვის მუზეუმის ქართლის ცხოვრებაში და ზოგიერთ სხვა დედნებში, აი, რას გარდმოგვეცემენ; „აქამომდე ქართლოსიანთა ენა იყო მხოლოდ ქართული, რომელსაც ზრახვიდენ; ხოლო ოდეს შემოკრბეს ესე ურიცხენი ნათესაენი ქართლსა შინა, მაშინ ქართველთაც გარყვნეს ენა თვისი და ამით ყოველთა ნათესავთაგან შეიქმნა ენა მორთული. დიმიტრაძის ისტ. საქართვე. 1889 გვ. 63. შენიშვნა.

დასავლეთ აზიის დაპყრობა სურდა). თარგამოსის თემებმა.¹⁾ ჰაოსის წინამძღოლობით შეერთებულებმა, მოჰკლეს ეს ამაყი ხელმწიფე და გაფანტეს იმის ჯარი 3388 წ. დასაბამიდან სოფლისა, 2120 წ. ქრ. შობამდი.

ამის შემდეგ ქართლოსი წავიდა თავის სამფლობელოში და დაიწყო ციხის შენება მთაზე, რომელიც მტკვრის სამხრეთ ნაპირზე მდებარეობს იქ, სადაც არაგვი შეერთვის მას. ამ მთას ქართლოსის აქ მყოფობისა გამო დაერქვა სახელად ქართლოსის მთა, სადაც შემდეგ იყო აწმასი: ხოლო იქ ახლო მომდინარე ღელეს უწოდეს ქართლოსი-სკვი ე. ი. ქართლის მდინარე. იმ მხარეს კი, სადაც ქართლოსის შვილები დამყარდნ, დაერქვა ქართლი, საქართველო და თვით ერს—ქართველა.

ქართლოსმა აგრეთვე ააგო ორბის-ცისე,²⁾ ახლანდელი სამშვილდე და მტკვრის-ცისე, შემდეგში წოდებული სუნასად და უის-ყაღად იქ, სადაც ხრამი ერთვის მტკვარს³⁾. ქართლოსი დამარხეს ქართლის მთაზე, ხოლო იმის რომელს მხარეზე, ჯერ

1) რუმინაცოვის მუხეუმის ქართლის ცხოვრებით: „... განუყო თარგამოს ქვეყანა და ნათესავი თვისი რვათა მათ გმირთა; ხოლო ქართლოსს მისცა უფლება ექვსთა ძმათ ზედა და ჰაოს მეფობდა თავისსა ნაწილსა და ემონავებოდა და აძლედა ხარჯსა მეფესა ასურასტანისასა... და ჰაოს ევედრა ქართლოსსა და სხვათა ძმათა თვისთა, რათა შეეწივნეს მას განთავისუფლებად თვისის ნაწილისა ასურასტანის მოხარკეობისაგან... ხოლო ნებროთ ახდა ერთსა გორსა ზედა ზრახვად ჰაოსისა და ეტყოდა დამორჩილებასავე მისსა... ხოლო ჰაოს რა მიეახლა ნებროთს ღალატით სტყორცნა ისარი და მოკლა ნებროთ“. შეადარე ეს ნათქვამი ბატონი-შვილის თეიმურაზის ისტორიას გვ. 27: „პირველ ნათესავთ-მთავარი ყოველთა ნათესაობათა თვსთა ზედა იყო ქართლო (ესე იგი ქართლოს), მფლობელი ძმათა, ძეთა და ერთა მათთა ზედა და შთამომავლობითა რომლისათვის ქართლოს იწოდებოდა ნათესავთ-მთავართა მთავრად“.

2) ციხე ორბითისა, იგივე ორბეთი არს. ბატონიშვ. თეიმურაზი.

3) მდაბიონნი რუსთავისა ნაგებებს უწოდებენ; აწ დარღვეულ არს იგი. idem.

გამოკვლეული არ არის; იმის სიკვდილის შემდეგ მისმა მეუღლემ ორი ციხე ააგო: „დედა-ციხე“ კახეთში და რიშა, რუსთავი ანუ ბოსტან-ქაღაჩი მტკვრის მარცხენა ნაპირზე მტკვრის-ციხის მახლობლად. ქართლოსის შვილები გაჩივს, კუხლს და კასლს დაესახლენ იმ მხარეებში, რომელთაც აქამომდე უწოდებენ გაჩივს, კუხეთს და კასეთს; ხოლო მათში უფროსმა, მცხეთოსმა ააშენა მცხეთის ციხე იქ, სადაც არაგვი შეერთვის მტკვარს, არმაზის მთის პირ-და-პირ და საილამაც საკუთარი იმის სამფლობელო იწყებოდა არაგვის მარჯვენა ნაპირიდან და იმ მხრიდან, სადაც ახლა ქ. ტფილისი არის სპეჩის ანუ შაჟი ზღვის პირამდი.

მცხეთოსს სამი შვილი ჰყავდა: ოძრასოს, რომელმაც სიმაგრენი ოძრსე ¹⁾ და თუხარისი ააგო მთიან და კლდოვან მხარეში ტასის-კარის ²⁾, ეხლანდელ ბორჯომის ხეობისა და შავი ზღვის შუა; ჯავასოს, წუნდის და არტაანის დამაარსებელი — მტკვრის სათავეს ხეობაში; უფლას, უფლის-ციხის, უჩბნისისა და კასპისა დამფუძნებელი, რომლის საკუთარი სამფლობელო არაგვიდან და არმაზიდან დაწყებული ტასის-კარამდი იყო. მცხეთოსი და იმის საკუთარი შთამომავლობა ითვლებოდა ქართლოსის ნათესავთა მიერ უმთავრეს მამასახლისად ანუ პატრიარქად მთელის ქართლისა.

თუმცა ხშირად ასტყდებოდა დავა და ცილობა მცხეთოსის სხვა და სხვა შთამომავალ გვართა შუა, ისინი მაინც ყოველთვის გარეშე მტრის წინააღმდეგ მცხეთის მამასახლისის წინამძღოლობით შეერთდებოდნენ ხოლმე, და ნადავ ფიცულობდნენ საერთო თავიანთ ნათესავთ-მთავარს, ქართლოსის საფლავს. გარნა შემდეგში მათ დაივიწყეს ერთ არსი ღმერთი და თაყვანს სცემდნენ მზეს, მთვარეს და შვიდ ვარსკვლავს.

რასაკვირველია, ერის ამ ზეპირ-გარდმოცემას ჩვენ ვე-

¹⁾ ეხლანდელი ოცხე (ოძრხზე ანუ აბასტუმანი).

²⁾ ეხლანდელი ტაშის-კარი.

რაფრით ვერ დავამტკიცებთ, მაგრამ ჩვენ დიდს სიმკაცრეს გამოვიჩინოთ, თუ უარვყავით ზოგიერთ იმის ნაამბობთ სინამდვილე, მით უმეტესს, რომ ის არ ეწინააღმდეგება უკვე ცნობილთა და დამტკიცებულთ ფაქტებსა.

ქართლოსის მოდგმის დამკვიდრების შემდეგ ალექსანდრე მაკედონელის კავკასიაში შემოსვლამდე ათას ხუთასზე მეტმა წელმა განვლო და ამ დროს ისტორიკოსები თითქმის სრულიად არ იხსენიებენ არც ივერიელებს და არც მათ მხარეს. ამბობენ, რომ 3801 წ. დასაბამიდან, 1647 წ. ქრ. შობამდი თარგამოსის თემნი შეესიენ საზარებს, რომელნიც კავკასიის ჩრდილოეთით ცხოვრობდნენ და ააოხრეს ისინი. თავის მხრით საზარებმაც, როგორც კი წამოიკეთეს ამ საშინელ დარბევის შემდეგ, არ დაიგვიანეს ზედ დაცემა კავკასიის აქეთა მხარეზედ; გაძარცვეს და ტყვედ წაიყვანეს აქეთა მხარის მკვიდრნი, აიღეს ყველა ციხეები ერიშით, გარდა შიდა-ქართლისა, რომელნიც მდ. მტკვრის და ეგრისის ჩრდილოეთით მდებარეობდნენ; დასასრულ—დაადგეს ამ მხარეს ხარკი, რის გარდახდევინება მით უმეტეს უადვილდებოდათ მათ, რომ ორივე გზა, მიმავალი სამხრეთისაკენ, კარგად შეისწავლეს: დაწილანისა მდ. არაგვის დაყოფებით და დარუბანდისა კასპიის ზღვის ნაპირად. პირველ შემოსევის დროს საზარების მფლობელის ერთმა მხლებელმა, ვინმე უობოსმა ¹⁾, საჩუქრად მიიღო ყველა ტყვეები, წარტაცებულნი ქართლიდან და სომხეთიდან (ჩრდილოეთ იმის ნაწილიდან) და დაესახლა ერთად იმათთან იმ ხეობებში, რომელნიც უმთავრეს კავკასიის ქედის შუა მდ. ლომეკის ანუ თერგის დასავლეთით მდებარეობენ. ეს უობოს შეიქნა დამარსებელი და ბატონი იმ ერისა, რომელიც იმის სახელით შემდეგში წოდებული იქნა *აჰსუბად*, ანუ *ასუბად*, ვინაიდან იმ მხარეს, სადაც ისინი ცხოვრობენ, ქართულად ოსეთი ჰქვიან. ეს

¹⁾ თეიმურაზით „ობოს“.

თქმულება მით უფრო დასაჯერებელია, რომ ოსურნი ენა სპანსოული ენისა არის წარმომდგარი და სომხურთან ერთი ფესვისა არის.

ამბობენ აგრეთვე, რომ ფერუდინმა ¹⁾, სპანსოეთის მეფემ ფიშადადასის დინასტიიდან, დაიპყრა კავკასიის მთების სამხრეთით მდებარე მხარე, დაადვა მას ხარკი და თავისი ერისთავები ე. ი. მმართველები დააყენა. ერთმა ამ ერისთავთაგანმა აწდა-მოსმა ²⁾ ყველა ხაზარები ქართველად განდევნა, დარუბანდს ცისე აავო, მცხეთა გაამაგრა, აწმასს ქვიტკირის გალაგანი შემოაგლო და პირველად მან ასწავლა ქართველებს ამ გვარი შენობის აგება. ეს მოხდა დაახლოვებით 3901 წ. დასაბამიდან, 1607 წ. ქრ. შობის წინეთ. ფერუდინის სიკვდილის შემდეგ სპანსოეთში არეულობა მოხდა და ქართველებს ამ დროს მოახერხეს სპანსოელებისგან განთავისუფლება და მეოთხე იმათგან დადგენილი კრისთავი მოჰკლეს. ხოლო ის მხარე, რომელიც მდ. კურაისის ე. ი. კანკურის იქით მდებარეობდა, დარჩა ისევ ბერძნების მფლობელობაში და ჰერეთი—სპანსოელების ხელში.

რასაკვირელია, ამ ძველ დროის ამბავებში ყოველთვის ვერ ვიხელომძღვანელებთ სპანსოული ისტორიის ჩვენებით, მაგრამ ძლიერ დასაჯერებელია, რომ სპანსოეთის მეფენი მაშინაც ცდილობდნენ დაეპყრათ მშვენიერნი და ნაყოფიერნი ხეობანი, კავკასიის მთების ძირში მდებარენი, და აგრეთვე ისიც, რომ აქ დასახლებულნი სუსტნი მკვიდრნი ყოველთვის ვერ ახერხებდნენ თავის დამოუკიდებლობის დაცვას მძლავრი ჩრდილოეთის და სამხრეთის მეზობლებთაგან.

ხოლო ამ დროსვე ბერძნების შემოსვლა შავი ზღვის ჩრდილოეთ-აღმოსავლეთის ნაპირზე აიხსნება შემდეგის სანახევროდ ზღაპრულის ნაამბობით: ზებირ-გადმოცემა გვიამბობს,

¹⁾ ქართლის ცხოვრებით აფრიღონ, თეიმურაზი ა თრიღონ, თრიღინ.

²⁾ ქ. ცხ—ებით არღამ.

ვითომც ეკვიპტის მეფემ სესოსტრის დიდმა დაიპყრა მთელი ზღვის პირად მდებარე აზია, ხმელეთით და ზღვით, და თავისი ჯარი თვით შეიყვანა კოლხიდაში (სამეგრელოს ძველი კლასიკური სახელია), და იქ ახალშენებიც დააფუძნა. ამ უამსვე ბერძნები გამოელაშქრენ კოლხიდაში, რის საბაბად ვითომც ოქროს მატყლოვანი ვერძი იყო, წარმოტაცებული ელლადიამ ვინმე ფრაქსის მიერ, რომელიც გარდმოიხვეწა თესისაფიდაძე ბერძნების წინამძღოლმა, ასოანმა მისანის ძეგეას¹⁾ შემწეობით ხელთ იპყრა საწმისი და თანამოგზაურებითურთ (არგონავტები) წავიდნენ ზღვით ჩრდილოეთისაკენ. აქ ზღვის პირად მან რაოდენიმე ახალშენები დააარსა — სახელდობრ: დიოსკურსია, ეხლანდელი ისკურსია, ისგაურს, ისკურსიკ სოხუმის ციხის მახლობლად. რასაკვირელია, ანგოანავტების მოგზაურობა, მომხდარი დაახლოვებით 1200 წ. ქრ. შობამდი, დაწვლილებით არ არის გამორკვეული; მაგრამ, როდესაც ჩვენ კასტასკე, რომლითაც ბერძნების გმირებს გაუვლიათ, განვიხილავთ მდინარეებს და ადგილებს, რომელნიც თანამედროენი და მერმინდელნი კლასიკურ პოეტების ლექსებში იხსენებიან, უნებლიეთ გვებადება აზრი, რომ აღნიშნულ დროს ბერძნებმა დაათვალიერეს კოლხიდა ან ომის და ან სააღებ-მიცემო მიზნით და იწყეს მტკიცედ გამაგრება ევკსინის პონტის²⁾ ჩრდილოეთ მხარეზე. ეს სრულიად კმარა გასამართლებელად შემოხსენებული ზებირგარდმოცემისა, რომელიც როგორც ქართველეს, ისე ბერძნებს შორის აქამომდე დაცულია.

3993 წ. დასაბამიდან სოფლისა სპასეთის მეფემ, ქეკაპუსის³⁾, ქაიანის დინასტიის შთამომავალმა, დაემკვიდრა რა თავისი

¹⁾ თეიმურაზით მედია.

²⁾ შავი ზღვის.

³⁾ ქეკაპოს ქ. ცხ.-ებით, ქეკაოზ, (ქეპაოს ვ. მეფ. ქ. ც-ბ.) თეიმურაზით, დიმი. ბაქრაძით ქეკაპოს — ლეკეთში მგრძობლისაგან დაბრმავებული — არის ქაი-კაოსი ანუ ქიასკარი, (ციასკარი) რომელიც ცხოვრობდა მე-VII საუკ. ქრ. შ. წ. საქ. ისტ. გვ. 68.

ვის ტახტზე, ხელახლავ დაიპყრა კავკასიის მხარეები; მან აგრეთვე გაილაშქრა ლეკებსე და, შემდეგ რაოდენიმე წლისა, აღმო სავლეთის თურქებსე, მაგრამ იმათგან იძლია. ამის მიმხედველნი თარგამოსის თემნი აღუდგენ მას და განთავისუფლდენ სპარსეთის დამოკიდებულებისაგან. ქეკავოსის შემოიკრიბა ღონე და დაამარცხა თარგამოსიანები, რომელთაც ისარგებლეს, დაახლოვებით 4084 წ. დასაბამიდან სოფლისა, მტრის დაუძლეულებით, განდევნეს ის და დაიცივეს თავის დამოუკიდებლობა.

შემდეგ ამისა რაოდენიმე საუკუნემ განვლო, ხოლო ჩვენ ამა ჟამისა დაწვლილებით და დროს აღნუსხვით არ ვიცით, რა მოხდა საქართველოში. აქამომდე დაცული „ქართლის ცხოვრება“ მოგვითხრობს გარდმოსახლებულებზე, რომელნიც სხვა და სხვა ქვეყნიდან შემოვიდნენ ამიერ კავკასიაში, დაარსეს ქალაქები და სიმაგრეები და შეიქნენ მამა მთავრებად ეხლანდელ მძლავრ გვარებისა.

ქართლის მატთანე მოგვითხრობს, რომ სპარსეთის მეფის ქეკავოს შვილის ქაისოსროს დროს რაოდენიმე თურქებს¹⁾ ოჯახი, დევნილი ამა მეფისაგან კასპათს ზღვით და მდ. მტკვრის აუღლებით ავიდნენ ქართველების დედა-ქალაქამდნ, მცხეთამდი, შეევედრენ მამასაჰისას დასახლებლად ადგილის მიცემაზე და აღუთქვეს ქართველებს თავის მკერდით დაცვა სპარსელების მტრობისაგან. მათი თხოვნა შეწყნარებულ იქნა და ამ გვარად ისინი დაესახლენ და სიმაგრეები აიშენეს სარკინეს²⁾ ძღვიმეებში, მცხეთის დასავლეთისაკენ. მეორე თქმულებით ეს გარდმოსახლებულნი თურქები კი არა, არამედ უფლისწულები ყოფილან ჩინეთის სამეფო გვარისა ჯენ-ზაკურისა. ისინი დიდის ჯარით შემოვიდნენ ქართლში ჩრდილოეთით დაჩაღასის კარით და

1) ბუნთურქნი ნათესავნი სასტიკნი. მოქცევაჲ ქართლისაჲ. სამ. ისტ. ხრონ. ექ. თაყაიშვილისა გვ. 1.

2) ციხე-დიდი სარკინისა ძეგვის მახლობლად ხევში მდებარებს; ნანგრევი მისი ეხლაც მოჩანს. ხრონიკებო ყორდანიასი გვ. 11. შენიშვა 14.

ითხოვდენ აგრეთვე თავშესაფარს და დასასახლებლად ადგილს იმავე პირობითა, როგორც თურქნი. მამასახლისი დაეკითხა ხალხს და იმის თანახმობით მისცა მათ ორბუთის-ჯისე, ეხლანდელი სამშვილდე, რომელშიაც ისინი დაესახლენ ორბუთის-ჯისის ანუ ჯამბაკურ ორბუთის-ჯისის წოდებით. ორბელიანები შეიქნენ საქართველოში შემდეგ მეფისა პირველი თავადები. როდის მოხდა ეს შესანიშნავი ამბავი, ყოვლად შეუძლებელია გარდაწყვეტით ვუჩვენოთ; ჩვენ ვიცით მხოლოდ მატეასიდან, რომ ის იყო დაახლოვებით ათასი წლის წ. ქრ. შ.

ვიცით აგრეთვე, რომ ისრაელის სამეფოს დამხობილად სალმასახლის მიერ 821 წ. ქრ. შ. წ. და იერუსალიმის აღების შემდეგ ნაბუქოდონის მიერ 607¹⁾ ქ. შ. წ. დიდი რიცხვი ებრაელებისა ტყვედ წაიყვანეს ასსურეთის ჩრდილოეთის ნაწილში. იმათგანი ზოგი მიდიაში, ეხლანდელ ადრამიტიში და ზოგი ექვსინის პონტის სამხრეთ ნაპირებზე ე. ი. გურიაში დაესახლა. ამ უსაცილო, ყველასაგან მიღებულ ფაქტისაგან, უეჭველად წარმოსდგა ეს ისრაელების განმრავლება, რომელსაც ვპოვებთ ეხლა დასავლეთ საქართველოში. ქართულ ზეპირგადმოცემით რაოდენმე ებრაელი მცხეთის პირდაპირ, არაგვის გაღმა მხარეში, დაემკვიდრა და ქართლის მამასახლისის ქვეშევრდომობა მიიღო, რისგამო ამ მხარეს უწოდეს სურკი ე. ი. მოხარკე მხარე²⁾). სპარსეთის ჩრდილოეთ მხარეში ებრაელების დასახლებას მოჰყვა აგრეთვე შესამჩნევი ბედი სომხეთისათვის და საქართველოსათვის. როდესაც ისრაელები ასსურეთში მივიდნენ, სომხეთის მეფემ სჩადქემ იმათ დამპყრობელს ერთი

1) მსოფლიო ისტორიაში იერუსალიმის აღების დროს—ნაბუქოდონოსორის მიერ ანუ როგორც ნამდვილ ტექსტში, უსრედ წოდებულთ ლურსმულ ანუ სოლის გვარ წარწერებში, მას უწოდებენ ნაბუ-ქუდურ-უსსურად, რაც ნიშნავს „ნაბო—დაიცევ გვირგვინი,“—უჩვენებენ 587 წ. ქრ. შ. წ. და არა 607, როგორც ავტორი სწერს.

2) იხილეთ დავით რექტორით ხერკი არის საგურამო.

ისრაელი შამხათი გამოსთხოვა, მიიღო იგი დიდის წყალობით და მიუბოძა მას თარხნობა და სპეცის მამულები მაზრაში, რომელიც საზღვრავს სამეგრელოს და სამცხეს. ამ შამხათის სახელეულობა ძლიერ გამრავლდა სომხეთში და ამის შთამომავალი იყო ვინმე ბაგრატი, რომლის სახელით შამხათის მთელი შთამოება იწოდებოდა. ესენი იყვენ დიდებულნი ბაგრატიანი, რომელნიც სომხეთში მეფის შემდეგ პირველ გვარს წარმოადგენდენ და რომელნიც შემდეგში სომხეთის და საქართველოს ტახტზე ავიდნენ. ეს ბაგრატილების გვარი ჩვენ დრომდე არსებობს და ქვეყნიერებაზე ყველაზე უფრო ძველი სამეფო დინასტიას წარმოადგენს. ეს უსაცილო ფაქტია, დამტკიცებული მრავლის ეჭვ-მიუტანელ საბუთებით, კრიტიკულად განხილული და შემოწმებული.

ამ ეპოქაში ივერია ხან სპარსეთის დამოკიდებულების ქვეშ იმყოფებოდა და ხან განთავისუფლდებოდა მათგან. ამიტომაც მოგვითხრობენ, რომ სპარსეთის მეფემ კაიხანის გვარისა შთამომავალმა სპანდატ-ჩკაღმა ე. ი. ფოლადიანმა ხელახლად იმის დამორჩილება განიზრახა, მაგრამ თავისი ძალ-ღონე უნდა მოეხმარა მემბოხე აღმოსავლეთის თურქების წინააღმდეგ, რომელთაც ის კიდევ მოკლეს. იმის შვილმა ხაჰანს, რომელიც უთუოდ დასავლეთის ისტორიკოსების კიაროსი უნდა იყოს, ¹⁾ მთელი აზიის აღმოსავლეთი დაიპყრო და ივერიას ხარკი დაადგა 4978 წ. დასაბამი დამსოფლისა და 530 წ. ქრ. შ. წ. ზემოაღნიშნული დამსხანს, რომ აღექსანდრე მაკედონელის აღმოსავლეთში შემოსევის დაახლოვებულ ეპოქამდე ივერიის ძირითად მკვიდრს შეადგენდენ უმეტესად ქართველები და სომხები, თარგამოსის შთამომავალნი, და რომ ეს მხარე იყო სავანედ მრავალ უცხო ტომთათვის, სახელდობ: სპარსთა, ბერძენთა, ხაზარ-

¹⁾ „ბაჰამან მეფე სპარსთა კიროს ვინა კირ“, ვახუშთი. საქ. ისტ. გვ. 35. კვიროზმა მოიწია ივერიად ადგილთა შინა“. თეიმ. ისტ. გვ. 106.

თა და აგრეთვე ისრაელთა და იუდიანთა ტყვეთათვის. მასე
სოკრატეს ამტკიცებს, რომ ზოგიერთნი ებრაელები, ნახუ-
ქოდონოსის მიერ დატყვევებულნი, დასავლეთ ივერიაში
გარდაიყვანეს და რომ სომხეთის მეფის აშშაკ დიდის დროს
ვილაც მისრდაშს მინდობილი ჰქონდა იმათზე ზედამხედვე-
ლობა 150 წ. ქ. შ. წ., როდესაც ის დაინიშნა ამ ადგილზე.

ამ გვარ ტომთა შერევნას, რასაკვირველია, რაოდენადმე
ექნებოდა გავლენა ქართველების ზნეზე, სჯულზე და ენაზე.
ლიახაც, თუ ზეპირგარდმოცემას ვერწმუნეთ, მაშინ ივერიაში
ექვს ენაზე ლაპარაკობდენ,—სახელდობრ: ივერიულზე, სომხურზე,
სპარსულზე, ასურულზე, ბერძნულზე და ხაზარულზე. როგორც
ამბობენ, ივერიელნი ოდნავ კერპების და ვარსკვლავთ თაყვანის
მკემელნი იყვენ, ქორწინებაში ნათესაობას არავითარ ყურადღე-
ბას არ აქცევდენ და ველურებივით ცხოვრობდენ. ზეპირგარდმო-
ცემა გვიამბობს, რომ ისინი ვითომც შვილებს მსხვერპლად
კერპებს სწირავდენ, რომ ვითომც ისინი კაცის და აგრეთვე
პირუტყვის მძოვრის მჭამლები იყვნო. ამ სამს ფაქტში ჩვენ
შეგვიძლია ვერწმუნოთ მხოლოდ პირველს, ვინაიდან კაცის
მსხვერპლად შეწირვა დასავლეთშიაც მრავალმა ერმა იცოდა,
ხოლო უკანასკნელს ორს ნაამბობს სრულიად ვერ ვეთან-
ხმებით, თუ მხედველობაში ივერიის მიწის ნაყოფიერებას და
განათლებულ ერთა, ბერძნებსა და სპარსთა, მეზობლობას
მივიღებთ¹). უფრო სარწმუნოა ის, რომ ივერიელებმა, ვი-

ნ. ბ. კ. 102958
18605

1) ბატონიშვილი თეიმურაზი იმის შესახებ, თუ საიდან წარმოს-
დგა ეს უსაფუძვლო ზეპირგარდმოცემა, სწერს: „ეკკლესიისა ჩვენისა
მოდღვარნი უძაგებდენ მათ გარდაცვლილთა წინაპართა მათთა და მათსა
ეტყოდეს მრავალთა უწესოთა ქცევათა და არა წმინდათა და მკვდართა
ჭამასა ხორცთა კაცთასა, რათა ამით დაავიწყონ წინაპართა თვისთა კერპთ-
მსახურებისა საქმენი“. თეიმ. ისტ. გვ. 54. თეიმურაზი უარყოფს აგრეთ-
ვე ქართლოსიანთა შვილთა მსხვერპლად კერპთა დაკვლისა, idem გვ. 56.
იხ. აგრეთვე თეიმურაზის ახსნა თქმულისა „ქარსნელთა მართებლთა
კოდმანელთა ზნთი მკვდარი“. ერთი სოფელი მეორეს სთხოვდა ნაცვ-
ლად თვისა ლაშქრობაში წასვლას და შემდგომში ის სოფელი გავიდოდა
მეორის ნაცვლად „რათა გარდებდა ვალი თვისი და რაოდენც კაცნი ბრძო-
ლასა შინა დააკლდებოდათ მათ, ე. ი. პირის-პირ მტერთ მიერ მოიკვლო-
დეს, ვგოდენი რიცხვი მკვდრისა დაედებოდათ მათ ვალად, რომელთაცა

თ. ბ. ს. - ე. ს. მ. რ. ი. შ. ლ. 2
ბიბლიოთეკა
И. И. И. - ИСТОРИЧЕСКАЯ

თარცა სანახევროდ მთიულმა ხალხმა, შეურაცხყოფისათვის მაგიერის გარდახდა და მტრისათვის სისხლის ზღვევა იცოდენ. ეს ისეთი ზნე-ჩვეულებაა, რომ ვერც ერთს მართებლობას ამდენს ხანს იმის მოსპობა კოჩისკის კუნძულზე და კავკასიის ყველა ტომებში ვერ მოუხერხებია.

მაგიერად წარსულიყენენ იგინი ბრძოლად მტერთა“. „ესე ვითარი ჩვეულება მოთხრობასა შინა გარდასხვაფერსიტყვ ვდა და ითქვა სხვებრ, რათა ქრისტეს სარწმუნოებასა ზედა მოქცეულთა ერთა შეიძულონ ჩვეულებანი და ზნენი წინა-პართა მათთა კერპთ მსახურებისანი „id. გვ. 55. შეადარე აგრეთვე სეხნია ჩხეიძის ნაამბობი ქირმახის ახლოს მომხდარ ომზე ბატონიშვილის ლევანის და ბელუჯთა ხანის შორის, „როდესაც ჩვენმა ყარაულმა გინებით მისცა პასუხი: „მოვიდა რისხვა ღუთისა თქვენზედაო, მობრძანდა საქართველოს თვალი ლევან, ახლავს ქართველნი ჯარნი კაცის-მკამელნიო“. „შექმნეს ურვა დიდი ბელუჯთა. ეს კი არ იცოდნენ ორმოციოდე კაცი ქართველი გვაზლდა, თითო ქათმის შეტმაც არ შეგვეძლო, მაგრამ ჩვენმა ყარაულმა კარგი ტყუილი გამოიყვანა, შეგვექმნა ჩვენ აქ სიცილი. გაიმარჯვა მაშინ ლევანმა“; თეიმურაზის თქმით, „ერნი აზიისანი, სპარსეთისა და უმეტეს უშორესთა ადგილთა მცხოვრებნი, უსწავლელნი და გაუნათლებელნი, რომელნიცა არიან მათ შორის, არა იკვნეულ არიან ამას ზედა, რომელ ქართველთ ნათესავნი არ იყვნენ კაცის მკამელ“ id. გვ. 56. იხ. აგრეთვე ექ. თაყაიშვილის მოსაზრება: „ეს ზნე და ჩვეულებანი, რომელნიც ჩვენი ხრონიკის (ქართლის მოქცევის) სიტყვით ბუნთურქთ ჰქონდათ, ქარძლის ცხოვრების შემდგენს ქართველთათვის მიუთვისებია, რათა ამით დაემცირებინა ქართველების წარმარება და კულტურა ქრისტეს სჯულის მიღებამდე“. სამი ისტორ. ზრ. გვ 2. ქართლის მოქცევა მოიხსენიებს ბუნთურქთ ანუ თურქთ შემდეგის სიტყვებით, რომელნიც მემატიანეს ქართველებზე გარდმოუტანია. „სასტიკი ბუნთურქნი... იებოსელთა ნათესავნი იყვნენ, ყოველსა კორციელსა სჭამდენ, და სამარე მათი არ იყო, მკვდარსა შესჭამდეს“.

აქვე საჭიროდ ვრაცხთ დაფურთოთ ბ. ექ. თაყაიშვილის კრიტიკული განხილვა შესახებ ვახტანგ მეფის „ქ.-ცხ.“ რედაქციისა, რომელიც ზემოთ გაკვრით მოვიხსენიეთ. ბ. თაყაიშვილის გამოკვლევით „სუმბატის ისტორიის შექსოვა და შეკერება ქ.-ცხ. ტექსტისათვის ვახტანგ VI რედაქციას ეკუთვნის“. — ვახტანგის რედაქციას ახლად შეუტანია ქ.-ცხ.-ში: 1) ვრცელი ისტორია იესო ქრისტეს კვარძის მცხეთაში მოტანისა; 2) ღუთის-მწობლისადმი წილად ხდომა საქართველოს ქვეყნის მოქცევისა და ანდრია მოციქულის მოწვევა და ქადაგება საქართველოში; 3) ცხოვრება მურვანოზისა ანუ წმ. პეტრესი; 4) ცხოვრება ათორმეტთა სირიელთა მამათა; 5) დადგენილება მეექვსე მსოფლიო კრებისა ქართველ კათალიკოსების სამწყსოს და მოუკიდებლობის შესახებ...; 6) ქრონოლოგიური ცნობები ტაოელ ბაგრატიონებთ შესახებ...; 7) მოთხრობა დავით კურატ პალატის მიერ ბარდასკეროსის დამარცხებისა... 8) მოთხრობა და ცნობები სიმონ და

რაც შეეხება ენას, რომელზედაც ეხლანდელი ივერთელნი ლაპარაკობენ, მისი ფესვი რომ გავსინჯოთ, ჩვენ დავრწმუნდებით, რომ იგი ყოველის ეჭვის მიუტანელად ესრედ წოდებულ ინდო-ევროპიულ ენების გვარს ეკუთვნის, ე. ი., რომ უფრო გადაჭრით ვთქვათ, იგი მონათესავეა სომხურის და ძველ სპარსულ ენებისა და ერთად იმათთან დაკავშირებულია ძველ ინდიურ ანუ სანსკრიტულ ენასთან; ხოლო ამ ენებისაგან ერთი თვისუბით განირჩევა: ქართული მიმღეობა, როგორც სემიტური, ნაბაგ ასოთი მ-იწყება. ¹⁾

მელქისაძე კათალიკოსების შესახებ ბაგრატ III, გიორგი I და ბაგრატ IV დროს; 9) მცხეთის გუჯარი 1040 წ. 10) მოთხრობა, თუ როგორ ინახულა გიორგი მთაწმინდელმა კოსტანტინეპოლში ბაგრატ IV და მარიამ დედოფალი... 11) ცნობები ბაგრატის ასულის მართას გავზავნის შესახებ საბერძნეთში... 12) ვახტანგის რედაქციას ეკუთვნის უეჭველად ზოგიერთი სიტყვები და ფრაზები, რომელნიც უძველეს ვარიანტებში არ მოიპოვებოდან... ნახე აგრეთვე მისივეახალი ვარიანტი ნინოს ცხოვრებისა, გვ. X—XIV, XX, XXIV, LV შენ. I. LVII შენ. I.

¹⁾ ავტორის აზრი შესახებ ადგილისა, რომელიც ქართულ ენას უჭირავს ენების კლასიფიკაციაში, ერთობ გადაჭრით წარმოთქმულია. ეს აზრი პირველად ფილოსოფოსის ლეიბნიცის მიერ წარმოთქმული და შემდეგ პროფესორის ბოპპისაგან აღსარებული, ჩვენი თანამედროვე წარჩინებულ ლინგვისტების მიერ შეწყნარებული არ არის. ზოგნი, როგორც სახელგანთქმული მაქს მიულერი, ჩვენს ენას იმის იდიომებითურთ მიაკუთნებენ თურანის ენათა გვარსა, სხვანი კი როგორც კლაროტი, შლეიხერი, პოტტი, ბიურნუფი, ფრ. მიულერი გატტერიასი და სხვანი ევროპის წარჩინებულნი მეცნიერნი მას განსაკუთრებულს გვარად რაცხვენ. გატტერიასის სიტყვით, „მომეტებული ნაწილი ქართულთა სახელ-არსებითთა და ყველა მის ფესვთა ეკუთვნიან განსაკუთრებითს გვარსა, რომელსაც ჩვენ ვუწოდებთ ქართულ გვარად. თუ მომეტებული ნაწილი ამ სიტყვებისა იპოება სომხურ ენაში, ეს იმას ამტკიცებს, რომ იგინი სომხურს ენას შეუთვისებია ქართულის ენიდამ, რომელიც დიან გავრცელებული უნდა ყოფილიყო დიდს სომხეთში, ვიდრე არიელების შემოსევამდე“. ეს აზრი ჩვენ ჭეშმარიტებასთან უფრო დაახლოვებულად მიგვაჩნია. ამ სამს მიმართულებას, რომელიც შესახებ ქართულის ენისა ენათ მეცნიერებაში არსებობს, ჩვენ კიდევ უნდა დაუშაბათ მეთხე მოსაზრება, წარმოთქმული არხეოლოგის ბაიერნის და არმენისტის ნ. მარის მიერ. პირველი, ცნობილი ვითარცა სამთავროს მონოლიტების და სასაფლაოს ამომთხრელი, სამწუხაროდ ლინგვისტიკაშიაც ჩაერია და ქართველები თავის გამოკვლევით სემიტების მოდგმას მიაწერა. იმის უფიცობა და უმეცრება ლინგვისტიკაში აშკარად დაანახა ქვეყანას კავკასიის

დასავლეთის ისტორიკოსები არა ვითარ ცნობებს არ გვაძლევენ შესახებ იმისა, თუ ალექსანდრე მაკედონელმა დაიპყრა თვით ივერია, და ან თუ იყო ივერიაში ეს მთელი აზიის დამპყრობელი. ერთად ერთი კვინტ-ჰერცეუსი მოიხსენიებს, — ისიც გაკვირით, — სომხეთს, როდესაც ის მაკედონელების მიერ დაპყრობილს ქვეყნებს ჩამოთვლის. ივერიაზე კი სრულად არას ამბობენ, თუ ჩვენ არ ჩავთვლით ერთს სომხურს წიგნს „ალექსანდრეს ცხოვრებას“ და ქართულს მატიანეს. ჩვენთვის ესეც საკმაოა, ვინაიდან თვით ალექსანდრეს ანუ რომელიმე იმის სარდლის შემოსევა სრულიად არ ეწინააღმდეგება მას, რაც ჩვენ

ეტნოგრაფიის, გეოგრაფიის და დადესტინის ენების წარჩინებულმა მცოდნემ, აწ განსვენებულმა ლ. ზაგურსკიმ. საოხუჯო კილოთი მან სასაცილოდ აიგდო ბაიერნი, რომელსაც დასამტკიცებლად თავის აზრისა, — ქართველების სემიტებიდამ შთამომავლობისა — სხვათა შორის, შემდეგი უმგვანო მაგალითი მოჰყავდა: ქართული ლექსი თარხანი წარმოსდგებოა ებრაულის სახელიდამ თარ-დამ, რომელიც აბრაამის მამას ჰქვიოდაო და ხან-დამ, სპარსული წოდებიდამ. — გამოდიოდა, რომ ვიღაც თარს სპარსელებისგან ხან-ის მაღალი წოდება მიუღია. მაშინ როდესაც ჩვენ ვიცით, რომ თარხანი თურქული სიტყვაა, სელჯუკთაგან სპარსეთში შემოტანილი და ნიშნავს ხარჯის და დამოკიდებულებისაგან თავისუფალს. — ბ. ნ. მარმაც, ახალგაზდა არმენისტმა, ამ ნაირივე აზრი ქართველების სემიტურ შთამომავლობაზე გაზ. „ივერიაში“ სრულიად დაუსაბუთებლად წარმოიტყვა. ეს ხმა გარვეკლდა და ამ ბოლოს დროს, ჩვენდა განსაკვიფრებლად, ჩვენ იგივე აზრი პროფესორის კრასნოვის (სვანეთში მოგზაურობის აღწერაში), Недѣля-ში ვიპოვეთ. ამ ნაირივე მსუბუქი მსჯელობა გამოიჩინა აფხაზურ ენაზე თავის „ისტორიულ-ფილოლოგიურ გამოკვლევაში“ ბ. გ. წერეთელმა, როდესაც ის ამტკიცებდა, რომ „აფხაზური ენა საკუთრად ქართველთა, ტომის ენებს უნდა ეკუთვნოდესო“. ჩვენ სრულიად ვეთანხმებით ბ. ა. ცაგარელის მოსაზრებას, რომ ჯერ ადრე არის დასკვნა, სანამ ქართული ენა შტოებითურთ (დიალექტებით, იდიომებით და კილოებით) ყოველის მხრით შესწავლული არ არის. ნამდვილი და სამეცნიერო საშუალება ამ ცილობის მოსასპობლად, რომელიც არსებობს აგერ ერთი საუკუნე ნახევარია, არის გულდადებით და ყოველის მხრით გამოკვლევა, — წინააღმდეგ აჩემებულის თვისების მიუხედავად, — ქართულის ენისა (განსაკუთრებით მის ფონეტიკისა) და მის მონათესავე იდიომებისა, — შვედურისა, ჰინდურისა და სვანურისა — და აღდგენა შედარებისა და დედუქციის გზით ძველის ძველ ივერიულ ენისა, რომელიც საფუძვლად დასდებია ქართულ დარგის ხსენებულს ენებს. А. Цагарели, о грамматической литературѣ грузинскаго языка.

ვიცით ამ დროის მომხდარ ამბავზედ სარწმუნო წყაროებიდამ და ჩვენც შეგვიძლია ჭეშმარიტად ვიცნოთ ქართველების და სომხების ნაამბობი. აწბელის გამარჯვების შემდეგ ალექსანდრე უეჭველად დაედევნა დაწილის სპარსეთის ჩრდილოეთ მხარეებში და იძულებული შეიქნა სომხეთი და შემდეგ ივერია დაეპყრა გვიმტკიცებენ, რომ ამ უკანასკნელში მან ექვსი თვის განმავლობაში შესძლო დაპყრობა ყველა სიმაგრეებისა გარდა თუხარისისა ¹⁾ და მტკვრის-ციხისა. სარკინეთში მცხოვრები თურქები არ დაემორჩილენ და წინააღმდეგობა აღმოუჩინეს მაკედონელებს, რომელთაც ამის გამო სარკინეთის იერიშით ალება განიზრახეს. ხოლო მკვიდრთ მალულად გათხარეს რბილი კლდე, რომელშიაც ქალაქი იყო გამოქვაბული და მთებში გაიქცენ. ამას შემდეგ მაკედონელებმა მთელი მხარე დაიფლეს, ყველა უცხო ტომები ამოსწყვიტეს, მათი ცოლ-შვილები ტყვედ წარიტაცეს და მარტო ადგილობრივი მკვიდრნი, ქართლოსის შთამომავალნი შეაწყნარეს ²⁾.

1) კლარჯეთში.

2) თუმცა ავტორს შესაძლებლად მიაჩნია საქართველოს დაპყრობა არბელის ომის შემდეგ ალექსანდრე დიდის მიერ, თუმცა დიმ. ბაქრაძეც ამბობს, რომ „შესაძლებლად მიგვაჩნია საქართველოს დაჭერა არა თვით ალექსანდრეს მიერ, არამედ იმის ჯარისაგან,“ თუმცა ბ. გ. წერეთელიც გვარწმუნებს, რომ ალექსანდრე საქართველოში შემოვიდაო, —რის დასამტკიცებლად მას მოჰყავს ის, რომ ახალციხის ახლოს ახლაც არის ერთი მთა, რომელსაც „კუროს-თავი“ ჰქვიაო, რაც ბერძნულად ბუკეფალს ანუ ბუკეფალს, ალექსანდრეს საყვარლის ცხენის სახელს ნიშნავს—ვინაიდან სწორედ ამ ადგილს ეს ბუკეფალი მოუკლესო, —მაგრამ ჩვენ უფრო სარწმუნოდ მიგვაჩნია თანამედროვე გერმანიის ისტორიკების გამოკვლევა, რომელშიაც ისინი ხსნიან კვინტ—კურციუსის და სხვა არა სარწმუნო მწერლების თქმულებას მით, რომ მათ მიერ მოხსენებული კავკასიის მთა, ალექსანდრესაგან გარდავლილი ბაქტრიანს და არიანს შორის მდებარე ქედი იყო, იმ დროს კავკაზად წოდებული და არა ჩვენი კავკასიის მთა.

ალექსანდრემ ივერიის მმართველად დაადგინა ვინმე პატრიკი აზონი ასი ათასი ბერძნის ჯარით ¹⁾ და დაუბარა მას გავრცელება ამ მხარეში მზისა, მთვარისა და ხუთთა ვარსკლავთა თაყვანის ცემისა, თითონ კი გაბრუნდა. ცოტა ხნის შემდეგ აზონმა დაანგრია მცხეთა და შესავალ გზების დასაცველად დასტევა ქართლში მხოლოდ ოთხი ციხე-სიმაგრე: იმათგან პირველი იყო არმაზის ციხე, მეორე—არმაზის მთის ბოლოს, მესამე—მცხეთის მაზრის შესავალში და მეოთხე—მცხეთის დასავლეთისკენ. მანვე დაიპყრა მთელი საქართველო მდ. ბერდუჯხამდე და სპერის ზღვამდე და სამეგრელო, და ამასთანავე ოსებს და ლეკებს ხარკი დაადვა.

ალექსანდრეს სიკვდილის შემდეგ 324 წ. ²⁾ ქრ. შ. წ. აზონმა მიუხედავად იმის ბრძანებისა ივერიაში კერპთაყვანის მკემლობა შემოიღო და გაწის და გაიმის კერპები ააგო; მან დაიწყო აგრეთვე მკვიდრთა შევიწროება და ბრძანება გასცა დაეხოცნათ ქართველები, რომელნიც სიმხნით და ვაჟკაცობით შესამჩნევნი იყვნენ.

იმ დროს მცხეთაში ცხოვრობდა ფაწნაოზი, მცხეთოსის შვილის, უფლოსის ჩამომავალი, რომლის დედა ისპანელი ქალი იყო. ბიძა მისი სამაჩ, მცხეთის მამასახლისი, მაკედონელებმა მცხეთის აღების დროს მოჰკლეს; ფაწნაოზი კი, სამი წლის ყმაწვილი, დედამ გადაარჩინა და კავკასიის მთებში შეხიზნა. როცა ის სამშობლოში დაბრუნდა, ნადირობაში სიმარდით და ცხოვრებაში სიბრძნით თავი გამოიჩინა და აზონსაც გააცნო

¹⁾ დავით რეკტორი თავის ეგზეგლიაზე ვახუშტის ისტორიისა სამართლიანად მიაწერს: „ვიდრე ათასნი. ხოლო სხვასა ქართლის მცირეს მატანესა შინა სწერს მეთრონიე ქართლისავე ბერძენთ ორასისა მხედრისა დატეევბასა ქართლად აზონითურთ, რომელიც ესე უკვე უფრო ჭეშმარიტ არს ორასისა მხედრისა დატეევბა“. ამ რიცხვსავე უჩვენებს დავით ბატონიშვილი თავის საქართველოს ისტორიაში.

²⁾ მსოფლიო ისტორიაში ალექსანდრე დიდის სიკვდილის წელს უჩვენებენ 323 წ. და არა 324 წ.

თავი. დედა მისი მუდამ ემუდარებოდა მას, რომ მაკედონელის მმართველის წინაშე მას თავი არ ეჩინა თავის ხასიათით და ნიჭიერებით.

ერთხელ ეხლანდელ ტფილისის მახლობლად კლდეებში, სადაც ის ირმებზე ნადირობდა, მას გზა დაებნა და იძულებული იყო ღამე კლდის ძირში გაეთენებინა; დილით რომ გამოიღვიძა, მან დაინახა გამოქვაბული, რომლის კარები ქვით ამოშენებული იყო და შიგ თურმე ვერცხლის და ოქროს მრავალი სიმდიდრე ინახებოდა. დედის და დის დახმარებით მან ხუთ ღამის განმავლობაში ყველა ეს საუნჯე გარდმოიხიდა და ეს ამბავი აუწყა ქუჩს, ეგრისის ერისთავს, რომელსაც განუზიარა მან ნაპოვნი საუნჯე. თათბირის შემდეგ ქუჩთან, ფაჩნაჯაშმა ოსებში და ლეკებში ჯარები შეკრიბა, როცა აზონზე თავდასხმა გადაწყვიტა, და, ბერძნების განდევნის შემდეგ, სურდა მთელი ივერიის მეფედ აღეარნა თავი. ეს მოხდა 5206 წ. დასაბ. სოფლისა და 22 წ. ალექსანდრე დიდის სიკვდილის შემდეგ. მოკავშირე საშველ რაზმით და ეგრისელ დიდძალ ჯარით მან ისე შეაშინა ბერძნები, რომ იმათგან ათასიოდე შემოიერთა. მთელი ივერია აღელდა. ფაჩნაჯაშმა აიღო მცხეთა და ოთხი ქართლის ციხე-სიმაკრეები და დესპანი გაუგზავნა სირიის მეფეს ანტაოქს (სელევკ-ნიკატორს); რომელმაც მას გვირგვინი მიუბოძა და ბრძანება გასცა, რომ ყველა იმის (ანტიოქის) ქვეშევრდომნი მიშველებოდნენ ფაჩნაჯაშს. მაშინ აზონი კლავჯეთის მხარეში გაიქცა.

შემდეგ წელში აზონი წინააღმდეგა ფაჩნაჯაშს, რომელმაც ქართველ მხედრობის გარდა მეგრელები და ოსები შეკრიბა და რომელსაც თანახმად სიძიის მეფის ბრძანებისა სომხის ჯარიც მიეშველა და ქაჯთა-ქალაქს, აწინდელ არტანს მიაღდა. აქ მომხდარ სასტიკ ომში ბერძნები დამარცხდნენ და თვით აზონიც ომის ველზე მოიკლა. მაშინ ფაჩნაჯაშს მოსაზღვრე საბერძნეთი ანძანძორამდი და ეკლეციის მხარე მდ.

ეფერათის და ლიკის ¹⁾ სათავეებში დაიპყრა და კლარჯეთით დაბრუნდა მცხეთას გამარჯვებული და დიდძალი დავლით გაძლიერებული. ბერძნებს მხოლოდ მდ. ეგრის ანუ ენგურის იქითი მხარეა დარჩათ; ხოლო მთელი ივერია და სამეგრელო ფარნავაზმა დაიპყრა და იგი მეფედ აღსარებულ იქმნა. ²⁾

¹⁾ ლიკი ანუ ლიკოს ყიზილ-ირმაკია, აწინდელ განდერნის მახლობლად, სადაც შემდეგში ნიკოპოლოსი გააშენეს Mommsen. Hist Rom. t. VI.

²⁾ ქართლის მოქცევის ხრონიკით აზოჯ, რომელიც უდრის ქ. ცხ—რების აზონს, ყოფილა ძე არან ქართველთა მეფისა. ეს ხრონიკა პირველ მეფედ არანს, მეორეს აზოჯს, ძეს არანისას და მესამედ ფარნავაზს იხსენიებს. ხოლო არან ქართლის მეფე ყოფილა და არა „ტომით ბერძენი ძე იარედისისი“, როგორც ქარ. ცხ—ება გარდმოგვცემს მას. აქ მოგვყავს ბ. თ. უორდანიას მოსაზრება, ამ ახალ წყაროს აღმოჩენის შემდეგ გამოთქმული, ქართლში მეფობის დამყარების თაობაზე: სჩანს, რომ მცხეთა ყოფილა ცალკე სამეფო ანუ სამამასახლისო: ხოლო ქართლი სხვა სამეფო ანუ სამამასახლისო. ქართლის მეფემ ანუ მამასახლისმა აზომ, ძემან არან ქართლის მამასახლისისამან, ბერძნების მხარე დაიჭირა, უშველა მათ მცხეთის აღებაში და ამის სანუქჟოდ მაკედონელმა მეფემ, გარდაადგო რა მცხეთის მამასახლისი სამარა, აზოს მისცა მცხეთა და დაუმორჩილა მასვე ყველა მწკრილ-მწვრილნი ტომნი ქართველთ ერისა. ამ ნაირად ბერძნებმა პირველად შეადგინეს ერთი სახელმწიფო ქართველთ ტომისაგან და დააყენეს აზო მეფედ. ამას შემდეგ აზომ გარდმოასახლა ქართლიდამ მცხეთას (მცხეთა იყო ნაწილი სარკინეთისა) თვისნი ნათესაენი და, კერპთმახურთ ჩვეულებისამებრ, თან გადმოატანა სანათესაო კერპები ქართლისა—გაიმ და გაცი,—(პლ. იოსელიანის გაიმ და გაცი ნიშნავენ ბედნიერების და სიმდიდრის ღმერთებს. Описание древностей г. Тифлиса გვ. 15 შენ. 13.), რომელნიც მოხსენებულნი არიან სხვა მრავალ წყაროებში.—მცხეთის წინანდელ მეფეთა ანუ მამასახლისთა შთამომავალნი კმაყოფილნი არ იქნებოდენ ამით და ეს უნდა ყოფილიყო მთავარი იმისა, რომ, რაკი ბერძნებს გავლენა სიქართველოში აღექვსანდრე მაკედონელის სიკვილის შემდეგ შესუსტდა, ამ ტომთაგან აღსდგა ერთი სახელით ფარნავაზ, რომელმაც ასურეთის მფლობელ ბერძენთა შემწეობით დაამხო ქართველთ მეფეთა მფლობელობა მცხეთაში, დაიბრუნა უწინდელი უფლება და დაიმორჩილა სხვა ტომნიცა“. თ. უორდანიას ქრონიკები, გვ. 13.

მაშინ ფაჩნაკაზმა თავისი სამეფო რვა საერისთაოდ და ერთ სასპასპეტოდ გაჰყო. პირველი საერისთაო მარგვისისა¹⁾ იყო სამხრეთ იმერეთში უმთავრეს ციხე-სიმაგრეებით შორაჭანით და დიმიით;—მეორე საერისთაოს შეადგენდა კახეთი არაგვის მარცხენა ნაპირზე და შესდგებოდა კახეთისგან და კუხეთისგან;—მესამე საერისთაო იყო სუნანისა ანუ გაჩაბანისა მდ. ბერდუჯილამ (ეხლანდელ ქციილამ) ქ. ტფილისის მაზრამდი; მეოთხე საერისთაო იყო სამშვილდისა, რომელიც ტაშირის და აბოცის მხარეთაგან შესდგებოდა მდ. სკვირეთილამ²⁾ მიყოლებული მთამდე; მეხუთე საერისთაო იყო ჯაკახეთისა—წუნდაში ფარავანის ტბილამ მდ. მტკვრის სათავემდი; მეექვსე—ოძისისა, ტაშის-კარილამ, ეხლანდელ ბორჯომის ხეობილამ, არსიანის მთამდი და ექვსინის პონტამდი სამცხის მხარეში; მეშვიდე საერისთაო იყო კლარჯეთისა არსიანის მთილამ ზღვამდე; მერვე—ეგრისისა, ეხლანდელი სამეგრელოსა მდ. რიონამდე³⁾). ბოლოს, საშვალ სასპასპეტო შესდგებოდა იმ ადგილებილამ, რომელიც ეხლანდელ ქ. ტფილისის, მდ. არაგვის და ფარავანის ტბას შუა მდებარებენ, და რომელთაც მაშინ შიდა-ქართლს უწოდებდენ. ამ გაყოფის შემდეგ ფარნაოზი მშვიდობიანად მეფობდა იმიტომ, რომ ივერიელნი მას ემორჩილებოდენ, ხოლო ბიზანტიელნი ბერძენნი გართულნი იყვენ ეპირის მეფის პიროსისგან ატეხილ ომში. ცოლად მან აღირჩია დურძუკელთ თემის ქალი, რომელიც ქართლოსის ძმის, კავკასოსის შთამომავალი იყო, და რომლისაგან მას შეეძინა შვილი საყრმაგ. ფარნაოზმა თავისი სიცოცხლე მმართველის ვალდებულების შესრულებას შესწირა. გაზაფხულს და შემოდგომას ის ატა-

1) აწინდელი არგვეთი.

2) ვახუშტით — აწინდელი ვერე.

3) თეიმურაზი: „ყოველი კოლხიდა სვანეთითურთ და დასავლით ზღვამდე“. თ. ისტ. გვ. 116.

რებდა მცხეთის დედა ქალაქში, რომელსაც გარს კედელი შემოაგლო, ზაფხულს წუნდში დაჰყოფდა და ხანდისხან — ეგრისში და კლარჯეთში, სადაც წეს-წყობილებას ამყარებდა. მან აღადგინა ყველა ქალაქები, მტრისაგან დაქცეული და არმაზის მთაზე ამართა სპარსთა ღმერთის ზადენის კერპი, რომლის სახელით თითონაც იწოდებოდა¹⁾; და კაცის მსხვერპლად შეწირვის ნება დართო. ამასთანავე იგი დიდის მოწყალებით მართვიდა სამეფოს და ქვეყნის კეთილდღეობისათვის ზრუნავდა.

ფარნაოზის მეფობაში ქართული ენა, — როგორც მაშინ ყველა ენაზე უფრო გავრცელებული ქართლში — წარმატებაში შევიდა. მაშინ შეადგინეს ესრედ წოდებული მსკდრუდი ქართული ანბანი, რომელიც აქამომდე ხმარებაშია; ეს ანბანი შეთხზულია მიმზგავსებით ზენდურ ასოებისა, რომელთაც ჩრდილოეთ სპარსეთში ხმარობდენ. თვით სახელწოდება ახალ შეთხზულ ალფაბეტისა სრულიად უდრის ფესლეურს ე. ი. საგმიროჲ ენას, რომლიდგანაც იგი წარმომდინარეობს და რომელსაც ძლიერ დაახლოვებული მნიშვნელობა აქვს ქართულს მხედრულთან²⁾.

ფარნაოზი 27 წლისა იყო, როდესაც გამეფდა; გარდაიცვალა შემდეგ 65 წლ. მეფობისა 237 წ. ქრ. შ. შ. და დამარხულ იქნა არმაზის კერპის ფეხების მახლობლად. ფარნაოზის შვილის საურმაგის ტახტზე ასვლის უმალ ივერიის დიდებულებმა იმის წინააღმდეგ შეთქმა განიზრახეს. საურმაგი ღურძუკეელებთან გაიქცა და თვისის ცოლის ნათესავების შემწეობით და აგრეთვე მიშველებით ბერძნებისა და ოსებისა, რომელნიც წინეთ მიეკერძენ ფარნაოზს, დაიმორჩილა მეამბოხენი და მთელი ივერია დაიპყრა.

1) სპარსულად ფარნაოზს არმაზ ერქვა.

2) ქართულ მწერლობის შემოდებაზე განსვენებული არქეოლოგი და ქართულ ისტორიის მკვლევარი დიმ. ბაქრაძე სრულიად წინააღმდეგი იყო

დასაჯილდოებლად ამ ერთგულებისა მან გარდმოასახლა გამრავლებულ დურძუკების თემის ნახევარი ნაწილი უმთავრესის კავკასიის ქედის ¹⁾ ხეობებში, კახეთის საზღვრიდამ დაწყებული თვით სამეგრელომდე და დაარქვა ამ მხარეს სკანეთი, რაც ნიშნავს სავანეს, თავ შესაფარებელს.

ის მუდამ მოწადინებული იყო მცხეთის ქართლის და უმთავრესი ქალაქების გამაგრებაზე და სამს კერძს, რომელთაც მის დრომდე ივერიაში თაყვანს სცემდენ, ჰინისა და დანანს

ჩვენი ავტორის აზრისა და ის გადაჭრით სწერდა: „ჩვენში სულ ძველად იხმარებოდა ხუცური ასომთავრული, საიდანაც მე-VII—VIII საუკ. იბადება ხუცურივე ანბანი და აქედამ მე-X საუკუნეში ჩნდება მხედრული, რომელსაც მე-XI—XII საუკ. ჯერ კიდევ ხუცური ჯაშის თვისება აქვს. რომ ხუცური ასო-მთავრული ძველის-ძველია, რომ იმიტგან მომდინარეობს ორივე დანაწენი ანბანი, ამ აზრის საფუძველს გვაძლევენ: ძველი ჩვენი მანეთები მე-V საუკ., ძველი მანუსკრიპტები ანუ ხელნაწერები (მე-V და მე-VII საუკუნ.), ჯვარის მონასტრის წარწერანი (მე-VII საუკ.) და უძველესი გუჯრები.—აქ ისიც უნდა დაფურთოთ, რომ, თუმცა ქართული ალფაბეტი, როგორც ამტკიცებენ, შეკავშირებულია ინდოეთის ალფაბეტთან (Brosset, *Eléments de la langue géorgienne*, p. 6—9 ილ. ოქრომჭედლიშვილისა: ვინ გამოიგონა ქართული ანბანი, „ივერია“ 1881 წ. № 10), მაგრამ ასაგების რიგი სრულიად იმ ალფაბეტს ეკუთვნის, რომელიც კადმურ ალფაბეტად არის ცნობილი და რომელიც საბერძნეთიდან შეტანილია მცირე აზიის ქვეყნებში—ლიზიაში და ფრაგიაში. ვახუშტის ისტორიკ გვ. 39. შენიშვნა და ისტორია საქართ. დიმ. ბაქრაძისა გვ. 84 და 85. შეადარე დ. ფურცელაძის აზრით: „მხედრული წარმოსდგა ხუცურიდამ და თანახმად გუჯრებისა ეს უნდა მომხდარიყოს XI საუკ. დასაწყისში“. Тр. Тифл. предвар. кам. 1881. Сообщение Д. Пурцеладзе о научномъ значеніи церк. гуджаровъ. Прил. лит. Г., სადაც მოყვანილია ქართული ანბანები, რომელნიც რიგ-რიგად ბ.ბ. ცუგარელს და ილ. ოქრომჭედლიშვილს დაუწყვიათ.

¹⁾ ქ. ცხ. „ძურძუკეთის მოჭარბე მცხოვრებთ“. დიმ. ბაქრაძით „დურძუკნი იყვენ წინაპარნი აწინდელთა ქისტთა, ინლუშთა და დლიდველებთა“.

ე. ი. ვენერა და დიანა მიუმატა.¹⁾ მან შეირთო სპარსული ქალი ქ. ბაქდის მოურავის ასული და, რადგან ვაჟი არ მიეცა, დაიბარა სპარსეთიდან და იშვილა მირვანოზი, თავის ცოლის მამიდა-შვილი, მიათხოვა მას თავისი ქალი და მზითვად გაჩინის მაზრა და სამშეაღდის საერისთაო მისცა.

მეორე ქალი საურმაგმა მიათხოვა ეგრისის ზემოხსენებულ ერისთავის ქუჯის შვილს²⁾ და თავის მამილის შვილს. ის გარდაიცვალა 162 წ. ქრ. შ. და ტახტი თავის სიძეს დაუტევა³⁾.

ორივე ეს მეფენი მამით ივერიის პირველ დინასტიის ქართლოსიანისას ანუ ფარნავაზიანისას ეკუთვნოდენ, რომლის მამრობითი მოდგმა მირვანოზის შემდეგ გარდავიდა. მირვანოზ I-ით იწყება მეორე დინასტია, ნებროთიანად წოდებული იმიტომ, რომ მირვანოზი, როგორც სპარსელი, პირველ სპარსეთის მთავრის ნებროთის შთამომავალი იყო. იმის მეფობის დროს ღურძუკები კავკასიელ ქართველებითურთ — დაეცენ კახეთს და ბაზალეთს, და ხეობაში და მთებში შესავალ გზებში გამაგრდენ. მირვანმა სისწრაფით შეკრიბა ჯარი და დაეცა ღურძუკელებს, რომელთაც ქართველების კვეთებას ვერ წინააღუდგენ და მთებში და კლდეებში განივლტენ. მეფე სდევნიდა მათ თვით შუაგულ მხარეში, ააოხრა ის, და მოსასპობლად ამ გვარის შემოსევისა უმთავრეს ხეობაში ჩამოკიდა კარები, რომელნიც მიბჯენილნი იყვენ კლდეებზე და დაარქვა ამ ადგილს დაჩუბაღი. ამბობენ, რომ ეს კარები იქ იყო, სადაც ეხლა დაჩაღი არის, ლარსის და ყაზიბეგის (მყინვარის) შუა. მირვანოზმა მიათხოვა თავისი ასული სომხეთის მეფეს, არშაკ I-ის შვილს და დაახლოებით 112 წ. ქრ. შ. წ. მოკვდა.

¹⁾ ვენერა, იგივე აფროდიტა ბერძნების მითოლოგიით სიყვარულის და სიმშვენიერის და დიანა ანუ არტემიდა მთვარის და ნადირობის მდებარეობითი სქესის ღმერთები იყვენ. თეიმურაზი და ვახუშტი აინიანს და დანანას — ანიან და დანიანად სწერენ.

²⁾ თეიმურაზით „ქუჯის შვილიშვილს“.

³⁾ თეიმურაზი ქუჯის მემკვიდრეთ გარდაყენებას და ტახტზე მირვანის აყვანას ღურძუკთ და ქართველების შემოსევას მიაწერს. ისტ. გვ. 119.

შვილმა და მემკვიდრემ მირვან I-სა, ფარნაჯომმა ააშენა რაოდენიმე ქალაქი და ციხე, იმათ რიცხვში ქ. ზადენი, ¹⁾ რომლის მდებარეობა არ არის ცნობილი, და სულქარის ანუ ნეკრესის ქალაქი ²⁾ კახეთში, ალაზნის გაღმა. რაღაც აქამომდე გამოურკვეველ მიზეზისა გამო ფარნაჯომი შეიქნა ცეცხლ-მსახურების აღმსარებელი და მოიწვია ივერიაში მოგვები, რომელნიც მცხეთის ახლო დასახლა იმ ადგილზე, რომელსაც შემდეგში მოგვთას უწოდებდენ. როცა ივერიელებმა სცნეს, რომ მათი მეფე კერპებს თაყვანს აღარ სცემდა, შეიძულეს იგი და დესპანების პირით ითხოვეს სომხეთის მეფისაგან, რომ მას მიეცა მეფედ ძე თვისი არშაკი, რომელიც ივერიის სეფეწულის მეუღლე იყო.

სომხების მეფე დასთანხმდა ივერიელების თხოვნაზე იმ პირობით-კი, რომ ყველა ივერიის ერისთავებს იმისათვის მიეცათ შივეალი. როდესაც უფროს ერთი დაეთანხმა ამ პირობაზე, არშაკი მხედრობით შემოვიდა ივერიაში. თავის მხრით ფარნაჯომმაც შესაწევნად მოიწოდა დიდი რიცხვი სპარსელებისა და შეებრძოლა ივერიელებს ტაშირის მაზრაში, მაგრამ იძლია და ომის ველზე მოკლულ იქნა, ხოლო ჯარი მისი გაიქცა. მისი ძუძუმწოვარი შვილი მირვანი მამა-მძუძემ სპარსეთში წარიყვანა, ხოლო სომხების მეფის შვილი არშაკი გამეფდა ივერიაში დაახლოვებით 93 წ. ქრ. შობის წ.

¹⁾ ქალაქი ანუ ციხე ზედაზენი ქ.-ცხ. იხსენიება I, გვ. 241. ამ ადგილზე მე-VI საუკ. წმ. იოანე ზედაზნელმან ალაშენა მონასტერი „ზედაზადენსა“, ე. ი. იმ მთაზე, რომელზედაც წინეთ იყო კერპი ზადენისა და მის გამო მონასტერს ეწოდა „ზედაზნის მონასტერი“. თ. ყორღანისა ქრონიკები. გვ. 14, შენიშვნა 20. ზედაზენის მონასტერი არაგვის მარცხნივ ძევს, მცხეთის ჩრდილო-აღმოსავლეთით იმ ქედზედ, რომელსაც ზედაზენის მთას უწოდებენ, ზადენ — იუპიტერის (ზევის) სახელ-წოდებით“. Д. Баградзе. Кавказъ въ др. памятн. христіанства. გვ. 71. ²⁾ ნეკრესის ქალაქი ყვარელის წყალზე იყო, რომელიც ალაზანს ერთვის. id. გვ. 7 და 112. იხ. აგრ. თეიმურ. ისტორ. გვ. 120.

აქ უნდა შევნიშნოთ, რომ სომხების არშაკიდების დინასტიის დაარსდა სწორედ 150 წ. ქრ. შ. წ., საურმაგის ივერიაში მეფობის დროს, და ამ ეპოქაში კლარჯეთის, ეგრისის და ოძრხის საერისთაონი — შავი ზღვის სამხრეთ ნაპირითურთ — თითქმის მთლად შედიოდნენ არშაკიდების სამეფოში, მეფის ვაჟარ-შაკის გამარჯვების შემდეგ მეთამბოხებზე, მიურთილიკიანებზე. ვიცით, რომ ამ სომხის მეფემ ყველგან თავისი მოურავები დასვა და საზატხულო სასახლეები ჰქონდა განწყობილი მთელს ტაიკის მაზრაში (მდ. ჰოროხის ხეობაში) და სამეგრელოში, და გუგარკის (სამხრეთ-ივერიის, ხრამის გაღმა) გამეგობა: მიანდო სომხის მოურავს მიხრდატს, რომელმაც არშაკიდის დინასტიის მეფის ტიგრანის ასული შეირთო. ამით აიხსნება ისიც, თუ რისთვის მიათხოვა ივერიის მეფემ, მირვან I-მა თავისი ასული არშაკს, სომხის მეფის შვილს, რომელმაც თარნაჯომი მოჰკლა, და ამითვე შეიძლება წარმოვიდგინოთ იმ დროის ივერიის სამეფოს საზღვრები.

ჩვენ უნდა შევნიშნოთ აგრეთვე, რომ თარნაჯომის მეფობის დროს კერპთაყვანისცემა სომხეთში ერთობ გავრცელდა. მეფე არტაშესმა საბერძნეთიდან გარდმოატანინა კერპების ღმერთები, როგორც მამრობითი, ისე მდედრობითი სქესისა: დიანასი, ჰერკულესისა, აპოლონისა ²⁾, ვაკხისა ³⁾, მინერვისა ⁴⁾, ვულკანისა ⁵⁾ და ვენერისა, — მაშინ როდესაც თარნაჯომი ერთგულად იცავდა სპარსელების სჯულს, ცეცხლის მსახურებას. ამის გამო ამ ორ ერთ შორის ასტყდა ბრძოლა, რომელშიაც დროებით ნებროთიანის გვარის მეფობა მოიხპო.

²⁾ აპოლონი, იგივე ფები, ბუნებრივი სინათლის ღმერთი და აგრეთვე მეცნიერების და ხელოვნების მფარველი იყო.

³⁾ ვაკხი ანუ დიონისი — ღვინის კეთების, მხიარულების და სევდის ღმერთი იყო.

⁴⁾ მინერვა ანუ ათინა სიბრძნის და სამართლიან ომის მდედრთა სქესის ღმერთი იყო.

⁵⁾ ვულკანი ანუ გეფესტი მიწის ქვეშე ცეცხლის ღმერთი და მჭედელთა ხელობის მფარველი იყო.

არშაკ I, სომხის არშაკიანის დინასტიის ჩამომავალი, 12 წელი მეფობდა ივერიაში და ქ. წუნდა, ჯაფახეთში გაამაგრა. იმის სიკვდილის შემდეგ 81 წ. ქრ. შ. წ. იმის შვილს და შემკვიდრეს ანტაგს დიდის ძალით დაეცენ სპარსელები, მათ გარდაუხადეს თარნაჯომის სისხლი და მთელი ივერია დაიპყრეს.

იმის მეფობის დროს 66 წ. ქრ. შ. წ.¹⁾ რომის მხედართმთავარმა პომპეიმ გამოედევნა მიტრიდატს დიდს სომხეთში და ივერიაში. რომაელებმა არმაზის ციხე დაიპყრეს, არტაგი კი

¹⁾ წარჩინებული ისტორიკოსი მომზენი თავის რომის ისტორიაში უჩვენებს პომპეის გამოლაშქრებას ივერიაზე 65 წ. ქრ. შ. წ. და არა 66 წ. და შემდეგი სიტყვებით მოიხსენიებს იმ დროის ივერიელებს: „ეს მამაცი, განათლებული და მიწის მუშაკი ერი“. ის ამბობს, რომ არტაგს თითონ მიუტია შვილი პომპეისათვის მძევლად. Th. mommsen Hist. rom. ტ. VI. აქ საჭიროდ ვპოეთ და მოგვყავს კავკასიის ენების გამოჩენილის ლინგვისტის, პ. უსლარის შესანიშნავ თხზულებიდან ერთი ადგილი კოლხიდის და ივერიის ამა დროის კულტურაზე, რომელშიდაც კლასიკური გეოგრაფის სტრაბონის ნარკვევიც არის ჩართული. ჩვენი საუკუნის პირველ ხარისხოვანი გეოგრაფი რიტტერი ამბობს, რომ სტრაბონმა ზედმიწევნით იცოდა ჩვენი მდგომარეობა; ის კ-პადოკიელი იყო ქ. ამასიიდან და თითონ მიმოუვლია ჩვენი მხარე და მისი პაპის ძმა მოათურნი კოლხიდის მოურავად იყო, როგორც თითონ სწერს: Géographie de Strabon ტ. II, გვ. 403.

წინათვე ბოდიშს ვინდით მკითხველთან, თუ ეს უსლარიდამ ციტატი გრძელი გამოვიდა. უსლარი სწერს: „თავის ყოფნის დროს კავკაზს აქეთა მხარეში პომპეის მოხსენდა ცნობა სახმელეთო აღებ-მიცემობის გზაზე ინდოეთად შავ-ზღვამდე. პლინის თქმით, იმან კასპიის ზღვის მახლობლად სცნო, რომ შვიდი დღის განმავლობაში შეიძლება მისგან ინდოეთიდან ბაქტრიაში იკარის მდინარეზე, რომელიც ოქსუსს (აწინდელ ამუ-დარიას) უერთდება, იქიდანაც კასპიის ზღვით ზემოთ მტკვრითა; შემდეგ სავაჭროები არა უმეტეს ხუთისავე დღისა გადააქვთ ხმელეთით ფაზისამდე და შეაქვთ ევქსინის პონტში. სძლია თუ არა მიტრიდატსა, პომპეიმ შეისაკუთრა ამ უკანასკნელის საგანძური, რომელმაც რომში დიად დიდი მნიშვნელობა მისცა პომპეის ტრიუმფსა. მოპოებულ იქნა აურიცხველი სიმრავლე მარგალიტებისა და ძვირფასის ქვებისა, რომელთა შორის რამდენიმე იმ დრომდ

განივლტო მტკვრის გაღმა და დასწვა ხიდი, რომელიც არმაზის ციხეს და მცხეთას აერთებდა. მიუხედავად ამისა პომპეიმ მაინც დაიმორჩილა იგი, მაგრამ არტაგმა შორს მდ. პელოროსის, — არაგვის გაღმა გავიდა. პომპეი მას კვალდაკვალ დაედევნა, ბოლოს ივერიელები შეებრძოლენ რომაელებს, მაგრამ დამარცხდენ და მათი მეფის შვილი მიჰგვარეს პომპეის ტყვედ. აქედამ პომპეიმ სისწრაფით დაედევნა მიტრიდატს, რომელიც კოლხიდან თავის ბოსფორის სამფლობელოში გაიქცა. ამ ექვმიუტანელ მოთხრობიდან სჩანს, რომ იმ დროს სამეგრელო მიტრიდატის ექვემდებარებოდა ან იმის მოკავშირე მაინც იყო. ეს ჩვენება გვიმტკიცებს მას, რაც ჩვენ წინეთ წარმოვსთქვით დასავლეთ ივერიის მდგომარეობაზე.

ბარტომ I-მა, არტაგის შვილმა, იწყო ივერიის ყველა ქალაქების გამაგრება; ამასობაში მირვანი, ფარნაჯომის შვილი სრულ წლოვანი შეიქნა და ცდილობდა ივერიელები თავისკენ მიემხრო იმ დაპირებით, რომ კერპთაყვანისმცემლობას არ

არც კი იცოდნენ რომაელებმა. პლინი ამბობს, რომ მხოლოდ ბრძოლის დასრულების შემდეგ მიტრიდატთან გავრცელდა რომში ლტოლვილება ძვირფასის ქვებისადმი. დასაჯერებელი არ არის, რომ მხოლოდ მიტრიდატის შემძლეობას და უფლების გავრცელებას შემოეკრიბა შავი-ზღვის აღმოსავლეთის ნაპირზე, სააღებ-მიცემო გზების შორეულად, იმოდენა განძეულობა, რომ აღეძრა განცვიფრება მთელის კლასიკურის ქვეყნისა, რომელსაც უკვე ჰქონდა შეგნებული სიმდიდრე მთელის დასავლეთის აზიისა. სიმრავლე ძვირფასის ქვებისა და მარგალიტისა კავკაზის მხარეებში შეიძლება აიხსნას ამ მხარის საუკუნოების განმავლობაში დამოკიდებულობით ინდოეთთან და იმ ქვეყნებთან, სადაც მოიპოვებოდა მარგალიტი, ე.ი. ცეილონთან და სპარსეთის ყურესთან. ჩვენ არ შეგვიძლიან არ უჩვენოთ აქ რიტტერის აზრი უშუამდგომელო აღებ-მიცემობაზე, რომელიც ძველისძველად არსებობდა შორის კავკაზის ქვეყნებისა და სპარსეთის ყურე ნაპირებისა. ეს უშუამდგომელო დამოკიდებულება შეადგენდა, უნდა ვიფიქროთ, აღებ-მიცემობის საიდუმლოსა. ცხადია, ჰეროდოტსაც ჰქონდა ცნობა ამ უშუამდგომელო გზისა, თუმცა იმაზე იგი გულ-აზნით არას ამბობს და თითქმის ვიშობს, არა წამომცდეს რაო. ერთს ადგილს ჰეროდოტი სწერს: კოლხიდან მიდია არა ჰშორავს, რადგანაც ამ ქვეყანათა შორის მდებარე-

ვსდევნიო. ზოგიერთი შეუერთდა მას, მაგრამ უფროს ერთობარტომის ერთგული დარჩა. სპარსელების დახმარებით მი-

ობს მხოლოდ ერთი ქვეყანა სასპირებისა; როდესაც ამ უკანასკნელს გაივლით, თქვენ შედიხართ მიდიაში... შემდეგ კიდევ ამბობს: ის ქვეყანა, რომელიც სპარსელებს უჭირავთ, ვრცელდება ერთრეს ზღვად წოდებულს, სამხრეთ ზღვამდე. იმათ ზემოთ ჩრდილოდ სცხოვრობენ მიდიელნი, მიდიელთ ზემოთ საპირნი, ხოლო საპირებს იქით კოლხნი, რომელნიც საზღვრავენ ჩრდილო ზღვას (ევქსინის პონტსა), სადაც მიმდინარეობს ფაზი. ამ ოთხთა ტომთა უპყრიათ მთელი სივრცე ზღვიდამ ზღვამდე.—ამ ოთხთა ტომთა დაახლოებაში ერთისა მეორესთანა რიტტერი პოულობს საბუთს ძველის უშუამდგომელო სახმელეთო დამოკიდებულობისას ევქსინის პონტისას და სპარსეთის ყურესას. უფრო ნამდვილ ამის საბუთს ვპოულობთ ალექსანდრე მაკედონელის ისტორიაში; თავის ყოფნის დროს სუზაში ალექსანდრემ მიიღო მოხსენება პონტიდამ და გაოცდა, რა გზით უნდა მოეტანათ იგი ასეთის სისწრაფით“.

„თავის მოგზაურობაში კასპიიდან პონტამდე ინდოეთის სავაჭროები გადიოდა ხან ხმელეთით, ხან წყლითა. სტრაბონის თქმით, სავაჭროები მიჰქონდათ ფაზის სარაპანამდე (შორაპანი). მდინარის თვისების მიხედვით ეს თქმულება საეჭვოდ მიგვაჩნია უფრო იმიტომ, რომ თვით იგივე სტრაბონი გვარწმუნებს, რომ მხოლოდ შემდეგ გლაკუსისა და ჰიპპუსის შეერთებისა ფაზთან, ნავით სასიარულო არისო ფაზი. რაც უნდა იყოს, ეჭვი არ არის, რომ ძველის-ძველად ფაზით სწარმოებდა სააღებ-მიცემო ნავით მსვლელობა. სარაპანს ზემოდ სავაჭროები შეჰქონდათ ზემო-ნაწილის მდინარის მიხვეულ-მოხვეულ ხეობებით, რომელსაც გადიოდენ 120 ხიდითა. სტრაბონი ფაზის ზემო-ნაწილად უწოდებს, რასაკვირველია, ყვირილასა. ახლა წამ-და-უწუმ გადიხართ ამ მდინარეს ფონით და არა ხიდებით... როდესაც სტრაბონი ეხება ივერიას, ის ამბობს: ივერია თავის სივრცის მომეტებულს ნაწილზე მოფენილია სოფლებითა და ქალაქებით, რომელნიც ისე კარგად არიან ნაშენნი, რომ იქ ჰპოულობთ კრამიტთან სართულებსა, საცხოვრებელ სახლებსა, რომელნიც აღმართულნი არიან იმ რიგზე, რა რიგსაც სახუროთ-მოძღვრო წესდება მოითხოვს,—ბაზრებსა და საზოგადო შენობებსა. უფრო შესანიშნავია შემდეგი თქმულება სტრაბონისა: ოდესმე კოლხიდელების ქსოვილების ქარხანები იყვნენ დიდად განთქმულნი და კოლხიდიდამ გამოდიოდა სხვა ქვეყნებში მრავალი ქსოვილები.—ამ საგანზე სტრაბონზე 450 წწინად გვიამბობს თვით ჰეროდოტი: მხოლოდ კოლხნი ამუშავებენ სელსა იმ წესით, როგორც ეგვიპტელნი ბერძნები უწოდებენ სარდონელ სელსა იმ სელსა, რომელიც ეგვიპტედამ გააქეთ... უკეთესს საბუთს ამ მხარის აყვავ-

ვან შეებრძოლა ბარტომს ბერდუჯის ახლოს და დაამარცხა ბარტომი, მოჰკლა იგი და შეერთო იმის ცრლი, რომელიც დიდხანს ეომებოდა მას გამაგრებულ სამშვილდეში. მირვანმა იწყო მეფობა მცხეთაში. შემდეგ ბრძოლისა, რომელშიაც

ბულის მდგომარეობისას გამოუკვლეველს ეპოქაში ჩვენ გვაძლევენ სარწყავო არხები კაკაზის აქეთის მხარისა, რომელთაგან აქამომდე მცირე ნაწილი-და დარჩენილა. შირაქის და მუღანის უდაბურები, ახლა უწყლო-უნაყოფონი და მიტევებულნი, ოდესმე ირწყებოდენ უხვად არხებითა, რომელნიც შორილამ იყვნენ გამოყვანილნი. ამ გვარნი ნამუშევარნი უჩვენებენ შეერთებულ შრომას მთელის ტომისას ანუ რამდენისამე ტომისას და სხანს, იგინი ანუ გრძნობდენ შრომის საჭიროებას საზოგადო სარგებლობისათვის, ანუ უმაღლესის მთავრობის განკარგულებანი იყვნენ ამისნი მოთავენი. როგორც უნდა ყოფილიყოს, ამ გვარნი ნამუშევარნი გვიმტკიცებენ, რომ ოდესმე წესიერება არსებულა იქ, სადაც ისტორიის რთულ საუკუნეთა მომდინარეობაში მხოლოდ შფოთსა და ამბოხებას უმთავრნია, მცირე ყამთა მიუღროებას გარდა. გარეშე ფანტაზიურ თქმულებათა კოლხიბზე, ჩვენ ვბოულობთ უქვევლს საბუთებს იმათის ცივილიზაციისას. კლასიკურნი მწერალნი აქებენ იმათ სტუმართ-მოყვარეობას, შემწეობას, რომელსაც იგინი აღმოუჩენდნენ ზღვის ღელვით დაზიანებულებს და ამასთანავე შემწეობდნენ კიდევ იმათ ფულით სამგზავროდ. ჩვენამდე მოუღწევია ცნობას კოლხიდელ ფილოსოფოსზე მარსიასზე. გვიამბობენ, რომ კოლხიდის გზებზე ამართული იყო ქვის ფირფიტები, რომელნიც მოგზაურებს თურმე უჩვენებდნენ გზის მიმართულებას და სადგურების ადგილ-მდე?არეობას“. Древнѣйшія сказанія о Кавказѣ. П. Услара, გვ. 421 427. ეს ფირფიტები ჯერ ქვისა იყო და შემდეგ—ხისა. მათ ეწოდებოდა კურბეისი - იგივე სახელი, რომელიც ერთოსთენმა უწოდა ათინელთა ძველ ფიცრებს. უეჭველია, რომ ეს ფირფიტები ნასახია ლანდ-ქარტებისა და ადვილად საფიქრებელია. რომ ჰეროდოტეს თვალწინ ჰქონდა ამისთანა ფირფიტები, როცა ჩამოსთვალა (IV, 21—25) ჩრდილოეთის ერთა სავაჭრო გზები ბორისთენისა და პონტის მიდამოებში.

„Карль Риттеръ. Исторія землевѣдѣнія.

ამ გვარივე აზრი კოლხიდისა და ივერიის განათლებაზე და კულტურაზე წარმოსთქვეს წარჩინებულმა მწერალმა XVIII საუკ. მონტესკიემ თავის განთქმულ თხზულებაში De l'esprit des lois და ფრ. ლენორმანმა, დაუვიწყარმა მკვლევარმა ჩვენის ენისა და ისტორიისა, თავის Histoire ancienne de l'orient. ტ. I, n. IV. ამ ერთობ გაგრძელებულს შენიშე-

ბარტომი მოიკლა, ამ მეფის ასული, შეუღლებული ქართამთან, ეგრისის მთავრის ქუჯის ჩამომავალთან, გაიქცა სომხეთში და იქ ჰშვა ძე ადერკი, რომელიც რაოდენიმე წლის შემდეგ ივერიის ტახტზე ავიდა.

23 წ. ქრ. შ. წინეთ არშაკ II შეიქნა მემკვიდრე თავის მამის, მირვან II; დედით ის არშაკიდის დინასტიას ეკუთვნოდა, მამით კი — ნებროთიანისას და ფარნაოზიანისას.

არშაკმა მამაცობით სახელი განითქვა; მან ნეკრესის ქალაქი კახეთში გაამშვენებინა და ქ. უფლის-ციხის სიმაგრეები გაადიდა. ამ დროს ადერკი, ქართამის და ბარტომ მეფის ასულისა შვილი იზრდებოდა სომხეთში და მონაწილეობას ღებულობდა სომხეთის და სირიის მეფეთ შორის ყველა მომხდარ ომებში. ის წავიდა ივერიაში სომხეთის მეფის ჯარით შესაბრძოლებლად თავის ბიძასთან (დედის მხრით), არშაკთან. ორბვე ჯარი ერთმანეთს შეეყარნენ თრიალეთის მაზრაში და არშაკმა ხმალში გამოიწვია ადერკი. ეს უკანასკნელი შეიარაღდა და მტრები ერთმანეთს ეკვეთნენ.

ისინი იბრძოდნენ შუბ-ნაჯახით და როდესაც შუბები გარდაუტყდათ, ლახტებს მოჰკიდეს ხელი და ამ ნაირად მთელი დღე დაღამებამდი ბრძოლაში გაატარეს. მეორე დილას ისინი გამოვიდნენ შვილდ-ისრებით და ცხენის ჭენებით ერთმანეთს ისრებს ესროდნენ, ადერკმა გულში სტყორცა ისარი არშაკს, რომელიც ვერ დაიფარა ჯავშანმაც. არშაკი ცხენიდან გადმოვარდა. მაშინ ადერკი მიუბრუნდა და გარდასძახა სომხებს: თქვენი ღმერთების გულისათვის შეაწყნარეთ ომი თქვენ მოძმეთ ივე-

ნას ვასრულებთ დიუბუას სიტყვებით, რომლის წიგნი „Voyage autour du Caucase, chez les Tcherkesses et les abkhases, en Colchide, en Georgie, en Arménie et en Crimée, აქამომდე სამართლიანად უკეთეს წყაროდ კავკასიის შესწავლისა ითვლება: თვით მეფე, რომელმაც არგონავტები, ტირიელები, ტროადელები და სხვ. მიიღო, და თვით მისი ერიც განათლებით ბევრად უფრო მაღლა იდგა იმ ავანტურისტებზე და იმ ჯარებზე რომელნიც ესტუმრენ მას იმისივე გასაძარცველად და სტუმართ-მასპინძლობის წესის დასარღვეველად“. ტ. I. Dubois de Montpéreux.

რიელებზე, რომელნიც თქვენის შემწეობით ჩვენი ქვეშევრდომნი შეიქმნენ“. მერე ის მიუახლოვდა ივერიელებს და უთხრა მათ: „მე თქვენი მეფეების ჩამომავალი ვარ. სომხები ძლივს შევაჩერე, სცანით ჩემი უფლება“. ივერიელებმა, განცვიფრებულებმა ყველა ამ მომხდარ ამბავით და უმეფოდ დარჩენილებმა, სიხარულით აღიარეს თავის მეფედ ადერკი.

მეფე ადერკი¹⁾ დედის მხრით ქართლოსიან დინასტიას ეკუთნოდა და მთელს ქართლს და ეგრისს ფლობდა. ცოლად მან სომხის ბატონიშვილის ასული ითხოვა და ცხოვრობდა მცხეთაში, სადაც მშვიდობით მეფობდა.

ადერკის მეფობის პირველი წელი ყოველად ღირს-შესანიშნავია: იშვა უფალი ჩვენი იესო ქრისტე²⁾. იერუსალიმში მოგვთა მეფეთ მისვლის უმალვე ყველა ივერიელ ებრაელებს, ბოდბის მღვდლებს, კოდის-წყაროს მწერლებს და ხანაანიდამ გარდმოსულთ სობიის თარჯიმნებს სურდათ იუდეაში წასვლა, ვინაიდან ყველგან გავრცელდა ხმა, ვითომც სპარსელებს წმინდა ქალაქი აეღოთ. შემდეგ კი დაწყნარდენ, როდესაც შეიტყვეს, რომ სპარსელები მისულიყვენ თავყანის საცემლად ყრმისა, რომელიც მეფის დავითის შთამომავალი იყო. ოცდა-ცამეტი წლის შემდეგ მცხეთის ურიები ანნა მღვდელთმთავრის მიერ იერუსალიმს მოწოდებულნი იყვნენ მონაწილეობა მიეღოთ მსჯავრის დადგინებაში შესახებ მაცხოვრისა. ამ მიპატიჟებისა გამო ელიაშ მცხეთელი, ელიაზარის გვარისა, დედის მხრით დიდებულ მღვდელ-მთავრის ელიასი ჩამომავალი, წავიდა იერუსალიმს თანახლებით ელიაზარ კახსსჯელისა ანუ სხვა მოწმობით ვინმე მეგრელისა ქუთაისიდან. ელიაზის დედა

1) ქართლის მოქცევის ქრონიკაში წოდებული როკად. სამი ქრონიკა ე. თაყაიშვილისა გვ. 8.

2) ახლად აღმოჩენილი ნინოს ცხოვრება, მაცხოვრის მოღვაწეობას და სიკვდილს ამაზავრის მეფობის დროს მიაწერს და არა ადერკისა, ანუ როკის დროს.

ემუდარებოდა მას, რომ ის ივერიაში დარჩენილიყო; მან იმ წამსვე განუტევა სული, როდესაც გოლგოთაზე შეიქნა ჩქრიალი სამსკვალებისა, რომლებითაც მაცხოვარი ჯვარ-ცმულ იქმნა; ელიოზს ლონგინოზითურთ წილში ერგო უკერავი კვართი უფლისა და იგი შინ დაბრუნდა. მცხეთის მოახლოვების უმაღლვე გზაზე დახვდა მას და, გამოსთხოვა რა მას წმინდა კვართი, ჩაიცვა იგი და უცებ განუტევა სული, ვინაიდან ის შეიპყრა მწუხარებამ, გამოწვეულმა მით, რომ იმის ძმამ მონაწილეობა მიიღო უღვთო მსჯავრის დადგენაში. რადგანც იმის სიკვდილის შემდეგ ველარაფრით მოაცილეს იმის გვამს კვართი, ამის გამო იგი კვართითურთ დამარხეს მცხეთაში ერთს აქამომდე აღმოუჩინელს ადგილზე ¹⁾).

მაცხოვრის ამალლების შემდეგ, როდესაც მოციქულებმა წილი ჰყარეს და ქვეყნიერება დაინაწილეს ურთიერთშორის, ივერია ჰხვდა ყოვლად წმიდა ღვთის-მშობელს, რომელმაც ეს ქვეყანა თავის მფარველობის ქვეშ მიიღო და თავის ძის ბრძანებით იქ ანდრია პირველ წოდებული გაგზავნა და მიუბოძა მას ხელთუქმნელი თავისი და დაუსაბამოს ძის ხატი, რომელიც სასწაულებრ გარდავიდა ფიცარზე. ეს ხატი აქამომდე ცნობილია აწყურის ღვთის-მშობლის სახელით.

იმ დროს, როდესაც ადერკი ქალაქებს ამაგრებდა და მცხეთის გამოღმა კედლებზე სიმაგრეებს აშენებდა, წმიდა ანდრია ტრაპიზონში მოვიდა, იქილამ ზღვით აზხაზეთში შევიდა ღ ჭკინის-ჯგაჩის ხეობით აქარის მხარეში გარდავიდა, სადაც ქრისტიან-

¹⁾ ბ. თ. ჟორდანიას სიტყვით ეს წმ. კვართი საუკუნოდ შთავიდა მიწის სიღრმეში ერთად სიღონასთან („ხოლო ადგილი იგი ვერავინ სცნა მიერ უამითგან ვიდრე დღესამომდე ჩვენდა, სადა მდებარე არს წმინდა იგი კვართი“), დაცულია სვეტის-ცხოველის ქვეშე და არა წაღებული საქართველოდამ შაჰ-აბაზისა მიერ, რომელმაც ის ვითომ საჩუქრად გაუგზავნა სრუსეთის მეფეს მიხეილ თეოდორეს ძეს, და რომლისაგან იქმნა მრავალი სასწაულებითი კურნება მოსკოვში, როგორც რუსეთის მწერლობაში დამკვიდრდა აზრი. იხ. დასაბუთებული ამით გამოკვლევა თ. ჟორდანიას ქრონიკებში, გვ. 15 შენიშნვა.

ნობას უქადაგებდა. იქაურ მკვიდრთ, უმეცრების სიბნელით გარემოცულთ, ღმერთი არა სწამდათ და გარყვნილობაში იმყოფებოდნენ, მაგრამ წმ. მოციქულის ქადაგება რომ მოეხმინეს, ქრისტიანობა მიიღეს; ანდრია არ გაუშვეს იმ დრომდღე, სანამ არ გარდმოაღებინეს მას პირი წმიდა ხატისა, რომელიც ღვთის მადლით ისრე გარდავიდა თეცარზე, რომ სრულიად დედანს დაემზგავსა. ის მერმე შევიდა სამცხის არეში, დაბა ზადენგორას, სადაც კერპთა თაყვანის მცემლები ცხოვრობდნენ; წმ. მოციქულმა ხატის ძალით დაამხო და დაამტვრია ყველა კერპი იქიდან ის გაემგზავრა ხოლხეთს¹⁾, აწინდელ აწუუქს და დაბინავდა იმ ადგილზე, სადაც იმათი ბომონი იდგა და რომელიც ეხლაც ძველ-გვესიად იწოდება. იმ დროს ამა მხრის მმართველად იყო ვინმე ქვრივი გვარად სამცხეაძე, რომელიც ძლიერ შეწუხებული იყო თავის ერთად-ერთის ვაჟის ახლად გარდაცვალებისა გამო. როგორც კი წმ. მოციქულმა იწყო ქადაგება იესო ქრისტეზე, მკვდრეთით აღდგომაზე, ქვრივს იმედი მიეცა და აღმოიჩინა გულითადი მიდრეკილება სარწმუნოებისადმი.

მაშინ ანდრიამ დაასვენა ხატი ცხედარზე, და შეევედრა ღმერთს, ხელით აიყვანა ყმაწვილი, რომელმაც მაშინვე გაახილა თვალები და გაცოცხლდა. ამან ყველა მესხნი გააცვიფრა. ისინი შეიკრიბნენ საკრისის ველზედ²⁾, სადაც დიანის და აპოლონის კერპი იყო აგებული. ზოგს მაშინვე სურდა მიეღო ქრისტიანობა, მაგრამ უმეტესმა გარდაწყვიტა, კიდევ გამოეცადათ ხატის ძლიერება. ის ჩაასვენეს ყოველ მხრივ დახურულ ბომონში სხვა კერპთა შორის და ორივე მხარემ მთელი ღამე ლოცვაში გაატარა. მეორე დღეს წარმართების ღმერთები იპოვნეს იატაკზე დამსხვრეული, ხოლო ხატი იდგა მშვენიერის ბრწყინვალეებით. მაშინ მთელმა ხალხმა ირწმუნა ქრისტე. იმათი თხოვნით წმ. მოციქული იძულებული იყო დაეტევებინა ამ ძველ-ეკლესიაში შესამჩნევი ღვთის-მშობლის ხატი, რომელიც ახლა

¹⁾ დ. ბაქრაძით საზანგეთს. ნ. ჩუბინოვით სოხანეთი. Свѣд. о пам. груз. письменности. А. А. Цагарели, т. I В. 3. 1894 წ. გვ. 35.

²⁾ დ. ბაქრაძით რკისის ველზე.

გელათის მონასტერში ასვენია. ამის შემდეგ წმ. ანდრია დიდ-
ხანს ქადაგებდა მთელ სამცხეში მტკვრის სათავემდე და ბოლოს
უკანვე იერუსალიმში დაბრუნდა. ყველა საეკლესიო მწერლე-
ბი თანახმანი არიან, რომ ქრისტეს სჯული ივერიაში პირველ
საუკუნეშივე იყო ნაქადაგებო. პაპმა კლიმენტიმ, იმპერატო-
რი ტრაიანის დროს პონტის ნაპირზე განდევნილმა, ანდრია
მოციქულის დაწყებული ქადაგება განაგრძო და, როგორც
ქვეით იქნება ნათქვამი, მეფე ღრეს, რომელიც მეორე საუკუ-
ნეში ცხოვრობდა, ესმოდა, თუ რა იყო ქრისტეს სჯული.

ადერკი ძლიერ განრისხდა იქაურ ერისთავზე, რომელმაც
წინააღმდეგობა ვერ აღმოუჩინა ქრისტიანობის გავრცელებას
მისდამი რწმუნებულს მხარეში, და ძალდატანებით აიძულა
მკვიდრთა ერთი ნაწილი მიბრუნებოდა წარმართობას. მიუხე-
დავად ამისა წმ. ანდრიამ თავის მოწაფით სიმონ კანანელით
მეორედ მოასწრო მესხეთით გარდასვლა აფხაზეთში. ისინი ორ-
ნივე ერთად გარდავიდნენ სვანეთში, ოსეთში და ბოსფორის
სამზღვრებამდე; წმ. სიმონმა დაამკვიდრა სჯული აბხაზთა შო-
რის სევასტოპოლის, აწინდელ სოხუმში, და მეგრელთ შორის,
და გარდაიცვალა სვანეთში; მისი გვამი გარდმოსვენებული იყო
ანაკოფიის ქალაქში. ამის შემდეგ ანდრია გაეშურა ჩრდილოეთი-
საკენ. ადერკის დრომდე ივერიის სახელმწიფო, მეფის სიკვდილის
შემდეგ, მემკვიდრეს განუყოფელად რჩებოდა ხოლმე; ადერკმა
განიზრახა იმის ორად გაყოფა; ჩრდილოეთის ნაწილი დედა ქა-
ლაქით მცხეთით მისცა უფროს შვილს ბარტომს, ხოლო სამ-
ხრეთის მხარე არმაზის ციხით—უმცროსს—ქართაშს. ის გარ-
დაიცვალა 57 წ. ქრ. შობის შემდეგ. ადერკის მეფობას მია-
წერენ რაოდენიმე შემთხვევას, რომელთაც რომის ისტორიკო-
სი ტაციტი იხსენიებს. 20 წ. ქ. შ. შემდ. ივერიაში მეფობდა,
მოგვითხრობს ის, ფარსმანი, რომლის უმცროსმა ძმამ მიტრი-
დატმა სომხეთში რომაელებს დაეხმარა სპარსელების მეფის არ-
ტაბანის ტახტიდამ გარდაგდებაში. ფარსმანის შვილი, რადამის-
ტი წინააღმდეგ თავისს ბიძას და სიმამრს, მიტრიდატს—სომ-
ხების ტახტზე მჯდომარეს; გარნა რომაელებმა აიძულეს ის გა-

ქცეულიყო ივერიაში თავისის ორსულის ცოლით, ზენობიით, რომელიც გზაზე ქმარმა ხანჯლით მოჰკლა და, შიშის გამო, რომ ის მტრის ხელში არ ჩავარდნილიყო, მდ. არაქსში გარდააგდო. თითონ კი რადამისტი იმპერატორი ნერონის მეფობის დასაწყისში თავის მამის მიერ მოკლული იქნა. რადგანაც ივერიის ისტორია არ იხსენიებს არც ამ ამბავს და არც ამ მეფეებს, ჩვენ უნდა ვიფიქროთ, რომ აქ ივერიის მეფეები კი არ უნდა იგულისხმებოდნენ, არამედ მეორე ხარისხის მთავრები ანუ ერისთავები, რომელნიც ფლობდნენ სამხრეთ ივერიას, — საკუთრად სომხითისა ჩრდილოეთ მხარეს, — და ურთიერთში აშლილნი იყვნენ¹⁾.

¹⁾ ავტორს, სამწუხაროდ, არ მიუღია მხედველობაში დანარჩენი ჩვენება დიდებულის ისტორიკოსის — ტაციტისა, რომლის მოწმობით სომხითი იმ დროს დიდად შესუსტებული სამეფო იყო. ის ერთ დროს ეჭირა იბერიის მეფეს ფარსმანის ძმას მიტრიდატს, იქვე მეფობდა ფარაზმანის შვილი რადამისტი, მამისაგან აქ მეფედ დადგენილი. Tacite annales livre VI თ. 32 და შემდეგ, livr. XII თ. 44 და 45. რომ იბერიის სამეფოს შესამჩნევი მნიშვნელობა ჰქონდა იმპერატორის ნერონისა, ვესპასიანისა, ტიტისა, დომიციანისა და ადრიანის დროს ამას ტაციტის გარდა გვიმტკიცებენ დიონკასიუსი, ელისპარტიანი და სხვ. კეისარის ადრიანის ბრძანებით ფარსმანს დიდი პატივი სცეს რომში, რომელიც პარფიის მეფეს შეუშურდა და შესჩივლა იმპერატორს, — და მას (ფარსმანს) ძეგლი დაუდგეს ბელლონის ტაძარში. ელისპარტიანი სწერს: „იმპერატორი ადრიანე არც ერთ მეფეს არ უძღვნიდა იმდენს საჩუქრებს, რამდენსაც თურმე უგზავნიდა იბერიელთ მეფეს“. მან გამოუგზავნა ფარსმანს სხვათა საჩუქართა შორის სპილო. Помяловскій. Сб. гр. и рим. надписей Кавказа გვ. 66, 69, Гань 174.

ახლად ნაპოვნი (1876 წ.) მცხეთის ახლოს ქვა, რომელიც ციხეში ყოფილა ჩასმული და ეხლა დაკუთვლია თბილისის მუზეუმში, გვაძლევს მტკიცეს და შეურყეველს საბუთს ტაციტის ფარსმანის და მიტრიდატის სინამდვილისას. ამ ქვის ბერძნული წარწერა ეკუთვნის 75 წელს იხსენიებს მიტრიდატს, შვილად ფარსმანისა და მეგობრად როგორც კეისარის ვესპასიანის და იმის შვილების ტიტისა და დომიციანისა, — შემდეგ ში იმპერატორებისა, — აგრეთვე — რომის ერისა. მოგვყავს აქ სიტყვა სიტყვით თარგმანი ჩვენი წარსულის ამ შესანიშნავის ნაშთისა: „იმპერატორმა, კეისარმა, ვესპასიანემ, ავგუსტუსმა, უზენაესმა მღვდელ-მთავარმა, რომელ-

როდესაც იმპერატორმა ვესპასიანემ 70 წ. იერუსალი-
მი აიღო, მრავალმა ურიამ თავი მცხეთას შეიფარა; იმათ შო-
რის იყვნენ შვილნი ბარაბასი, რომელიც ნაცვლად იესო ქრის-
ტესა სასიკვდილოდ დასჯისაგან განთავისუფლებული იყო. ბარ-
ტომ II-ს და ქართამის მემკვიდრენი იყვნენ მათი შვილები
კაოს და ფარსმან პირველი 72 წ. ქრ. შ. შემ. იმ დროს ივე-
რიის მეფენი, ნამეტურ არმაზელები, სომხების დაახლოვებულ
დამოკიდებულებაში იმყოფებოდნენ: ეს ცხადად სჩანს როგორც
იმისაგან, რომ სომხების მეფემ ეროვანდმა წაართვა ფარსმანს
ქალაქი წუნდა და მთელი მხარე მტკვრამდი, აგრეთვე მითაც,
რომ დასავლეთ ივერიაში ვაჟკაცობით ომში თავი იჩინეს. რო-
დესაც კაოსი და ფარსმან I გარდაიცვალენ 87 წ. ქ. შ. შემ.,
იმათ მემკვიდრებად დარჩენ შვილნი მათნი არმაზელ და აზორკ
ორთავე მეფეები შეთანხმდნენ სომხების ივერიიდან განდევნის
შესახებ და შესაწევნელად ოსებს და ლეკებს მოუწოდეს. ოსე-
თის მთავრები ბაზუკი და ამბაზუკი გამოვიდნენ თავის ჯარით,
რომელსაც შეუერთდნენ ჯიქნი და პაჭანაკნი, ხოლო ლეკებმა
მოიყვანეს დურძუკები და დიდოელები. ყველამ ერთად თავს
დაესხნენ სომხეთის მარებს: შირაქს, ვანანდს და ბაგრევანდს.
მდ. არაქსის დასაწყისში დაარბიეს ტაშირის მხარე ნახჭევანამდი

საც მეზიდედ აქვს ტრიბუნის უფლება მიცემული,—იმპერატორმა მეთო-
თხმეტედ, კონსულმა მეექვსედ და აღმორჩეულმა მეშვიდედ, მამულის მამამ,
ცენზორმა და იმპერატორმა ტ ი ტ უ ს ძ ა, კეისარმა, ავგუსტუსის შვილმა, რო-
მელსაც მეხუთეჯერ ტრიბუნის უფლება მიცემული აქვს, მეოთხეჯერ კონ-
სულმა და მეხუთეჯერ ამორჩეულმა, ცენზორმა და დომიციანემ კეისა-
რმა, ავგუსტუსის შვილმა, მესამეჯერ კონსულმა და მეოთხედ ამორჩეულ-
მა,—ივერთა მეფეს მიტრიდატს, ფარსმანის და იამაზდის შვილს, მეგობარს
კეისრისას და მეგობარს რომის ერისას—აუშენეს ციხე“. *Ганъ Извѣстія*
др. гр. и римс. писателей о Кавказѣ, т. I, гв. 114. Записки
общ. люб. Кавк. археологіи, кн. I приложение. ცნობილია აგრეთ-
ვე, რომ რადამისტის, ფარსმანის შვილის ბედკრულობა სიუჟეტად ჰქონდა
ფრანგების მწერალს კრებილიონს თავის ტრაგედიაში „რადამისტი და ზე-
ნობია“. ამ ტრაგედიაში „რადამისტის“ დახასიათებას აღტაცებაში მოყვას
განთქმული რუსის პოეტი ვ. ჟუკოვსკი V ტ. გვ. 410.

და მკვიდრნი ტყვედ წამოასხეს. სემბატ ბივრიტიანმა¹⁾, რომელიც იმ დროს ჰმართვიდა სომხითს, მოჰკლა მეფე ეროვანდი, სამეფო ტახტზე დასვა იმისი ძმა არტაშესი²⁾, მსწრაფლ შეკრიბა სომხების ჯარი და გამოუდგა კვალ და კვალ მტრებს მტკვრის გაღმა, კამბეჩოვანის მაზრაში მდ. ივრის ნაპირზე, სადაც ისინი ინაწილებდენ ერთმანეთში ნადავლს. როდესაც მათ წინადადება მისცეს, რომ დაკმაყოფილებულიყვნენ ნადავლით და ტყვეები კი დაებრუნებიათ, ოსეთის ორთავე მთავრებმა პასუხის ნაცვლად სემბატი ხმალში გამოიწვიეს, მაგრამ ორივე იძლიერნენ სემბატისაგან. ამას შემდეგ შეიქნა საზოგადო კვეთება, რომელიც ექვს საათს გაგრძელდა; ივერიის მეფენი იძულებულნი შეიქმნენ ომის ველი დაეთმოთ სომხებისთვის და განივლტნენ მცხეთას. სემბატმა დაიპყრა მთელი ივერია და ააგო ციხე აკმოთი, აწინდელ დიშის მაზრაში, იმერეთში ოძრხის მახლობლად. მიუხედავად ამისა ივერიელნი ჩაიკეტნენ თავიანთ ციხეებში და თავს იცავდნენ, ხოლო ოსები გაუწყვეტელად ებრძოდნენ სომხებსა.—ამ დროს განმავლობაში ივერიის ერისთავები ოძრხისა და კლარჯეთისა მეფეს ერთგულად დარჩნენ, აკავებდნენ თავიანთ მხარეების საზღვრებზე მტერს და ამით თავისი დამოუკიდებლობა დაიცვეს. ხანდისხან თვითონ ისინი შეესეოდნენ სომხეთის მაზრას, ტაიკს, ქართულად ტაოსს³⁾. დრო გამოშვებით ივერიის მეფეებიც ჩრდილოეთიდან აბოცის მხრით შემოდდიოდნენ მათ დასახმარებლად. ეს რომ შეიტყო სომხების მეფემ არტაშესმა, მცხეთას ჯარი გარს შემოართყა და ხუთისთვის შემდეგ აიძულა მეფენი პატიობა გამოეთხოვათ და ამ გვარად დაემორჩილნენ მას. რამდენიმე წლის შემდეგ ამისა, რომაელებს და სპარსელებს შორის ატყდა ომი, ივერიელებმა თანადანხმარებით მოკავშირე ერისა აუჯანყდნენ სომხებსა. არტაშესი

1) ქ.-ცხ.-ით სემბატ.

2) ქ.-ცხ. არტაშანი.

3) ტაო ორ ნაწილად იყოფოდა: ერთი ნაწილი ქართველებს ეკუთვნოდა და მეორე—სომხებს.

აჩქარდა და მსწრაფლ გამოგზავნა ივერიაში ჯარი თავის შვილის ზარენის წინამძღოლობით. მოხდა ჯავახეთში ომი ტბის პირად და ზარენი დამარცხდა; ის დაატყვევეს და დარიალანის ციხეში დაატუსაღეს. სამი წლის შემდეგ სემბატ ბიერიტიანი ჯარით შევიდა ივერიაში, თრიალეთის მაზრაში და ორთავე მხარემ შეკრა ზავი, რომლის ძალით ბატონისშვილი ზარენი უნდა დაებრუნებიათ მამისათვის, ხოლო ივერიელნი ვალდებულნი გახდნენ: 1) სომხების საჭიროებისა გვარ დახმარებოდნენ მათ ჯარით ათას კაცამდე და 2) ფული არტაშესის სახით¹⁾ უნდა მოეჭრათ. ნაცვლად ამისა მათ დაიბრუნეს ყველა ციხეები და მაზრები, ამას წინედ მტრისაგან წართმეული. აზორკი და არმაზელი მოკვდნენ დაახლოვებით 103 წ. იმათი მემკვიდრენი იყვნენ დეროკ—შიდა-ქართლში და ამზასპ—არმაზში, ხოლო ამათი სიკვდილის შემდეგ 113 წ. მირდატი I და ფარსმან II მეფობდნენ. აქამომდე ივერიის მეფეები ერთმანერთთან მეგობრულად სცხოვრობდნენ და მტერს ებრძოდნენ ხოლმე ურთიერთ მეგობრების თანადანხმარებით. ხოლო ამაყმა და მოსისხლე მირდატმა, შეირთო რა სპარსეთის მეფის ნათესავი, მოიწადინა დალატობით მოეკლა ფარსმანი, რომელსაც გულ-კეთილობისა და ვაჟკაცობისათვის ქველად უწოდებდნენ, და რომელიც თვით შიდა-ქართლებსაც კი უყვარდათ. ეს რომ ველარ მოახერხა, სპარსელების შემწეობით დაუწყო მას ბძროლა, ხოლო დამარცხდა და გაიქცა სპარსეთში, საიდანაც დაბრუნდა სპარსეთის ჯარით რკინის-თავის ხეობაში. მუდამ დღე ორივე მხარე ხმალში იწვევდა ურთიერთს, და მაშინ ფარსმანმა ჩვიდმეტს სპარსეთის ბუმბერაზს სძლია, ხოლო იმისმა სარდალმა ფარნავაზმა—ოცდა-ოთხს. შემდეგ ფარსმანის მიერ ხმალში გამოწვევისა განთქმულის ვაჟკაცისა, ჯუანშერისა,—რომელიც მან მოჰკლა, —ორივე მხრით ჯარები სასტიკად ებრძოდნენ ერთმანეთს, და ივერიელებმა ხელ-მეორედ დაამარცხეს სპარსელები. მირდატი მეორედ გაიქცა სპარსეთში. შემდეგ წელში მირ-

1) „არდაშენ მეფესა ხატით“ ქ.-ცხოვრებით.

ლატი შემოესია ივერიას დიდძალ სპარსელების ჯარით და დაიბანაკა იმ ადგილს, რომელსაც ეწოდება ჯაჭვი, მცხეთის პირდაპირ, სადაც იმალებოდა ფარსმანი, ვინაიდან მას ერთობ მცირე ჯარი ჰყავდა. ყოველ დღიურ ბელადთა შორის შეტაკებაში ფარსმანი და ფარნავაზი არამც თუ გამარჯვებულნი რჩებოდნენ, არამედ შემდეგ წესიერად გაწყობილის ომისა ივერიელებმა აიძულეს მირდატი უკუქცეულიყო თავისის მომხრეებით. სპარსელებმა ფარსმანის ჯავრი მით ამოიყარეს, რომ ის მზარეულის ხელით მოწამლეს და ივერიაში შემოიყვანეს მირდატი, რომელმაც დაიფლო ფარსმანის სამეფო, სადაც ერისთავად სპარსელი დანიშნა, ხოლო მხედართ-მთავარი ფარნავაზი სომხეთში გაიქცა ცოლით და თავისის მეფის შვილით, რომელსაც ერთგულად მარტო მეგრელები-ღა დარჩენ. იმ დროს სომხები დაუმეგობრდნენ ბერძნებს და რა, მიიღეს იმათგან მაშველი ჯარი, იწყეს სპარსელებთან ბრძოლა; იმათ მიემხრენ აგრეთვე ზოგიერთი ივერიელები და მეგრელები. თავისის მხრით სპარსელები მიეშველენ მირდატს და შემოვიდნენ შიდა-ქართლში მცხეთის დასავლეთით. დაბა რეხში მომხდარ ომში სპარსელები ქართველებითურთ დამარცხდნენ და მირდატი და სპარსელი ერისთავი დაიხოცნენ. ამ გვარად გათავდა ორ-მეფობის ეპოქა, რომელიც 75 წელს გაგრძელდა — თუმცა ამ ფაქტში ისტორიისათვის ჯერ ბევრი რამ კიდევ გამოურკვეველი რჩება¹⁾. — 129

1) ისტორიაში ამ ესრედ წოდებულ დუარხიას ანუ ორ მეფობას ასე განმარტებს თეიმურაზი: განყოფილა ქალაქსა მცხეთასა საშუალ მდინარე მტკვარი, გამოღმით მცხეთა და გაღმით არმაზი. დაადგინა (ადერკიმ) პალატსა შინა მცხეთისასა ქართამ და პალატსა შინა არმაზისას ბარტომ და ამცნა მათ, რათა მარად დღე შეკრბენ ერთბამად უსჯიდნენ ერთა და განაგებდნენ. სჯულუდვა მათ, რათა ერთი მათგანი განაგებდეს ყოველსა საქმესა სამხედროსასა და გარეგანთ საქმეთა; ხოლო მეორე შინაგანსა საქმესა ყოველსავე საქმეწონსა. ბრძოლისა ეამსა ერთი მათგანი წარვიდოდეს ლაშქარსა ხოლო მეორე უმზადებდეს მას ყოველსა საჭიროებასა; საჭურველთა, საზრდოთა და ყოველთა სახმართა სამხედროსათა“. ავტორი თავის „introduction“-ში და დ. ბაქრაძე ერთს გარემოებას მიაქცევენ ყურადღებას. „საკვირველია,

წ. ქრ. შ. შემ. ფარსმან II შვილი ადამი ავიდა ტახტზე; ის მოკვდა 132 წ. და დარჩა მას მცირე წლოვანი შვილი ფარსმან მეფის ქვრივის მზრუნველობის ქვეშ.

ფარსმან III, ადამის შვილი 36 წელს მეფობდა; მისი შვილი ამზასპ II ავიდა ტახტზე 182 წ. ქ. შ. შემ. იმის მეფობაში ოსები ანაზდეულად შემოესიენ დვალეთით ლიხვის ხეობას და განიზრახეს მცხეთის აკლება. მამაცი ამზასპ მსწრაფლ გარდავიდა, ცოტა შეისვენა და დაიბარა ყველა თავის ერისთავები; ამასობაში ამირ სპასალარმა შეკრიბა ცხენოსანი ჯარი. მოკლე დროში დედაქალაქის დასაცავად შეკრებულ იყო 30 ათასი ქვეითი და 10 ათასი ცხენოსანი ჯარი, რომელიც მდ, არაგვის ორივე ნაპირზე დაბინავდა. იქ ყოველ დღეს ორთავე ჯარის ბელადები ხმალში იწვევდნენ ურთიერთს; მაშინ გამოიჩინა თავი ამზასპმა და მოჰკლა, როგორც იქნა, ხუანცუ, სახელ განთქმული ოსის ბუმბერაზი. ამის შემხედავი ივერიელები იერიშით მივიდნენ, დაამარცხეს დიდძალი მტრის ჯარი და ოსებს მეფეც მოუკლეს. მომავალს წელში თითონ ამზასპ სომხების დახმარებით თავს დაესხა ოსეთს და მთელი ეს მხარე დაიპყრა. ამის შემდეგ ამზასპ გაამაყდა, მესისხლე და საზიზლარი შეიქნა ივერიელებისათვის; ის დაუახლოვდა სპარსელებს, ხოლო სომხების მეგობრობაზე ხელი აიღო. მაშინ ხუთმა დასავლეთის ერისთავმა, რომელთაგან ორი ეგრისისა და დანარჩენი სამი ოძრხისა, კლარჯეთისა და წუნდისა იყვნენ, ივერიის მეფედ გამოსთხოვეს შვილი სომხის მეფეს, რომელსაც ცოლად ამზასპის და ჰყავდა. ის დათანხმდა, ივერიაში დიდძალი თავისის და ბერძნების ჯარით შევიდა. ოსები თავკვერის ხეობით შეუერთდნენ მეგრელებს შურის საგებლად მოკვლისათვის თავის თანამომხეთა, რომელნიც წინანდელ ლაშქარში დაიხოცნენ. ამზასპმა შეკრიბა სპარსელები და ზოგიერთი თავის მომხრე ქართვე-

რომ ორნივე მეფენი ერთსა და იმავე დროს ასრულებენ თავის მოვალეობას და ასე გეგონებათ, რომ ისინი ანუ ერთად იხოცებიან, ანუ როდესაც უხუცესი კვდება, მაშინ უპრწემესიც თავის ნებით სტევებს თავის უფლებას“.

ლები და წავიდა მტრის შესახვედრად. რადგანაც ვერც ერთმა ვაჟაკმა ხმალში ამზასპის გამოწვევა ვერ გაბედა, ასტყდა ომი გუტის-ხევში, სომხეთში. ამზასპ ომის ველზე მოიკლა, ხოლო მისი ჯარი გაიქცა; სომხების მეფემ დასვა ივერიის ტახტზე თავისი შვილი რევი, დისწული ამზასპისა. 186 წ. ქ. შ. შემ. მეფე რევმა, ბიძით არშაკილმა, შეირთო ცოლად სეფელა, ბერძნის დიდებულის ასული, რომელმაც თან მოიტანა აფროდიტის კერპი და მცხეთის შესავალში ამართა. რევს რამდენამდე ქრისტეს რჯულიც შემეცნებული ჰქონდა. მან მოსპო კერპების სადიდებლად მცირე წლოვან ბავშვების მსხვერპლად შეწირვა და ბრძანება გასცა, იმათ ნაცვლად ცხვრები და კამბეჩები ემსხვერპლათ, რითაც დაიმსახურა სახელწოდება მართაფისა. რევის მემკვიდრედ იმისი შვილი ვაჩე შეიქნა 213 წ., ვაჩენ შემდეგ — მისი შვილი ბაკურ I 231 წ., ბაკურის შემდეგ — მირდატ II 246 წ.; მირდატის მემკვიდრე ასფაგურ იყო 264 წ. და მეფობდა სამი წელი. მან განამაგრა უჯარმა კახეთში. ასფაგურის დროს სომხეთში მეფობდა ხოსრო¹⁾ დიდი, რომელსაც მან გაუგზავნა საშველი ჯარი საბრძოლველად არდემირ ბაბეკონის წინააღმდეგ, რომელმაც სპარსეთში სასანიდის დინასტია დააფუძნა და რომელსაც ქართული მემკვიდრე შეცდომით ქასრეს უწოდებს. მან გაუხსნა მთებში შესავალი კარები ყველა მთიულებს — ოსებს, ლეკებს და ხაზარებს, თითონ კი იმათივე მომხრეობით შეესია არდემირის სამფლობელოს და მრავალჯერ დაამარცხა ის. აღშფოთებულმა არდემირმა ერთს შორებელ ხოსროს ნათესავს, ანაგს მიანდო იმის მოკვლა. ანაგი ვითომ სპარსეთის მეფეზე გარდამტერებული სომხეთში გარდავიდა, ხელ-შემწე შემთხვევით ისარგებლა და ნადირობაში ხოსრო მოჰკლა, მაგრამ თითონაც თავისის ოჯახით სომხებისაგან ამოწყვეტილ იქმნა. ერთად ერთი მცირე წლოვანი ანაგის შვილი წაყვანილ იქმნა საბერძნეთში; ეს იყო ის გრიგოლი, რომელიც შემდეგში შეიქნა სომხეთის განმანათლებლად.

¹⁾ ქ. კ. კ. 21172.

ხოლო ხოსროის შვილმა, თრდატმა, ბერძნების იმპერატორის მფარველობის ქვეშე ღროებით თავი შეინახა. არღეშირმა დაიპყრა სომხითი და ივერია. მეფე ასთაგურ მოკვდა თავისის ქვეშევრდომების დაცვის დროს; მას არავინ დარჩენია გარდა ერთის ასულის აბეშურისა.

ამ გვარ მდგომარეობაში ჩავარდნილი ივერიელები შეწუხდნენ და თავი შეიკრიბეს მცხეთის სპასპეტთან, მაიჟანთან²⁾ და, რა მიიღეს მხედველობაში მეზობლის სომხითის ბედკრულება, ივერიაში მეფის მემკვიდრეობის მოსპობა და თავის დაცვის შეუძლებლობა, გარდასწყვიტეს ისევ არღეშირს მიმართონ თხოვნით, რომ მან ერთი თავისი შვილი მოსცეს ივერიას მეფედ და საქმროდ აბეშურისათვის, რომელიც სამის მეფის მემკვიდრე იყო. არღეშირმა კარგად რომ გაიცნო ივერიის სამეფოსის სივრცე-განი, ძლიერება და იმის მომიჯნავე მტრების ღონე, მოისაზრა რა, რომ ივერია ჩრდილოეთის ხალხების სპარსეთში შემოსევის ზღუდედ გამოადგებოდა. შეიწყნარა ივერიელების თხოვნა და წავიდა მცხეთას, სადაც შვიდი წლის თავის შვილს მირიანს, შეძენილს მეორე ხარისხოვანის მეუღლისგან³⁾, მეფე ასთაგურის ასული აბეშურა შერთო. მირიანით იწყება ივერიის მეოთხე დინასტია—ხოსროიანებისა. არღეშირმა, დაადგინა რა ის დედა-ქალაქში, მცხეთაში, გარდასცა მას მთელი იკერია კერძისითჟნით, სომხითი, რანი და მოვაკანი, ე. ი. ყარაბახისა და შირვანის მაზრები. ამის გარდა მან მიანდო სპარსეთის დიდებულს მირვანოზს 40 ათასი მხედრებით დაჭერა იმ მხარეებისა, რომელნიც საზღვრავდნენ ივერიას სამხრეთით და აღმოსავლეთით და დაავალა მას, არაოდეს ივერიაში მხედრობა არ შეეყვანა, გარდა ხუთი ათასისა, რომელნიც მეფის მცველად ინიშნებოდნენ. მირიანი, ვითარცა სპარსი, ცეცხლის მსახურების

²⁾ დ. ბაქრაძით „მუჟანთან“.

³⁾ ქართლის მოქცევის მატთანე მირიანის მამად ჰხადან ლევს და არა ქახრე არღეშერს, ე. თაყ—ის სამი ისტ. ქრ. 11. თ. ყორდანიას ქრ. 18 და 19.

სჯულის აღმსარებლად უნდა დარჩენილიყო, ხოლო ქვეშევრდომთ გულის მოსაგებად მას არ უნდა შეევიწროებინა კერპთთაყვანის მცემლობა. — მთელი კავკასიის ერთ დაპყრობის შემდეგ არღეშირი დაბრუნდა სპარსეთში, მირვანოზს კი დაუბარა, რომ ხაზარებს მუდამ ებრძოლოს. ამ განკარგულების გამო მირვანოზმა ძლიერ გაამაგრა ნეკრესის ქალაქი; ხოლო მეფე მირიანმა არამც თუ ივერიის ენა შეისწავლა და გარდაეჩვია სპარსულს, არამედ თაყვანს სცემდა და შესაწირავებით ამკობდა შვიდს კერპს, რომელთაც აღმერთებდენ ივერიაში: გაცის, გაიმს, არმაზს, აინანას, დიანას, ზადენს და აფროდიტას; თითონ მეფე კი ცეცხლს თაყვანს სცემდა. ამით მან დაიმსახურა სიყვარული, როგორც თავისის ერისა, აგრეთვე მისის უფლების ქვეშ მყოფთ სომხეთის მაზრების მკვიდრთა. — როდესაც მირიანი 15 წლისა შეიქნა, მას მეუღლე აბეშური გარდაეცვალა; ამის შემდეგ მან დაიბარა საცოლოდ პონტოის მხარიდამ ნანა, ულიოთორის ასული. ამ ხანებში მან იწყო ბრძოლა ხაზარებთან. ლეკები ხან შეუერთდებოდენ მას მტრის წინააღმდეგ, ხან გადაუდგებოდენ და ხაზარებს გაუშვებდენ დარუბანდის ხეობაზედ კავკასიონის ქედის გადაღმა, სადაც ხშირად მოხდებოდა მათთან შეტაკება. როგორც კი ისინი დარუბანდიდან გამოჩნდებოდენ, მირიანი მსწრაფლ გარდავიდოდა და აიძულებდა მათ გაბრუნებას. ამბობენ, რომ მამის სიკვდილის შემდეგ მირიანმა განიზრახა სპარსეთის ტახტის დაჭერა, მაგრამ სპარსელები წინააღმდეგენ მას იმ მიზეზის გამო, რომ ის დაიბადა არღეშირის ხასისაგან, მაშინ, როდესაც იმის ძმას და მეტოქეს ბარტომს, ანუ ბახრამს, დედად ინდოეთის მეფის ასული ჰყავდა. ნაცვლად ამისა სპარსელები დათანხმდენ მოემატებიათ მირიანის სამეფოსთვის შესაპოტომია, ასურეთის ნახევარი ნაწილი და ადერბაიჯანი. უცხოეთელი ისტორიკოსები არას მოგვეთხრობენ ამ ამბებზე; მართლაც გასაკვირვებლად უნდა ჩაითვალოს ის, რომ ივერიამ თავის საზღვრები განავრცელა თავრაზის იქეთ. ჩვენ კი უნდა მივიღოთ მხედველობაში, რომ ძველს დროს ივერიელნი, როგორც კი გაქლიერდებოდენ, ყოველთვის ზედ დაე-

ცემოდენ ჩრდილო სპარსეთს და ხარკს ადებდენ მას. ეს არა ერთხელ მომხდარა, და ხშირადაც გაუმარჯვიათ. მირიანი რომ დაბრუნდა, ოსეთის წინამძღოლები ჰეროდოტის და კავტას დაცენ ივერიას: მირიანი გამოედევნა მათ კვალ და კვალ ოსეთში ხაზარეთამდი, და დვალეთის ხეობით უკან დაბრუნდა. რამდენიმე წლის შემდეგ ხაზარები თავს დაესხნენ დარუბანდს. იმ დროს, როდესაც მირიანი მივიდა იმის საშველად, ურიცხვი გუთების¹⁾ ურდონი შეცვივდენ საბერძნეთში და იმათმა წინამძღოლმა ხმალში გამოიწვია იმპერატორი დიოკლიტიანე. ბერძნებმა მასთან საბრძოლველად წინ წამოუყენეს თრდატი²⁾, სომხების მეფის ხოსროს შვილი, რომელიც წინეთ მოვიხსენეთ. თრდატმა, იმპერატორის ტანისამოსში დაამარცხა მტერი, რომლის ჯარი გაიფანტა. დასაჯილდოებლად ამ დამსახურებისა იმპერატორმა აღადგინა სომხების სამეფო, სადაც თრდატი მეფედ დასვა 287 წ. ქრ. შ. შემ. თრდატმა თავის დახელოვნებულ მოქმედებით და ვაჟკაცობით თავის არეებიდან განდევნა ივერიელების ერისთავები. როცა მირიანმა ეს შეიტყო, დაბრუნდა, სპარსელები დასახმარებლად მოიხმო, თვისი ქალი მისცა ფეროზს, ერთს თავის ნათესავს, და მზითვად მისცა არე ხუნანიდამ ბარდამდი. ამის შემდეგ ორივე მეფენი ივერიისა და სომხისა, განუწყვეტლივ ურთიერთს ებრძოდენ, მაგრამ თრდატმა სძლია და თან და თან მოახერხა გამობრუნება სირიისა, მესოპოტამიისა და მთელი იმ მხარისა, რომელიც წინეთ სომხებისგან სპარსელებს დაპყრობილი ჰქონდათ. ამის შემდეგ მირიანმა შემოიერთა თავისი ძმისწული, ბახრამის შვილი, სპარსეთას მეფე, და დაეცა სომხითით რომის სამფლობელოს. იმპერატორმა კონსტანტინემ, რომელიც იმ დროს მოინათლა, დაამარცხა ის, აიძულა უკუქცეულიყო შაპური, სპარსეთის მეფე, და მირიანმა მას ხელი მოუწერა ზავის პირობაზე. იმპ. კონსტანტინემ მძევ-

¹⁾ გოთები ანუ გუთები იყვნენ გერმანიის ტომის ხალხი.

²⁾ იგივე თრდატი.

ლად წაიყვანა ბაქარი, შვილი ივერიის მეფისა, და არამც თუ შეარიგა ის თრდატს, არამედ ამ უკანასკნელმა მიათხოვა თვისი ქალი სალომე რევს, მეორე შვილს მირიანისას. ახალ შერთულნი ცოლ-ქმარნი მირიანმა დაასახლა უჯარმას, დედა-ქალაქში მათთვის დაარსებულის სამეფოსა, რომელშიაც აგრეთვე კახეთი და კუხეთი შედიოდა. მას შემდეგ თანახმად იმპერატორის ნებისა ყველა მხარენი, რომელნიც მდებარეობდნენ იმ მდინარეების პირად, რომელნიც ჩრდილოეთიდან არაქს ერთვის, თრდატს საკუთრად უნდა დარჩენოდა, ხოლო მაზრები, მდებარენი იმ მდინარეების პირად, რომელნიც სამხრეთიდან მტკვარს შეერთვიან, მირიანის სამეფოს უნდა კუთვნიებოდა. ამ გვარად ივერიის სამეფოს იმ დროს ე. ი. დაახლოებით 318 წ. ქ. შ. შემ. შეადგენდნენ მაზრები: რანი და მოვაკანი, მტკვრის ხეობა ალაზნის ჩასართავამდე და რიონი ენგურამდე. რევი, მირიანის შვილი, ფლობდა მდ. ივრის სათავეს და ფეროზი, მეფის სიძე — მდ. ხრამის ხეობას ¹⁾).

¹⁾ თუმცა ბაქარძე სწერს, რომ „ეს თქმულება სპარსთა მეფის ბრძოლაზე კონსტანტინე დიდთან ისტორიული სიცრუეა“, რომ კონსტანტინესგან „ჯვარის წარდღმა, დამარცხება სპარსთა და შემდეგ ნათელ-ღება სხვადასხვა დროს შემთხვევა არისო. თუმცა ის ამბობს, რომ. მართალია, ჯვარის ძალით კონსტანტინემ სძლია თავის მტერს 312 წ., მაგრამ ის მტერი იყო მაქსენცი და არა სპარსეთის მეფეო. კონსტანტინემ ნათელ-ილოო სიკვდილის წელს 337 წ.—ჩვენი მატინის გარდმოცემა მირიანის შვილზე ბაქარზე, რომელიც ვითომც კონსტანტინესაგან მძევლად იყო გაყვანილი და შემდეგ სახარების მიღებისა მირიანისაგან წარმოგზავნილი უკანვე, საეჭვო ცნობად უნდა მიგვაჩნდესო. მართალია ბიზანტიელების თქმულება იხსენიებს „იბერიის მეფის ძეს ბაკურიუსს“, მაგრამ როგორც სჩანს, ის სხვა პირიაო“. თუმცა ჩვენი ისტორიის სხვა თანამედროვე მკვლევარნიც უარყოფენ ჩვენი მატინის ამ თქმულებას, მაგრამ ბ. თ. ჟორდანიას თავის ქრონიკებში სწერს: რომ „თქმა მირიან მეფის ბრძოლაზე კონსტანტინესთან სიცრუეთ მიაჩნიათ მხოლოდ მისთვის, რომ ამაზე ჯერ სხვა ცნობანი არ აღმოჩნდა. მაგრამ ბაქარის მძევლად მყოფობა კონსტანტინეს ხელში რითი აიხსნება, თუ არ დავიფერეთ ქ.-ცხ. თქმულება?“ შემდეგ მოჰყავს თავისი მოსაზრება, რომ კონსტანტინე დიდი იმ პოლიტიკით

ამ განკარგულებას ის შედეგი ჰქონია, რომ მირიანი თრღატის ერთგული მოკავშირე შეიქნა, და მიიღო მისგან 30 ათასი შემწე ჯარი, რითაც მან განდევნა ივერიიდან მთიულები, რო-

ხელმძღვანელობდა, რომ აღმოსავლეთის მწვრილ ერთაგან შეედგინა ერთი საქრისტიანო—სახელმწიფო, ქრისტიანობრივი კავშირით შეკრულ-შეერთებული და სხვ. ბოლოს მიაწერს, რომ შიო მღვიმის ხელნაწერში № 170 ნაამბობიაო, რომ „მათ დღეთა შინა იქმნა შესვლა მირიან მეფისა და ძმის წულისა მისისა სპარსთ მეფისა საბერძნეთად, რომელნი ესე კონსტანტინე მეფემან ბერძენთამან აოტნა ძალით ქრისტესითა და ჯვარისა მისისა წინაწარმოძღვანებითა ყოველით სპარსეთით შათით“. ამ დამარცხების შემდეგ მირიანმა მძევლად მისცა კეისარს ძე თვისი ბაქარ“. — „კონსტანტინე მეფისაგან მირიანისა დამარცხება და მძევლად ბაქარის მიცემა უნდა ყოფილიყოს 321—322 წ.“ არა უმეტარ იყო (მირიან) სჯულისა ქრისტესისა, ვინათგან თვით მეგრ აწვია საბერძნეთით მომავალ იყო“. ისვე და № 160 ხელნაწერები. უნდა ვიფიქროთ, რომ მირიან მეფე სპარსებითურთ მიშველებოდეს მეფე ლიკინის (ლიცინის?) წინააღმდეგ კონსტანტინესა იმ ბრძოლაში, რომელიც მოხდა მათ შორის 322—323 წ. და რომელშიც იძლია ლიკინი (ლიცინი?) გვ. 29. შენ. 57 და 61. აქ უნდა შევნიშნათ, რომ ბ. ჟორდანი ბევრად არ აფასებს ბერძნების მესტარითა თქმულებას, რომელნიც ერთის სიტყვითაც არ მოიხსენიებენ ამ ბრძოლას კონსტანტინე დიდისა მირიანთან. წინეთ ჩვენი სხოლიასტები ამ ბრძოლას კონსტანტინე და მაქსენცის შორის — იმ შეტაკებას, რომელიც მოხდა მათ შორის 321 წ. მიაწერდენ. ესლა ბ. ჟორდანი ბრძანებს: „უნდა ვიფიქროთ, რომ მირიან მეფე სპარსელებითურთ მიშველებია მეფე ლიკინის (ლიცინი?) წინააღმდეგ კონსტანტინესა იმ ბრძოლაში, რომელიც მოხდა მათ შორის 322—323 წწ.“ და შემდეგ დაბეჯითებით ამბობს, რომ „ამ დამარცხების შემდეგ მირიანმა მძევლად მისცა კეისარს ძე თვისი ბაქარ“. თვით ავტორს თავისს *Hist. de la Georgie*, 1, 132. ეჭვი შემოაქვს მათიანეს ამ თქმულებაზე და ამბობს, რომ ბაკურიუსი ივერიის მეფის შვილი კი არ იყო, არამედ ვიღაც წარჩინებული პირიო; ჩვენ შევნიშნავთ, რომ მართლ შიო მღვიმის ხელნაწერზე ვერ დაემყარება კაცი ამისთანა შესანიშნავ მსოფლიო ისტორიის ამბავის აღწერაში... ჩვენ გვგონია, რომ ჯერ თვით ის ფაქტიც დასამტკიცებელია, რომ ვითომც მძევლად წაყვანილი ბაკურიუსი მირიანის შვილი იყო, ხოლო ბ. ჟორდანიას ეს ამბავი მტკიცედ, შეურყეველად მიაჩნია და კითხულობს. „როთი აიხსნება ეს ამბავი, თუ ქ.-ცნ. თქმულება არ დავიჯერეთო“. ამას გა. და სპარსეთის ისტორიის მკვლევარმა მალკოლმმა სწერს, რომ „სპარსეთში არღეშირის შემკვი-

მელთაც საშინელი შემოსევა სპარსეთის მეფემ, შაპურმა¹⁾ გამოიწვია; თითონ მირიანმა ბარსიელების წინააღმდეგ მონაწილეობა მიიღო იმ ომში, რომელიც ქ. ბარდას ახლოს მოხდა, და დაეხმარა თრდატს მათ განდევნაში კავკასიის მთის იქით. მოსე ხორენელის თქმით ეს მოხდა მაშინ, როდესაც ორივე მეფემ ქრისტიანობა მიიღეს 319 წ. ქრ. შ. შემ. დაახლოვებით²⁾.

ესლა გადავიდეთ ამ შესამცნევ ცვლილების მოთხრობაზე. ზეპირ გარდმოცემით ვინმე ზაბილონმა, კაპადოკიელმა, იერუსალიმში შეირთო სუსანა, იმა წმ. ქალაქის პატრიარქის და მას ეყოლა ქალი სახელად ნონა³⁾, ანუ ნინო, რომელიც მოსამსახურეთ მისცა ნიაფორე-სასას, დოვინელ სომხის ქალს. ამ სახლში ნინომ შეისწავლა, როგორც იმ დროს ივერიელებზე გავრცელებული ამბევები აზიაში, აგრეთვე მოთხრობა უფლის კვართზე, რომელიც ლონგინოზმა⁴⁾ მოიტანა მცხეთაში და განიზრახა ამა მაზრის ნახვა. მაშინ იმპერატრიცა ელენე ქ. ეფესოში ბრძანდებოდა და ემზადებოდა წმ. ნააღლის-ღების მიღებას. ნინო წავიდა ეფესოში და გაეცნო იქ მცხოვრებს, სომხის უფლისწულს რიფსიმეს. როდესაც მიღებულ იქმნა იმის სახლში, მო-

დრედ დაჯდა მისი შვილი შაბურ I, რომელსაც მოწინააღმდეგე არავინ გამოჩენია“. ხოლო შიო-მღვიმის ხელნაწერით ბ. უორდანიამ ამტკიცებს, რომ მირიან-ის ძმის-წული სპარსების მეფედ იყო. აქ უნდა დავასახელოთ აგრეთვე, რომ „ქართლის მოქცევის“ ქრონიკებში ბაქარ ანუ ბაკურ არის ძე რევისა და არა მირიანისა. ე. თაყაიშვილის სამ. ისტ. ქრონ. გვ. 22.

1) ანუ შაბურ I (იგივე საპირი).

2) ბ. უორდანიამ ერთსა და იმავე თავის მე-62 შენიშვნაში ორს სხვა-და-სხვა წელს მირიანის მოქცევისას უჩვენებს. ჯერ ამბობს, რომ ჩვენ ჯერ-ჯერობით უფრო საბუთიანად მიგვაჩნიაო მირიანის სასწაულითა მოქცევა 20 ივლისს 323 წ. და ორ სტრიქონს შემდეგ მასვე იმეორებს, და, ცოტა ქვეით, შემდეგ ორის სტრიქონისა, დასძენს: „თუმცა მირიანის მოქცევა და ეკლესიის აშენება ჩვენ 324 წ. გვეონია, მაგრამ მეფის მონათვლა 325 წ. უნდა ყოფილიყოს“. რომელ ერთს ამ წელთაგანს ერწმუნოს მკითხველი?

3) ბ. ლანგუა ამტკიცებს, რომ სახელწოდება ნინო, ნუნე ნინონავს მონაზონს, nonna religieuse.

4) ლონგინოზ კარსნელი.

აქცია რიფსიმე ქრისტეს მცნებაზე, დედა მძუძე გაიანე ზე რაოდენიმე სხვა ქალებითურთ. ამ დროს გარყვნილმა მაქსიმოანემ, იმპერატორის კონსტანტინეს ამხანაგმა, ბრძანება გასცა, ეძებნათ მისთვის უუმშვენეირესი ქალი მთელს იმპერიაში, და ამის გამო აღებულ იქნა უფლის წულის რიფსიმეს სურათი; მაგრამ ამ უკანასკნელს აღთქმა მიეცა ღვთისათვის, მთელი სიცოცხლე ქალწულად გაეტარებინა, და, ვინაიდგან მას მაქსიმოანის შიში ჰქონდა, გარდაიხვეწა სომხეთში გაიანეთი და 70 ქალწულების ამალით. ეს რომ თრდატმა შეიტყო, განიზრახა ან იმპერატორთან გაეგზავნა რიფსიმე, ან თითონ დამტკბარიყო იმის სიტუროფით. მაგრამ ვერაფრით ვერ დააჯერეს რიფსიმე და ვერ დაიყოლიეს ნებას; მაშინ განძვინებულმა შეფემ უბრძანა მოეკლათ რიფსიმე გაიანეთი და ყველა იმის ამალაში მყოფნი ქალწულნი. ეს მოხდა 311 წ. ამ გვარი დანაშაულობისთვის თრდატი დაიხსაჯა მით, რომ აუვარდა საშინელი ზაფრა; მას წარმოუდგა, რომ ის ეშვად გარდაიქცა და, მანამ ვერ მოვიდა გონზე, სანამ ქრისტეს სჯული არ აღიარა.

ნინომ მოასწრო სომხეთილამ გაქცევა და მივიდა ივერიის საზღვარზე ორბანთში¹⁾, სადაც ზამთარი დაჰყო. გაზაფხულზე ჯავახეთში შევიდა და იქ ფარავნის ტბის ახლო დახვდენ მეთევზებები და მწყემსები, რომელნიც არმაზს და ზადენს თაყვანსა სცემდენ. ვინაიდგან ისინი ლაპარაკობდენ სომხურად, რომელიც ნინომ ნიაფორესთან შეისწავლა, მათგან გამოკითხვით შეიტყო, რომ ისინი დაბა საფურცლედამ, ქინძარის²⁾ არედამ არიან, კახეთის აზნის მთებილამ და დიდ მცხეთის ქალაქილამ, რომელიც მდებარეობს მდინარეზე, რომელიც ტბილამ გამოდის. ძილში ესიზმრა ანგელოზი, რომელმაც უბრძანა ქრისტეს სჯულის ქადაგება ივერიის მხარეში. ამის გამო ის დაჰყვა მდინარე მტკვრის პირს და წარმართების ქვეყნით მიაღწია დაბა ურბნი-

1) „ორბანად“ ვახუშტი. შიო მღვიმის ვარიანტში „ურბნისად“. ახლ-ვარიანტში ნინოს ცხოვრებისა „ულოპორეთ“. ე. თაყაიშვილი გვ. 15.

2) „საფურცლისა, ქინძარისა“ ვახუშტით.

სამდე, სადაც ურიები ესახლენ. მან დაჰყო ამ ადგილს მთელი თვე, და როცა შეამჩნია, რომ ხალხი ჯგუფ-ჯგუფად მიდიოდა მცხეთას არმაზის თაყვანის საცემლად, თითონაც გაჰყვა მათ და შეჩერდა დაბა მოგვთაში. მეორე დღეს საყვირის ცემით, და სწინელის ყვირილით, კიჟინით და ხელში ყვავილების თაიგულებით ხალხი მეფე მირიანს და დედოფალს ნანას უკან მიჰყვებოდა არმაზისკენ. როდესაც ნინო მთაზე ავიდა, მან დაინახა მაღალი ბრინჯაოს კერპი, რომელსაც ხელთ ეპყრა მსწრაფლ ყოველ მხრისაკენ სატრიალებელი ბრწყინვალე მახვილი; ხალხი იმას უახლოვდებოდა კრძალვით რეწინოდა თავიანთ ცოდვებისა; რომელთ შორის ირიცხებოდა მაგალ. ისიც, თუ ოდესმე დაულაპარაკნია ურიას ცეცხლის თაყვანის მცემლებთან. ეს იყო ცრულმერთი არმაზი. იმის მარჯვენა და მარცხენა მხარეზედ იდგნენ ცრულმერთების კერპები: ოქროისა—გაცისა და ვერცხლისა—გაიმისა. ნინო სწუხდა ამ გვარ ხალხის უმეცრებაზე და ევედრებოდა ღმერთს, გამოეჩინა თვისი ძლიერება კერპზე. როგორც კი გაათავა მან ლოცვა, უცებ ამოვარდა ნისლიანი დასავლეთის ქარი საზარელი სუნით, იწყო ელვა-ქუხილი; გავარდა მენი და ვეებერთელა სეტყვამ მოთინა მიწა. კლდეები სკდებოდნენ რეწინგროდნენ. შეშინებული ხალხი ამბობდა, რომ ვითომც ითრუშანა¹⁾ ძველ დროს წარმოეკლინა. ზოგნი ამბობდნენ, ვითომც ღმერთი, რომელმაც თრდატი ეშვად გარდააქცია და შემდეგში ისევ დაუბრუნა მას კაცობრიული სახე, —ახლა სჯიდა კერპთ თაყვანის მცემლებს. იმ დროს ივერიაში ხმა ქრისტეს რჯულზე უკვე გავრცელებული იყო. ეს მოხდა ნ აგვისტოს ფერის-ცვალების დღეს 318 წ. ქრ. შ. შემ. როგორც კი გრიგალი ჩავარდა, ნინომ სასიხარულოდ დაინახა, რომ კერპები უკვე დამსხვრეულნი ეყარნენ მიწაზე. ავიდა არმაზის მთის მწვერვალზე და დასასვენებლად ხის ქვეშ დაჯდა. აქ შეეყარა მას შრომანა, სასახლის მოსამსახურე²⁾ და მიიპატიჟა იგი მეფის სასახლეში;

1) „ითრუშანა“ ახ. ვარიანტით ნინოს ცხ.

2) სეფე-ქალი — ვახუშტით.

ნინო არ დათანხმდა და ჩამოხტა მეფის მეზღვისას, რომლის ცოლმა ანასტასიამ მიიწვია ის. მან დაჰყო იქ 9 თვე და თვისი ლოცვებით ევედრებოდა ღმერთს, მიენიჭებინა ანასტასიასა და იმის ქმრისთვის სანატრელი ვაჟიშვილი. ამ ოჯახმა იღუმალ ირწმუნა იესო ქრისტე. იქედამ რომ გავიდა ნინო, თავი შეიფარა ქალაქის გარედ ეკლის ბუჩქს¹⁾ ქვეშ, სადაც ახლა სამთავრის არხივისკოპოზის ეკლესია არის აგებული. მან გააკეთა აქ ჯვარი ვაზისაგან, დაასვენა იგი ახლოს, თითონ კი ღლე და ღამე ლოცვასა და მარხულობაში ატარებდა. ამასთანავე ის ხშირად დადიოდა ურიათ ქალაქში ურბნისში და მოაქცია ქრისტიანობაზედ მღვდელი აბიათარი, მისი ცოლი სალომე და ექვსი ქალი, რომელნიც შემდეგში მისი მოწაფენი შეიქნენ. სამი წლის განმავლობაში მან მრავალი სასწაულები ჰქმნა და განკურნა მრავალნი სნეულნი უფრო ღვთისაგან მოვლინებულის ძალით, ვიდრე წამლობით. როგორც წინეთ ვთქვით, მაშინ მირიანი სპარსეთის მეფესთან ერთად ებრძოდა იმპერატორს კონსტანტინეს. — წმ. ნინოს მოწაფე მღვდელი აბიათარი მოგვითხრობს შემდეგს: ნინოს მოსვლის დროს, ამბობს იგი, ანტიოქიის ებრაელებმა შემომითვალეს, რომ ჩვენი ხალხის აწინდელი დაჰთანტვა დედამიწის ზურგზე, უსაცილოდ, შედეგია იმისა, რომ ჩვენთა წინაპრთ ჯვარს აცვეს ნაზარეველი იესო ამ სამასის წლის წინეთ. ამან მაიძულა მე გამოემეკითხა ქრისტეზე ნინოსათვის და, როდესაც ყოველივე ვსცანი, მოვიწათლე ჩემის ასულით სიდონიათი. მართლაც, როდესაც მეფე მირიან დაბრუნდა მცხეთის საბერძნეთზე გალაშქრების შემდეგ, ნინო სამი წლის განმავლობაში დაუფარავად ქადაგებდა ქრისტეს სჯულს და მეფის მეზღვე ცოლითურთ აშკარად ცდილობდა გაევრცელებია ქრისტეს სწავლა, და აბიათარი კინაღამ მსხვერპლადაც შეიქნა იმ გულმოდგინებისა, რომელიც მან გამოიჩინა ამ საქმეში. — ხოლო ნინომ სასწაულთ მოქმედებით დაამტკიცა თვი-

1) „ბრწამლის“ ვახუშტათ. დავით სეკტორის სიტყვით—ბრწამლი ეკალა-ლიქს ნიშნავს. ახ. ვარ, ნინოს ცხოვრებ.—„მაცხოვრანსა“.

სი ქადაგების ჭეშმარიტება. დედოფალმა ნანამ, რომელიც სა-
შიშ სნეულებით ავით გამხდარიყო, გაიგო რა ნინოს მოღვა-
წეობა, ბრძანა იმის მოყვანა, მაგრამ ნინომ არ ისურვა
მოშორება ბუჩქნარისა და ჯვარისა, რომელიც მან ააგო.
თვითონ დედოფალი მიგვარეს მას ცხედარით და ბატონიშვი-
ლის რევის და აუარებელის ხალხის თანახლებით, როგორც კი
დედოფალი დადევს კილიკსაზედა¹⁾, რომელზედაც ნინო ჩვე-
ულებისამებრ იწვა ხოლმე, წმინდამან გულმხურვალედ ევედრა
ღმერთს, ავითმყოფის სხეულს შეახო ჯვარი, და ბოლოს ჯვარი
გარდასახა. დედოფალი უცებ განიკურნა და სთქვა: „არ არის
ღმერთი, გარდა ქრისტესი“ და ამის შემდეგ გულმოდგინედ ის-
წავლა ქრისტეს სჯული აბიათარის და იმის ასულის სიდონის
შემწეობით. — მაშინ მეფე შირიანმა თავის დაახლოვებულ პი-
რებს დაუწყო ქრისტეზე გამოკითხვა, და ხშირად ესაუბრებო-
და აბიათარს ძველს და ახალს აღთქმაზე; შეადარა რა იმისი
მოძღვრება ნებროთის²⁾ წიგნს, რომელშიაც არხისტრატეგი მი-
ხეილი უწინასწარმეტყველებდა ბაბილონის გოდოლის აღმაშე-

1) „ფალასი ბანლისა“ დავით რეკტორით.

2) ჩვენ არ შეგვეძლია გაკვირით არ მოვიხსენიოთ ის საოცნებო იმედი,
რომელიც ბ. ყორდანიას დაუმყარებია „ჩვენის მწერლობის წარჩინებულ
მეცნიერის და სიბრძნის მოყვარის თ. ნ. ტ. დადიანის ნაამბობზე ნებრო-
თიანის შესახებ“. ბ. ყორდანია გვარწმუნებს, რომ „ნ. დადიანს ჰქონია
დედის მზითევში რაჭილამ მოყოლილი ერთი ცალი ამ შესანიშნავი წიგნი-
სა ტყაზე ნაწერი მეტად უცხო ასოებით, რომელიც ხუცურითგანაც განი-
რჩევინ და მხედრულიდამაც, თუმცა კი ორსავე ემზავსებინ. ნ. დადიანს
სრულიად წაუკითხავს ეს წიგნი, შინაარსი მისი კარგად ახსოვს (?) და რამ-
დენიმე ადგილი (უფრო-კი შელოცვები უცნობ ენაზე დაწერილები) ზე-
პირად სცოდნია(?!). — ეს წიგნი, განაგრძობს ბ. ყორდანია, სამწუხაროდ,
ცეცხლს შთაუნთქავს 1871 წ. დ. ყვირილაში. ეხლა დაგვრჩენია მხოლოდ
ვევედრნეთ და დავავალოთ ბ. ნ. ტ. დადიანს, ადგივდგინოს დაკარგულის
წიგნის შინაარსი და თვით პალეოგრაფიული მისი ხასიათი იმდენად, რამ-
დენად შეიძლებს მისი მეხსიერება“. ჩვენ უნებლიეთ გვაგონდება ერთი ჩვე-
ნი პროფესორის ლექცია, რომელშიაც ის ამ გვარადვე გატაცებული იყო
ერთი მემბტიანის სიტყვით შესახებ უცნობის XI საუკ. რუსის პოეტის ღი-

ნებლებს მომავალი მესსიის მოსვლაზე და იესო ქრისტეს ტან-ჯვაზე, თვით მირიანიც თანდათან მიეკერძა ქრისტეს სჯულის აღსარებას, რომელსაც ნინო ქადაგებდა. მირიანი ჯერ მაინც არ ტევებდა კერპთ თაყვანისცემას და ნინოსაგან სასწაულებს იმით ხსნიდა, რომ ვითომც ისინი ცრუ-ღმერთების არმაზის და ზადენის ძლიერებით მომხდარიყვენ, ხოლო ნინო იმდენად არ ეწინააღმდეგებოდა მირიანს სიტყვით, რომელსაც მას სულიწმინდა აგონებდა, გარნა დასამტკიცებლად თვისის სიტყვისა მან ჯვარის გარდასახვით განკურნა მძიმე ავადმყოფი ხორასანის უმთავრესი მოგვი, გრძნეულის სულით შეპყრობილი. განკურნების შემდეგ ეს მოგვი ერთგულ ქრისტიანედ შეიქნა, ბოლოს მირიანმაც აღიარა ქრისტეს სჯული.

322 წ. მეფე ნადირობდა თხოთის მთაზე მუხნარის, აწინდელ მუხრანის მიდამოში. უდაბურს ტყეში გზა დაებნა, და ისეთი სქელი და ბნელი ბურუსი მოეხვია მას ¹⁾ რომ არ იცოდა საითკენ წასულიყო. მაშინ მიმართა ლოცვით ნინოს ღმერთს, აღთქმა დასდვა, რომ ირწმუნოს ის და ჯვარის სადიდებლად ამ ადგილზედ ტაძარი ააგოს, თუ კი განთავისუფლდებოდა იგი ამ განსაცდელიდან. ლოცვის გათავების შემდეგ ცამ უცებ გაანათა და მეფემ მიიღბინა დაბა ქინძარას, მცხეთის ჩრდილოეთით, სადაც მას დახვდენ მეფის ნახვის იმედ გადაგაკარგული დედოფალი და ხალხი. დაბრუნების შემდეგ მეორე დღეს მან გაუგზავნა დესპანები იმპერატორს ²⁾ კონსტანტინეს და აუწყა ყვე-

რსებისა და აღტაცებით გვითხრა: „ახლა ჩვენ უნდა გადავიდეთ იმ სახელოვანს და შარავანდით მოსილს პოეტზე, რომლის წინა უნდა განქრნენ ჰომიროსის, გიოტესი და შილლერის სახელები, მაგრამ აქ, სამწუხაროდ, უნდა აღვიაროთ, რომ, არამც თუ თხზულებანი ჩვენის დიადის პოეტისა არ დაგვრჩენია, არამედ თვით იმის სახელიც არ არის მოხსენებული მათიანეში, რომელშიაც სწერია მხოლოდ, რომ ერთი დიდი მგოსანი ამ საუკუნეში ცხოვრობდა“ ნეტარ არიან მორწმუნენი!

1) „შუა სამხრისის ოდენ დაბნელდა მათ ზედა მზე“.

2) ახ. ვარ. წმ. ნინოს ცხოვრებისა ეს ადგილი არ მოიპოვება, ნათქვამია მხოლოდ, რომ „მირიანმა წარავლინა მოციქულნი საბერძნეთსა“.

ლა თვისი თავ-გარდასავალი; მას სთხოვა მღვდლების გამოგზავნა თავისის და თავის ერის მოსანათლავად. სანამ პასუხს მიიღებდა, მეფემ განიზრახა დედა-ქალაქში, მცხეთაში, ტაძრის აშენება და დანიშნა ამისათვის ის ბოსტანი¹⁾, რომელშიაც ნინომ დიდი ხანი დაჰყო.

როგორც კი ააშენეს ხის კედლები ოთხისავე მხრით, შუაში კვიპაროსის ხისა ხუთი სვეტი ააგეს ჭერის დასაჭერად, მაგრამ მეექვსე სვეტი ვერასფერ ღონისძიებით ველარ ასწიეს. ამასობაში კიდეც დაღამდა. ნინო თავისი მოწაფეებით ღამეს ლოცვაში ათევდა და საკვირველი საწინასწარმეტყველო ჩვენება ნახა: ვითომც ორივე მთები არმაზისა და ზადენისა საშინელი ხმაურობით დაირღვენ და შეაყენეს მდ. მტკვრის და არაგვის მომდინარეობა, რის გამო მცხეთა უცებ წყლით მოდებულნი შეიქმნა. ამასობაში ვითომც სპარსელები დაეცნენ ქალაქს და მახვილით ამოსწყვიტეს იმის მკვიდრნი. ბოლოს ვითომც თვით მეფე მირიანი ტყვედ წარიტაცეს. წმინდა ნინომ იწყო გულმოდგინედ ლოცვა და სცნა, რომ ეს ჩვენება მოასწავებს კერპების დამხობას, და აგრეთვე უწმინდურ სულელების განრისხებას და სიძულვილს ახლად მოქცეულის ერის წინააღმდეგ. განთიადზე ნინოს გამოეცხადა ანგელოზი, რომელმაც ანუგეშა იგი რაოდენიმე სიტყვით. ამის შემდეგ მიწაზე მდებარე სვეტი ნელ-ნელად აღემართა პიედესტალზე და დამაგრდა მასზე მეფის თვალების წინ, რომელიც იმ დროს ეკლესიაში შედიოდა. ეს სვეტი შემდეგში წოდებული იქნა სვეტი-ცხრაგულად, ბრწყინვალედ და სასწაულოთ-მოქმედად. ქართული მისი წოდება — სამირონე შემდეგში ახსნილი იქნება. იმპერატორმა კონსტანტინემ და დედამისმა ელენემ გულით განიხარეს ივერიაში მომხდარ ამბავით და დაეშურენ გამოეგზავნათ კეთილ-მსახური ეპისკოპოსი იოანე მღვდლით და დიაკვნეზით. იმათ მოსვლის შემდეგ მეფე მირიანმა შეკრიბა დიდებულნი და კარის კაცები, და მიიღო წმინდა ნათლისღება წმ.

¹⁾ „სამოთხე“ ვახუშტით.

ნინოს ხელიდამ; დედოფალი და იმის შვილები მოინათლენ მღვდლისა და დიაკვნების მიერ; ხოლო დიდებულთაგანი თითოეული მონათლეს ცალ-ცალკე მტკვარში, რომელიც აკურთხა ეპისკოპოსმა მოგვთა კარების ახლოს, ურიების მღვდლის ელიაზარის სახლის მახლობლად. მაშინ მოინათლა რაოდენიმე ათასი სული დაბალი ხალხისა, რომელთაც მიჰბადეს მეფის მაგალითს; მოინათლენ აგრეთვე რაოდენიმე ეპრაელნიც, რომელთა შორის 50 კაცი იყვნენ შთამომავალნი ზაზახისა. ამის გამო ამ ოჯახმა მიიღო ჯილდოდ დაბა ციხე-დიდი. ხოლო მთიულეები არ დათანხმდნენ გაქრისტიანებაზედ; აგრეთვე მონათვლა არ ისურვა მირიანის სიძემ, ფეროზმა, რომელიც რანის მაზრისა, ივერიაზე თითქმის დამოუკიდებელისა, გამგე იყო. დაახლოვებით ამა დროსა 326 წ. იერუსალიმში იპოვნეს ჯვარი პატიოსანი. მეფე მირიანმა გაუგზავნა კონსტანტინე იმპერატორს ეპისკოპოზი იოანე ერთი თვისი დიდებულთაგანთაგანად როგორც ნაწილისა ძელი-ჭეშმარიტისა, აგრეთვე მღვდლებისა და ხუროთ მოძღვრებისა ეკლესიების ასაშენებლად; იმპერატორმა გარდა ამისა, რასაც მეფე თხოულობდა, მიუძღვნა ძვირფასი საჩუქარი — ფიცარი, რომელზედაც მიჭედელი ჰქონდა ჯვარზე მაცხოვარს ფეხები, და აგრეთვე ერთი სამსჭვალნი იმის ხელიდამ. ხოლო ოსტატებს — მაშენებლებს, რომელნიც ივერიაში მოდიოდნენ, იმპერატორმა უბოძა აუარებელი საუნჯე და უბრძანა აეგოთ ეკლესიები ყველგან, სადაც საჭირო და მოსახერხებელი იქნებოდა. როდესაც ერუშეთის მაზრაში მოვიდა ეპისკოპოზი იოანე, ააშენა იქ ეკლესია, სადაც დასტევა სამსჭვალნი მაცხოვრის ხელიდამ ამოდებული; მეორე ეკლესია მან ააგო მანგლისში, სადაც მაცხოვრის ფეხის ფიცარი შესწირა. მეფე მირიან უკმაყოფილო დარჩა ამ ნაირი განკარგულებით და ინუგეშა მით, რომ კვართი უფლისა უსაცილოდ დედა-ქალაქში იყო, თუმცა ნამდვილად კი არ იცოდნენ, რომელ ალაგს იყო. ის აგრეთვე ნუგეშობდა მით, რომ დაიწყო საეპისკოპოზო ეკლესიის შენება მცხეთის შესავალში, სადაც ნინო ბრწყამლის ჩიქვში ცხოვრობდა. შემდეგ გაზაფხულს 228 წ. ბატონის შვილ-

მა რევმა განიზრახა დიდი ჯვარის აგება ერთ ხისაგან, რომელიც მცხეთის მახლობლად იდგა. ყოველ საღამოს ამ ხის ახლოს ჩნდებოდა ცეცხლის ჯვარი ვარსკვლავების გვირგვინით, რომელნიც ცისკრის დრომდე ბრწყინავდენ. განთიადზე ორი ვარსკვლავი შორდებოდა მას და მიიმართებოდა აღმოსავლეთისკენ და დასავლეთისკენ და მუდამ ერთ ადგილს ჰქრებოდენ, მაშინ როდესაც თითონ ჯვარი ზევით აიწევდა მდ. არაგვის მომდინარეობაზე და დიდებულად ცაში ამალდებოდა. ნინოს ჩვენებით ორი ჯვარი ააგეს იმ მთებზედ, რომლებზედაც ვარსკვლავები ჰქრებოდენ ე. ი. ზემოხსენებულ თხოთის მთაზე და უჯარმის ქალაქში, ხოლო სასწაულთ-მოქმედი მცხეთის ჯვარი ჯვარის მთაზე დაასვენეს მაგარ პიედესტალზე. ეს მოხდა წმინდა კვირიაკეს დღეს, რომელსაც შემდეგ დროში მთელი საქართველო დღესასწაულობდა სვეტი-ცხოვლობას.

ორმოცდა ათი დღის შემდეგ ჯვარზე გამოჩნდა ჯვარედინად სხივი, რომელიც ირგვლივ თორმეტი ვარსკვლავების გვირგვინით იყო გარემოცული, ხოლო იმის ზევით მოჩანდა ცეცხლის გრკალი, მზის სხივებზე უფრო ბრწყინვალე. როგორც ამა ჩვენებით, ისრე ერთად-ერთის თვისის ვაჟის განკურნებისა გამო ჯვარის შეხებით განცვიფრებულმა რევმა ჯვარის დახურვა უბრძანა სახურავით, რომელიც იყო დასაწყისი ახლანდელის ჯვარი-პატიოსნის ეკლესიისა. — ამ დროს ნინოს, მეფეს და ივერიის ერს მოუვიდა რომის პატრიარქისაგან მოსალოცავი და გამამხნევებელი ეპისტოლე და მეფე მირიანმა გარდასწყვიტა, — თუმცა მას იარაღის ხმარებაც დასჭირდებოდა ამისთვის — მთიულეები გაექრისტიანებინა. ნინომ თან წაიყვანა იოანე ეპისკოპოზი ჩრდილოეთ ივერიაში, შემოიარა წარაბანი¹⁾),

¹⁾ ქ. მოქც.-თ. „წობენი“. საზოგადოდ ეს ქრონიკა უფრო მრავალს ისტორიულ და გეოგრაფიულ ცნობებს იძლევა, ვინემ „ქ. ცხ-ბა“ და სხვა წყაროები. წმ. ნინოს ქადაგებას ის იხსენიებს წობენში, კართალელთა, ფხოველთა და წილკანელთა შორის. ჟალეთში და ბედეშში ერწუთიანელთა და ყვარელთა შორის, თოშებთა და კხოეთ შორის, კაწარეთში, ქველ დაბაში, ბოლინში და სხვა.

ქართლნი, ფშაველების და გუდა-მაყარებს მხარენი, რომელთაც არ ისურვეს მონათვლა, მაგრამ მახვილით იძულებულნი შეიქნენ დამორჩილებოდენ, ამავე დროს მათი კერპები დამსხვრეულიქმნენ. — მთიულეთიდან ნინო ჩამოვიდა უაღუთში, მოაქცია ქრისტეს სჯულზე თიანეთლები და ერწოელები მაშინ, როდესაც ფშაველები გარდავიდენ თუშეთში, რის გამო ისინი, როგორც დანარჩენი მთიულები დასჯილნი შეიქნენ ხარჯის გადიდებით, რომელიც ბევრად აღემატებოდა წინანდელს. ნინო აგრეთვე გადავიდა რანის მაზრაში ფეროზის გასაქრისტიანებლად, მაგრამ გზაში ავად გახდა და ბუდეში¹⁾, ჰერეთში, ეხლანდელ ქ. სიღნაღის ახლო დაბინავდა. მეფე და დედოფალი, რევი თავისის მეუღლით სალომეთი, ეპისკოპოზი იოანე და რაოდენიმე დიდებულნი იმასთან იმყოფებოდნენ. წმ. ნინომ მოკლედ გარდასცა მათ თვისი ცხოვრების მოთხრობა, რომელიც მის კარნახობით დასწერა სიღონიამ, აბიათარის ასულმა. მერე ნინომ მიიღო წმ. საიდუმლო და გარდაიცვალა 15 წლის შემდეგ ივერიაში შემოსვლისა 322 წ.²⁾ ქრ. შ. შემ. და თანახმად იმის სურვილისა დამარხულ იქნა ბოდბეში. საქართველოს ეკლესია იმის დღეობას 14 იანვარს დღესასწაულობს, ხოლო დასავლეთის ეკლესია — ერთი თვის წინედ 19 დეკემბერს. წმ. ნინოს სიკვდილის შემდეგ იმპერატორმა კონსტანტინემ გამოუგზავნა მეფე მირიანს მეგობრული წერილი და დაუბრუნა მას შვილი ბაქარი, მძევლად წაყვანილი. ამ დროს მეფემ დაამთავრა მცხეთის საარხიეპისკოპოზო ეკლესია, რომელიც მან საჯაროდ დიდის ამბვით აკურთხებინა. ხალხში დარჩა გარდმოცემა, ვითომც მაშინ მირიანი იერუსალიმს წავიდა და იმპერატორის მიერ ნაბოძებ ადგილზე მან ააშენა დიდი ივერიის მონასტერი, რომელიც ჯვარის ეკლესიად წოდებული ახლაც არსებობს. ამის დასამტკიცებლად ჩვენ არა გვაქვს არავითარი ნა-

1) ეხლანდელი ბოდბე.

2) ბ. თ. ყორღანის მოსაზრებით 338 წ. ყორღ. ქრონ. შენიშვნა 62 და 74.

მღვილი საბუთი; ჩვენ ვიცით მხოლოდ ის, რომ მეხუთე საუკუნეში წმ. ქალაქში არსებობდა ქართველების უღაბნო, რომელიც იუსტინიანე დიდის მეფობაში ხელ-ახლად აღდგენილი იყო. 25 წლის შემდეგ ქრისტეს სჯულის მიღებისა მოჰყვდენ ერთი მეორის მიმყოლი ბატონისშვილი რევი და მამა მისი მირიანი, რომელმაც გარდასცა გვირგვინი თავის შვილს ბაქარს 347 წელსა.

რასაკვირველია, ჩვენ ვერ აღვნიშნავთ შეურყეველი სისწორით ქრონოლოგიას ზემო ნაამბობთ შემთხვევათა, რომელთაც ზოგნი რამდენიმე წლით ადრე უჩვენებენ და ზოგნი უფრო გვიან. ზოგიერთ წყაროებში ჩვენ ვპოვებთ იმისთანა ფაქტების დაწვრილებით ამბებებს, რომელნიც სხვა მწერლებს არა აქვთ. ჩვენის აზრით ეს არ უნდა იყოს ისე შესამჩნევი იმიტომ რომ, როგორც აღმოსავლეთის, ისრე დასავლეთის ისტორიკოსები თანხმად აჩვენებენ დროს, უმთავრესთ მოქმედებათ და ღირსს შესანიშნავს გარემოებას. თანამედროვე მწერალი რუფინი, რომელმაც ლათინურ ენაზე დასწერა საეკლესიო ისტორია, ამბობს, რომ მან შეკრიბა თვისი ივერიაზედ მოთხრობა ნაამბობილამ ქართველის წარჩინებულის ბაკურისა, რომელიც თვით დამსწრე იყო ქრისტიანობის შემოღებისა საქართველოში და რომელიც მერე საბერძნეთში სამსახურში შესულიყო. ერთის სიტყვით, კრიტიკის მიერ დადგენილია, რომ იმპერატორი კონსტანტინე დიდის მეფობაში დაახლოებით იმ დროს, როდესაც ჯვარი პატიოსანი იპოვეს იერუსალიმში, ივერია მოიქცა ქრისტეს სჯულზე წმ. ნინოს ქადაგებით, რომელიც ერთხმით შერაცხილ არის წმიდად, ვითარცა ივერიის განმანათლებელი.

მირიანის შვილმა, მეფე ბაქარ I-მა მრავალი კავკასიელნი მოაქცია, მაშინ მოინათლა აგრეთვე ფეროზი, ბაქარის სიძე, რომელსაც რანის¹⁾ ბარდითურთ მაგიერ საუფლისწულოდ მისცეს მხარე, მდებარე სამშვილდედამ გაყო-

¹⁾ რანი — ყარაბახი.

ლებით აბოცამდე, რომელიც ბაქარმა სომხებს წაართვა. ამასობაში სომხებმა განიზრახეს დაესვათ ივერიის ტახტზე ბატონიშვილის რევის ძე, ნაშობი სომხის მეფის ასულის სალომესაგან, გარნა ბაქარი დაუახლოვდა სპარსეთის მეფეს ხოსროს, რომელიც მამით იმის ბიძა იყო; მან სძლია ჯავახეთში სომხებს, შეურიგდა თავის ძმის წულს და დასწერეს ზავის წერილი, რომლის ძალით რევის შთამომავლობა ავიდოდა ტახტზე იმ შემთხვევაში, თუ ბაქარის მოდგმა მოისპობოდა. ამასთანავე ბაქარმა მისცა მას საშვილი-შვილო საერისთაოდ კუხეთი. შემდეგ ბაქარმა წილკანში ეკლესია ააგო და 365 წ. მოკვდა. ბაქარის შვილის მირდატის III დროს კლარჯეთში ააშენეს რამდენიმე ეკლესია, და ერუშეთის და წუნდის ტაძრები ხელახლავ გაამშვენიერეს. ღვთის მოსაზნი ივერიელნი ხშირად მოჭრიდენ ნაწილებს სასწაულთ-მოქმედის სვეტი-ცხოველისას, რომელიც მცხეთის ტაძრის ახლოს იდგა, — მეფეც არ უშლიდა ამას, ვინაიდან ამ ჩამონაჭრებიდან გაკეთებული ჯვარები მთელს ივერიაში იგზავნებოდა და სასწაულს შვრებოდა. ბოლოს მირდატმა უბრძანა, რომ სვეტი-ცხოველისათვის ქვითკირის კედელი შემოეველოთ, და დაეფარათ იგი შებლალვისაგან, — და ზევით ჯვარი დაესვენებიათ. მას შემდეგ მცხეთის უმთავრეს ტაძრის ხის სვეტი ქვის შენობად შეიცვალა და აქამომდესაც დაცულია. მეორე ივერიის ეპისკოპოსის იაკობის სიკვდილის შემდეგ იმ ადგილზე დადგენილ იქმნა იობი, სომეხი, კათალიკოსის ნერსეს პირველის მიერ გამოგზავნილი.

მირდატ III-ს შემდეგ მეფობდა იმის შვილი ვარაზ ბაქარი ანუ ბაქარ II, რომელმაც უჯარმის მეფის რევის შვილის ტირიდატის ასული შეირთო. ბაქარის შვილი მურვანოზი 12 წლისა იყო, როცა იმპერატორმა თეოდოსი მცირემ დაახლოებით 409 წ. თავის მამის ერთგულობის სიმტკიცისათვის მძევლად დაიბარა. მურვანოზი კოსტანტინებოლში მივიდა, და ის ძალიან ღვთის მოსაზი და მლოცველი შეიქნა, ფარულად პალესტინაში გაიქცა იერუსალიმის პატრიარქის ანასტასის დროს, იქ ბერად ეკურთხა მის მიერ აშენებულ უდაბნოში, და მონოზნობაში

იწოდებოდა პეტრედ. მან, ვიჟარცა პილიგრიმმა, მთელი წმი-
და ქვეყანა და ეგვიპტე მიმოვლო და შემდეგ დაბრუნდა თავის
მონასტერში. ქ. მაიომის¹⁾ მკვიდრებმა, როდესაც მათ ეპისკო-
პოზი მოუკვდათ, იმის ადგილზე აირჩიეს პეტრე ბერი, რომელ-
საც იცნობდნენ მისი წმინდა ცხოვრებით და რომელიც სურ-
ვილის წინააღმდეგ იძულებულ იყო მიეღო ეპისკოპოზობა.

ხალკიდონის კრების დროს 451 წ. პეტრე წინააღუდგა
ამა კრებას და იმპერატორი მარკიანეს განაჩენს, ვინაიდან ეს
განჩინება იმის აზრით არ ეთანხმებოდა ქრისტეს სჯულის ქემ-
მარიტებას. ის მოკვდა 477 წ. და ივერიის ეკლესიამ, თუმცა
აღიარა იგი წმიდანების რიცხვში, მაგრამ არ ღღესასწაუ-
ლობს იმის ღღეობას. ამ პეტრეს მოიხსენიებენ, როგორც პატ-
რიარქი მიხეილ ასორი თავის მსოფლიო ასტორიაში, აგრეთვე
სხვა სირიის მწერლებიც.

ვარაზ-ბაქარმა შეირთო ფეროზის შვილი, მირიანის შვილის-
შვილი, რომლის ხელში შეეძინა ვაჟი ფარსმანი. ამის გარდა
მას ჰყავდა პირველ ცოლის ხელში მირდატი და ტრდატი.
ვარაზ-ბაქარი არა თუ არ სცდილობდა ქრისტეს სჯულის გა-
ვრცელებას, არამედ ვერც კი დაიცვა თავისი მხარე სპარსელე-
ბისაგან, რომელნიც ივერიას შემოესიენ და იწყეს ტფილისის
აშენება შუაგულ ადგილზე კავკასიის კარებიდამ²⁾. მან მხო-

¹⁾ Introduction-ში გვ. XXXIX ავტორი ამ ქალაქს მომად ანუ
მაიუმად უწოდებს. მურვანოზის ანუ წმიდა პეტრეს ცხოვრებას მოგვითხ-
რობენ როგორც მისი მოწაფე ზაქარია სირიულს ენაზე, — შემდეგში მღვდლის
მაკარის მიერ ქართულად გარდმოთარგნილი, — აგრეთვე უცხოელნი მემატი-
ანენი, მაგალითად, სირიის პატრიარქი მიხეილი, ასსემანი (XVIII-საუკ.) თვის
აღმოსავლეთის ეკლესიის მამათ-ცხოვრებაში და სხ. ბ. ყორდანიას აზრით
„პეტრე და მისი განთქმული მოწაფე იოანე იყო ერთი პირველ მთარგმნელ-
თაგანი საღმრთო და საეკლესიო წიგნთა ებრაულ-ასირულ ენათაგან ქარ-
თულ ენაზე“ ქრონ. შენ. 86.

²⁾ „ვარაზ-ბაქარის, მიტრიდატის შვილის მეფობის დროს სპარსელებს
სიმაგრეები ჰქონდათ ტფილისის გარეშემო. ახლო მღებარე მთების მწვერ-
ვლებზე, და გაჯავრებულნი ვარაზ-ბაქარის შეკავშირებით ბიზანტიის იმპე-

მხოლოდ ერთი ციხე ხელდარი ააგო მდინარე არაგვის მარჯვენა ნაპირზე და დაუთმო სპარსელებს რანის და მოგაკანის¹⁾ მაზრები და სასანიდების დინასტიის მეხარკე შეიქნა. მერე კლარჯეთიც ჩამოსცილდა მას და ბერძნების ხელში გარდავიდა, ასე რომ ქართლის, ჰერეთის და ეგრისის გარდა ვარაზ-ბაქარს დაეკარგა თავისი სახელმწიფოსა დანარჩენი ნაწილები. ის მოკვდა 393 .. იმეფა 14 წელი.

ბაქარის დროს უნდა ეკუთნოდეს გარდმანის²⁾ მაზრის დაპყრობა სომხის სპასალარის მუშეგის მიერ, რომელმაც არა თუ ეს მხარე წაართვა ალოვანებს³⁾ და სომხეთის საზღვარი მტკვრამდი მიიყვანა, არამედ თვით ივერიის საზღვრებში შემოვარდა, დასაჯა ის მთავრები, რომელნიც არ ემორჩილებოდნენ სომხის მეფეს და მტკვრის პირად აღადგინა ორთავე სამეფოსი ძველი საზღვრები, ვინაიდან გარდმანის მაზრა იწყებოდა მდ. ხრამის პირიდან ეხლანდელი ელისავეტოპოლის (განჯის) მაზრის აღმოსავლეთის მიჯნამდი.

ჩვენ ვიცით, რომ ფარნაოზ მეფემ შეადგინა ივერიელებისთვის საერო ანბანი, წოდებული მხედრულად, მიბაძვით ფელეკიური ენისა, რომელიც საგმირო ენას ნიშნავს და რომელსაც ძველი სპარსელები ხმარობდნენ. ეს ანბანი ისრე მჭიდროდ იყო დაკავშირებული სპარსების სჯულზე, რომლიდანაც ის შემოღებული იყო, რომ ეჭვი არ არის, საქრისტიანო ივერიის სამღვდელთა მოწადინებული იქნებოდა განთავისუფლებულიყო კერპთ-თაყვანისცემის ამ გვარ ნაშთისაგან. ბაქარ II დროს მოვიდა ივერიაში წმ. მესროპი, რომელმაც სომხებისთვის გამოიგონა ასოები, გარეგანი სახით ადვილად გასარჩევი ბერძნულ, სირიულ და სხ. ენების ანბანთაგან. როდესაც მეს-

რატორთან ფეოდალის დიდთან, დაეცენ ივერიას და ტფილისი დაიპირეს. სპარსელების სპასპეტი უბარაბი ჩადგა შიგ და ამ სიმაგრეს, რომელიც კედლით დაცული იყო, შურის-ციხე დაარქვა. შემდეგ უბარაბის სპარსეთში წაყვანისა, ქართველებმა შემუსრეს სპარსელების მფლობელობა მცხეთის მახლობლად მომხდარ ომში და ტფილისი დაიბრუნეს“.

1) ნუხის მაზრა, შირვანი და დარუბანდი.

2) ყარაბაღის ნაწილია. იხ. introduction გვ. XVI.

3) ალბანელებს.

როპმა ეს დიახ შესამჩნევი საქმე შეასრულა თავის ხალხისათვის, მან განიზრახა ანბანის შედგენა ივერიელებისათვის. ბაქარ მეფისა, ივერიის ეპისკოპოზის მოსესა და თარჯიმანის ჯაყის ანუ ჯაყელის მფარველობით მან გამოიგონა აქ ხუცური, ე. ი. სასულიერო ანბანი—ძლიერ მიმსგავსებული ახლად გამოგონილ სომხის ანბანზე—თუმცა ნამდვილად კი ის განსხვავდებოდა მხედრულ ფარნაოზის ანბანისაგან მხოლოდ მარტო სწორის და ოთხ-კუთხივ მოხაზულობით¹). მეფე არამც თუ არ ეწინააღმ-

1) ავტორი ამ აზრს ამყარებს სომხების მეისტორიეთ მოთხრობაზე, „რომელნიც,— როგორც სამართლიანად ამბობს ფრ. ლენორმანი,— მომდინარეობენ მოსე ხორენელის წიგნისაგან; ეს წიგნი კი, როგორც თვით ხორენელი აღიარებს, სულ ერთიანად დამყარებულია სირიულ მწერლის მარ-აბაზ კატინას ისტორიაზე, რომელიც დაიწერა ქრისტიანობის პირველ თუ მეორე საუკუნეში და შეიცავს უფრო ბევრს ტყუილს, ვიდრე სიმართლეს“. ამ აზრისავეა მოსე ხორენელზე მეორე თანამედროვე ფრანგების ორიენტალისტი, კარიერი, რომელმაც ეს აზრი წარმოსთქვა ახლად გამოსულ თვის თხზულებაში „ახალი წყაროები მოსე ხორენელზე“ (*Nouvelles Sources de Moïse de Khoren Wiene. 1894*) კარიერი უარს ყოფს ამ მწერალზე ყველა გავრცელებულ ლეგენდებს. სომხები ამტკიცებენ, რომ იმის ისტორია დაწერილია 460 და 480 წლებს შორის. (შეადარე აღტაცებული აზრი მოსე ხორენელზე უცნაურ შოპენისა, რომელიც მას უწოდებს სომხითის ტაციტად. *Нов. изслѣд. о др. ист. Кавказа и его обитателей 1866*). ხოლო კარიერი ამტკიცებს, რომ „მოსეს თავის სომხეთის ისტორიაში უსარგებლნია *Acta Silvestri*-ის თხზულებით და სოკრატის საეკლესიო ისტორიით. გარნა სომხური თარგმანი ლათინური წყაროსა არ შეიძლებოდა გამოსულიყო VI საუკ. ადრე, ხოლო სოკრატის ხელწერილი გადათარგმნილი იყო სომხურად მხოლოდ 690 წ. მრავალ შიგ ჩართულ და შეტანილ ამბევებითა, რომელნიც მოსემ გარდიტანა თავის ხელწერილში; აქედამ ცხადად სჩანს, რომ მას არ შეეძლო დაწერა თვისის ისტორიისა მე-VIII საუკ. პირველ წლების ადრე. ვინაიდან მოსე ერთად-ერთი სომხითის ძველ მეისტორიეთაგანია, რომელიც ასეა თუ ისე ხრონოლოგიას იცავს, ამის გამო კარიერი თვისი ჩვენებით უარყოფს სომხითის მთელს ხრონოლოგიას. როგორც სწერენ, კარიერს ეს ანაზღეულად კი არ აღმოუჩენია, არამედ შემდეგ სისტემატიურის შესწავლისა იმ წყაროებისა, რომელთაგანაც მოსეს შეუკრებნია თავისი ამბევები. ჯერ კიდევ პირველ თავის გამოკვლევაში „მოსე ხორენელი და პატრიარქების გენეალოგია“,—კარიერმა დაამტკიცა, რომ

დღეგებოდა ხალხში ამ გვარ წერის გავრცელებას, არამედ ნება დართო მესროპს ივერიის ყმაწვილ კაცობაში მოეგროვებინა საკმაო რიცხვი მოწაფეებისა, რათა მით გაეგრცვლებინა ქვეყნისათვის სასარგებლო განათლება. ეს ფაქტები, რომელთაც მოწმობენ თანამედროვე მწერლები და X და XI საუკუნის ის-

მოსემ ისე აღგვიწერა სომხების პატრიარქების ცხოვრება, თითქო ბიბლიის პატრიარქები იყვენ და მთელი იმისი შრომა ამა ძხრით, წმინდა თაღლითობაა. ჯერ კიდევ 1892 წ. დანიელ ბერმა თავისს თხზულებაში „სრუკალლისტენის გამოკვლევაში“, სომხურ ენაზე გამოკვეთულში, დაამტკიცა, რომ მოსემ თავის ისტორიაში ამ სრუ ავტორისაგან ბევრი გამოკრიბა. ამ გვარად, სომხითის განთქმული ისტორიის მამა „გამოდის ამ ახალ გამოკვლევით პლაგიატორი, სხვის თხზულების მიმთვისებელი და რწმენის მცირე ოდნად ღირს“. „ეს ქრისტიანე პატრიოტი VIII საუკ., განაგრძობს კარრიერი, ბერძნის მწერლების ყველა თარგმანებით სარგებლობს, იმათგან გამოაკრებს იმ ამბებებს, რომელნიც მას მოსწონს, გარდააქვს ისინი სომხითში, ამახინჯებს ფაქტებს, გარდააკეთებს სახელებს და სხვა“. კარრიერის ეს გამოკვლევა სომხურ ენაზედაც გამოსცეს მხიტარისტებმა, რომელნიც ვერ შეაჩერა იმ მოსაზრებამ, რომ ამით გამოაშკარავდა თაღლითობა იმ მწერლისა, რომელმაც მოატყუა თავისი ხალხი, აქამომდე გაამაყებული მით, რომ მას ამისთანა ბრწყინვალე წარსული ჰქონდა და ამისთანა დიდი ისტორიკოსი ჰყავდა. რასაკვირველია, პატივის ღირსნიც არიან სწავლულნი ბერები, რომელთაც ასეთი მიუდგომლობა და სიმართლის მოყვარეობა გამოიჩინეს.

ეს მოსე ხორენელი, რომლის ავტორიტეტი ასე დაამცირა კარრიერმა, აი, რასა სწერს იმ საგანზე, რომელზედაც ჩვენ ჩამოვაგდეთ საუბარი: „კურიონის (სომხის ეპისკოპოზი იყო) თქმით თვით წმიდა მესროპი შევიდა (მოსე ხორენელის მოწმობით ივერიის მეფის ბაკურის დროს, რომელიც ვითომც ვარაზ-ბაქარი იყოს) საქართველოში, რომელსაც ზენარის მადლის შთაგონებით მიანიჭა საკუთარი აღფაეიტი“.

ვიმეორებთ, ავტორმა ალბად წარმოსთქვა თავისი აზრი მესროპის მიერ ქართულ ანბანის შემოღებაზე, რა ერთხელვე დაეფუძნა მოსეს თქმულებას, თუმცა თავის Introduction-ში თვითონვე სწერს: „თუმცა ლაზარე ფარბეცი (მესროპის თანამედროვე მეისტორიე), რომელიც ასე ვრცლად მოგვითხრობს წმ. მესროპის შრომაზე, სრულიად არას ამბობს იმაზე (მესროპის მოღვაწეობაზე), რაც საქართველოს შეეხება“. გვ. XVI. ამ სიტყვებიდან სჩანს, რომ ავტორსაც ეჭვი შესვლია მესროპის მიერ ქართულ ანბანის შემოღებაზე. ჩვენის მხრით ჩვენ უფრო ვეთანხმებით დიმ. ბაქრაძის

ტორიკოსები რაოდენადმე მაინც ამართლებენ მეფე ვარაზ-ბაქარს იმ ბრალდებაში, რომელსაც მას მიაწერენ, ვითომც ის ერთობ სუსტი იყო და ქრისტიანობას არ უმხრობდაო.

ვარაზ ბაქარის შემდეგ, რომელსაც შვილები ერთობ ყმაწვილები დარჩენ, ივერიის დიდებულებმა ტახტზე აიყვანეს მოხუცებული ტრდატი, გარდაცვლილ მეფის სიმამრი, რომელსაც მიანდვეს მისი შვილის-შვილების აღზრდა. ვარაზ ბაქარის მესამე შვილს სამშვილდის ერისთავი ზრდიდა.

ტრდატი¹⁾ ბრძნულად განაგებდა სამეფოს; დაამშვიდა მან სპარსელები, წაართვა სომხებს ქალაქი რუსთავი ანუ რიშა მტკვრის მარცხენა პირზე, სადაც ეკლესია ააშენა და ალაზნის გაღმა ნეკრესის ქალაქი გარდააკეთა. როდესაც ეპისკოპოზი იობი გარდაიცვალა, მან დანიშნა იმის ადგილზე ილია და საზოგადოდ სჯულისათვის დიდად ზრუნავდა.

ტრდატის შემდეგ 405 წ. გამეფდა ფარსმან IV, ვარაზ ბა-

აზრს, რომელიც მან წარმოსთქვა თავის „ისტორია საქართველოსა“-ში, გვ. 83, 84, 85, 160, 161 და „Грузинская полеография“-ში тр. V-го археологического съѣзда въ Тифлисъ გვ. 207, 234; ვახუშტის ისტორიაში გვ. 86 და „პრ. პატკანოვი და ქართული ისტორიის წყაროები“ 1884 წ. გვ. 23. მოგვყავს აქ დასკვნა დიმ. ბაქრაძისა, რომელსაც ქართულ პალეოგრაფიის ცოდნაში ტოლი არა ჰყავდა: „ექვ ქვეშ გვაქვს სომხური თქმულება ქართულ ანბანზე. ეს თქმულება თავ-და-პირველად გადმოგვცა კურიონმა და იმის სიტყვებს იმეორებენ მოსე ხორენელიცა და შემდეგნი სომხითის მწერალნიცა.—რომ მესროპის დრომდე ჩვენში ხუცური ასო-მთავრული ხმარებაში იყო, ეს ცხადია. ისტ. VI—VII საუკ. გვიჩვენებს ისეთ წარმატებას, რომელიც პალეოგრაფიულის კანონით მხოლოდ საუკუნეთა განმავლობაში ეძლევა ყველა ალფაბეტებსა. შესაძლებელი საქმეა, რომ მესროპმა მხოლოდ შეავსო,—როგორც სომხური ბერძნულიდამ,—ქართული ხუცურიც ზოგიერთი ასოებით, რომელნიც იმას აკლდა, მაგ. ხმოვანი ასოები, რომელნიც იმ დროს არ იხმარებოდენ არა თუ სომხურში, თვით სემიტურ ანბანებშიაც“.

ბატონიშვილი თეიმურაზიც სწერს ამაზე: „რომელიმე მეისტორიენი ჩვენნი მსიტყველობენ, რომელ ხუცური იყო პირველ ფარნაოზისაც“. იხ. გვერდ. 116.

¹⁾ იგივე თრდატი და ტირიდატი.

ქარის უფროსი შვილი, რომელმაც ილიას სიკვდილის შემდეგ დანიშნა ეპისკოპოზად სვიმონი. ამ მეფემ მოიწვია ბერძნები შესაწევნელად, სპარსელებს უარი უყო ხარკის გარდახდაზე; მთელს ივერიაში ეკლესიები გარდააკეთა და ბოლნისში ახალი ტაძარი ააგო. — იმის მემკვიდრედ იყო მისი ძმა მირდატი IV, ძლიერი ვაჟკაცი, თუმცა შიში ღვთისა არა ჰქონდა. მან განიზრახა წაერთმია ბერძნებისათვის კლარჯეთი და სპარსელებს ხარკის გარდახდაზე უარი განუცხადა. მაგრამ სპარსეთის მეფემ ივზდეჯერდმა I-მა გამოგზავნა ივერიაში დიდ-ძალი ჯარი სპასპეტის უბარაბის წინამძღოლობით, რომელმაც საშინლად დაამარცხა მირდატი გარდაბანის მხარეში, მდ. ქციის გაღმა, დაატყვევა თითონ ის და სპარსეთში წაიყვანა, სადაც ის დაახლოებით 410 წ. მოჰკვდა. ამ დამარცხების შემდეგ სპარსელებმა ივერია დაიპირეს, ეკლესიები იქ დააქციეს და ჯვარის ნიშანი ყოველგან აღმოხოცეს. მეფის სახლეულობიდან ვინც კი გადარჩა, ისინი ეპისკოპოზი სვიმონითურთ კახეთში შეიმაღნენ.

მის შემდეგ ტახტზე აიყვანეს არჩილ I, მირდატის შვილი, რომელმაც მარიამი, იმპერატორის იოვიანის შთამომავლობის ქალი შეირთო. ის წინააღმდეგა სპარსელებს, უბრძანა როგორც ჯვარის აღდგენა, აგრეთვე ივერიიდან ცეცხლის თაყვანის მცემელთა განძევება. მანვე დაეცა არანის¹⁾ მაზრას, მოვაკანს და ადერბადაგანს და, გაიმარჯვა რა ამ მაზრების მმართველზე ბერდუჯის პირზე, დაამკვიდრა ქრისტიანობა თვის საბრძანებელში და ააგო მცხეთას, არაგვის კარებთან წმ. სტეფანეს ეკლესია, რომლის კვალიც ეხლა აღარ მოიპოვება. ის მუდამ ჯარით გზავნიდა თავის შვილს მირდატს ზემოხსენებულ არეებში; ხოლო სპარსეთის მეფე ამ დროს გართული იყო ინდოეთის ომში და ივერიელებისაგან ვერ იფარავდა თავის სამფლობელოს. მაშინდელი რანის ერისთავი ბარზაბოდი²⁾ იმით კმაყოფილდებოდა, რომ თავის ქალაქს ამაგრებდა და არაოდეს

1) არანი იგივე რანია.

2) ბარაზბოდი იგივე ბარაზაბუდ.

ქართველების წინააღმდეგ ჯარი არ გამოჰყავდა. მას ჰყავდა სა-
ოცრად ლამაზი ქალი საგდუხტი. ეს რომ შეიტყო არჩილის
შვილმა, მირდატმა, ის შეუყვარდა და იმის შერთვის ნებას
სთხოვდა თავის მამას ბარზაბოდთან დაზავების შემდეგ. მირდატს
იმედი ჰქონდა, რომ, თუ ვინიცობაა სპარსეთის მეფემ მაგიერი
გარდაუხადა ქართველებს დამარცხებისათვის, ის შეიძლებს იმის
დამშვიდებას. არჩილ დასთანხმდა ამაზედ და შვილისთვის ით-
ხოვა საგდუხტი, რომელიც მოუყვანეს მას მცხეთას. ქორწინე-
ბის შემდეგ მეფემ აჩუქა მირდატს სამშვილდის საერისთაო. მირ-
დატმა, მიანდო რა სწავლულ კაცებს წმიდა სახარების გადა-
თარგმნა ქართულ ენაზე, დაუწყო თავის ცოლსაც სწავლება,
რათა მას ერწმუნებინა ერთარსი ღმერთი და იესო ქრისტე ქვე-
ყნის სახსნელად განხორციელებული.

არჩილის მეფობის დროს სამი ეპისკოპოზი იოანე, გრი-
გოლ და ვასილი მოჰყვდა და ეპისკოპოზად დანიშნულ იყო
მოზიდანი, ტომით სპარსელი. ის მარტო გარეგნობით აღიარე-
ბდა მართლ-მადიდებლობას, ხოლო ნამდვილად კი ცეცხლის
თაყვანის მცემლების მიმდევარი იყო; მან შეთხზა მრავალი სჯუ-
ლის წინააღმდეგი და საეჭვო წიგნები¹⁾, რომელნიც შემდეგ-
ში დასწვეს. არჩილს და იმის მეფობაში წმ. მესროპის შემო-
სვლას სამხრეთის ივერიის გუგარკის მხარეში კერპთ თაყვანის-
მცემლობის უკანასკნელ ნაშთების მოსასპობლად სომხეთის ის-
ტორიკოსი მოსე ხორენელი მოიხსენიებს.

არჩილის სიკვდილის შემდეგ 434 წ. მემკვიდრედ მისი
შვილი მირდატი V^o დარჩა. დედოფალს საგდუხტს დაებადა ჯერ
ასული ხვარამზე და მერე ვაჟი ვარან-ხოსრო-ტანგი, ქართული
გამოთქმით ვახტანგი, რომელიც ხალხის ზნე-ჩვეულების მიხე-
დვით სპასპეტს საურმაგს მისცეს აღსაზრდელად. მეორე—მეფის
ასული მიხრანდუხტი გაიზარდა კასპის ერისთვის სახლში. მირ-
დატის სიკვდილის დროს, რომელიც 446 წ. მიხრანდუხტის
დაბადების ერთი წლის შემდეგ მოხდა, ვახტანგი შვიდი წლისა

¹⁾ ...„ფარულად სწერდა წიგნებსა ყოელისა საცთურებისასა“ ქ. ცხ.

დარჩა.—დედოფალს საგდუხტს, რომელიც მართავდა სამეფოს, ეშინოდა თავის მამისა ბარზაბოდის შურისძიებისა, როგორც გაქრისტიანებისა გამო, აგრეთვე იმ ზიანისა გამო, რომელიც იმისმა მამამთილმა და ქმარმა სპარსეთს მიაყენეს და წავიდა ბარდას მამასთან სათხოვნელად შენდობისა და იმის ქართველებისადმი კეთილ-განწყობილობისა. ბარზაბოდმა თავის ასულის სიყვარულისა გამო შეიწყნარა იმისი თხოვნა, მხოლოდ ის პირობა დაადებინა, რომ სასულიერო პირს, რომელსაც ზედამხედველობა ჰქონდა კერპთ თაყვანის მცემლებზე, ნიადაგ ივერიაში უნდა ეცხოვრა და ამა სჯულის მიღების მსურველთ არავითარი შევიწროება არ უნდა ჰქონოდათ. ამის გამო ბარზაბოდმა გაგზავნა მცხეთას მოგვები, ცეცხლის მსახურნი, და იმათი უმთავრესი წინამძღვარი ბინქარი. ბარდავის ერისთვის სიკვდილის შემდეგ იმისი შვილი ვარზაბაქარი, დედოფლის საგდუხტის ძმა, სპარსეთის მეფის მიერ ამ ადგილზე დანიშნულ იქმნა. ვინაიდან ზოგიერთმა ივერიელთაგანმა, უფრო ღარიბ ხალხიდან, ბინქარის შევონებით აღიარეს კერპთ-თაყვანის მცემლობა, დედოფალმა საბერძნეთიდან დაიბარა ეპისკოპოსი მიხეილი, კაცი კეთილ-მორწმუნე, რომელმაც შემდეგ მოზიდანისა იმის ადგილი დაიჭირა.

როდესაც მეფე ვახტანგი 9 წლისა შეიქნა, დიდძალი რასმოსოკის ანუ ყაბარდოს ჯარი შემოესია ალბანიას, სომხეთსა და ივერიას, კასპის სამხედრო მაზრის გარდა მათ ქალაქები არ აუოხრებიათ, მაგრამ მათ დაატყვევეს მრავალნი მცხოვრებნი—მტკვრის სათავედამ მოყოლებული ხუნანამდე, სადაც ხრამი მტკვარში შეერთვის, წარიტაცეს მეფის ასული მუხრანდუხტი და შემდეგ შინ დაბრუნდენ დარუბანდის კარით.

იმავე დროს ბერძნები ენგურის გაღმიდამ თავს დაეცენ იმის პირზე მდებარე მხარეს, რომელიც იმის წინედ ყაბარდოელებს ძლივს გადურჩა, და დაიპყრეს იგი. მათ განიზრახეს ლაზების მეფის გუბაძის, ბერძნების ქვეშევრდომის, დაცვა სპარსეთის მეფის დაპყრობისაგან. მაგრამ მიუხედავად ამისა ქართველი ხალხის გრძნობა მაინც შეურაცხყოფილი შეიქნა მით უმეტეს,

რომ მეფის სიყმაწვილეში მტრის დასჯა ყოველად შეუძლებელი იყო.

ხუთი წლის შემდეგ ამისა ივერციელებმა მეფის, უმაღლეს სამღვდულოების და სპასპეტის ჯვანშერის თანადასწრებით შეიკრიბენ სათათბიროდ იმაზე, თუ რა უნდა ექნათ ამ მღვდმარეობაში. მაშინ ჭაბუკმა ვახტანგ მეფემ, ცხადად დახატა რა ის უბედურება, რომელიც იმის ქვეყანასა და დას ეწია, თითონ იკისრა ჯარის წინამძღოლობა და ყაბარდოში შესევა, თავის მჭევრმეტყველობით მან აღძრა იქ დამსწრეთ წრეში მამულის სიყვარული იმ ხარისხამდე, რომ იმავე წამს დაადგინეს წინააღმდეგ მტერს და მაგიერი გარდაუხადონ ყაბარდოელებს. როცა ვახტანგმა გარდასწყვიტა ეს ლაშქრობა, მან შეჰკრიბა ასი ათასი ქართველი ცხენოსანი ჯარი და სამოცი ათასი ქვეითი და შემწეობა სთხოვა თავის ბიძას ვარაზ ბაკურს, რომელმაც თორმეტი ათასი ცხენოსანი გამოუგზავნა. მთელი ჯარი ბანაკად დაეწყო მუხნარში, აწინდელ მუხრანში და ხერკში¹⁾, მდინარე არაგვის ორივე ნაპირზე. მეფემ გამგეობა დედას საგდუბტს და დას ხვარამზეს გარდასცა და უბრძანა, თუ ვინიცობნა, თითონ იგი ლაშქრობაში სიკვდილს ვერ გადურჩებოდა, იმისი და წაჰყოლოდა მიხრანს, მეფის ახლობელ ნათესავს, რომელიც იყო რუვის, მირიან მეფის შვილის შთამომავალი, და რომელიც უნდა დამჯდარიყო ქართლის ტახტზე. თითონ წავიდა თიონეთში, სადაც კავკასიის მთავრები შეუერთდნენ მას ორმოცდაათი ათასის მხედრებით დარიალანის ანუ ხევისკარით. ის შევიდა ოსეთში, ე. ი. ყაბარდოში, სადაც მას მტერო ხაზარებითურთ ჩრდილოეთის არაგვის ანუ თერგის პირზე დაუხვდა. შვიდი დღე ორთავე მხრით ჯარები ერთმანერთის პირდაპირ შეუტაკებლად იდგენ, ხოლო მხედარნი სათითაოდ ხმალოში იწვევდნენ ურთიერთს; ამ შეტაკებაში ხაზარი თარხანი გამარჯვებული დარჩა ფარსმან ფარუხზე, სპარსელების გასაოცარ ბუმბერაზზე. ამის შემდეგ ყველას თარხანისა ეშინოდა და იმას-

²⁾ ხერკი — საგურამოა.

თან შებმას ვერაფერს ბედავდა. ამის შემხედველმა ვახტანგმა გა-
მდიწვია თარხანი საომრად. ჯერ შეევედრა ღმერთს, გამსრჯვე-
ბა მიენიჭებინა და შემდეგ შუბით წელში გამსჭვალა მტერი და,
რა მოსჭრა მას თავი, შეჯდა ცხენზე და გამსრჯვებული დაბ-
რუნდა თავისიანებთან. მეორე ღლეს აღმოჩნდა მეორე მამაცი
ოსების თემისა: სახელად ბაყათარი, რომელიც ხმალში იწვეფ-
და ვახტანგს, ან ვინმე იმის მხედართაგანს. მეფე დათანხმ-
და მხოლოდ იმ პირობით, რომ ბაყათარი გამოსულიყო მდი-
ნარეს გამოღმა, როგორც ეკადრებოდა იმის მოწინააღმდე-
გის მაღალ წოდებას. მაშინ ვახტანგი, ჯავშანში ჩამსხდარი შე-
ჯდა ცხენზე. ბაყათარმა ორი ისარი ფარში სტყორცა ვახტანგს
და მესამით იმისი ცხენი დასჭრა. მაგრამ მეფე გაეშურა და
ხმალი შუა გულში დასცა მას. იმის მეტოქე ცხენიდან გადმო-
ვარდა, ვახტანგი მოაჯდა იმის ცხენს და განამხნევებდა თავისს
ჯარსა¹⁾).

ქართველები მიდიოდნენ შემდეგი წესით: წინ მიუძლოდათ
მხედრები, რომელთ ცხენები აბჯარით იყვნენ დატვირთულნი;
იმათ უკან მიჰყვებოდა ქვეითი ჯარი და მას უკან დანარჩენი
მხედრობა. ოსების მხრით იგრიალეს ისრებმა, მაშინ, როდესაც
ქართველების მხედრები, რკინაში ჩამსხდარნი, ცხენებით ავიდ-
ნენ მთაზე და ძლიერის იერიშით მივიდნენ მათზე. არტვაზმა,
მეფის ბიძის შვილმა, სპასპეტმა საურმაგმა და დიდებულმა ბივ-
რიტიანმა გამოიჩინეს იმისთანა ვაჟკაცობა, რომ მტერი აირ-
დაირია და გაიქცა. ვახტანგმა დაიპყრა ოსეთი, ააოხრა
ყანჩალი და ჩრდილოეთის თემების შემოსევის ასაცილებლად
დარიალანის კარი ააგო. აქედამ ის გადავიდა დასავლეთისაკენ,
დაიპყრა პაჭინაგნი და ჯიქები, რომელნიც შემდეგ დაესახლენ
მდ. დნესტრის და დონის შუა და კავკასიის ქედის დაბლობე-
ბამდე. ვახტანგი ოსეთში დაბრუნდა თვისის დის, ოსების მიერ
მოტაცებულის, განსათავისუფლებლად, რომლის დახსნისათვის

¹⁾ „რამეთუ იყო გორგასლანი საზარელ და გოლიათ... რამეთუ იყო
სიგრძე მისი თორმეტი მტკაველი“.

მან 30,000 ტყვე დაუბრუნა ოსებს; ამას გარდა მან გასცვალა 350,000 ტყვე ამდენივე ქართველებზე და იმას დარჩა კიდევ 65,000 ტყვედ წამოყვანილი ოსი, პაჭინაგი და ჯიქი.

ოთხი წლის ბრძოლის შემდეგ ვახტანგმა დაითხოვა სპარსელები და კავკასიის მთავრები, გაგზავნა თავისი და ქართლში დარიალანის კარით, თითონ კი გაელაშქრა აფხაზეთის დასაპყრობად, რომელიც ამას წინეთ ბერძნებმა წაართვეს მას. როდესაც ის გამარჯვებული დაბრუნდა მცხეთას, აჩუქა მრავალი ტყვე, ცხენები და ვაყები, როგორც თავის დედის ბიძას, ვარაზ ბაქარს, აგრეთვე სპარსეთის მეფეს ურმიზდს, რომლის ასულს ბალენდუხტს თხოულობდა ცოლად. სპარსეთის მეფე დათანხმდა და მზითვად თავის ქალს აჩუქა მთელი სომხეთი და კავკასიის მხარეები, და ვახტანგი მიიწვია ბერძნების იმპერატორთან საომრად. მან და იმის ბიძამ ვარაზ-ბაკურმა შეჰკრიბეს 200,000 ჯარი და ამოდენივე რიცხვი რანის, ადერბაგანის და მოვაკანის მხედრებისა და გაემზადენ სალაშქროდ. ამ დროს ის 22 წლის შეიქნა და განთქმული იყო ვაჟკაცობით, ახოვნობით და საოცარი ბუნებრივი ძალ-ღონით.

სომხეთში გარდასვლის დროს ფეროჟ-კაფარში¹⁾ მან შემოიერთა სომხეთის ერისთავები არეგი სიუნული, ჯვანშერ ვასპურაკანელი და სხვები, რომელნიც კარახზოლის, აწინდელ არზრუმის ქალაქის ასაღებად მიადგენ, თუმცა კი ვერ გაიმარჯვეს. მანვე ანწითენის და ეკელეცის მაზრებით გადაიარა და ქალაქს პონტოს ანუ ტრაპეზონს ასაკლებად მიადგა; სამი თვის განმავლობაში იმის გარშემო იდგა. რომ ქრისტიანებს რაოდენადმე შეეუმსუბუქოს უბედურება, ის მოშორდა ამ ქალაქს. ამის გამო ატყდა დავა მოკავშირეთა შორის; ბერძნები დაეცენ სპარსელების ჯარს და ვახტანგი იძულებული იყო თავის დასაცავად იმით შეებოდა ბრძოლაში. მან სძლია ბერძნები და ამის შემდეგ ბერძნის იმპერატორმა დაუბრუნა მას თუხარისი და კლარჯეთის მაზრა და ამის გარდა აღუთქვა აფხაზეთის მიცემაც, თუ ვახტანგი იმის ქალს შეირთავდა. შერიგების შემდეგ ვახტანგი წავიდა კლარჯეთს, სადაც თავისს ბიძაშვილს

1) ბარდა?

არტვას უბრძანა ციხე არდანუჯი აეგო; როდესაც მცხეთას მივიდა, მოგვთა მთავარი ბინქარი გააგლო და ეპისკოპოზად მართლ-მადიდებელი მიხეილი დანიშნა.

ამასობაში დაახლოებით 461 წ. მოჰკვდენ სპარსეთის მეფე ორმუზდი II და იმისი ქალი ბალენდუხტი, ვახტანგ მეფის მეუღლე, რომელმაც ტყუპი შვა: ერთი ვაჟი არჩილი ანუ დარჩილი და მეორე—ქალი. გავიდა სამი წელიწადი. სპარსეთის მეფემ გამოილაშქრა ვახტანგზე და შემოვიდა ინდობრანთში. ივერიის მეფემ მოიწვია შესაწევნელად ბერძნები, თითონ კი 100,000 ჯარით დილომში დაებანაკა.—ამ დროიდან ივერიელებმა უწოდეს თავის მეფეს გორგასალ მიტომ, რომ მას ოქროს მუზარაღზე ეხატა წინ მგლის თავი და უკან ლომისა. ზოგიერთთა ნაამბობით მას ვითომც მარტო მგლის თავი ჰქონოდადეს მუზარაღზე. სპარსელებს ისე ეშინოდათ იმისი ომის ველზე, რომ დანახვაზედ ეუბნებოდენ ერთმანეთს „გაშორდით მგლის თავსაო“. ეს სახელ-წოდება ვახტანგისა სპარსულ ენაზე გურგა-სარ, ქართულად გურგასალ ან გურგასლანი ისტორიაში დარჩა. ყოველდღეს იმართებოდა ორთავე ჯართა შორის შეტაკება არმაზთან და არაგვისა და მტკვრის პირებზე. ხოლო როცა სპარსეთის მეფემ შეიტყო რომ, ბერძნების იმპერატორმა გამოუგზავნა ვახტანგს საშველი ჯარი 80,000 კაცამდე, ის დათანხმდა ზავი დაედვა ივერიასთან და საბერძნეთთან შემდეგი პირობებით: სპარსეთის მეფე ფეროზი ვალდებული იყო დაებრუნებია ბერძნებისათვის პალესტინა წმინდა ქალაქით, იერუსალიმით. სამაგიეროდ მას უნდა დაჰბრუნებოდა მესოპოტომიის ხუთი ქალაქი—და მდინარე ტიგროსის სათავის ერთი ნაწილი თანახმად ზავისა, რომელზედაც ასი წლის წინედ იმპერატორს იოვიანეს ხელი მოეწერა. ამას გარდა მან დაუთმო მეფე ვახტანგს რაოდენიმე მაზრები და სთხოვა მას სალაშქროდ გაყოლა არაბებზედ და სხვა ინდოეთის ხალხებზე იმის მტრების წინააღმდეგ. ბერძნის ელჩის, ანტიპატის ლეონის რჩევით ვახტანგი დათანხმდა ხოსროს ამ ორ მოთხოვნაზე. მან მიათხოვა მას თავისი და მიხრანდუხტი და აღუთქვა მას საომრად წაყვანა ინდოეთში

10,000 ბერძნის ჯარით. როდესაც ვახტანგი სალაშქროდ გაემგზავრა, მან სამეფო გვირგვინით აკურთხებინა თავისი ხუთი წლის ვაჟი დარჩილი და დააწესა საბჭო, რომელსაც შეადგენდენ შვიდი ერისთავი: სპასპეტი ჯვანშერი, ზემო ქართლის ჯარების სარდალი, დემეტრე—კახეთის და კუხეთის ერისთავი, ჰერეთის ერისთავი—გრიგოლი, ხუნანისა—ნერსარანი, სამშვილდისა—სამანგირი, მარგვისის და თაკვერის ერისთავი—ბაკური. ამ ჩამოთვლისგან სჩანს, რომ მეხუთე საუკუნეში ივერიის ტომის საზღვრები და სამფლობელო იგივენი იყვენ, რაც ეხლა არიან.

მეფემ დაიბარა, რომ მისი შვილი დარჩილი უჯარმაში გაეზარდათ და თან წაიყვანა ერისთავები კლარჯეთისა—არტვაზი, წუნდისა—ნასაძა, ოძრხისა—ბივრიტიანი, მსახურთ უხუცესი საურმაგი, 10,000 დარჩეულ-მხედრებით და 10,000 ბერძნები, რომელნიც ანტიპატმა ელეონმა ამას გარდასცა სრულს მის განკარგულებაში. უმეტესი ნაწილი საჩუქრებისა, რომელნიც მან სპარსეთის მეფისგან მიიღო, ბერძნების იმპერატორს გაუგზავნა და თითონ თავის დედით და ღით ხვარამხითურთ ჯერ იერუსალიმს გაემგზავრა, სადაც ყველა წმინდა ადგილებზე მან თავის ოჯახითურთ მოიღოცა. მერე წავიდა სპარსეთში 50,000 ჯარით, რომელიც შესდგებოდა ბერძნებისგან, ივერიელებისგან და სომხებისგან; ქ. ქთეზიფონტში მან გარდინადა ქორწილი თავის დის მიხრანდუხტისა, რომელიც ხოსროს მიათხოვა. ამის შემდეგ დედოფალი საგდუხტი ასულით ხვარამხით წავიდა ქ. ურხაში¹⁾; სადაც მათ უნდა დაეცადათ მეფის დაბრუნებამდის.

ორივე მეფე პირველად შევიდენ ჯორჯანის მხარეში, რომელიც დაიჭირეს და სპარსეთის სამუდამო ქვეშევრდომად გახადეს. შემდეგ ამისა სამი წლის განმავლობაში ინდოეთი დაიპყრეს, ზღვის პირად მდებარე დიდ ქალაქების გარდა და ძალიან დიდი ნადავლი შეიძინეს. იქიდან სინდში გარდავიდენ. სინდის მეფე ჩაიკეტა ციხეში, ხოლო იმისი ჯარი ყოველ დღე ებრძოდა სპარსელებს. ერთ დღეს ათი დარჩეული სინდის მხედარი ჩაესაფრენ და ერთმა მათგანმა უზარმაზარის ტანისამ ივე-

¹⁾ ანუ ედესის მესოპოტომიაში.

რის მეფე ხმაღში გამოიწვია. ერისთავი საურმაგი ეცა მას, მაგრამ ამ დროს ჩასაფრებულ მხედრებისაგან მოკლულ იქმნა. ვახტანგმა თავის ამალით დაედევნა მტერს ქალაქის კედლებამდღი, თითონ პირდაპირ დახვდა სინდის მეფეს და დასჭრა იგი. ის მხოლოდ მაშინ დაბრუნდა უკან, როდესაც მტერს დაადებინა პირობა, რომლის ძალით ამას შემდეგ წინდაწინ ხარჯი უნდა ეძლიათ სპარსელებისათვის ყოველწლივ. ამ ომმა ოთხ წელს გასწია. თუ ვერწმუნეთ ბერძნების ნაამბობს, სპარსეთის მეფე ფერუზ II, იგივე ქართველების ურმუზდა, მოკლულ იქმნა ომში ჯორჯტანის მაზრაში თავის 30 შვილით ომში, თუმცა ბევრად უფრო გვიან, ვიდრე ნაჩვენებია ქართველთ მიერ, სახელდობრ—485 წ. ქრისტეს შობის შემდეგ; და მემკვიდრედ მისი ძმა ვაგარამ II შეიქნა. შემდეგ ამისა სპარსელები სინდიდამ წავიდნენ არაბეთში, რომელიც მაშინ ჰუნნო-ქუშანებს ეპყრათ, და იქედამ მათ ნახევარი ნაწილი მკვიდრთა გადმოასახლეს ხორასანს,

ვახტანგი დაბრუნდა სპარსეთში რვა წლის შემდეგ და წავიდა ურხაქალაქს ანუ ედესას თავის ოჯახეულობასთან. სპარსეთის მეფეს სურდა მისთვის მიეთხოვებინა თავისი ასული, მაგრამ ვახტანგმა უარ-ყო ეს წინადადება იმიტომ, რომ მას დანიშნული ჰყავდა ბერძნის იმპერატორის ასული. როდესაც ის მივიდა ბერძნების და სომხების საზღვარზე, მხლებლები გაგზავნა თავისს სახლეულობის მოსაყვანად, აგრეთვე უბრძანა მათ მოყვანა ქათალიკოზისა პეტრესი და თორმეტ ეპისკოპოზისა, რომლებზედაც მაშინ მოლაპარაკება ჰქონდათ, ვინაიდგან სურდათ ივერიის ეკლესია დამოუკიდებელი ყოფილიყოს¹⁾; ამ განკარგულებით ძლიერ უკმაყოფილო დარჩა ერთადერთი მაშინდელი ივერიის ეპისკოპოსი მიქელი. როცა მან შეიტყო, რომ იმის მაგიერ იბარებენ ეპისკოპოზად სამუელს, ის სიძულვილმა გაიტაცა და იმდენად გაკადნიერდა, რომ ფეხი მიარტყა პირში მეფეს, როდესაც ეს უკანასკნელი საამბორებლად მივი-

²⁾ ესრედ წოდებულ ავტოკეფალურ ეკლესიად.

და მასთან. მეფემ უბრძანა გარდაეცათ ის ბერძნების ელჩებისათვის, რომელთაც ის კონსტანტინეპოლში წაიყვანეს. მაშინ იქაურმა პატრიარქმა გაგზავნა ანტიოქიაში მღვდელი პეტრე და ბერი სამუელ ეპისტოლეთი, რომელშიაც ეწერა: „ვინაიდან პირველი ივერიის ეპისკოპოსი დანიშნული იყო ანტიოქიის პატრიარქის მიერ, ამიტომ კათალიკოზი და ივერიის ეპისკოპოსები იმისგანვე უნდა ეკურთხებოდნენ“. მართლაც კონსტანტინეპოლის პატრიარქობა დაწესდა შემდეგ მეორე კონსტანტინეპოლის კრებისა, ბევრად უფრო გვიან, ვიდრე ანტიოქიისა და ამ პატრიარქს ექვემდებარებოდა აქომამდე მთელი აღმოსავლეთი. ამ მინდობილობის შემდეგ ანტიოქიის პატრიარქმა პეტრე კნიფემ აკურთხა კათალიკოსი და 12 ეპისკოპოსი და ამასთანავე მან განაცხადა ივერიის ეკლესიის დამოუკიდებლობა უზენაესს მართველობის ქვეშ მხოლოდ ანტიოქიის პატრიარქისა.

მოკლე ხნის შემდეგ ყველა ეს სასულიერო პირები მოვიდნენ კონსტანტინეპოლში და იმპერატორის ლეონისგან მიიღეს ძვირფასი საჩუქრები, რომელნიც უნდა მიერთმიათ მეფე ვახტანგისათვის. იმავე დროს იმპერატორმა მიათხოვა ივერიის მეფეს თავისი ასული ელენე, რომელიც დიდის ამბით გაგზავნეს ივერიაში და ჩააბარეს ივერიელებს სომხითის მიჯნაზე. მეფე ვახტანგმა დააწესა, რომ ქვემო აღნიშნულ ადგილებზე ეცხოვრათ მალალ სასულიერო პირებს: კათალიკოსს ეკუთვნოდა, მცხეთის უმთავრესი საკათედრო ეკლესია ათორმეტ მოციქულების სახელზე აშენებული, ეპისკოპოსს სამუელს — სამთავროს ეკლესია; დანარჩენი სამღვდელ-მთავრო ეკლესიები იყო შემდეგნი: ახიზისა, კლარჯეთისა, არტაანისა, ერუშეთისა, ჯავახეთისა, მანგლისისა, ბოლნისისა, (ბოლნისში) რუსთავისა, ნინოწმინდისა, უჯარმის მახლობლად თვით გურგასლანის მიერ აგებულისა, ჭერამისა, მის მიერვე აშენებულისა, ჩელეთისა, ხორნაბუჯისა, ჭაგარაკისა — ხუნანის მაზრაში. კათალიკოსობის დაწესება 475 წ. მოხდა. თუ ვერწმუნებით სომხების მეისტორიით, სომხეთის მოქცევის შემდეგ წმიდა გრიგოლ განმანათლებელმა თვისი შვილის-შვილი გრიგოლისი გააწესა ალოვანის და ივერიის კა-

თალიკოსად. მაგრამ აქ უნდა ვიგულისხმოთ არა საკუთრად ივერია, არამედ ივერიის ნაწილი სომხეთისა მდ. ქციის გაღმა, რომელიც ძალიან ხშირად გარდადიოდა ხან ივერიელების და ხან სომხების ხელში, და რომელსაც სომხების ხელში ერქვა, ივერია (ვრატანი), ხოლო ქართველების ხელში—სომხეთი. ჩვენის აზრით ქართული მემკვიდრეობა ნაამბობი ამ შემთხვევაში ჩვენ უნდა ნამდვილ ამბავად მივიღოთ. ამის შემდეგ გურგასლანმა ააგო ნიქოზში წმიდა რაჭდენის სახელზე ეკლესია იქ, სადაც ადრე ცეცხლ-მსახურთა ბომონი იდგა. რაჭდენმა, ტომით სპარსელმა, დედოფლის ბალენდუხტისა მამა მძუძემ, ქრისტეანობა მიიღო. ამისათვის და აგრეთვე ცეცხლის მსახურებას რომ აღარ მიუბრუნდა, ივერიელებთან ომის დროს წამებულ იქმნა. ქართული ეკლესია დღესასწაულობს იმის დღეობას 3 აგვისტოს.

ვახტანგს მეორე ცოლის, ბერძნის ქალის ხელში ერთი ვაჟი და ორი ასული დარჩა. მან მესცა დაჩის, თავის შვილს პირველი ცოლისგან შობილს, საუფლისწულოდ ქალაქები ქერამი, ნეკრესი, კამბეჩი და ხორნაბუჯი მდ. მტკვრის აღმოსავლეთად მდებარე ადგილებით, თითონ კი ცხოვრობდა უჯარმაში, რომელიც მან გაამშვენებინა შენობებით; მისი კვალი ახლაც სჩანს. თავისი და ხვარამზე მიათხოვა ბაკურს, სომხეთის მმართველს, რადგან მაშინ მთელი მხარე ქციის გაღმა ივერიას ეკუთვნოდა. შემდეგ რადენიმე ხანისა მოკვდა სპარსეთის მეფე ხოსრო და იმის მემკვიდრედ მისი შვილი ხოსრო შეიქნა; მან მეფე ვახტანგს, რომელიც მაშინ ტფილისს აშენებდა, დესპანები გაუგზავნა და ბერძნების წინააღმდეგ ბრძოლაში შეერთება სთხოვა. ამასთანავე ის ვახტანგს სთხოვდა ცოლად იმის ასულს. მეფემ უარ-ჰყო ეს წინადადება და ყველას უბრძანა მთებში ასვლა და კავკასიის სქელ ტყეებში დახიზვნა. დაჩი თავის ცოლით წავიდა ლოფათის ხეობაში, სადაც ცეცხლის მსახურნი სცხოვრობდნენ... ვახტანგი დარჩა უჯარმის ციხეში, ხოლო უმთავრესმა ერისთავებმა, რომელთაც მინდობილი ჰქონდა მცხეთის დაცვა, შეატყობინეს ეს ამბავი ბერძნის იმპერატორს.

ვახტანგი 60 წ. იყო, როდესაც სპარსეთის მეფე დაეცა ივერიას, დაიპყრა კამბეჩოვანის მხარე, ქერამი და ველის-ციხე და დაებანაკა გამაგრებულ ქ. დარნახის მახლობლად. მეფე ვახტანგმა წინაღვე იგრძნო თავისი მომავალი ბედი: დაუბარა კათალიკოსს პეტრეს, რომ მას უჯარმიდამ ფეხი არ მოეცვალა, თითონ კი ჯარით სპარსელებისაკენ წავიდა და ბრძანება გასცა, რომ ყოველმა მხედარმა ეცადოს, რომ მოიტანოს მტრის თავი ანუ ხელი. დილით აღრიანად ის დაეცა მეფის კარავს და ბატონიშვილს ბარტომს თავი მოჰკვეთა. სპარსეთის მეფემ ძლივს გაასწრო, მაგრამ ერთმა მტერთაგანმა ვახტანგს გულში ისარი სტყორცა და სასიკვდილოდ დასჭრა. ომმა შუადღემდის გასწია. სპარსელებს დაეკარგა აუარებელი კაცი, ცხენი და უკუ იქცნენ რუსთავს. როცა გაიგეს, რომ ივერიის მეფე მძიმედ დაჭრილია, მოარბიეს ტფილისი, არმაზი, მუხნარის მაზრა და მთელი მცხეთის მიდამო— არაგვის და ქსნის შუა. იმ ხანად გარდაიცვალა ვახტანგის სიმამრი იმპერატორი ლეონი და მისი მემკვიდრე ზენონი მოისწრაფოდა ივერიის საშველად. როცა ის სპერს მოვიდა და შეიტყო ვახტანგის ჭრილობა, ივერიაში აღარ შემოვიდა; ის წავიდა კარნუ-ქალაქში; აქ სასტიკი ბრძოლა ასტყდა ბერძნებს და სპარსელებს შუა, ხოლო გამარჯვება საეჭვო დარჩა.

როდესაც ვახტანგმა იგრძნო სიკვდილის ჟამის მოახლოება, მოიხმო კათალიკოსი პეტრე. იმის და დიდებულთ თანადასწრებით მან დაუმტკიცა სამეფო გვირგვინი უფროს ვაჟს დაჩის, ხოლო იმის ძმებს ის მხარე, რომელიც ტაშის კარიდან და წუნდიდამ დაწყებული ზღვამდი მდებარებს. რაც შეეხება აფხაზეთს, ის ხომ დედოფლის ელენეს მზითევს შეაგენდა და ერგებოდა იმის შვილებს ლეონს და მირდახს, რომელნიც მეფემ გასაზრდელად მიაბარა ერისთავებს: წუნდისას— ნახარს, კლარჯეთისას— არტვაზს და ოძრხისას— ბივრიტიანს. ვახტანგის სიკვდილმა, რომელიც 499 წ. მოხდა, გამოიწვია ხალხის მწუხარება— და ღრმა მგლოვიარება; იმისი გვამი დასაფლავებული იყო მცხეთის საკათედრო ტაძარში და იმის სასაფლაო ქვაზე

განსვენებულ მეფის სახე გამოქანდაკებულია. გმირული მოღვაწეობა ამა მეფისა მადლიერს ივერიის მეხსიერებაში აქამომდე დაცულია¹⁾).

ვახტანგის მეფობაში ქრისტეს სჯულის აღმსარებელმა ივერიელებმა და მათ მომიჯნავე ხალხებმა სხვა და სხვა შევიწროება და დევნა გამოიარეს სპარსელებისაგან. 444 წ. ახლო ხანებში იეზდგერდმა II, სპარსეთის მეფემ ომი გამოუცხადა ჰუნებს—ქუშანელებს ანუ ჰეფთალიტებს, კასპიის ზღვის აღმოსავლეთით მცხოვრებლებს და შეკრიბა ჯარი ყველა იმის ქვეშევრდომთ კავკასიის აქეთ ხალხთ შორის, რომელთა რიცხვში სომხები, ავღანელები და ივერიელები იყვნენ. ეს უკანასკნელნი საკუთრად ქართველები კი არ იყვნენ, არამედ სამხრეთ ივერიის²⁾ მცხოვრებნი. იეზდგერდმა ვერ გაიმარჯვა და დაითხოვა თვისი მაშველი ჯარი, ქრისტიანებისგან შემდგარი და მათ ნაცვლად სხვა ჩააყენა. როდესაც მან გაიმარჯვა 491 წ., თავის ჯარს უბრძანა დახოცვა ყველა მის სამსახურში მყოფ ქრისტიანე მხედრებისა, ვინაიდან მათ არ ისურვეს ცეცხლის მსახურების აღსარება. იმ დიდებულთ შორის, რომელნიც იეზდგერდმა გაჰოიწვია ზემოხსენებულ მაზრებიდამ, იყო ვინმე ვაზგენი, რომელსაც სომხების წმიდანთა აღწერა უსაფუძვლოდ მცხეთის მეფედ, დიდ ივერიის ერისთავად უწოდებს. ნამდვილად კი ის იყო ერისთავი სადავო გუგარკისა, მდ. ქციის სამხრეთად. მას ცოლად ჰყავდა შუშანიკი ანუ სუსანა, სომხის სარდლის

1) ნ. ჩუბინაშვილი თავის აღწერაში ჯვარის მონასტრისა სწერს, რომ დასავლეთ შემოსავალ კარებთან დანატულნი არიან სამნი მეფენი მოხუცებულნი გვირგვინ შერავენდელითა და პორტირებიითა: მირიან, ვახტანგ გორგასლან და ბაგრატ კურატ-პალატი. ამათ ქართულადაც და ბერძნულადაც აწერია მათი სახელები *Ваძიღჯა* და სხვ.; სრულიად ვერ წავიკითხეთ. *Описание Крестнаго мон. в Иерусалима и пр., сдѣл. Н. Чубиновымъ 1845 г. Свѣд. о памятникахъ груз. письмен. А. А. Цагарели. т. I, в. 3. стр. 45. 1894.*

2) ეხლანდელ სომხითის ანუ გუგარკის მცხოვრებნი.

ვარდან მომიკონიანის ასული. ვაზგენი დათანხმდა ცეცხლის მსახურების სჯულის მიღებაზე და შეერთო ცოლად ბატონის ასული, სასანიდის სამეფო გვარისა.

როდესაც ის თავის სამფლობელოში დაბრუნდა, ყოველგვარი საშვალეობა იხმარა, რათა მიეღებინებინა სპარსეთის სჯული თავის ცოლის სუსანასათვის და შვიდი წლის შეპყრობის შემდეგ ოფრეთის ციხეში ისე სასტიკად სცემა, რომ ის იარებისაგან გარდაიცვალა 17 ოქტომბერს 458 წ. მისი წმინდა ნაშთი დასვენებული იყო ქ. ცურტავში სამხრეთ ივერიაში მდ. მაშავრის პირზე, ხოლო ახლა გარდმოსვენებულია მეტეხის ეკლესიაში, ავლაბარში. საქართველოს ეკლესია დღესასწაულობს იმის დღეობას 28 აგვისტოს. ქართველები და სომხები იხსენიებენ შუშანიკს დედოფლად, ვინაიდან ეს ერნი თავის ჩვეულებისამებრ ამ სახელით უწოდებენ არა მარტო მეფის მეუღლეს, არამედ მთავრის და დიდებულის ცოლსაც. მართლაც ეტყობა, რომ იმის ქმარს დიდი გავლენა ჰქონდა ივერიაში. მოგვითხრობენ, რომ ვაზგენ ცხოვრობდა ეხლა დაქცეულ ქალაქში, ცურტავში, სადაც იმყოფებოდა ეპისკოპოზი აფოცი, შუშანიკის მოძღვარი, რომ ვითომც შუშანიკს წმ. ნინოს ჯვარის დასაცველად, — რომელიც გაკეთებული იყო ვაზისგან და შეკრული იმის თმითა, — მოესწროს იმის წარტაცება მცხეთიდან სომხეთში, სადაც ის დარჩენილიყო XIII საუკუნის ნახევრამდე. რაც შეეხება ვაზგენს, მან 472 წ. ახლო ხანებში გამოუცხადა ომი ივერიის მეფეს, და მოიკლა ომში მდ. ანასკერტის პირად, აჭარის საზღვარზე. ქართული მატთანე შეცდომით მიაწერს წმ. შუშანიკის წამებას ბაკურ III მეფობას, ე. ი. ასი წლის შემდეგ გურგასლანისა. წმ. შუშანიკი იყო ასული ცნობილის სომხისა, მეხუთე საუკუნეში მცხოვრებისა, ხოლო თანამედროვე სომხების მეისტორიენი მოგვითხრობენ ვარდანზე, შუშანიკზე და ვაზგენზე ვახტანგ გურგასლანის დროს. ჩვენ ძლიერ სარწმუნოდ მიგვაჩნია, რომ ამ მეფეს ეკუთვნის სასანიდის დროის ფული, რომელზედაც მეფის თავის ზევით

დასმულია ქართული ასოები **UR**¹⁾), რაც შემოკლებით ნიშნავს გურგასლანის სახელს, რომელიც მას სიცოცხლეშივე დაარქვეს და რომლითაც ის ხშირად იხსენიება მათიანებში²⁾).

1) ეს მონოგრაფია და სასანიანთ დროს ცეცხლის სამსახური ემბლემა ნუმიზმატებმა ბარათავეის გარდა საეჭვოდ იცნეს. დ. ბაქრაძე 165 გვ.

2) არც ერთს ჩვენის ისტორიის ხანას, გარდა მითიურისა, ისე სამართლიანად არ შეეფერება მე-XVIII საუკუნის „მნათობის“, სეკუტიკის ვოლტერის მიერ წარმოდგენილი ოხუჯობა— „L'histoire est une fable convenue“— ისტორია არაკი არისო ნამდვილის ამბვის ნაცვლად გამოგონილი, რომლითაც ურთიერთისათვის პირი მიუციათო— როგორც გურგასლანის მეფობის მოთხრობას. საფუძვლიანად ამბობს ბაქრაძე: „ვახტანგის ცხოვრება ისეა შედგენილი, რომ ზღაპრულ მოთხრობას მიემსგავსება; მაგალითად, იმისი გმირული თვისება და პირადი ბრძოლა სხვა-და-სხვა ბუმბერაზებთან ანუ გოლიათებთან; იმისი ბევრად-ბევრული ლაშქრები, ასი ათასობით მტრის დატყვევება; ყველგან ძლევა-მოსილი გამარჯვება,— ყოველივე ეს, ვიმეორებთ, სრულიად არაკი თუ არ არის, უეჭველად გაზვიადებულია პანეგირიკისაგან...“ იმის გმირულ მამაცობას არ შეეძლო იმ დროს, როდესაც ვახტანგის ხელში იყო მხოლოდ ერთი საქართველო ის ნაწილი, არავითარი წინააღმდეგობა მიეგო სპარსეთისათვის. არ უარ-ყოფთ, რომ მიწვეული სპარსეთის მეფისაგან მონაწილეობის მისაღებად სპარსეთის მოსაზღვრე ჰუნების ანუ ხაზართ წინააღმდეგ, ვახტანგი ქართლის წყობით ახოვნებას გამოიჩინეს და სახელ განთქმული დაბრუნდება.“ „ვახტანგის დროს სპარსეთის ჯარი თავისუფლად შემოდის ჩვენს ქვეყანაში; აქ სპარსნი აფუძნებენ თავიანთ აღსარებას ანუ ცეცხლის მსახურებას და ამ სარწმუნოების მღვდელ-მთავარსაც ადგენენ; აქვე თავსა ჰკვეთენ რაქდენს, ცეცხლის მსახურების უარ-ყოფისა და ქრისტეს სჯულის მიღებისათვის; აქვე მოიკვლის იმათგან ვახტანგი. რომ ქართლი იმ დროს სპარსეთს ჰყავდა ქვეშევრდომად, ამასვე გვიმტკიცებენ ერთის მხრით ჩვენი მაშინდელი მანეთები, რომელზედაც ცეცხლის სამსახურო ემბლემა არის წარმოდგენილი; მეორე მხრით ბიზანტიელების თქმულება გუბაზზე, რომელიც მეფე თურმე იყო ლაზიკის ანუ შავი ზღვის პირის საქართველოისა და რომელიც ისე იყო შევიწროებული სპარსთაგან იმათ მომხრე ივერიელებითურთ, რომ იძულებულ იქმნა 466 წელს შემწეობა გამოეთხოვა მას ბიზანტიის იმპერატორისაგან... ნუ დაივიწყებთ იმასაც, რომ არცერთ შემთხვევაში, როდესაც სპარსნი ან ბიზანტიელნი ერთი მეო-

ვახტანგის შემდეგ მეფობდა იმისი შვილი დაჩი, ხოლო დედოფალი. ელენე შვილებითურთ წავიდა საუფლოსწულოში დასავლეთ ივერიაში. ისინი ზაფხულობით წუნდას და ზამთრობით ოძრხეს ცხოვრობდნენ, მთავარ ერისთავებად იწოდებოდნენ და ექვემდებარებოდნენ თავის უფროს ძმას. დაჩიმ განაახლა და გაამაგრა ყველა ქართლის ქალაქები და ტფილისი, თანახმად თავისის მამის ანდერძისა, შენობებით განამშვენიერა და დედაქალაქად გახადა.

კათალიკოს პეტრეს სიკვდილის შემდეგ პატრიარქად სამუელი იყო: იმისობას ამაოდ ცდილობდნენ კახეთის მოსაზღვრე მთიულების მოქცევას. როდესაც მოკვდა ლეონი, დედოფლის ელენეს ერთმა შვილთაგანმა, დაჩიმ, შეისყიდა თავის ძმისა, მირდატისაგან მისი წილი, რომელიც მდ. ეგრის და კლისურის შუა (ეხლანდელი კელა-სური) მდებარეობდა და ნაცვლად მისცა მას ჯავახეთი—ფარვანის და ტაშისკარიდამ მოყოლებული სპერის ზღვამდე. მან წყაროს-თავის ეკკლესია ააშენა.

12 წლის მეფობის შემდეგ დაჩი გარდაიცვალა. თავისი გვირგვინი მან გადასცა შვილს ბაკურ II, რომელიც 13 წლის მეფობის შემდეგ გარდაიცვალა. იმის მემკვიდრედ მისი შვილი იყო ფარსმან V, რომელიც ავიდა ტახტზე 528 წ..

ფარსმანის მეფობაში საქუელს შემდეგ კათალიკოსად თავ-

რეს ანუ ვისმე ებრძვიან ვახტანგის თანაზიარად, არა ვითარ ცნობას არ ვპოულობთ ვახტანგზე, გარეშე „ქართლის ცხოვრებისა“, მაშინ დელს მსოფლიო ისტორიულ წყაროებში“.

როგორც ეტყობა, ვახტანგის მეფის ისტორია ცალკე საკითხავ გასართობ წიგნად ყოფილა შეთხზული და „ქართლის ცხოვრებაში“ შემდეგ შეტანილი.

ნუ დავივიწყებთ, რომ ისტორია ყველაზე უპირველეს ჭეშმარიტი და მართალი უნდა იყოს, ანუ როგორც შლეცერი ამბობს—*prima lex historiae ne quid falsidicat*—და რომ კიდევ ძველმა კლასიკებმა ანდერძად დაგვიტყვეს:—*„Amicus Plato, sed magisque amica veritas“*—პლატონი მეგობარია და მიყვარს, მაგრამ იმაზე უფრო ჭეშმარიტება მიყვარსო.

ფაჩავი იყო; ხოლო იმის შემდეგ ჩირმაგი¹⁾). სპარსელები შემოესიენ ივერიას, ანუ, როგორც ზოგნი მოგვითხრობენ, ვითომც ისინი მიეშველენ მათ ყაბარდოელების წინააღმდეგ. ამის შემდეგ ქართველები სპარსეთის მოხარკეებად შეიქნენ იმ პირობით კი, რომ სპარსელები არ უნდა შეხებოდნენ ქრისტეს სჯულს და ეკლესიებს და მათ თავისი პატივისცემა არ უნდა მოკლებოდათ. ეს პირობა მიიღეს სპარსელებმა. იმ დროსვე მირდატის შთამომავალნი დასავლეთ ივერიაში ბერძნების გავლენის ქვეშ მოემწყვდნენ. უეჭველია, აქ უნდა იწყებოდეს დასაბამი ლაზიის სამეფოსა, რომლის ისტორიას ქვემოთ მოვიხსენიებთ.

ფარსმანს, რომელიც 542 წელს მოკვდა, მემკვიდრედ მისი ძმისწული ფარსმან VI დარჩა. იმის მეფობაში კათალიკოსად ჯერ იყო საბა და მერე — ევლავი. საბას დროიდან იმპერატორმა იუსტინიანემ შეიწყნარა ივერიელების თხოვნა და იმათ ეკლესია იცნა დამოუკიდებლად. ამ დროდამ მათ მიენიჭათ უფლება, კათალიკოსის ტახტზე აეყვანათ მხოლოდ მკვიდრთაგანი, საქართველოს დიდ-გვარების შთამომავალნი, და მღვდელმთავრებს ჰქონოდათ თავის სამწყსოში უზენაესი უფლება მთელ სამღვდელოებაზე. მიუხედავად ამისა ფარსმანმა სირიიდან დაიბარა ცამეტი ბერი დიაკონითურთ, რომელნიც ივერიაში გადმოესახლნენ და თორმეტი საეპისკოპოსო ეკლესია ააშენეს. აი, მათი საკუთარი და ზედ მეტი სახელები, რომელნიც მათ დაერქვათ იმ აღგილების მიხედვით, სადაც ისინი დამყარდნენ: იოანე ზედაზადნელი, მდაბიურად ზედაძნელი, დავით გარეჯელი, სტეფანე ხირსელი, იოსებ ალავერდელი, ზენონ იყალთოელი, ანტონ მარტომყოფელი, ანუ მარტყოფელი, იესე წილკნელი, მათე¹⁾ სტეფან-წმინდელი, შიო მღვიმელი, ისიდორე სამთავ-

1) ახალ ვარიანტით ნინოს ცხოვრ. „ჩამვა“, დავით რეკტორის სიითა და პ. იოსელიანით ჩიგირმან. ჟორდ. ქრ. შენ. III

1) დიმიტრი ბაქრაძე მათე სტეფანწმიდელის მაგიერ „თათეს მამებელს“ სწერს — და, ვგონებ, კორრექტურის შეცდომით, იოსებს „ხირსელს“ უწოდებს. „საქ. ისტ.“ გვ. 182. დავით რეკტორის სიით მათე, იგივე თათე, „თადე-დ“ იწოდება.

ნელი, აბიბოს ნეკრესელი, მიქელ ულუმბელი, პიროს ბრეთელი და დიაკონი ილია¹⁾). ივერიაში იმათი შემოსვლის დრო ნამდვილად იმ დროიდან ვიცით, როდესაც წმ. იოანე გამოვიდა თავის ამხანაგებით სირიიდან და როდესაც ის აკურთხა და გზა დაულოცა წმ. სვიმონ მესვეტემ, რომელიც ჯერ კიდევ არ ასულიყო სვეტზე, და რომელიც სცხოვრობდა 521 და 596 წლებს შორის. ამას გარდა ვიცით, რომ ისინი მიღებულნი იყვნენ ქართლში კათალიკოსის ევლავის მიერ, რომელიც მღვდელმთავრის ტახტზე ავიდა 550 წ. ახლო ხანებში. ამის გარდა ეს ამბავი უნდა მომხდარიყოს ყოვლის ექვის გარეთ მეექვსე საუკუნის პირველ ნახევარში, ფარსმან VI-ს მეფობაში. ივერიის ეკლესია წმინდანების რიცხვში რაცხს ყველა ამ სახელ-განთქმულ პირებს, რომელთაც სამონაზნო მოღვაწეობაში დიდი ღვაწლი მიუძღვისთ. იმათი საფლავები იზიდავენ დიდძალს თაყვანის მცემელთა და წირვა-ლოცვის დროს მუდამ იხსენიებენ მათ სახელებს შესაფერის დიდებით.

ფარსმანის მეფობა განთქმულია აგრეთვე იმ გვარის შემთხვევით, რომელსაც ქართული მემატეიანები სრულიად არ იხსენიებენ, თუმცა დასავლეთ საქართველოში მოხდა. უკვე ცნობილია, რომ ჯავახეთის მაზრა გურგასლანის შვილებს სამემკვიდროდ დარჩა და ისინი ბერძნების მორჩილების ქვეშ იყვნენ. ამ გარემოებით შეიძლება აიხსნას ქართველ მემატეიანეს დუმილი ლაზიკის სამეფოზე, რომელიც ამ მხარეებში დაარსდა. ის შეიცავდა მთელს სამეგრელოს და იმერეთს, სამცხეს—მტკვრის სათავეს გარდა, გურიას და ლაზისტანს ქ. ტრაპიზონამდი, და მას უვლიდენ ქოროზი და რიონი, ყვირილა, ძირულა და ჩხე-

1) შიომღვიმის ხელ-ნაწერი № 120 გვ. 66... ათორმეტთა ძმათა სახელები: 1) შიო (მღვიმელი), 2) დავით (გარესჯელი); 3) იოსებ ალავერდელი, 4) ანტონი (მარტყოფელი), 5) თეოდოსიოს, 6) თათა. 7) პიროს (ბრეთელი), 8) ელია (დიაკონი), 9) პიმენ, 10) ნათან, 11) აბიბოს (ნეკრესელი), 12) იოანე.“ ხოლო მეცამეტე თვით ზედა-ხნელი. თ. ყოზღაზიას ქრონ. შენიშ. 117.

რიმელა ქართლამდი, რომელსაც ის საზღვრავდა ბორჯომის ხეობით. ვინაიდან ლაზიკას ამ გვარი გეოგრაფიული მდებარეობა ჰქონდა, ის, რასაკვირველია, ითვლებოდა უზენაეს მფლობელად ყველა მთის თემთა, რომელნიც ლაზიკას ესაზღვრებოდნენ და გზა იმაზე ჰქონდათ. ამ თემებს შეადგენდნენ: სვანები, მასიმიანები, აფსილები და აფხაზები.

პირველი ჩვენ მიერ ცნობილი იმათი მეფე იყო გუბაზი, რომელიც ბერძნების დახმარებით ებრძოდა სვანებს 461 წ. ¹⁾ მერე მიემხრო სპარსელებს და იძულებული შეიქნა დაეთმო გვირგვინი შვილისათვის; ხოლო თითონ კოსტანტინეპოლში წავიდა (ლევონ I დროს).

522 წ. მეფე წათესმა, დამნაზის შვილმა, აღიარა ქრისტიანობა და წავიდა იქვე (კოსტანტინეპოლს), რათა სპარსეთის დამოკიდებულებისაგან თავი განითავისუფლოს და სამეფო რეგალიები იმპერატორის იუსტინე პირველისაგან მიიღოს. მან შეირთო ცოლად ვალერიანა, ბერძნის დიდებულის ქალი. შემდეგ წელში სპარსეთის მეფე კობადი, განრისხებული განდგომისა გამო ლაზებისა, რომელნიც წინეთ სპარსეთის დამოკიდებულებაში იყვნენ, ჯარით შემოვიდა ივერიით ლაზიკაში, საიდანაც ბიზანტიელების მიერ ივერიის მეფედ წოდებული გურგენი საბერძნეთში გაიქცა; ეს გურგენი უნდა ყოფილიყო სომხეთის ერთი ერისთავთაგანი, რომელმაც არ ისურვა ცეცხლის თაყვანის ცემა. წათესის მემკვიდრედ შეიქნა 528 წ. შვილი მისი გუბაზი II, რომელსაც ბერძნები შეეწიენ დაპყრობაში ყველა იმის მამის სამფლობელოისა, რომელიც წინეთ მას სპარსელებმა წაართვეს. 533 წ. ივერია და სპარსეთი დაზავდნენ, მაგრამ ივერიელნი, რომელნიც კოსტანტინეპოლში იმყოფებოდნენ, ვერ ბედავდნენ შინ დაბრუნებას. შემდეგ წელში მეორე ერისთავი ზამანარსი ცოლითურთ გაიქცა კოსტანტინეპოლში, ვინაიდან ფარსმანის მეფობაში სპარსელები ხშირის თავდაცემით მოსვენ-

¹⁾ გუბაძე. გურიაში აქამომდე ერთ ხეობას გუბაზეული ჰქვიან.

ნებას არ აძლევდენ ივერიას; მაგრამ ისინი უკანვე მალე დაბრუნდენ.

541 წ. ლაზები, აღშფოთებულნი ბერძნის სარდლის იოანე ციბუსის ცუდის ყოფა-ქცევით, აჯანყდენ ბერძნების წინააღმდეგ, — რომელნიც ციხე პეტრას აშენებდენ, — და სპარსელებს მიემხრენ. ეს უკანასკნელნი სპასპეტ ანიაბედის წინამძღოლობით შემოესიენ ლაზიკას სამხრეთ ივერიიდან, დაიპყრეს პეტრა¹⁾, რომელიც ისტორიკოსების ჩვენებით ჭკორახის მარცხენა ნაპირზე იყო, ზღვის ახლო, ერთ დღის მანძილზე აფსარუსიდან, უკანასკნელ ჭანების სიმაგრისაგან, ეხლანდელ გონის დაბასთან; 545 წ. სპარსეთის მეფე ხოსრო ანუ შირვანი უკუიქცა იქედამ და დაღვა იუსტინიანესთან ზავი 4 წლით.

ამ ვადის გასვლის შემდეგ ხოსრომ გაგზავნა ლაზიკაში ჯარი მერმეროსის წინამძღოლობით დასაპყრობად ამა მხარისა, რომელიც თითქმის აღარ ემორჩილებოდა მას. ივერიის ხეობიდან, სადაც ის დიდად დაამარცხეს, მერმეროემ ცხრა დღის განმავლობაში შევიდა პეტრაში; მეფე გუბაზი ბერძნის იმპერატორის და სარდლის დავისტეს შემწეობით გარს შემოადგა ამ ციხეს და კიდევ აიღებდა, რომ მერმეროეს საკმაო სურსათი არ დაემზადებინა. დაბრუნების დროს სპარსელები ორჯელ დამარცხდენ ლაზებისაგან, და გავიდენ ამ მხრიდან 549 წ. შემდეგ წელში სარდალი ხორიანესი შემოესია ჩრდილოეთ ლაზიკას და დაიბანაკა მუხაროზისს, აწინდელ ვაკის მინდვრებში, ქუთაისის სამხრეთად. აქ გაიმართა ომი, რომელშიაც იგი დაპარცხდა და მოკლულ იქნა.

ამასობაში ბერძნები სარდლის ბესისის წინამძღოლობით მეორედ შემოერთყენ 551 წ. პეტრას ორ იერიშით აიღეს ორ დააქციეს. იგი იმ დროს, როდესაც სპარსელი სპასპეტი ნაბელი წინანდელზე ბევრად უძლიერესის ჯარით და სპილოებით მიდიოდა აფსილიაში,

¹⁾ აქამომდე არ არის გამოკვლეული პეტრას მდებარეობა. დიუბუა ეძებდა მას ეხლანდელ ვაშნარში, თ. ნაკაშიძეების მამულში, ოზურგეთის ახლოს. გიბზონი პეტრას უნუქნებს ზღვის პირად თ. XLVI, გვ. 128.

აწინდელ სამურზაყანოში, რომელიც ლაზიკის და აფხაზეთის შუამდებარებდა. აქ მან აიღო ერთი კარგი ციხე წიბილი¹⁾, დაატყვევა ლაზიის მეფის ოპსიტის გუბაძის ბიძის ქვრივი და 60 მძევალი, რომელნიც სპარსეთში გაგზავნა. ლაზები წინა-აღუდგენ სპარსელებს და ამოხოცეს ყველა ისინი, და განათავისუფლეს იმათგან აფსილია იმ დროს, როდესაც მერმეროე მივიდა ქ. პეტრას საშველად. რაკი მან შეიტყო მის აღება, ფონით გავიდა რიონში და პირ-და-პირ არხეოპოლისში ანუ ციხეგოჯს, აწინდელ ნაქალაქევს წავიდა. აქ დაბანაკებული იყო ბერძნის ჯარი, ხოლო მეორე წყობა ჯარისა მდინარის ჩასართავში იდგა. თითონ ლაზებმა დაქციეს ქალაქები—სკანდა, შორაპანი და როდოპოლისი ანუ ვარ-ციხე, რომელნიც იმათი მხარის შესავალში მდებარეობდნენ—იმ განზრახვით, რომ სპარსელებს არ შესძლებოდათ ისინი თავის სასარგებლოდ გამოეყენებიათ. მერმეროემ აღადგინა სკანდა და წავიდა ბერძნების ბანაკისაკენ, რომელიც რიონის მარჯვენა ნაპირზე იყო. მან ისინი იქ ვერ ნახა და დაბრუნდა არხეოპოლისს, რომელიც კინალამ აიღო ვერაგობით, და შემდეგ დაიზამარა ქ. ქუთაისში, რომლის ნაწილი რიონის მარცხენა ნაპირზე სრულიად დატყვევებული იყო ლაზების მიერ. მაშინ იუსტინიანე იმპერატორმა მეორე ზავი შეკრა სპარსელებთან ხუთი წლის ვადით. ამის მიუხედავად მერმეროემ ზაქთარშივე გაამაგრა ქუთაისი, აღადგინა შორაპანი და ლაზიკის აზნაურის თეობიუსის დალატით აიღო ციხე უხიმერიონი, ქუთაისის ჩრდილოეთად. 553 წ. მან დაიპყრა აგრეთვე ტელეფის ციხე, რომელიც ყვირილაზე იდგა; მაგრამ წიბილსა და არხეოპოლისთან დამარცხდა და ემზადებოდა დასაცემოდა ბერძნების ბანაკს, ესრედ წოდებულს ლათინურად ინსულაზე, ე. ი. კუნძულზე. ეს ბანაკი იყო მდ. რიონის და დოკონის, აწინდელ ტეხურის შორის, რომლის წყალი არხით, ბერძნების მიერ გათხრილით, რიონს მესამე მხრით შეერთვიდა.

¹⁾ რიონის.

ბერძნების აქ მყოფობას მოწმობენ თვით სახელი ამ სოფლისა ისულეთი ანუ ისულია, რომელიც აქამდე ჰქვიან იმ ადგილს, სადაც ბერძნებს ბანაკი ჰქონდათ. მერმეროე, ხატროპოლის ე. ი. ქვერულის სიმაგრის აღების შემდეგ, ავად გახდა და წავიდა მეგუსტას ანუ მცხეთას, სადაც 554 წ. მოჰკვდა. როდესაც ხოსრომ შეიტყო იმის სიკვდილი, დანიშნა იმის ადგილზე ნახარაგანი. იმპერატორმა იუსტინიანემ, რა მოისმინა მეფე გუბაზის მოხსენება იმის სარდლების ცულ მოქმედებაზე, გაგზავნა ბესი აფხაზეთს, თავისი ჯარი კი ჩააბარა მარტინს, იუსტინს, ბუზეს, რუსტიკს და სხვ. ხოლო მარტინმა რუსტიკის თანხმობით მიიპატიჟა გუბაზი მდ. ხობის ანუ ხოპის პირზე ვითომცუ სათათბიროდ იმის შესახებ, თუ როგორ მივიდნენ იერიშით უნაგირას ციხეზე რომელიც არხეოპოლის მახლობლად მდებარებდა და იქ მოკლა ის. ამის შემდეგ ბერძნები მალე უნაგირას შემოერტყენ, მაგრამ ნახარაგანმა საშველი ჯარი გაგზავნა, რომელმაც აიძულა ბერძნები, ციხე დაეტევებიათ და მდ. კოთარისის¹⁾ გაღმა შეეფარათ თავი წინედ მოხსენებულ ბანაკში.

ლაზებმა ბერძნების დატევება და სპარსელების მიმხრობა განიზრახეს, ხოლო იმას უიშობდნენ, რომ სპარსელები მათ ცეცხლის მსახურების აღსარებას აიძულებდნენ, და აზნაურის ფარმოდის რჩევით გარდასწყვიტეს იუსტინიანეს მიმართონ თხოვნით, რომ მან დაუმტკიცოს ტახტი წათესს, გუბაზ II.²⁾ შეიღს, რომელმაც კიდევ მიიღო იმპერატორისაგან მეფის ღირსების ნიშნები გაზაფხულს 555 წ. გუბაზის ყველა მკვლელნი, როგორც სამართალი მოითხოვდა, დასჯილ იქმნენ³⁾. ამ წლის დასა-

1) კოთარესი ხორვა უნდა იყოს.

2) გუბაძე II.

3) გუბაძის მკვლელობა იუსტინიანის ბრძანებით მოხდა და, როდესაც ლაზები შეძრწუნდნენ ამ მკვლელობით, მან თავის გასამართლებლად გამოიძიება დანიშნა და რაოდენიმე ბერძენი დაბალი წოდებისა სიკვდილით დაასჯევინა. გიბზონი თ. XLII გვ. 129, 130 *décad. de l'emp. Rom.* შეადარე Баратова *Исторія Грузии* გვ. 60 და 61.

წყისში მისიმიანები, რომელნიც აფსილებს და სვანებს შუა ცხოვრობდენ, დაემორჩილენ სპარსელებს, ვინაიდან ბერძნების სარღლის სოტერიხის ავად მოპყრობისა გამო შევიწროებულნი იყვნენ. ნახორაგანი მილიოდა არხეოპოლისს 60,000 ჯარით და, როდესაც ძლიერ დამარცხდა, გასწია ფაზისის, ანუ ფოთის ციხისაკენ, რომელიც, — რიონის, ზღვის და პალეოსტომის ტბის შუა („ძველი ჩასართავი“ მდ. რიონისა) მდებარებს. აქ ნახორაგენი სრულიად დამარცხებულ იქმნა მარტინის მიერ და ქუთაისით და მუხაროზისით ის ივერიაში გარდავიდა, სადაც საზამთროდ დაიბანაკა. ნახორაგანს იმ შეცდომისა გამო, რომელიც მან ჩაიდაინა, და დამარცხებისათვის ცოცხალს ტყავი გააძვრეს. როდესაც სპარსეთის მეფე დარწმუნდა, რომ როდოპოლისი მას იუსტინე სარდალმა წაართვა და, სიძნელისა გამო, შორს ქვეყნებში ჯარის გაგზავნა მას არ შეეძლო და ამის გამო ლაზიკას ჰკარგავდა, 556 წ. ბერძნებს შვიდი წლით შეეკრა ზავით, რომელიც ლაზიკასაც შეეხებოდა.

ამ შერიგების ხელის მოწერამდი ბერძნებმა დაიკავეს მისიმიანების მხარის ციხეები, ტიბეთი და ცახერი, რომელნიც ძველითგანვე ლაზების ხელთ-ქვეშ იყვნენ. სპარსელებმაც აგრეთვე სვანებზე ხელი აიღეს. 562 წ. სპარსელების და ბერძნების ხელმწიფეთა შორის 50 წლის ზავი შეიკრა, მაგრამ ვერც ამან მოუღო ბოლო იმათ ცილობას სვანეთის თაობაზე. ბოლოს, როგორც იქნა, სპარსელები დაეხსნენ იმაზე ლაპარაკს და უკანასკნელი იმათი ამ მხარეში შესევა მოხდა 590 წ. ორმუზდ IV მეფობაში. ამის შემდეგ ისტორიკოსები აღარ იხსენიებენ ლაზებს¹⁾.

იუსტინიანე დიდის დროს ბერძნების გავლენა ივერიაში

¹⁾ ლაზების გეოგრაფიული და ისტორიული აღწერა მოიპოვება გიბბონის „*Décadence et chute de l'emp. Rom. IV t. XLII, Stritter-ის Memoriae populorum მე-IV ტომში. დიუბუას მოგზაურობაში Voyage ტ. II, გვ. 67—133 და ჩვენის ავტორის Additions-ში გვ. 81—107. ნარკვევები შეტანილია ალ. ჭყონიის ქრისტომ. საქართველოს ისტორიისათვის.*

ზემო მოთხრობილ ამბავის გარდა სხვანაირადაც იჩენდა თავს. ამ დროს, თუ ზეპირ გარდმოცემას ვერწმუნებით, მეფის სამი შვილი, სიღამონის გვარისა, როსტომ, ბიბილა და წილოსანი შვილებით და 70 კაცის ამალით იძულებულნი შეიქნენ იმათის უმფროსი ძმის შვილთაგან — განშორებოდენ დიდ ოსეთს ანუ ყაბარდოს და გარდმოსულიყვნენ ჩრდილოეთს ივერიაში. ისინი ჯერ ოსეთში ზახის ხეობაში გადაესახლენ და მერე იქედან დვალეთში გარდვიდენ. იქაურმა მკვიდრებმა ისინი თავიანთ უფროსებად არ იცნეს, ხოლო დაუთმეს მას ბიბილეთის მხარე, საიდანაც ისინი წოდებულ იქნენ ბიბილურებად. შემოსულნი აქ დაესახლენ, ხოლო მკვიდრთ დიდად განსაცვიფრებელად ვეებერთელა სახლები ააგეს, რომელთ მზგავსნი ჯერ არც კი ენახათ დვალეთში. ამის გამო ისინი გარდაიყვანეს იმ ადგილზე, რომელსაც ჰქვია ნაკაპუანი. ერთხელ როსტომი თავისიანებით წავიდა საშველად ცხრაზმიელებთან, რომელნიც გრუისის ციხეს ასაღებად გარს ადგენ და აიძულა ამა ციხის მცველნი დამორჩილებოდენ მას. ამის დასაჯილდოებლად ლარგვისის მამასახლისმა ხალხის თანხმობით მისცა როსტომს ადგილი საგვარეულო სამარხისათვის იქაურ მონასტრის ეკლესიაში ტრაპეზის მარჯვნივ. ამის გარდა მას აჩუქეს საცხოვრებლად ქვენა-იფნევი ყველა იმ მამულებით, რომელნიც ცხრაზმიის მფლობელს ეკუთვნოდა. ეს განკარგულება მოიწონა იმპერატორმა იუსტინიანემ, რომელმაც უბოძა როსტომს თავისი მოსახლამი, ბეჭედი, საყურეები, თავისი სარტყელი, ჯავშნიანი ცხენი, დროშა და თავისი შუბი. მას შემდეგ ბიბილურთ ოჯახი იწოდებოდა ხან ლარგველებად და ხან ქვენიფლევებლად იმ ადგილიდამ, სადაც ცხოვრობდენ. შემდეგ ხანებში ეს ოჯახი ორ ნაწილად გაიყო და ისტორიაში ისინი ქსანის და არაგვის ერისთავებად იხსენებიან. ეს ზეპირ გარდმოცემა არ შეიძლებოდა არ მოგვეყვანა, როდესაც ფარსმან VI მეფობა მოვიხსენიეთ. ეს მეფე 550 წ. ჯარით შეეწია იმპერატორს დაპყრობაში მცირედ ცნობილის ტასკუნის ერისა, რომელიც აფხაზეთსა და ოსეთს შუა ცხოვ-

რობდა. სარწმუნოა, რომ მას აქეთ აფხაზებმა მიიღეს ქრისტეს სჯული, და წყალობითა საჭურისის ეფრატისა, (ამა მხარიდან გასულის), რომელიც იმპერატორმა გაგზავნა ამ მხარეში სახარების საქადაგებლად, ამიერიდგან აფხაზეთში აკრძალული იყო ვაჭრობა საჭურისებისა. იუსტინიანემ აქ ააშენა ბიჭვინტის ღვთის მშობლის ტაძარი, აქამომდე დაცული და სივრცით ყველა ივერიის ეკლესიებზე უდიდესი ¹⁾). ფარსმანის მემკვიდრე იყო მისი შვილი ბაკურ III 557 წ.

ბაკურის მეფობაში დასხდა მეშვიდე კათალიკოზი მაკარი; იმის შემდეგ სიმონი იყო. სპარსეთის მეფეს ურმუზს არ ჰქონდა ივერიელებისადმი კეთილი განწყობილება. ბაკურის სიკვდილის შემდეგ, რომელიც 570 წ. მოხდა, იმის მემკვიდრეობა აღარ ერგოთ იმის შვილებს, რომელნიც მცირე წლოვანები კახეთში დარჩენ; ამასობაში მირდატის შთამომავლები, გურგასლანის შვილის შვილები გამაგრდნ კლარჯეთის ციხეებში, ხოლო დანარჩენი ივერია და მთელი სომხითი სპარსელების მიერ დაპყრობილნი იყვნენ, ვინაიდან მეფე ურმუზმა დაასახლა ბარდავში თავისი შვილი ქასრე პარვიზი ²⁾), რომელმაც მოფერებით და დაპირებით დაარწმუნა იქაური ერისთავები და დიდებულნი მეფისაგან დამოუკიდებლად გამოეცხადებინათ თავისი თავი. სპარსელები ებრძოდნ ბერძნებს მესოპოტომიის მხარიდან. თათრებმა ისარგებლეს ამით და შემოესიენ სპარსეთს; ბერძნებმა განდევნეს სპარსელები. ქასრე იძულებული შეიქნა მიშველებოდა თავის მამას, ხოლო ივერიელებმა მოსთხოვეს ბერძნების იმპერატორს მეფე, რომელმაც დანიშნა ვინმე გვარამი, ხალხში გურამ—პალატად წოდებული, კლარჯეთის და ჯავახეთის მთავარი, რომელსაც გურგასლანის შვილის მირდატის და

¹⁾ კონდაკოვი საეკლესიო ხუროთ-მოძღვრობის სპეციალისტი ამტკიცებს, რომ ბიჭვინტის ტაძარი თავისის სტილით ქართულ სტილს წარმოადგენს და უნდა მიეწერებოდეს მე-X—XI საუკუნოებს. Пр. Кондаковъ. Др. грузинская архитектура გვ. 11—12, 59.

²⁾ იგივე ამბარევი.

ჰყავდა ცოლად. ქართლის მატეიანეს თქმით ეს 575 წ. მოხდა, მაგრამ უფრო სარწმუნოა კი არის, რომ ეს 590 წ. ახლო ხანებში იმპერატორის მავრიკისობას მომხდარ იყოს.

აქ იჩენს თავს მეხუთე ქართლის დინასტია ბაგრატიდებისა, რომლის მომდინარეობა ზეპირ-გარდმოცემასა და დროთა წყვდიადში იკარგება. იმპერატორი კოსტანტინე პორფიროგენეტი, რომელმაც 952 წ. დასწერა ამბავი ივერიელ კურატ-პალატების ბაგრატიონის გვარისა, მოგვითხრობს, რომ იმათი ნაამბობით ეს ოჯახი წარმომდინარეობს ური დედაკაცისაგან, რომელიც მეფე დავით წინასწარმეტველმა აცდუნა და ამ დავითის და ურის შთამომავლობა გარდაესახლა, დამატებს იგი, იერუსალიმიდამ სპარსეთში, და იქედამ—იმ ადგილზე, რომელიც მათ უჭირავსთ სომხეთში, დაახლოებით 452 ანუ 552 წ. ქრ. შემ.

ქართლის მემატეიანეს დარწმუნებით, ბაგრატიონის გვარი მომდინარეობს პირდაპირ დავით მეფისაგან. ასე, რომ მე-58 იმის მოდგმაში ვინმე სოლომონს ჰყავდაო შვილის შვილები: ბაგრატი, აბგვარი, მოაბატი¹⁾, გურამი, სააკი, ასამი და ვარაზ-ვარდა, რომელნიც, არ ვიცით, რა რიგად მოხვდნენ ზემო სომხეთში და მოინათლენ ვიღაც დედოფლის რაქაელის მიერ, რომელმაც ერთს მათგანს მიათხოვა თავისი ქალი და ორს ცოლად შერთო სომხეთის სამეფო სახლის შთამომავალნი. ოთხი კი უკანასკნელნი წავიდნენ ივერიაში: სააკ ასამით და ვარაზ-ვარდით წავიდა კახეთში და შეირთო ნერსესის შვილის, ბაკურის ქალი; ასამმა და ვარაზ-ვარდმა ააჯანყეს კამბეჩოვანის მხარე სპარსელების წინააღმდეგ, მოკლეს მმართველი ვეზანი და დაესახლენ ხორნაბუჯში. მაშინ გურგასლანის დინასტიის უფლება მოისპო, მცხეთა დაეცა, ყალა ე. ი. ტფილისი აჰყავდა. ამის შემხედველმა იმპერატორმა შეიწყნარა ივერიელების თხოვნა, როგორც წინეთ ვსთქვით. ამ ხანიდამ ქართველ ბაგ-

¹⁾ იგივე მოაბა.

რატიონების გენეალოგია მატთანეში შეუწყვეტილ მომდინარეობს ჩვენს დრომდე, თუმცა 160 წლის განმავლობაში 619—779 წ. ოთხი პირი, რომელნიც მართალია იხსენებიან მეფეების სიაში, მემკვიდრეობის ჯაჭვის შესავსებლად, მაგრამ ისტორიაში მცირედ ცნობილნი არიან.

მესამე გარდმოცემას ქართველ ბაგრატიდებზე ვპოულობთ სომხის მეისტორიეთა შორის. პირველი და უძველესი მათგანი, მოსე ხორენელი, მოგვითხრობს, რომ ისრაელების დატყვევების დროს მიღიაში 700 წ. ქრ. შ. წ. სომხების მეფემ ხრად-შემ დანიშნა მოხელელ მეფის ნათესავი, როგორც ამბობენ, ურია შამბატ, რომლის შთამომავალი ბაგრატი დიდს პატივისცემაში ჰყავდა სომხეთის არშაკიდის პირველ მეფეს, ვაჰარ-შას და რომელმაც მიიღო მისგან საშვილიშვილო უფლება „თაგადირისა“, (გვირგვინის დამდგმელისა მეფის თავზე ტახტზე ასვლის დროს). ბაგრატის შთამოება განმრავლდა დასავლეთს სომხეთში, სადაც ისინი ბინადრობენ, სახელდობრ სპერის და ტაიკის მხარეში, ქართულად ტაოში, ტაოსკარში, აწინდელს ტავსკვერის სანჯაყში. ქართულ ისტორიაში ცნობილი სუმბატ ბივრიტიანი, სომხების სარდალი აზორკის და არმაზელის მეფობაში, II საუკ. ქრ. შობის შემდეგ იყო ბაგრატიონის გვარის შთამომავალი.

მე-VII საუკუნის დასასრულს და მე-VIII საუკუნეში სომხის ბაგრატიდები დაეხმარენ არაბებს მათი სამშობლოს განთავისუფლებაში სპარსეთის უღლიდამ და ამისთვის ხალიფებისაგან დიდის პატივის ცემით დაჯილდოებულნი იყვნენ. 743 წ. ვინმე აშოტს, რომელიც სომხეთის მმართველად იყო დადგენილი ომაიადის ხალიფის მურვანისაგან, ჰყავდა ორი შვილი; მან უფროსსა დაუტევა სომხეთი სამეკიდროდ, ხოლო უმცროსს ვასაკს — ივერია. ამ ვასაკს ჰყავდა შვილი აშოტ კუროპალატი, ივერიის მეფე 786 წ.

ამ გვარად კითხვის დადგენის გამო, მე არ შემძლიან არ აღვიარო, რომ კოსტანტინე პორფიროგენის აზრი არ არის

ისრე დასაბუთებული, რომ დავერწმუნოთ მას, ვითარცა კრიტიკულ საფუძველზე დამყარებულს. ქართული გარდმოცემა ბევრად უფრო სარწმუნოა, თუმცა ხან-და-ხან ზოგიერთ ბაგრატიონებზე ის არას მოგვითხრობს. სომხური გარდმოცემა, თუმცა უფრო მიემზგავსება სიმართლეს ვიდრე ზემოხსენებულნი, მაგრამ ვერ აკმაყოფილებს კრიტიკის ყველა მოთხოვნილებას, სახელდობრ იმიტომ, რომ ძლიერ ნაკლებად ვიცით მოქმედება ვასაკისა და იმის მამის აშოტისა, ივერიის კუროპალატისა.

შემდეგ მიცვლილის სიმონ კათალიკოზისა გურამმა დააყენა სამუელი. ბერძნების და სპარსების შებრძოლებაში იგი მოკავშირე იყო პირველებისა, და იმპერატორის შეგონებით და ხარჯით საშველად მოიწვია მთიულები: ოსები, ძურძუკები და დიდოელები, რომელთაც იწყეს ადერბაგანის რბევა და ძარცვა. მაგრამ, როდესაც მან შეატყო, რომ სპარსები ბახრამ ¹⁾ ჩუბინის წინამძღოლობით წარმატებით ებრძოდნენ თურქებს, ისინი მალე გამობრუნდნენ ივერიაში და განივლტენ თავის ქვეყანაში. — ამასობაში მეფის ბაკურის შვილები უჯარმაში ცხოვრობდნენ და სრულს მორჩილებაში იყვნენ გურამისა, რომელიც თავის ქალაქების გამაგრებას შეუდგა. ამ დროს მეფე ურმუზდი III ტახტიდამ გადმოაგდო ბარამ-ჩუბინმა, რომელიც დასხდა სპარსეთის მეფედ მოკლე ხნით, ვინაიდან იმპერატორმა მავრიკიმ, ხოსრო ფარვიზის სიმამრმა დაიცვა თავისი სიძის უფლება იმპერატორის შუადგომლობით და იმის მფარველობით ივერიაში მშვიდობიანობა დამყარდა. მაშინ გურამი ცდილობდა საყდრების აშენებას. მან იწყო აგება ჯვარი-პატროსნის ეკლესიისა, განაახლა ტფილისში სიონის საკათედრო ტაძარი, რომელიც იმის შემდეგ დაამთავრა ვილაც ღვთის მოსავ ქვრივმა თავისის და სხვა და სხვა პირების შეწირულობით. რაიცა შეეხება საქართველოს ერისთავებს, გურამს არ ჩამო-

¹⁾ იგივე ბარამ.

ურთმეგვია მათთვის მემკვიდრეობა, ნაბოძები როგორც სპარსელების, აგრეთვე ბერძნების ხელმწიფეებისაგან. როდესაც კათალიკოზი სამუელი მიიცვალა, გურამმა დააყენა იმის ადგილზე მეორე სამუელი. გურამს ორი შვილი ჰყავდა: სტეფანოსი და დემეტრე, რომელთაგანს უფროსს, სტეფანეს, მან დაუტევა მემკვიდრეობა 600 წ.

გურამის მეფობაში ასტყდა ივერიელებსა და სომხებს შუა ცილობა სარწმუნოებისა გამო. ამ ამბავზე უნდა ვსთქვათ, რომ 451 წ. 1) იმპერატორის მარკიანეს მეფობაში მოხდა მეოთხე მსოფლიო კრება ხალკიდონში. ამ კრების განაჩენი არ მიიღეს სირიელებმა და სომხებმა, რომელნიც განდგნენ და აქამომდე მას არ ემორჩილებიან. 2) თანამედროე და შემდეგი დროის სომხების ისტორიკოსების თქმულებიდან სჩანს, რომმე-VI საუკ. დასასრულამდე ივერიაში იმყოფებოდა სომხის სასულიერო პირი, რომელსაც ზედა-მხედველობა ჰქონდა ამ სამეფოში მცხოვრებთ იმათ თანამემამულეებზე. ამ სასულიერო პირს სხვა-დასხვა ღირსებით მოიხსენებდნენ — ჰაირაპეტად, ე. ი. პატრიარქად, კათალიკოზად, მიტროპოლიტად, არხიეპისკოპოზად, ეპისკოპოზად, არადშნორად, ე. ი. წინამძღვარად. კურიონი, უკანასკნელი ივერიის არადშნორდი, რომელსაც იხსენიებს ძველი ისტორია, ყოველთვის ისახელება კათალიკოზად ისტორიკოსის უხტანეს-ურხაეცის მიერ, რომელიც X საუკუნის დასასრულს ცხოვრობდა, და თითქმის თანამედროე იყო მოსე კალანკატოვაცის. არადშნორდის უფლებას ექვემდებარებოდნენ მთელს ივერიაში, გუგარკის მაზრაში და ეგერიაში, აწინდელ სამეგრელოში. მას თუმცა კანონიერი ბინადრობა მცხეთაში ჰქონდა დანიშნული, მაგრამ მუდამ იქ არ ცხოვრობდა. 576 წ. ერთის ამ არადშნორდთაგანის სიკვდილისა შემდეგ სომხის კათალიზმა მოსემ ივერიის დიდებულთ თხოვნით დანიშნა არადშნორ-

დად¹⁾ კურიონი²⁾), ტომით ივერიელი, ჯავახეთში სოფელ სკურტაში დაბადებული, და მას თან გააყოლა ეპისკოპოზი პეტროსი, ივერიელივე. კურიონი მცხეთაში მისვლის უმაღლეს მიღებული იყო იქ შეკრებულთა სამღვდლოებისა და დიდებულთა მიერ. კურიონმა ეპისკოპოზებად დაადგინა ისეთნი პირნი, რომელნიც ცნობილნი იყვნენ ვითარცა ხალკიდონის კრების განჩინების მომხრენი, რითაც გამოიწვია მან ამით მოკლე ხანში მოსე კათალიკოზის სიძულვილი, რომელიც შემდეგის გარემოებისა გამო უფრო გაძლიერდა. ივერიის და სომხეთის საზღვარზე იყო ერთი დიდი ქალაქი (კურტავი³⁾) რომელშიაც ოდესმე გუგარკის მმართველები სცხოვრობდნენ. დედოფალ შუშანიკის დროს, რომელიც მოვიხსენიეთ გურგასლანის მეფობაში, აქ დააწესეს საეპისკოპოზო კათედრა და დედოფლის მეცადინეობით შედგენილ იყო ლიტურგია სომხურ ენაზე. პირველი კურტავის ეპისკოპოზი იყო აფოტი, ანუ ფოტი, დედოფლის მოძღვარი. შემდეგში კურტავში შენახულმა წმიდა მოწამის ნაწილებმა მიიზიდეს მრავალი რიცხვი თაყვანის მცემელთა, რომელთა უმრავლესი ნაწილი ივერიელი იყვნენ, და ამისათვის კურიონმა უბრძანა გადაეთარგმნათ ქართულ ენაზე ზემოხსენებული ლიტურგია. პირველ წელიწადში კურთხევის შემდეგ კურიონმა დანიშნა კურტავის ეპისკოპოზად ვინმე მოსე, სომხების ვარ-

¹⁾ ავტორის ეს აზრი სრულიად მისაღები არ არის. ეტყობა, ავტორს უხელმძღვანელებია სომხური ისტორიის თქმულებით. საფუძვლიანად ამბობს ბაქრაძე: „რა დასაჯერებელია ესა, როდესაც თვით სომხეთის კათალიკოსები გრიგოლ განმანათლებელის დროდამ ვიდრე სომხეთის დაყოფამდე სპარსთა და ბიზანტიელთა შორის იკურთხებოდნენ კესარიაში“. გვ. 160 ისტ. საქ.

²⁾ დავით რეკტორის სიით სვიმონ 581—587 წ.

³⁾ კურტავი, იგივე კორტავი ანუ სანადირო ქალაქი—გუგარკის დედა-ქალაქად ირიცხებოდა.

თ. ჟორდანია ამტკიცებს ვითომც კურტავი, აწინდელი გადშენკი, ვახუშტის გაჩიანი (ახტალის ახლო, რუსების სოფელი КАМЕНКА) მდებარეობდა გუგარკში ჰერეთისა და ქართლის საზღვარზე და ექვემდებარებოდა საქართველოს მეფეს და კათალიკოსს. ქრ. გვ. 320.

დაპეტთაგანი, რომელსაც არ მოსწონდა არც კურიონის ხალკიდონის კრებისადმი მიდრეკილება და არც შეცვლა ლიტურგიისა, რომელიც მან შემოიღო 580 წ. დაახლოვებით. მოსემ მოახსენა ამაზე სომხის კათალიკოზს, რომელიც თავის მხრით ეცადა, რომ კურიონს შეენანებინა, მაგრამ უკანასკნელმა დიდ-ხანს პასუხი არ მისცა იმის ეპისტოლეზე და თავის აზრზე იდგა.

591 წ. მოხდა სომხეთის გაყოფა იმპერატორ მავრიკის და სპარსეთის მეფის ხოსრო ფარვიზის შორის, რომლის უზენაესის უფლების ქვეშ იყო სუმბატი მარზაპანად სომხეთისა. კათალიკოზი მოსეს სიკვდილის შემდეგ 593 წ. კურიონმა ცხადად გამოაშკარა თავისი გრძნობა, დაიბარა ცურტავის ეპისკოპოზი, რომელიც მოვიდა ქ. ტფილისში და იქ გამოეცხადა თავის მღვდელ-მთავარს. პირველ იმის ნახვის შემდეგ ის იძულებული გახდა გარდამალულიყო იქედამ ოანა—ვანქში, არაგაძის მთის, ახლანდელ ალაგეზის ძირში.

კურიონს ბევრი ემუდარა აკრეთვე სომხის ვიკარი ვრტანესი, მაგრამ ის არ დამორჩილდა იმიტომ, რომ ვერ დარწმუნდა იმ დამტკიცებით, რომელიც ამ ვიკარს მოეყვანა თავის წერილებში ხალკიდონის კრების წინააღმდეგ. აკრეთვე ეპისკოპოზი მოსეც მტკიცედ იყო თავის აზრზე კურიონთან სარწმუნოებაზე ცილობის დროს და ვერავითარი თხოვნით ივერიელ დიდებულებმა ვერ დაითანხმეს, რომ დაბრუნებულიყო თავის სამწყსოში, ცურტავში. ჩვენდა გასაკვირვებლად ზემო აღნიშნულ დიდებულთ რიცხვში არ იხსენიება მაშინდელი ივერიის მმართველი გურამ-კურაპალატი. ხოსრო დასთანხმდა აბრაამის არჩევანზე სომხეთის კათალიკოზად. არც ივერიის კათალიკოზს კურიონს და არც—აღოვანისას არ მიუღიათ მონაწილეობა ამ არჩევანში იმიტომ, რომ მათ აბრაამთან სარწმუნოებაზე ცილობა ჰქონდათ. აბრაამი ყოველი ღონისძიებით ცდილობდა მიემხრო კურიონი თავისკენ და დაეჯერებინა ის, რომ ცურტავში აღედგინა სომხური ლიტურგია. კურიონმა უპასუხა, რომ

იმის კი არ გამოუცვლია ეს წირვის წესი,—თვით ცურტავის ეპისკოპოზმა შეადგინა ისაო; რაიცა შეეხება სჯულს, ცურტავის ეპისკოპოზებმა, რომელნიც მოსემლი იყვენ, სრულიად დაოცვესო სარწმუნოებრივი ერთობა ივერიელებთან და თვით მოსე იყოო ამ განხეთქილების მიზეზი. აბრაამმა უპასუხა, რომ 491 წ. კრებაზე სომხის კათალიკოზის ბაბგეტის სობას, ქალაქ ვაჰარშაპეტში ივერიის კათალიკოზი გაბრიელი, მცხეთის ეპისკოპოზი და 20 ივერიის და აღოვანის ეპისკოპოზები შეთანხმდენ იმაზე, რომ არ მიეღოთ ხალკიდონის კრების განჩინებაო. მაგრამ კურიონი სრულიად განდრეკელი შეიქნა. აქ არ შეიძლება არ შევნიშნოთ, რომ ივერიის კათალიკოზი გაბრიელი არ მოიხსენიება ვახტანგ გურგასლანის დროის სიებში;¹⁾ ხოლო აბრაამის ნაჩვენები 12 ივერიის ეპისკოპოზები შემდეგნი არიან: ჰადდენი ივერიის სამეფოს კარის, ევინასი — ასურიაგში, სამუელი — თმოგვში, ჰაკობი — ცურტავში, სტეფანოსი — რუსთავში, საჰაკი — ტფილისში, ევადესი — მანგლისში, ენესი — რუისში, ევგინოსი — სამთავისში. ოსეთი — აღონში, ოვანე — აღუნში, ოვანესი — კუმურდოში. ესენი თუმცა კი იყვენ ივერიაში, არ არიან ნახსენებნი არც ერთ ქართველ მემატეანესაგან.

სუმბატ მარზაპანმა ამაოდ გამართა მიწერ-მოწერა ერთსა და იმავე დროს კურიონთან, ივერიის ეპისკოპოზებთან და დიდებულებთან — აღარნესესთან და აშუშანთან, რომ მოერიგებინა ისინი აბრაამ კათალიკოზთან: ყველა იმათგანმა ერთ ხვით უარი უთხრეს სომხებთან შეერთებაზე. ამის მიმხედავმა აბრაამმა მოიწოდა ქალ. დვინში 596 წ. კრება და დასწყევლა ივერიელები. მან აღუკრძალა თავის ერთ-მორწმუნეებს ქართველებთან რაიმე დამოკიდებულება ვაჰრობისა, კოლ-ქმრობისა და მეგობრო-

1) პ. იოსელიანი გაბრიელს იხსენიებს მცხეთის კათალიკოზად, რომელიც შეედავა სარწმუნოებაზე სომხებს შესახებ მე-IV მსოფლიო კრებისა და რომელმაც 496 წ. ვაჰარშაპეტის კრებაზე დასასწრებლად გაგზავნა ისააკი ანუ ისაკი (უხტანესი მას სააკად უწოდებს) და ერთად მასთან მრავალნი ქართველთ მღვდელ-მთავარნი. *Оп. др. г. Тифлиса.*

ბისა იქონიონ; ყველას აღუკრძალო როგორც მცხეთას მისვლა ჯვარი-პატოისნის თაყვანის საცემად, აგრეთვე ჰურის ქამა იმ ზალხთან, რომელიც ვითომ სჯულს გადუღგა. სიმკაცრე მიზნით უფრო გაძლიერდა, რომ რაოდენიმე წლის წინ სომხებმა იცნეს ალოვანის ქათალიკოზი მხოლოდ არხიებისკოპოზის ღირსებით და ივერიისა — მიტროპოლიტად იმ საფუძვლით, რომ ძველითგანვე ალოვანი მოაქცია არა მოციქულმა, არამედ ელისემ, წმ. თადეოზის მოწაფემ, რომელიც სომხეთში სარწმუნოებას ქადაგებდა, ხოლო ივერიელნი მოიქცენ ბევრად უფრო გვიან წინა განმანათლებელისაგან. ამ გარდაწყვეტილებით შეურაცხყოფილს კუჩიონს არას გზით არ სურდა სომხებთან შეერთება.¹⁾

ამ განხეთქილობის გამო იმპერატორმა შავრიკიმ უბრძანა მოწოდება კოსტანტინეპოლში მრავალთ ეპისკოპოსთა, როგორც ბერძენთა, აგრეთვე სომეხთა. ქათალიკოზის აბრაამის მიერ 19 გაგზავნილ ეპისკოპოსმა მიიღეს კრების გარდაწყვეტილება, მაგრამ ვარდაპეტ ვრტანესმა და ეპისკოპოსმა გრიგორიმ არ დაემორჩილენ მათ. ამის შემდეგ ჩამოვარდა ივერიელთ და სომხების შუა სარწმუნოების შესახებ განხეთქილება; ერთად ერთი მაზრა ივერიისა ჰერეთი, ალოვანის მოსაზღვრედ მდებარე, მე-X საუკ. სომხებთან განაგრძობდა ერთობას.²⁾ სტეფანოზ I,

1) მოსე ტურტავის ეპისკოპოზის დროს საქართველოს კათალიკოზად კუჩიონი იყო. ეს უნდა იყოს ქართულბ ისტორიით, სვიმეონი რომელსაც ებასებოდნენ მართლ-მადიდებლობაზე და ხალკიდონის კრების ღირსებაზე სომხის ეპისკოპოსები, და რომელსაც რომის პაპმა წმ. გრიგორიმ გამოუგზავნა ეპისტოლე 603 წ. შემდეგის წარწერით: ქათალიკოზს კვირჩეს და სხვა ეპისკოპოსებს იბერიაში *Quirico et caeteris episcopis in Hiberia* და რომელშიაც ის არწმუნებდა მას, რომ მას ხელ-მეორედ არ მოენათლა ნესტორიანები, რომელნიც მმართლ-მადიდებლობაში გადადიან.“ *Пл. Юссе-лиани Др. гор. Тифлиса. გვ. 170.*

2) ქართლის და სომხეთის განყოფილება უფრო პოლიტიკური მდგომარეობის მიზეზით — სპარსების და ბერძენების ქიშპობისაგან — გამოწვეული იყო, ვინემ სარწმუნოების განხეთქილობით. არსენ კანალიკოზი თავის „განყო-

შვილი გურამისა იწოდებოდა მთავრად ¹⁾ და არა მეფედ, იმიტომ რომ სპარსელების სრულის უფლების ქვეშ იყო. იმისობას ქათალიკოზად სამუელის შემდეგ ბართლომე იყო. თვითონ სტეფანოზი არ იყო ღვთის მოსავი, მაგრამ მისმა ძმამ დიმიტრიმ დაიწყო შენება ჯვარი-პატიოსანის ეკლესიისა, რომელიც ახლაც დაცულია მცხეთის პირდაპირ მთაზე.

602 წ. ბერძნებმა მოჰკლეს იმპერატორი მაგრიკი და მისი

ფისათვის ქართლისა და სომხეთისა“ სწერს, რომ „აიძულნა მეფემან პეროზ სომეხნი მსახურებად სჯულისა ნესტორ უღთოჲსასა“. ქორდ. ქრ. გვ. 315. ბ. ქორდანიას დასძენს, რომ ქალკიდონის კრების უკმაყოფილო პირთა აღუძრავთ სპარსთ მეფე და შეუგონებიათ, დიდად სასარგებლოა სომეხთ ამოწვეტა მსოფლიო ეკლესიისაგან.—სპარსელებთან დაახლოვებას მოჰყვა გაძლიერება სპარსთა მარზაპანებთა, დამცირება სომეხთ მეფისა და დიდებულთა. არსენის თქმით ყოველივე ეს იყო ნაყოფი სომეხთ სამღვდლოების ანგარებისა და თვით 551 წლის განდგომა სომეხთა მსოფლიო ეკლესიისაგან იყო ამ ანგარების შედეგი.—ნესტორი დამაფუძნებელი იყო მონოფიზიტების (ერთ-ბუნებიანები) მწვალებლობისა, რომელნიც ამტკიცებდნენ, რომ ძე ღვთისა ჯვარს ეცვა და მოკვდა არა ქეშმარიტად; არამედ საოცრად ე. ი. მოჩვენებით, მოლანდებით. ხოლო შემდეგში იოანე მაირგომელმა მონიფიზიტების მწვალებლობა შერთო სომხურ ეკლესიის წიგნებს. მეექვსე მსოფლიო კრების (680 წ.) ძეგლის წერაში სომეხები ასრე მოხსენებულნი არიან: თ. 1. გვესმა თუ ქვეყანასა სომხითისასა შაბათ-კვირაიკასა წმიდათა მარზვათასა ჰამენ ყველსა და კვერცხსა და სხვასა ყოველსა წუელს. ეგრე უკვე უჯერო არს და სრულიად უწესო. თ. 32. გვეუწყა.... ვითარმედ ქვეყანასა მას სომხითისასა ღვინოსა გაუზავებელსა შესწირავენ ურიცხვსა მას შესაწირავსა ჟამის წირვისას. თ. 33. ესეცა გვესმა, ვითარმედ ქვეყანასა მას სომხითისასა და სხვათა რომელიმე გალობასა მას „წმინდაო ღმერთოჲსასა“ ამას დაურთავენ: „წმინდაო უკვდაო, რომელ ჯვარს ეცვა ჩვენთვის, შეგვიწყალენ ჩვენ, რომელი ესე ენასა მათსა „ხაჩეცარ“ ითქუმის, რომელი ესე წმინდათა მათ მამათა მიერ ქალკიდონს შეკრებულთა მომპოვნებელისა მის და გამომეტყპლისათანა განდევნა სამღვთოჲსა მის გალობისაგან...

მე-VIII საუკ. სომეხებმა შემოიღეს უფუვარ პურით ზიარება და სხვა ცვლილება, რომლითაც სრულიად შესწყდა კავშირი მსოფლიო და სომხითის ეკლესიათა შორის.

¹⁾ ანუ ერისთავთ მთავრად.

გვირგვინი ერგო ფოკას. სპარსეთის მეფემ ხოსრომ გამოილაშქრა საბერძნეთზე შურის საძიებლად იმპერატორის მოკვლისათვის, რომელიც იმის სიმამრი იყო, და ააოხრა საბერძნეთი აზიის ნაწილი. სტეფანოზი ამ დროს ტფილისში იმყოფებოდა, მიემხრო ხოსროს და მით განარისხა იმპერატორი ირაკლი, რომელმაც 610 წ. მოჰკლა ფოკა — და ავიდა ბიზანტიის ტახტზე.

622 წ. ირაკლი წავიდა სპარსეთში ლაზიკით, ივერიით და სომხითით. 614 წ. ყველა ლაზებმა, აფხაზებმა და ივერიელებმა, რომელნიც იმის ჯარში იყვნენ, მოატყუეს იგი და დაბრუნდნენ შინ. 626 წ. ის შეხვდა ტფილისის აღებაზე ჯიბგოს ანუ ჯიბო—ხანს, ხაზარების ხაყანს, რომელსაც ენათესავებოდა, და იმის დახმარებით ივერიის დედა-ქალაქს ასაღებად მიადგა. მეციხოვნები, შემოიმატეს რა სპარსეთიდან გამოგზავნილი დარჩეული ჯარი შარაპინის სარდლის წინამძღოლობით, ვაჟაკურად იცვიდნენ თავს და უკუ აქციეს ყველა მტრის თავ-დასხმა. როდესაც იმპერატორმა შეამჩნია ასეთი მედგარი ბრძოლა, დაითხოვა თავისი მოკავშირენი იმ განზრახვით, რომ მომავალს წელს დაბრუნებულიყო, რაც კიდევ შესასრულა. იმპერატორი და ჯიბუხი თავის შვილით შატით ხელახლავ შემოადგენ ტფილისს. მკვიდრნი, გაამაყებულნი თავის კედლების სიმაგრით, აგინებდნენ ხაზარების წინამძღოლს, ხატავდნენ მას ვითარცა ვეებერთელა გოგრას ოდნავ შესამჩნევ პირით და თვალებით და იმის სურათს ისრებს ესროდნენ. ირაკლის უფრო უარესად შეურაცხყოფდნენ და სასირცხვილო სახელებს უწოდებდნენ. ორი თვის ბრძოლის შემდეგ სტეფანოზი მოჰკლეს ციხიდან მტერზედ თავ-დასასხმელად გამოსვლის დროს. ამ მოთხრობით ეჭვი აღიძრვის სტეფანოზის სიკვდილის დროის შესახებ. ქართლის მატთანე მისი სიკვდილის დროს იხსენიებს 619 წ., მაშინ როდესაც ის მოხდა ტფილისის აღებამდე ირაკლის მიერ მეხუთე წელში იმის გალაშქრებისა სპარსეთის სამფლობელოში, მაშასადამე 626 ანუ 627 წ.—გურამის შვილის სტეფანოზის დროს ეკუთვნის წამება წმ. ესტატე მცხეთელისა, რომელიც არანის გან-

დახში დაბადებული იყო. ის ცეცხლის მსახურებისაგან მოაქცია მიხეილ მღვდელმა, რომელმაც განძახში ყოფნის დროს მონათლა და დაარქვა მას ესტატე. შემდეგ ესტატე მოვიდა მცხეთაში და ქრისტიანის ქალი შეირთო. როცა შეიტყო ეს მცხეთის სპარსელმა მმართველმა, უსტამმა, ბრძანა იმის დაჭერა და შეპყრობა ციხეში რაოდენიმე სხვა პირებითურთ. ექვსი წლის დამწყვდევის შემდეგ მარზაპანმა, რომელიც მაშინ საომრად გაემართა, შეიწყნარა თხოვნა ქათალიკოზის სამუელისა და იკერიის დიდებულთა გრიგოლისა, ქართლის მამასახლისისა, არაბუბი ბდვაშკისა და სხ. და გამოუშვა საპყრობილედან ქრისტიანები. მეორე მარზაპანმა ვეჟან-ბუზმინმა ხელ-ახლავ შეიპყრა ესტატე და ბრძანა იმის თავის მოკვეთა, ვითარცა მოგვთ სარწმუნოებაზე გადამდგარისა.

ქართველთ ეკლესია დღესასწაულობს წმ. ესტატეს წამებას 29 ივლისს.

ადარნასე, ბაკურ III-ს შვილი შეიქნა მთავრად სტეფანოზის შემდეგ; მან განაგრძო ტფილისის ციხის გარს შემორტყმა, აიღო და გაანადგურა იგი. მეციხოვანთ უფროსს პირი ოქროთი ამოუფესეს და ისე დააღრჩვეს და შემდეგ მას ტყავი გააძვრეს¹⁾. ამ დროს იმპერატორი ირაკლი იყო გარდაბანის მხარეში, რომელიც მღებარეობს ხრამისა სამხრეთით აწინდელ ელი-სავეტოპოლამდი²⁾. იქ იმას მტრულად დახვდა მთავარი ვარაზ-გრიგოლი, სასანიდის მეფეების ნათესავი; ირაკლიმ დაამარცხა და მონათლა ის, როგორც ამბობს მემატიანე, რომელიც მას ვარაზ-გაგელს უწოდებს; სომხეთის ისტორიიდან კი სჩანს, რომ ის წინეთ იყო მონათლული აღოვანის კათალიკოზის ვიჩრანის მიერ. არ არის გამოკვლეული, ვარაზ-გაგელი იყო თუ არა მიმდევარი ხალკიდონის მსოფლიო კრების განჩინებისა.

მაშინ ბერძნებმა დაიპყრეს მთელი დასავლეთი ივერია სპე-

1) ვითარცა მოღალატეს და ციხის გამტებს.

2) განჯამდი.

რით, კლარჯეთით, (სადაც გამაგრდენ სტეფანოზ მთავრის შვილები) და ზღვის პირის ადგილებით. აღარნასე მთავრობდა შუა ივერიაში და ერისთავებს მიანიჭა მემკვიდრეობითი მართვა თავიანთ საერისთავოებში. ბართლომეს სიკვდილის შემდეგ კათალიკოზად იყო იოანე, რომელიც ერთის ბერის თანახლებითა ხელ-დასმის გამოსათხოვრებლად წავიდა ანტიოქიაში პატრიარქთან, ვითარცა ივერიის უზენაესის სამღვდელოების წინამძღვართან. კურთხევის შემდეგ იოანემ გამოითხოვა აგრეთვე, რომ მომავალს დროში ივერიის კათალიკოზები განთავისუფლებულნი ყოფილიყვნენ ანტიოქიაში მისვლისაგან, სიშორისა და იმ დამაბრკოლებელ მიზეზთა გამო, რომელნიც ხშირად წარმოსდგებოდენ ომისაგან იმ ქვეყნებში, სადაც მათ გზად უნდა გაევიდნენ. პატრიარქმა ¹⁾ მოიწვია სინოდი და, განაცხადა რა შესახებ ამისა თავისი თანხმობა, დაადგინა, რომ ადგილობრივი ეპისკოპოსები და სამღვდელოება შეიკრიბებოდნენ მათგან ამოარჩეულ კათალიკოზის ხელდასახმელად და ამიერიდამ ისინი ვალდებულნი აღარ ყოფილიყვნენ ანტიოქიაში მისვლას. იოანეს სიკვდილის შემდეგ კათალიკოზად იყო ბაბილა.

628 წ. იმპერატორმა ირაკლიმ დაიპყრა ქალ. კტეზიფონი და წაართვა ხოსროს ძელი ქეშმარიტი, რომელიც მან იერუსალიმიდამ მოიტაცა 14 წ. წინეთ; მან დაუბრუნა სპარსეთის მეფეს იმისი დედა-ქალაქი და თითონ დაბრუნდა ივერიაში, სადაც ნახა დამთავრებული ადანარსეს მიერ აშენებული ჯვარი-პატიოსნის ეკლესია. მან ბრძანება გასცა, რომ ყველა ცეცხლის მსახურნი მონათლულიყვენ, და ვინც არ აასრულებდა იმის ბრძანებას, უნდა მახვილით დაეხოცათ. ამის შემდეგ იმპერატორი საბერძნეთში წავიდა — მეშვიდე წელში სპარსეთის ომის დაწყებიდან. სამწუხაროდ მან წაართვა ივერიას ორი ძვირფასი ნაშთი მანგლისის და გრუშეთის ტაძრებში დაცული, — ფიცრები, რომლებზედაც მაცხოვარს ფეხები ჰქონდა მიჭედი-

¹⁾ თეოფილაქტემ.

ლნი ჯვარ-ცმის დროს და მისი სამსჯვალეები. ეს ნაშთები კოსტანტინე დიდისაგან ნაჩუქარი ჰქონდა მეფე მირიანს. მეორე მხრით ზეპირ-გარდმოცემა მიაწერს ირაკლის აწყვერის ეკლესიის აშენებას, სადაც დასვენებული იყო სასწაულთ-მოქმედი ღვთის მშობლის ხატი, მის მიერვე ნაბოძები წმ. მოციქულის ანდრიასადმი.

ადარნასეს სიკვდილის შემდეგ, რომელიც 639 წ. მოხდა, მისი შვილი სტეფანოზი II შეიქნა ივერიის მთავრად. ის ძლიერ ღვთის მოსაფი კაცი იყო. მან შემოავლო გალაგანი ჯვარი-პატრიოსნის ეკლესიას, ააშენა შიგ პალატნი და უბრძანა სამღვდლოებას და დიდებულებს პარასკეობით შეკრებილიყვენ და ეწირათ ჯვარი-პატრიოსნის სადიდებლად. ამ ეკლესიის აღმოსავლეთის კედელზე ახლაც სჩანან გამოქანდაკებული სურათები: იმის მამის, მთავრის ადარნასესი უძველესი წარწერითა ქართულ ენაზე, რომელშიაც ის იწოდება იპატოსად, თითონ სტეფანოზისა — ქართლის პატრიკის წოდებით; დიმიტრის, სტეფანოზის ძმის, პირველ დამფუძნებელის ამა წმიდის ადგილისა, როგორც ზევით მოვიხსენიეთ¹⁾. ამ საფუძვლით ჩვენ გაბედვით შეგვიძლია მივაწეროთ მეშვიდე საუკუნეს დამთავრება ამა ეკლესიისა, რომელსაც უუძველესის ქანდაკობის ბეჭედი ატყვია.

ამასობაში იმპერატორმა ირაკლიმ შეიტყო ისმაიტელების²⁾ გამარჯვება, გაეშურა თვის სამფლობელოში. აქ უნდა მოვიხსენიოთ, რომ ოცი წლის წინედ სტეფანოზის მთავრად დანიშვნისა გამოცხადდა ცრუ-წინასწარმეტყველი მაჰმადი, რომელმაც განიზრახა სპარსეთის დაპყრობა. იმის მესამე მემკვიდრის დროს 638 წ. ხაბიბი გაგზავნილ იყო სირიაში მმართვე-

1) აქ მოგვყავს თვით წარწერები, რომელნიც შეადგენენ უუძველეს ნაშთს ქართლის მწერლობისას: 1) წმ. გაბრიელ მთ. ანგელოზო ადარნასე იპატოსსა მეოხ ეყავ; 2) ჯვარო მაცხოვრისაო სტეფანოს ქართლისა პატრიკიოსი შეიწყალე; 3) წმ. მიქელ მთ. ანგელოზო დემეტრეს იპატოსსა მეოხ ეყავ.

2) არაბების ანუ სარკინოზების.

ლად და სომხეთის დასაპყრობლად. მან დაამარცხა ბერძნების სარდალი ამ მხარეში და წავიდა ჩრდილოეთისკენ. ივერიის პატრიკი, ალბად ეს ჩვენი სტეფანოზი იყო, დაემორჩილა მას და დათანხმდა აძლიოს მუსულმანებს ხარჯი — თითო ოქრო ყოველ ოჯახიდან, რასაც მოწმობს აქამომდე დაცული არაბის მეისტორიეს მიერ წერილი ხალიბისა პატრიკთან. ხუნანის, გარდმანის და კახეთის მაზრები დაემორჩილენ ხაბიბს და ტფილისში მოსლემინების ციხის მცველნი შევიდენ.

სტეფანოს II-ს ორი შვილი ჰყავდა: მირი და არჩილი, რომელთაც მან გაუყო სამეფო საუნჯე: ოქრო, ვერცხლი და ძვირფასი თვლები. მან წაიღო ერთი წილი ყველა საუნჯისა და თან წაიყვანა უფროსი შვილი მირი ეგერიაში¹⁾, უმცროსი შვილი არჩილი საუნჯის მეორე წილით გაგზავნა კახეთში, სადაც მან დამალა ეს საუნჯე. დანარჩენი წილი საუნჯისა მან გარდამალა ერთ მთის ძირში, ჯავახეთში, რომელიც მას იმპერატორმა ირაკლიმ მიუბოძა. ხოლო საეკლესიო კუთვნილება შენახული იყო მცხეთის ტაძრის გუმბათში. შემდეგ არჩილი შეუერთდა ეგერიაში ძმას და მამას, რომელიც მოკლე დროს შემდეგ მიიცვალა. — აღმოსავლეთის მწერლობის მოყვარულებმა 40 წლის წინეთ ამისა რაოდენიმე ვერცხლის მანეთები აღმოაჩინეს სასანიდების დროს მოჭრილი, რომელთ ცალ გვერდზე დახატულია მეფის თავი სტეფანოზის სახელით ხუცურის ასოებით, ხოლო მეორე გვერდზე ტაძარი ჯვარით და თაყვანის-მცემლებით; ალბად ეს ფული სტეფანოს II მეფობას უნდა ეკუთვნოდეს.

სტეფანოზის მემკვიდრეებად 663 წ. მირი და არჩილი დარჩნენ და ერთად მართვიდენ ივერიის მხარეს.

აქ უნდა შევნიშნოთ, რომ თუ კრიტიკულად განვიხილავთ, ძნელი მისაღებია 1), ვითომც მირი და შემდეგ არჩილი 65 წელს მეფობდენ, იოანნე და ჯუანშერი, არჩილის შვილები — 68 და

1) ეგერისში ანუ სამეგრელოში.

69 წელს. ეს თავტები, სამწუხაროდ, არავითარი გარეშე მოწმობით დამტკიცებულნი არ არიან. 2) ის ამბავები, რომელთაც მირდა არჩილისობას ქართული მემატიანე მოგვითხრობს, შეუძლებელია მომხდარიყვენ ამ დროის განმავლობაში, რადგან ამას არ ეთანხმებიან ნამდვილნი და ყოვლის ეჭვის მიუტანელნი ცნობანი არაბთ მწერლებისა. ამ გვარის მასალების ნაკლულევანებაში და შეუვსებლობაში ისტორიკოსი უნდა დაეფუძნოს მას, რაც ცხადია, ხოლო გვერდი აუაროს მას, რისიც გამოკვლევა შეუძლებელია. ამ დროს ე. ი. 731 წ. ვინმე მურვანი, ომაიადის შთამომავალი, ცრუ-წინასწარმეტყველის მაჰმადის ნათესავი, გაგზავნილი იყო არაბის ხალიფის გოშამის მიერ — რომელიც იმის ძმისწული იყო, — კავკასიის მხარეში, სადაც მოსლემინებმა კიდევ დაიჭირეს ციხე დარიალანი და ალანის კარები. ამათ ყველა სურსათი ტფილისიდან მოდიოდათ. მურვანმა დაიპყრა ხაზარები, ალოვანი, აწინდელი კახეთი, ალანები და ლეკები. 739 წ. მთელი კავკასია იმათ ხელთ ებყრათ. სომხის მეისტორიენი მოკლედ მოგვითხრობენ იმის უღმობელობას, მაგრამ ქართველნი კი, რომელთ მამულნი მან ააოხრა მახვილით და ცეცხლითა, მას უწოდებენ მურვან-ყრუდ იმიტომ, რომ, როგორც ამბობენ, ის არავითარ რჩევას ანუ თხოვნას არ ისმენდაო. როდესაც მურვანი შევიდა სამცხეში 735 წ. 9,000 ჯარით თავს დაეცა ოძრახის ციხესთან ივერიელებს, რომელთაც წინამძღოლობდენ არგვეთის მთავარნი, დავით და კოსტანტინე. მან დაამარცხა ივერიელნი და წარტყვენა ორივე ძმები. ჯერ მურვანმა დაეკითხა, თუ აქვთ სურვილი მჯამადინებად გამხდარიყვენ და ბევრიც ეცადა იმათ მოქცევაზე. როდესაც მათ უარი განაცხადეს, მურვანმა ბრძანა სასტიკად ეცემათ და მერე გადაეგდოთ ისინი მდ. რიონში (ანუ ტბაში, რომლითაც ეს მდინარე ოდესმე ზღვას ერთვიდა) წმ. მათი ნაწილები ქრისტიანების მიერ წამოსვენებულნი და დამარხულნი იყვენ მდ. წყალ-წითელის პირზე, სადაც ახლა მოწამეთის მონასტერი არის აგე-

ბული¹⁾). ზეპირ გარდმოცემა ამბობს, რომ ხსენებული მდინარის სახელი მომდინარეობს წამებულთ სისხლისაგან, რომელმაც მთელ მიდამოს მოწითალო ფერი დასდვა. წმ. დავით და კოსტანტინე განისვენებენ ერთ კუბოში, დიდს პატივის ცემაში არიან აქამომდე ქართველთაგან. მათ სახელის ხსენებას დღესასწაულობენ ივერიაში 2-ს ოკტომბერს.

ამის შემდეგ მურვანი წავიდა ევერიაში, სადაც იმყოფებოდნენ მთავრები მირი და არჩილი. როცა შეიტყო, რომ ისინი შუაგულ აფხაზეთში გარდასულან, დაიბანაკა ჯიხან-ქვიჯას, აწინდელი ჭყონდიდის ანუ მარტვილის ხეობაში. — მირვანი გამოუდგა მათ კვალ-და-კვალ, ბრძოლის შემდეგ აიღო ციხე-გოჯი²⁾, აწინდელი ნაქალაქევი, — კლისური ანუ კელასაური, ცხომი ანუ სოხუმი და მთელი აღმოსავლეთი ნაპირი შავი ზღვისა. იმ დროს, როდესაც ის ანაკოფიის ციხეს მიაღწეა, მთავარმა მირმა აუწყა უმცროს ძმას არჩილს ის აღვილი, სადაც მიწაში ჩაფლული იყო მთელი საუნჯე ივერიის ხაზინისა: ფული, გვირგვინები, ძვირფასი ნივთები და ეტრატებიანი ოქმები. ყველა ეს გარდამალული იყო ზოგი ქუთაისში, ზოგი ციხე-გოჯში და ზოგი უჯარმაში. მერე ორივე ძმამ გარდასწყვიტეს ციხიდან გამოსვლა და მტრის თავზე დასხმა. ქრისტიანებმა გაიმარჯვეს, მაგრამ მირი სასიკვდილოდ დაიჭრა. ამ დროს მოსლემინები, რომელნიც დაბანაკებულნი იყვნენ აბაშას და ტეხურს შუა, საშინლად შეწუხებულნი იყვნენ სხვა-და-სხვა მორალულ სნეულების გამო. აღიდებულმა მდინარეებმა, რომელნიც გარშემო უვლიდნენ ბანაკს, წაიღეს იმათი კარვები, კაცები და აურაცხველი სიმრავლე ცხენებისა და ამ ნაირად მოისპო მთელი მისი ჯარი. ზეპირ გარდმოცემა გვიამბობს, ვითომ მდი-

1) მოწამეთა ქუთაისიდან 4 ვერსზეა ტყიბულის რკინის გზაზე. წმ. დავით და კოსტანტინე არგვეთის მთავარი იყვნენ, გვარად მხეიძე.

2) წინააღმდეგ ამისა ბ. გ. წერეთელი ციხე-გოჯს ს. ჯიხაიში, დ. ხონის ახლოს, ეძებს არ ასახელებს კი რომელ ჯიხაიში: ფრიდონიანთ, დიდს თუ პატარა ჯიხაიში!..

ნარეს აბაშას, რომლის სიახლოვეს დაიღუპნენ აბაშელების¹⁾ ურდოები, და მღ. ცხენისწყალს დაერქვათ აწინდელი მათი სახელებიო იმის გამო, რომ პირველმა აბაშელთ ბანაკი წაიღო, ხოლო მეორემ—მათი ცხენები.

იმპერატორმა ლეონ ისავრელმა, როცა იუწყა თავის ელჩისაგან ყოველივე, რაც მოხდა ივერიაში, ბრძანა ივერიელების მთავრების გამხმევება, და გაუგზავნა თვითეულს მათგანს გვირგვინი ნიშნად კეთილის მათდამი განწყობილებისა; ლეონ აფხაზის ერისთავს მან უბოძა მემკვიდრეობითი ერისთაობა და საჯილდოებლად იმა შეწვევისა, რომელიც მან აღმოუჩინა მირს და არჩილს.

ცოტა ხანს უკან მირ ქრილობისაგან მიიცვალა; იმეფა ნწელი. სიკვდილის დროს მან ჩააბარა ივერია თავის ძმას არჩილს, გარდასცა მას ეგერია და სვანეთი, რომელნიც იმის საუფროსო საუფლისწულოს შეადგენდნენ; დაუბარა მას, მიეთხოვებინა იმისი დაობლებული ასულები უთუოდ ერისთავებისათვის, და თანახმად ივერიის ჩვეულებისა, მზითებად დაუტევა მათ კლარჯეთი და შუა-სამეგრელო, ამასთანავე დაუბარა, რომ მათი მამის და თითონ მისი (მირის) ნაშთები უთუოდ გარდაესვენებინათ და დაეკრძალათ მცხეთის ტაძარში, ნიშნად კანონიერის ამა მხარის მფლობელობისა.

მირის სიკვდილის შემდეგ, არჩილმა მიათხოვა იმისი ასულები: პირველი—ჯავახეთის და კლარჯეთის მფლობელს, გურამ კუროპალატს, მამის მხრით ბიძის შვილის-შვილს; მეორე—თრიალეთის და აბოცის მთავარს, მირიანის სიძის, ფეროზის შთამომავალს, მესამე—ნერსეს ნერსესიანს, გურგასლანის დიდებულის შთამომავალს, მეოთხე—ადარნასე ადარნასიანს, ნერსეს თან საერთოდ ქართლის მფლობელს, მეხუთე—ჯუანშერ-ჯუანშერიანს, მირიანის შთამომავალს, ბატონიშვილის რევის მოდგმადამ. ამ უკანასკნელს მან გარდასცა ხერკი, ჯვარი, მთიულე-

¹⁾ აბაშელები არაბის ჯარის ნაწილს შეადგენენ.

თის და მანგლისის მაზრები — ტფილისამდი — რომელიც პირადად მეფე არჩილს არ ექვემდებარებოდნენ.

ამ გაყოფის შემდეგ არჩილმა, გარდასწყვიტა რა დამკვიდრება ქუთაისში და ეგერიაში, მიათხოვა მეექვსე ძმის-წული, სახელად გურანდუხტი აფხაზეთის ერისთავს¹⁾ ლეონს სანუქფოდ იმის დახმარებისა და აღიარა იგი მეფედ, მფლობელად ამა მხარისა კლისსურიდამ დიდ ხაზარეთის მდინარემდე.

არჩილს დამკვიდრა მხარეში, რომელიც შეიცავდა მთელს ეგერიას შორაპნამდი, და ციხეც ააშენა გურიის და საბერძნეთის საზღვარზე.

მან დაჰყო ეგერიაში 12 წელიწადი ღ შემდეგ კახეთში წავიდა, სადაც მთელი ეს მხარე დაუნაწილა თავის მზღებლებს, რომელთაც აზნაურობა უბოძა. თითონ ააშენა იქ ციხე კასრი ლაგოეთის ხეობაში და ფოხნატო და იქაურნი მკვიდრნი მოაქცია ქრისტეს სჯულზე. მან შეირთო სტეფანოზის შვილის გურამ კურო-პალატის ქალი. მაშინ მოვიდნენ მასთან სომხეთის ტარონის მაზრიდამ სამი ძმა, რომელიც შაქის მხარეში თავ-შესაფარავად გილს ეძიებდნენ. არჩილმა დაუთმო მათ, როგორც ეს მხარე, აგრეთვე ჰერეთის და კახეთი გულ-გულამდი, რომელიც მურვანის მიერ აოხრებულნი იყვნენ. სხვა გარდმოსულთ მან ნება მისცა დასახლებულიყვნენ ტაოსის მხარეში, სადაც მათ კალმახის ციხე ააშენეს.

50 წლის შემდეგ არაბის სარდალმა ჭიჭუმმა ანუ ჭუმჭუმასიმმა განიზრახა კახეთზე თავდასხმა. არჩილმა რომ გაიგო ეს, შეატყო, რომ წინააღმდეგობას ვერ გაუწევდა, თავის ნებით მივიდა მასთან. მუსულმანი ცდილობდა მოექცია არჩილ თავის სჯულზე; რაკი ვერ დაითანხმა, უბრძანა შეეგდოთ იგი საპრობილეში. ჭიჭუმი ამაოდ პირდებოდა არჩილს სიკოცხლეს, მეფობას და უმეტესის უფლების მინიჭებას, თუ-კი იგი

1) ავტორი აქ აღარ იხსენიებს მირის მეშვიდე ქალს, მითხოვებულს ბარდავის ერისთავის შთამომავლის ვარზმანისადმი, რომელიც იმკვიდრებს კომანიდან ქურდის ხევამდე. დიმ. ბაქ. საქ. ისტ. 199 გვ.

მიიღებდა მის წინადადებას და აგრეთვე გარდასცემდა არაბებს საუნჯეს, რომელიც იმპერატორის ირაკლის და ადარნასე მთავრისობას მიწაში ჩამარხულ იყო. ერთმა გარდაბნის მთავარმა, სასანიდის გვარისამ, განრისხებულმა იმაზე, რომ ბიძა მისის მკვლელებმა თავი შეიფარეს ზემოხსენებულ მთავრისას, აუწყა ჰიქუმ-ასიმს, ყველაფერი, რაც-კი ივერიაში მოხდა. არჩილი შეურყეველი დარჩა, და ჰიქუმ-ასიმმა ბრძანა, თავი მოეკვეთათ მისთვის 20 მარტს, წელიწადი-კი ნამდვილად არ ვიცით. ქართული ეკლესია არჩილს მოწამედ რაცხს და იმის სახელის ხსენებას დღესასწაულობს 21 ივნისს. მოკლე მისი ცხოვრება აწერილია იმის ძმის-წულის ქმრის, ჯუანშერ-ჯუანშერიანის, მიერ.

უზენაესი უფლება არჩილის შემდეგ გარდავიდა მის შვილებზე იოანეზე და ჯუანშერზე. პირველი წავიდა ევერიაში დედით და ორი დით, მეორე ორი დით დარჩა ქართლში და კახეთში. როცა ხაზარების ხაყანმა შეიტყო სიტურფე შუშანისა, რომელიც ყველაზედ უმცროსი იყო, მოციქული გამოუგზავნა ჯუანშერს და შუშანას ცოლად თხოულობდა. ჯუანშერი დაეკითხა დედას და თავის ძმას, რომელთაც უარი განაცხადეს. სამი წლის შემდეგ ხაზარის სარდალი ბლუჩანი დაეცა ივერიას ლაზისტანიდამ ¹⁾ და შემოერთა ციხეს, რომელშიაც ჯუანშერი თავისი დით-შუშანით იმყოფებოდა. მან ომით აიღო ციხე და წაიყვანა ტყვედ ისინი; გზაზე შუშანს გაუპატიურების შეეშინდა, მიიღო საწამლაფი, რომელიც მას ბეჭედში ჰქონდა და მით თავი მოიკლა. ხაყანმა თავის ბრძანების შეუსრულებლობისათვის სიკვდილით დასაჯა ბლუჩანი. მას ორმა მხედარმა კისერში ბაწარი ჩააბეს და აქეთ-იქით სწევდენ და თავი წასწყვიტეს. უკვე ცნობილია, რომ ამ დროს ხაზარები ხშირად თავს ესხმოდენ კავკასიის აქეთა მხარეს და აღმოსავლეთის მე-

¹⁾ აქ ავტორს lapsus calami მოსვლია, ლაზისტანის ნაცვლად დლისტანი უნდა იყოს, ვინაიდან ბლუჩანმა გარდამოვლო გზა ლეკეთისად. Hist. de la Géorgie გვ. 256.

ისტორიენი იხსენიებენ ამ გვარს იმათ თავ-დასხმას — ხალიფის გიშამის და აბდალლა აღმანსურის დროს. ერთ ამ თავ-დაცემის დროს ხაზარებმა დაიპყრეს უმეტესი ნაწილი აღოვანისა და კახეთის შვიდი მაზრა დაახლოებით 755 წელსა. — შვიდი წლის დატყვევების შემდეგ ჯუანშერი განათავისუფლდა ხაყანმა დიდის პატივისცემით. სამწუხაროდ, სარკინოზებმა ¹⁾, აიღეს-რა ტფილისი, თავისი უფლება მთელს ივერიაში განავრცელეს და ყოველ სულზე ხარჯს ახდევინებდენ. — ჯუანშერმა შეირთო ლატავრა სტეფანოზის II შვილის-შვილი, ბაგრატიონის გვარისა შთამომავალი. — ერთმა არაბების ემირმა, ხოსრომ აღადგინა ტფილისი, ხაზარების მიერ აოხრებული. —

ამ დროს ლეონი, აფხაზის ერისთავი განათავისუფლდა დამოკიდებულობისაგან ბერძენთა, რომელნიც მაშინ ძალიან დასუსტდენ, და დაიპყრა მთელი ევერია ლიხის-მთამდე. როდესაც იოანე მთავარი მოკვდა, ლეონმა მეფედ აღიარა თავისი თავი. ჯუანშერი ღრმა მოხუცებულებაში უშვილოდ მოკვდა. ადარნასე, შვილი ნერსეისა, ძისა ვარაზ-ბაკურისა, — რომელიც სტეფანოზის I შვილის-შვილი და გურამ კურო-პალატის შვილი იყო — ჯუანშერის სიცოცხლეში შეიქნა მემკვიდრედ და ფლობდა კლარჯეთს, შავშეთს, აჭარას, ნიგალს, ალისფორს, არტაანს და მთელ ქვემო ტაოსის მაზრას, რომელნიც საუფლისწულოდ ვახტანგ გურგასლანის შვილებს იმათ დედის, ბერძნის ქალისაგან ერგოთ. მაშასადამე ადარნასეს შვილი, აშოტ-კუროპალატი, დედოფლის ლატავრას ძმა, ერთად-ერთი მფლობელი იყო სამხრეთ-დასავლეთ ივერიისა და ავიდა ტახტზე 787 წ. აშოტით იწყება ბაგრატიონების დინასტია, რომელიც მართვიდა 1800 წლამდე ივერიას სხვა-და-სხვა სახელ-წოდებით: ქართლით, აფხაზეთით, კახეთით და იმერეთით. ამ გვარისავე შთამომავალნი მრავალნი იყვნენ დედოფლებად სომხით-ში, სამეგრელოში, გურიაში, რუხეთში, კოსტანტინეპოლში და ტრაპიზონში.

¹⁾ არაბებმა.

ექვს წლის წინეთ აშოტ კუროპალატის გამეფებამდი ახალი წელთ-აღრიცხვა შემოღებულ იქნა ივერიაში. უკვე ცნობილია, რომ 457 წ. ვინმე ვიქტორ აქვიტანელმა გამოიგონა 532 წლოვანი მზის მოქცევა წმიდა აღდგომის სწორედ გამოსაანგარიშებლად, და მეექვსე საუკუნის ნახევარში ეს ციკლოსი, შესწორებული დიონისი მცირეს მიერ, იხმარებოდა დასავლეთის და აღმოსავლეთის ეკლესიებში, და აგრეთვე რომ მას დასაწყისი ჰქონდა ქრისტიანობის 1 წლიდამ. სომხებმა შეასწორეს თავისი წელთ-აღრიცხვა 552 წ. პასხალის ციკლოსით, ხოლო ივერიელებმა სირიის სამღვდელოების ჩაგონებით მიიღეს იგი 780 წელში, ე. ი. 1 წელში მეორე 532 წლოვან მოქცევისა რომის დაარსებიდამ ათასი წლის გასვლის შემდეგ, რომელიც მოხდა 248 წ. ქრ. შობის შემდეგ. ივერიელებმა ამ წლიდამ იწყეს წელთ-აღრიცხვა მაშინ, როდესაც ბერძნები იწყებდნენ 436 წ. ვიქტორის მოქცევისას. ამის გამო ივერიელებმა არამც თუ გაუსწრეს ბერძნებს, არამედ, ვინაიდან ხმარობდნენ 532 წლოვან მოქცევას, ხრონოლოგიის ანგარიშისათვის ქრ. შობ. წინეთ, იძულებულნი იყვნენ დაესვათ ქვეყნის დასაბამი 96 წლით წინეთ, ვიდრე ბერძნული ხრონოლოგია უჩვენებს, ხოლო ქრისტეს სჯულის დასაწყისი — 5604 წ. და არა 5508 წ. — ძველ ქართულ ხელ-ნაწერებში და აგრეთვე უძველესთ შენობათ კედლებზე მთელს საქართველოში ამ გვარ წელთ-აღრიცხვას ვპოულობთ. ხოლო მას შემდეგ, როდესაც ქართველებმა უფრო ახლო გაიცნეს დასავლეთი, მიიღეს ბერძნული წელთ-აღრიცხვა, ე. ი. აღიარეს ქრისტეს სჯულის დასაწყისი 5508 წ. დასაბამიდამ სოფლისა. რაც შეეხება პასექის მოქცევას ისინი წლებანდელს 1855 წ. ¹⁾ რაცხვენ მეთერთმეტე წლად მე-15-ტე 532 წლოვან მოქცევისას. ეს პასექის წელიწადი — წოდებული ქორონიკონად — იწერებოდა თითქმის განსა-

¹⁾ ავტორს ამ წელს დაუწერია პირველი ნაწილი საქართველოს ისტორიისა.

კუთრებულად ყველა ხელნაწერებზე და ფულებზე საშუალო საუკუნოების დროს, ხატებზე და სხვა საქართველოს უძველეს ნაშთებზე, ხოლო, როდესაც ქართველ მწერლებმა თანდათან ქრისტეს შობილამ იწყეს წელთ-აღრიცხვის ჩვენება, ხალხმაც დაივიწყა პასექის მოქცევა, რომელიც ახლა საქართველოში გარდა სამღვდლოებისა თითქმის აღარავინ იცის. ¹⁾

მთავარი აშოტი ბარდავში ღ იმის მიდამო ადგილებში ცხოვრობდა, რადგანაც ტფილისი მუსულმანის მმართველს, ალიას შუაბის შვილს ეკირა. აშოტი კუროპალატად წოდებული იქნა ბერძნების იმპერატორის მიერ, მაგრამ არ ვიცით კი, სახელდობრ რომლისაგან. ბაღდადის ხალიფი პატივს სცემდა მას. აშოტი გაელაშქრა გრიგოლ კახეთის მთავარზე, რომელსაც

1) ეს წელთ მომდინარეობა დაყოფილია მზის და მთვარის მოქცევაზე, რომელიც შეიცავს 532 წ. „რადგან მზის მოქცევა, ვახუშტის თქმით 28 წელია და მთვარისა—19 და ესენი გაუსწორდებიან 532 წელს; ესრედ 28-ჯერ 19 იქნება 532 და 19-ჯერ 28 იქნება ასევე 532. ამისათვის ორნივე ამ 532 წელს მოიქცევიან და ისევ პირველსავე მიჰყვებიან“. ამით ძველს დროში ხსნიდენ, რომ 532 წლ. შემდეგ ყველა პლანეტები ბრუნდებიან იმავე წერტილებზე, რომელთაგან დასაბამიდან სოფლისა იწყეს თავისი მსვლელობა მზის ირგვლივ, ასე რომ საკუთრად მოვარე 19 წლის შემდეგ და მზე 28 წლის შემდეგ ისევ მივლენ თავის წინანდელ ადგილზე, რომლისაგანაც ამ ახნის განმავლობაში რავედენადმე გაშორდებიან. ამ საფუძვლით თვითონა ციკლი, კვიკლოსი „კიკლოსი ანუ ინდიკტიონი სამუდამოდ იწოდება, რადგანაც მუდამ მოიქცევა, და ვითარცა ფენიქსი, 532 წლ. შემდეგ განახლდება. ახლა ჩვენ ვიმყოფებით მე-15 ციკლში ანუ მოქცევაში, რომელიც 1844 წლიდან დაიწყო. დაყოფა ქრ. წინა დროებისა ციკლებად ეკუთვნის ვახუშტის Introduction LVI Таблица хроникона или грузиискаго лѣтосчисленія въ описаніи др. г. Тифлиса Пл. Юссеміани, გვ. 293—314. დ. ჩუბინაშვილი ამტკიცებს, რომ ქართულ წელთ-აღრიცხვას დასაბამი აქვს პონტიოს, ძველის კაპადოკიის ერაში, ე. ი. 284 წ. ქრ. შ. წ. „Этнографія народовъ, населявшихъ древнюю континентальную и приморскую Каппадокію или Понтъ Римскихъ писателей“ 1877. ამ გამოკვლევით ის ამტკიცებს, რომ მკვიდრნი ამა კაპადოკიისა ქართველნი ანუ ივერნი იყვნენ.

ეწეოდენ მთიულეები წანარები და ტფილისის ემირი. აფხაზის მთავარი-კი თევდოსი აშოტის მომხრე იყო. ის შეებრძოლა ზრიგოლს მდ. ქსნის პირზე; სძლია რა იგი, წაართვა ყველა მისი სამფლობელო ქართლში. ამის შემდეგ იგი დარჩა მთავრად მთელი ამა ქვეყნისა ქსანსა და ჯავახეთ შორის.

შემდეგ ამისა ცოტა ხანმა განვლო, როდესაც ვინმე ხალილ-ემირმა, იეზიდის შვილმა, არაბეთიდან მოსულმა, დაიპყრა სომხითი, ქართლი და ჰერეთი. აშოტმა განიზრახა საბერძნეთში გაქცევა დედით ოცოლით. გზაზედ იმის მცირე ამაღამ გაიმარჯვა სარკინოზებზე ¹⁾ ფარავანის ტბასთან. იქედამ შავშეთსა და კლარჯეთში გადავიდა და დაესახლა ამ მხარეში, მურვან ყრუს მიერ აოხრებულში. მან აღადგინა არტანუჯის ციხე. აშოტს ჰყავდა ორი ვაჟი, ადარნასე და ბაკრატი. არტანუჯში მას შეეძინა კიდევ მესამე, გურამი. აქ ბერძნის იმპერატორის შემწეობით აშოტი გამაგრდა და მოახერხა თან-და-თან უკანვე დაებრუნებინა თავისი სამფლობელო.

ერთ დღეს აშოტი გამოვიდა არტანუჯის ციხიდან მუსულმანების საბრძოლველად. სანამ იმის ბრძანებას აღასრულებდნენ და ჯარი შეიკრიბებოდა, სარკინოზები მოულოდნელად მას თავს დაეცენ, შეიმწყვდიეს ეკლესიაში, რომლის სახელს ისტორიკოსი არ იხსენიებს, და მოკლეს ტაძრის წინეთ 29 იანვარს 46 წ. პასხალიონისა, 826 წ. ქრ.-შობის შემდეგ. მისი გვამი წამოიღეს მოსამსახურებმა და დაასაფლავეს მის მიერ აგებულს არტანუჯის წმ. მოციქულების ტაძარში. აშოტის სიკვდილის შემდეგ სარკინოზებმა დაიპყრეს ყველა იმისი მარხები, შავშეთის და კლარჯეთის გარდა. აღის, შუაბის შვილს ეჭირა ტფილისის ქალაქი. ამსობაში აშოტის შვილები, რომელნიც არტანუჯში იყვნენ, შეიარაღდნენ და თან-და-თან დაიბრუნეს მამის მამულები. გარდბანის ქორ-ეპისკოპოზმა სამუ-

¹⁾ სარკინოზები, რომელთაც დასაუღლეთში სარაცინებად უწოდებენ, იგივე არაბები არიან.

ილ დონაურმა, რომელიც დაჩის შვილის, იოანე ქვაბულიძის შემდეგ ამორჩეული იყო, დიდად დაამარცხა ემირი ხალილი გაეაზში. ხალილი მეორედ თავს-დაესხა მას ტფილისის ემირის სააკის, ისმაელის შვილისობას და მაშინ-კი მოჰკლეს იგი ჯავახეთში. როდესაც იმის შვილი მაჰმადი მოვიდა ქართლში, ბაგრატი, მეორე შვილი აშოტ კუროპალატისა, მიემხრო მას, მიიღო მისგან ქართლი და მშვიდობიანად აღვიდა ტახტზე. — აშოტის მეფობის დროს მოხდა სჯულისათვის წამება წმ. აბო ბაღდადელისა. ეს წმიდა ეახლა ბაღდადს ცნობილს ნერსეის, ადარნასეს შვილს, ქართლის ერისთავს, რომელიც 876 წ. სამშობლოში დაბრუნდა შემდეგ სამი წლის დაპატიმრებისა. აბო რომ გაქრისტიანდა მუსულმანებისაგან დევნისა ასაცილებლად ნერსეისთან გარდაიმალა ხაზარეთში და აფხაზეთში. შემდეგ ნერსეის წასვლისა ქართლის ერისთავად შეიქნა სტეფანოზი, მისი დის-წულის და გურგენ ერისთავის შვილი. ნერსე ისევ დაბრუნდა ქართლში, მას წმიდა აბოც თან ახლდა. შემდეგ სამი წლისა აბო დაპატიმრებული იყო, როგორც მაჰმადის სჯულზე გარდამდგარი, და, რადგანაც უარი განაცხადა ცრუ—წინასწარმეტყველის სჯულისა ხელახლად მიღებაზე, მას მოსჭრეს თავი 6 იანვარს 786 წ. მუსის ხალიფობაში და სამუილის კათალიკოზობაში. მისი წმიდა ნაშთები, მდ. მტკვარში გარდაყრილნი, ქრისტიანებმა ამოასვენეს და დაკრძალეს კლდეზე მეტეხის ციხის ძირში, სადაც აქომამდე დგას პატარა საჯვარე იმის სახელზე. საქართველოს ეკლესია დღესასწაულობს წმ. აბოს ხსენებას 7 იანვარს.

ბაგრატი I, აშოტის შვილი ძმებით დარქა სარკინოზების მორჩილებაში და, მიემხრო რა ემირს მაჰმედს, ხალილის შვილს, იმის აშლის დროს ტფილისის ემირ სააკთან, დაიჭირა უფლისციხე. მაჰმედი, ომში ¹⁾ დამარცხებული გაიქცა ბარდას დაახლოვებით 841 წ. თურქი ბუღა გაგზავნილ-იყო ჯურზანს ²⁾

¹⁾ რეხის ომში.

²⁾ საქართველოში.

ხალიფის მახტაზეტის მიერ დასასჯელად ტფილისის ემირისა, რომელიც იმას აუჯანყდა; მან მოჰკლა ომში სააკი. თევდოსი, აბხაზის მთავარი წინააღმდეგა ბუღას, დამარცხდა კვერცხობში და გაბრუნდა ოსეთში. დაბრუნების დროს ბაგრატ კუროპალატს და ზიროკს, ბუღას მოადგილეს, გზაში დახვდენ გარდბანელები ჭ ჯვარის-გვერდს სრულიად დაამარცხეს ჭ, თუმცა ისინი ძალით უმეტესნი იყვნენ, მაინც ვერ მოახერხეს მტრის რაზმის გარღვევა და ოსეთში გარდასვლა იმიტომ, რომ აბულაბაზმა, სომხების მეფემ და ბაგრატის სიმავრმა და გურამ მამფალმა, ბაგრატის ძმამ, შეაიარაღეს ყველა მთიულები მუსულმანის საწინააღმდეგოდ. ამასთან მტრის ცხენებს ექამათ ელი¹⁾ ტყეებში, რისგანაც დაიხოცენ. ბუღამ უკან დაიხია ბარდაში და დაასახლა შამქორში და დბანისში ასი ოსის ოჯახი თითოეულს ქალაქში.

ხალიფმა იმის ნაცვლად დანიშნა მაჰმედი, ხალილის შვილი, შემდეგ მაჰმედისა — ისემი ხოშის შვილი და ამის შემდეგ — აბრაამი. იმ დროს გაბრიელ დონაური, სამუილის ძმა კახეთის ქორ-ეპისკოპოზად შეიქნა. ამის შემდეგ მაჰმედი დანიშნულიქნა კვალად ემირად და, როდესაც ის გამოსცვალეს, მის მოადგილედ დანიშნეს გაბლუცი, სირიის მთავარი, რომელიც დატყვევებული წამოიყვანა ივერიაში გურამმა, ბაგრატ კუროპალატის ძმამ. ამ გურამმა დაიკავა ჯავახეთის და თრიალეთის მაზრები, რომელნიც დაუყო შვილებს და გარდიცვალა 883 წ. ბაგრატ კუროპალატი მოკვდა 876 წ. მან დაუტევა თავის უფროს შვილს, დავით კუროპალატს ძლიერ შესუსტებული უფლება შემდეგ თავ-დასხმისა გიორგისა, აფხაზეთის მთავრისა, რომელმაც დაიპყრა ქართლი, და აგრეთვე ჩიხაში ერისთავად დასვა თავისი ძმისწული, ტინენი. ეს ერისთავი მალე მოკლულიქნა მისი ბიცოლის, გიორგის ქვრივის ბრძანებით. იოანე, ამ უკანასკნელის შემკვიდრე აფხაზეთში მოკვდა 879 წ. იმის მემ-

¹⁾ asalia pontica.

კვიდრედ იყო იმის შვილი ადარნასე, რომელმაც ბაგრატ კუროპალატის ძმისწული შეირთო. ამასობაში ლიპარიტ ორბელიანმა მიითვისა თრიალეთის მაზრა ქართლში და გამაგრდა კლდე-კარში. ამ გვარი იყო ივერიის მდგომარეობა დავითის ტახტზე ასვლის დროს.—აფხაზები შეუერთდნენ დავითის ორს ბიძაშვილებს, გურგენს და ნერსესს, და აპირებდნენ ქართლის დაპყრობას. სამხრეთით სომხეთის მეფე აშოტ დიდი თვით დავითის და ლიპარიტის შემწეობით წარმატებით ებრძოდა მათ. აშოტმა დაიპყრა გუგარის მაზრა, სამხრეთი ივერიისა და კავკასიის თემნი და დაჯილდოებული იქნა სამეფო გვირგვინით, როგორც იმპერატორი ბასილის მიერ, ისრე ხალიფ მოხტადის მიერ. სომხის მეთრონიე ვარდანის დარწმუნებით, მან აჩუქა ივერიის მეფობა დავითს, თავის დისწულს, ბაგრატ I შვილს—881 წ. დავით კუროპალატი მოჰკლა ნასრემ, რომლის წინააღმდეგ შეერთდნენ სომხები და ივერიელები, ლიპარიტი და აშოტი, ძმა დავითისა. ნასრე დამარცხდა და გაიქცა საბერძნეთში, ხოლო ადარნასე II დაჯდა მამის ტახტზე.—ამ მეფემ დააფუძნა ბანაში, აწინდელ პანაქში საეპისკოპოზო ეკლესია. იმის მეფობის დამდეგში ბაგრატი, ძმისწული აფხაზეთის მთავრისა, ჯარით შემოვიდა საბერძნეთიდან და დაიპყრა აფხაზეთი, მოჰკლა იქაური მთავარი ადარნასე, რომლის ქვრივი ცოლად შეირთო. ამითი არ დაკმაყოფილდა, დაიბარა საბერძნეთიდან ნასრე და ჩააბარა მას ჯარი, რომლითაც ამ უკანასკნელმა აიღო ამ ომში სამი ციხე: ოძრხე, ჯვარის-ციხე და ლომსიანთა, რომელნიც მამამისმა, გურამმა, ააგო. აქედან ნასრე გაელაშქრა ქართლში ადარნასე კუროპალატისა წინააღმდეგ, რომელიც დახვდა მას მტკვრის პირად და გაფანტა აფხაზების ჯარი. თითონ ნასრეს მოეწიენ ასპინძში და მოჰკლეს იგი 888 წ.—890 წ. მეფე ადარნასე წავიდა სომხეთში, როგორც მეგობარი სანახავად სემბატისა მეფის, აშოტ დიდის შვილისა და მემკვიდრისა. იქ ის დაიჭირა აბაზმა, სემბატის ბიძამ და შეიპყრა ციხეში, საიდანაც არ გამოუშვეს ის სომხებმა, სანამ

ორი ციხე და შვილი მისი დავითი მძევლად არ ჩამოართვეს. სომხის მეთროქორეს რწმუნებით აღარნასე მთელ ივერით სემბატის უფლების ქვეშ იყო და მიიღო მისგან მეფის გვირგვინი 899 წ. დასაჯილდოებლად თავის ნამსახურისა. მეფე აღარნასეს ომი გამოუცხადა გურგენმა, იმის ნათესავმა, ტაოსის მაზრაში მცხოვრებმა, რომელიც დაიჭრა ომში არტანუჯის ხეობაში და მოჰკვდა ქრილობისგან 891 წ.

იმ დროს გაძლიერდა ფაღლა, კახეთის დამოუკიდებელი მთავარი და ქორ-ებისკოპოსი, რომელმაც დაიპყრა გარდბანის მაზრა. იმას მემკვიდრედ იყო კვირიკე, რომლის დროს კახეთის დიდებულებმა თან-და-თან ქართლი დაიჭირეს. 901 წ. სამეგრელოს ბატონის-შვილმა კოსტანტინემ, აღარნასე კუროპალატის სიძემ, გაილაშქრა სემბატის წინააღმდეგ, შევარდა გუგარის მაზრაში და მოაღწია აღანის კარებამდე (დარიალანს). აღარნასე შეუერთდა სემბატს კოსტანტინეს წინააღმდეგ, და დაიყოლია კოსტანტინე მორიგებაზე, მაგრამ მოლაპარაკების დროს დაატუსაღა იგი. სემბატმა განათავისუფლა ის და მით აღარნასე გადაიმტერა.

ბაგრატის მემკვიდრედ კოსტანტინე შეიქნა 906 წ. მან სომხეთის მეფის სემბატის მტერობით დაეცა ქართლს, იერიშით აიღო უფლის-ციხე და დაუბრუნა იგი აღარნასეს მხოლოდ მაშინ, როცა მან ცოლად ერთი მისი დაახლოვებული ნათესავი შეირთო. ამის შემდეგ მუსულმანის ემირი უსუფი, აბუსადჯას შვილი, შევიდა სომხეთში შესარიგებლად მეფე სემბატთან, რომელმაც აუწყა ხალიფს იმის საეჭვო მოქმედება. ამ ომის დროს აღარნასემ სემბატს წინააღმდეგობა აღმოუჩინა და კიდევ განიზრახა იმისი მოკლა და გვირგვინის წართმევა. ხოლო სემბატმა დიდ სულოვანობით აპატია მას და გაისტუმრა შინ. მერე უსუფი ხელმეორედ აუჯანყდა ხალიფს, გაზდია სემბატს აფხაზეთში, გარდაელო სომხეთი და ააოხრა სომხეთის 43 მაზრა, აიღო ქალაქი ყველი და ციხე კაპოეტი, სადაც სემბატმა თავი შეიფარა; დაატყვევა სემბატი და ჩამოახრჩო ის ქ. დვინ-

ში 914 წ. იმავე წელს რუსებმა დაიჭირეს ქ. ბარდა, სადაც
ნ თვე დარჩენ და უკანვე ზღვით დაბრუნდნ. სემბატის დევ-
ნის დროს უსუფი მოვიდა ტფილისს, — სადაც ემირად ჯაფარი,
აღოს შვილი იყო, — იერიშით აიღო ქ. უჯარმა, — რომელიც მან
განამაგრა — და ბოქორმა, ჯარისგან მიტევებული. უსუფმა და-
იმორჩილა კახეთის ქორ-ეპისკოპოზი კვირიკე და გარდავიდა
ქართლში, სადაც დახვდა მას უფლის-ციხე მცხოვრებისაგან
აოხრებული. აქედამ ის წავიდა სამცხეში და ჯავახეთში. როცა ის
გარშემოერტყა ყველის-ციხეს, რომელიც დიდს ერისთავს, გურ-
გენს, ეკუთვნოდა, დატყვევებული იქნა ვინმე გობრონი, ყმა-
წვილი კაცი საოცრად მამაცი, რომელიც მუდამ ამხნეველად
დასუსტებულთ მეციხოვანებთ. უსუფმა წინადადება მისცა მას,
რომ უარი ეთქვა ქრისტიანობაზე და დაპირდა მას განთავისუ-
ფლებას, მაგრამ გობრონი მტკიცედ იდგა თავის სჯულზე, ამი-
სა გამო 912 წ. თავი მოსჭრეს როგორც მას, აგრეთვე ერ-
თად მასთან 133 ქრისტიანებს. საქართველოს ეკლესია დღე-
სასწაულობს იმის ხსენებას 17 ნოემბერს. რამდენიმე წლის
შემდეგ კოსტანტინე, აფხაზეთის მთავარი, ქორ-ეპისკოპოზის
კვირიკეს მიპატიჟებიათ კახეთში წავიდა და შეეწია მას დაბა ვე-
ჯინის გარშემორტყმის დროს. ვინმე პატრიკმა აღარნასემ, —
შეიძლება ეს ყოფილიყო თვითონ აღარნასე, ივერიის
მეფე — აიძულა ისინი ციხიდან ჯარი შემოეხსნათ; მან აჩუ-
ქა აფხაზს ¹⁾ არემის და გავაზის სოფლები, ხოლო ქორ-ეპის-
კოპოზს — ორდშაბი. დაბრუნების დროს კოსტანტინე მოკვდა
921 წ. მემკვიდრედ დარჩა მას შვილი გიორგი, რომელიც
სათნოებით და ღვთის მოყვარეობით განთქმული იყო; მემატი-
ანე მას მიაწერს ჭყონდიდის ეკლესიის აშენებას. შესაძლებე-
ლია, მან საუუძველი ჩაადგო, ხოლო ორი წარწერა, რომელ-
ნიც ეხლაც სჩანან იმის კედლებზე, მიაწერენ იმის აშენებას,
პირველი ბერძნული — ვილაც კოსტანტინეს, და მეორე ქართუ-

¹⁾ კოსტანტინეს.

ლი—აფხაზეთის და ქართლის მეფეს ბაგრატს 996 წ. აქედამ ცხადია, რომ მემატიანეს ჩვენება არ არის სარწმუნო.—სომხების მეფემ აშოტ-ერკატმა, სემბატის მემკვიდრემ დაიპყრა ამის შემდეგ გუგარის მაზრა და აღიარებულ იქნა მეფედ აფხაზეთისა და ქართლისა იმ მთავრებისგან, რომელთაც შეეწიენ მას ომში არაბების წინააღმდეგ. ამ დროს სომხთის პატრიარქის იოანე—მეისტორიეს ცდით შერიგდენ ძლიერ კეთილ-გონიერი ქართლის კუროპალატი ადარნასე და აფხაზეთის მთავარი გურგენი ანუ გიორგი, კოსტანტინეს შვილი. აბაზმა, აშოტის ძმამ, შეირთო აფხაზეთის მეფის გიორგის ქალი და ცოტა ხანს უკან სიძე-სიმაჳრმა შეითქვეს აშოტის წინააღმდეგ, რომელმაც შეკრიბა ჯარი და დაეცა აფხაზეთს. გიორგიმაც აგრეთვე ააოხრა სომხების სამფლობელო 922 წ. სომხების მეფემ, რომელსაც ადარნასე კუროპალატი ეწეოდა, ასტეხა ომი, რომელშიაც აფხაზები დამარცხდენ, გაიქცენ და პატივება ითხოვეს. ამის შემდეგ სომხების მმართველმა სამშვილდეში წინადადება მისცა გიორგის ციხის დათმობაზე, მაგრამ მეციხოვნეები რაღაც გაუგებლობისა გამო არ დასთანხმდენ აფხაზების შეშვებაზე და აშოტის ჯარის მიღებაზე, და ამის შემდეგ მტერი ძლეულ იქნა, და დაზავდენ მეომრები. ბოლოს აშოტმა, როგორც იყო, თავისკენ მიიძხრო აფხაზეთის მთავარი, რომელიც შემდეგ შეიქნა მისი საიმედო მოკავშირე. კვირიკე ქორეპისკოპოზის მემკვიდრედ შეიქნა 938 წ. იმისი შვილი ფადლა, რომელმაც აღადგინა ლოწობანის სიმაგრენი. იმის დროს მუსულმანის ემირი საჯი თავ-დაესხა კახეთს, დაიპყრა იგი, ააოხრა მკნეთა და ჯვარი. მან წაიღო თან ცხოველ-მყოფელი ჯვარი წმიდანინოსი. დაბრუნების დროს იმისმა ჯარმა იმდენი გაჭირება გამოიარა ჟამისაგან, რომ შეშინებულმა შეაგროვა ჯვრის ნამტვრევები და უკანვე დააბრუნა თავის ადგილსავე.—იშხანიკის მეფობამდე ჰერეთის მაზრაში იქაურნი მკვიდრნი მწვალებლები იყვნენ; ხოლო ერისთვის გურგენის დის გავლენის მეოხებით, რომელიც შეირთო იშხანიკმა, იქ მართლ-მადიდე-

ბლობა დამყარდა. იმავე დრო სომხეთის კათალიკოზი, ვაგანი, რომელიც დაჯდა 969 წ. შეთანხმდა ივერიასთან მისაღებად ხალკიდონის კრების დადგინებისა, მაგრამ გარდაგდებულ იქნა ტახტიდამ 970 წ.; აგრეთვე და იმავე მიზეზის გამო ჩამოაგდეს მისი მოადგილე სტეფანოზ III. — ამასობაში მუსულმანების სარდლებს ეჭირათ ბარდა და ადერბაჯანი. გიორგიმ, აფხაზეთის მთავარმა, ჩააბარა ქართლი თავის შვილს კოსტანტინეს, რომელიც მართვიდა მას 923 — 926 წ. აღარნასე III კუროპალატს, რომელიც 923 წ. გარდაიცვალა, მემკვიდრედ დარჩა შვილი სემბატი; იმის მეფობა ვიციტ მხოლოდ მით, რომ 1) იმის სახელს მოიხსენიებს მასუდი, თითქმის თანამედროვე არაბის ისტორიკოსი; 2) რომ ლადის — ყანას ეკლესიაზე, იმისობას აშენებულზე, ქ. არტანუჯის ახლოს, არის წარწერა ქვაზე, გამოქანდაკებული იმის სახელით; 3) აგრეთვე მით, რომ ჯრუჭის მონასტერში დაცულია ოთხ-თავი სახარება, დაწერილი ასომთავრულის ხუცურის ასოებით 256 და 259 წლ. პასხალიონისა ე. ი. 936 და 927 წ. ქრ. შ. შემდ. სემბატი მოკვდა 958 წ. —

სომხების მეისტორიენი მოგვითხრობენ, რომ 937 წ. მეფე აშოტ II ყარსში შვენიერ ტაძარს აშენებდა. უეცრად ვილაც ბერი, — ამბობენ, ვითომც ის ქართველთ-აფხაზებისა მეფე იყო, — დაეცა მას დიდძალი ჯარით, რათა ჩაუშალოს ტაძრის კურთხევა სომხური წესისამებრ. აშოტმა შეკრიბა ჯარი, გაჰყარა მტერი, დაატყვევა ბერი და მას თვალები დასწვა. არ არის ცნობილი, ვინ უნდა ყოფილიყოს ეს ბერი, რადგანაც მას ქართული მატთანე ცალი სიტყვითაც არ იხსენიებს. თუმცა აქ უნდა ვსთქვათ, რომ ბერძნების ისტორიკოსებიც ბევრს იმ გვარ ამბავს მოგვითხრობენ აფხაზეთის ისტორიიდან, რომელსაც ქართველები არ მოიხსენიებენ. — აღარნასის და სემბატის მეფობას მიაწერენ მოქმედებას ტაოსელ ბაგრატიდებისას, რომელნიც ქ. არტანუჯში იმყოფებოდნენ ბერძნების იმპერატორების მორჩილებაში. ლეონ II, წოდებული ფილოქსოფოსად,

და რომან ლეკაპენი იცავდენ ამ მაზრებს მუსულმანების წინააღმდეგ და ნება მისცეს იქაურ მთავრებს გაეგრცვლებინათ თავისი უფლება იმ მხარემდი, რომელიც არაკის სათავეში მდებარეობს. პირველი ამ არტანუჯის მთავართაგანი იყო სუმბატ მამფალი, შვილის შვილი ქართლის მეფის აშოტ კუროპალატი. სა. იმის მემკვიდრედ 889 წ. გახდა შვილი მისი ბაგრატ მამფალი; ბაგრატმა 909 წ. მემკვიდრედ დასტევა შვილი გურგენ ერისთავი, ცნობილი ბერძნებისაგან მაგისტროსად, რომელმაც წაართვა არტანუჯი ძმას და თავის სიმაგრს აშოტს და მისცა — იმის ნაცვლად ყველის-ციხე (ტიროკოსტრანი) და აჭარის ხეობა. გურგენ ერისთავი აეშალა გიორგის, აფხაზების მეფეს, რომლის ქალი აშოტს კისკასს ჰყავდა ცოლად, და აიძულა ეს უკანასკნელი გარდასულიყო აფხაზეთში. შემდეგ გურგენის უშვილოდ გარდაცვლისა 923 წ. არტანუჯი გარდავიდა იმის ბიძაშვილის სუმბატ ერისთავის ხელში, ხოლო იმპერატორს რომან ლეკაპენის მეფობაში აშოტ კისკასმა გარდასცა არტანუჯი ბერძნებსა, რომელთაც დაიჭირეს ის მოკლე ხნით, მაგრამ დანარჩენებმა ბაგრატიდებმა ისეთი ღრტვინვა დაიწყეს, რომ იმპერატორმა გარდასცა იგი მერე აშოტს, კისკასის ძმისწულს. ამ მოკლე მიმოხილვიდამ სჩანს, რომ ტაოსელი ბაგრატიდებო უფროსის და უმცროსის შტოისანი, წოდებულნი კუროპალატებად, მაგისტრებად და პატრიკებად, თუმცა ირიცხებოდენ ბიზანტიის მეფეების სამსახურში, მაგრამ საქართველოსთან ყველა დამოკიდებულებას არ სპობდენ. ისინი მუდამ იმყოფებოდენ ტაოსის მხარეში, რომელიც მათელს დასავლეთ ივერიას შეიცავდა და რომელიც შემდეგში ოსმალოს მფლობელობის დროს, შეადგენდა ახალციხის ფაშალიყს; მაშასადამე მათი უფლება არ იყო გავრცელებული არც იმერეთზე და სამეგრელოზე, და არც ქართლზე და კახეთზე. აფხაზეთის მეფეები თავის მხრით ყოველ ღონის ძიებით მოწადინებულნი იყვნენ დაეპყრათ ქართლი და კახეთი, საიდანაც თანდათან მათ განდევნეს მუსულმანები და ქორეპისკოპოზები. ამით უნდა აიხსნას თანდა-

თან დასუსტება კუროპალატებისა და იმავე დროს გაძლიერება აფხაზთა ¹⁾). ამ შეხედულობის სინამდვილეს ბიზანტიის და სომხეთის ისტორიკოსებიც მოწმობენ.

ზემოხსენებული კოსტანტინე, აფხაზეთის მეფის შვილი, სამი წლის განმავლობაში ფლობდა ქართლს, და აღუდგა თავის მამას გიორგის, რომელსაც ახლდა ჯარი ტაოსის ყველა ადგილებიდან და აიღო უფლის-ციხე, რომელშიაც კოსტანტინე გამაგრებული იყო; გიორგიმ ვერაგობით დაიჭირა ის და დაასაჭურისა. ეს რომ შეიტყო გარდაბანის აზნაურობამ, აღუდგა კვირიკეს, ფაღლას მემკვიდრეს და მიიწოდა კახეთში აფხაზეთის მფლობელი. მან დაიპყრა და ააოხრა კახეთი. ის დაბრუნდა შინ და შემდეგ ხელ-მეორედ შემოვიდა და დანიშნა თავისი შვილი ლეონი ქართლის ერისთავად; თითონ კი ატენში დაბანაკდა. შემინებული კვირიკე ეახლა გიორგის, მოარჩილება გამოუცხადა და შემდეგ იღუმალ გაპარვა განიზრახა, მაგრამ შეიპყრეს გზაში. მაშინ გიორგი წავიდა კახეთში და დაიპყრა უჯარმა და დანარჩენი ციხეები, ნახჭევანის, ბოჭორმის და ლოწობანის გარდა. ხახუა არეშიძე ²⁾ გამაგრდა მარავში, მაგრამ ის დაატყვევეს და ჯიქეთში გაგზავნეს. ფაღლაც კვირიკეს შვილი გამაგრდა ნახჭევანში, ხოლო, როცა დაინახა, რომ თავს ვერ უშველიდა, დამორჩილდა იმ პირობით, რომ მომავალ წლის აღდგომამდის თავს არ დასხმოდა ბოჭორმას. გიორგი წავიდა აფხაზეთში. მაშინ ქართლის ერისთავების შეგონებით კვირიკემ არამც თუ არ დაიცვა მიცემული სიტყვა, არამედ შეკრიბა ჯარი და მეორედ დაიპყრა თავისი ქვეყნები. გიორგიმ ხელ-ახლავ გაგზავნა კახეთში თავისი შვილი ლეონი ჯარით, მაგრამ ვეღარ მოესწრო ომის დასრულებას და 955 წ. გარდაიცვალა. ლეონი შეურიგდა ქორეპისკოპოსს და დაბრუნდა აფხაზეთში. მემატიანე მიაწერს მას აშენებას მოქვის შვენიერ ეკ-

¹⁾ ბაგრატიდებისა.

²⁾ ვახუშტით არსთს ძე.

ლესიისას, რომელიც აქამომდე დაცულია და რომელსაც იატაკი თეთრი მარმალილოთი აქვს დაფენილი. ამის დასამტკიცებლად არა მოიპოვება რა, ხოლო ის-კი ცნობილია ზედწარწერებიდამ, რომ ლეონის მეფობაში აშენებულია 964 წ. შვენიერი კუმურდოს ტაძარი, რომელიც ეხლა დანგრეულია. ¹⁾

ლეონმა მიათხოვა კვირიკეს თავისი და, რომელიც მალე მოკვდა და ამას შემდეგ ის ისევ შეესია კახეთს. მან უკვე ააოხრა მუხრანი, ხერკი და ბაზალეთი და გაჩერდა მდ. არაგვის პირზე, სადაც ავად გახდა და დაბრუნების დროს მოკვდა. სჩანს, რომ მემათიანე შეცდომით მიაწერს იმის სიკვდილს 957 წ. იმის მემკვიდრედ შეიქნა ძმა მისი დემეტრე, რომელსაც ქართლი ხელთ ეპყრა. თევდოსე, მეორე ძმა ლეონისა, მოვიდა საბერძნეთიდან, სადაც ის იზრდებოდა, წინა-აღუდგა დემეტრეს, მაგრამ მას მოულოდნელად თავს დაესხა ძმის ჯარი. თევდოსემ ძლივს მოასწრო ქართლში გაქცევა და იქედან დავით დიდთან კოროპალატთან, მეფე ბაგრატ რეგვენის ძმისწულთან. იქედან ერთი წლის შემდეგ ის გარდავიდა კახეთში; იქაურმა მთავარმა კვირიკემ გარდასცა ის ძმას, რომელმაც, თუმცა სიტყვა მისცა კათალიკოზის და სამღვდლოების თანადასწრებით, მაგრამ შემდეგში ბრძანა მისთვის თვალეზი დაეწვათ.

დემეტრეს სიკვდილს შემდეგ 979 წ. თევდოსე შეიქნა მეფედ იმიტომ, რომ აფხაზების მეფის სახლიდან აღარავინ დარჩა იმის და მის დის გურანდუხტის მეტი, რომელიც ცოლად

1) ჯავახეთში მდგომარის კუმურდოს მთელი ტაძარი კი არ არის დანგრეული, არამედ მას დანგრეული მხოლოდ გუმბათი აქვს და ამ ტაძარზე მიშენებულს საყდარში ახლაც სწირავენ, ხოლო ქართველნი კი არა, არამედ სომხები, რომელნიც დაპატრონებიან მას შემდეგ იმათის გადმოსახლებისა არზრუმიდან პასკევიჩის დროს 1829 წ. ადგილობრივი ტურტერი, ჩვენი იქ ყოფნის დროს, დაბეჯითებით გვარწმუნებდა, ვითომც ტაძრის კედლებზედ წარწერები სომხური იყოს და ვითომც სომხებს აეგოს ეს ტაძარი... პატივცემულ ტურტერს იქნება თავის ერის სიყვარული ალაპარაკებდა, მაგრამ არც ასრე შებღალვა შეიძლება ისტორიულ სიმართლისა . . .

გურგენს, ბაგრატ რეგვენის შვილს ჰყავდა. ამ გურგენის და გურანდუხტის შვილი ბაგრატი ძლიერ პატივცემულის დიდებულის იოანე მარუშიძის შეგონებით იშვილა დავით დიდმა კუროპალატმა, რომელიც უძეო იყო: აფხაზეთის სამეფო ეკუთვნოდა მას დედის მხრით და ქართლისა—მამის მხრით, და დავითმა აღიარა იგი მეფედ 979 წ. — დავით კუროპალატი მთავრობდა ტაოსის მხარის სამხრეთ ნაწილში, ჩრდილოეთ სომხეთში, არაკის სათავეში, და ქალღიაში, რომელნიც მას ნაბოძები ჰქონდა იმპერატორის რომან ლეკაპენის მიერ. ერთგულობის დასამტკიცებლად იმპერატორს მან მისცა მძევლად თავისი დიდებულები, რომელთა შორის იყვნენ აბულარბი, მისი სიძე იოანე და იოანეს შვილი ვეთვიმე. ამ უკანასკნელმა ცოტა ხანს უკან სახელი განითქვა საღმრთოწერილის თარგმნით ბერძნულიდან ქართულს ენაზე. დავითმა დიდი სამსახური გაუწია იმპერატორს, რის გამოც ის ბასილ II-ს დიდს პატივშიაც ჰყავდა. 976 წ. ბარდოს სკლაროსის აჯანყების დროს მან გამოაწყო 12 ათასი ჯარი ივერიის სარდლის თორნიკეს წინამძღოლობით, დაამარცხა სკლაროსი და მით მოსპო აჯანყება. ამ გამარჯვების ხსენება აქამდის დაცულია დანგრეულ ზარზმის ეკლესიის კედლებზე და სხვა-და-სხვა თანამედროვე ხელნაწერებში²⁾.

²⁾ ეს სახელ განთქმული გალაშქრება ივერიელებისა თორნიკებს წინამძღოლობით ბარდა სკლაროსზე აწერილია როგორც ქ. ცხოვრებაში, აგრეთვე მას მოწმობენ ზარზმის, ეოშის და შემოქმედის ეკლესიების თანამედროვე წარწერანი, და ცხოვრება წმ. მამათა იოანესი და ვეთვიმისა ივერიის მონასტრის მანუსკრიპტში, შენიშვნა „იოანე ღვთის-მეტყველის განცხადების წიგნში“ შიო მღვიმის მონასტრისა, ბერძნული მანუსკრიპტი მოსკოვის საპატრიარქო ბიბლიოტეკაში და სომხის მეთისტორიე ასოპიკის თქმულება. ლეხოსაც თავის ისტორიაში დაწვრილებით შემოაქვს ეს ამბავი ბიზანტიურ წყაროებიდან. ეს გალაშქრება ლექსად აღწერილია ჩვენის ნიჭიერ პოეტს აკაკი წერეთლის პოემაში, რომელსაც ეწოდება „თორნიკე ერისთავი“.

ამ დრომდრი ივერიელებს ათონის მთაზე ჰქონდათ პატარა მონასტერი, დაფუძნებული მეცხრე საუკუნეში იმპერატორ თეოდოსიუსობას ვინმე ათანასეს და იმის მოადგილეს გაბრიელის მიერ, რომელიც ტომით ივერიელები იყვნენ. ახლა კი იმ ნადავლიდამ, რომელიც თორნიკემ შეიძინა და აგრეთვე იმპერატორის სიუხვით, ივერიელებმა გააწყვეს შვენიერი ათონის ლავრა ივერიის ღვთის მშობლის სახელზე, სადაც დაასრულეს თავისი სიცოცხლე თვითონ თორნიკემ და წმ. იოანემ და ეფთვიმემ. — შემოხსენებულ გამარჯვების შემდეგ კუროპალატის გავლენა წინანდელზე ბევრად უფრო გაძლიერდა არამც თუ ივერიაში, არამედ სომხეთშიაც. როდესაც თევდოსე, აფხაზის მთავარი დაბრმავებული და შემდეგ ტახტიდამ გარდაყენებული იქნა, დავით კუროპალატმა და სომხეთის მეფემ სეზბატმა თიუხიერაკალმა ¹⁾ დასვეს ტახტზე შემოხსენებული ბაგრატი, გურანდუხტის და გურგენ ქართლელის შვილი. მას აქეთ აფხაზეთის და ივერიის მთავარნი დარყენ დავითის მორჩილებაში. ჩვენ აქ არ შევხვებით იმ მოქმედებას, რომელიც ამის შემდეგ მან ივერიის გარეშე ჩაიდინა. მას მიაწერენ ხახულის ღვთისმშობლის ეკლესიის აშენებას, რომლის ხატი ახლა გელათის მონასტერში ასვენია. — ბაგრატ III გამეფების რაოდენიმე ხნის შემდეგ სომხეთის აზნაურობა შეითქვა იმის წინააღმდეგ. აზნაურებმა ქურდვაჭრისხევისელებმა და საბარათიანოელებმა დაიბარეს ჯარი კახეთიდან და ლალატობით აიღეს უფლისციხე, დაატყვევეს გურგენი, გურანდუხტი და იმათი შვილი მეფე ბაგრატი. როცა ეს შეიტყო დავით კუროპალატმა, თრიალეთში გარდმოვიდა და განიზრახა კახეთში წასვლა, ხოლო კახელებმა მსწრაფლ ტყვეები განათავისუფლეს და უფლისციხეც დააბრუნეს. მათ დარჩათ მხოლოდ წირქვალის და გრუის ციხეები. — სამი წლის შემდეგ თევდოსე, აფხაზეთის მთავარი იძულებული შეიქმნა ხელი აეღო თავის სამეფო უფლებაზე,

¹⁾ აღმსარებელმა.

და ბაგრატი, გურანდუხტის შვილი ცნობილ იქნა მეფედ აფხაზეთისა და ივერიისა ყველა ერისთავთ და დიდებულთ მიერ, დავით კუროპალატისა თანახმობით და იოანე მარუშიძის თანაშემწეობით. თევდოსე გამოვიდა აფხაზეთიდან და კუროპალატთან სცხოვრობდა. ბაგრატი უნდა ორჯელ შეიარაღებულიყო. 988 წ. ის მოვიდა თიღვში ქართლის საქმების დასაწყობად. მას დახვდნენ რამდენიმე აზნაური ქავთარ ტბელის წინამძღოლობით. ბაგრატი შეებრძოლა და დაამარცხა ისინი, ხოლო დედოფალი გურანდუხტი უფლის-ციხიდან აფხაზეთში წაიყვანა. კუროპალატი კი თხოულობდა, რომ მას მიეცა სანურეთის ანუ ასკურეთის ციხე. მეორეჯერ ბაგრატს წინააღმდეგ კლდე-კარის ერისთავი რატი, როგორც ამბობენ, ორბელიანების გვარის ჩამომავალი, რომელსაც ეკუთნოდა სამხრეთი ნაწილი მტკვრის ხეობისა სომხეთამდე. ორბელიანებს შეეძლოთ 12 რაზმის მხედრობის შეკრება, რომელთაგან თითოეულში 1000 კაცი ირიცხებოდა, და მათ დიდი მნიშვნელობა და გავლენა ჰქონდათ. რატი არ ემორჩილებოდა მეფე ბაგრატს, რომელმაც გაილაშქრა იმის წინააღმდეგ. მისმა მტრებმა შეატყობინეს ეს დავით კუროპალატს და აგონებდნენ მას, ვითომც ბაგრატს და გურგენს ვანეზრახოსთ, მას უფლება ჩამოართვან და კიდევ მოკლან იგი. გურგენი შეებრძოლა აჯანყებულებს შავშეთში, დამარცხდა და წავიდა წყეთას. ამასობაში ბაგრატი დაარწმუნა კუროპალატი, რომ მას არავითარი ცუდი განზრახვა არ აქვს იმის წინააღმდეგ; რა დამშვიდდა იგი, წავიდა კლდე-კარის ასაღებად; როცა ეს დაინახა რატი, დამორჩილდა მეფეს, ჩააბარა მას ციხე და გაეცალა თავისს მამულში, იმერეთში—სახელდობრ არგვეთში.—924 წ. ქართლის მეფე ბაგრატი, წოდებული რეგვენად, გარდაიცვალა ღრმა მომხუცებულობაში და დაუტევა გვირგვინი თავის შვილს გურგენს, რომელიც ამას შემდეგ მეფობდა ქართლში ერთად თავის შვილთან ბაგრატი III-თან.

ბაგრატი იწოდებოდა მეფეთ მეფედ იმიტომ, რომ ის დი-

დი ხანია, რაც აფხაზეთის მეფე გახდა. 996 წ. დავით კუროპალატმა წაართვა მუსულმანებს ქ. მანდზიკერტი და დაამარცხა იქაური მოურავი მამლანი; შემდეგ წელში ის გაელაშქრა ქ. ხლათის ასაღებად, მაგრამ ივერიელნი დამარცხდნენ წმ. აღდგომის დღეს 998 წ. და ემირო მამლანი წამოვიდა თაფრიზიდან კუროპალატის სამფლობელოში. გაგიკი, სომხების მეფე, გურგენ ქართლელი და აბასი ვანანდელი შეერთდნენ და გაუწიეს ბრძოლა დაბა ძუმბასთან ბოგრევანის მაზრაში. მრავალი რიცხვი მუსულმანებისა დაიხოცნენ და მკვდრებით მოჰფინეს ბრძოლის ველი. ივერიელების სარდლებად იყვენ გაბრიელ, ოჩოპენტრეს შვილი და მისი უმთავრესი თანაშემწენი, ძმანი გამრეკელები მესხეთიდან.

სამის წლის შემდეგ ამ სასახელო გამარჯვებისა მოხუცებული დავით კუროპალატი მოკლოლ იქნა 1001 წ. წმ. აღდგომის დღეს. სომხები მოგკითხრობენ იმის სიკვდილზე განსაცვიფრებელ ამბავს, რომელსაც ჩვენ ვერ ვერწმუნებით და ამიტომ იმის გამეორება აქ არ ღირს¹⁾. ქართული მატთანე ამაზე სრულიად არას გვეუბნება. იმპერატორმა ბასილმა II როგორც შეიტყო დავითის სიკვდილი, მსწრაფლ შევიდა სამხრეთ სომხეთში მისაღებად ყველა სამფლობელოებისა, რომელნიც უანდრძა მას დავითმა, და რომელნიც შესდგებოდნენ როგორც ტაოსის სამხრეთის, აგრეთვე დიდ სომხეთის ნაწილისაგან მდ. ეფფრატის სათავემდე. როდესაც ივერიელების მეფენი წარდგენ იმპერატორის წინაშე, მან უბოძა გურგენს მაგისტროსობის და მის შვილს კუროპალატის წოდება. გურგენი ფრიად უკმაყოფილო დარჩა თავის ნაწილით და მაშინვე წინააღმდეგა ბასილს და თავდაესხა დაბა ოლთისს; თუმცა კი ის ვერ აიღო, მაგრამ შემდეგში ის წავიდა ბასიანის მაზრაში, სადაც მას დახვდა ბერძნის სარდალი ჯარით და დაზავდა მასთან.

¹⁾ ვითომც დავით კუროპალატი მოეწამლოს და ვითომც იმის სიკვდილში ერია ქართველი მღვდელ-მთავარი ილარიანი....

ამით გათავდა პირველი ბრძოლა ივერიელებისა ბასილთან XI საუკ. დასაწყისში. ფურგენი მოკვდა 1008 წ.

ბაგრატ III, დარჩა რა ერთად ერთმეფედ აფხაზეთისა და ქართლისა, განიზრახა კახეთის დაპყრობა და წართმევა დავით ქორეპისკოპოსისათვის¹⁾; ყველა ქართლის ციხეებისა, რომელთაც ეს ფლობდა. დავითი არ დამორჩილდა და ბაგრატმა თავისი ძლიერის ჯარით დაიპყრა მთელი მხარე. მაგრამ იმის გაბრუნებოს შემდეგ ჰერეთი წინააღმდეგ მის მიერ დაყენებულ ერისთავს აბულალას, და ბაგრატმა ხელშეორედ დაიპყრა ის. მაშინ მთელი კახეთი დამორჩილდა, და ქორეპისკოპოზი კვირიკე, შვილი და მემკვიდრე დავითისა რაოდენიმე ხანს დატყვევებული იყო.

ამ დროს ფადლონი, განზის ემირი, ბენიშელდადის გვარის შთამომავალი, გაძლიერდა და იწყო კახეთის და ჰერეთის დარბევა და აოხრება. მეფე ბაგრატმა განიზრახა იმის დასჯა და მიიწვია შესაწევნად სომხითის მეფე გაგიკი შაინ-შაჰი, რომელიც სიხარულით შეუერთდა მას ანისის მაზრასში. იქედამ ისინი წავიდენ აღმოსავლეთში და გარშემოფრტყენ ქ. შანქორს. შეშინებული ფადლონი დამორჩილდა და შეურიგდა ივერიელებს. მას აქეთ აფხაზეთ მეფენი იდიდებდენ თავიანთ თავს ღრამატების სათაურში მბრძანებლად აღმოსავლეთისა და შაინ-შაჰებად ე. ი. მეფეთ მეფეებად.

ბაგრატს მიაწერენ, — თუმცა ამის დასამტკიცებლად შეურყვევლი საბუთი არ მოჰყავთ, — ბედის ტაძრის აშენებას აფხაზეთში; უსაცილოდ დამტკიცებულია, რომ იმისობას აშენდენ ეკლესიები მარტვილისა 996 წ., ქუთაისისა — 1003 წ., ატენისა, წვიმოეთისა, ვერიის მონასტერი და სხვა მრავალნი შვენიერნი ძეგლები ივერიის საქრისტიანთ ხუროთ-მოძღვრებისა და ქანდაკებისა. შესამჩნევია წვიმოეთში, ვერიის ეკლესიაში და განსაკუთრებით ქუთაისში ხმარება ესრედ წოდებულ არაბულ ციფრებისა 222, 223 პასხალიონისა, 1002 და 1003

¹⁾ იგივე ქორეპოზი.

წ. ჩვენის წელთ აღრიცხვისა ე. ი. ბევრად უფრო აღრე, ვინემ იგინი ხმარებულნი იყვნენ, რაოდენადაც კი ჩვენ ვიცით, სამუსულმანო აზიაში. ბაგრატიობას მოკვდა კათალიკოზი სვიმონი, — არ ვიცით კი ზემოხსენებულ მეფეთა შორის რომლისაგან დანიშნული, — და იმის ადგილი მიიღო მელქისედექმა, დიდებულის გვარის შთამომავალმა, რომელიც წავიდა კონსტანტინეპოლში და გამოითხოვა იმპერატორის ბასილისაგან მდიდარი საჩუქრები, ეკლესიების სამკაული და 95 ხატი მცხეთის ტაძრისათვის. მან ხელახლად ააშენა და შეამკო საპატრიარქო ეკლესია ძვირფას 25 ყდიან წიგნებითა, რომელნიც მისივე ზრუნვით გარდაწერილნი იყვნენ. ბაგრატიობას უმრწემესი შტო ტაოსელ ბაგრატიდებისა სრულიად მოისპო ბაგრატის მიერ, როდესაც მან ორი უკანასკნელი იმათი წარმომადგენელი დაატუსაღა თმოგვის ციხეში, სადაც ისინი გარდაიცვალენ. მათი შვილები გაიქცენ კონსტანტინეპოლს და თავის შთამომავლობით განქრენ უცხო ქვეყანაში.

ბაგრატ III გარდაიცვალა 1014 წ. როგორც კი გამეფდა მისი 18 წლის შვილი გიორგი I, კახეთის და ჰერეთის დიდებულნი განუდგნენ მას, იქ დაყენებული ერისთავები გამოაგდეს და აღადგინეს ძველნი თავიანთ მთავარნი. გიორგის გამეფების მეშვიდე წელს იმპერატორმა ბასილ II მოსთხოვა მას, ნებით დაებრუნებინა ყველა ის მხარეები რომელნიც ბაგრატ III, მის მამობილს, დავით კუროპალატს იმპერატორისაგან მიცემული ჰქონდა და, რომ გიორგი I დაკმაყოფილებულიყო თავის სამკვიდრო მამულით. გიორგი ამაზე არ დათანხმდა და გაელაშკრა ბასიანის მხარეს. იქ შეტაკება მოხდა და, თუმცა ბერძნები დამარცხდნენ, მაგრამ მეფე გიორგიმ ოლთისის აღება მაინც ვერ მოასწრო და უკან დაიხია. ამ შეტაკებამ გამოიწვია შირიმთის ახლოს ომი, რომელიც ცვალებადის წარმატებით გაგრძელდა, სანამ ორი უმთავრესი ერისთავი რატი ორბელიანი და ხურსი არ მოკლეს. შემდეგ ამისა მეფე გიორგიმ დაიხია სამცხისკენ, იქედამ — ჯავახეთს და შემდეგ — თრიალეთს. თუმცა აქ

შემოუერთდნენ მას ჯარები ქართლიდამ და შაქიდამ, ის მაინც განდევნეს ბერძნებმა, რომელთაც ააოხრეს ეს მხარეები და სახამთროდ დაბრუნდნენ ქალღიაში და ტრაპიზონს.

იმპერატორის ბასილის ივერიაში მეორედ შემოსევის საბაბი იყო შემდეგი: გიორგის ჰყავდა ცოლად სომხის ვასპურაკანის მთავრის სენაქერიმის ასული მარიამი და კავშირი ჰქონდა ანის მეფე გაგიკ I-თან. გაგიკის სიკვდილის შემდეგ გიორგიმ შეარიგა ურთიერთს აშლილნი მისი შვილები და ამ შერიგების დროს მიემხრო უფროს შვილს, სემბატს, ისარგებლა შემთხვევით და წაართვა იმას სამი ციხე. მაშინ უმცროსმა ძმამ აშოტმა მიმართა იმპერატორს ბასილს 1018 წ. იმპერატორმა გამოილაშქრა ბასიანში და მაშინ მოხდა ზემოაღწერილი ომი პალაკაციოს, აწინდელ ჩილდირან ტბის მახლობლად.

როდესაც იმპერატორი ბასილი ტრაპიზონში საომრად ემზადებოდა, მან სომხეთის პატრიარხის პეტროსის ხელით მიიღო სუმბათისაგან გამოგზავნილი სიგელი, რომლითაც, ასაცილებლად მეფე გიორგის მეტოქობისა, უანდერძა იმპერატორს მთელი სამფლობელო თავის სიკვდილის შემდეგ. ამის გამო ბასილი გაზაფხულზე ხელახლავ ამოვიდა ბასიანში. ამ დროს ნიკიფორე ფოკა აჯანყდა და მიითვისა იმპერატორის წოდება, მაგრამ მოკლულ იქმნა ქსიფენის ¹⁾ მიერ, რომელსაც აგრეთვე სურდა იმპერატორად თავი აღეარნა ²⁾.

გიორგი თანაუგრძობდა ქსიფენს (ქსიპიასს) და მის სიკვდილის შემდეგ ექომაგებოდა ივერიელს ფერიზს, რომელიც ქსიფენის თანამოაზრე იყო. რა გაიმარჯვა აჯანყებულებზე, ბასილმა მოსთხოვა გიორგის მორჩილება და დაბრუნება ზემოხსენებულთ სამისა ციხისა, უსამართლოდ მის მიერ მისაკუთ-

¹⁾ იგივე ქსიპიას ბიზანტიელებისა. Hist. de la Géorg. გვ. 307. შენ. 2.

²⁾ ქ. ცხ. ვარიანტებში და სუმბატის ქრონიკაში ამ ამბავს ასე მოგვითხრობენ: „ხლო იქმნა ამა ეამსა შინა განდგომილება დიდი საბერძ-

რებულთა. გიორგი ხან ეთანხმებოდა და ხან უარს ამბობდა; ბოლოს ანაზღიერულად თავს დაესხა ბერძნებს ბასიანში. ბერძნებმა შემოიკრიბეს ძალ-ღონე, დაუხვდენ მას მედგრად, დახოცეს მრავალნი ივერიელნი ვარანგთა ანუ რუსთა ჯარის შემწეობით, და დიდი დავლაც დარჩათ მათ. ამ ომში, რომელიც მოხდა 11 სექტემბერს 1022, ივერიის ჯარს წინამძღოლობდა ზვიად ორბელიანი, ძმა ზემოხსენებულ რატისა, ხოლო

ნეთს, რამეთუ შეირთნეს ბასილის სპასპეტი და წარვიზი, ძე ფოკას განდგომილისა, და მეფე იქმნა ქისიფი, და მიიდგინეს მათ ყოველი აღმოსავლეთ კერძი ქვეყანა. ხოლო ღმერთმან ბასილს დიდად შეშინებულისავე პატივი სცა, რამეთუ განუდგა ქსიფენ წარვიზს, ყოველნივე ერნი მისად შედგომილნი შეიცვეს ციხესა შინა, შეიპყრეს და ბასილის წინაშე წარმოგზავნეს, და მან ექსორია ჰყო იგი კუნძულსა შინა, და მიმდგომთა მისთა მრავალთა თავი მოჰკვეთა, რომელთა თანა იყო ფერის, ჯოჯიკისძე ქართული“. ე. თაყაიშვილის სამი ისტორიული ხრონიკა გვ. 70 და თ. ყორდანას ქრონიკები გვ. 154. ხოლო გიბონი თავისს *Décadence et chute de l'emp. Rom.* ტ. II გვ. 329 და ვებერი თვის მსოფლიო ისტორიაში ტ. 6 გვ. 424 (რუს. თარგმ.) ავტორის მიერ მოხსენებულთ ფოკას და ქსიფენისა ანუ სკიპიასის ნაცვლად ფოკას და სკლეროს უჩვენებენ აჯანყებულთ წინამძღოლებად ბასილ II წინააღმდეგ. გიბონი მოგვითხრობს, რომ „სკლეროსმა, რომელიც ორჯელ ბორკილებით შეპყრობილი საპატიმროში იჯდა, და რომელსაც ორჯელ ხელში სკიპატრა ეჭირა (ასოლიკის ჩვენებით სკლეროსი პირველი დამარცხების შემდეგ გაიქცა ბალდადის ემიროთან. *Ист. Ст. Тар. Асогика пер. Эмина*, გვ. 191 და 198.) სურდა თავისს სიცოცხლის უკანასკნელნი დღენი მშვიდობიანად გაეტარებინა. როდესაც ეს მოხუცებული, თვალ ცრემლიანი და ისრე მიხრწნილი,—რომ ფეხებზე ველარ დგებოდა და ორს თანა მხლებელთ მხრებზე ხელებ დაბჯენილი, მიუახლოვდა ტახტზე დაბრძანებულს იმპერატორს, ზასილმა სიკბამუკით და ძლევა მოსილობით აღსავსემ წამოიძახა! „ნუ თუ ეს ის კაცია, რომლისაც ჩვენ ასე დიდს ხანს გვეწინოდა?“ აგრეთვე ვებერი სწერს: „შემდეგ ფოკას სიკვდილისა აჯანყებულნი დაუმორჩილდენ ბასილს; ამით შეშინებულმა, მეორე მათმა წინამძღოლმა სკლეროსმა, რომელმაც ორჯელ დაიხსნა თავი ტყვეობიდან, მიმართა იმპერატორს შენანების გამოსათხოვნელად; ბასილმა ნება დართო, რომ მიხრწნილს მოხუცებულს მშვიდობიანად გაეტარებინა უკანასკნელნი თვისნი დღენი,,.

რატის შვილი, ლიპარატი კიდევაც მოიკლა. აქ უნდა შევნიშნათ, რომ ორბელიანთ გვარი იმ დროს ფრიად ძლიერი და მდიდარი იყო და 1020 წ. ერთმა მათგანმა ბაღუაშმა ააშენა მანგლისის შვენიერი ეკლესია, რომელიც ეხლაც დაცულია. დამარცხებულმა აფხაზთ-ქართველთ მეფემ შეეკრა ზავით ბასილს, დაუბრუნა მას ყველა სადავო მხარეები და მძევლად მისცა სამი წლის ვადით ძე თვისი ბაგრატი, რომელიც წაყვანილ იქნა კონსტანტინეპოლს. ამ ვადის გასვლის შემდეგ ბაგრატი დაბრუნდა თავისს სამშობლოში. როგორც კი ბაგრატმა გამოვლო სამზღვარი იმპერიისა, მას დაეწია ამბავი, რომ ბასილი უარდაიცვალა და მის მემკვიდრეს სურდა ისევ უკან დაებრუნებინა ბაგრატი, მაგრამ, რადგანაც საზღვარი მას გამოვლილი ჰქონდა, გვიანდა იყო. მაშინ იმპერატორმა კონსტანტინე VIII გამოგზავნა აღმოსავლეთში საქურისი ნიკიტა, რომელმაც მოფერებით, საჩუქრით და დაპირებით მიიზიდა მრავალნი ივერიელნი კონსტანტინოპოლში, სადაც ისინი იმპერატორის სამსახურში შევიდნენ. იმპერატორმა უბოძა აგრეთვე კათალიკოზ მელქისედექს დიდი საჩუქრები, რომლითაც მისცა მას საშუალება შეესყიდნა სოფლები და მამულები მცხეთის ტაძრის სასარგებლოდ და სასულიერო წოდების სარჩოდ.

ორი წლის შემდეგ ბაგრატის დაბრუნებისა გიორგი გარდაიცვალა 11 აგვისტოს 1027 წ. თრიალეთში, ერთ ადგილზე, წოდებულზე მყინვარად ანუ ვლურონად და დასაფლავებული იქნა ქუთაისის ტაძარში. მას დარჩა ორი ვაჟი და ორი ქალი: ბაგრატი და დიმიტრი, გურანდუხტი და კატა. მესამე ქალი მართა მას მოუკვდა თავისს სიცოცხლეშივე.

გიორგი I-ს შემდეგ ტახტზე ავიდა ძე მისი ბაგრატი IV, რომელიც მაშინ ცხრა წლისა იყო. ამ დროს, როგორც ზევით მოვიხსენიეთ, მრავალნი ივერიელნი ბერძნების სამსახურში იყვნენ, სადაც სხვა და სხვა თანამდებობა ეჭირათ. ჯოჯიხი ¹⁾ თავადის თევდოტისძე, დოროსტელისა ანუ იმპერატო-

¹⁾ იგივე ჯოჯიკი.

რის ქონებათა და წყალობათა უფროსად იყო; ბიძაშვილები იმავე თვედოტის გიორგი და ვარაზ-ვაჩე იმპერატორს ემსახურებოდნენ. ამათგანი ვარაზ-ვაჩე დაინიშნა ედესის მმართველად. აბულონმა, ძემ მისმა ვასილმა და გრიგოლმა ბაკურანის შვილმა გამოიჩინეს თავი სამხედრო და სამოქალაქო ასპარეზზე. ამასთანავე ბერძნებს ჰყავდათ ზემო ქართლში მმართველებად მიხეილი ვესტას იანიხი, კოტოლალონი, თორნიკე, ადრობოლონი, რომელთა სახელებს ამ დროის ბიზანტიის მეისტორიენი იხსენებენ. თვით ბაგრატმა ზედი-ზედ მიიღო წოდება მაგისტროსისა, კუროპალატისა, ნობილისიმუსისა და სევასტოსისა, რომელნიც შეგვხვდება ხოლმე ეკლესიების და საეკლესიო ნივთების წარწერებში. ამ დროს ივერიის დიდებულნი არა თუ ემორჩილებოდნენ იმპერატორს, არამედ ხშირად წინააღმდეგობდნენ თვით თავისს კანონიერს მეფეს. ამით ისარგებლა იმპერატორმა და დასავლეთის ივერიაში გაგზავნა ურიცხვი ჯარი, რომელმაც ააოხრა მთელი მხარე და მივიდა თრიალეთსა და კლდე-კარის ციხემდი, რომელიც ეკუთვნოდა ლიპარატს, ზემოხსენებულის ლიპარატის შვილს. საბა მტბევარი (ტბეთის ეპისკოპოსი) შავშეთში, ეზრა ¹⁾ ანჩელი და არტანუჯის ერისთავი აბუსერი იცავდნენ თვისის მეფის უფლებას. ამ დროს ბერძნის ჯარის სარდალი, რომელიც სახთხუცესი იყო, ანაზდეულად დაიბარეს კონსტანტინეპოლში იმპერატორი კონსტანტინე VIII სიკვდილის გამო, რომელიც მოხდა 1028 წ. ამავე წელს გარდაიცვალა წმინდა ევთვიმე, მეორე წინამძღვარი ივერიის ლავრისა. საქართველოს ეკლესია დღესასწაულობს იმის ხსენებას 13 მაისს.

1032 წ. დედოფალი მარიამი წავიდა კონსტანტინოპოლს, შეარიგა თვისი შვილი ბაგრატი რომან არგირს და მას გამოსთხოვა ბაგრატისთვის კუროპალატის წოდება და აგრეთვე იმის საცოლოდ რომანის დისწული ელენე. ამბობენ, რომ

¹⁾ იგივე ეზრა.

ამ ელენეს მზითვის რიცხვში იყო ერთი ლურსმანი, რომლითაც მიმსჭვალეს ჯვარზე მცხოვარი, და აგრეთვე ახლაც გორში დასვენებული, ესრედ წოდებული ოქონის ღვთისშობლის ხატი, რომლის მფლობელობის სიმართლე გარსევანიშვილების ოჯახშია დაცული ¹⁾.

კათალიკოზი მელქისედეკი მეორედ წავიდა კონსტანტინოპოლს, მიიღო იქ დიდი წყალობა იმპერატორისაგან, გაამდიდრა მცხეთის ეკლესია ახალი შეძენილ მამულებით, და თითონ პატარა ეგვიპტური მიადგა ტაძარს სამხრეთის კედელზე. სიკვდილის წინ მან პატრიარქობა გარდასცა ოქროპირს, რომელმაც ააშენა შვენიერი საჯვარე მცხეთის ტაძრის აღმოსავლეთის მხრისაკენ და განაახლა მრავალი ეკლესიისა შენობანი მთელს ივერიაში.

ელენეს სიკვდილის შემდეგ ბაგრატმა შეირთო ოსეთის მთავრის ასული ბორენა. იმის უფლების ქვეშ იყო როგორც ზემო, აგრეთვე ქვემო ქართლი. 1036 წ. ფადლონ ბენნი-შედდადელმა უწყალოდ მოაოხრა ქართველთ ერისთავების ადგილმამული; მაშინ იმის წინააღმდეგ ლიპარატი ორბელიანი, კვირიკე დიდი, — რანისა და კახეთის მფლობელი, — სომეხთ მეფე დავით ანზაგინი და ჯათარ ტფილისის ემირი შეერთდნენ; ომი გაიმართა ეკლესს ²⁾, სადაც ძლიერ დაამარცხეს ფადლონი და მთელი მისი ბანაკი დაინარჩუნეს.

შემდეგ ამისა ლაპარატმა და იოანე აბაზაძემ, ქართლის ერისთავმა ცბუნებით მიიპატიჟეს ემირი ჯათარი და დატყვევეს ის დიდხანს, მაგრამ ბაგრატმა ბრძანა იმის განთავისუფლება. ლიპარატი თავისას არ იშლიდა და მუდამ ურჩევდა ბაგრატს ტფილისის აღებას. ისინი გარშემოადგენ ტფილისს 1038 წ.

¹⁾ გარსევანაშვილები შთამომავალნი არიან იმ გარსევან ბერძნისა, როეელიც მოჰყვა, როგორც მოძღვარი, ბაგრატის ცოლს ელენეს ბიზანტიიდან.

²⁾ აქსტაფასა და შანქორს შორის, ზემო სომხეთში. H. d. l. Géorg. 1, 218. 9 n.

ახლოხანებში. ქართველებმა დაიბანაკეს მტკვრის მარჯვენა მხარეზე და კახელებმა კვირიკეს მემკვიდრით, გაგიკითხსანში¹⁾ მტკვრის მარცხენა მხარეს. ალყა გაგრძელდა ორ წელს. ქალაქში გაჩნდა შიმშილი. ბოლოს დიდებულთ შეგონებით, რომელთაც არ სურდათ ლიპარატის დაწყებულ საქმის წარმატება, და შიშობდნენ, რომ იმის ძლიერება უფრო არ გადიდებულიყო, მეფე გაურიგდა ემირს და დაუტევა მას ტფილისი. იმავე დროს ბაგრატი საიდუმლოდ მოელაპარაკა ზოგიერთ კახელებს და დაეცა კახეთს; გაიმარჯვა რა მიქელ-გაბრიელის მთასთან, მან მოაოხრა ეს მხარე, დააქცია ბოდბეის სასახლე და დაიპყრა ყველა ციხეები.

შემდეგ იმპერატორის რომან არგირის მოწამლისა 1034 წ. ბაგრატი შესწყვიტა კავშირი საბერძნეთთან და დაიპყრა ყველა ის მხარეები ჩრდილოეთ სამხრეთისა, რომელნიც წარსულ წლებში თვითონვე დაუთმო. ამის გამო 1038 წ. გამოგზავნილ იქმნა ბერძნის ჯარი ზემო ქართლში მისაშველებლად იასიტისა, რომელიც აქ იმ დროს იმპერატორის სარდლად იყო, მაგრამ ამ გალაშქრებამ აფხაზთ წინააღმდეგ ამაოდ ჩაიარა.

კახეთის დაპყრობის შემდეგ ბაგრატი აღშფოთებული იყო შინაურის აჯანყებისაგამო. ძმა მისი, მამით ერთი — ხოლო სხვა დედისაგან ნაშობი, დემეტრე საბერძნეთიდან ჯარით მოვიდა და ლიპარიტ და სხვათა დიდებულთა შემწეობით შემოადგა ატენის-ციხეს, აშენებულს ბაგრატ III დროს დიდებულის მირონის მიერ, რომელმაც ააგო აგრეთვე ამ ციხის მახლობლად მდებარე ვერის მონასტერი. მეციხოვნეები დიახ მედგრად იცავდნენ თავს, დემეტრე იძულებული შეიქნა უკან დაეხია, ხოლო ბაგრატი წავიდა ჯავახეთს, სადაც ერისთავებმა ფარსმან თმოგველმა და ბეშკენ²⁾ ჯაყელმა თუხარისელმა მას უღალატეს. ლიპარიტი შეურიგდა ბაგრატს და ქართლის ერისთავად შეიქნა.

¹⁾ ავლაბარში.

²⁾ იგივე ბეშკენ

1040 წ. ქ. ანი დაემორჩილა ბაგრატს. შემდეგ უკანასკნელ სომხის მეფის გარდაცვალებისა საბერძნეთის იმპერატორმა ცბიერებით მიიპატიჟა კონსტანტინეპოლში მემკვიდრე მისი გაგიკ II და აიძულა, აესრულებინა მამის განკარგულება შესახებ იმის მემკვიდრეობისა. მაგრამ ანელები დაიყვენ ორ მხარედ: ერთი მომხრე იყო ბერძნებისა, ხოლო მეორე წინააღმდეგი. ვინაიდან მეფე ბაგრატი დედით სომხის მეფის შთამომავალი იყო, ანის მცხოვრებელთა სთხოვეს მას ქალაქს დაფლობა. არ ვიცით, როდენად ასრულდა ეს, ვიცით მხოლოდ, რომ 1045 წ. ანი ეკავა ბერძნებს. ბაგრატი ჯარით იდგა ანაკოფიის ციხის ასაღებად, როდესაც მას მოახსენეს გარდაცვალება ემირის ჯათარისა და სთხოვეს ტფილისის დაპყრობა. ბაგრატმა დატევა იმერეთის და გურიის ჯარი ანაკოფიას და თითონ გაეშურა ქართლში; შევიდა ქ. ტფილისში, სადაც ხალხი გამხიარებული ამ შემთხვევით, თავიანთ ჩვეულებისამებრ, ქუჩებში აფრქვევდა მას თავზე ოქროსა და ვერცხლს. მან დააყენა ციხის მცველები ცხელ-ციხინის და თაბორის გასავალ კოშკებში და ზოგი ძალმომრეობით, ზოგი მოტყუებით მიიმხრო თავისაკენ კახელები, რომელთაც ისანი ექირათ. ეს მოხდა 1042 წ.

შემდეგ ამისა ლიპარიტმა წაართვა დედოფალს ქ. ანი და დაატყვევა აბუსერი, ერისთავი არტანუჯისა, მფლობელი ხიტანისა ¹⁾, ციხის-ჯვარისა და აწყვერის ციხეებისა; მოიტაცა აგრეთვე ივანე დადიანი, მეფის მსაჯული და გურამ გოდერძის ძე, ბეჭის—ციხის მფლობელი. ბაგრატი მოვიდა ჯავახეთს და, შემოიერთა რა საშველი ჯარი აწყვერის ეპისკოპოსისაგან, რომელიც შემდეგში ლიპარატს მიეკერძა, ზამთარში შავშეთიდან ქართლს გარდავიდა. ლიპარატი გარს შემოერტყა დაბა ფონონს, ჯავახეთში, და საბერძნეთიდან ხელ-მეორედ დაიბარა ბატონიშვილი დემეტრე. ქართლი ორ ბანაკად გაიყო. ლიპარი-

¹⁾ ვახუშტით ხიხასი.

ტის შვილი იოანე, რომელიც ბაგრატს მძევლად ჰყავდა, გასცვალეს აბუსერში, რომელიც დატყვევებული ჰყავდა ლიპარიტს. როგორც კახეთის მეფე, აგრეთვე სომხის მეფე, დავითი ლიპარიტის მომხრენი იყვნენ; როდესაც ბაგრატს დასახმარებლად 300 ვარანგნი¹⁾ მოუვიდნენ, მან შეებრძოლა მტერს სასირეთის ჭალაზე, სადაც ძლიერ დამარცხდა. დემეტრეს სიკვდილის²⁾ შემდეგ, დაახლოებით 1048 წ., ბაგრატი ცდილობდა შერიგებოდა ლიპარატს, მაგრამ ამ დაუცხრომელმა მისმა მტერმა უარ-ჰყო ზავზე მოლაპარაკება. მიზეზი იმათ შორის მტრობისა და შურისძიებისა იყო ის შეურაცხყოფა და გაუპატიურება, რომელიც ბაგრატმა ლიპარატის ცოლს შეამთხვია. თავის მხრით ლიპარიტიც გაკადნიერდა და შური უგო მით, რომ ძალ-დატანებით შეურაცხყოფა მიაყენა მეფის დედას, ბოლოს ბერძნების იმპერატორის შუამდგომლობით ლიპარიტი დათანხმდა და აღიარა უზენაესი უფლება ბაგრატისა იმ პირობით, რომ, გარდა სხვა მისის სამფლობელოისა, სამცხეც მას დარჩენოდა თავის სიცოცხლეში, აფხაზეთის მეფის დაუმოკიდებლად.

შემდეგ რაოდენიმე ხანისა კალმახის ერისთავი სულა და გრიგოლ არტანუჯელი გაელაშკრენ ლიპარიტის წინააღმდეგ. მეფეც შეუერთდა მათ რკინის-ჯვარის გზით. ლიპარიტი თავისის ჯარით და კახელების, ბერძნების და სომხების დახმარებით წინ დაუხვდა მათ. თუმცა სულა დამარცხდა, მაგრამ კალმახის-ციხე მას ვერ წაართვეს, აბუსერმა კი უბრძანა თავისს შვილს გრიგოლს, არტანუჯი გარდაეცა ლიპარიტისათვის. ამის შემდეგ ლიპარიტი უფრო გაძლიერდა, წავიდა დოვინში სალაშქროდ იქაურის ემირის აბულსევერის წინააღმდეგ და იქედამ უკანვე დაბრუნდა შინ.

1) ვახუშტით 3000 ვარანგი. ეს ვარანგნი, ანუ ვარიაგები მსოფლიო ისტორიისა ნორმანები იყვნენ, რომელთაც ევროპაში რაოდენიმე სახელმწიფო დააფუძნეს.

2) დემეტრე სასირეთის ომში მოჰკლეს.

ერთის წლის შემდეგ სელჯუკის თურქნი შემოესიენ ბასიანის მხარეს. ბერძნება. მიაშველეს იქ ჯარი, და ლიპარიტიც მივიდა დასახმარებლად 28 ათასი მხედრობით. 18 სექტემბერს 1048 წ. საოცარი ომი ასტყდა კოპეტრას ციხის მახლობლად, სადაც დამარცხდა ყველაზე უფრო ის რაზმი, რომელშიაც ივერიელნი ერიენ. ბერძნები უკმაყოფილონი იყვენ მით, რომ ლიპარიტმა დაიგვიანა მოსვლა დანიშნულ ადგილზედ მათთან შესაერთებლად; და ამასთანაც მისი გამოჩენილი ძლევამოსილება შეშურდათ და აღარ მიეშველენ მას, როდესაც ის ცხენზე გარდმოვარდნილი და მტრებით გარშემორტყმული დაატყვევეს თურქებმა და ხორასანს წაიყვანეს. ბერძნებმა მეორედღეს უკან დაიხიეს ქ. ვანისაკენ. მაშინ ივანე და ნიანია ლიპარიტის შვილები დამორჩილდენ ბაგრატს, რომელმაც უფლის-ციხე დაიფლო. შემდეგ ამისა თურქნი დაეცენ განძას და კიდევ აიღებდენ მას, თუ ბაგრატი ბერძნებითურთ არ მიშველებოდა და თავისი მისვლით არ აეძულებინა ისინი ხელი აელოთ ამ განზრახვაზე. ცოტა ხანს უკან ბერძნის იმპერატორმა თურქის სულტანის ტყვეობიდან გამოისყიდა ლიპარიტიც, რომელი დარჩა ქ. ანში და შემოიკრიბა ადრინდელი თავისი ძალონე და შემდეგ კონსტანტინეპოლს წავიდა. ბაგრატმა, რომელმაც მეორედ დაიფლო ტფილისი, ველარ შესძლო წინააღმდეგობა ლიპარიტისა, და, დასტევა რა ძე თვისი გიორგი ქუთაისს, თითონ დედითურთ წავიდა კოლხილით და ტრაპიზონით კონსტანტინოპოლის იმპერატორთან. იქ მას დახვდა 1060 წ. გიორგი მთაწმინდელი, რომელიც 1051-დამ 1095 წლამდე იყო მცხეთე წინამძღვრად ივერიის ათონის მონასტრისა.

ბაგრატის კონსტანტინეპოლში ყოფნის დროს ლიპარატი შეთანხმდა დედოფალთან და დიდებულებთან, აკურთხებინა მეფედ რუისის გკლესიაში მეფის ძე გიორგი და იმის სახელით დაიწყო სახელმწიფოს მართვა. მაგრამ გურანდუხტმა, ბაგრა-

ტის დამ¹⁾ გამოსთხოვა იმპერატორს იმისი დაბრუნება 1053 წ. მაშინ მესხეთის დიდებულთ უმთავრესმა ნაწილმა, თავმო-ბეზრებულმა ლიპარიტის თვით ნებობითი ქცევით, შეიპყრა იგი და შვილი მისი იოანე. მეორე მისმა შეწომა ნიანიამ გაქცევა მოასწრო და მიადგა კლდე-კარს, მაგრამ შეცინოვნებმა ის არ შეუშვეს და ამისაგამო ქ. ანში წავიდა. კალმახის ერის-თავმა სულამ ისარგებლო ამ შემთხვევით და წაართვა ლიპა-რიტს ციხეები არტანუჯი, ყველი, უჯლის-ციხე და ბირთვისი, ხოლო კლდე-კარი, რომელსაცა ლიპარიტის მდივანი ანომარტი იცავდა, არ დამორჩილდა, სანამ მეფემ არ აღუთქვა იმის მფლობელს შვილითურთ სიცოცხლის პატივება.

ამის შემდეგ ლიპარიტი შედგა ბერად ანტონის სახელით, ნამდვილად კი არ ვიცით რომელ წელში. როდესაც ლიპა-რიტმა დასტევა საერო უფლება, ბაგრატი უბოძა მის შვილს იოანეს მისივე არგვეთის და ქართლის სამფლობელო. ლიპა-რიტი გარდაიცვალა 1064 და დაიმარხა კაცხის²⁾ მონასტერში, ყველა მისი შვილები გარდაიცვალენ საბერძნეთში.

1062 წ. ბაგრატი მოსპო ძმათ აბაზაძეთ აჯანყება.

1064 წ. სულთან აბასლანი შემოესია ივერიას ურიცხვის ჯარით, და მოაოხრა ამა მხარისა სამხრეთი და დასავლეთი. მისმა მხედრობამ კინალამ დაიჭირა ბაგრატი თავის დედით, დით და ძით, გიორგით. მაგრამ ბაგრატი მოასწრო და გარდაიხვეწა ქართლს. აბასლანმა მოსთხოვა მას ცოლად ასული იმის დის, გურანდუხტისა, რომელიც ჰყავდა ცოლად სემბატს, ლორის მფლობელის კვირიკის ძმას. ბაგრატი დათანხმდა ამ მოთხოვნილებაზე, მაგრამ მამამ უარი განუცხადა. ბაგრატი ძალით წაართვა მას ეს ქალი, ჩამოართვა მას ციხე სამშვილდე და ამიერიდან აღარ აძლევდა სომხის ერისთავებს ნებას, რომ მათ ჰქონოდათ ზოგიერთი ციხეები სომხეთში³⁾.

¹⁾ დ. ბაქრაძე თავის მონაგრაფიაში „ბაგრატი IV“ გურანდუხტს ბაგრატის მამილად უჩვენებს.

²⁾ ზემო-იმერეთში.

³⁾ ქართველთ სომხეთში ანუ გუგარკში.

იმპერატორიკა თეოდორამ გამოსთხოვა ბაგრატს ასული მართა მეუღლედ თავის ძისათვის, სანამ ბატონის ასული მართა კონსტანტინეზოლს მივიდოდა, თეოდორა გარდაიცვალა 10 აგვისტოს 1042 წ. ამის გამო ეს ქორწინება აღარ მოხდა. გიორგი მთაწმინდელმა კი, რომელიც ამ ჟამად საბერძნეთის სატახტო ქალაქში ახლდა მარიამ დედოფალს, წინასწარ აღიარა მომავალი ბედი მართას. მართლაც, იმპერატორის კონსტანტინეს ძემ მიხაილ დუკამ დაიწერა იმაზე ჯვარი 1065 წ. ეს მართა ცნობილია ბიზანტიის ისტორიაში ალანელ მარიამად. შემდეგ ამისა დედოფალი მარიამი, დედა ბაგრატი-სა, წავიდა წმინდათა ადგილთა მოსალოცავად. — სულთანი მიუხედავად იმისა, რომ ნათესავი იყო ბაგრატიისა, ხშირად თავს ესხმოდა კახეთს და ჰერეთს, რომელნიც მამ მოაოხრა. ამის შემხედავემა კახეთის მთაფრის გაგიკის ძემ, აღსართანმა მიიღო მუსულმანთ სჯული და გადასცა ყველა თავისი ციხეები და დაემორჩილა მათ. თურქები იმის და ლორის მფლობელის შემწეობით ზედ დაეცენ ჩრდილოეთით ქართლს 1068 წ. და დაიპყრეს ის ერთი დღის განმავლობაში. აქედამ ისინი გაემგზავრენ არგვეთის მხარეს. ბაგრატიმა გაუგზავნა მათ ლიპარიტის ძე იოანე და გამოსთხოვა ზავი. სულთანი დათანხმდა ზავზე მხოლოდ მაშინ, როდესაც ბაგრატიმა აღუთქვა მას ხარაჯის მიცემა.

ამ გალაშკრების დროს სულთანმა აიღო ტფილისი და რუსთავი, რომელნიც აჩუქა განძელ ემირს ფადლონს, აწის ემირს მანუჩარის ძმას, და თითონ დაბრუნდა აღმოსავლეთისაკენ. გაზაფხულზედ ბაგრატი ჯარით შემოვიდა ქართლში. ლიპარიტის ძემ იოანემ, ქვაბულის ძემ ნიანიამ და ყველის ერისთავმა მურმანმა მოწინავე ჯარით დაეწიენ ფადლონის ჯარს მუხრანსა და წილკან შუა, ამოხოცეს და გაფანტეს მტერი, ამის შემდეგ ფადლონი იძულებულ იქნა გაქცეულიყო კახეთში. აქ ის დაიჭირა ვილაც გლეხმა, და მიგვარა ჯერ მთავარს და შემდეგ მეფე ბაგრატს, რომელმაც დაუთმო აღსარ-

თანს უჯარმის და ბოჭორმის ციხეები, მოადგა ტფილისს და თხოულთბდა იმის დამორჩილებას; წინააღმდეგ შემთხვევაში ემუქრებოდა ფადლონს ჩამოხრობას. როდესაც მან დაიფლო ტფილისი, რუსთავი, ფარცხისი და იმის მიდამო, ჩააბარა ტფილისი ვილაც სითლაბარს, ¹⁾ დმანისის ციხის უფროსს მიდამო და სამხედრო საუდიეროს აღების შემდეგ, რომელიც 44,000 ოქროს ²⁾ შეადგენდა, გაბრუნდა. სულთანის შუამდგომლობით ბაგრატი დათანხმდა ფადლონის გაშვებაზე თავის სამფლობელოში, მაგრამ ემირმა ისარგებლა ბაგრატის წასვლით და დაიპყრა სომხეთის სამხრეთი ნაწილი. ამ მუხანათობის დასასჯელად აფხაზთ მეფემ თავის სიძის, ოსეთის მეფის დურღულელის თანადანხმარებით განდევნა ის მის მიერ დაპყრობილ მხარეებში. შემდეგ გარდაცვალებისა ოქროპირ კათალიკოზისა ბაგრატმა დანიშნა მის ადგილს გიორგი ტაოსელი, ხოლო შემდეგ გიორგისა, რომელიც მალე მიიცვალა, გაბრიელ საფარელი.

უკანასკნელ წლებში თავის მეფობისა ბაგრატი აღარ უხდიდა სულტანს ხარკს, ხოლო მასთან ჰქონდა კეთილი განწყობილება და ისინი უგზავნიდნენ ერთმანეთს საჩუქრებს. 1072 წ. ბაგრატი ავად გახდა მახლობლად სამშვილდისა, სადაც მას თან ახლდნენ დედა, მეუღლე და ასული მარიამ. მან წარუდგინა მემკვიდრე თვისი ქართველთ დიდებულთ, და სთხოვა მათ აღმოეჩინათ ახალგაზდა მეფისათვის ჯეროვანი შემწეობა. ის აღესრულა 24 ნოემბერს. ამავე წელს გარდაიცვალა სულთანი ალპარსლანი.

ბაგრატი IV დროს აშენებულ ეკლესიათაგან უწარჩინებულესნი არიან, ეხლაც დაცულნი: ატენისა, ზარზმისა, ნიკორწმინდისა, კაცხისა და სამთავისისა. ამანვე მიანდო მამა პროხორეს 1038 წ. აშენება ჯვარის-მონასტრისა იერუსალიმში. ამისავე დროს გიორგი მთაწმინდელმა გაამდიდრა ქართული ლიტერატურა ბერძნულ ენისა თარგმნით, რომელიც შეიცავ-

¹⁾ ვახ. „სითარბს“, ბარ. „სათლაბარ“.

²⁾ დრაკანს.

და უმეტეს ნაწილს დაბადებისას და ახალ აღთქმისას,—აგრეთვე სხვა და სხვა კომენტარიებით და სალიტურგო თხზულებებით. გიორგი მთაწმინდელი გარდაიცვალა 24 ივნისს 1065 წ. კონსტანტინეპოლში. საქართველოს ეკლესია დღესასწაულობს მის ხსენებას 30 ივნისს ¹⁾). ჯერ კიდევ ნახევარ

¹⁾ ა. ცაგარელს მოჰყავს ვიღაც უცნობის ავტორის ხელნაწერი „ძველთა ქართველთა მთარგმნელთათვის. . . საღმრთო წერილისა“, რომელშიაც გიორგი მთაწმინდელის კონსტანტინეპოლში გარდაცვლას აჩვენებს 1066 წ. Св.о пам. гр. писем. т. I, в. 3. აქვე მოხსენებულნი არიან ქართველნი მთარგმნელები და მეცნიერნი 1) წმინდა მამა ილარიონ ქართველი იყო მთარგმნელი და † ქრ. აქეთ წ. 882, აღარნასე მეფის დროს. 2) წმ. მამა იოანე მთარგმნელი, მამა ვეთვიმისა, იყო სუმბათ მეფისა და კონსტანტინეს ჟამს, წ. 923, ქვეყნისაგან ტაოსა. 3) წმ. მამა ვეთვიმე მთარგმნელი † წ. 1028, მეფობასა ბაგრატ მეფისა, გიორგის ძისა; ამავე ჟამსა იყვნენ იოანე გრძელის ძე, არსენი ნინოწმინდელი, იოანე ხახულელი—ოქროპირი, ზაქარია მირდატის ძე ანუ შატასის ძე. 4) ამავე მეფის დროსა იყვნენ ქართველნი ესე მთარგმნელნი იოანე, პეტრიკ ყოფილი, ფილოსოფოსი, პეტრიწად *) ზედწოდებული, და სტეფანე, 1069 წ.

[*) ბ. ა. ცაგარელს დასაბუთებით გამოუკვლევია მდებარეობა პეტრიწონის მონასტერისა. „პეტრიწონის მონასტერი, ამბობს ის, უთუოდ იყო ეხლა ცნობილი ბაჩკოვის მონასტერი რუმელიაში, 30 ვერსის მანძილზე ქ. ფილიპპოპოლიდამ. ბიზანტიის მწერლებს (ანნა კომნენის) ჩვენებით ეს მონასტერი ძველადვე პეტრიწონის ღვთის მშობლის მონასტრად წოდებული, 1084 წ. დააფუძნა ორმა ძმამ ივერიელებმა, პაკურიანებმა (უეპველად ისინი თ. ჯან-ბაკურ-ორბელიანების გვარის შთამომავალნი იყვენ), რომელნიც საქართველოდამ მოსულნი იყვენ, ბიზანტიაში უმსახურნიათ და სასახლის უმაღლესის ხარისხებით—დიდის დომესტიკის და დიდის მაგისტროსის—დაჯილდოებულნი იყვენ იმპერატორის ალექსი კომნენის მიერ (1081—1118 წ.). ერთი ძმა გრიგოლი მოჰკლეს 1081 წ. ომში ბოლგარებსა და კომანებთან. ამ მონასტრის მფლობელობა თვით ეგეის ზღვამდე მიაღწევდა. ირეჩეკის მოსაზრებით პეტრიწონი და ეხლანდელი ბაჩკოვი იყვენ ის მონასტრები, რომელნიც მეჯვაროსნებმა 1189 წ. აიღეს და გაძარცვეს. ამ მონასტრის იღუმენი, რომელიც იმპერატორს ფრიდრიხ ბარბაროსსა ფილიპპოპოლში წარუდგინეს, ტომით იბერიელი იყო —

წელიწადს არ გაველო გიორგის ტახტზე ასვლიდამ, რომ ნიჰანა ქვაბულის ძე, იოანე ლიპარიტის ძე და ვარდან, სვანეთის

5) მეფის დავით აღმაშენებლის უამს წ. 1116, იყვნენ მთარგმნელები ესე ქართველნი: ეფრემ მცირე, თეოფილე, არსენი იყალთოელი და იოანე ტარიქის ძე. 6) ბაგრატ მეფის დროს იყვნენ: ბერი გრძელი, ახალი აბრჰამ, არსენი, ანტონი მნათე, ბასილი ბაგრატიის ძე; ევთვიმეს და მთაწმინდელსაც მოესწონენ ესენი. 7) კიდევ იყვნენ ამისა მეფობაში: იანე ანუ ილარიონ თჭალელი, მოძღვარი გიორგი მთაწმინდელისა, გიორგი შეყენებული, მოძღვარი გიორგისავე, გიორგი, და გიორგი ოლთისელი. 8) ამავე მეფის მოწოდებით მოვიდა გიორგი მთაწმინდელი მასთან, ქრისტესით 1059 წ., და † გიორგი მთაწმინდელი კოსტანტინეპოლში ქრისტესით 1066 წ.

ამ ბაგრატ IV დროის სამი გუჯარი გვაქვს დღემდის დაცული. პირველი არის 1040 წლის თარიღით აღნიშნული, რომელიც არის პირი და საქართველო-იმერეთის გუჯართ კრების წიგნში შეტანილი № 378 და რომელიც თითქმის სიტყვა-სიტყვით ჩართულია „ქართლის ცხ—ში“ (გვ. 221, 222). ეს გუჯარი ანუ კათალიკოზის მელქისედეკის მიერ შედგენილი სია ბიზანტიის იმპერატორების ბასილის და რომანის და სხვა პირების საჩუქრებისა—რომელნიც მათ მცხეთისთვის შეუწირინათ,—წარუდგენია ამავე კათალიკოზს დასამტკიცებლად ბაგრატიისათვის და კახთ მეფის კვირიკესათვის, რომელთაც იგი კიდევ დაუმტკიცებიათ. გუჯარი დაბეჭდილია ჩუბ. ქრისტ. გვ. 203—208. მეორე გუჯარი შეიცავს ოპიზის (ქოროზის ხეობაში, ართვინის მაზრაში) და მიჯნაძორის (სომხური სიტყვაა და ნიშნავს შიდა-ხეობას Hist. de la Géor. I t. 578 გვ.) მონასტრების სამამულო

„ex Hiberia ortum“;—იმპერატორმა დიან მოწყალებთ მიიღო იგი.—გელათის კრებულიდამ,—რომელიც ბერძნულიდამ არსენიმ და დავითმა პეტროწონელმა 1030 წ. გადათარგმნეს,—სჩანს, რომ პეტროწონის მონასტერი პაკურიანების მიერ აშენებული კი არ არის, არამედ განახლებული და განდიდებული.—განთქმული ქართველი მეცნიერი და ფილისოფოსი XI საუფ- იოანე პეტრიწი (შემოკლებულია პეტრიწონელიდამ) უეჭველად იყო ამ პეტრიწონის მონასტრის ერთი ძმათაგანი: ჩვენ გვაქვს დაცული წარწერა, რომელიც გადმოწერილია პეტრიწონის ღვთის მშობლის ოქროს ხატიდამ და რომლიდანაც სჩანს, რომ ორ ძმას ქართველებს, ბერებს ათანასეს და ოქროპირს (იოანეს), გაუკეთებიათ და შეუწირავთ ეს ხატი 1311 წ. ამ ნაირად 1030 წ. 1031 წ. ჩვენ გვაქვს უსაცილო საბუთი ქართველების ამა მონასტერში მყოფობისა. ib. გვ. XII და XIII.]

ერისთავი, კახელების შემწევობით აჯანყდენ გიორგის წინააღმდეგ. იოანემ დაიბანაკა ქსნის პირზე; ნიანიძე, ჩავიდა ქუთაისს და წარიტაცა მთელი მეფის საჭურჭლე, ხოლო ვარდანმა თა-

დავის განხილვას ბაგრატ IV მიერ. ეს სიგელი ჩვენს მეფეებს—გვარამ მამფალიდამ დაწყებული ვიდრე ბაგრატ IV-ს შვილამდე—იმ რიგზედ ჩამოთვლის, როგორც „ქართ. ცხ—შია“ მოხსენებული. „და მოიხსენეს—ამბობს სიგელი—მიჯნაძორელთა სიგელნი ერისთავთ ერისთავისა გურგენისა, მეფეთ მეფისა გურგენის, პაპისა ჩემისა ბაგრატ კუროპალატისა და მამისა ჩემისა გიორგი მეფისა“.... და „ოპიზართა მოიღეს სიგელი, დაწერილი გვარამ მამფლისა“..... და „მეფობასა ჩემსა და ძესა ჩემსა გიორგი კუროპალატსა გვილოცვიდენ“..... „დავის მოსასპობელად ჩვენ შეეკრიბეთ დარბაზსა შინა ჩვენსა მღვდელთ მოძღვარნი, ერისთავთ ერისთავები, ერისთავნი და ყველა ქვემო და ზემო ხეობის აზნაურები და მეცნიერნი საქმისა“. ქართ. ცხ—ბით“ გვარამ მამფალი, შვილი აშოტ კუროპალატისა, მეორედ აღმშენებელისა ოპიზის მონასტერისა, მოკვდა 883 წელს. ერისთავთ ერისთავი გურგენ † 968 წ., მეფეთ მეფე გურგენი † 1008 წ., შვილი მისი ბაგრატ III † 1014 წ., შვილი ამისი გიორგი † 1027 წ. გიორგის შვილი იყო ბაგრატ IV და ამ უკანასკნელის შვილი გიორგი II. მესამე სიგელი ბაგრატ IV ნოველისიმოსისა ბ. ექვ. თაყაიშვილის მოსაზრებით ნაბოძები აქვს 1058 წელს შიო-მღვიმის მონასტერს, რომელსაც ოპის შემდეგ დიდი ზარალი მისცემია. ამ სიგელში, რომლითაც ის აძლევს წყალობას ამ მონასტერს, მოხსენებულია სხვა და სხვა ხარკები და გადასახადები, რომელნიც მაშინ საქართველოში იყო დაწესებულნი. ექვ. თაყაიშვილი *Сигель груз. ц. Баграта IV, 1894 г.* ქრონიკები თ. ყორდანიასი გვ. 204, 206. ამ სიგელში, როგორც მოწამეთის ჯვრის წარწერაზე და ალავერდის ოთხ-თავში, რომელიც გადაწერილია 1059 წელში, ბაგრატ IV ნოველისიმოსად იწოდება; ხოლო კაცხის და ნიკორწმინდის მონასტრების წარწერაში ის კუროპალატად იხსენება. ატენის მონასტერში და ზოგიერთ იმ დრდის ფულზე კი მას სევასტოსად უწოდებენ *Brosset. voyag. arch. Rap. VI* გვ. 23. რამბო ამბობს: „ამ ღირსებებს კავკასიაში და სომხეთში ბიზანტიის მეფეები ისე არიგებდენ, როგორც შემდეგში პეტერბურგის სასახლე თავის ორდენებს. ღირსება კუროპალატისა ივერიის დინასტიაში მემკვიდრეობითი იყო. ის იყო საპატიო მარშალი სასახლისა, როგორც საფრანგეთში გრაფი შამპანისა, ანუ გერმანიაში გრაფი პალატინი რეინისა. კუროპალატის ღირსება ბიზანტიის იერარხიაში განსხვავებული იყო. ნამდვილ კი მაგისტერს ეკავა უპი-

ვის ღვარძლიან სვანებით ააოხრა სამეგრელო. მეფემ ძლიერებით და გონიერებით დაიმორჩილა ყველა ესენი და მიუბოძა იოანეს სამშვილდე, მის შვილს ლიპარიტს—ლოწობანი, ქ. რუსთავის ნაცვლად, რომელიც მან დაუთმო კახელებს,—ნიანიას—თმოგვი, ვარდანს—ასკალანი და ამით დაამშვიდა ისინი. იოანე მეორედაც აჯანყდა, მაგრამ დამარცხებულმა შეფიცა ხელმწიფეს, რომ მომავალში მისი ერთგული იქნება და დარჩა მფლობელად კლარჯეთის და სამშვილდის ციხეებისა.

იოანე აჯანყდა მესამეჯერაც და წაართვა მეფეს გაგიკის სიმაგრე, რომელიც მიყიდა განძელ ემირს ფადლონს. ამ დროს ივერიას შემოესია ჯარით სულთანი მელიქ-შაჰ, რომელსაც მიეგებნენ მოლაღატე იოანე და შვილი მისი ლიპარიტი და რომელმაც მოწყალედ მიიღო ისინი.

მცირე ხანს შემდეგ იოანე და ლიპარიტი გამოიპარნენ, რის გამო გარისხებული სულთანი შემოადგა სამშვილდეს, აიღო ციხე და დატყვევა იოანე თავის ცოლშვილით. შემდეგ ამისა თურქები შემოესიენ მთელს ივერიას, ააოხრეს მთელი ქვეყანა და წავიდნენ განჯას 1088 წ; სულთანმა დაიპყრა ეს ქვეყანა და, ჩააყენა რა იქ დიდი ჯარი, გავიდა ივერიიდან, მაგრამ მალე ისევ დაბრუნდა და შემოესია. გიორგიმ შეკრიბა თავის ჯარი ზემო და ქვემო ქართლიდან და კახეთიდან, და შეებრძოლა თურქებს ფარცხისს, სადაც მტერი ძლიერ დამარცხდა. ღვთის შეწევნით გიორგიმ აიღო ანაკოფია და ყველა ციხეები, რომელნიც ბერძნებს ეკავათ და დაიპყრა კლარჯეთი, შავშეთი და ჯავახეთი. ბოლოს დაიკავა ყარსი ¹⁾ და

რატესი ადგილი. ეს ლირსება ეძლეოდა მეფეს ანუ მთავარ-მმართველს. ამ ლირსებით იყვნენ დაჯილდოებულნი მაგ. აფხაზეთის მეფე გიორგი, დავით, ბაგრატ და გურგენი—ძმისწული ადარნასე იბერიელისა, ბაგრატ; ძმა იბერიის მეფეს აშოტ დავითისა. მეორე ლირსება იყო პატრიკობა... იბერიის მთავრებში პატრიკად ცნობილია აშოტ კისკასი—ძმა ადარნასე მეფისა. Alphred. Rambeaud. L'emp. Grec. au dixième siècle. 1870 r.

¹⁾ კარი. ვახ.

გამოაგდო თურქები ვანანდის, კარნიფორის ¹⁾ და ასიანას (?) სიმაგრეებიდამ.—როდესაც თათრების სარდალმა ეს შეიტყო, შეკრიბა ჯარი; ახმატმა, ერთმა იმის ემირთაგანმა, აიღო ყარსი, დაეცა მეფე გიორგის ყველის-ციხესთან, ძლიერ დაამარცხა ის, და დიდი ალაფი დაინარჩუნა. მეფე აქარით გაიქცა აფხაზეთში. თურქები ერთ ღღეს შეესიენ და ააოხრეს დასავლეთი ივერია სამეგრელოდამ დაწყებული ტაოსის მაზრის საზღვრამდი, სადაც დაჰყვეს ზაფხული და შემოდგომა.

1089 წ. ხელახლავ თურქები შემოესიენ ივერიას და მეფე გიორგი იძულებული იყო პირადად წარმდგარიყო მელიქ-შაჰს წინაშე, რომელმაც ის პატივისცემით მიიღო და უკნებელად გამოისტუმრა იმ პირობით კი, რომ მას მომავალს დროში უნდა ეხადა ხარკი. კახეთის მფლობელი აღსართანი როცა დარწმუნდა, რომ ამგვარივე აკლება მოელის იმის მხარეს, სულთანთან წავიდა და მიიღო მაჰმადის სჯული, და იმით კახეთი დაიმკვიდრა. რამდენადაც ვიცით, გიორგი გარდაიცვალა 1089 წ. ²⁾ იმავე წელში თმოგვის ციხე საშინელ მიწის ძვრისაგან ³⁾ დაინგრა.

გიორგის შემდეგ ტახტზე ავიდა ძე მისი, 16 წლისა, დავით, წოდებული ქართველთ შორის აღმაშენებლად. იმის გამეფების დროს თრიალეთის მაზრა ეჭირა ლიპარიტს, რომელიც მეფეს ეხლა ერთგულად ემსახურებოდა. ნიანიამ და სხვა დიდებულებმა იწყეს შემოკრება მეფესთან, რომელიც ჩვეულისამებრ ლიხის მთის გადაღმა მხარეში იმყოფებოდა და, თუ მოისურვებდა ხოლმე ქართლში ნადირობას, იძულებული იყო

¹⁾ კარნიფორი არზრუშია.

²⁾ ბ. ჟორდანიას თავის ქრონიკებში — და ბ. ურბნელი თავის მონაგრაფიაში „დავით აღმაშენებელი“ გიორგის მეორეს სიკვდილის წელს უჩვენებენ 1112 წ.

³⁾ „ქვეყნის რყევა“ ქ. ცხ.

მტრის შიშის გამო წინაღვე გაეგზავნა კაცები ადგილების დასათვალიერებლად.

მელიქ-შაჰ გარდაიცვალა 1092 წ. ლიპარიტი დაუბრუნდა თავის წინაპართა ჩვეულებრივ ფოთაქცევას და იწყო მეფის წინააღმდეგ ბოროტ მოქმედება, რისთვისაც მეფემ ბოლოს დაიჭირა ის და 2 წლის შეპყრობის შემდეგ, განათავისუფლა. 1096 წ. ლიპარიტი წავიდა საბერძნეთში, სადაც ის გარდაიცვალა. სამი წლის შემდეგ ფრანგებმა ¹⁾ იერუსალიმი და ანტიოქია დაიპყრეს. დავითმა მოუსპო სულთანს ხარჯის ძღვევა; დაუძღვრებულნი თურქები ველარ ბედავდენ საზამთროდ დარჩენას ავქალაში, დიღომში და მდ. ჩორის პირებზე. 1101 წ. დავითმა ზედაზენის ციხე წაართვა კახეთის მფლობელს კვირიკეს და აქასთანვე სიკვდილმა მოაშორა. მას ჯუკანანელი მისი მემამოხე ლიპარიტის შვილი, რატი, რომელიც ამ დროს გარდაიცვალა. ამ მხრით დამშვიდებულმა მეფემ კათალიკოზის იოანესი თანადასწრებით, — რომელიც გიორგი საფარელის მოადგილე იყო, — მოიწოდა ივერიელების სასულიერო წოდება საჯარო კრებაზე, რომელმაც დაადგინა მკაცრი ზომების მიღება საეკლესიო საქმის და სასულიერო წოდების წესიერად დამყარებისათვის ²⁾. ცოტა ხანს უკან თურქების ურდოები შეესიენ კახეთს, მაგრამ ძლიერ დამარცხდნენ. 1105 წ. გარდაიცვალა, აღსართანი, რომლის სიკვდილის შემდეგ კახეთი შემოუერთდა ქართლის სამეფოს და შეადგენდა ერთს განუყოფელ საქართველოს სამეფოს 363 წლის განმავლობაში. ზემოთქმულ წარმატებისათვის სადიდებელად ღვთისა მეფე დავითმა აღაშენა გაენათის ³⁾ მონასტერი ყოვლად წმიდა ღვთის მშობლის სახელზე და გაამდიდრა ის მამულებით, რომელიც ლიპარატის გვარს ჩამოა-

¹⁾ მეჯვაროსნებმა.

²⁾ ამ ძეგლის დებაზე ნახე მონოგრაფია ბ. ურბნელისა, აგრეთვე მისი სიგე „დავით აღმაშენებელი“ მოამბე. 1894 წ.

³⁾ ესე წოდებულ გელათის.

რთვა. გელათის აშენების დროს მეფე კედლის მაღლობიდან გადმოვარდა და მძიმე ავთმყოფი შეიქნა. ამ სნეულობის დროს ის მხოლოდ ბანაობით განიკურნა ირმის რძეში, რომელიც ვილაც აბუანდაძის ოჯახიდან მოჰქონდათ. დავითმა ააშენა აგრეთვე თავშესაფარი¹⁾. სნეულთა და გლახაკთათვის, რომელიც მოწყობილი იყო ყველაფრით, რაც კი საჭირო იყო მათ ჯეროვან მოსავლელად. თვითონ დიდ ბუნებოვანი მეფე უვლიდა მათ, ხან სუფრაზე მსახურებდა და ხან იარებსაც უწმენდა.

აქამომდე ტფილისს, რუსთავს, სომხეთს და სამშვილდეს თურქნი ფლობდნენ, მაგრამ თევდორემ, ჭყონდიდელის დის წულმა, აბულელმა და იოანე ორბელიანმა მოასწრეს სამშვილდის დაჭერა²⁾ 1110 წ.; თურქნი გავიდნენ სომხეთიდან და დაიზამთრეს თბილ მინდვრებში ივრის პირად. იმავე წელს გააქციეს თურქები მოსლათიდან, რომელსაც ისინი საშინელ მძვინვარებით დაეცენ. რუსთავი აიღო 1115 წ. ჭყონდიდელმა გიორგიმ. შემდეგ წელში მტერი, რომელიც თავს დაესხა ტაოს მაზრას, დიდის ზარალით უკუქცეული და დევნილი იქნა ბასიანის და კარნიფორის მაზრამდე. დავითმა მიათხოვა პირველი თვისი ასული კატა ბატონიშვილს ალექსის, ნიკიფორე ბრიენის IV ძეს და ანნა კომნენის შვილს, და მეორე ასული თამარი — ახისთანს შირვანშაჰს.

1117 წ. აფხაზთა და ქართლის მეფემ დაიპყრა ციხე გიში, კახეთის და ივერიის მიჯნაზე, და გაგზავნა იქ ძე თვისი დიმიტრი, რომელმაც საოცარი სიმამაცე გამოიჩინა, და იმის შემდეგ ციხე ქალაძორი დაიჭირა; მანვე დაამარცხა ხლათის ემირის სეკმანის ჯარი. შემდეგ წლის გაზაფხულზე თურქნი შემოესივნენ ჯავახეთს და ბეჟეენ ჯაყელი მოჰკლეს, დავითი გამოუდგა მათ და არაქსის ნაპირზე მოსპო მტრების გუნდი. მან დაიფლო ლორის და აგარაკის ციხეები. ამ ხნის განმავლობაში

¹⁾ ქსენონი.

²⁾ „სიმარჯვით მოიპარეს“ ვახუშთ.

სულტანი ტაფარი გარდაიცვალა, იმის მემკვიდრედ მისი შვილი მახმუდი დარჩა.

ამ წარმატებით გამხნეებულმა დავითმა გარდაწყვიტა დიდ ძალი რიცხვი ყიფჩაყების ჯარებისა დაექირავნა. მან წინეთ ამისა შეირთო გურანდუხტი, ასული ათრაკისა, შარაგანის შვილისა, რომელიც ერთი იმათ წინამძღოლთაგანი იყო. მან წინაღვე იცოდა, რომ ეს ურიცხვი და მორჩილი ხალხი იმის წინადადებზე უარს არ იტყოდა. მართლაც, მან დაიჭირა როგორც ყიფჩაყების გასავალად დარიალანის კარი, აგრეთვე ყველა კავკასიის გასავალი კარები, და მრავალის დაპირებით მან შემოიყვანა ქართლში საშველი ჯარი, რომელიც შესდგებოდა 40,000 ყიფჩაყთაგან, 500 დარჩეულ ოსთაგან და იმათი შემწეობით დაიწყო გალაშქრება შირვანზე და სომხეთზე.

1120 წ. დავითმა დაიჭირა ყაბალა, ახლანდელი შემახნა და აგრეთვე უფროსი ნაწილი შირვანის მხარისა, შემდეგ დაამარცხა თურქნი ბასიანში და საზამთროდ აფხაზეთში წავიდა. ეს რომ შეიტყვეს თურქებმა, დაეცენ ქართლს 20,000 ჯარით. მეფემ ლიხის მთაზე დიდ თოვლში ძლივს გაკაფა გზა და ანაზდეულად დაეცა მტერს და უკანასკნელ კაცამდი აღმოხოცა. გაზაფხულს ის მივიდა ქ. ბარდამდი და შეკრიბა არანში მდიდარი დავლა.

1121 წლიდამ დაწყებული მაჰმადიანები უჩიოდენ დავითს და ევედრობენ სულჯუჯის სულთანს დახმარებას. მათ შეკრიბეს თავისი ძალა ორტოკის ემირის ელხაზის ¹⁾ წინამძღოლობით და შემოვიდენ 18 აგვისტოს თრიალეთში. უში-

¹⁾ მართლწერა მუსულმანების საკუთარი სახელებისა ორიენტალისტების მიერ ჯერ კიდევ არ არის წესიერად დადგენილი. ავტორი სელჯუკების სარდალს ელგაზად უწოდებს, ხოლო უმეტესი ნაწილი მეისტორიებისა ილგადხანელუზად იმის სახელს სწერენ და იხსენიებენ მას არდუზის ემირად. ვებერი ილგაზს უჩვენებს იერუსალიმის ემირის ორტოკის შვილად, რომელიც შთამამავლობით თურქმენთა მთავარი იყო. В. Ист. т. 6 стр. 453.

შარი მეფე თავს დაეცა მათ 56 ათასი მხედრებით, დაამარცხა ისინი პირველ შეტაკებაშივე და აუარებული დავლა დაინარჩუნა. 30 ითასი მტერი დაატყვევეს, ომის ველი სრულიად დაფარული იყო მკვდრებით. ორი წლის ალყის შემდეგ დავითი მივიდა იერიშით 1122 წ. ტფილისზე, რომელიც თითქმის 400 წელიწადი მუსულმანთ ხელში იყო და რომელსაც მართვიდენ ამ დროს ზემოხსენებულის ჯაფარის ჩამომავალნი. დავითმა დანიშნა ტფილისი თავისის შვილების სამყოფელ ქალაქად და საჭურჭლოთ შესანახავად. რასაკვირველია, ტფილისის აღების დროს დიდი რიცხვი მაჰმადიანთა დაიხოცა, მაგრამ ქალაქის აღების შემდეგ, მეფემ დაამშვიდა მკვიდრნი დაპირებით, რომ მათი რჯული წესისამებრ პატივის დებაში იქნება; ხოლო ფული მოჭრილი იქნება ღვთისა და ხალიფის სახელით. ამ ამბავს ამტკიცებს მემსტორიე ელ-აინი, რომელიც დასძენს, რომ აღთქმული სიტყვა მეფემ კიდევ ასრულაო; ახლაც არის მეფეს დიმიტრის დროის მოჭრილი ფული ხალიფის ელ-მოკმაფის სახელით.

შემდეგ წელში თავრიზის სულთანმა დაატყვევა შირვანშა, შემოესია ივერიას ურიცხვი ჯარით და გამოიწვია დავითი ომში შამახიის ახლო, მაგრამ როდესაც შეიტყო, რომ მას ახლავს 56 ათასი მხედარი, სულთანმა გაბრუნება არჩია. მეფე შირვანს წავიდა, აიღო ქალაქი გულისტანი, შაქი და შამქორი, აიკლო ეს მხარე და დაბრუნდა ქართლში.

მარტში 1124 წ. დავითმა დაიპყრა დმანისი, იმავე წლის აპრილში — დაღესტანის ციხე შაბურანი, შემდეგ — მთელი ჩრდილოეთი სომხეთისა და ტაოს მაზრა, სვანეთი და რაჭა.

დავითს უყვარდა სომხები და იმათ აუშენა შიდა-ქართლში ქალაქი გორი, სადაც აქამომდე მკვიდრთა უფროსს ნაწილს სომხები შეადგენენ. აქ მის წინაშე წარდგნენ ელჩნი და სთხოვეს მას ქალაქის ანის აღება, რომელიც მაშინ ბენნი-შედადის ემირის აბულსევარ II უფლების ქვეშ იმყოფებოდა. იქაურნი მკვიდრნი შეწუხებულნი იყვნენ იმითაც, რომ ემირს

სურდა თურმე ქ. ანი ყარსის ემირისათვის მიეყიდნა, და აგრეთვე იმითაც, რომ—ანის ტაძრის თავზე, რომელიც მიზგითად გარდაექცია ემირს, დაედგა ვეებერთელა მთვარე¹). ამ წინადადების—მიღების შესამე დღეს მეფე გაჩნდა ანის ქალაქთან 60 ათასი ჯარით, იარაღით აღმოხოცა სპარსელები და ქალაქის დაპყრობის შემდეგ, დაატყვევა და წაიყვანა აფხაზეთში ემირი თავის შვილებით. ისინი აქედამ არაოდეს შინ აღარ დაბრუნებულან და შეიქნენ წინა პარნი შერვაშიძის გვარისა. მეფე დავითმა მიანდო ანის მოურაობა ორბელიანებს, დიდებულთა აბულერს და იმის შვილს იოანეს და თითონკი ქართლით წავიდა ისევ შირვანს. რა დაიპყრა და აიკლო შამახია, ჩააბარა ეს მხარე სიმონ ჭყონდიდელს წესიერების დასამყარებლად. ამ ნაირი იყო მეფე დავითის სამხედრო მოღვაწეობა. ივერიელნი იძისაგან აღტაცებულნი იყვენ და აღიდებდენ მას კეისრად. იმ დროს მოჭრილ ფულზე იგი კეისრად იწოდებოდა. იმისობას კათალიკოზად იოანე იყო, რომლის შთამოვლობა არ ვიცით. იოანემ და არსენ იყალთოელმა, მეფის მოძღვარმა, გამოიწვიეს ერთხელ სომხები სჯულზე საბაასოდ, მაგრამ კამათობამ უქმად ჩაიარა: ხანგრძლივი ბაასისა შემდეგ ისინი ვერ შეთანხმდნენ. მაშინ მეფემ, რომელიც დაესწრო ამ კრებაზე, დაითხოვა ორივე დასი მშვიდობიანის სიტყვით.

ამბობენ, რომ მეფე დავითმა ივერიაში განათლების გასავრცელებლად გაგზავნაო საბერძნეთში 40 ყმაწვილი კაცი, რომელთაც შეისწავლეს ბერძნული ენა, ფილოსოფია, ლიტერატურა, და შემდეგში თამარის მეფობაში შეიქნენ თავის სამეშობლოს განმანათლებლები²).

1) ნიშნად მაჰმადია სჯულის გამარჯვებისა.

2) ბატონიშვილს თეიმურაზს მოჰყავს ტიმოთე მიტროპოლიტის სიტყვები, რომელშიაც დავით აღმ. მეფობის დროს გამოჩენილი მწერალთა რიცხვში ის იხსენიებს „იოანე ჭირკიმელს, პეტრიწად წოდებულს, რომელიც „გრემის შკოლაში ასწავებდა მოწაფეთა ფილოსოფიას, ღვთის მეტ-

ქველი მეფე დავით გარდაიცვალა 24 იანვარს 1125 წ. 52 წლისა იმეფა 36 წელიწადი. ივერიელებმა ის შერაცხეს წმინდათა რიცხვში და მის ხსენებას, დღესასწაულობენ 25 იანვარს ¹⁾).

ყველებას და ენას ელინურსა, ღრმად გამომეტყველი იყო და უწყობდა ენა ელინური ზედ მიწევნით, ასურული და არაბული. ესე აღიზარდა ათონისა სასწავლებელთა შინა“. დიძ. ბაქრაძით (ბაგრატ IV გვ. 56) „მთელი გუნდი დაულალავდ მუშაკობდენ და გარდმოჰქონდათ სამშობლო ენაზე ურიცხვნი განმარტებანი საღმრთო ქმნილებისანი“. ნ. ურბნელი თავის მონოგრა. „დავით აღმაშენებელი“ ჩამოთვლის დავითის დროის მწერალთა, რომელთაც საზღვარ გარეშე მიუღიათ სწავლა: 1) იოანე პეტრიწი 2) არწენი ვაჩნაძე იყალთოელი 3) იოანე ტაიჭის ძე 4) ფერემ მცირე 5) თეოფილე და სხ. ის დასძენს, რომ იმ დროს „მარტო ქართლ-კახეთში სამი აკადემია იყო“. ვარდან დიდის თქმით „ყმაწვილნი კაცნი იზრდებოდენ სასწავლებლად ბიზანტიის დედა ქალაქში, რომელიც იმ დროს იყო უპირველესი ასპარეზი მეცნიერებისა“.

1) 26 იანვარს. დავით აღმაშენებლის წვეროსანი სახე გამოხატულია გელათის ეკლესიის კედელზე. ხალხში აქამომდე დაცულია ერთი ისტორიული სიმღერა ამ დიდ ბუნებოვან მეფეზე:

როს ნაჭარმაგევს*) მეფენი შვიდნი მე პურად დამესხნეს,
თურქნი, სპარსნი და არაბნი საზღვართა გარე გამესხნეს,
თევზნი ამერთა წყალთაგან იმერთა წყალთა შთამესხნეს,
აწე ამისა მომქმედსა გულზედან ხელნი დამესხნეს.

დავითი მარხია გელათის გალავნის სამხრეთ მხარეზე პალატში, სადაც უწინ სამწირველო და ტრაპეზიც ყოფილა. საფლავზედ აქვს დიდი ქვა, რომელზედაც მსხვილი ხელით სწერია: „ესე არს განსასვენებელი ჩემი, ამას დავემკვიდრო უკუნისამდე“. ეს სიტყვები აღმაშენებელს თავის სეხნიის, მეფე დავით წინასწარმეტყველის ფსალმუნდამ ამოუღია. ბაგრატიდები თავის შთამომავლობას ამ მეფე დავითისგან იწყებდენ და თავიანთ გერბში ხატავდენ იმ შურდულს, რომლითაც მეფე დავითმა მოჰკლა გოლიათი.—ეს პალატი, სადაც ასვენია დიდი მეფე დავითი დროთა ვითარებისა გამო თითქმის ინგვერევა და, როგორც ისმოდა ამ ბოლო დროს, უპატიურად იყო და თივას ყრიდენ შიგ... ყ-დ უსამღვდელოესმა იმერეთის ეპისკოპოზმა გაბრი-

*) ეხლმდელი კარალეთი, გორის ახლოს.

1128 წ. დიმიტრიმ დაიპყრა ღმანისის ციხე და ხუნანი. დაახლოებით 1131 წ. ივანემ განიზრახა მეფის მოკვლა, მაგრამ ამ ბოროტების ასრულება აბუღელმა, როგორც იყო, დაუშალა. აგრეთვე დიმიტრის ძმამ, გიორგიმ შეითქვა მეფის მოსაკვლელად, რის გამო შეპყრობილ იქნა სატუსაღოში, საიდანაც ცოტა ხნის შემდეგ მეფემ განათავისუფლა იგი. იმავე წელს მეფემ დაამარცხა თურქები, რომელნიც შეკრებულყვენ გაგის ველზე წმ. სარგის-სარდლის მონასტრის ასაკლებლად, მაგრამ აბუღეთზე ჯავრი ამოიყარეს მით, რომ დაამარცხეს ის ქალაქი გერნის ახლოს და ომში დახოცილი მტერთა თავები ჩამოკიდეს მინარების მწვერვალებზე და ქალაქის კედლებზე. შემდეგ წელში მეფემ ღალატობით მოაკვლევინა მამაცი ივანე, რომელსაც დარჩა მემკვიდრედ შვილი თირქაში.

სომხის და არაბის მეისტორიენი ყველანი ერთ ხმად მოგვითხრობენ, რომ 1139 წ. ქალაქი განჯა მიწის ძვრამ დაქცია. ვითომც მეფე დიმიტრის ამით ესარგებლოს, ჯარით შე-

ელმა მიაქცია ყურადღება ამ პალატის გაუმჯობესობაზე და იმის კურთხევით დეკანოზი დ. ღამბაშიძე და ზოგიერთი სხვა პირები შეუდგენ საჯაროდ ფულის შეგროვებას დიდებულ მეფის საფლავზე შესაფერი საჯვარის ასაგებად, — რისთვისაც ყველა ქართველისაგან მადლობას დაიმსახურებენ. როგორც ვიცით, ფულიც საკმაოდ შემოიწირა და საჯვარის აგებას უკვე შეუდგენ.

მეფე დავით აღმაშენებლის დროიდან ჩვენ დაგვრჩა ორი გუჯარი. პირველი შეიცავს იმის ანდერძს, რომლითაც ის უტევებს თავის შვილს დიმიტრის „მეფობას, მამულს და მოგებულს ღვაწლითა ჩემითა და თქვენითა (დიდებულთა და წარჩინებულთა) ნიკოფსიიდან და რუბანდამდი, ზღვამდე და სხ.“. საქართელ. სამოთხე—512—50. მეორე გუჯარიც შეიცავს ანდერძს, რომლითაც მეფე დავითი აღმ. თავის მოძღვრის ბერის იოანეს და ბერის არსენის რჩევითა შიომღვიმის მონასტერს სწირავს სხვა და სხვა შეწირულებას, და რომლითაც დადგენილია რაოდენიმე წესწყობილება შესახებ მონასტრისა ძმათა წმ. სიმეონის წესდებულობისა თანახმად. Гр. перк. гуд. Д. Пурц. გვ. 94 და 95.

სულ იყო და აეღოს ეს ქალაქი და აფხაზეთში თან წაეღოს განჯის რკინის კარები, რომელნიც ვითომ შეუწირავს გელათის მონასტრისათვის, სადაც ცალი კარი ახლაც დაცულია. ამ კარზე არაბული ზედ წარწერაა ჰიჯირის 455 წ. ¹⁾, 1063 წ. ქრ. შობ. შემდ., რომლიდგანაც სჩანს, რომ ეს კარი აუგია ემირ შავირს ანუ აბულსევერ I, ხოლო კარის ქვემოთ ძლიერ ძველი ქართული წარწერაა, რომელიც გვამცნევს, რომ თავისს მეფობის მე-13 წ. დიმიტრიმ შემდეგ არანის აოხრებისა თან წამოიღო აქ მოხსენებული კარი. მეფე დიმიტრის დროიდან დარჩენილია შესანიშნავი ნაშთი სოფ. უბეში ²⁾, იმერეთში; ეს არის კოშკი, რომელიც აგებული იყო ერთ მესვეტისათვის, მარმარილოს ფიცრის ქვით, რომელზედაც ქართული ზედ წარწერა ამოჭრილია და უჩვენებს, 535 ჰიჯირისა, 361 პასხალინისა, 1141 წ. ქრ. შ. შ. დიმიტრიმ იმეფა 30 წელი და შემდეგ მონაზნობა მიიღო, ტახტზედ ხელი აიღო და მონასტერში შევიდაო; ალბად ის იძულებული შეიქნა ასე მოქცეულიყო ცუდი ყოფაქცევისა გამო თავის შვილისა დავითისა, რომელიც იმის მემკვიდრედ შეიქნა 1155 წ.

დავით III-მ ცოტა ხანს იმეფა, ზოგი ამბობს—2 თვეო, ზოგი—6 თვეო და ზოგი—2 წელიწადიო. დიმიტრი 1195 წ. გარდაიცვალა. დავითის შემდეგ სამეფო ტახტი დარჩა მცირე წლოვან იმის შვილს დემნას ე. ი. დიმიტრის, ხოლო სამეფო საქმეებს განაგებდა დავითის ძმა, გიორგი, რომელსაც მინდობილი ჰქონდა რეგენტობა იმ პირობით, რომ დემნა, როგორც კი სრულ წლოვანი შეიქნებოდა, ბიძას დაეჯინა დახტზე. ამას მოგვითხრობს მეთრონიე სტეფანოზ ორბელიანი. ქართველები კი წინააღმდეგ ამისა ამბობენ, რომ მეფე გიორგი III ავიდა

¹⁾ ჰიჯირი ჰქვიან მაჰმადის ლტოლვას მექიდან მედინაში, რომელიც 622 წ. ქრ. შობ. შ. მოხდა. მაჰმადიანების წელთ აღრიცხვა ამ ჰიჯირადამ მომდინარეობს.

²⁾ უბისა შორაპნის მაზრაში მდ. ძირულაზე ძვეს.

ტახტზე საზოგადო სამეფო წესდების ძალით, ვითარცა სამეფო გვარის უფროსი. იმან შეერთო ცოლად ბურღუხანი, ოსეთის მფლობელის კუდდენის ასული. პირველად მან გაილაშქრა შაჰნარმენის სეკმანის წინააღმდეგ, რომელსაც წაართვა მთელი აშორნის მხარე; მდ. არაკის სათავეში მღებარე.

ოქილამ წავიდა სომხეთში, დაამარცხა შაჰნარმენი, დაიპყრა სომხეთის სამეფოს აღრინდელი დედა ქალაქი და ივერია ნადავლით გაამდიდრა. 1161 წ. ქ. ანი აჯანყდა შეგონებით ვინმე შახო-შაჰის შედალიან¹⁾, რომელიც იყო წვევრი ბენნი-შადდელის ოჯახისა, და დაემორჩილა სხვა ემირს. როცა ვიორგიმ შეიტყო ეს, გაილაშქრა; სამი ღლის ომის შემდეგ განდევნა მემამოხენი და დაიპყრა ანის ქალაქი, რომლის მოურავად მან დანიშნა დიდებულნი სათუკი და მანდატურთ უხუცესი ივანე ორბელიანი. იმ დროს მოუდევზდის, მუსულმანების ათაბეგის ელჩი და სირიის პატრიარქი მივიდენ მეფესთან მოსალაპარაკებლად ტყვედ წაყვანილ მუსულმანების დახსნის თაობაზე. შემდეგ მეფემ ანილამ გარდაიყვანა სათუკი და იოანე და ამ ქალაქის მოურაობა ჩააბარა სპასალარს სარგის მხარგმელიძეს, ხოსროს შვილი-შვილს, რომლის გვარი, როგორც ამბობენ, მომდინარეობდა სპარსეთის მეფის არტაქსეს დოლიმანის შთამამავლობიდან. ორტოკის ემირმა, სუკმან შახიარმუნმა შეიტყო რა ეს ამბავი, შეკრიბა ყველა ურდონი სპარსელებისა დიარბეკირის და კაპადოკიის თურქებისა, და გიორგის მიერ ანის აღებილამ 50 ღლის შემდეგ მიადგა ამ ქალაქის ასაღებად. მეფე სწრაფად გარდავიდა შირაქის მხარეში ნაქარმაგევიდამ, ეხლანდელ კარალეთილამ, ქ. გორის ახლოს, მას ახლდენ პირველი მისი უფირი ივანე და სუმბატ ორბელიანები. მეფემ დააწყო რაზმები საომრად და ომი ატყდა, თვით მეფე ვითარცა ერთი მეომართაგანი ეკვეთა მტრის რაზმს და თავისი ისრით მოჰკლა თურქების მედროზე. მისი მეჯინი-

¹⁾ ვახუშტით შანშე დალიანი.

ბეთ — უხუცესმა ლიპარატმა, სუმბატის შვილმა, აბულეთმა, სურატის ბეგმა ¹⁾ და სხ. მიბაძეს მას და შემუსრეს მტერი, რომლის ბანაკი მთლად ივერიელებს დარჩათ. შემდეგ ამისა გიორგი დაეცა ქ. დოვინს, საიდანაც მან მრავალი ტყვე წამოასხა და უბძანა ყორანის აღმსარებელთ ივერიაში წამოღება იმ ივერიელთ თავებისა, რომელნიც იქ დაიხოცენ დიმიტრის მეფობაში. ამ დამარცხების მაგიერის გარდასახდელად თურქები შეესიენ სომხეთს, აიღეს და დააქციეს გაგის ციხე. როგორც კი მეფე მივიდა იქ ჯარით, რომლის წინამძღოლი იოანე ორბელიანი იყო, სულთანმა ათაბეგ ილდიგუზით უკან უომრად დაიხია მდ. ელკეცის გაღმა, რომელსაც ახლა თოფუს-სუ ჰქვია.

დაახლოვებით 1163 წ. ათაბეგი გელაქუნის, ეხლანდელ გოგჩის მაზრით მიადგა ხელახლავ ქ. ანს, — რომელსაც იცავდა მაშინ მამაცი მფლობელი თორელი, — და 30 დღე უქმად იდგა ქალაქს გარშემო. ამ დროს გიორგი ნადირობდა ლორეს და დმანისის შუა; ის წავიდა მცირე ამალით, შეება მტერს, რომლისგანაც დამარცხდა სათუკისგან გაცემისა გამო, რომელიც შეუერთდა მოსლემინებს და მაჰმადის სჯული მიიღო. რაოდენიმე ხნის შემდეგ სათუკი შეპყრობილი მოგვარეს მეფეს, რომელმაც სიკვდილით დასაჯა ის. შემდეგ წელში გიორგიმ შუამდგომლობით ილდიგუზისა და თავისის დის რუსუდანისა, რომელიც ცოლად ხორასანის სულთანს ჰყავდა, დაუბრუნა ანი ემირს ფადლონს იმ პირობით, რომ მას უნდა ეცნო უზენაესი უფლება მეფისა. ბოლოს 1165 თუ 1166 წ. ყველა ივერიის ჯარები შეესიენ ზოგი ტაოს მაზრას, ზოგი — აშარნისას, — არზრუმის ახლოს, ზოგი — განჯას, ხოლო დანარჩენი — შირვანს. ყველგან გაიმარჯვეს და უკან დაბრუნდნენ მდიდარის დავლით. თუმცა ზემოხსენებულ ამბევებს ერთნაირ ხრონოლოგიურის წესით არ მოგვითხრობენ ქართველების და

1) ვასუშტით ბეშქენ სურამელი.

უცხო ტომების მეისტორიენი, მაგრამ აქ აწერილი ამბავის სინამდვილე ყოველს ეჭვს გარეშე არის.

1117 წ. მშვენიერი ეკლესია იქნა აგებული იკორთში ¹⁾ ქსნის ერისთავთ სამფლობელოში. იმის ამშენებელნი იყვენ ბეშკენი და ერისთავი ესტატე, ხოლო ხუროთ მოძღვარი და მოქანდავე—არხილოსი.

1174 წ. გიორგიმ რომელმაც დაიპყრა ქალაქი ანი, ჩააბარა ის ივანე ორბელიანს. მან თან წამოიყვანა ემირი შედლოდისა შახო-შაჰი, რომელიც შემდეგში აღარსად გაუშვია. ხოლო შემდეგ ორბელიანების ამოწყვეტისა ანი და შირაქის მახროს სამუდამოდ მიეცა დიდებულთ მხარგძელიძეებს. ამასობაში დავით III-ის შვილი, დემნა სრული წლოვანი შეიქნა. 1177 წ. გიორგის მეფობის მე-21 წელს დიდებულთ შეგონებით ბატონისშვილის აღმზდელმა ივანე ორბელიანმა განიზრახა იმის გამეფება. როგორც შეიტყო ეს გიორგიმ, სწრაფად წავიდა ტფილისს და ჯარი მოიწვია. დემნას მხარე ეჭირათ ქართლის ერისთავს, დიდებულთ ყვარყვარეს, კახოს შვილებით გამრეკელს, მემნა ჯაყელს და სხ. 30 ათასი მხედრობით. მეფეს ახლდა სპასალარი ყუბასარი ხუთიათასი კაცით და თუმცა მცირე ჯარი ჰყავდა, მაინც წავიდა, დაამარცხა მემამოხენი და აიძულა ისინი გაქცეულიყვენ ლორის ციხეში, რომელსაც ის ჯარით გარ-შემოერთვა. ამის შემხედავი სარგის მხარგძელიძე გარდაუდგა დემნას და დაემორჩილა მეფეს, დანარჩენი თუმცა ებრძოდნ მას, მაგრამ დამარცხდნ და მრავალნი მათგანი დატყვევებულნი შეიქნენ.

დემნამ და ივანემ სთხოვეს სპარსეთში შაჰნარმენს და ათაბეგ ოლდიგუზის შვილებს დახმარება, მაგრამ იმათ მაშველმა ჯარმა ვეღარ მოუსწრო და დემნა იძლია გიორგის მიერ,

¹⁾ გორიდან 22 ვერსტზე. ბაქრაძე სწერს, რომ არ არის გამოკვლეული ვის მიერ აშენდა ეს მონასტერიო. Кавказъ въ др. памяти. христiанства გვ, 72.

რომელმაც იერიშით აიღო სამშვილდე, სადაც ყველა საუნჯე ივანე ორბელიანისა, — რომელიც ლორეს იცავდა, — შენახული იყო. შვიდ თვეს ციხეში ჯდომის შემდეგ დემნასულით დაეცა, თოკზე კელლიდამ ჩამოვიდა და მეფეს დაემორჩილა. ამგვარადვე მოიქცა ივანეც, რომელსაც მეფემ თვალები დასთხარა. ხოლო დემნა, ივანეს სიძე, კიდევ დააბრმავეს და კიდევ დაასაჭურისეს. ივანეს შვილი სემბატი, უმცროსი ძმა ქავთარ და ძმის წული მისი, ზინოი სიკვდილით დასჯილნი იქმენ. დანარჩენი შემთქმელნი დაისაჯენ სხვა და სხვა ნაირად და ორბელიანთ სახელი მეფის ბრძანებით გაქრა ყველა ქართულ წერილობითო საბუთებიდამ. მათი სამფლობელო განაწილებული იყო სხვა და სხვა პირთა შორის, ზოგი მიეცა ყუბასარს და ზოგი მხარგრძელიძეებს. ეს მოხდა 1177 წ. შემდეგ წელში¹⁾ გიორგიმ განუზიარა მეფობა თავის ასულს თამარს დედოფლის ბურდუხანის სიცოცხლეში, რომელიც მხოლოდ 1181 წ. მოკვდა. თვით მეფე 6 აგვისტოს 1184 წ. გარდაიცვალა. კათალიკოზი მიხეილ და სხვანი ეპისკოპოსნი, ვეზირი ანტონი, სპასალარი ყუბასარი და სხვადიდებულნი წარდგენ წინაშე თამარისა ტახტზე ასვლის მისალოცველად და, ანუგეშეს რა ის, რაოდენათაც შესაძლებელი იყო, სთხოვეს მას მამა პაპეულ ტახტზე ასვლა.

ამის შემდეგ დაუყონებლივ მოიხმეს ანტონ საგირის ძე²⁾, რათა მას, წესისამებრ ლიხთ-იმერთა, მიერთმია სამეფო გვირგვინი დედოფლისათვის. გვირგვინის თავზე დადგმის და კურთხევის შემდეგ დიდებულთ — ვარდანძემ, საგირისძემ და ამანელიძემ მიართვეს მას ხმალი, რომელიც მეფე თამარს შეარტყარაქის და თაკვერის ერისთავმა კახაბერმა, კვირიკეს შვილმა, და ამ გვარად თამარი მეფედ აღიარეს. თამარმა იწყო მეფობა მით, რომ ყველა საქმეები წესიერებაში მოიყვანა,

¹⁾ ბ. ჟორდანიას თამარის კურთხევას 1179 წ. უჩვენებს. ქრ. გვ. 266.

²⁾ მთავარ ეპისკოპოზი ქუთათელი.

ყველა მეფის მოსამსახურეებს უხვი საჩუქარი უბოძა და გლახაკებს მრავალი სამოწყალო დაურიგა. შემდეგ იერუსალიმიდამ მოიპატიჟა ნიკოლოზ გულამბისძე, კათალიკოზობიდან გადამდგარი, და იმის და ანტონ საგირიძის თანადასწრებით მან მოუწოდა კრება საეკლესიო საქმეების წესიერებაში მოსაყვანად და სასულიერო წოდების რიგის დასამყარებლად. მიხილ კათალაკოზმა, რომელიც ამ მაღალ წოდების უღირსი იყო და რომელმაც უკანონოდ ორი საეპისკოპოსო — ჰყონდილისა და აწყურისა — და მწიგნობართ უხუცესობაც ჩაიგდო ხელში, — არ ისურვა ამ კრებაში მონაწილეობის მიღება. ის გარდააყენეს, ვინაიდან ის წინეთვე თვისის ცოდებისა გამო უკვე გარდაყენებული იყო ღვთის წინაშე.

თამარმა შეიწყნარა თავის დაახლოვებულ პირების თხოვნა და ჩამოართვა ყუბასარს ამირ-სპასალარობა და მანდატურთ-უხუცესობა, ვინაიდან ის მძიმე სნეულებით შეპყრობილი შეიქნა; მას ჩამოართვა ქ. ლორის მოურაობაც. თამარმა გარდააყენა აგრეთვე აფრიდონი, თმოგვის-ციხის თავი და მსახურთ უხუცესი. ვინმე ყუთლუ-არსლანმა ¹⁾, ძალით მოინდომა ყუბასარის თანამდებობის დაჭერა, მაგრამ შეპყრობილ იქნა და შემდეგ ხალხის თხოვნით და აგრეთვე ორი სეფე ქალის შემწეობით განთავისუფლებულ იქნა.

ამის შემდეგ დედოფალმა დანიშნა სხვა და სხვა ხელისუფალნი: სარგის მხარგრძელიძე — ამირ-სპასალარად; მისი ძმა ივანე — სასახლის მსახურად (ის შემდეგში სომხის სჯულიდამ მოიქცა მართლმადიდებელად), ჭიაბერი — მანდატურთ უხუცესად; კახაბერ ვარდანძე — მეჭურჭლეთ — უხუცესად ²⁾, ვარდან დიდიანი — მსახურთ უხუცესად; მარუშიანი — ჩუნჩერახად ³⁾, ამილა-

¹⁾ მეჭურჭლეთ უხუცესმა.

²⁾ თოფხანის უფროსად.

³⁾ სუფრაჯად. ეს მარუშიანი ანუ მარუშიძე უნდა იყოს შთამომავალი იმ ქართლის ერისთავის იოანე მარუშიძისა, რომელსაც დიდი ღვაწლი

ზორად — თორელი გამრეკელი, რომელიც მოადგილედ შეიქნა სარგის მხარგრძელიძისა, შემდეგ იმის გარდაცვალებისა 1187 წ. ერისთავებათ თამარმა დაადგინა: სვანეთისა — ვარამ ვარდანძე; რაჭისა — კახაბერ კახაბერიძე; აფხაზისა — დოტაჩოს¹⁾ შარვაშიძე; ცხომისა²⁾ — ამუნელიძე; ოდიშისა — ბედიანი; ქართლისა — რატ სურამელი; კახეთისა — ბაკურ ყრმა ძაგანისძე; ჰერეთისა — ასათ გრიგოლიძე, რომელმაც ჩამოართვა ეს ადგილი საგირ კოლონკელიძეს; სამცხისა — ბოცოა ჯაყელი. ვინაიდან ვარდან დადიანი და მარუშიანი მოხუცნი იყვნენ, მათი შვილები დაინიშნენ იმათ ადგილზე და მათ მიეცათ სასახლეში ბალიშებზე ჯდომის უფლება. ასათმაც მიიღო ეს უფლება არიშიანის ნაცვლად და თავის შვილს გრიგოლს გარდასცა ეს თანამდებობა. ამასთანავე თამარმა საეპისკოპოსო და საეკლესიო მამულები განათავისუფლა ხარჯისაგან და ყოველ ნაირის გარდასახადისაგან. ის ისრე კეთილი და მოწყალე იყო, რომ ბრძანება გასცა, არცერთი მისი ქვეშევრდომი არ დაესაჯათ მათრახის ცემით, ანუ ასოების მოჭრით; თავის მეფობაში არც ერთი წვეთი სისხლი თავის ქვეშევრდომის რაიმე დანაშაულობისათვის არ დაუღვრია. ერთი სიტყვით დედოფალი შემკული იყო ღვთის მოსაობით, საბრძნით და მოწყალებით.

სასულიერო წოდება და დიდებულნი მუდამ შესთხოვდნენ თამარს, რომ ქმარი აერჩია და შეერთო. ტფილისის ეპირმა აბულასანმა ურჩია დედოფალს შერთვა გიორგისა, დიდი კნიაზის ანდრია ბოლოლუბსკის შვილისა, რომელიც ვსევოლოდს განეძევებინა თავის ქვეყნიდამ და იმ დროს ცხოვრობდა ერთ ყიფჩაყთ ქალაქში, სვეინჯის ხანის სამფლობელოში. თამარის მამიდამ, რუსუდანმა ურჩია იგივე, მაგრამ თამარი არ თანხმდებოდა. ზოგი ურჩევდა შეერთო ივერიის სამეფო გვარის შო-

მიუძღვის ჩვენის ერის წინაშე: იმის მეცადინეობით დავით კუროპალატმა ქართლი და აფხაზეთი ერთ სამეფოდ შეაერთა. ქ. ც-ბა გვ. 205.

¹⁾ იგივე დაღათო.

²⁾ სოხუმისა.

რეული მოყვარე ანდრონიკისძე, ალექსი კომნენი. აგრეთვე თამარი შეეყვარდა ახალგაზდა ასსურეთს ¹⁾ მეფეს, რომელიც მოვიდა ივერიაში, მაგრამ, რაკი თამარმა უარი უყო, დასწულდა და, უკან დაბრუნების დროს მოკვდა ნიქოზში. დასასრულ რუსის მთავარი მიიღო თამარმა და დაიწერა ჯვარი 1187 წ. თამარის ქმარი ცოტა ხანს უკან გაელაშქრა ყარსის და კარნიფორის მაზრისაკენ, რომელნიც მან დაიპყრა.

გამრეკელმა კახას ძემ ამასთანავე დაამარცხა გელაქუნის თურქები ძაღლის-ხევში, პალაკაციოს ტბასთან, აგრეთვე დამარცხებულნი იყვნენ აბულასონის შვილის გუზანის და ბოცოსამცხელის მიერ კლარჯეთში შემოსეულნი აზრუმიდამ კარნუ-ქალაქელნი და კაპადოკიიდან გარმიანელნი თურქნი. შემდეგ ამისა ორივე დიდებულები ზემოხსენებულნი სარგის და ივანე მხარგრძელიძეები—სარგისის და ვარამის შვილები—გაელაშქრენ დოვინზე, დაიპყრეს ის, ააოხრეს და დიდის ნადავლით დაბრუნდნენ. დედოფლის მეუღლემ გამოიჩინა თავი გამარჯვებით სომხეთში და გელაქუნის მაზრაში. ზემოხსენებულმა ლაშქრობამ ოთხი წელი გასწია, მაგრამ, სამწუხაროდ, გიორგიმ უმოწყალო სასტიკობა და ზნეობითი გარყენილობა გამოიჩინა.

აქ მიმოხილვის გასაადვილებლად ჩვენ ჩამოვთვლით იმ ქვეყნების დაპყრობას, რომელიც თამარის მეფობის დროს მოხდა. სომხის მეისტორიების თქმულებით ძმებმა მხარგრძელიძეებმა დაიპყრეს შირაქის მხარე 1191 წ., ამბერდი 1196 წ., ანი 1199 წ., ბედშინი 1201 წ., დოვინი 1203 წ. ²⁾ ყარსი 1200 წ. და მთელი სიუნიქი მხარე 1211 წ. ³⁾ იქნება ეს წლები სრულიად სწორედ ნაჩვენებნი არ იყვნენ, მაგრამ მაინც საჭიროა მივიღოთ ისინი მხედველობაში.

¹⁾ ვახუშტით. ასურასტანისა, შუა-მდინარისა, ანტიოქიის მეფის ძე. აქ უნდა შევნიშნოთ, რომ ნიქოზს ეს ასურასტანის მეფის ძე კი არ მომკვდარა, არამედ „ოვსთა მეფე მოუთმენელის სურვილის სენითა“. ვახ. გვ. 201.

²⁾ შანქორის ომი.

³⁾ ბ. ჟორდანია თავის ქრონიკებში არ ეთანხმება ბროსესს და უჩვენებს მაგ. ამბერდზე გალაშქრებას 1193 წ. და შანქორის ომს 1195 წ. ნახე 281 და 282 გვ. ყარსის ანუ კარის აღებას 1207 წ. გვ. 294.

თამარმა ველარ აიტანა ცუდი ყოფაქცევა და უკანონო მოქმედება თავის ქმრისა, გაუყარა მას და შესაფერი პატივით და საჩუქრებით გაისტუმრა ის კოსტანტინეპოლს. მას შემდეგ შრავალი გვირგვინოსანი ეძლეოდენ მას. საბერძნეთისა იმპერატორის მანუელის შვილმა, პოლიკარპმა, რომელსაც ბიზანტიის ისტორია არ იხსენიებს, გამოუცხადა თამარს სიყვარული, მაგრამ მოკლულ იქნა ერთ თავის ნათესავისაგან¹⁾; სირიის მუსულმანის სულთანის შვილმა შეიყვარა თამარი, მაგრამ ველარ მოახერხა გარდმოსვლა ივერიაში მასთან გარდამტერებულ უცხო ქვეყნებზე, რომელნიც სირიის და ივერიის შუა მდებარებდენ; სულთანმა ყიზილარსანმა, ილდიგუზის მემკვიდრემ, თამარის შერთვის ნება არ მისცა თავის შვილს, რისათვისაც ეს უკანასკნელი გულით მოწადინებული იყო. ბოლოს, მუტაფერედინი²⁾ შვილის შვილი სალდუხისა, არზრუმის მფლობელისა, რომელიც ოდესმე მეფე დიმიტრიმ დაატყვევა 1152 წელს თამარს გამოეცხადა იმ განძრახვით, რომ შეერთო იგი. თამარმა მიიღო ის დიდის ამბით და პატივისცემით, გაუმასპინძლდა მეფურად, მაგრამ ცოლად გაყოლაზე უარი განუცხადა და მიათხოვა მას რომელიღაც მეფის უკანონო შვილი. აგრეთვე მეფე დიმიტრის დის შვილის შვილმა, შარვანშა აღსართანმა ყოველი ღონის ძიება იხმარა, რათა დაეყოლებინა თავის ნებაზე თამარი, სასულიერო წოდება და დიდებულნი, მაგრამ ამოდ ჩაიარა ამის ცდამ. დედოფალმა მიიღო ის შესაფერის პატივით და გაისტუმრა შირვანს.

ამასობაში ერთგული ივერიელები სწუხდენ დედოფლის უძეობას. მაშინ გამონახეს ვინმე, ოსეთში მეხუთე მოდგმაში შთამომავალი ზემოხსენებულ დიმიტრისა, რომელიც იყო შვილი გიორგი I აღსწელ ქალისაგან. ეს ახალგაზდა მთავარი, რომელსაც დავით სოსლანი ერქვა, იზრდებოდა თამარის

¹⁾ ანდრონიკესაგან.

²⁾ იგივე მუტაფრადინი.

მამიდასთან — რუსუდანთან, — რომლის შეგონებით თამარი და-
თანხმდა და გვირგვინი იკურთხა დიდუბის სასახლეში, ტფილისის ახლოს 1193 წ.. ამ დროს გარდაიცვალა კათალი-
კოზი მიხეილი, მირიანის ძე, ეპისკოპოსი ჭყონდიდისა და სამ-
თავისისა. იმის მოადგილედ კათალიკოზად დანიშნეს იოანე;
მწიგნობართ უხუცესად დანიშნა ანტონი, გელოვანის მთავ-
რის შვილი, რომელსაც დაუბრუნეს ჭყონდიდის ეპისკოპოსო-
ბა, მიხეილის მიერ წართმეული, და ამის გარდა მას ჩააბარეს
სამთავისი და კისის-ხევი.

1194 წ. შეიტყვეს, რომ რუსის თავადი კონსტანტინე-
პოლიდამ შემოვიდა ეზინკში და კარნუ ქალაქის მხარეში, და
რომ დასავლეთ ივერიის ერისთავები შეუერთდნენ მას. ესენი
იყვნენ: გუზან კლარჯეთელი, ბოცო სამცხელი და ვარდან
დადიანი ორბეთელი და კენელი თავის ქვეშევრდომებით სვანე-
ბით, მეგრელებით, აფხაზებით, რაჭველებით და არგვეთლე-
ბით. იმათ მოიყვანეს რუსის თავადი გეგუთს და აღიარეს იგი
მეფედ. დასავლეთ ივერიაში ერთად ერთმა ციხის-ჯვარის თავ-
მა ივანემ, ყვარვარეს შვილმა არ უღალატა მეფეს. თამარმა
შეკრიბა კახეთის და ჰერეთის ჯარი; აჯანყებულებმა ომით შემდეგ
დაიპყრეს სამცხის ციხეები, და სურდათ აგრეთვე დაეჭირათ
თრიალეთი და სომხეთი, სადაც ციხის თავებმა გაგისამ — ივა-
ნე ვარდანის ძემ, კაიწონისამ — მაყმა, კენისამ — ვარდანმა და
ყველა დანარჩენებმა, — გარდა ზაქარია ვარდანის ძისა, — გარდაწ-
ყვიტეს შერთებულის ძალით ტფილისზე თავდასხმა. თამარმა
გაგზავნა სამცხელი გამრეკელი და ოთხი მხარგრძელიძეები მხედ-
რობით, შეკრებულთ იმ მხარებიდამ, რომელნიც იმის
ერთგულნი დარჩნენ. ისინი შეებრძოლნენ აჯანყებულებს ჯერ
ხერთვისთან და მერე ერუშეთში მდ. მტკვრის იქით და და-
მარცხეს ისინი. ეს დამარცხება რომ შეიტყვეს სომხეთში მყოფ-
მა მათ თანამექომაგებმა, განიძრახეს ლიხის მთაზე გარდასვლა,
მაგრამ მათ წინ დაუხვდა სამეფო ჯარი, მანდატურთ — უხუცე-
სის ჭიბერის და ქართლის და კახეთის დიდებულთ წინამძღო-

ლობით. მაშინ შეთქმულნი დამორჩილდენ ბედს და წარდგენ წინაშე თამარისა კისერზე დაკიდებულ ხრმლებით. ამასთანავე სვანებმა მოიყვანეს წინაშე დედოფლისა რუსის თავადი. დედოფალმა აპატივა ყველას და სულგრძელობა გამოიჩინა: განათავისუფლა თვით ის, ვინც იყო ამ აჯანყების მიზეზი, ხოლო თავის ერთგულ მოსამსახურეებს მან დაურიგა ჯილდოები: ზაქარიას, ვარამიშვილს, — გაგის ციხე ¹⁾ და ქურდვაჭრის ხეობა განჯამდი, ივანე მხარგრძელიძის შვილი სარგისი დანიშნულ იქნა სსსახლის მსახურთ-უზუცესად და მას ებოძა ციხეები კაენი და კაიწონი და გელაქუნის ხეობა.

სპასალარის გამრეკელის სიკვდილის შემდეგ იმის მოადგილედ დანიშნა ადრინდელ სპასალარის სარგის მხარგრძელიძის შვილი, ზაქარია. მას უკვე ეჭირა ლორე ქალაქი და თამარმა მას მიუბოძა კიდევ ქალაქი რუსთავი; დანარჩენ დიდებულთ დაურიგეს შესაფერი ჯილდოები. რაც შეეხება გუზანს, მას აჯანყების დამშვიდების შემდეგ დასთხარეს თვალები და გაუშვეს. მან გარდასცა თავისი სამფლობელო და ციხეები თურქებს. მაგრამ იქაურნი დიდებულნი არ დაეთახმნენ და განდევნეს მტერი, რომელიც გუზანის ოჯახის წასაყვანად მოვიდა. ამ დროს დაიბადა პირმშო შვილი თამარისა გიორგი ლაშა; ერთი წლის შემდეგ 1195წ. დაიბადა ასული მისი რუსუდანი ფრიად სასიხარულოდ მთელი ივერიის სამეფოსისა.

ივერიელნი დაეცენ რანის მხარეს და დაიპყრეს ბარდა. ერთი თვის შემდეგ ისინი წავიდენ არზრუმის ასაღებად, რომელსაც სალთუხელი ნასერედდინი იცავდა. თამარის მეუღლემ, მეფე დავითმა, რომელიც წინა უძლოდა ჯარს, ორჯელ დაამარცხა მტერი და უკან დიდის დავლით და ტყვეებით დაბრუნდა.

ამის შემდეგ ივერიელნი ხშირად დაეცემოდენ ხან გელაქუნის და ხან რანის მხარეს; ერთხელ მათ დაამარცხეს შანქო-

¹⁾ თმოგვი.

რის ომში დოვინელები და ბედშნიანები ამბერდელელებითურთ, რომელნიც მათ შეუერთდნენ ქარავენის გასაძარცველად. ივანე მხარგრძელმა შეესია აგრეთვე გელაქუნით ჩრდილოეთ სპარსეთს სპარსიბაზარამდი.

1196 წ. რუსის თავადი მეორედ შემოვიდა ქართლში არანის და განჯის მთავრების შემწეობით და შეესია კამბეჩოვანის მხარეს, მაგრამ საღირ მახატელის ძის მიერ ¹⁾ განდევნილი იქნა. შემდეგ ამისა ის გაიქცა და გარდაიკარგა. ამ დროს ამირმირანი ანუ უზბეკი აღერბეჯანის ათაბაგის ფალეევანის შვილი და შარვანშა აღსართანი მივიდნენ ივერიაში შემწეობისა და მეფის ასულის რუსუდანის ცოლად სათხოვენელად. თამარი მაშინ აგარაკის ველზედ იყო და თან ახლდა მაშველი ჯარი სვინჯისა, ყიფჩაყების მეფის ძმისა. მან შესაფერი პატივით მიიღო სტუმრები და გაართო ისინი სხვა და სხვა სამხედრო ვარჯიშობით, რომელშიაც ივერიელებმა გამოიჩინეს ვაჟკაცური სიმარდე. 1203 წ. შეიტყვეს, რომ ათაბეგი—აბუბეკრი, ძმა და მტერი უზბეკის ბაღდადის ხალიფის შემწეობით აგროვებდა დიდ ძალ ურდოს რაშჯორიდამ და სამარყანდიდამ დაწყებული დარუბანდამდი, და ეს ჯარი უნდა შეერთებულიყო აღერბეჯანის მხარეში.

თამარმა თავის მხრით დაიჭირა ჯარით მთელი სომხეთი და ქართლი, გაამხნევა თავისი ჯარი სიტყვით და დაპირებით, და წარგზავნა ისინი იენისში 1203 ქალ. შანქორს, სადაც მტერი იღვა საოცარ დიდის ბანაკით. მეფე დავით შეჯდა ცხენზე, რომელიც იყიდა ზაქარია და ივანე მხარგრძელიძეების სიძის ხაჩენის მფლობელისა, ვახტანგ სახარინის შვილისაგან და რომლის ფსად მისცა ერთი სოფელი და ციხე ჭარმანალი. მას ახლდნენ მანდატურთ—უხუცესი ჭიბერი და ანტონი ჭყონდიდელი. მეფე ჯარით გავიდა შანქორის მდინარეში და დაეცა მუსულმანების ჯარს. ამ ომში ვარამის შვილს

¹⁾ ხორნაბუჯის მფლობელის.

ზაქარიას მოუკლეს ცხენი. მეორე მხარეზე ძმანი მხარგრძელი-
ძეები შეეჭრენ მტრის რაზმში და საოცარის სიმამაცით დას-
ცეს მტერს ზარი. ამავე დროს მეფემაც მოუსწრო და სრუ-
ლიად დაამარცხა მტერი. სპარსელები გაიქცენ. გამარჯვებულებს
მდიდარი დავლა და აუარებელი რიცხვი ტყვე დარჩათ. ქალაქი
განჯა მეორე დღეს დამორჩილდა. ხალიფის დროშა, რომელიც
სპარსელებს ნაბოძები ჰქონდა, ახალციხის მეციხოვნეთა უფროსმა
შალვამ წაართვა მათ ომში და თამარ მეფის ბრძანებით შესწირა
ხახულის ყოვლად წმინდის ღვთის მშობლის მონასტერს, სადაც
ის შეინახეს ერთად ოქროს გულსაკიდ ჯვართან (ამბარჩასთან), რომელიც
მეფე დავით აღმაშენებელმა 1121 წ. ომში ურწმუნო-
ებს წაართვა და რომელიც ძვირფასი თვლებით შემკობილი იყო.
ამ შემთხვევისა გამო თამარმა მადლობა შესწირა ღმერთს იამბა-
კონით, რომელმაც ჩვენამდის მოაღწია. შანქორის ¹⁾ გამარ-
ჯვებას იხსენიებენ მრავალი რუსის მწერალნი მე-XVI საუკ.
და თვით მეფე ივანე IV ამხნევებდა თავის ჯარს ყაზანის აღე-
ბის დროს 1552 წ. ივერიელების მამაცობით ²⁾).

შანქორის ომის შემდეგ იოანემ, ახალციხის ერისთავმა,
დაიპყრა ყარსი, და მიიღო ათაბაგისა და ემირთ—ემირისა
წოდება. ეს რომ შეიტყო როკნ-ედდინმა, იკონიის სულთანმა,
შეკრიბა დიდ ძალი ჯარი ყველა აზიის მხრებიდამ, სადაც კი იმის
საბძანებელი იყო, და შემწედ მოიწვია კარნუ—ქალაქის ემირი

¹⁾ ბ. ყორდანი ამტკიცებს, რომ შანქორის ომი 1195 წ. მოხდა.
ქრ. გვ. 282.

²⁾ მოგვყავს სიტყვა მეფის იოანე IV მრისხანისა: Слышасте
иногда Божию бывшую великую милость и Пречистыя Богоро-
дицы помощь, яко премудрая и мужеумная царица Иверская
сотвори и колику побѣду показа на небожныхъ Персѣхъ да სვ.
ბროსსეს განმარტებით ამ მეფის ზემო მოყვანილ სიტყვებში იგულისხმება
შანქორის ომი 1023 წ. და 1209 წ. არღებლის აღება, რომელიც აღერ-
ბეჯანში თავრიზის ჩრდილო-აღმოსავლეთად მდებარებს. *Mél. asiat.*
ტ. 1 გვ. 563—583.

საღმრთის გვარისა და მერე თითონ ლაღატობით დაიპყრა ეს მხარე. მრისხანე წერილით სულთანს თხოულობდა თამარისაგან მორჩილებას და მუქარით წინადადებდა აძლევდა ცოლად გაჰყოლოდა მას; მაგრამ დედოფალმა გაგზავნა ჯარი ბასიანში ძმათა მხარგრძელიძეების წინამძღოლობით. თვითონ კი თამარ, რომელსაც კათალიკოზი თვედორე და იოანე შვეთელი ახლდნენ, დარჩა ოძრხეს, სადაც ლოცულობდა ქრისტეს მოსაგვის მხედრობის წარმატებისათვის. მტერი მათ ბასიანში დახვდა. სოსლანი მარცხენა მხრით და სპასალარი ზაქარია მარჯვენით — იერიშით მივიდნენ მტერზე ისეთი ძალით და მამაცობით, რომ უკან დაახვეინეს თურქებს და შემდეგ ხანგრძლივ შეტაკებისა ისინი სრულიად გააქციეს. ამ ომში ცხენები მოუკლეს ზაქარიას, გრიგოლს, ივანეს და შალვას, ახალციხის წინა მძლოლებს და აგრეთვე სხვა სარდლებსაც; მაგრამ მათ დარჩათ გამარჯვება, რომელიც იმ წამსვე რაღაც საკვირველ წინა-გრძნობით ბერის ევლოგისა შეიტყვეს ოძრხეში. გარდა მდიდარის დავლისა როკნ-ედდინის დროშა და ეზენკის მფლობელი ჩაიგდეს ხელში გამარჯვებულებმა.

მემატიანე მოგვითხრობს, რომ თამარ დიდის გულმოდგინებით ასრულებდა სჯულის ყოველს წესს, დამით ლოცულობდა და თავის ხელით უკერავდა ტანსაცმელს ღარიბებს და სამღვდელელოებას. ის აგრეთვე ელსაქნარობდა ვითომც თავის სარჩენად და, რასაც კი ამ შრომით იშოვნინდა, სამოწყალოდ არიგებდა. ერთხელ, როდესაც დედოფალი თავს იხურავდა, მან ვერ მიიღო იმწამსვე ვიღაც ღარიბი დედაკაცი, და როდესაც გაათავა თავის დახურვა, უბრძანა მოსამსახურეებს მთხოვნელი დედაკაცი შემოეყვანათ; დაიწყეს ძებნა, მაგრამ ვეღარ იპოვეს. დედოფალს ისე ეწყინა ეს ბმბავი, რომ ბრძანა თავის დიადემიდამ თორმეტი ძვირფასი ქვა ამოეღოთ და ჩაესვათ გელათის ღვთისმშობლის ხატის გვირგვინში, რომელსაც ახლაც ღვთის მლოცველთა აჩვენებენ.

ერთხელ წირვის შემდეგ სპასალარმა ზაქარიამ ისურვა ერ-

თად ქართველებთან ევლოგიის ანუ სეფისკვერის მიღება, მაგრამ კათალიკოზმა იოანემ არ მიუშვა და დაიწყო სომხის სჯულის გაკიცხვა; ზაქარია უნდა დამორჩილებოდა; მან სთხოვა სომხის კათალიკოზს მოსულიყო თავის სჯულის დასაცავად. ამ საგანზედ ბაასმა დიდხანს გასტანა თანადასწრებით დედოფლისა, იმის მეუღლის დავითისა და შემდეგ ბაასისა იოანემ, ზაქარიას ძმამ, მიიღო მართლმადიდებლობა; ზაქარია კი განუდრეკელი დარჩა. ამას გარდა ამ ორ ერთაშორის სჯულზე ბაასი რაოდენჯერმე მოხდა. 1179 წ. სომხებმა იდღესასწაულეს აღდგომა ერთი კვირით შემდეგ ივერიელებისა, რომელთაც ვერ დაითანხმეს სომხები თავის წესზე და დასწვეს ერთი მათი ეკლესია მლოცველებითურთ. ამის გამო ამ ორ ერთა შორის ჩამოვარდა ისეთი განხეთქილება, რომ ივერიელნი იძულებულნი იყვნენ მიეზლოთ თავის მოწინააღმდეგისათვის 80 ათასი ოქრო როგორც ეკლესიის ასაშენებლად, აგრეთვე დახოცილთ სისხლში. 1204 წ. ზაქარიამ ისურვა სალაშქრო ეკლესიის თან წაღება, რომ სომხის მხედრები მოკლებულნი არ ყოფილ იყვნენ თავის სასულიერო წესებს ლაშქრობის დროს; დავითი სომხის პატრიარხი დავთანხმა ამაზე იმ პირობით, რომ კარაგში სადაც უნდა ეწირათ, უნდა ყოფილიყო მოძრავი მარმარილოს ფიცარი და საკმაო რიცხვი ეკლესიის მოსამსახურებისა თანახმად ეკლესიის წესდებისა. ხოლო ზოგიერთმა ვარდაპეტაგანმა, სომხეთში მცხოვრებლებმა არ მიიღეს ეს გადაწყვეტილება. ეს უთანხმოება გაგრძელდა 1209 წ. და გამოიწვია საშინელი შფოთი, უწყისობა და ძალმომრეობა მათ შორის.

ღვთის მოყვარე დედოფალმა თამარმა დაამთავრა აგება ვარძიის ქალაქისა, კლდეში გამოქვაბულისა, — რომელიც მამა მისმა გიორგიმ დაიწყო და აკურთხებინა შიგ ეკლესია, ბიზანტიურ მხატვრობით შემკული. ამ ეკლესიის კედელზე საკურთხეველში აქამომდე სჩანან მთელი სურათი მდიდრულ ტანსაცმელით და შარავანდელით გარემოცული მეფეთ მეფისა გიორგისა და მის გვერდით იმის ასულისა, მეფისა თამარისა, მთელი აღმოსავლეთის მფლობელი-

სა, რომელსაც ხელთ უბყროა მის მიერ ნაკურთხი ეკლესიის გეგმა. ტფილისის ახლოს, შვენიერ მთის ფერდობზე დგას ნანგრევი კაბენის ეკლესიისა ¹⁾, რომლის წარწერიდამ სჩანს, რომ ის თამარის დროს აშენებული ყოფილა, და ს. ბეთანიაში არის საჯვარე ივერიის ვილაც უცნობის სპასალარის სამარხზე, რომელიც აშენებული ყოფილა 1196 წ. დანარჩენი ნაშთები, რომელზედაც, რაოდენადაც ჩვენ ვიცით, დაცულია თამარის სახელი, არიან შემდეგნი: სამეგრელოში გულსაკიდი ჯვარი ²⁾ ხოფის მონასტერში, ხატი ლაილაშის ეკლესიაში

1) კაბენის მონასტერი კოჯორის ახლო ძვეს.

2) თუმცა ავტორი აქაც და თავის არხეოლოგიურ მოგზაურობაში (Bap. VII) იხსენიებს ხობის მონასტერში დაცულს თამარის ამბარჩას ანუ გულ-საკიდს ჯვარს, მაგრამ ბ. თ. ჟორდანიას თავის ახლად გამოცემულ ქრონიკებში თავ მოწონებით აღიარებს: „ეს ჯვარი ჯერ არ ვისაგან არ არის აღწერილი. ბროსესთვის უთქვამთ, რომ ხატის გულში თამარის ჯვარაია დაცული. მაგრამ გასაღები ვერ უპოვნიათ ხატისა (ალბათ ვერ უნდვიათ ?!) და აღუწერელი დარჩენია—ვერც შეგრილ-ნათელა აღმოუკითხავს (ბროსეს), ხოლო მათი მხატვრობა ვერც შეუნიშნავს, ვერც ბორღოხან დედოფლის შემოხსენებული წარწერა უნახავს მეცნიერს არქეოლოგს“. ქრ. გვ. 269.

რომ ბროსეს არხეოლოგიური მოგზაურობა სრული არ არის და იმისი წარწერების ამოკითხვაში ხშირად შეცდომები მოიპოვება, ეს კარგი ხანია ცნობილია ჩვენის ისტორიის მკვლევართა მიერ. მაგრამ ამ შემთხვევაში ქეშმარიტების აღსადგენად ჩვენ მოვიყვანთ განსვენებულის არხეოლოგისა ნამდვილს სიტყვებს, რომელნიც ცოტად თუ ბევრად დაამცირებენ ბ. თ. ჟორდანიას ვითომ ახალ ფაქტის აღმოჩენას. ბროსეს სწერდა: „აქვე (ხობში) ენახე ერთ მომცრო ვერცხლის ოთხკუთხიან კოლოფზე ეს ხუცური წარწერა: ჭი ხატო არსებისაო უთავაებულო (?). მეოხ მფარველ ექმენ, აქა და საუკუნესა, ერისთავი დადიანი შეგრი და მეუღლე მათი თ.... ეს წარწერა წაშლილია ვინაიდგან კოლოფი, როგორც ეტყობა, გარდაუკეთებიათ, და ის ნაწილი, სადაც დაბოლოება ეწერა, სხვა ვერცხლისგან უნდა იყოს გაკეთებული. იქ, სადაც გარდაბმულია ამოკითხვის ესრე: „დედოფალი ნათელა“. დანარჩენი ვერ ამოუკითხავს. ეს „მომცრო კოლოფი დაკეტილია პატარა ბოქლომით, ვინაიდგან მასში ჩასმულია ჯვარი, რომელიც, ამბობენ, განთქმულ დედოფალს თამარს უნდა ეტარებინოს

ლექსუმში; მეორე შვენიერი ხატი ტფილისის ანჩისხატის ეკლესიაში ასვენია, და აგრეთვე წარწერა ძლიერ შესანიშნავის ხელოვნებით გეგუთის სასახლის ნამგვრევეებზე. თამარმა ააგო ეკლესიები არა თუ მარტო ივერიაში, არამედ იერუსალიმში, პალესტინაში, საბერძნეთში, კიპრის კუნძულზე, სინას მთაზე და მრავალ სხვა ქვეყნებში.

ერთხელ სირიის და სხვა ბერები მოვიდნენ ივერიაში მოწყალების სათხოვნელად და მიიღეს თამარისაგან ღლიდ ძალი ფული როგორც თავისათვის, აგრეთვე გლახაკთ დასარიგებლად. როდესაც ისინი დაბრუნდნენ კონსტანტინეპოლს, იმპერატორმა ალექსი ანგელოზმა გზაში წაართვა მათ ეს ფული. შეიტყო თუ არა ეს ამბავი, დედოფალმა ბერებს მიუზღო დასაკლისი, ხოლო ალექსიზე განრისხდა და შეეწია ივერიაში გადმოხვეწილს ალექსი კომნენს ტრაპიზონის და იმის მიდამოს დაპყრობაში, რომელთაგანაც ამ უკანასკნელმა შეადგინა თავისი საკუთარი იმპერია. 12 აგვისტოს 1204 წ. ფრანგებმა ¹⁾ დაიპყრეს კონსტანტინეპოლი. ამ

თავის გულზე. დიდად დამწყდა გული, რომ ერთად ერთი ნაშთი, რომელიც უტარებია ამ ფრიად შესანიშნავს ქალს, მე ვეღარ მაჩვენეს, ვინაიდან იმის გასაღები ზუგდიდში დარჩენილათ! ვინ იცის, იქნება იქ რაიმე შესამჩნევი წარწერა იყოს. Rap. sur un Voyage archéologique dans le Géorgie et dans l'Arménie par Brosset I livr. გვ. 46 და 47.

ვგონებ, ცხადია, რომ ბროსესაც ამოუკითხავს შერგირის და ნათელას სახელები, ხოლო წარწერა ჯვრისა ვერ უნახავს, რადგან გასაღები ზუგდიდს დარჩენილათ. თ. ყორდანია ჩვენ გვამცნებს ეხლა ამ ჯვრის წარწერას რისთვისაც—და მხოლოდ ამისათვის და არა სხვის შრომის დამცირებისათვის—მადლობის მეტი არა ეთქმის რა. ის ასრე ამოიკითხავს მას: ძელო ჭეშმარიტო, ძალო ჯუარისაო, შენითა წინაწარძღომითა ყოვლადვე შემწე და მფარველ ექმენ მეფესა და დედოფალსა თამარს.“ ქრონიკები გვერდი 269. ავტორის გარდა დიმ. ბაქრაძეს ხოფის მონასტრის აწერილობაში მოიხსენიებს ამ „პაწია ვერცხლის კოლოფს, რომელშიაც, როგორც ამბობენ, დაცულია გულზე საკიდი ჯვარი თამარ-მეფისა.“ Кавказъ въ др. пам. христіанства გვ. 158.

¹⁾ მეჯვაროსნებმა.

გვარი იყო თამარის ძლიერება. ყოველ წლიურს მიმოსვლის დროს ის დოვინში მიიღებდა ხარკს განჯელებისაგან, გაზაფხულზე — სომხეთში — ნახჭევანის მხარისგან და შემდეგ — კოლაში კორნუ-ქალაქისაგან, ეზენგისგან და იმის მოსამზღვრე ქვეყნებისაგან.

1207 ანუ 1208 წ. თამარმა შეიტყო, რომ ქ. ყარსს დიდი ხანია გარს ადგა გამოჩენილი სარგის თმოგველი მესხებით და, გაიგო რა აგრეთვე მიზეზი, რომლისაგამო ეს ქალაქი აქამომდე ვერ აეღოთ, სწრაფად გაგზავნა იქ დავით სოსლანი და ძმები მხარგრძელიძეები, რომელთაც გარდაიყვანეს ყარსის წყალი და მით აიძულეს მკვიდრნი დამორჩილებოდნენ. თამარმა შეიწყნარა იმათი თხოვნა, დაიტევა ეს ქალაქი და ჩააბარა ის თავის 13 წლის შვილს გიორგის, რომელსაც მან სამეფო საქმეების მმართველად განუზიარა; შემდეგ ამისა მეუღლე მისი დავითი მალე გარდაიცვალა.

1205 და 1210 წლ. შუა ივერიელებმა რაოდენჯერმე გაილაშქრეს ქ. ხლათის დასაპყრობლად ცვალებადის წარმატებით. ბოლოს, როდესაც ეს ქალაქი სალადინის ძმისწულის, მელიქ-ელ-აუხოდის ხელში ჩავარდა, ივანე თავის ძმით ზაქარიათი გარშემოადგა მას; კედლების დასინჯვის დროს ცხენით ივანე ჩავარდა ორმოში, ხიდ ქვეშ და მტრისაგან დატყვევებულ იქნა. მან ტყეობილად თავი იხსნა მხოლოდ მაშინ, როდესაც მიათხოვა თავისი ასული თამთა აუხოდს, მიუზღო მოთხოვნილი მის მიერ დიდ ძალი ფული და დაუბრუნა დიდი რიცხვი დატყვევებულ მუსულმანთა. თამთამ იმისთანა პატივი დაიმსახურა თავის ქმრისაგან, რომ შომავალ დროში ამას ძალიან ბედნიერი შედეგი ჰქონდა ივერიელების სასარგებლოდ, რომელთაც ამ დროიდან მიიღეს სხვა და სხვა უპირატესობა მუსულმანების ქვეყნებში, ნამეტურ იერუსალიმში, სიდაც მათ უფლება ჰქონდათ შესულიყვენ გაშლილ დროში. შემდეგში თამთა ჯალალედდინის ხელში ჩავარდა, მაგრამ იმისაგან მოასწრო ივერიაში გაქცევა; მანგლისში გარდავიდა და გამოით-

ხოვა უგედვი-ყაენისგან ყველა თვისი სამფლობელო.

ამას შემდეგ დიდ მარხვაში არღებილის ¹⁾ სულტანი დაეცა ქ. ანს, შევარდა ეკლესიაში და იარალით ამოხოცა როგორც იქ მლოცველნი, აგრეთვე მკვიდრნი, რომელნიც ქალაქის ახლო გამოქვაბულებში დაიმაღენ; ზოგი მან ტყვედ წაიყვანა. ზაქარიამ გამოითხოვა დედოფლისაგან ნებართვა ჯარი ამოეყარა ამ დანაშაულობისათვის. ის წავიდა ქ. ანს სამცხელების ჯარით და იღუმალ შევიდა არღებილში და თავს დაესხა მათ ანაზღეულად აიღოს ე. ი. ახალ მთვარის დღეს, აიღო ქალაქი და დახოცა იქაურნი მკვიდრნი იმდენივე, რამდენიც იმათ ანელები ამოესრისათ. მეორჯელ თამარისვე თანხმობით სპასალარი ძმით წავიდა, 1209 წ. დამღევს, სპარსეთს დიდ ძალი ჯარით; დაიპყრა ქალაქი მარანდი და აიღო სამხედრო საუდიერო ჯარიმა თავრიზში; მან დაიპყრა აგრეთვე მიონი ²⁾, ზანგანი და ყაზბინით გაილაშქრა ხორასნის ქალ. როგიტორზე, სადაც ივერიელებმა დაისვენეს და შემდეგ ამა მხარის აღებისა უკანვე დაბრუნდნ. როდესაც მიაწიეს მიონს ნახეს, რომ მათი მეციხოვნეები მკვიდრთ დაეხოცნათ, ამისათვის ივერიელებმა ააოხრეს და დასწვეს ეს ქალაქი; თვით სულტანს და იმის შვილებს ტყავი გააძვრეს. შემდეგ უმონით, თავრიზით და ნახქევანით დაბრუნდნ უკან დატვირთულნი სხვა და სხვა სიმდიდრით და საჩუქრებით, რომელნიც წამოღებულნი ჰქონდათ ყველა იმ მთავრებისაგან, სადაც მათ გზად გამოიარეს. ამ საკვირველ ლაშქრობის სინამდვილეს—არღებილამდის მაინც, — მოწმებენ სომხების და მუსულმანების მემიტორიენი. ეს უკანასკნელნი დასძენენ, რომ უმთავრესი არღებილის მიზგითის კარები წამოღებულნი იყვენ ტფილისში და შემდეგ რაოდენიმე წლისა ისინი ზურგზე მოიკიდეს ღვთის მოსავეთ მუსულმანებმა და არღებილში მიიტანეს.

1) არღებილი მდებარებს აღერბეჯანში, თავრიზის ჩრდილო-აღმოსავლეთად.

2) ვახუშტით მიწაი.

სპასალარო ზაქარია 1212 წ. გარდაიცვალა. იმის ძმამ ივანემ მოიღო ათაბაგის წოდება, ხოლო იმის ბიძაშვილს, ვარამ გაგელს მისცეს ივანეს შემდეგ მსახურთ — უხუცესობა. ამ დროს ჩრდილოეთელნი მთიულნი, დიდოელები და ფხოველები, ეხლანდელნი ფშაენი, აჯანყდნენ. ათაბაგეი ივანე გაგზავნეს იქ იმათ დასამშვიდებლად და ხარჯის დასადებად. ეს იყო უკანასკნელი მოქმედება თამარისა, რომელიც ავად გახდა ნაქარმაგვეს და შემდეგ ხანგრძლივის ტანჯვისა გარდაიცვალა.

თუმცა ზოგიერთი მეისტორიენი სხვა და სხვა გვარად უჩვენებენ თამარის სიკვდილის ჟამს, მაგრამ ზემოხსენებული დამ ცხადად სჩანს, რომ თამარის სიკვდილი 1212 წლის წინეთ არ მომხდარა იმიტომ, რომ ჩვენ გვაქვს ფული, მოქრიალი იმის სახელით 1210 წ. და აგრეთვე დამტკიცებულია, რომ ზაქარია თამარის სიკვდილამდე გარდაიცვალა. ამასთანვე იხადება ექვი, რომ თამარი შემდეგ 1214 წ. გარდაიცვალა. ¹⁾

თამარის ნაშთი დროებით მცხეთის ტაძარში დაასვენეს და შემდეგ გარდასვენეს და დამარხეს ან ვარძიაში ²⁾ როგორც

¹⁾ თამარ მეფის დროიდან თარი გუჯარია დაკული. პირველით 1204 წ. თამარ მეფე, მეფე დავით (მისი ქმარი) და გიორგი ლაშა (მისი შვილი) შიომღვიმის მონასტერს ანტონ ჭყონდიდელის თხოვნით აძლევენ გუჯარს, რომლითაც სწირავენ მას სოფელს სხალტბას და სჰმ კომლს გლეხს. ამ გუჯარში ანტონ ჭყონდიდელი, რომელმაც ეს გამოუცხადა მონასტერს, თამარ მეფეს იხსენიებს „ღვთის სწორად“. 1186 წ. თამარ მეფე აძლევს გელათის მონასტერს გუჯარს, რომელშიაც აცხადებს, რომ გელათის მონასტრისათვის შემოწირავს სოფელი, რათა თორმეტ ბერს (გარდა დანიშნული რიცხვისა) ჰქონდესო საერთო რჩენა მონასტრის სხვა ძმებთან. Gr. церк. гуджары Д. Пурцеладзе, გვ. 96, 97 და 131.

²⁾ ვარძია ჯავახეთშია. ამ სიტყვას ასე ხსნიან „ვარ ძის ღვთისა მშობელიო“, მოკლე აღწერა ეკლესიებისა საათაბაგოში, იმერეთში და სამეგრელოში ნ. ჩუბინაშვილის მიერ 1842 წ.

გარდმოცემა ამბობს, და ან გელათში, როგორც მემატიანე მოგვითხრობს. ¹⁾

გიორგი IV ლაშად წოდებული 18 წლისა იყო. ტახტზე ასვლის დროს, როდესაც მან შეიტყო, რომ განჯის ემირი არ იხდიდა თავის ვადაზე ხარჯს, ჯარი შეკრიბა და დანიშნა იმის წინამძღოლად ივანე ათაბეგი, და თითონაც თან გაჰყვა ემირის

¹⁾ სამწუხაროდ, ჯერ კიდევ არ არის აღმოჩენილი საფლავი დიდის მეფის თამარისა. განსვენებული დ. ბაქრაძე იმ აზრის იყო, რომ თამარი გელათში უნდა ესვენოს და კიდევ გამოითხოვა ნებართვა იმერეთის ეპისკოპოზის გაბრიელისაგან იმის სამარხის საძიებლად და იატაკის აღებას აპირებდა გელათში, მაგრამ სიკვდილმა აღარ დააცალა და ვეღარ მოასწრო თავის სურვილის აღსრულება... თამარის სახე დახატულია ვარძიაში სამეფო სამკაულით: მეფის ხელში უჭირავს ვარძიის ეკლესია—და იმასთან დახატულია მეუღლე მისი დავით, —და ბეთანიაში, ვერის ხეობაში ტფილისის მახლობლად. დიმი. ბაქრაძე თავისს *Кавказъ въ др. пам. христ.* შეცდომით სწერს ვითომ ბეთანიის ტაძარზე თამარის სახე თ. გრ. გაგარინს გარდაეხატოს და თ. ვარანცოვის ბრძანებით ლონდონში ლიტოგრაფიაზე გარდაეღოთ. ეს ლონდონელი ლიტოგრაფია არის გარდმოდებული ვარძიის მონასტრიდამ, სადაც მას ხელში ტაძრის მოდელი არ უჭირავს. ბეთანიაში თამარი დახატულია მაღალის ტანისა და მშვენიერ ქალად, ქართულ სამეფო გვირგვინით, —რომელიც შემკულია მარგალიტებით, — და ლაჟვარდის ფერის პორფირით, სიასამურის ბეწვით შემოვლებულია. ორი დიდრონი კავები ამკობენ იმის პირის სახეს; თამარს ხელები მიპყრობილი აქვს თავისს ქმრის, დავითისაკენ, რომელიც დახატულია წვეროსანი, პორფირით და გვირგვინით. დავითს ერთს ხელში უპყრია კვერთხი და მეორეთი იგი ანიშნებს იქვე მდგომარე წმინდაზე. *Изв. поѣздк. въ Закав. крайъ лѣтомъ 1877 г. А. Цагарели Ж. М. Н. Ир.*

თამარ მეფეზე აქამოდღე დაცულია ხალხში ისტორიული სიმღერა:

უბირს*) ავაგე საყდარი, უწყლოსა წყალი ვადინე,
ისპანს დავსდევ ბეგარა, სტამბოლს ხარაჯა ავიდე,
თეთრს ზღვაში რკინა ჩავაგდე**)—ხმელეთი ჩემსკენ მოვიგდე,
ამდენის საქმის მოქმედმან ცხრა აღლი ტილო წავიდე.

*) ზოგი წარმოსთქვამს უბისს, რომელიც ძირულის ხეობაში ძვეს.

**) აქ რკინა ხომალდის ღუზას ნიშნავს

დასამორჩილებლად. მათ ააოხრეს მხარე და განჯისციხეს ალყით გარშემოადგენ და შემდეგ იერიშით მივიდენ იმის ასაღებად. განჯელებმა მედგრად წინ დაუხვდენ, მაგრამ იძლიენ. ამ ომში მეფე წინ მიუძღოდა ჯარს, რომლისაგამო ხშირად საშიშარ მდგომარეობაში იყო ხოლმე; ივერიის სარდლებმა ყვარყვარემ, ჯაყელმა, ბოცომ და მემნამ გამოიჩინეს ძლიერი სიმაძავე. ათაბეგი, ამ მხარის მფლობელი დამორჩილდა და გამარჯვებული ივერიელები დაბრუნდნენ უკან დიდის ნადავლით. საუბედუროდ, თავისს მეფობის ბოლოს გიორგიმ ისეთი გარყვნილი ცხოვრება დაიწყო, რომ ათაბეგი ივანე და ვარამ გაგელი ჩამოეცალენ მას. კანონიერად ის არავისზე არ დაქორწინებულა, არამედ შეუყვარდა მას ვილაც ველისციხელი ქალი, რომლისაგანაც ჰყავდა ძე დავითი. ლაშამ აღსაზრდელად ის მიაბარა თავისს დასრუსუდანს. ის მუდამ მისვლა-მოსვლაში ატარებდა დროს, ხან ნადირობდა აჯამეთში; ცხომში ანუ აფხაზეთში, ხან დაიხამთრებდა დოვინში, სომხეთში; ხან კი ზაფხულს ატარებდა კოლაში, მტკვრის სათავეში მდებარე ადგილებში, სადაც ის ხარჯს ჰკრებდა ყველა თვის ხელ-ქვეით მხარეებიდან.

ამ დროს მონგოლთ ერი, რომელიც მდ. ონონის და კერულონის ¹⁾ სათავეებში ცხოვრობდა, დაიმორჩილა სახელგანთქმულმა ჩინგის ხანმა ²⁾, რომელმაც, დაამარცხარა მფლობელნი: კერატისა—ონგახანი, ყარაყაითაკისა—გურა, უიგურისა—იღიაქეთი ანუ მფლობელი და არსლან ჩინეთელი ³⁾, მთელი თავისი ძალ-ღონე მიმართა ხორაზმ-შაის ქეტაბედლის წინააღმდეგ. დამარცხებული ხორაზმ-შაჰ გაიქცა დასავლეთისაკენ და 1220 წ. კასპიის ერთ კუნძულზედ მოკვდა. შვილი

¹⁾ ეს მდინარენი ამურს ერთვიან. ქარ. ცხ. მონგოლებს ანუ მონღულებს დაერქვა ეს სახელი მანღუ თემისაგან. მემატანე კი მათ თათრებს უწოდებს.

²⁾ რაც მონგოლურ ენაზე ნიშნავს უმთავრეს ყაენს. ზოგიერთის ახსნით მძლავრთ მბრძანებელს.

³⁾ ანუ ხატაეთელი.

და მემკვიდრე მისი ჯელალ — ედღინი შეიღჯერ შეებრძოლა მონგოლებს, მაგრამ იძლია და, რა ველარ შეიძლო მძლავრ მტრის წინააღმდეგობა, უკუიქცა. ჩინგის ყაენმა მას კვალდაკვალ მიჰყვა თავას ორი სარდლით, სუბოთაი და ჩეპე ნონებით — რომელიც მონგოლურად ნიშნავს თავადებს, 20 ათასი ჯარით — და უბრძანა მათ დაეთვალიერებინათ და შეეკრიბათ ცნობები მტრის ქვეყანაზე და ყოველივე მოეხსენებინათ მისთვის. ისინი შევიდნენ სპარსეთში შემოდგომაზე 1220 წ., უწოდესთ რა განზრახ ქრისტიანებად თავისს თავს, რომ ამით უფრო ნდომა მოეპოვებიათ; ამის შემდეგ გარდავიდნენ ივერიაში, სადაც გაიმარჯვეს ომში ხუნანის ახლოს. ¹⁾ ამბობენ, რომ ერთმა სომეხმა ამ ომის დროს უღალატა სპასალარს ივანეს და იმის ცხენს უკანა ძარღვები გაუჭრა, რომლის გამო ივანე ცხენიდან ჩამოვარდა, რის გამო ომი წაიგო იმ დღეს. ამიტომაც ჩვენ საექვოდ ვრაცხთ, ვითომც ამ დამარცხების შემდეგ ივერიელებმა, როცა გონზე მოვიდნენ, განმეორებულ ომში მოასწრეს რაოდენიმე ათასი მონგოლების გაჟლეტა, როგორც დედოფალი რუსუდანი და ივანე თავისს წერილებში რომის პაპს სწერენ. მონგოლებმა დაიზამთრეს ბარდას ახლოს. 1221 წ. გაზაფხულზე ისინი ტფილისისაკენ გაემართნენ და მეორეჯელ დაამარცხეს ივერიელები; აქედამ დაბრუნდნენ განჯას, სადაც იქაურ მკვიდრებმა თუ ვედრებით, თუ საჩუქრებით შეაწყნარეს მათ თავი; მონგოლები განჯიდან გამობრუნდნენ და ხელახლავ შემოესიეს ივერიას და დაამარცხეს. ამ ომში ებრძოდა მათ დასავლეთის და აღმოსავლეთის ივერიისა, დიდ ძალი შეერთებული ჯარი რომელშიაც ერიენ ივანე ათაბეგი შანშეთი, — რომელიც იმის ძმის ზაქარიას შვილი იყო — და ვარამ გაგელი. ივანე სიკვდილს ძლივს გარდარჩა; ბექა ყვარყვარეს შვილი — მეჭურჭლეთ უზუცესი ომის ველზე მოკვდა; გურგასლანის დროშამ მტრის

¹⁾ პირველი ეს შეტაკება მონგოლებთან მოხდა ბერდუჯის ანუ დეზედას ნაპირზე ბორჩალოში, მახლობლად ხუნანისა.

წინაშე უკან დაიხია. ამის შემდეგ მოზგოლები დარუბანდს წავიდნენ. ისინი ვერ შეაჩერეს ვერც ლეკებმა და ყიფჩაყებმა, ვერც საშინელმა გზებმა და ვერც სურსათის უქონლობამ. დაუქედელ ცხენებით ისინი გარდავიდნენ ჩრდილოეთში, შემდეგ მდინარე ოტელში (ვოლგაში) გავიდნენ და უდაბურ ადგილებით დაბრუნდნენ თავისს ხელმწიფესთან; ამ გვარად ორი წლის განმავლობაში მოზგოლებმა ეს დიახ საოცარი ლაშქრობა დაასრულეს. მოზგოლებისაგან დამარცხებულნი ყიფჩაყები გადმოვიდნენ სამხრეთში, აიკლეს დარუბანდი გაძარცვეს შირვანში ქ. ყაბალა, რომელიც ივერიელებს ეკუთვნოდა, შემდეგ უფრო შორს დაიწინაურეს და თხოვეს მეფე გიორგის დასასახლებლად ადგილბ. მეფემ უარი უყო. ამის შემდეგ ისინი განჯას მივიდნენ, სადაც იქაურმა მფლობელმა სიხარულით მიიღო ისინი. შეუერთდნენ რა განჯის ემირს, პირველ შეტაკებაში მათ დამარცხეს ივერიელები, მაგრამ ათაბეგმა ივანემ მეორე ომში გაიმარჯვა მათზე და სრულიად ამოსწყვიტა ისინი. ამის გარდა 1222 წ. ივერიელი თავს დაეცენ და აიკლეს ბელაქანის მხარე ბარდას იქით მდებარე. დოვინის სარდალი შალვა დეცა აგრეთვე სურმარიის მხარას, რომელიც მაშინ ხლათის ¹⁾ მთავარს ეკუთვნოდა, მაგრამ დაბრუნების დროს მტერი დაეწია მას გზაში და, თუმცა შალვა სიკვდილს გადარჩა, მაგრამ მთელი ნადავლი უნდა დაეგდო. ამასობაში სულთანმა ჯელოედდინმა არჩია დასავლეთისაკენ დაეხია. ახლოთის მთავარმა, სალა—ედდინის შთამომავალმა, გამოსთხოვა ცოლად მეფე გიორგის და. მეფე დათანხმდა, და ათი დღის შემდეგ ქორწინება უნდა მომხდარიყო, მაგრამ მეფე დანიშნულ ვადამდე გარდაიცვალა და ამისა გამო ეს საქმე დაიშალა. გიორგი მეფე გარდაიცვალა ოთხშაბათს 18 იანვარს 1223 წ. ახალგაზდა თავისი შვილი დავითი მან ჩააბარა რუსუდანს, რომელიც ტახტზე ავიდა.

¹⁾ ხლათი ანუ ახლათი, იგივე ახლოთი მდებარებდა ვანის ტბის ნაპირად.

თავის გამეფების დასაწყისში რუსუდანმა გამართა მიწერ-მოწერა პაპთან ღონორი III და აუწყა, მას როგორც ძმის სიკვდილი, აგრეთვე თავისს გამეფება და მონგოლების პირველი მოქმედება ივერიაში. ეს დასაჯერიც არის, ვინაიდან ივერიელებმა უკვე მოიხვეჭეს აზიაში დიდი სახელი სელჯუკებთან ბრძოლით; როდესაც მეჯვაროსნებმა აიღეს დამიეტტა 1219 წ. ივერიელებმა მაშინვე მოულოცეს მათ გამარჯვება და მუქარით აუკრძალეს დამასკის მფლობელს, ქორადინს ქ. იერუსალიმის კედლების დანგრევა, რაზედაც ის მოწადინებული იყო. ამას გარდა მეფე გიორგის თავისს სიკვდილამდი განზრახვა ჰქონდა მონაწილეობა მიეღო მეჯვაროსნების ომში ურუმუნოებთან. წმინდა ადგილების მოსალოცავად მიმომსვლელთ ივერიელებს ჰქონდა სხვა საქრისტიანო ერთ შორის უპირატესობა; მათ შეეძლოთ ამ წმინდა ქალაქში გაშლილ დროშით შესულიყვნ. ეს უფლება მიენიჭათ მათ მას შემდეგ, როცა თამთა, იოანე ათაბეგის ასული, მიათხოვეს სალა-ედდინის ძმის წულს, მალიკ-ელ-ნურადს. ¹⁾ 1240 წ. დამლევს რუ-

¹⁾ დასამტკიცებლად იმისა, რომ ჩვენი დროშა მონგოლების შემოსევამდე რისხვასა და ზარს სცემდა მცირე აზიაში და სირიაში ყველას, ვინც კი საქართველოს შეურაცხყოფას განიზრახვიდა, აქ მოგვყავს წერილი არაბულ კრებულებში, რომელიც შეუდგენია შინხედდინა ელკალკაშენდის XV საუკუნეში და რომლის თარგმანი დაბეჭდილია ახლად გამოცემულ I ტომში *зап. Вост. отд. Импер. Рус. археол. общества*. ელკალკაშენდი მოგვითხრობს ცნობებს შესახებ ეგვიპტის სულტნებისა და საქართველოს მეფეთა ურთიერთ შორის დამოკიდებულობისა და გარდმოგვცემს ვრცელ ცნობებს შესახებ ქართველების ტაძრისა იერუსალიმში. სხვათა შორის ის სწერს: მაჰმადიანები ეძახიან ქართველებს კურდებს, ხოლო ქრისტიანები — ჯურჯებს. საქართველო არის ფრიად დიდი და უძლიერესი ქვეყანა. მას ჰყავს საკუთარი მეფე, რომლის უფლება დიან მტკიცე არის. იმის სატახტო ქალაქი ტფილისია. ამ საქართველოს სახელმწიფოს საზღვრავს ერთის მხრით რუმის (ბიზანტია) და მეორე მხრით ირანი (სპარსეთი). სულთანის (ეგვიპტისა) საქართველოს საზღვრების დასაცველად აქ შემოიყვანს ხოლმე 10, 000 ჯარის კაცს, ისიც იშვიათად... მიწერ მოწერის დროს ეგვიპტის სულტნები დიდის პირფერობით (რომლის ნიშნები, როგორც მაგალი-

სუდანმა წინადადება მისცა პაპს გრიგოლ IX სჯულით შეერთების შესახებ და ამასთანვე მონგოლების წინააღმდეგ შებრძოლებისათვის შემწეობა გამოსთხოვა. მაგრამ პაპმა ამ შეწყევნაზე უარი შემოუთვალა და მიზეზად იმას უთვლიდა, რომ ივერია ევროპაზე („გზები სარკინოზებს უჭირავთ“) ერთობ დაშორებულია და რომ ის (პაპი) იმ დროს იმპერატორს ფრიდრიხ II ებრძოდა. პაპმა მხოლოდ ივერიაში რაოდენიმე მისიონერები გამოგზავნა. აქ არ უნდა დავივიწყოთ, რომ კათალიკეთა ყველაზე უძველესი ეკლესია ახალციხეში არსებობს 1298 წლიდან ¹⁾.

რუსუდანს შეუყვარდა მუჯეთ ²⁾-ედ-დინი თოღრულშორდი, სელჯუკელის ყილიჯი არსლანის შვილი, მონათლა და იქორწინა მასთან; იმისაგან მას შეეძინა ასული თამარი და

თად აღმოსავლეთური გადაჭარბებული მჭერმეტყველობისა, შემოკლებულად ქვემოთ მოგვყავს) მიმარძვიდნ ხოლმე საქართველოს ხელმწიფეს: «განაგრძოსცა ალლახმან ბრწყინვალეობა მათის უდიდებულესობისა, ხელმწიფისა სახელოვანისა, დიდებულისა, მძლეთა მძლისა, უმხნესისა, უძლიერესისა... ლომებრივისა... ლაზთა მეფეთა შორის უაღმატებულესისა, ქართველთა სულტნისა, ზღვათა და ნავთ-საყუდელთა სამეფოთა საუნჯისა... რუმისა და ირანის ქვეყანათა მოსაგრისა... სირიელ მეფეთა თვალსა... თავის გამჭრიახობით უწმინდესის სახლის (იერუსალიმის) აღმამაღლებელისა... რომის პაპის შემწისა, მაჰმადიანთა მეგობარისა... მესსიანთა ერის დიდებისა, მეჯვაროსნე ტომ მოდგმის საუნჯისა, საქრისტიანო სჯულის სიმაგრისა, მეფისა აფხაზთა, ქართველთა და ჯურჯანთა, მეგობრისა მეფეთა და სულტანთა“ და სხ.

¹⁾ ჩვენ ვფიქრობთ, რომ ამ მისიონერებმა მაშინ მოაქციეს ზოგიერთნი ქართველნი კათოლიკეზად და ამ დროიდან შემოდის ჩვენში კათოლიკეს სჯულის აღსარება. ვფიქრობთ, რომ ესეც ახალი საბუთია ჩვენი თანამედროვე სომხების პუბლიცისტების წინააღმდეგ, რომელნიც ამ შემთხვევაში *plus papistes que le pape* შეიქნენ და რომელთ მეცადინეობით სხვათა შორის, ქართველთ კათოლიკეებმა, რომელთაც „ინჩეც“ არ ესმით სომხურს ენაზე, წირვა უნდა მოისმინონ თავიანთ ეკლესიებში სომხურს ენაზე, აქაოდა თქვენ ოდესმე ვითომც სომხები იყავითო....

²⁾ დიმ. ბაქრაძე მოგით-ედ-დინი.

ძე დავითი. ტფილისის აღების შემდეგ, რომელზედაც ქვემოთ გვექნება ლაპარაკი, მუჯედ-ელდინი ხელში ჩაუვარდა ჯელალ-ელდინს, რომელმაც შეიწყნარა და განათავისუფლა ის; მუჯედ-ელდინი დაბრუნდა თავის მეუღლესთან, რუსუდანთან, რომელიც მან პოვა გარყვნილობაში გართული. ქმარმა არ მიხედა იმის ცუდ ყოფა ქცევას და ქრისტეს რჯულს არ გარდაუდგა. რაიცა შეეხება რუსუდანს, ის ისეთს გარყვნილ ცხოვრებას ატარებდა, რომ შესახებ ამისა ღუმილი სჯობს.

1225 წ. ივერიელები გარს შემოერთყენ განჯას და შირვან-შაჰს შეეწიენ თავის სამფლობელოის დაბრუნებაში, მაგრამ ორჯელ დიდის ზარალით უკუქცეულ იყვენ შირვან-შაჰის შვილის მიერ, რომელიც მამისაგან გამოგდებული იყო. იმავე წელს ხორაზმ-შაჰი 200 ათასი ჯარით ანუ უკეთ ვსთქვათ მთელი თავის ერთგულ თემით შემოვიდა თავადთ მხარგრძელიძების სამფლობელოში. დოვინი თავის არემარეთი ივანე ათაბეგს ეკუთვნოდა, ანი—იმის ძმისწულს შანშეს, გაგის—ციხე და იმის მხარე—ვარამ გაგელს. რუსუდანის ბრძანებით ივანემ, უკვე მოხუცებულიმა და მონაზონად შემდგარმა, წაიყვანა დიდ ძალი ჯარი საომრად ქ. გარნის მახლობლად ¹⁾, აგვისტოში 1225 წ. მოწინავე რაზმს ჩვეულებისამებრ შეადგენდენ თორელნი და ახალციხელნი შალვას და იმის ძმის ნიანიას წინამძღოლობით, რომელნიც ხაჩენის მთავრები იყენენ; ომის დროს ივანე ათაბეგი არ მოეხმარა მათ, რის გამო მტერმა დაამარცხა ისინი და ივერიელნი გაიქცენ. შალვა ტყვედ წაიყვანეს და მიგვარეს სულთანს, რომელმაც ერთი წლის შემდეგ აწამა და მოაკვლევინა, ვითომც იმისთვის, რომ მას მიწერ—მოწერა ჰქონდეს ივერიელებთან, უფრო კი სარწმუნოა, რომ ის აწამეს მუსულმანის სჯულის მიუღებლობისათვის. ათაბეგი ბედშნის ქალაქში გაიქცა და მით უშველა თავს. ჯალალ—ელდინმა აიღო ქ. დოვინი, წავიდა თავრიზს, მაგრამ დეკემბერში ისევ

¹⁾ გარნის ჩანგრევებს ერეენის ახლოს უჩვენებენ.

დაბრუნდა მხარგრძელობების სამელობელოში და მთელი ჩრდილოეთი სომხეთისა — ანტიამ განჯამდი — ააოხრა და დაიპყრათფილისი მარტში 1226 წ. აი როგორ მოხდა ეს. სულთანმა შეიტყო, რომ ივანე ათაბეგის შვილი, ავაგი ბედშენში ცხოვრობდა და რომ დედოფლის მიერ პატივცემული იყო. მან მოიწვია ავაგი მოსალაპარაკებლად და, რა განიჭრახა იპის შემწეობით ივერიელების დამორჩილება, ისურვა რუსუდანის ცოლად შერთვა, რომელიც არამც თუ არ დათანხმდა ამა წინადადებაზე, არამედ შიდა ქართლში წავიდა და ტფილისის დაცვა მემნას ძმებს და ბოცოს მიანდო. — მაგრამ ქალაქში გაჩნდნენ მოლალატენი,¹⁾ რომელთაც, როდესაც მეციხოვნები მტერთან საომრად ქალაქიდან გამოვიდნენ, გაუღეს სპარსელებს კარები და მეორე მხრიდან შემოაუშვეს; მაშინ ივერიელთ დიდ ძალ რაზმებმა აქ ვერ შეიკავეს თავი და გაიქცენ. მტერმა ქალაქი დასწვა და დაანგრია. ბოცო იძულებული შეიქნა მტკვრის მარცხენა მხარეზე გარდასულიყო, ვინაიდან მას მოუვიდა დედოფლის ბრძანება, რომ ეს მხარე მტრისათვის დაეცალა. ტფილისის აოხრების შემდეგ სულთანმა მოიწადინა გამაჰმადიანება იქ დარჩენილ მკვიდრთა და მრავალნი მათგანი ამაზე უარყოფისათვის აწამა. ჯვალა — ედღინი არ დაკმაყოფილდა მით, რომ შებილწა ყველა წმინდა ადგილები, მან უბრძანა ამა ადგილების შესაბლალავად თავის ბინიდან სიონის ეკლესიაზე ასასვლელი გზის გაკეთება²⁾ ხოლო მისი ჯარი მოეფინა ივერიის ყველა კუთხეს და შეუბრალეებლად არბევდა მას. სულთანმა ტფილისის მმართველად მამელოქი ახსონქორი და გეზირად საფი — ედღინი მუხამედი დანიშნა. თვითონ ქირმანში

¹⁾ სპარსელები

²⁾ ვახუშთი ამ სიტყვებით მოგვითხრობს ჯვალაედღინის მტარვლობას: „კვალად მოარღვია სულთანმან სიონსა გუმბათი, დაიდგა საჯდომი და დაჯდა მასზედა და მუნიდამ სრვიდა, რომელ მდინარე სისხლისა სდიოდა... „მოილო ხატი სიონისა ყოვლად წმინდისა და დაასვენა ხიდსა ზედა, და რომელი არ ჰნერწყვიდა, მოჰკვლიდნენ.“

წავიდა და იქიდან ზამთარში დაბრუნების შემდეგ სამჯერ თავს დაესხა ქ. ახლათს, მაგრამ ვერ აიღო. აგრეთვე მან ვერ აიღო ქ. ანი და ყარსი, მაგრამ მთელი ივერია კი დარბეული იყო ხორაზმის ჯარისაგან. 1227 წ. გარდაიცვალა ათაბეგი ივანე, რომელიც დამარხეს მისგან აშენებულ ფიზახანგის მონასტერში. შვილი მისი ავაგი დადგენილ იქნა მის ადგილზედ ამირ — სპასალარად. როდესაც მუჯიმმა ივერიელებს შეატყობინა, რომ ტფილისის ციხის მცველ თარიცხვი მცირე არისო და, როდესაც ამასთანავე ისინი მოიპატიჟეს თვით მუსულმანებმა, რომელთაც მობეზრდათ ხორაზმელების სასტიკად მოპყრობა, ისინი წინამძღოლობით მანდატურთ — უხუცესისა შანშესი, სპასალარის ავაგისა, ვარამ გაგელისა, ცოტნე დადიანისა, და ოსების მაშველ ჯარით დაეცენ მტერს ბოლნისის ახლოს. ამ ომის დასაწყისში ივერიელებმა გაიმარჯვეს, მაგრამ შემდეგ ხორაზმელების ურიცხვ რაზმს ვეღარ გაუმაგრდენ. ხორაზმელები დაბრუნდნ ტფილისში 1228 წ. , სადაც ყველა იქაურნი მკვიდრნი ამოყლიტეს და ქალაქიც გადადაგეს. სულთანმა მეორედ აიღო ის 1229 წ. და იქიდან ახლათზე გაილაშქრა. დედოფალი რუსუდანი ჯერ ქუთაისს და შემდეგ აფხაზეთს გარდავიდა.

ჩინგისხანმა, რომელიც 1229 წ. გარდაიცვალა, გარდასცა დასავლეთი და ჩრდილოეთი ნაწილი აზიისა თავისს შვილს ჯუჩის, და სახელ უწოდა მას ყაენად ¹⁾ ე. ი. ხელმწიფედ და მბრძანებელად. მონგოლების წინამძღოლნი ჭარმალან, ჩალათარ, იოსერ და ბინჩვის გამოელაშკრენ ადერბეჯანის მხარი-

²⁾ ყაენი, ყეენი წარმოსდგება მონგოლურ ლექსიდან ყახან, რომლის სახელწოდებას ხმარობდენ უმთავრესი მონგოლთ წინამძღოლები და მათი მემკვიდრენი სპარსეთში. ყახანი განსხვავდება ხანიდამა, რომელიც ერქვათ სპარსეთის მმართველებს. Hist. de la géorgie. გვ. 485 შენ. 3. შეადარე აზირებულნი აზრი „ყვალისა“ ყაენობის შესახებ. ავტორი არც აცივებს და არც აცხელებს და ყაენობა მურვან-ყრუს დროიდან გამოჰყავს;

საკენ. თავრიზი და არღებილი დაემორჩილენ მათ; განჯამ წინააღმდეგობა გაუწია, რისთვისაც მტერმა აღებისა შემდეგ სრულიად ააოხრა ის.

1230 წ. ჯვალალ—ედდინმა გაგზავნა ქ. ლორის დასაპყრობლად ილექ-ბეგი, რომელმაც, თუმცა ის ვერაილო, მაგრამ ძაგამის და გაგის ციხეები დაიკავა და ივერიელები დამარცხა ქ. ბედშნის ახლოს. რადგანაც ჯვალალ—ედდინმა აქ ველარ შეიმაგრა თავი მონგოლების შემოსევისაგან და ამასთანავე რამდენჯერმე დამარცხდა ახლოთის ახლოს იმის მფლობელის მელიკ-აშრაფისაგან, — რომელმაც არ ისურვა ჯვალალ—ედდინის ხელთ ქვეით ბრძოლა მონგოლებთან — ის 1230 წ. გაემგზავრა ქურთისტანს, სადაც ქ. მიაფარეჩინის მახლობელ სოფელში ის ერთმა ქურთმა მოჰკლა. მისი ჯარი ამოწყვეტილ იქნა გუნდ გუნდად იმ მხარის მკვიდრთაგან, რომელნიც წინეთ მათ გაეძარცვათ. ყველა რუსუდანის მეფობის ვერცხლის ფული მოჭრილია 1230 წ., ხოლო სპილენძისა — ცოტა წინედ 1227 წ. რუსუდანი გაეყარა მუჯით — ედდინს და ყოველს ღონისძიებას ხმარობდა წაერთვა ტახტი თავის ძმისწულის დავითისათვის. ამის გამო 1234 წ. მან ბრძანა სამეფო გვირგვინით კურთხევა ქუთაისში თავის ექვსის წლის შვილისა. ამ დიდებულს დღესასწაულზე, ლაშკრობის გამო ვერ დაესწრენ მანდატურთ — უხუცესი შანშე, რომელიც ანში იყო, სპასალარი ავაგი ბედშნში მყოფობის გამო, ვარამ გაგელი და აღმოსავლეთ ივერიის დიდებულნი. 1236 წ. ახლო ხანებში დედოფალი დათანხმდა თავისი ქალი თამარი მიეთხოვებინა გაიათ — ედდინის ქაიხოსრო II, იკონიის სულთანისათვის იმ პირობით, რომ მას ძალა არ დაეტანებინა ცოლისათვის მაჰმადიანობის მიღებაზე. ხოლო შემდეგში თამარმა ქრისტიანობას გარდუგა და მას სასტიკად სცემდა ქმარი, რომლიც უმიზეზოდ იქვე ეულობდა იმაზე. ცოტახნის შემდეგ რუსუდანმა გაგზავნა იკონიას თავის ძმისწული დავითი და საიდუმლოდ მიწერა სულთანს მოკლას ის როგორმე, მაგრამ არც სიძემ და არც იმის ცოლმა

გურჯი—ხათუნმა არ აღასრულეს რუსუდანის ამ გვარი უსამართლო თხოვნა.

1236 წ. მონგოლებმა ¹⁾ დაიპყრეს სომხეთი, მთელი შირვანი დარუბანდამდე და ადერ ბეჯანი, დაიწყეს ძარცვა და აოხრება ივერიისა. დედოფალის ბრძანებით მუხასძემ ²⁾, ტფილისის მოურავმა თითონ დააქცია ტფილისი და ისე დაუტევა მტერს. შანშე ქ. ანიდამ აჭარაში გაიქცა, ვარამ გაგელი ³⁾— ქუთაისს, ავაგი—კაიენის ციხეში, რომელიც შემდეგ ხანგრძლივს ალყისა იძულებული იყო დაეთმო. აღმოსავლეთის და დასავლეთის დიდებულებმა მთიულეთის სიმაგრეებში შეიფარეს თავი. შემდეგ ავაგი, შანშე, ვაჩაზ და გლიქუმ ორბელიანი დაემორჩილენ ძლევა მოსილს მტერს და მათ უკანვე დაიბრუნეს თავისი სამფლობელოები. ანი და კარნუ ქალაქი ე. ი. არზრუმი იიდეს მონგოლებმა, ხოლო მკვიდრნი იარაღით ამოჟლიტეს. ეს ივერიის საზოგადო დაპყრობა მოხდა 1239 წ. როგორც კი ავაგი დამორჩილდა მონგოლებს, ის ნიშნად პატივისცემისა გაგზავნეს ოლოდაი—ყაენთან და თან გაატანეს მისი და თამთა და ახისტნის სულთანი. ავაგმა ისარგებლა ამ შემთხვევით და გამოითხოვა როგორც ქრისტიანებისათვის, აგრეთვე სამღვდლოთათვისაც შეღავათი და ორწლის ყოფნის შემდეგ დაბრუნდა იქილამ დიდად პატივცემული და უხვი საჩუქრებით დაჯილდოებული. თამთას დაუბრუნეს იმის სამფლობელო ახლათის მაზრაში; ის დაბრუნდა შინ დედოფალის რუსუდანის ელჩის ხამადაულის თანახლებით. ყაენმა დაუმტკიცა დანარჩენ მფლობელებთ ყველა ის მამულები, რომელნიც აქამომდე მათ ეჭირათ.

¹⁾ ვახუშტით „მოეფინენ ვითარცა მკალნი მსვრელნი“.

²⁾ ვახუშტით „მხარ-გძელი გოჭა“, და არა გოჭა მუხასძე. გვ. 229.

³⁾ გაგი და გაგოს ციხე ბროსსეს ფიქრით მდებარებდა არწახის მაზრაში, გუგარკში (სომხეთში), ქართველების გარდაბანის საზღვრებში. Hist. de la Géorgie, 1, 228 შ. 4 და 5.

მონგოლებმა აიღეს და ხელახლად ააგეს დაქცეული ტფილისი. სამცხე რაოდენსამე ხანს დედოფლის ერთგულებაში დარჩა, მაგრამ ჩალათარმა მოარბია ის და იმდენი ხალხი ამოსწყვიტა, რომ ივანე ციხისჯვარის მფლობელი დედოფლის ნებართვით დაემორჩილა დამპყრობელებს, და იმით იხსნა მთელი ეს მხარე საშიშარ განსაცდელისაგან.

მაშინ რუსულანმა გარდასწყვიტა თავისი შვილი დავითი ჩაებარებინა მონგოლებისათვის და ამ განზრახვით მათ აახლო თავისი დიდებულნი, რომელთაც მონგოლების ჩვეულებისამებრ უნდა მიეღოთ ფიცი. ეს ფიცი მდგომარეობდა იმაში, რომ პატარა ოქროს ფიცარს ჩადებდენ წყალში, რომელიც ორთავე მხარეს უნდა დაელიათ. ამ დროს ბიჩვი—ნუინმა ¹⁾ შეკრიბა ჯარი შემოიერთა დამორჩილებულნი ივერიელები და გაელაშკრა კონიის ²⁾ სულთანის წინააღმდეგ. თურქების სულთანს გაიეთ—ელდინს სარდლებნად დარდან შარვაშიძე და ფარადაული, თორელის შალვას შვილი ჰყავდა. ბიჩვის კი ახლდენ სარგის—ჯაყელი, ავაგი შაგანშაჰ და ელიქუმ ორბელიანი. ომში დარდანი და შალვა ¹⁾ მოკლეს. ივერიელებმა ამ ომში ვაჟკაცურად თავი იჩინეს. დედა და ასული დამარცხებულ სულთანისა გაიქცენ კილიკიაში, ხოლო ხეტუმი სომხების მეფე და ქალაქები კესარია და სებასტია დაემორჩილა მონგოლებს. რადგანაც სულთანმა ველარ შესძლო მონგოლების წინააღმდეგობა, მორჩილებით და საჩუქრებით შეაწყნარა მათ თავი და მიიღო თავისს დედა—ქალაქში, კონიაში მოურავი დადგენილი

¹⁾ ნოინი, ნუინი ნიშნავს მთავარ ერისთავს. ვახუშტით ნოინი იყო ცხენოსანის ჯარის უფროსი, თუმანისა ანუ ათი ათასის თავი, აგრეთვე სამეფო სახლის უფლის წულიც.

²⁾ იგივე იკონიის.

¹⁾ ჩვენის აზრით აქ *lapsus calami* უნდა იყოს. როგორც წინედ მოყვანილ სიტყვებიდან სჩანს, შალვა კი არ ყოფილა სარდლად ამ ომში, არამედ მის შვილი ფარადაული.

ნოინების მიერ, რომელნიც საზაფხულოდ იალაღებზე გელაქუნის მხარეში წასასვლელად აიყარნენ. ეს მოხდა სწორედ 1243 წ.

მონგოლები დათანხმდნენ რუსუდანის თხოვნით იმის შეიღობის დავითის გამეფებაზე. მაშინ დიდებულნი ავაგი, შანშე, ყვარყვარე სამცხელი, ცოტნედადიანი, — ყველასაგან პატივცემული პირი, ბედიანი და გურიის მთავარი წავიდნენ შესაგებებლად დედოფლის, შვილისა, რომელსაც ნოინებმა მთელი ივერია უბოძეს სამშვილდის ციხით და დარქვეს მას ნარინ — დავითი¹⁾. ეს აუწყეს აგრეთვე მონგოლთ ხელმწიფის ჩრდილოეთ მხარეებში მოადგილეს, ბათუს. ამ ბათუ—ხანის ბრძანებით ავაგი, ათაბეგის წოდებით დაჯილდოებული, მის წინაშე წარდგა ახლათის სულთნის, როკნ-ედდინითურთ და გააცვიფრა მონგოლები თავის პირ-ფარეშის დავითის ერთგულებით. ავაგმა არ იცოდა, როგორ მოეპყრობოდა მას მონგოლთ მბრძანებელი; ამის გამო თავისს მაგიერ პირფარეში წარადგინა და თითონ ავაგმა იმის მხლებელობა დაიჩემა. რაოდენიმე დღის განმავლობაში დავითს ყველა იმ პატივის ცემით ეპყრობოდა, როგორც შეეფერებოდა ავაგს. როდესაც კი ავაგი დარწმუნდა, რომ ბათუ-ხანმა ის მოწყალის თვალთ მიიღო, გამოუტყდა მონგოლებს, რომელნიც ფრიად გაკვირდნენ მსახურის ამ გვარ ერთგულებაზე. ბათუმ ორივე ისინი გაგზავნა ყარაყორუმში უმაღლეს მეუფესთან.

როგორც კი ნოინები შეურაცხდნენ რუსუდანს, გარდაწყვიტეს მონგოლიაში გაეგზავნათ მეფედ ახლად ამორჩეული დავითი, რომელმაც 2 წელიწადი დაჰყო ბათუ-ყაენის სასახლეში თანახლებით დიდებულთა ბექასი, ქართლის ერისთავის შვილისა, ბეშკენისა და სხ. საქმის ამ ნაირი მსვლელობა მით უფრო საწყენი იყო რუსუდანისათვის, რომ ის ყველა საშუალებას ხმარობდა მოეკვლევინებინა თავისი ძმისწული და მით თა-

¹⁾ ნარინი მონგოლურად ნიშნავს მახვილს, გონიერს.

ვის შვილისათვის დაემკვიდრებია სამეფო ტახტი. ამ განზრახვით რუსუდანმა რამდენჯერმე თხოვა თავისს სიძეს, იკონიის სულთანს დავითის მოკვლა, მაგრამ ის მუდამ უარს უთვლიდა, მაშინ რუსუდანმა მოახერხა ეჭვი აღედრა სულთანის გულში შესახებ დავითის კავშირისა მის მეუღლესთან. სულთანმა ახალგაზდა ბატონის წული გარდასცა მენავეებს და უბრძანა ზღვაში მისი გადაგდება. ის გადარჩა სიკვდილს. ერთ ფიცარზე მისცურა სავაჭრო გემამდი, რომელიც ზღვის პირზე იდგა. ის მალე იცნეს და ოთხის შემდეგ ჩააგდეს დილეგში, სადაც ოთხი წელი იმყოფებოდა და სადაც ყოველ დღე მიჰქონდა მასთან პური და წყალი მის ერთგულს მოსამსახურს, სლავს სოსნას. ამ დროს განმავლობაში ივერია, უმეფოდ დარჩენილი, მონგოლებმა გაჰყვეს რამდენიმე ნაწილად, რომელთაც მართვიდენ შანშე, ვარამ გაგელი, გრიგოლ,—ქართლის ერისთავი,—ცოტნე დადიანი და სხ. უზენაეს ზედამხედველობით ბაკურ-ციხის მფლობელისა, ეგარსლანისა ¹⁾, რომელსაც დიდად პატივსცემდენ წყნარის ზნეობისა და დიდ გამოცდილებითსათვის. მონგოლებმა გარდაწყვიტეს აღმუთის მულიდების დაპყრობა და ამისათვის აამხედრეს მთელი ივერია და ის დაჰყვეს ორ ნაწილად, რომელნიც მორიგისად თითო წელს მსახურებდენ მათ რაზმში. მულიდებმა ღამით შეაპარეს ქალათარნუინის კარავში ერთი თავიანთგანი, რომელმაც ხანჯლით მოკლა ის და გაიქცა. ეს მკვლელობა დააბრალებს ივერიელებს და ისინი სასტიკად დაისჯებოდენ, თუ თითონ მკვლელი არ გამოცხადებულიყო მონგოლების წინაშე და თავისი თავი დამნაშავედ არ აღეარნა. აღმუთის აღყის დროს სამოცი ათასი თურქნი ყარა-არსლანის წინამძღოლობით შეესიენ სამფლობელოს შანშისას და ავაგისას, რომელთაც, შეკრიბეს რა ოც-

¹⁾ მატიანის თქმით „ეგარასლან ბაკურციხელი იყო კაცი საკვირველი, ღრმად მოუბარი, მხნედ მეომარი, არა რას საქონლისა პატრონი, კნინდა სახელი მეფობისა ებურა“.

დაათი ათასი ჯარი, იერიშით მივიდენ მტერზე და დაამარცხეს ის ვალაშკერტის ახლოს და დაბრუნდნენ დავლით ქ. ანში. მეორე გუნდს თურქმენებისას, რომელთაც ტაოსის დარბევა იწყეს და ქ. ბანის ახლოს დაბანაკდენ, — დახვდა კალმახის ციხის ახლოს ციხის-ჯვარის და ჯაყის სარდალი ყვარვარე, რომელმაც, გაიმარჯვა რა მათზე, დაიპყრა ოლთის და ბაყათა¹⁾-ყურის ციხეები, წინეთ თურქების ხელში ნამყოფნი. წესიერების დასამყარებლად და მტრისაგან ქვეყნის დასახსნელად დიდებულნი კოხტის თავში შეითქვეს და ვადაც დანიშნეს თავისი განზრახვის ასასრულებლად. ზოგი ამბობს, ვითომც დიდებულთ აჯანყება კი არ განეზრახოთ, არამედ ნადიმის შემდეგ ხუმრობაში და მასლაათში რამდენიმე სიტყვები წამოსცდათ. ასე იყო, თუ ისე, ბიჩვი ნოინმა და ანღურმა ეს ამბავი რომ შეიტყვეს ანაზღეულად თავს დაესხენ და დაატუსაღეს წარჩინებულნი და ხელ შეკრულნი მოიყვანეს ანისში; თვით მეფე დავითი ამ სამარცხვინო სასჯელს ვერ ასცდა. ავადმა კი დაარწმუნა ნონიები თავის უბრალოებაში.

მონგოლებმა დიდ ხნის წვალეების შემდეგ ივერიის დიდებულნი შეიწყნარეს და განათავისუფლეს. ეს უნდა მომხდარიყო 1249 წ. ამის ცოტა ხნის წინეთ 1247 წ. უსმერში გარდაიცვალა რუსუდანი¹⁾ ჯავრისაგან იმ უბედურების გამო, რომელიც მისობას ეწია სახელმწიფოსაც და იმის შვილს, რომელიც მაშინ მონგოლიაში იყო გაგზავნილი. 1244 წ. ახლო ხანებში, დიდებულებმა, რა შეიტყეს გიორგი ლაშას შვილის დავითის თავგარდასავალი და აგრეთვე ისიც, რომ ჯერ კიდევ ცოცხალი იყო, ნოინებს გამოთხოვეს ნებართვა გამოეყვანათ ის იკონიის სულთანის სამფლობელოდან და შემდეგ გაემგებინათ. იმის მოსაყვანად გაგზავნილნი იყვნენ ვარამ გაგელი და სარგის თმოგველი, რომელთაც ნახეს ის

1) იგივე ბულათ-ყური.

2) ვახუშტით რუსუდანი ტფილისში მოკვდა.

საცოდავ მდგომარეობაში შემდეგ ხუთის წლის დიდებულნი დამწყვდევნისა; ის დაბანეს, ჩააცვეს სამეფო ტანსაცმელი და შემოიყვანეს ქალაქში, სადაც მას დახვდენ ყველა დიდებულნი გარდა ევარსლანისა. ნოინებმა დაარქვეს მას ულუ ე. ი. დიდი, უფროსი, ვინაიდგან ის უფროსი ძმა იყო. სომხის მესტორიენი უწოდებენ მას ვარამულად რაც ქართულ ენაზე ნიშნავს: ვარამისა მიერ ქმნულს, დადგენილს.

მალე გაგზავნეს ის ბათუ-ყაენთან და თან აახლეს დიდებულნი შანშე, ზაქარია, აღბულა, ვარამ გაგელი და სარგის თმოგველი. ზოგნი მოგვიტხრობენ, რომ დავითმა სამეფო გვირგვინი მცხეთას იკურთხა; ცოტა ხანს უკან ბათუ-ყაენმა გაგზავნა რუსუდანის შვილი მონგოლიაში სათხოვნელად გაიუქყაენისა¹⁾, რომ მას დაემტკიცებინა ის მეფედ. აქ ჩვენის აზრით შეცდომა უნდა იყოს, იმიტომ რომ გაიუქყაენი გამეფდა არა უადრეს 1246 წლ. თუმცა ფრიად ძნელია გარჩევა და სისწორით გამოკვლევა მაშინდელ მომხდარ ამბევებისა. ნამდვილად ვიცით, რომ ორთავე მეფის წულნი დაესწრენ ყარაყორუმში გაიუქის გამეფებაზე 1242 წ. და რომ ისინი (ერთი იმათგანი მაინც) დაბრუნდენ ქართლში დაახლოვებით 1250 წ., რაიცა ზემოხსენებულიდამ ცხადად სჩანს. მეორე ნაამბობი მოგვიტხრობს, რომ რუსუდანმა, აკურთხებინა რა სამეფო გვირგვინით თავისი შვილი დაახლოვებით 1240 წ., მონგოლიაში გაგზავნა თავისი ერთგული კაცი ზამადაული, თითონვე არ ისურვა ნოინების დამორჩილება და გაიქცა სვანეთში. როგორც კი შეიტყო დედოფალმა, რომ დიდებულებმა მოიყვანეს კესარიიდან მეორე დავითი და გაამეფეს ის, მაშინვე შვილი თავისი გაგზავნა ბათუ ყაენთან, რომელმაც უბრძანა მას ტფილისში ეცხოვრა. ნოინებმა გაგზავნეს მონგოლიაში ღაშა გიორგის შვილი, შემდეგ ამისა იქვე გაგზავნილ იქნა რუსუდანის შვილიც. გაიუქმა გარ-

¹⁾ იგივე გაიუქ და გიუქი ყაენი.

²⁾ იგივე ბატუა, ბათუა-ყაენი.

დაწყვიტა, რომ ორივე ბატონის შვილებმა იმეფონ: ჯერ უფროსმა და შემდეგ უმცროსმა; გაიყონ ურთიერთ შორის ყველა სამეფო საუნჯე და იცხოვრონ ლაშას შვილმა ტფილისში, ხოლო დედოფლის შვილმა — სვანეთში. ბათუს წინადადებით ორივე დავითი მეფეებად განაცხადეს 1247 წ. ახლო ხანებში, — ნარინი ვითარცა სამეფო გვირგვინით ნაკურთხის დედოფლის კანონიერი შვილი, ხოლო ლაშა გიორგის უკანონო შვილი დავითი, ვითარცა სამეფო გვარის მამრობითი სქესისა შთამომავალი. ჰუღალუმ დაამტკიცა ისინი ამ წოდებით და კათალიკოზის, სამღვდლოების და მთელი ერის თანადასწრებით ისინი საჯაროდ ქ. ტფილისში მეფეებად აღიარეს. ამ ფაქტების დასამტკიცებლად შეიძლება დავსძინოთ ის, რომ ჩვენამდის მოუღწევია ამ დროს მოჭრილ ფულს ჰიჯირის 642, 645, 650 წლ. და ჩვენის წელთაღრიცხვით 1244, 1247 და 1252 წლ. ქრ. შ. შემდეგ, რომელნიც ექვ მიუტანელად დავით ნარინის დროს ეკუთვნიან. ამის გარდა დაცულია კიდევ სხვა ფულიც: 467 წ. პასხალიონისა ე. ი. 1247 წ. ქრ. შ. შ. გაიუქ — ყენის და დავითის სახელით, ტფილისში მოჭრილი და ჰიჯირის 650, 652, 654 ე. ი. 1252, 1254, და 1256 წ. ქრ. შ. შ. მანღუ ყენის და ლაშა გიორგის შვილის, დავითის სახელით, ტფილისშივე მოჭრილი. აქედამ ცხადად სჩანს, რომ 1244 წ. დავით ნარინი მონგოლებისაგან უკვე აღიარებული იყო მეფედ ოლოდაი ყენის სიკვდილის შემდეგ დროს, სანამ იმის მემკვიდრეები ტახტზე ავიდოდნენ, და რომ 1247 წ. ლაშას შვილი დავითი უსაცილოდ გამეფებული იყო.

აქ უდროო არ იქნება მოვიხსენიოთ, რომ თამარის მეფობის დასასრულს ივერიაში დაბრუნდა გლიქუმის შვილი ლიპარიტ ორბელიანი, რომელიც მოწყალედ მიიღო დედოფალმა, თუმცა გიორგის მეფის დროს ძალიან სასტიკი ბრძანება იყო გამოცემული შესახებ ორბელიანთ მთელის გვარისა. ლიპარიტის მეორე შვილი სემბატი წავიდა მონგოლიაში 1251 წ. გამოსათხოვნელად უზენაესის ყენისაგან სიგელი-

სა თავის მამა-პაპისოულობაზე, რომელსაც ართმევდენ მას ათაბეგი ავაგის შვილები. სემბატი მეორეჯერაც წავიდა მონგოლიაში 1256 წ. თავის გასამართლებლად იმ ცილის წამებისგან და ბრალდებისაგან, რომელნიც მას გამოუგონეს ზოგიერთმა იმის სახლის და ქრისტეს სჯულის მტრებმა. ის მეგობრობდა არსლან-ნოინს, რომლის შემწეობით ყენი თავისაკენ მოიხრო და დაბრუნდა სამშობლოში დიდის სითარხნით. დავით IV, რუსუდანის შვილი სახელ-წოდებული ნარინად და დავით V ლაშას შვილი გულითადის თანხმობით ერთად მეფობდენ; ხოლო ლაშას შვილი უფრო პატივცემული იყო ჰულალუ¹⁾ ყენისაგან და ერისაგან, როგორც წლოვანებით უფროსი და მამრობითი სქესისა შთამომავალი.—1256 წ. შვიდი წლის ომის შემდეგ, მონგოლებმა დაიპყრეს ალამუთი, მულიდების²⁾ საბუდებელი, რის შემდეგ ისინი გარდაიფანტენ სხვა და სხვა ქვეყნებში, სახელდობრ სირიაში და ეგვიპტეში. ჰულალუ-ყენის ყოფნის დროს ალათავის ველზე, რომელიც ვანის ტბის ჩრდილოეთად ძევს, ნარინ დავითი გაიქცა აფხაზეთში სემბატ ორბელიანის შემწეობით და მას უკან მონგოლების ბანაკში აღარ დაბრუნებულა. ბედან დადიანმა, რაჭის ერისთავმა და ყველა იმერლებმა აღიარეს ის დასავლეთის ივერიის ანუ იმერეთის მეფედ; მას მაინც ტფილისის მეფეს, დავითთან მეგობრობა და კავშირი არ შეუწყვეტია. ამის შემდეგ იწყება ივერიის გაყოფა 2 სამეფოდ³⁾, იმერისა ანუ იმერეთისა ლიხის მთის იქით და ამერისა ე. ი. ქართლისა ამ მთის აქეთ მდებარის მხარისა.

ლაშას შვილს ცოლად ჯიგდა - ხათუნი ჰყავდა. ბათუ-

¹⁾ ჰულალუ, ჰულაგუ, ხულალუ-ყენი—იგივე ულოა, ულუ-ყენია.

²⁾ ავტორი თავის Hist. de la Géorg. ამბობს, რომ მულიდების ნაცვლად უნდა იყოს „მულალთა“. 519 II. 2.

³⁾ ეს ორ-მეფობა სხვაა და საქართველოს ორ-მეფობად საბოლოოდ გაყოფა—კიდევ სხვა.

ყენის დაბარებით ის წავიდა მასთან და სამეფოს მართვა მიანდო დედოფალს მანდუტურთ — უხუცესის ჯიქურის თანაშემწეობით.

როდესაც დავითი მონგოლიიდან დაბრუნდა, მან სიკვდილით დასაჯა კახეთის ერისთავი, პანკისელი თორიზი, რომელიც მას არ მიეგება და, როგორც ეტყობოდა, თავისი თავი დამოუკიდებელ მფლობელად სურდა აღეარნა. ჰულალუ — ყენმაც დავითი დიდის პატივით მიიღო და თან წაიყვანა ის გალაშკრებაში ბაღდადზე, რომელიც 1258 წ. 10 თებერვალს, თორმეტი დღის ალყის შემდეგ აიღო. ეს ქალაქი არსებობდა თითქმის ხუთი საუკუნე. ის დააფუძნა 145 ჰიჯირისა ანუ 762 წ. ქრ. შ. შ. აბბასიდის ხალიფამ ალ-მანსურმა. ამ ომის დროს უკანასკნელი ხალიფა მასტასემი შვილებით დაიღუპა; ის ჩასვეს ტომარაში და მოასრესინეს მონგოლთ ცხენების ფეხთქვეშ. ქართული მატთანე მოგვითხრობს, რომ ჰულალუ-ყენმა თავის ხელით მოკვება თავი ხალიფას, ხოლო მისმა შვილმა მუსულმანების მბრძანებლის შვილსაო. გამარჯვებულებს დარჩათ აუარებელი ნადავლი და ტყვეების დიდი რიცხვი.

1258 წ. ქართველების ზარის დასაცემად ბათუ — ყენმა გამოგზავნა არღუნი და უბრძანა მას აღეწერა საქართველოს ყოველივე უძრავ — მოძრავი ქონება, რაც კი იქ მოინახებოდა — ხილამ დაწყებული პირუტყვამდე, საქონლიდამ კაცამდე, 10 წლის ასაკიდან ¹⁾ — მან უბრძანა აგრეთვე არღუნს, შეედგინა მათი სია, ვისაც სამხედრო სამსახური შეეძლო. არღუნს 10 გლახზე ერთი გამოჰყავდა და ამ ანგარიშით შედგა 90 ათასი მოწიფული მხედარი. აქედამ სჩანს, რომ მაშინ საქართველოში ცხოვრობდა გარდა აზნაურობისა და სამღვდლოებისა ოთხი მილიონ ნახევარი სული ორივე სქესისა. გარდა სამხედრო ბევარისა ყოველი სოფელი ვალდებული იყო ეძლია

¹⁾ „კაცთაგან პირუტყვამდე, ყანით ვენახამდე და წალკოტით ბოსტნამდე, ქ. ცხ. გვ. 387.

ხარჯი ათასის და ათი ათასის თავებისათვის¹⁾ ფულით, ნივთით და საქონლით. რადგან ამ ხარჯს უღმობელად ახდევინებდენ და, ვინც გარდახდას დააგვიანებდა, მას შვილებს ართმევდენ, საქართველო ყოვლად შესაბრალისს მდგომარეობაში ჩავარდა.

1260 წ. ჰულალუ თავს დაესხა სირიას. ალექსოს ემირი ნასირა დაემორჩილა მას; და, თუ ვერწმუნებით მეისტორიე მალაქია აბეგას, ჰულალუმ დაიპყრა იერუსალიმი, მაგრამ ეგვიპტის სულთანი ქუმუზი დახვდა მას და დაამარცხა იგი აინჯალუჯის ველზე და ყით-ბულას — დატყვევებულს მონგოლების სარდალს თავი მოჰკვეთა. ამ ომში მეფე დავითმა ქართველებით გამოიჩინა დიდი მამაცობა, რისთვისაც მონგოლებმა გაუშვეს ის თავის სამფლობელოში. მეორე შეტაკებაში ქ. ბირის ახლოს, მდ. ეფერატის ნაპირზე სირიელები დამარცხდენ.

მეფე დავითი დიდხანს უშვილოდ იყო. მან შეიყვარა შემდეგ ალთუნი, რომლისაგან შეეძინა ვაჟი გიორგი და ასული თამარ. დედოფალი ჯიგდა-ხათუნი 1052 წ. გარდაიცვალა და ის დაასაფლავეს მცხეთის ტაძარში.

როდესაც ჰულალუ-ყაენი გაელაშკრა ეგვიპტის დასაპყრობლად დავითი გაემგზავრა ქართლში და გარდავლო სამფლობელო ათაბეგის ავაგისა, რომელიც 1250 წ. გარდაიცვალა. დავითმა შეირთო ცოლად იმის ქვრივი გვანცა, რაჭის ერისთავის კახაბერის შთამომავალი. იმისაგან შეეძინა 1262 წ. ახლოხანებში დიმიტრი, რომელიც შემდეგში ქართლის მეფედ შეიქნა. დავითმა შვილი გასაზრდელად მიაბარა თავის საყვარელს და ერთგულს სემბატ ორბელიანს, რომელმაც შემდეგში გამოსთხოვა მეფეს მოესპო გიორგი III ზემოხსენებული განკარგულება, რომელიც ფრიად დამჩაგრველი იყო ორბელიანის გვარისათვის. მან მიაბარა გასაზრდელად გვანცას ქალი ხვაშავი სადუნა მანკაბერდელს, იმ სადუნის შვილის შვილს, რომელიც თამარის

1) თუმანის ანუ ათი ათასის თავები ვახ. გვ. 234 შენიშვნა.

მამის გიორგის შეფობაში მოვიხსენიეთ. ეს დიდებული დიდად პატივცემული იყო ჰულალუ-ყაენის მიერ და მაშინ ამირ-სპასალარად იყო. მეფე დავითი წინააღმდეგ თავის სურვილისა იძულებული შეიქნა დათანხმებულიყო მონაწილეობა მიეღო ეგვიპტეზე გალაშქრებაში, რადგან შემდეგ აღწერისა მისი სახელმწიფო გაძარცვული იყო მონგოლებისაგან, რომელნიც ზემოხსენებულ ბეგარისა და ხარჯისა¹⁾ გარდა ახდევინებდენ ბაჟს სამშაურს, ბაზარში გაყიდვის დროს, ყოველ სამას დრახმის საღირალოს საქონელზე. დავითი მივიდა ჯავახეთს და, რადგან სისწრაფის გამო ვერ მოასწრო წაეყვანა თავისი ცოლი და შვილი დიმიტრი, გარდაწყვიტა თავის ერთგულის სარგის ჯაყელის რჩევით აღარ გაჰყოლოდა ჰულალუს ეგვიპტეში; დანარჩენნი კი ივანე, შანშეს შვილი, გრიგოლ სურამელი, ორბელიანი, კახა თორელი-ახალციხის ერისთავი და სხვა დიდებულნი გაჰყვენ მონგოლებს. როცა გამარჯვებული ჰულალუ-ყაენი დაბრუნდა, უბრძანა არღუნს, მეფე ურჩობისათვის დაესაჯა და ამისათვის გაუგზავნა თავის ნოინს 20 ათასი მხედარი, რომელთა შორის რაოდენიმე ქართველი დიდებულნიც ერიენ. პირველ შეტაკებაზე მესხთ მოწინავე რაზმმა დაამარცხა მდ. შოლის ნაპირზე მოწინავე მონგოლთ ჯარი. მეორე ომში კი ჩასაფრებულებმა მონგოლებმა ვერაგობით შეიტყუეს მესხნი და დაამარცხეს ისინი; შემდეგ მოარბიეს და მოაოხრეს, კირაკოზის თქმით, სამცხის მაზრა აწყ-

1) ავტორს „Addit. et éclairc.“ ში მოჰყავს კირაკოზის ცნობანი, სადაც ნათქვამია, რომ ჰულალუ-ყაენმა დააწესა ხარჯში აეღოთ ხორბალი, ბრინჯი, ღვინო, ტომრები, ცხენის ნალი, მშვილდის ლარი, ისარი და სხვ. ოც თავ საქონელზე ერთს თავს და ოც თეთრს ახდევინებდენ“ (თეთრი ვერცხლის ფული იყო და უდრის შაურს. გვ. 432) ჩამჩიანის სიტყვით საქართველოს და სომხეთს დადევს ხარჯად 60,000 ოქროს ფული; Hist. de la Géorgie გვ. 551 n. 2. მეფის სამზარეულოში რომ ცხვარი დაეკლათ, იმაზედაც ხარჯს იღებდენ მონგოლები. ამ ბაჟს ტალმა ერქვა და მას იღებდა სპარსი ხოჯა-აზიზი, რომელსაც შემდეგში მეფე დავითის ბრძანებით თავი მოჰკვეთეს. ქ. ცხ. გვ. 389.

ვერი და ხელატი ოცი დღის განმავლობაში. ქართველების ბედზე არლუნი დაიბარეს საომრად თურანის ყაენთან, რომელიც ხვარასანს დაეცა. დავითის აჯანყებისა გამო დედოფალი გვანცა, იმისი ასული ხვაშაგი, შანშე და სხვა პირები ჰულალუყაენის ბრძანებით დაჭერილნი იყვნენ. მაშინ სარგის ჯაყელის რჩევით მეფე დავითი გარდაიხვეწა იმერეთში და იქ მთელი წელიწადი თავის მამიდაშვილთან დაჰყო. მათ შორის ცილება შეიქნა. ბედან-დადიანმა, ოდიშის და სვანეთისა განთქმულმა მმართველმა, ნარინ-დავითის მხარე დაიჭირა, ხოლო სარგის ჯაყელი და რაჭის ერისთავი ლაშა-გიორგის შვილს მიემხრენ. ამისა გამო ორივე მეფემ ძმურად დაიყვეს ყველა სამეფო განძი და იარაღი. ნარინი იმერეთში დარჩა, ხოლო ქართლის მეფეს არ შეეძლო მონგოლების იქ ყოფნის გამო სახელმწიფოს თავის ნებაზედ მართვა. ჰულალუყაენი ცდილობდა მის დამშვიდებას და პირდებოდამ ას და დედოფალს დაბრუნებას როგორც სამეფო უფლებისას, აგრეთვე ნარინის შვილის დიმიტრისა, რომელიც ერთმა ნოინმა სიკვდილისაგან დაიხსნა და გასაზრდელად აიყვანა. ამას გარდა მეფე თხოულობდა ყაენისაგან, მიეცა მისთვის ხარჯის ამკრფეი, ხოჯა აზიზი, რომელმაც შეურაცხება მიაყენა მეფეს და სასტიკად ავიწროებდა ქართლს. ჰულალუმ გადაჭრით უარი შემოუთვალა ამ მოთხოვნილებაზედ. როგორც კი დავითი დათანხმდა ტფილისს ჩასვლაზედ, მისი შვილი გიორგი წაიყვანეს მონგოლთ ბანაკში; თითონ კი მეფემ არ ისურვა იმის გაჰყოლა. ამით გაჯავრებულმა ჰულალუყაენმა განიზრახა მეფის წულის სიკვდილი, მაგრამ შეიწყნარა თავისს ცოლის თაგუზ-ხათუნის და დიდებულის ენუკ-არლუნის თხოვნა და ბოლოს მან გაუგზავნა მეფეს ორივე მისი შვილები და ხოჯა-აზიზი, რომელსაც დავითმა დაუყოვნებლივ მოსჭრა თავი ნოემბერში 1262 წ. და წავიდა მსწრაფლ ბანაკში სარგის ჯაყელის თანახლებათ.

ეს რომ ჰულალუმ შეიტყო, განიზრახა დავითის დასჯა, მაგრამ ამდროს მას მოუვიდა სამძიმო ამბავი, რომ ჩრდილოე-

თის მონგოლები აუარებელ ჯარით წინ წამოწეულან და დარუბანდის კარით სამხრეთისაკენ წასულან. ამ ურდოს წინა უძლოდა ბათუ-ყაენის შვილი ბერქა ხანი, რომელიც 1250 წ. გამეფდა, და განრისხებული ჰულალუ-ყაენის სიმკაცრის გამო მოწადინებული იყო დაესაჯა ის. ამბობენ, რომ, როცა ჰულალუ-ყაენი სპარსეთში წავიდა, სამი შვილი ანუ შვილის შვილი ჯუჩი-ყაენის: ბანგა, თუმარ, ყული და სხვა დიდებულნი გარდამოვიდნენ ჩრდილოეთის მხარიდან და სურდათ სამხრეთში დასახლებულიყვნენ. იმათგან პირველი უეცრად სადილის უკან გარდაიცვალა სირიაზე გალაშკრების დროს; ხმა გამოვიდა, ვითომც ის მოწამლეს; მეორე — ვითარცა ძმის მკვლელი-ჰულალუ-ყაენმა მოჰკლა და მესამეც მალე გარდაიცვალა (მეორე ნაამბობით, ვითომც ისინი დაახრჩვეს ავკაცობისთვის, ხოლო დანარჩენნი გარდაიხვეწნენ ჩრდილოეთში). ამისა გამო ბერქა იყო ჰულალუზე გაჯავრებული. ამავე დროს ზემოხსენებულ მონგოლთ დიდებულების ცოლები თავიანთ ნათესავით ალათემურით გაიქცნენ სამცხეს. სარგის თმოგველი, სარგის ჯაყელი-და სხვა დიდებულნი დახვდნენ მათ გზაზე. მონგოლებმა მაინც მოახერხეს ჯავახეთით, თრიალეთით და კახეთით ხუნძახის მარაში გარდასვლა და იქედამ ყიფჩაყში მივიდნენ. აი რა იყო მიზეზი ბერქა-ყაენის თავ დასხმისა ჰულალუ-ყაენის სამფლობელოზე.

ჰულალუმ შეკრიბა ძალ-ღონე და დაუხვდა მტერს მეფე დავითით და სარგის ჯაყელით; ბიირთან ორბელიანმაც მიიღო მონაწილეობა არ ლაშქრობაში. პირველ ომში 2 აგვისტოს 1262 წ. ჰულალუ გამარცხდა შაბურონის ახლოს, ხოლო ნოემბერში შამახის ახლოს გაიმარჯვა მტერზე და სდევნიდა მას დარუბანდის აქეთაც; მესამე და მეოთხე ომში 7-დეკემბერს 1262 წ. და 13 იანვარს 1263 წ. ჰულალუ დამარცხდა და თავრიზს დაბრუნდა 22 აპრილს. ყველა ამ ომებში ივერიელებმა საოცარი მამაცობა გამოიჩინეს. სარგისი უხვად დაჯილდოებული იქმნა ჰულალუ-ყაენის მოწყალეობით, რის გამო მეფე,

რომელიც საზამთროდ ბარდაში დარჩა, დიდად უკმაყოფილო შეიქნა. შანშე მხარგრძელიძის შვილი, ზაქარია აუჯანყდა მონგოლებს და ქუთაისს გაიქცა, მაგრამ მონგოლებმა დაპირებით გამოოტყუეს ის და 1261 წ. მოჰკლეს. სომხების მეისტორიენი გვარწმუნებენ, რომ ის თავის სურვილით წავიდა სანახავად სიმავერისა, ოლთისის მფლობელისა და იქ იჭვი აიღეს მასზე, დააპატიმრეს და მოჰკლეს. მამა მისი შანშე ჯავრისაგან გარდაიცვალა: ორნივე კობერის მონასტერში დამარხეს, დედოფალი კი გვანცა მონგოლებმა მოჰკლეს 1263 წ. ახლო ხანებში. არ არის ჯერ გამორკვეული, თუ რა მიზეზისა გამო ასე მკაცრად დაისაჯა გვანცა; ზოგი მოგვითხრობს, ვითომც სემბატ ორბელიანმა, განიზრახა რა ავაგ ათაბეგის მამულების დაფლობა, დააბეზლა ყაენს დედოფალი გვანცა და მოაკვლევინა. ზოგი კი იმის სიკვდილის ბრალს ადებს თითონ იმის ქალს ხვაშაგს, რომელიც ცოლად ჰყავდა ფრიად მდიდარს შემს-ედდინს, სახიბ-დივანს. მეფემ შეირთო ესუკანე, ნოინის ჭარმაღის ქალი. 1263 წ. ოკტომბერში ჰულალუ-ყაენმა შირვანში მაგარი ბანაკი გააწყო იმ განზრახვით, რომ, ვინიცობაა ჩრდილოეთიდან ხელახლად დაეცეს მტერი, მზად დახვდეს. ქართველები ამა დროიდან ამ ბანაკში ატარებდენ ზამთარს გაზაფხულამდი. ამ ბანაკიდან დავითი დროებით წავიდა, რომ წესიერებაში მოეყვანა თავის სამეფოს საქმეები და უბრძანა ჭყონდიდელის ჩამოხრჩობა ზოგიერად ბოროტ მოქმედებისათვის და შემდეგ ბანაკში დაბრუნდა. ამის შემდეგ ჰულალუ-ყაენი გარდაიცვალა გაზაფხულს 8 თებერვალს 1265 წ. იმის მემკვიდრედ შეიქნა აბალა-ხანი, რომელმაც ფრიად მოწყალის თვალით მიიღო მეფე დავითი და თავის სამართლიანობით ყველა ქრისტიანების სიყვარული დაიმსახურა. ცოტა ხანს შემდეგ ჩრდილოეთელნი მონგოლები დარუბანდის კარით შემოესიენ შირვანს, აიკლეს ეს მხარე და შემოვიდნენ ტფილისში, მაგრამ 1266 წ. ბერქა-ხანი გარდაიცვალა და იმისი ჯარი მსწრაფლ დაბრუნდა ისევ ჩრდილოეთისაკენ. როგორც ზამთარი დადგა, დავითმა დაიბარა სარგის ჯაყელი

ჯარით და ბრძანა მისი დატუსაღება, ვინაიდან იჭვენულის თვალით უცქერდა მის და ავაგის შორის კეთილ განწყობილებას. ეს რომ შეიტყო ახალამ, უბრძანა აბათუ-ნოინს სარგისი განეთავისუფლებინა. ამის შემდეგ გიორგი ბრწყინვალეს დრომდი სამცხეს მფლობელები დარჩენ ილხანების ¹⁾ პირდაპირ დამოკიდებულობის ქვეშ.

1268 წ. თვრამეტის წლის ბატონი შვილი გიორგი ავად გახდა და გარდაიცვალა.

1270 წ. დასასრულს ქართლის მეფე დავით ავად გახდა მონგოლების ბანაკში და შემდეგ 29 წლის მეფობისა გარდაიცვალა. რაჟის ერისთავი და მონგოლების ერთი ნოინი შეთანხმდნ და წინააღმდეგ დავით ნარინს. ორთავემ წინადადება მისცეს აბალა ხანს, რომ ისინი დაიჭერენ მეფეს და მას მიგერიან, მაგრამ მეფე გაიქცა და მით იხსნა თავი. ორი წლის შემდეგ კვლავ მოიწადინეს მეფის შეპყრობა, მაგრამ ვერც მაშინ მოახერხეს. ბოლოს დიმიტრის მეფობაში კახაბერმა, რომელსაც მუხანათობისთვის ყველა ზიზღით უყურებდა და რომელიც ატენის ციხეს ჰფლობდა, შეურიგდა დავითს და კვლავ მიიწვია იმერეთში მონგოლების წინამძღოლი ალიხანი. ეს ამბავი რომ გაიგო მეფემ, დააჭერინა კახაბერი, დათხარა მას თვალები და ხელი და ფეხი მოაჭრევინა. ამ წვალებაში მოკვდა კახაბერი.

იმის შვილები კონსტანტინეპოლში ექსორიად გაგზავნეს, სადაც ისინი უძეოდ გარდაციდნ. გიორგი ლაშას შვილის დავითის სიკვდილის შემდეგ ქართლის მართვა და ავაგის ასულის აღზრდა ჩაბარებული ჰქონდა პირველ ქართველ ვეზირს, სადუნ მანკაბერდელს. იმის შემწეობით ახალ გახდა ბატონი-შვილი დიმიტრი მოიყვანეს მონგოლთ ბანაკში და სრულიად საქართველოს მეფედ აღიარეს. მეფემ დანიშნა სადუნი ათაბეგად გარდა სარგის ჯაყელის სამფლობელოებისა და ჩვეუ-

¹⁾ ს. მარტენით „ილხანებად იგულისხმება ჩინგიზ-ყაენის დინასტია; რომელიც საკუთრად სპარსეთს ფლობდა“.

ლემისამებრ თითონ სამეფო გვირგვინი იკურთხა მცხეთაში 1273 წ. სამი წლის შემდეგ თავის მამის სიკვდილისა.

როდესაც დიმიტრი II, დავით V შვილი ავიდა ტახტზე, აბაღა გაელაშკრა ეგვიპტის სულთანის ბანდახდარის ანუ მალეკ-დაგერ-ბიბარის წინააღმდეგ, ვინაიდან ეს ხელმწიფე ავიწროებდა კილიკიელ სომხებს, რომელნიც მონგოლების მფარველობის ქვეშ იყვნენ; მონგოლები აპრილში 1277 წ. აპლესტონში, სე-ვასტიის ახლოს, დამარცხდნენ იმის გამო, რომ ისინი გასცა მოინ-ედდინმა, პერვონედ წოდებულმა ე. ი. იკონიის სულთნის მსახურთ-უხუცესმა. ამ მოინ-ედდინს ცოლად გაიათ-ედდინის და თამარ ბატონიშვილის ქალი ჰყავდა; რადგანაც ის მონგოლების მორჩილი იყო, დანიშნულ იქნა სუდჯუყების ყველა სამფლობელოს მმართველად გარდაცვალებულის იმის ცოლის მესამე ძმის ადგილზე. მონგოლებმა ამ მუხანათობისათვის დასაჯეს ის სიკვდილით 2 ივლისს 1278 წ. — აწყვერის ციხე, რომელიც ეკუთვნოდა მას, ვითარცა ნამზითვი თავის სიდედრისა, დაუბრუნეს სარგის ჯაყელს და იმის შვილს ბექას. ამ დროს განმავლობაში მეფე დიმიტრი დაეაყვაცდა და ბრძნულად განაგებდა სახელმწიფოს ზედამხედველობის ქვეშ სადუნისა, რომელსაც ცოლად ხვაშაგი, ავაგ ათაბაგის ქალი ჰყავდა და რომელსაც მონგოლები წყალობდნენ; ამით მან მოახერხა თავის მხარისა დაცვა სხვა და სხვა შევიწროებისაგან. სადუნი ქურთის დიდებულის შვილი იყო არდზრუნის შთამომავალი. მან ჰულალუ-ყენის განწყობილება დაიმსახურა მით, რომ სამი საათის ბრძოლის შემდეგ დასცა განთქმული ფალავანდი, რომელიც მანლუ-ყენმა ¹⁾ გამოუგზავნა ჰულალუს საბრძოლელად გამოჩენილ ღონიერ მოჭიდავებთან. ამ დროს დაინიშნა ათაბეგად ტარსაიდუ ორბელიანი, რომელსაც ჩააბარეს მთელი მხარე ტფილისს და ყარსს შუა მდებარე. მეორეს მხრით ბექა, სარგისის შვილი ჰფლობდა მთელ სამცხეს და ტაოს და ერთგულად

¹⁾ მანლუ-ყენი ჰულალუს ძმა იყო.

ემსახურებოდა აბალა-ხანს. 1281 წ. ახლო ხანებში ღიძიტრიმ შეირთო ტრაპიზონის იმპერატორის ასული და იმისაგან შეეძინა ჯერ დავითი და მერე ვახტანგი. არღუნ არდი, მონგოლთ წარჩინებული, რომელმაც მთელი ივერიის აღწერილობა შეადგინა, მუდარებით თხოულობდა თავის შვილისთვის ცოლად თამარს, დას მეფისას, თანახმად თამარის მამის დაპირებისა, თუმცა სხვა და სხვა მიზეზებისა გამო ეს ქორწინება მის სიცოცხლეში აღარ შესრულდა. მეფე ძალა უნებურად უნდა დათანხმებულიყო ამ თხოვნაზე. შირამუნის წინამძღოლობით მონგოლები თავს დაესხნენ გილანის მხარეს, რომელიც აქამომდე მათ დაუპყრობელი დარჩენოდათ. ამ ლაშქრობაში: ქართველების ჯარიც ერია. მკვიდრნი ისე მამაცად იბრძოდნენ, რომ მტერი აიძულეს უკან დახეულიყო. ივერიამ იწყო მოსვენება და ისარგებლა მშვიდობიანობის დამყარებით, მაგრამ ამასთანავე გარყვნილობა, რომელიც ქრისტიანთა შორის უცხო ტომთ გავლენით გავრცელდა, თან და თან მას აუძლურებდა. მეფეს სამი ცოლი ჰყავდა ე. ი. ზემოხსენებულის ტრაპიზონის იმპერატორის ასულის გარდა — ნათელა, ბექას ქალი და სორგალი-თამარიკა. სადუნმაც მეფეს წაბაძა, თუმცა კათალიკოზი და ნიკოლოზ მაწყვერელი მას ამხილებდნენ; მან შეირთო ავაგის ქალის ხვაშაგის გარდა და მეფისა თამარი, რომელიც არღუნის შვილს გამოექცა; მას მესამე ცოლიც ჰყავდა. ცნობილს ტარსაიდუ ორბელიანს და სხვა დიდებულებსაც თითოეულს რაოდენიმე ცოლები ჰყავდათ. ამასთანავე, რასაკვირველია, ქრისტიანი სათნოება ჰქრებოდა ივერიაში.

არღუნი წავიდა სარგის ჯაყელის და იმის შვილის სანახავად, რომლის შემდეგ სარგისი თან წაიყვანა მონგოლთ ბანაკში. — 1279 წ. დიდ მარხვის მეხუთე თუ მეექვსე კვირიკა, როდესაც მოხდა ძლიერი მიწის ძვრა, რომელმაც სამცხის მაზრა დააქცია და აგრეთვე აწყვერის ღვთისმშობლის ეკლესია და მცხეთის ტაძარიც დაანგრია.

ამის შემდეგ სარგისი და ბექა წინააღმდეგ მონგოლებს და

გამაგრდენ ტყეებში და ვიწრო ხეობებში; ბულანოინი, რომელიც მათ დასაპყრობლად მივიდა, იძულებული შეიქნა უკან დაბრუნებულიყო. ერთი წლის შემდეგ აბალამ გარდაწყვიტა გალაშკრება ეგვიპტის სულთანის მელექ-ენკასირის წინააღმდეგ. მონგოლების სარდალმა, აბალას ძმამ მანლუთემურმა თან წაიყვანა მეფე დიმიტრი და ქართველები; მიიწვია გასალაშკრებლად სამცხის მფლობელი ბექა, რომელიც მიეხმარა მას ჯარით შემდეგ იმისა, როდესაც დაუფიცა წყალში ჩაგდებულს ოქროს პატარა ფიცარზე და, როდესაც მიიღო მონგოლთ სარდლისაგან ოქროს ბეჭედი. იმ დროს თანლუთარმა, მეშვიდე ძმამ აბალა-ყაენისამ, — რომელმაც შემდეგში სახელი ახმეტისა დაირქვა, — ჯავახეთში საშინელი მტარვალობა ჩაიდინა: ის შევიდა სამცხის დასავლეთ მხარეში და მოიწადინა თავისაკენ მიემხრო სარგის ჯაყელი, მაგრამ უკანასკნელმა გადაჭრით უარი შემოუთვალა. მიუხედავად იმისა თანგუთარის ჯარმა მიაღწია ოპიზის წმ. იოანე ნათლის მცემლის მონასტრამდი, აჭარის მთებში, და სურდა გაეძარცვა იმის სიმდიდრე, მაგრამ გაგზავნილნი ათასი მხედარი წარიტაცა ნიღვარმა, — რომელიც უეცრად წამოვიდა — და ისინი დაახრჩო. თანლუთარი, რომელიც მაშინ არსიანის მთაზე იყო, წინ წამოიწია, მას დახვდა ყველიდამ მოსული სირმონი ანუ შირაშუნამ ნოინი. შემდეგ მრავალგზის დამარცხებისა სირმონის მიერ დანარჩენი ჯარი გურიას მიმავალი, დაიღუპა მიწის ზვავით. სულ მცირე იმის ნაწილმა მიაღწია ქუთაისს, სადაც ნარინ დავითმა მიიღო და კიდევ გაუმასპინძლდა მათ. მისმა მეუღლემ, იმპერატორის მიხეილ პალეოლოგის ასულმა, სიხარულით მიიღო ცოლი თანლუთარისა, რომელიც ამით გამხნევებული კიდევ შევიდა ქართლში. ბოლოს აბალა-ხანის შეგონებით ნარინ დავითმა მოუსპო შემწეობის მიცემა თანგუთარს, რომელიც თრიალეთში დამარცხდა, რის შემდეგ მას წაართვეს ქონებაც და ჯარიც. რაც შეეხება ნარინ-დავითს, მან მიიღო

ქართლში მიწები და სოფლები, რომელთა შორის ატენის ციხეც იყო თავის არემართი.

ამ დროს ბარახა-ხანმა, თურანის შბრძანებელმა და იმის ბიძაშვილმა თანგუთარმა, რომელიც ჩრდილოეთ სომხეთში იყო, განიზრახეს აბალა-ხანის ტახტიდამ გადმოგდება. თენგუთარი ¹⁾ წავიდა თავის სამფლობელოში სამხრეთ ივერიაში, სადაც შეებრძოლა ნოინებს, რომელნიც მას იქ დახვდნენ და უკუ აქციეს ის. მაშინ მან ძლივს მოასწრო გარდასვლა დარუბანდში, რომელიც მალე მტერმა აიღო. აქ შეიპყრეს თენგუთარი და შემდეგ სამფლობელოც ჩამოართვეს. ის გარდაიცვალა 1270 წ. როგორც კი შირამუნ ნოინმა დაასრულა ბრძოლა ამ თავის მოწინააღმდეგესთან, მოვიდა ამბავი, რომ ბარახა-ხანი ხორასანიდამ უახლოვდება ილხანის სამფლობელოს. იმ წამსვე აბალამ თავის ჯარით და ქართველებით აღმოსავლეთისაკენ გასწია. ომში აშონის ველზე ქართველებმა საოცარის მამაცობით იბრძოლეს და ილხანელები გამარჯვებულნი დარჩნენ.

ამ დროს განმავლობაში: სირიის ქალაქი დარაბსეკი ²⁾ აიღეს და გაძარცვეს: ეს მოხდა 31 ოქტომბერს 1281 წ. მონგოლები ძლიერ დაამარცხა ჰემესის ახლოს ³⁾ ეგვიპტის ახალსულთანმა მალექ-ალმანსურმა-კელაუნმა. ქართველები მეფე დიმიტრის წინამძღოლობით წინა რაზმს შეადგენდნენ და საკვირველი მამაცობით იბრძოდნენ, რომლისა გამო კინაღამ ყველანი არ დაიღუპნენ. მონგოლები აქეთ იქით გაიქცნენ. მანგუდემური მალე გარდაიცვალა დამარცხების მწუხარებით; აგრეთვე მოჰკვდა ათაბეგი სადუნი, რომლის მემკვიდრე, შვილი მისი, ხუთლუ-შახი ანუ ყუთლუ-ბულა გამაჰმადიანდა და სპასალარობა მიიღო. არაბის მწერლები მოგვითხრობენ, რომ ამ

¹⁾ იგივე თანგუთარი.

²⁾ სირიაში.

³⁾ ვახუშტით ამასია.

დროს ტყვედ შეიპყრეს ვილაც გურჯელი (ქართველი) მეფე, რომელიც ვითომ აფსილიიდან მოსული ფოთში ხომალდში ჩამსხდარიყოს და აქედამ სისში და პტოლემიდაში გამგზავრებულიყოს. ის რომ იერუსალიმს მიდიოდა, ჩაეარდნია ხელში ამ ქალაქის მოურავს, რომელსაც ვითომ მიეყვანოს ის ბიბარსთან ქ. დამასკში. ამ მეფის სახელს ხან ტუმასუტად და ხან ბუბა-სუტად უწოდებენ, ხოლო იმის მამის სახელს კალიარად ანუ კულბაზად სწერენ. მას ახლდაო აბგარის შვილი, თამლად წოდებული. ეს ისტორიული ამიციანაა, რომლის ახსნა სრულიად შეუძლებელია, იმიტომ რომ ქართული მათიანე სრულიად არ იხსენიებს ამ შემთხვევას და ამას გარდა თვით არაბულნი ასოები არ გვაძლევენ საშვალებას სასურველ სისწორით გავარჩიოთ სახელები იმ პირთა, რომელნიც აქ მოხსენებულინი არიან.

აბალა-ხანი 1282 წ. გარდაიცვალა და იმის მემკვიდრედ შეიქნა მისი ძმა ზემოხსენებული თალუთარი¹⁾), რომელმაც ისლამი მიიღო და იწოდა თავი ახმეტად. მან მეფობა მით დაიწყო, რომ მოაკვლევინა თავისი ძმა კონლურ-თაი²⁾). მეფე დიმიტრი დამორჩილა მას და მიათხოვა თავისი ასული რუსუდანი განთქმულ ბულა-ნოინის შვილს, თუმცა კათალიკოზი ნიკოლოზი წინააღმდეგა მას და, როდესაც ვერა გააწყო რა, ის გარდადგა კათალიკოზობისგან და გარდასცა თავისი აღგილი ჯვარის-მტვირთველს აბრაამს. იმ დროს ივერიაში შემოსული ათონის ბერი ბასილი ამხილებდა მეფეს მრავალ ცოლოსნობაზე და ემუქრებოდა მას სასჯელით, რომელიც მოელოდა მას საიქიოს, მაგრამ ყოველივე ცდა ბასილისა ამაო შეიქნა.

ნოინებმა შეითქვეს ახმეტის წინააღმდეგ და ყაენად აბალას შვილი, არღუნი აღიარეს. ეს რომ შეიტყო ახმეტმა, გაელაშკრა ხორასანს და თან წაიყვანა მეფე დიმიტრი და ქართვე-

1) იგივე თენგუთარი.

2) ხონლარდ ვახუშტით.

ლი ჯარი მანდატურთ-უხუცესის იოანეს და სპასალარის ხუთ-
ლუ-შაჰის წინამძღოლობით. ამით შეშინებული არღუნი დაე-
მორჩილა თავის ბიძას, რომელმაც შეიპყრა და, ჩააბარა რაის
ალიხანს, თითონ დაბრუნდა თავის ახლად შერთულ ცოლთან.
ამით ისარგებლეს ნოინებმა, განათავისუფლეს არღუნი, აღი-
არეს ის ილხანად და მოჰკლეს ახმეტი 20 ივლისს 1284 წ. ქ.
უქანში.

მეფე დიმიტრის წინათვე ამხილებდენ, რომ ის ჩამოცილე-
ბოდა ახმეტს; ის გამოცხადდა წინაშე არღუნისა, რომელმაც
ის მოწყალის თვალთ მიიღო, დაუმტკიცა მას ავაგის ყველა სამ-
ფლობელოები. მას ეხმარებოდა ბულა-ნოინი, რომელიც არ-
ღუნის მიერ ძლიერ პატივცემული იყო; მეფე დიმიტრი
მალე გაძლიერდა და გამდიდრდა და არავის არ ეგონა, რომ ის
განსაცდელში ჩავარდებოდა. ამ დროს განმავლობაში დარუბან-
დლები აჯანყდენ. ამის გამო მეფეს ყენის ბრძანება მოუვიდა,
აიღოს ანიკის ციხე, რომლის მდემარეობა აქამომდე გამოუკვ-
ლეველია. მან დაიპყრა ეს ციხე და დიდი დავლაც მიართვა
ილხანს, რომელმაც ამის შემდეგ შეიძულა ის. ცოტა ხანს
უქან ახალწელიწადს 1289 წ. არღუნმა უცებ ბრძანება გასცა
შეეპყრათ ბულა-ნოინი, რომელსაც აბრალებდენ, რომ მინიჭებულ
უფლებას ბოროტად ხმარობსო; ამის გამო მას ადგილ-მამული
ჩამოართვეს და სიკვდილით დასაჯეს, ხოლო მისი ცოლ-შვილი
და ყველა მომხრენი, სხვა და სხვა მხარეებში მყოფნი; აღმო-
ხოცეს. მეფეც ვითარცა ბულას მომხრე დაიბარეს ბანაკში.

კათალიკოზმა და სამღვდელოებამ, როცა შეიტყვეს, რომ
მეფე თავის ნებით მიდის არღუნთან, ძლიერ განცვიფრდენ
იმის თავ განწირულებით, მაგრამ მეფე მტკიცედ იდგა
თავის განზრახვაზე, რადგან ამით სურდა თავისი სამეფო ილ-
ხანის რისხვისაგან დაეცვა. მეფემ თავისი შვილები გაგზავნა
სხვა და სხვა მხარეებში და თან მხოლოდ ერთი იმითგანი
დავითი წაიყვანა, და წავიდა მონგოლთ ბანაკში. მისვლის უმაღვე
მეფე შეიპყრეს, ვითარცა ბულა-ნოინის მომხრე, წაართვეს მას,

რაც კი თან ებადა და აიძულეს, აენუსხა ყველა ის ქონება, რომელიც შინ დარჩა. რაოდენსამე ხანს არღუნის კოკნობდა, მას ეშინოდა, რომ ქართლი საშინლად აირივ-დაირევდო. შემდეგ, როცა შეიტყო ხუთლოუ-ბუღასაგან, რომ იმერეთის მეფე დავითი დასთანხმდა, რომ თავისი შვილი ვახტანგი ქართლის მეფედ მოეცა, ყაენმა გადასწყვიტა მეფე დიმიტრის სიკვდილით დასჯა. ის ჯერ ჩასვენ ცალკე საპრობილეში, მოაცილეს მას შვილი დავითი, და ჯოხით სცემდენ დიმიტრის; ბოლოს, თუმცა არავითარი დანაშაულობა არ მიუზღოდა, თავი მოჰკვეთეს მას შაბათს 12 მარტს 1289 წ. დიდი მარხვის მესამე კვირაში. ბატონი შვილი დავითი იხსნა სიკვდილისაგან თალარ ნოინმა თხოვნით მოსე მღვდლისა, რომელიც ანუგეშებდა მეფეს უკანასკნელს მის ჟამს. ამ მოსე მღვდელმა დიდი საფასით გამოისყიდა ტანჯული მეთვის ნაშთი, მოასვენა ის ტფილისს და იქედამ მცხეთას. დედოფალნი ამ დროს იმალებოდენ: ნათელა შვილით გიორგით— თავის მამასთან, თამარიკა— მონგოლიაში თავის შვილებით ბაადურით და ედიგარით. ქართლი ხუთლოუ-ბუღას ზედამხედველობით ჩააბარეს ზემოხსენებულს ვახტანგს, რომელსაც არღუნმა თავისი და ოლჯათი მისცა ცოლად. მეფე დიმიტრის იმის კეთილშობილურ მოქმედებისათვის ქართული მეისტორიენი თავდადებულად უწოდებენ. ¹⁾

ვახტანგი II ეკურთხა მეფედ წესისამებრ. ის ჰფლობდასაქართველოს ანაკოფიიდან დარუბანდამდე გარდა იმ მაზრებისა, რომელნიც ბექა ჯაყელს ეკუთვნოდა. მან დანიშნა ხუთლოუ-ბუღა ათაბეგად და ამირ-სპასალარად ორივე სამეფოისა-იმერეთისა და ქართლისა. ბატონი შვილი დავითი დარჩა თალარ ნოინთან და გიორგი— სამცხეში. ორი წლის შემდეგ არ-

¹⁾ მეფე დიმიტრის II მამულისათვის მსხვერპლად თავის შეწირვა შემადრწუნებულ სურათებით დავიხატა და მშენიერ ლექსებით შეამკო ჩვენმა გამოჩენილმა პოეტმა ილ. ჭავჭავაძემ თავის პოემაში „დიმიტრი თავდადებული“.

ლუნი შეიპყრა საშინელმა სენმა: მთელი იმის სხეული ღებობა და და იხრწნებოდა და, როდესაც ნოინებმა შეამჩნიეს, რომ ის ველარ მორჩებოდა ამ სენისაგან, დაამსხვრიეს მას თავზე კარავი, სადაც იწვა და შიგ გამოახრჩვეს 12 მარტს 1291 წ. ამის შემდეგ ბატონიშვილი დავითი ცნობილ იქნა მეფედ, მაგრამ უფლება დარჩა ვახტანგს, რომელიც შემდეგ სამი წლის მეფობისა გარდაიცვალა. ქელქათუ¹⁾, არლუნის ძმა შეიქნა მემკვიდრედ თავისის ძმისა 23 ივლისს 1281 წ. ის წავიდა საბერძნეთში ამბოხების დასამშვიდებლად და თან წაიყვანა დავითი და რაოდენიმე ქართლის დიდებულნი, რომელნიც ამ ოთხი თვის გალაშქრების დროს მას ერთგულ სამსახურს უწევდნენ. დაბრუნების შემდეგ ყაენმა დააჯილდოვა დავითი მეფის წოდებით 1292 წ. მაშინ სარგისმა, ბექა სამცხელის შვილმა მიართვა ახალს მეფეს დავითს ყველა სამეფო განძეულობა, რომელიც იმის პაპას, მეფე დიმიტრის სიცოცხლეშივე, ჩაუვარდა ხელში ნათელას და ბატონიშვილს გიორგის გაქცევის დროს სამცხეში.

ვახტანგის მამა დავითი, იმერეთის მეფე, გარდაიცვალა 1293 წ. მას დარჩა სამი ვაჟი: უფროსი კოსტანტინე გამეფდა იმერეთში, მეორემ კი მიხაილმა დაიპყრა რაჭა, რის გამო იმერეთში დიდხანს შფოთი და შლილობა იყო.—მეფე დავითის დროდამ ძვირფასი ნაშთი დაგვრჩა: ქალწულის გვირგვინი, რომელიც ოდესმე ლუსკუმად იყო წმინდა სამსჯვალისა; ის აქამომდე დაცულია მოსკოვის კრემლის მიძინების საკათედრო ეკლესიაში და მას აქვს ქართული ზედ წარწერა ხუცური ასოებით, რომელშიაც იმის გამკეთებლად ნარინ დავითი, რუსულანის შვილი იხსენიება.

როდესაც დავითი ქართლიდამ გავიდა, ოსების მთავრის შვილმა, ფარსმანმა, რომელიც მეფე ვახტანგის მომხრე იყო, არლუნ-ხანის სიკვდილის შემდეგ მონაწიელობა მიიღო საბერძ-

¹⁾ იგივე ქელთუქონ, ქელათუმა ანუ ქაილათ—ყაენი.

ნეთზე გალაშკრებაში, მაგრამ იმის ქვეშევრდომებმა, ქართლში დარჩენილებმა, იწყეს ერის ძარცვა და დატყვევება, სოფლების აკლება და ბოლოს ქ. გორიც დაიჭირეს. ქართველები შეიკრიბნენ აჰმად ერისთავის წინამძღოლობით, გარშემოადგენ ამ ქალაქს და მოუკიდეს ცეცხლი. ორივე მხრით ბევრი დაიხოცა და ზავი ჩამოვარდა მხოლოდ მაშინ, როდესაც მონგოლები ჩაერივნენ და მათ დამშვიდება უბრძანეს. მაგრამ ოსების სიძულვილი გაგრძელდა იმ დრომდე, სანამ ისინი სრულიად არ ამოსწყვიტეს ქართლში გიორგი ბრწყინვალის მეფობაში.

დავით VI, დიმიტრის შვილმა, შეერთო ოლჯათი, მეფე ვახტანგის ქვრივი. აქ საჭიროდ ვრაცხთ გამოვთქვათ, რომ არაბის მწერალნი არ ეთანხმებიან ქართულ მემკვიდრეებს ხსენებული მონგოლის ბატონიშვილის მეორე ქორწინებაზე. ჩვენ არ შეგვიძლია გადაჭრით უსთქვათ, რომელ მხარეზეა ქეშმარიტება.

ქელქათუ ძულდათ ნოინებს. ერთმა მათგანმა თუქალმა, ქელქათუს სიძემ, რომელიც არარატის ხეობებში ცხოვრობდა, მიიმხრო თავისკენ მეფე დავითი, აჩუქა რა მას ქ. დმანისი. დანარჩენი ნოინები წავიდნენ ხორასანს და იქ შეითქვეს, რომ უფლება გარდაეცათ არლუნის შვილის, ყაზანისათვის. მართლაც 1295 წ. ქელქათუ გადაადგეს ტახტიდამ და მოჰკლეს. თუმცა თუქალი დაექიშა ბათუს, ჰულალუ-ხანის შვილის შვილს, მაგრამ ყაენად უკანასკნელი დარჩა და შემდგომ მცირე ხნის მართვისა მოკლულ იქნა 4 ოკტომბერს ამავე წელსა. იმის მემკვიდრედ არლუნის შვილი, ყაზანი გახდა ¹⁾). როდესაც ეს შეიტყო თუქალმა, სამცხეში გაიქცა. ყაზანს მიგვარეს ის ბექამ და მეფე დავითმა მხოლოდ მაშინ, როდესაც აღუთქვეს, რომ მას არ მოჰკლავდნენ. მაგრამ ყურუმჩი-ნოინმა მაინც მოჰკლა ის გზაზე, ბანაკში მიმავალი. ყველა მისი განძეულობა, რომელიც ჩაბარებული ჰქონდა ფარედანს და დაცული იყო ატენის ციხეში, მეფე

¹⁾ იგივე ხაზან-ყენი ანუ გაზანი.

დავითმა მიართვა ყაზან-ხანს, რისთვისაც მან მეფეს დიდი პატივი სცა. ამ დროს ცხოვრობდა ნონინი ნავრუზ-ალა, რომელიც მტერი იყო ქრისტიანობისა, და ავიწროებდა აგრეთვე ყველას, ვინც კო ქრისტეს სჯულს აღიარებდა. ის ძარცვიდა ეკლესიებს, კლავდა მღვდლებს, ისაკუთრებდა მონასტრების სიმდიდრებს და მამულებს, და ბოლოს უსამართლოებით და მტარვალობით მიაღწია იქამომდე, რომ შეეშინა ილხანისა, რომელსაც სამართლიანობა უყვარდა და ღარიბების შემწყნარებელი იყო. — ნავრუზ-ალა გაიქცა ხორასანს, სადაც ხუტლუბულა-ნონინი დაედევნა მას და მოკლა. მთელი მისი ოჯახი და მომხრეები აგრეთვე აღმოხოცეს 1297 წ. და ხუტლუ დაინიშნა სპასალარად.

ყაზანმა მოიწოდა დავით მეფე, რომელიც თითონ არ გამოცხადდა, არამედ გაუგზავნა თავისი ძმა ვახტანგი ბათუ-ყაენის შვილიშვილს და აღუთქვა მას, რომ ქართლში იმის ჯარს თავისუფლად გაატარებს. თითონკი მეფე მთიულეთში დარჩა. ნონინებმა შეფიცეს მას ოქროს ფიცარზე, მისცეს მძევლად ხუტლუ-შაჰის შვილი და ილხანის ბეჭედი დასარწმუნებლად, რომ მას ხელს არავინ ახლებს. მაგრამ მაინც ვერ დაითანხმეს იგი. გაზაფხულს მეორე მიპატიუების შემდეგ დავითმა გაუგზავნა ჩრდილოეთის ყაენს თავისი ძმა ბაადურ; ხუტლუ-შაჰი ჯარით შემოვიდა სომხეთში, საიდანაც მან მოლაპარაკება გაუმართა მეფეს. დავითმა მეორეჯერ გაგზავნა თავის მაგიერ კათალიკოზი აბრაამი და იოანე ვირშელი, თვითონკი უარი ჰყო ბანაკში მისვლისა. ამის მიხედვით ხუტლუ-ხანმა ქართლის ყველა კუთხეები მოაოხრა. მეფემ გაუგზავნა ილხანს თავისი მეუღლე და დედა, აგრეთვე თავისი ძმა მანუელი და კათალიკოზი. აბრაამმა და დედოფალმა დაამშვიდეს ყაენი და უკან დაბრუნდნენ. მაგრამ შემდგომ 1299 წ. გაზაფხულს ყაზანმა შეიტყო, რომ იმ დროს დავითს მიწერ-მოწერა ჰქონდა ჩრდილოეთელ ყიფჩაყებთან და ამიტომ გარდაწყვიტა მეფედ აღედარნა დავითის უმცროსი ძმა გიორგი, აღზრდილი თავის ბიძის ბექას მიერ,

რომლის ქალი ტრაპიზონის იმპერატორს ალექსის ჰყავდა. ეს ბეჭა ყველასაგან ძლიერ პატივცემული და ძლიერი მფლობელი იყო მთელ დასავლეთ ივერიაში მდ. მტკვრის სათავემდის.

გიორგი V, რომელიც მეფის წოდებას ატარებდა 2 წელს— 1299—1301 წ.,—ცხოვრობდა ტფილისში, როდესაც ხუტლუ-ხანი შალვა ჭვენთფლეველის თანახლებობით თავს დაესხა მთიულეთს და თერგის ხეობას სტეფან—წმინდამდი. ჰამად—სურამელს მთელი მხარე ეჭირა მეფის ერთგულებაში და იცავდა მას. ხადაცხოატის მკვიდრებმა თავის ვიწრო ხეობებში დიდი ვნება მისცეს მონგოლებს: მრავალს მათგანს ხოცვიდენ და მრავალს ტყვედ წარიტაცებდენ. ხუტლუ-შაჰი იძულებული შეიქნა დაბრუნებულიყო ქართლში. 1301 წ. გაზაფხულს მეფე დავითმა კიდევ ვერ გაბედა მონგოლის ბანაკში გამოცხადება, თუმცა უფროსერთ დიდებულთაგანს მან ნება დართო წასულიყვენ. მას სურდა შალვასი დასჯა მუხანათობისათვის და იმის სამფლობელოის დასაკუთრება; მაგრამ ჰამადის შუადმგომლობით თავისი განზრახვა აღარ შეასრულა; თავისი ძმა ვახტანგი მეფემ აითვალწუნა და ამის გამო ვახტანგი მონგოლთ ბანაკში წავიდა. ყაზანმა ის ფრიად მოწყალედ მიიღო, დანიშნა მეფედ და უბრძანა იმისი წარვლენა ტფილისში, სადაც სომხეთის და სამცხის ყველა დიდებულები სიხარულით მიეგებნენ მას.

ამის გამო საშვალ ივერიას მაშინ სამი კანონიერი მეფე ჰყავდა: დავით VI, გიორგი V და ვახტანგ III და სამნივე ერთი მამის—მეფე დიმიტრი თავდადებულის—შვილები იყვენ. ვახტანგის გამეფება რომ შეიტყო დავითმა, დამორჩილების სურვილი განაცხადა და გაგზავნა ყაენთან დედოფალი ოლჯათი, და, თუმცა მიიღო ილხანის ბეჭედი და პირსახოცი და მძევლად ხუტლუ-ხანის შვილი სიფუჩი, დავითმა მაინც გარდადვა მონგოლთ ბანაკში წასვლა. ამის გამო ყაენმა დაამტკიცა სამეფო ტახტზე ვახტანგი, აღარ გამოუშვა დედოფალი, რომელიც სამუდამოდ დარჩა იქ და რომელიც ხუტლუ-შაჰს მიათხოვეს.

თათრები მეორედ შეესიენ მთიულებს, მაგრამ კვლავ დიდოსზარალით უკუ ქცეული იყვნენ. ხანგრძლივ ომის გამო ისე დასუსტდა ქართლი, რომ მრავალი იმის მკვიდრი გარდაიხვეწა სამცხეში, სადაც სიხარულით მიიღო ისინი ბექას სათნო მეუღლემ.

ამ დროს აუარებელი თურქების ჯარი (მცირე აზიის) შემოესია ტაოს. პირველ შეტაკებაში ბექა ვერ მოერია მათ, მაგრამ შემდეგ წელში, როდესაც თურქები მეორედ დაეცნენ ფარხალის მთით, ათაბეგმა დაამარცხა მტრის რაზმი. ჯარის წინამძღოლმა ასათ — მოსემ ბექას ბანაკისაკენ წამოიწია სამაგიეროს გარდასახდელად. ბექამ თავის შვილით სარგისით ხელმეორედ შემუსრა ისინი ვაშლოვანის მაზრაში და აიძულა გაქცეულიყვენ სპერში და ნორქალაქში. სამცხელებს აუარებელი დავლა დარჩათ. სარგისმა გამოედევნა მათ და გარშემოერთყა იქაურ ქალაქ სპერს, ბაიბურთს, კარნუ — ქალაქს, რომელთ მკვიდრნი დამორჩილდენ და შეწყნარებულნი იყვენ მას შემდეგ, როდესაც აუარებელი საუნჯე მიაართვეს გამარჯვებულებს.

ყაზანმა, განიზრახა რა გალაშკრება ეგვიპტის სულთნის წინააღმდეგ, დიდ ძალი ჯარი შეკრიბა. პირველ ომში მეჯიმილ-მურუჯას ახლოს 1299 წ. დასასრულს მან დაამარცხა ეგვიპტელები და დაიჭირა სირიის ყველა უმთავრესი ქალაქები. შემდეგ სირიელები წინააღმდეგ მონგოლებს და განდევნეს ისინი დამასკიდან 1300 წ. შემდეგ ამისა მონგოლებმა თან წაიყვანეს მეფე ვახტანგი, ქართველები და სომხები და მეორედ დაიპყრეს სირია. მთელმა 1301 წელმა უომოდ ჩაიარა; მონგოლები ძლიერ დამარცხდენ აპრილში 1303 წ. კორონში, არადის ხლოს და მეჯ-ესაფერში, დამასკის ახლოს; იმათი სარდლები იყვენ ხუტლუ-შაჰი, თუხანი, თობალ-ნოინი და ეგვიპტის სულთანი მალექ-ეინასერი, კელოუნის შვილი. ყაზანი ჯავრით ავად გახდა და, თუმცა ცოტა ხანს მოიკეთა, მაგრამ მალე, 17 მაისს 1304 წ., ყაზმინის ახლოს გარდაიცვალა. სირიის ომის დაწყებამდე მეფე დავითმა მთიულების ჯარი შეკრიბა საომრად ოსებთან, რომელნიც ბაყათარის წინამძღო-

ლობით ქართლს იკლებდენ—და ამ ჯარით ის წავიდა ტფილისს. მას აქ შეეტაკა ვახტანგი; ომში დამარცხდა მეფე დავითი, რომელსაც შვილი და ძმა მოუკლეს; ის ავად მყოფობისა გამო იძულებული შეიქნა დაბრუნებულიყო, ხოლო რატ სურამელმა განაგრძო ბრძოლა. ქართლის ამ გვარს მტარვალობას მოულო ბოლო სამცხეში გაქცეულ ბაყათარის სიკვდილმა.

ოლჯაითუ ¹⁾), ყაზანის ძმა ცნობილ იქნა 20 ივნისს 1304 წ. ილხანად. ის ცნობილია ისტორიაში აგრეთვე ხარბანდის ანუ ხუდაბანდეს სახელით. ზოგი ამტკიცებს, რომ ის დაბადების უკან მონათლეს ქრისტეს სჯულის წესისამებრ და დაარქვეს ნიკოლოზი, ხოლო შემდეგ მისმა ცოლმა ის სიკაბუკეში მოაქცია ისლამზე. როგორც აბალა-ხანმა, ამანაც გაუგზავნა დესპანები პაპს იოანე XXI, საფრანგეთის კოროლს ფილიპე შვენიერს და ინგლისშიაც. როგორც არღუნმა 1289 წ. მისწერა ცნობილი წერილი ზემოხსენებულს კოროლს, ამ გვარადვე გაუგზავნა ოლჯაითმა მასვე 1305 წ. წერილი. საფრანგეთის სწავლულმა აბელ-რემიუზამ და შმიდტმა პეტერბურგის აკადემიის წევრმა სამეცნიერო წესით განმარტეს ეს წერილები...

ულჯათ-ყაენმა გარდაწყვიტა 1407 წ. გალაშკრება გილანის მხარის დასაპყრობლად,—რომელმაც 30 წლის წინათ ისე მამაცად დაიცვა თავისი თავი აბალა ხანის თავდასხმისაგან და შევიდა ამ მხარეში ოთხ სხვა და სხვა რაზმით. უმთავრესი რაზმის მოწინავე წყებაში იყო მეფე ვახტანგი და მეორე რაზმში კი—გორის ოსები. გილანის მთავრებმა ოთხივე რაზმს თავ განწირულებით შეეტაკენ და დიდი ზარალი მისცეს მონგოლებს: მათ მოჰკლეს როგორც თვით ხუტლუ-ხანი, აგრეთვე რაოდენიმე სარდლები. მიუხედავად ამისა მონგოლებმა თავის განუდრეკელობით მაინც დასძლიეს ისინი. მთელი გილანი დაუმორჩილდა ილხანს. როდესაც მეფე ვახტანგი, ილხანის მიერ

¹⁾ იგივე ულჯათი.

უხვად დაჯილდოებული დაბრუნდა ქართლში, რაოდენიმე პირებმა შეაგონეს ოლჯაითს, რომ მან ძალა დაატანოს ქრისტიანებს მაჰმადიანობის მისაღებად და რომ მათი ეკლესიები ააოხროს. ეს რომ შეიტყო ვახტანგმა, გამოცხადდა ილხანის წინაშე და უარ ჰყო სჯულის შეცვლა; ამ გაბედულ მოქმედებამ ოლჯიათუ დააფიქრა და მას შეაცვლევინა თავისი განზრახვის ასრულება. მეფე ვახტანგი ამას შემდეგ მალე, 1308 წ., გარდაიცვალა, თუმცა ნამდვილ არ ვიცით იმის სიკვდილის მიზეზი. ერის გარდმოცემით ის წამებულიად ირიცხება. იმის ორ შვილისგან უფროსი დიმიტრი დმანისს ფლობდა, უმცროსი გიორგი—სამშვილდეს. არც ერთს მათგანს არ უმეფნია.

მეფეებად დავით VI და გიორგი V იყვნენ. ნოინებმა ვახტანგ III მემკვიდრედ დავით VI-ს ახლად დაბადებული შვილი გიორგი VI დანიშნეს, რომელსაც თავის სეხნა ბიძის გასარჩევლად „მცირედ“ უწოდებენ. ბექა დიდი იმავე წელს გარდაიცვალა, ყველასაგან დატირებული, ხოლო მეფე დავით VI—ორი წლის შემდეგ ბექას სიკვდილისა. 1312 წ. ოლჯაითუ წავიდა სირიაში, სადაც 5 თვის განმავლობაში ციხე რახობს გარშემოერთყა, მაგრამ ვერ აიღო და დაბრუნდა 29 იანვარს 1313 წ. ეს იმის უკანასკნელი ლაშქრობა იყო. ამის ბრძანებით ჩუბან¹⁾—ნოინმა დაუმტკიცა ახალგაზდა გიორგის მეფობა და წავიდა მცირე-აზიაში, 1315 წ., დასასჯელად იქაურ მკვიდრთა, რომელნიც აუჯაყდნენ მონგოლებს. მეფე გიორგი V ქართველებით მონაწილოებას იღებდა ამ ლაშქრობაში, რომელიც ვაგრძელდა მთელი წელი. ბოლოს მეთამბოხენი დამორჩილდნენ 1316 წ. ოლჯაითუ გარდაიცვალა მის მიერ დაუუძნებულ ქ. სულთანეში. იმისი უფლება იმის შვილზე აბუსაიდზე გარდავიდა. რაც შეეხება ქართლს, იქ გიორგი V დარჩა ერთადერთი მეფედ, შემდეგ 1310 წელში გარდაცვალებისა დავით VI-სა და იმის შვილის გიორგი მცირისა, რომლის სიკვდილის

1) იგივე ჩობან.

წელი არ არის გამოკვლეული. გიორგი V-ს ჩაბარდა მთელი ივერია სამცხით.

გამეფება გიორგი V ბრწყინვალისა დაბეჯითებით შეგვიძლია დავიწყოთ 1314., რადგანაც ჩვენამდი დაცულია წარწერა ს. დაბის ეკლესიის კარზე, რომელშიაც ნაჩვენებია 19 წ., რომელიც უდრის 1312 წ. დაწყებულის მე-14 მოქცევის მე-21 წელსა.

ჩობან-ნოინი ყველაფერში ექომაგებოდა და შემწეობას აძლევდა მეფე გიორგი V-ს. როგორც კი გიორგი ტახტზე ავიდა, ჩრდილოეთი ნაწილი ქართლისა, მთიულეთი და მისი მიდამო მან შემოიარა, სადაც დაამყარა წესიერება და მშვიდობა ჩამოაგდო მკვიდრთა შორის, რომელნიც დაჩვეულნი იყვნენ ურთიერთის თავდასხმას და ძარცვას. ამ მიზნის მისაწევად მან შეადგინა ძეგლის დება, რომელიც აქამომდე დაცულია და შეტანილია იმის სახელით მეფის ვახტანგ VI ¹⁾ სამართლის წიგნში. კათალიკოზმა ვეთვიმემ, რომელიც მეფე გიორგიმ დანიშნა პატრიარქად, დიდი შემწეობა აღმოუჩინა მას ამ სასიქადულო მოღვაწეობაში.

ჩობან-ნოინის სიკვდილის შემდეგ, რომელიც 1327 წ. ბოროტ მოქმედებისათვის მოკლეს, აბუსაიდმა იცოცხლა 9 წელი და 1396 წ. გარდაიცვალა. ამის შემდეგ მონგოლთ ძლიერება თანდათან დასუსტდა და გიორგიმ იმათი დასუსტებით ძალ-ღონე შემოიკრიბა და დაიპყრა სომხეთი, ჰერეთი, რანი და ლეკეთი დარუბანდამდი. შირვან-შაჰი—მას ხარკს აძლევდა. მან დანიშნა სარგის ჯაყელი სამცხის ათაბეგად და სპასალარად.

იმერეთის მეფე კონსტანტინე, რომელმაც ბედიის ტაძარი განაახლა და რომელსაც მიაწერენ სამშვილდის ციხის ხელახ-

¹⁾ ვახტანგის კანონთ კრებულში ბ. ურბნელის აზით, გიორგი ბრწყინვალემ ეს ძეგლის დება შეადგინა მთიულეების კრების დასწრებით. გიორგი V ბრწყინვალე. გვ. 108.

ლად აგებას, გარდაიცვალა 1327 წ. მემკვიდრედ შეიქნა იმისი ძმა მიქელი, რომელიც ორს წელიწადს მეფობდა და ტახტი თავის შვილს ბაგრატს დაუტევა, თუმცა ბაგრატი სიყმაწვილეში ვერ ბედავდა მეფის წოდებას. მეფე გიორგიმ იმერეთის მდგომარეობა რომ შეიტყო, გადავიდა ჯარით, დაიპყრა იმერეთი 1320 წ. და დაადგინა იქ ერისთავები, რომელთა შორის ბატონიშვილი ბაგრატი შორაპანს დააყენა. მამია დადიანმა, შვილმა და მემკვიდრემ გიორგისამ, — რომელიც 1325 წ. გარდაიცვალა, — გურიელმა, სვანეთის და აფხაზეთის ერისთავებმა, — რომელთა სახელები არ არიან მოხსენებულნი ისტორიაში, — აგრეთვე აღიარეს გიორგი მეფედ. გიორგიმ ბედლის საერისთაოს მიუმატა ცხომის ციხეც, ახლანდელი სოხუმი.

სარგის ათაბეგის შემდეგ, რომელიც 1334 წ. გარდაიცვალა, გიორგიმ დანიშნა მემკვიდრედ შვილი მისი ყვარყვარე; მან აგრეთვე მთელ სამცხეში დანიშნა თავის უფლებით ერისთავები. შემდეგ ევთვიმე კათალიკოზისა ბასილმა დაიჭირა იმის ადგილი.

გიორგიმ დაამარცხა როგორც ნოინი, ადერბეიჯანის მთავარი, აგრეთვე ურდო ორხან სულთნისა, რომელიც ოსმალების მამამთავარი იყო და რომელსაც ამ დროს საბერძნეთის ერთი ნაწილი ეჭირა; ივერიელები დაბრუნდნენ ტფილისს დიდის დავლით. მამია დადიანის სიკვდილის შემდეგ, რომელიც 1345 წ. მოხდა, მეფემ იმის მემკვიდრედ მისი შვილი გიორგი დანიშნა. ამ ხელმწიფემ მთელი ივერიის რიგი და წესი შესცვალა. მან განსაკუთრებელი ყურადღება მიაქცია სჯულს და სასულიერო საქმეებს, რომელნიც წესიერებაში მოიყვანა კრებამ, ტფილისს მეფის მიერ მოწოდებულმან. გიორგის მეფობაში ააგეს და განახლეს — ნამეტურ სომხეთში — მრავალი ეკლესიები, რომლებზედაც წარწერები, დროს განმავლობაში, სანახევროდ წაშლილან და, სამწუხაროდ, ძნელად წასაკითხავ-

ნი არიან; დაბის ¹⁾), პითარეთის, ცულრულაშენის, კაზრეთის და დმანისის ეკლესიები მოწმობენ როგორც გიორგი ბრწყინვალის ღვთის მოყვარეობას, აგრეთვე იმ კეთილდღეობას, რომელშიაც ქართლი იმყოფებოდა. იმის მეფობაში, და აგრეთვე ამტკიცებენ მეისტორიების ჩვენებას. ყველა ამ დიდებულ მოღვაწეობისათვის მადლიერმა ერმა მიანიჭა გიორგი მეფეს სახელი „ბრწყინვალისა“. ის გარდაიცვალა 1346 წ. სამწუხაროა, რომ გიორგი V -ს შემდეგ ქართული ისტორიის მასალები თანდათან კლებულობენ, რის გამოც მეისტორიე, ცოტა არ იყოს, გაჭირებულ მდგომარეობაში ვარდება ხოლმე.

გიორგის მემკვიდრედ შეიქნა მისი შვილი დავით VII, რომელიც დიდის ამბით საჯაროდ მირონცხებული იქნა მეფედ. ის გულსმოდგინედ შეუდგა სამეფო საქმეების მართვას და ცდილობდა თავის ქვეყნის კეთილ დღეობისათვის. მან კათალიკოზის ბასილის სიკვდილის შემდეგ დანიშნა იმის ადგილზე დოროთეოსი. იმის ნება-რთვით იმერეთის ერისთავმა, მეფე მიქელის შვილმა, ბაგრატმა ყვარყვარე-ათაბაგის ქალზე ჯვარი დაიწერა. მეფე დავით გარდაიცვალა გეგუთს 1360 წ. იმისი ქალი გულქან-ხათუნი ცოლად გაჰყვა 10 მაისს 1377 წ. ტრაპიზონის იმპერატორის მანუილ III უმცროს შვილს.

დავითის შემდეგ გამეფდა მისი შვილი ბაგრატ V, რომელმაც სამეფო გვირგვინი იკურთხა ქუთაისში. კათალიკოზებად იყვენ ელიოზი და მის შემდეგ დოროთეოსი და გიორგი. ბაგრატის მეფობის მეორე წელს სვანებმა აიღეს და დასწვეს იმერეთის დედა-ქალაქი. ეს რომ მეფემ გაიგო, გადავიდა იქ ჯარით, შეკრებილით ივერიის ყველა კუთხილამ და მოსვლისა-

¹⁾ უნდა იგულისხმებოდეს დადაბნის ეკლესია, რომლის მღვდელ-მთავარი დადაბნელი ჯდებოდა დარბაზობად მეფის კურთხევის დროს მცხეთას შემდეგ დმანელისა. „შემოვიდეს დადაბნელი და დაჯდეს დმანელის ქვემოთ“. განგება დარბაზობისა. სვ. 0 пам. гр. письм. А. Цагарели. т. I, в. 3. გვ. 295.

თანავე სვანები მსწრაფლ დაბრუნდნ თავის ხეობებში. მათი ერისთავი ვარდანძე მეფემ გაგზავნა გურიაში, სადაც ის შეიქნა წინაპრად მთავრის გვარისა გურიულებისა, ხოლო სვანეთში ერისთავად მეფემ გელოვანი დანიშნა. მეფემ აგრეთვე დაამარცხა და უკუაქცია თურქნი, სამცხეში შემოსულნი ყვარყვარე ათაბეგის სიკვდილის შემდეგ, რომელიც 1361 წ. მოხდა. მეფე ბაგრატმა ყვარყვარეს ადგილზე დანიშნა იმისი შვილი ბექა, რომელიც აქამომდე მას მანდატურთ-უხუცესად ჰყავდა. 1366 წ. ჟამმა გასწყვიტა დიდ ძალი ხალხი და მათ შორის დედოფალი ელენე, დედა ბატონიშვილებისა გიორგისა და დავითისა. 1375 წ. გიორგი დადიანი მოკვდა და ბაგრატმა დანიშნა დადიანად შვილი მისი ვამეყი.

თოთხმეტი წლის შემდეგ აზიის შორს მხარეში გამოჩნდა თემურლენგი ¹⁾, რომელიც დამყარდა მოვარ-ენნახორს და ხორასანს და აქედამ დასავლეთისაკენ წავიდა ილხანების გვარის ამოსაწყვეტლად. მან 1386 წ. დაიპყრა ნახჭევანი, შემდეგ — თავრიზი, ერანდ-შაჰი — ანუ ალინდაყი და სურბ-მარი. ათაბეგი ბექა დამორჩილდა მას პირველ მის შემოსევის დროს ივერიის სამხრეთ-დასავლეთის მხარეში. ხოლო მეფე ბაგრატი გამაგრდა ტფილისში და მისი შვილი გიორგი იმერეთში გარ-

¹⁾ თუმცა საზოგადოდ მიღებულია, რომ თემურლენგი მონგოლურად ნიშნავს კოქლს რკინის კაცს, მაგრამ გიბზონი სხვა გვარად განმარტებს ამ სიტყვას: „ დემურ ანუ ტიმურ თურქულ ენაზე ნიშნავს რკინას, ხოლო ბეგი — დიდებულ მთავარს ანუ თავადსა. ამ ორ სიტყვების ასოს შეცვლით ანუ სხვა ნაირ კილოთი გამოთქმის გამო წარმოსდგება ამ გვარი ცვლილება ბეგ — ლენკ (უკანასკნელი სიტყვა ნიშნავს კოქლს). ევროპელებმა დაამახინჯეს ეს ორი ლექსი და გარდააქციეს ერთ სიტყვად ტამერლანად“. ლარგვისის მონასტერში აქამომდე დაცულია პარაკლიტონი, რომელზედაც იპოვება წარწერა ბერის გრიგოლ შინდას ძის, ავგაროზის შვილის, რომელიც იყო თანამედროვე თემურის ქართლში შემოსევისა და რომელიც უწოდებს მას თემურ-ბეგად. „მოვიდა თემურ ბეგ სულტანი სამარ-ჰანდელი“. Br. Voyage arch. 41, 77—79.

დავიდა. თემურმა გარს შემოადგა ტფილისს, რომლის მეციხოვნეები დამარცხდნენ ციხის კედლების წინ მომხდარ ომში. თათრებმა დაიპყრეს ტფილისი და დაატყვევეს მეფე და დედოფალი ანნა, რომელიც შეირთო ბაგრატმა პირველი ცოლის შემდეგ. ტფილისის აღება მოხდა 1387 წ. ამის შემდეგ თემურმა დაპყრო რაოდენიმე ხანი ყარაიაზში და თან წაიყვანა ყარაიაზს დატყვევებული მეფე, რომლის გამაჰმადიანებას მუდამ ცდილობდა.

მაშინ ბაგრატმა განზრახ განაცხადა სურვილი თემურის ბრძანების ასრულებისა და აღუთქვა მას საქართველოს დაპყრობა მის მონების ქვეშ. თემურმა ამ მიზნის ასასრულებლად გაგზავნა ის 12 ათასი ჯარით. მეფის შვილები, რომელთაც საიდუმლოდ შეიტყვეს ეს ამბავი ¹⁾ ჩაესაფრენ გზაზე, თავს დაესხნენ თათრებს და უდიდესი მათინაწილი ამოწყვიტეს. თემური მეორედ დაეცა ივერიას 1393 წ. თათრების ერთი ნაწილი შეესია სამცხეს და დანაჩენი — ქართლის და არაგვის ხეობას და მძვინვარების მუსრი გააფლეს მთელს მხარეს. სვეტი ცხოველის ტაძარი გაძარცვეს და შებილწეს. კავთის ხევის ²⁾ დედათა მონასტერი საშინელ განსაცდელში ჩავარდა და მონაზონები თვით ეკლესიაში ცეცხლში გამოსწვეს; ამ მონასტერში აქამომდე ყველა ფეხ შიშველი შედის ამ წმიდა დედათა ღვაწლის სადიდებლად. თათრები გარდაიფანტნენ ჩრდილოეთში ლარგვისის მონასტრამდე, რომელიც ცეცხლით და მახვილით შემუსრეს. იქედამ კახეთში გარდავიდნენ და შემდეგ — დაღესტანში, გილანში და მაზანდარანში, რომელნიც მათ იარაღით დაიპყრეს.

აღექსანდრემ, ერისთავის ბატონიშვილის ბაგრატის შვილმა, რომელსაც მცირეს უწოდებდნენ (გარდაიცვალა 1372 წ.), ისარგებლა მეფე ბაგრატის დატყვევებით, გადგა და 1372 წ.

¹⁾ მეფემ თვითონ საიდუმლოდ შეუთვალა მათ.

²⁾ ქვათა — ხევი.

ეკურთხა მეფედ იმერთა. ის 1389 წ. გარდაიცვალა. მისმა ძმამ და მემკვიდრემ გიორგიმ აფხაზეთის კათალიკოზობა დააწესა და ამ ადგილზე არსენი დაადგინა. მაგრამ მეგრელები, სვანები და გურულები ერთგულად დარჩენ მეფე ბაგრატს, რომელსაც ისტორიაში უწოდებენ ბაგრატ დიდად. ამ დროს განმავლობაში გიორგიმ, ბაგრატის შვილმა, დაიპყრა სამცხე, — რომელიც იმერეთის აჯანყებაში ერია, — და შემდეგ დაბრუნდა იმერეთში. ათაბეგის ბექას შემდეგ, რომელიც გარდაიცვალა 1391 წ., იმის ადგილზე მისი შვილი იოანე დაინიშნა.

თემურ არ დაჯერდა საშვალ ივერიის აოხრებას. მან, შეკრიბა რა დიდ ძალი ჯარი თავისი და შირვანისა, მდ. მტკვარში გამოვიდა და ხელოვნადად გამოილაშქრა ივერიაზე. სასტიკი ომი ასტყდა თათრებს და ქართველებს შორის; ამ უკანასკნელთ ველარ გაუძღეს აუარებელ მტრის სიმრავლეს და გაიქცენ. თითონ მეფე ბაგრატი თავის შვილით გიორგით მთებში განივლტო. ის გარდაიცვალა 1395 წ. გიორგი VII ავიდა ტახტზე და მთელი ივერიის მიერ ცნობილ იქნა მეფედ. როცა თემურმა შეიტყო გიორგის გამეფება, აშფოთდა და მოსთხოვა მეფეს, დაუყონებლივ დამორჩილებოდა მას. რადგან ამ წინადადებაზე მეფემ უარი განაცხადა, თემურმა გაგზავნა ქართლში ჯარი 1400 წ. ამ ომში თათრები ჯერ დამარცხდნენ, მაგრამ მერე გაიმარჯვეს და მკაცრის ბრძოლის შემდეგ დაიპყრეს ტფილისი, რომელშიაც მეციხოვნეები ჩააყენეს. ქართველები გაიქცენ, ზოგიერთნი კი სისუსტის გამო დაემორჩილენ მტერს. ყველა გამოქვაბულნი კლდეები ¹⁾ და თავშესაფარნი ადგილე-

¹⁾ გიბბონი, ვებერი და ტრაჩევსკი მოგვითხრობენ, რომ თემური საქართველოს დარბევის დროს გზავნიდა ქვაბებში და მღვიმეებში დახიზნულ ხალხის ამოსაწყვეტად მხედრებს, რომელნიც კლდის წვეროებიდან ჩამოდიოდნენ და ცეცხლს უკიდებდნენ მღვიმეებში დამალულ ხალხს. შემდეგ თემურის გალაშქრებისა დასავლეთისკენ და სპარსეთის განადგურებისა, ამბობს გიბბონი, თემური პირველად შეესია საქართველოს ქრისტიანებს, რომელნიც თავს იცავდნენ თავის კლდეებში, მთებში და ციხის სიმაგრეებში, მაგ-

ბი, სადაც ერი მიიძალა, თანდათან დაიპყრეს თათრებმა, რის შემდეგ მთელი მხარეც დამორჩილდა.

ლენგ-თემურმა ქართლის მმართველად დააყენა ჰაჯი შიხალი და ემირ-ჯოანი. ივერიის შემუსვრის შემდეგ თემურმა გაილაშქრა 1394 წლ. ტახთამიშის წინააღმდეგ, ¹⁾ და ამას მოჰყვა დარბევა მთელის დაღისტანისა და კასპიის ზღვის ნაპირებისა, როდესაც ამ გზით თათრებმა მთები გარდაოარეს. 1398 წ. თემურის შვილი მარონ-შაჰი, რომელსაც აღრებაჯანის მართვა ებარა, ცხენილამ გარდმოვარდა, რის გამო ის კკუაზე შეიშალა. ამ გარემოებით ქართველებმა ისარგებლეს და, ცოტა არ იყოს, შეისვენეს წინანდელ უბედურებისაგან. ტახირმა ბაღდადის მფლობელის ახმედის შვილმა, ჰულალუ-ყანის შთამომავალმა, რომელიც განდევნეს თავის დედა ქალაქილამ 1393 წ., თავი შეიფარა ალინჯაყის ციხეში, სადაც დიდხანს ის ვერ შეიპყრა თემურმა. ივერიელებმა ამით ისარგებლეს და წავიდნენ ტახირის შესაწევნელად, დაამარცხეს თათრები და აიძულეს ისინი, ციხეს შემოცლოდნენ, ხოლო ტახირი თან წამოიყვანეს. მეფე გიორგის ის დიდხანს ჰყავდა დაჭერილი, ბოლოს მან გარდასწვიტა თემურთან დაზავება. თუმცა თემურს იამა ეს ამბავი, მაგრამ მიუხედელოდ ამისა ემზადებოდა ივერიაზე ხელახლად გალაშქრებას. 1399 წ. ზამთარში თემური დაღესტანში იბრძოდა. 1400 წ. მან მოსთხოვა მეფეს, გადაეცა მისთვის ტახირი, რაზედაც მეფემ გადაჭრილი უარი შეუთვალა, თუმცა ამ დროს ქ. ალინჯაკი ²⁾, თათრებს შემდეგ ხანგრძ-

რამ თემურმა თავის მიძინვარებით ყველა დამაბრკოლებელნი მიზეზნი, რომელნიც მას წინ გარდაეღობენ, დათრგუნა და გაიმარჯვა. Gibb. Décad. et ch. de l'emp. Rom. გვ. 810.

¹⁾ ეს ტახთამიში თემურლენგმა დანიშნა ხანად ყიფჩაყის ურდოსა, — რომელიც თითქმის ორ საუკუნე ნახევარს ფლობდა მთელს რუსეთს, — და, როდესაც ეს ხანი გადაუღდა თემურს და დამოუკიდებელ ხანად აღიარა თავი, თემურმა გაილაშქრა იმის წინააღმდეგ და გარდაადგო ის.

²⁾ ალინჯის ციხე.

ლივ ალყისა აღებული ჰქონდათ. თათრები შემოვიდნენ შიდა-ქართლში, ამოხოცეს მრავალი ხალხი, რომელიც გამოქვაბულებში შეხიზნული იყო და დაიპყრეს 19 ციხე, რომელთა სახელები ისე დაუმახინჯებიათ არაბის მწერლებს, რომ იმათი გარჩევა შეუძლებელია. შემდეგ ამისა თათრები ხელმეორედ შეესივნენ წარჩინებულის ჯანიბექის სამფლობელოს, რომელიც დამორჩილდა მათ; იქედამ ისინი გარდვიდნენ ათაბეგის იოანეს სამფლობელოში, რომელსაც მუსრი გაავლეს და, ჩვეულებისამებრ, გაძარცვეს. ამ დროს განმავლობაში მეფე გიორგი სვანების მთებში იყო, გარნა თათრები აქაც სდევნიდნენ მას; მაშინ ის გარდავიდა აფხაზეთში; მოსასპობელად ამ დაუცხრომელ დევნისა მან გადასცა ოსმალებს ტახირ-სულთანი, რომელიც თავის მამით ახმედით დაბრუნდა ბაღდადს. თითონ კი მეფე გიორგი დათანხმდა ხარჯი ეძლია თემურისათვის და გაუგზავნა მას თავისი ძმა მდიდარის საჩუქრებით და გამოსთხოვა მას მთელის საქართველოს შეწყყნარება:

1402 წ. ლენგ-თემური კიდევ წაიწია სამხრეთისაკენ. მან აიღო თორთომის და კალმახის ციხეები და, როდესაც ივერიის საზღვარს მიუახლოვდა, 1402 წ. მან მიიღო ათაბეგი ივანე და ბატონიშვილი კონსტანტინე, რომელნიც გამოცხადდნენ წინაშე მისა ძღვენითა და საჩუქრებითა. მასთან მოვიდნენ აგრეთვე კასტილიის კოროლის ჰენრიხ III დესპანები, რომელთაც ოსმალოს სულთნის მურადის დატყვევებული შვილი მიუყვანეს. დაბრუნების დროს თემური ნადირობდა და ანაზღეულად ივერიაში შემოვიდა. ანგორის ¹⁾ ომის შემდეგ, სადაც თემურმა გაიმარჯვა, — მეფის ძმები კონსტანტინე და დავითი თავის მეფით გიორგით მამაცურად იცავდნენ მტრისაგან თავს, მაგრამ მათ შორის შუღლი, ჩამოვარდა და მეფის ძმებმა საიდუმლოდ აჩვენ-

¹⁾ ეს სახელგანთქმულ ომი, რომელშიაც ორთავე მხრით მილიონზე მეტი ჯარი იბრძოდა და რომელშიაც სულთანი ბაიზაზეთი დამარცხდა და ტყვედ წაყვანილ იქნა, მოხდა 1403 წ. მცირე-აზიის ქალაქის ან ციხის ახლო.

ნეს თათრებს ის გზა, რომლითაც მათ შეეძლოთ ქართლის შუა გულში შემოსულიყვენ. მაშინ თემურმა უბრძანა ემირს შაჰ-მელიქს გარშემორტყმოდა განთქმულ ციხეს ბირთვისს, რომელსაც დიდებული ნაზარა იცავდა. თემური დაესწრო ამ ციხეზე მისვლის დროს და აიღო ის დიდის გაჭივრებით აგვისტოს 1043 წ. თემურმა დასტევა აქ ციხის მცველნი და უბრძანა მათ, ყველა მახლობელ მხარეში მკვიდრნი შიშ ქვეშ იყოლიონ. მან მიიღო მეფე გიორგისაგან სხვა და სხვა საჩუქრები და ათასი ოქრო რომელზედაც თემურის სახელი იყო მოჭრილი. ამის შემდეგ თემური წავიდა თურქისტანში, საიდანაც არაოდეს აღარ დაბრუნებულა დასავლეთ აზიაში. ის გარდაიცვალა 19 იანუარს 1405 წ. ¹⁾.

2) ქ. ც-ბით «ბოროტი იგი ბოროტად წარწყმდა»: თომა მეზობის თქმით, — რომელიც თითქმის თანამედროვე იყო თემურისა, — მან სამარყანდში საქართველოდამ ტყვედ წარიტაცა სამოცი ათასი კაცამდე და იქ „ჩაძალდა როგორც ძალი“. Hist. de la géorg. გვ. 176. „ხოლო ტყვე და ალაფი ყოველი გაგზავნა სამარყანდა ქორონიკონსა 4 (1402 წ.). „თემურის სატანტო ქალაქს სამარყანდში აქამომდე დაცულია ქართული წიგნები, წანაძარცვნი საქართველოდამ იმის ურდოების მიერ. ეს ამბავი ნახწავლ ქვეყნიერობას გააცნო სომეხმა ხეჩატურ ევანისიანმა, აღმოსავლეთის მრავალთა ენათა მცოდნემ, რომელსაც სამარყანდის ერთ კოშკში გაუსინჯავს ხელთნაწილები, თემურის მიერ წარტაცებულნი. პლ. იოსელიანი. Опис. др. г. Тифлиса. ერთი თანამედროვე რუსის მწერალი, ევგ. მარკოვი, რომელსაც შარშან მიმოუვლია საშუალო აზია, აგვიწერს თავის მოგზაურობას „Русск. Вѣстникъ“-ში და ფრიად შესამჩნევ ამბევებს გვაცნობებს ქართველების ნაშთებზე, რომელნიც თემურის დროს წარტაცებული უნდა იყვენ. — თემურლენგის მტარვლობას საქართველოში აგვიწერს 1447 წ. ერთ გუჯარში შემდეგის სიტყვებით მეფე გიორგი VIII, რომელიც თითქმის იმის თანამედროვე იყო. „პაპის ჩემის ძმის გიორგის მეფობაში საშინელი დრო დადგა:“ ღვთის რისხვა, ჩვენი ცოდვების გამო გარდმოვიდა ჩვენზე და საშინელი თემური, ურწმუნოებით აღტურვილი, ყველა ქვეყნების ამოხრებელი, ყველა კანონების დამარღვეველი, ეკლესიის და მამულის ერთგულთ შვილთა ამომწყვეტელი, — ამ ღვთის რისხვამ, ჩვენზე წარმოვლინებულმა, აუარებელის ჯარით — აგარიანელებით — შემოესია საქართველოს, გაანადგურა იგი, ამოჟლიტა

აქ ხრონოლოგიურად ჩამოვთვლით თემურლენგის ყველა გალაშქრება ივერიაზე: 1) 1386 წ. ის იპყრობს ტფილისს, და ატყვევებს ბაგრატს 2) 1393 წ. მეორედ იღებს ტფილისს, თათრები სამცხეს თავს ესხმიან, თვით თემური კი — შიდა-ქართლს. 3) 1400 წ. ის იპყრობს ციხეებს და ჯანიბეგის სამფლობელოს 4) 1401 წ. იყო სამხრეთ-დასავლეთ ივერიაში ბრძოლა, რომელმაც გამოიწვია ბატონიშვილის კონსტანტინეს ელჩად გაგზავნა მასთან. 5) 1402 წ. გურჯი-ბექის ციხის აღება. 6) 1403 წ. ბირთვისის აღება.

მემკვიდრედ იმერეთის მფლობელის გიორგისა, რომელიც მეგრელებმა მოჰკლეს 1392 წ.— შეიქნა მისი ძმა კონსტანტინე, რომელიც 1396 წ. ქალის ომში მოჰკლეს. იმის მემკვიდრედ იყო მისი შვილი ალექსანდრე, რომელიც მხოლოდ ერისთავად იწოდებოდა და არა მეფედ. ხოლო მეფე გიორგი VII 1407 წ. გარდაიცვალა. იმის მემკვიდრედ იყო ძმა მისი კონსტანტინე II, რომლის მეფობას გაკვრით მოიხსენიებენ მემატეანენი. მან დაასაფლავა მეფე გიორგი მცხეთას და იწყო ივერიის მართვა. ის სდევნიდა ივერიაში მყოფ მუსულმანებს, რომელთაც ამაზე შესჩივლეს ოსმალების სულთანს, მუსასა¹⁾ შვილს და მემკვიდრეს ბაიაზეთისას. თურქები სულთანის ბრძანებით დაეცნენ ივერიას და მეფე მოჰკლეს ომში 1413 წ. ამ ამბავს მირკონდი სხვანაირად მოგვითხრობს; იმის სიტყვით ომში, რომელიც ასტყდა თემურის სიკვდილის შემდეგ იმის შვილების და ოსმალოს ემირების შორის, შირვანის მმართველმა შეიხ-იბრაჰიმმა მიიმხრო თავისკენ მეფე კონსტანტინე, რომელმაც მიეშველა მას 2000 კაცი, წინააღმდეგ ყარა-იუსუფისა, სარდლისა იმ თემისა, რომელსაც შავცხვარად უწოდებდნენ: მეფე დამარცხების შემდეგ დაატყვევეს და 1413 წ. დასაწყისს ის და დანარჩენი ქართველები

დიდ ძალი ხალხი და დაქცია ახალი იერუსალიმი (მცხეთის ტაძარი), ქრისტეს სჯულის დასაწყისი, დედა-ქალაქი მცხეთა და ეკლესია; საშინელ და მწარე იყო დღე იგი, ... Груз. церк. гудж. Д. Пурцеладзе გვ. 104.

¹⁾ იგივე მუზა.

გაჰსწყვიტეს. ამ დროს ახლო ხანებში ახალციხეს მაზრაში მცხოვრებმა მუსულმანებმა იჩივლეს ყარა-იუსუფთან ქრისტიანების მიერ შევიწროებაზე და შემოიყვანეს იმისი ჯარი ამ მაზრაში. ამ თურქებმა აიღეს და აიკლეს ახალ-ციხე, შემდეგ ისინი გარდავიდნენ კლარჯეთში. ამ გვარად მათ ჯავრი ამოიყარეს ქრისტიანებზე.

გიორგი VII-ს 24 წ. შვილი ალექსანდრე ავიდა ტახტზე. იმის პოლიტიკურ მოქმედებაზე მატიაწე ძლიერ მცირე მასალას გვაძლევს, მაგრამ ჩვენ შეგვიძლია შევავსოთ ეს ნაკლი სიგელე-ბით, რომელთაც ჩვენამდე მოაღწიეს და რომელნიც იმის შინაგან მმართველობას შეეხებიან და გაგვაცნობენ მრავალს წვრილმან ფაქტებს. ის დიდის მეცადინეობით აღზარდა იმის ბებიამ რუსამ, გიორგი VII მეუღლის, დედოფლის ნათიას დედამ. რუსა შეუდგა მცხეთის ტაძრის აღდგენას, მაგრამ სიკვდილმა აღარ დააცალა იმის დამთავრება, რომელიც ახალგაზდა მეფემ იკისრა. მეფემ აგრეთვე ტაძარს მიაშენა სამხრეთისაკენ წმ. მთავარ ანგელოზის სახელზე თავის დასამარხავად ეკვტერი, რომელიც ამ რაოდენიმე წლის წინეთ დაანგრიეს. მან შეაკეთა მრავალი ეკლესიები, სახელდობრ რუისისა, როგორც სჩანს ჩვენამდე დაცულის წარწერიდამ.

ალექსანდრემ ვარძიაში დაასაფლავა თავისი ბიძა მეფე კონსტანტინე და დადიანად დანიშნა ლიპარატი, შვილი მამიასი, რომელიც ომში მოჰკლეს აფხაზებმა 1414 წ-ში. ალექსანდრემ დაიპყრა ეს მხარე (აფხაზეთი), რომლის შემდეგ ეკურთხა მეფედ ქუთაისში. მან შეიერთა თამარ, და დიმიტრისა, რომელიც მან იმერეთის ერისთავად დანიშნა. იმავე წელს ალექსანდრე კობთის თავზე შეებრძოლა იოანე ათაბეგს და დაატყვევა ის. თურქებმა მაშინ დაიპყრეს ახალციხის მაზრა.

1432 წ. ალექსანდრემ წაართვა მუსულმანებს ლორის ქალაქი, რომელიც იმის იმერეთში ყოფნის დროს ორი წლის წინეთ მუსულმანებს დაეპყრათ და, როგორც ამბობენ, მეფემ აჩუქა ის პელგინ ორბელიანს 1433 წ.

1433 წ. მეფე ალექსანდრემ გაგზავნა მიტროპოლიტი სოფრონი და სხვა ეპისკოპოსები ტრიდენტის ¹⁾ კრებაზე დასასწრებლად. ისინი მონაწილეობას ღებულობდნენ სჯაში აღმოსავლეთის და დასავლეთის ეკლესიების შეერთებაზე, მაგრამ ხელი არ მოაწერეს ერთად დანარჩენ სასულიერო პირებთან უნიის დაბოლოებითს ოქმზე.

როდესაც შვილი და მემკვიდრე თემურისა შაჰ როხი შემოვიდა სომხეთში 1437 წ., ალექსანდრემ გაუგზავნა მას

¹⁾ ავტორის მხრით ეს *lapsus calami* უნდა იყოს. აქ უნდა იგულისხმებოდეს ფლორენტინის კრება, რომელიც 1438 წ. მოხდა, (გიბბონი *Dé cad. et chute de l'emp. Rom.*) და არა ტრიდენტისა, რომელიც ახალ ისტორიას ეკუთვნის და 1545 წ.—1563 წ. გაგრძელდა პაპის პავლე III დროს. (*Gib. გვ. 844, 845, 846 და შემდ.*). თვით ავტორიც თავის *Hist. de la géorg.*, რომელიც მან 1849 წ. გამოსცა, თანამედროე ჰორას იუსტინის სიტყვით ამბობს, რომ ფლორენციაში კრება 1438 წ. იყო (გვ. 681 II. 5) იქ დაესწრა ერთი მიტროპოლიტი და საქართველოს მეფის დესპანი, რომელიც შესანიშნავი იყო თავისს ახირებულ ტანსაცმელით, თავზე რგვალი ქუდი ეხურა მრავალის ძვირფასის თვლებით და ოქროს დილებით შემზღობული... არც ერთ იმათგანს არ მოუწერიათ ხელი უნიაზე, მაშინ, როდესაც სომხებმა იგი მისვლის უმაღლე მიიღეს. (გიბბონი.).

თემურლენგის სიკვდილის შემდეგ ოსმალები ისევ მალე გაძლიერდნენ და კონსტანტინეპოლის აღებისათვის ემზადებოდნენ. მაშინ ბიზანტიის იმპერატორებმა მიმართეს დასავლეთ ევროპას შემწეობის გამოსათხოვნელად. იმპერატორმა იოანე VIII საჭიროდ დაინახა სამუდამო კავშირით შეკვროდა ევროპას და ამისათვის ისურვა ლათინთა და ბერძენთა შორის სარწმუნოებრივის განხეთქილობის აღმოკვეთა. მან იწყო მიწერ-მოწერა და დესპანების გზავნა ევროპის ხელმწიფეებთან. იოანე თითონაც გაემგზავრა პაპი ევგენი IV-თან, რომელმაც ის ფერარაში დიდის ამბევით მიიღო. პაპმა აღუთქვა ჯვაროსნობის ჯარის გამოწვევა თურქების წინააღმდეგ, მხოლოდ იმ პირობით, რომ აღმოსავლეთის ეკლესია უნდა შეერთებოდა დასავლეთისას. ამ მიზნის მისაღწევად ორთავე ეკლესიის წარმომადგენელნი შეიკრიბნენ ფლორენციაში, სადაც საზოგადო მსჯელობა დი ბაასი უფრო იმაზე იყო მიქცეული, თუ რომელი სარწმუნოების სიმბოლოს დოღმატი უნდა დარჩენილიყო, სული-წმინდის გამომავლობაზე — ბერძნული თუ ლათინური.

თავისი შვილი დიმიტრი საჩუქრებით და მით მოიპოვა მისი კეთილი განწყობილება სასარგებლოდ ივერიისა. მას შემდეგ მეფე წავიდა განჯას, შირვანს და დაღესტანს და აიძულა წინანდულად ამ მხარეებისა მკვიდრნი, ეხადნათ მისთვის ხარჯი. თუ დავერწმუნეთ სომხის თანამედროვე მეისტორიეს თომა მეძაბაცის თქმულებას, — მეფე ალექსანდრეს ვითომც ცოლად სიუნიის მფლობელის ფეშქენანუ პელგინ ორბელიანის ქალი ჰყავდა და, ვითომც ის შიშობდა, რომ სომხები, რომელნიც თავის ქვეყნიდამ გამოიქცენ, არ მიმხრობოდენ პელგინს, და ვითომც, ამის გამო, ალექსანდრემ მოაწამვლინა თავისი სიმამრი. 1438 წ. მომწამვლელი სიკვდილით დასაჯეს, მაგრამ მან არ დაასახელა ის, ვინც ეს ბოროტება მას ჩაადენინა. 1439 წ. მეფეს იარა გაუჩნდა, რომელიც არ ასვენებდა მას და რომლის მორჩენა შეუძლებელი შეიქნა. მთლად ამ თქმულების მიღება ფრიად ძნელია, იმიტომ რომ ქართული მატრიანე, რასაკვირველია, ამ შემთხვევას არ იხსენიებს, და უფრო იმიტომ, რომ

ამასთანავე ლათინები თხოულობდენ, რომ ბერძნებს აღეარნათ პაპის უპირატესობა, ესე იგი, პაპი მსოფლიო ეკლესიის თავად უნდა ეცნოთ. ბაასში ლათინთა მამათ სძლიეს ბერძნების წარმომადგენელთ, რომელნიც, გიბბონის თქმით, საშინელ გაჭირებაში და სილატაკეში იყვნენ და, ამის გამო, იძულებულნი შეიქნენ ლათინთა მოთხოვნილება მიეღოთ. მაგრამ მაშინ აღმოჩნდა მართლ—მადიდებლების მტკიცე და ერთგული დამცველი, ეფესის მიტროპოლიტი მარკოზი; იმის მეცადინეობით ფლორონციის უნიას არავითარი შედეგი არ ჰქონდა; როდესაცის გამოაცხადეს კონსტანტინეპოლში. ხალხი ხმა მალლა ღალადებდა, რომ ეს უფრო არჩევს თათრების უღელს-ქვეშ დარჩენას, ვინემ პაპს დაემორჩილოს, და ფლორონციის უნიის ხელის მომწერნი, კონსტანტინეპოლის ერის აღელვებისა გამო, შეშინდნენ, შეინანეს და ცრემლით ითხოვდენ მიეტევნათ მათთვის ეს შეცოდება. აგრეთვე რუსეთიდანაც იძულებული შეიქნა გაგცეულიყო მიტროპოლიტი ისიდორე, რომელმაც, ფლორონციიდან დაბრუნების შემდეგ, პაპი აღიარა რუსის ეკლესიის თავად. ამ გვარად ბიზანტიელთ უკანასკნელი იმედი ევროპის შეწვევის შესახებ გაკრუვდა და ოსმალებმა შემდეგ ამისა მალე დაიპყრეს კონსტანტინეპოლი.

1419—1442 წ. თამარ დედოფლის სახელი იხსენიება ქართულ სიგელებში. შესაძლებელია ვიფიქროთ, რომ, სანამ ალექსანდრე თამარს ითხოვდა, მან შეირთო პელგინის ასული. ეს მიტომაც საგულისხმოა, რომ გამეფების დროს ალექსანდრეს უკვე ორი ვაჟი—ვახტანგი და დიმიტრი ჰყავდა. რასაკვირველია, ეს შეილები არ შეძენია მას დედოფლის თამარისაგან, რადგანც ვიცით, რომ ალექსანდრემ დაიწერა მასზე ჯვარი ტახტზე ასვლის შემდეგ.

1440 წ. თავრიზის მფლობელმა ჯაანშაჰმა, ყარა-იუსუფის შვილმა, თავს დაესხა ივერიას და მეფეს გამოსთხოვა ერთად რამდენიმე წინაწლების ხარკი, რომელიც მას არ მიუცია. როცა მეფემ ამაზე უარ ჰყო, ჯაანხანშაჰ ანაზღეულად შემოვიდა ივერიაში აღდგომის დღეებში და ყოველივე დაამხო და დასწვა. სული-წმინდის მოფენის დღეს ის გარშემოერტყა სამშვილდეს, რომელიც აიღო და შიგ მრავალი ხალხი აღმოხოცა და ტყვედ 9 ათასი სული მეტი თან წაიყვანა. იქედამ, შემოვიდა რა ტფილისში, მოაოხრა და მოსრისა ეს დედაქალაქი. ივერიელები გაიქცნენ მთებში და ტყეებში. შესახებ ამ ამბავისა მემატიანე არაფერს ამბობს. ის მოგვითხრობს,—ისიც უალაგო აღვიღოზე—რომ ალექსანდრემ მიმოვლო ივერია, დაათვალიერა ციხეები, ეკლესიები და მონასტრები, რომელნიც მან მთელს მხარეში გარდააკეთა და დაამშვენა, და მოსპო გარდახდევინება ხარკისა 40 ასპრისა, რომელიც ყოველს ოჯახს უნდა შეეტანა ხაზინაში იმის ბრძანებით 1431 წ. ეკლესიების აღსადგენად. ერთი მოთხრობით სვანები ნებით იხდიდენ სამს კირმანაულს ანუ 6 ასპრს თითო ოჯახზე ¹⁾

¹⁾ კირმანაულის, კირმანაულის ანუ ხელმანაურის სახელი დაერქვა ამ ფულს იმპერატორის კირმანუელ კომნენის გამო, რომელიც მეფობდა XII საუკუნეში; კირმანაულს ჰქონდა ორი დანგი (ასპრი) ანუ შაური. ვახუშტით სამი კირმანაული არა ექვსი შაური აწინდელი. Hist. de la georg. 681 შენ. introduct. გვ. CLXI და CLXXVIII. ვახ. საქ. ისტ. გვ. 299.

ორი წლის შემდეგ ალექსანდრემ დანიშნა ქართლის მეფედ ერთი თავისი შვილი ვახტანგი და შერთო მას სითი-ხათუნი ფანასკერტელის ¹⁾). მეორე შვილი დიმიტრი იმერეთის მეფედ დაადგინა, უმცროსი ძმა კი გიორგი კახეთში გაამეფა. შემდეგ ამისა ის გადადგა ტახტიდამ, გამონაზონდა ათანასის სახელით და ცხოვრობდა მისგანვე აშენებულ მთავარ ანგელოზის ეკლესიის მახლობლად. ნამდვილად არ ვიცით, რომელ წელში გარდაიცვალა; საგულისხმო კი არის, რომ მისი სიკვდილი 1446 წ. ადრე არ უნდა მომხდარიყო. ალექსანდრეს მეფობის დროს კათალიკოზებად იყვნენ: ელიოზი, უკვე ხსენებული 1405 წ. და მიხეილი, რომელსაც ერთი გუჯარი 1419 წ. ერთად მეფესთან ჩხენიებს. მეფე დავითის შვილიც, ბერად შემდგარი, კათალიკოზად იხსენიება 1428, 1435, 1439 და 1448 წლ., თევდორე—1425, 1429 და 1434 წლ. და შიო—1440 და 1446 წლ. ²⁾):

ალექსანდრეს მეფობაში იერუსალიმში მცხოვრებელ ივერიელებმა წაართვეს სომხებს ადგილი გოლგოთის მთაზე, რომელიც წინედ ამ უკანასკნელებს ეჭირათ. პატრიარქმა მარტიროსმა გამოაგდო ივერიელი ამ ადგილიდამ, მაგრამ მათ ხელ მეორედ დაეპატრონენ მას. ჩვენ ვიცით, რომ ივერიელებს ეკუთვნოდა ეკვტერი, მიშენებული წმ. საფლავის ეკლესიაზე, აღმოსავლეთის მხრით, სადაც ის ორმო იყო, რომელშიაც იყო ჩაყენებული ჯვარი უფლისა ჯვარცმის დღეს. რასაკვირველია, ორივე მხარენი ერთიერთს ეცილებოდნენ ამ წმინდა ადგილის დაფლო-

¹⁾ ფანასკერტელებად ძველად თ. ციციშვილებს უწოდებდნენ. ისინი ამაღლდნენ ახალციხეში თამარისობას, რომელმაც მიუბოძა მათ ფანასკერტის მამული. ამ ფანასკერტელთა შორის თემურლენგის დროს გამოჩენილი იყო ზაზა, რომელიც გარდაესახლა ქართლში, მას დარჩა შვილი ციცი, რომლის გვარი კონსტანტინეს მეფობაში 1488 წ. თავადობის ღირსებით დაჯილდოებული იქნა. Груз. двор. акт. а. ხახანაშვილისა გვ. V.

²⁾ ამით უნდა აიხსნას ის, რომ ძველად ერთ და იმავე დროს ივერიაში რაოდენიმე კათალიკოზები იყვნენ.

ბის შესახებ. შემდეგში მოვიხსენიებთ, ვის დარჩა უპირატესობა.— მეფე ალექსანდრეს მემკვიდრე ვახტანგ III იყო. მან იოანე ათაბაგის სიკვდილის შემდეგ, 1444 წ., დანიშნა იმის აღვითხე შვილი მისი აღბულა. მაგრამ გარდაცვალებულის იოანეს ძმა, ყვარყვარე, ამით უკმაყოფილო დარჩა, შეებრძოლა აღბულას, მაგრამ იძლია. აღბულამ დაგვიტევა სჯულ-მდებლობა მის მიერ შედგენილი, რომელიც მოიწონა მეფე გიორგი VII და რომელიც შეტანილია ცნობილს ქართულ კანონების კრებაში, ვახტანგ მეფის მიერ გამოცემულში. ამბობენ, რომ იმავე წელს ჯაჰან-შახი ¹⁾ შეესია სამცხეს და, ომის შემდეგ, რომლის ბოლო საეჭვოდ დარჩა, იღუმალ უკანვე დაბრუნდა. მეფე ვახტანგი გარდაიცვალა 1447 წ.

იმის მემკვიდრედ მისი ძმა გიორგი VIII იყო. ჩვენ გვაქვს დაცული მოწმობა, რომ გიორგი კახეთში მეფობდა უკვე 1442 წ. ამას გვაჩვენებს წარწერა ტრაპეზის ფიცარზე, ინდიკტიონის მე 6949 წ., გრემის ეკლესიაში, რომელიც უნახავს 1589 წ. მოხუცს ზაკხეს, კახეთში გაგზავნილ რუსის დესპანის, თავ. ზვენიგოროდსკის მხლებელს.

1450 წ. ბიზანტიის უკანასკნელმა იმპერატორმა, კონსტანტინე დროგაზმა ²⁾ გამოგზავნა აღმოსავლეთში პროტოვესტიასი ³⁾ ფრანცა და მიანდო მას, გარემოების მიხედვით გამოეთხოვა მისთვის ცოლად ანდა ტრაპიზონის იმპერატორის და ან მეფის გიორგის ასული. მეფე გიორგიმ განაცხადა თავისი თანხმობა თავის მხრით. ფრანცის დაბრუნების შემდეგ იმპერატორმა 1452 წ. მიიღო გიორგი მეფის წინადადება შესახებ მზითვის რაოდენობისა და სხვა საქმეებზე ⁴⁾, მაგრამ ამ დროს ოსმალებმა

¹⁾ მემკვიდრე შაჰ როზისა ანუ შარუხისა.

²⁾ ეს კონსტანტინე XI პალეოლოგი ბიზანტიის უკანასკნელი იმპერატორი იყო. ის მოჰკლეს კონსტანტინეპოლის აღების დროს, 29 მაისს 1453 წ. ოსმალებმა.

³⁾ ანუ უფროსი კარის კაცი (Grand chambellan).

⁴⁾ ქართლის მეფე აძლევდა მზითვეში თავის ქალს ერთხანად 56

შემოზღუდეს კონსტანტინეპოლი, რის გამოც ეს კავშირი ჩაიშალა. ქართული მატთანე არას მოგვითხრობს ამაზე, ცალი სიტყვითაც არ იხსენებს რვერიის ბატონის ასულს, რომელიც ბერძნის იმპერატორის საცოლოდ ინიშნებოდა.

1414 წლიდან დაწყებული ოსმალები გამოჩნდნენ შავიზღვის ნაპირებზედაც; ისინი 1451 წ. 50 ხომალდით ¹⁾ დაეცნენ აფხაზეთს, დაიჭირეს და აიკლეს ცხომი ²⁾ და მოასწრეს იქედამ უკანვე გაბრუნება მეფე გიორგის მისვლამდი, რომელმაც, რა ველარ ნახა იქ ოსმალები, უკანვე გეგუთს დაბრუნდა. იმავე ხანში შარვანის ქალაქის ყაბალის მკვიდრნი აღუდგენ მეფეს. გიორგი წავიდა, დაიპყრა ეს მხარე და აიძულა იმის მფლობელი, ადრინდულად ხარკი ეძლია.

კონსტანტინეპოლი თურქებმა აიღეს 9 მაისს ³⁾ 1453 წ., შემდეგ 1123 წლის აღმოსავლეთის იმპერიის არსებობისა. ხუთი წლის შემდეგ ამ უბედურ შემთხვევისა რომის პაპმა პიო

ათასს დუკატს, ხოლო ხუთი ათასი წლიურ. პენსიად უნდა ეძლია. ფრანკის მოგზაურობას ვრცლად აგვიწერს გამოჩენილი ისტორიკოსი გიბბონი, რომლის სიტყვები გიორგი მეფის ქალის მზითვის შესახებ წინეთ მოვიყვანეთ „როგორც კი ფრანცა შემოვიდა საქართველოში ანუ ივერიაში, იქაური ქალაქების, დაბების და სოფლების მცხოვრებნი შეიკრიბნენ უცხოელების სანახავად.— ფრანკის ამაღას შეადგენდენ წარჩინებულნი, იმპერატორის დამკველი გვარდია, ბერები და ექიმები. მათ მოუმატეს აგრეთვე მთელი დასი მუტრიბთა. (მუზიკანტები).— ამ დესპანების გამოგზავნა ფრიად ძვირად დაჯდა და იმათი მიმხვლა ორი წელზე მეტი გაგრძელდა. „Gibbon. Decad. et ch. de l'emp. Rom. გვ. 868 და 869. II ტ. პლ. იოსელიანი ტფილისის აღწერაში მოიხსენიებს ამ ფრანკის ანუ, როგორც ის უწოდებს, ფრანჩას, რომელიც ელჩად გამოგზავნილი იყო მეფე გიორგი VIII ქალის სათხოვნელად. ის ამბობს, რომ ფრანჩას თავის ისტორიაში აუწერია, თუ როგორ ამზადებდნენ მეფის ქალს ტახტისათვის—და აგრეთვე იმისი წაყვანა კონსტანტინოპოლში. Опис. др г. Тифлиса. გვ. 76.

¹⁾ ვახუშტით „50 კატარლითა“, ე. ი. სამარ გემებითა.

²⁾ ვხლანდელი სოხუმი.

³⁾ აქ ავტორის მძრით lapsus kalami უნდა იყოს, ვინაიდან კონსტანტინეპოლი 29 მაისს 1453 წ. აიღეს ოსმალებმა, როგორც თვით ავტორი ქ. ცხ. შენ. სწორედ სწერს. გვ. 683, შენ 1..

II გამოგზავნა აზიაში ლუდოვიკი ბოლონელი, „ძმათა მქადაგებელთა“ საზოგადოების წევრი შესაგონებლად იმისა, რომ ყველა ერთი შეერთებულიყვენ თურქების შესაბრძოლებლად ბურგუნდის ჰერცოგის ფილიპე ქველის წინამძღოლობით. მართლაც, ლუდოვიკ ბოლონელმა მოიტანა ევროპაში წერილები, რომელშიაც გიორგიმ, ქართლის მეფემ, ბაგრატმა, იმერეთის მეფემ, ყვარყვარე ათაბეგმა, მამია გურიელმა, (ისტორიაში უცნობმა) ბედიან სამეგრელოს და რობიო აჟხაზეთის მთავრებმა, (ორნივე აგრეთვე უცნობნი), ტრაპიზონის იმპერატორმა და ზოგიერთმა მუსულმანების მფლობლებმა ამ ომში მონაწილეობის მიღება იკისრეს. გარდა ხომალდებისა, მეკავშირეებმა აღუთქვეს 270 ათასის ჯარის გამოყვანა. გიორგი მეფის ელჩად ტფილისელი ეპისკოპოსი ნიკოლოზი იყო, ყვარყვარესი—ვინმე კუსტადატი ე. ი. კონსტანტინე, აგრეთვე დანარჩენთ ხელმწიფეთაგან იყვნენ გამოგზავნილნი ელჩები, რომელნიც ყველანი შეიყარნენ ვენეციაში 1460 წ. ლუდოვიკ ბოლონელმა აუხსნა კრებას მიზანი და ყოველნი დათანხმდნენ მასზედ, რომ საზოგადო მტერს ერთად დაეცენ. მაგრამ ფილიპე ქველმა პირადის შეხედულობით უარი განაცხადა თავის აღთქმის ¹⁾ ასრულებაზე, რის გამო საქმე ჩაიშალა.

1455 წ. გარდაიცვალა იმერეთის ერისთავი დიმიტრი, რომლის ნაცვლად მეფე გიორგიმ მისი შვილი ბაგრატე დააყენა. მაგრამ 7 წლის შემდეგ ბაგრატმა ყვარყვარე ათაბეგის შეგონებით განაცხადა იმერეთის დაუმოუკიდებლობა და მეფედ ეკურთხა ქ. ქუთაისში. მან აგრეთვე დამოუკიდებელ მმართველებად აღიარა დადიანი, გურიელი, აფხაზეთის და სვანეთის ერისთავები, რომელნიც მას შეეწიენ გამეფების დროს. მეფე გიორგიმ თავის საკუთარის ჯარის შეკრება ველარ მოასწრო, დამარცხდა იმერეთში და უკან გაიქცა. როცა სამცხეში შევიდა, მან შეიტყო, რომ უზუნ-ხასანს ესრედ წოდებულის თეთრი-

1) ბურგუნდის ჰერცოგმა, რომელიც სარდლად უნდა ყოფილიყო.

შემოზღუდეს კონსტანტინეპოლი, რის გამო ეს კავშირი ჩაიშალა. ქართული მატთანე არას მოგვითხრობს ამაზე, ცალი სიტყვითაც არ იხსენებს ივერიის ბატონის ასულს, რომელიც ბერძნის იმპერატორის საცოლოდ ინიშნებოდა.

1414 წლიდან დაწყებული ოსმალები გამოჩნდნენ შავიზღვის ნაპირებზედაც; ისინი 1451 წ. 50 ხომალდით ¹⁾ დაეცნენ აფხაზეთს, დაიჭირეს და აიკლეს ცხომი ²⁾ და მოასწრეს იქედამ უკანვე გაბრუნება მეფე გიორგის მისვლამდი, რომელმაც, რა ველარ ნახა იქ ოსმალები, უკანვე გეგუთს დაბრუნდა. იმავე ხანში შარვანის ქალაქის ყაბალის მკვიდრნი აღუდგენ მეფეს. გიორგი წავიდა, დაიპყრა ეს მხარე და აიძულა იმის მფლობელი, ადრინდულად ხარკი ეძლია.

კონსტანტინეპოლი თურქებმა აიღეს 9 მაისს ³⁾ 1453 წ., შემდეგ 1123 წლის აღმოსავლეთის იმპერიის არსებობისა. ხუთი წლის შემდეგ ამ უბედურ შემთხვევისა რომის პაპმა პიო-

ათასს დუკატს, ხოლო ხუთი ათასი წლიურ პენსიად უნდა ეძლია. ფრანკის მოგზაურობას ვრცლად აგვიწერს გამოჩენილი ისტორიკოსი გიბბონი, რომლის სიტყვები გიორგი მეფის ქალის მზითვეის შესახებ წინეთ მოვიყვანეთ „როგორც კი ფრანცა შემოვიდა საქართველოში ანუ ივერიაში, იქაური ქალაქების, დაბების და სოფლების მცხოვრებნი შეიკრიბნენ უცხოელების სანახავად.—ფრანკის ამაღას შეადგენდნენ წარჩინებულნი, იმპერატორის დამცველი გვარდია, ბერები და ეკიმები. მათ მოუმატეს აგრეთვე მთელი დასი მუტრიბთა. (მუზიკანტები).—ამ დესპანების გამოგზავნა ფრიალ ძვირად დაჯდა და იმათი მიმთხველა ორი წელზე მეტი გაგრძელდა. „Gibbon. Décad. et ch. de l'emp. Rom. გვ. 868 და 869. II ტ. პლ. იოსელიანი ტფილისის აღწერაში მოიხსენიებს ამ ფრანკის ანუ, როგორც ის უწოდებს, ფრანჩას, რომელიც ელჩად გამოგზავნილი იყო მეფე გიორგი VIII ქალის სათხოვნელად. ის ამბობს, რომ ფრანჩას თავის ისტორიაში აუწყებია, თუ როგორ ამზადებდნენ მეფის ქალს ტახტისათვის-და აგრეთვე იმისი წაყვანა კონსტანტინოპოლში. Опис. др г. Тифлиса. გვ. 76.

¹⁾ ვახუშტით „50 კატარლითა“ ე. ი. სამარ გემებითა.

²⁾ ვხლანდელი სოხუმი.

³⁾ აქ ავტორის მძრიჲ lapsus kalamii უნდა იყოს, ვინაიდან კონსტანტინეპოლი 29 მაისს 1453 წ. აიღეს ოსმალებმა, როგორც თვით ავტორი ქ. ცხ. შენ. სწორედ სწერს. გვ. 683, შენ 1..

II გამოგზავნა აზიაში ლუდოვიკი ბოლონელი, „ძმთა მქადაგებელთა“ საზოგადოების წევრი შესაგონებლად იმისა, რომ ყველა ერთი შეერთებულიყვენ თურქების შესაბრძოლებლად ბურგუნდის ჰერცოგის ფილიპე ქველის წინამძღოლობით. მართლაც, ლუდოვიკ ბოლონელმა მოიტანა ევროპაში წერილები, რომელშიაც გიორგიმ, ქართლის მეფემ, ბაგრატმა, იმერეთის მეფემ, ყვარყვარე ათაბეგმა, მამია გურიელმა, (ისტორიაში უცნობმა) ბედიან სამეგრელოს და რობიო აფხაზეთის მთავრებმა, (ორნივე აგრეთვე უცნობნი), ტრაპიზონის იმპერატორმა და ზოგიერთმა მუსულმანების მფლობლებმა ამ ომში მონაწილეობის მიღება იკისრეს. გარდა ხომალდებისა, მეკავშირეებმა აღუთქვეს 270 ათასის ჯარის გამოყვანა. გიორგი მეფის ელჩად ტფილისელი ეპისკოპოსი ნიკოლოზი იყო, ყვარყვარესი—ვინმე კუსტადატი ე. ი. კონსტანტინე, აგრეთვე დანარჩენთ ხელმწიფეთაგან იყვნენ გამოგზავნილნი ელჩები, რომელნიც ყველანი შეიყარნენ ვენეციაში 1460 წ. ლუდოვიკ ბოლონელმა აუხსნა კრებას მიზანი და ყოველნი დათანხმდენ მასზედ, რომ საზოგადო მტერს ერთად დაეცენ. მაგრამ ფილიპე ქველმა პირადის შეხედულობით უარი განაცხადა თავის აღთქმის ¹⁾ ასრულებაზე, რის გამო საქმე ჩაიშალა.

1455 წ. გარდაიცვალა იმერეთის ერისთავი დიმიტრი, რომლის ნაცვლად მეფე გიორგიმ მისი შვილი ბაგრატე დააყენა. მაგრამ 7 წლის შემდეგ ბაგრატმა ყვარყვარე ათაბეგის შეგონებით განაცხადა იმერეთის დაუმოუკიდებლობა და მეფედ ეკურთხა ქ. ქუთაისში. მან აგრეთვე დამოუკიდებელ მმართველებად აღიარა დადიანი, გურიელი, აფხაზეთის და სვანეთის ერისთავები, რომელნიც მას შეეწიენ გამეფების დროს. მეფე გიორგიმ თავის საკუთარის ჯარის შეკრება ველარ მოასწრო, დამარცხდა იმერეთში და უკან გაიქცა. როცა სამცხეში შევიდა, მან შეიტყო, რომ უზუნ-ხასანს ესრედ წოდებულის თეთრი-

¹⁾ ბურგუნდიის ჰერცოგმა, რომელიც სარდლად უნდა ყოფილიყო.

ცხერის ურდოს წინამძღოლს, აეკლო ქართლი გილანის ჯარით. მეფე გარდავიდა თავის სამფლობელოში და შეეტაკა თათრებს, მაგრამ ხელმეორედ დამარცხდა, რის გამო შირვანის მაზრა და მისი არემარე სამუდამოდ ჩამოერთვა ივერიის სამეფოს 1463 წ.-ორი წლის შემდეგ მან ხელახლად ეცადა ათაბეგის დამორჩილება; მაშინ წარჩინებულებმა შეითქვეს მეფის წინააღმდეგ, მაგრამ იოთამ ზედგინიძემ აუხსნა მეფეს შეთქმულების განზრახვა და მეფის საწოლში თვითონ ჩაწვა, სადაც ის მოკლული იქმნა მეფის ნაცვლად. იოთამის ამ გვარ ერთგულებისათვის მეფე გიორგიმ იმის შვილებს და ნათესავებს უბოძა რაოდენიმე ციხე და დიდი მამულები, სამთავისის¹⁾ ეკლესია თავისის სამარხით და ამილახვარის ე. ი. სამეფო სამეჯინბოს და ცხენის ჯოგთა უფროსობა, რომელიც მემკვიდრეობით დარჩა ამ გვარში, რომელიც თავისს ღირსებით მთელს ივერიაში სამეფო დანასტიის შემდეგ მესამე გვარად ირიცხებოდა²⁾). თვით თანამდებობა გვარად გარდაიქცა და ზედგინიძის გვარი შეიცვალა ამილახვრად. ამის გარდა ამილახვრებმა მიიღეს მოურაობა გორის ქ-სა, რომელიც ქართველების ქალაქების შორის მეორედ ირიცხება. თუმცა მეფე გიორგი ამ განსაცდელს გადარჩა, მაგრამ ომში, რომელიც ფარავანის ტბის ახლოს მოხდა ყვარყვარიე ათაბეგთან, აღბუღის მემკვიდრესთან, დაამარცხეს და ტყვედ წაიყვანეს.

იმერეთის მეფემ ბაგრატმა ისარგებლა ამით და დაიპყრა ქართლი 1466 წ. ამის მიმხედევმა ბადაღურმა, ყვარყვარეს შვილ-

¹⁾ სამთავისის ტაძარი რეზულის ხეობაშია ამილახვრიანთ მამულში და ეკუთვნის ბაგრატ IV დროს, როგორც ამტკიცებს უძველესი იმისი 1050 წლ. წარწერა (ბროსსე. Voyage arch. VI, 121--125).

²⁾ ვახტანგ მეფის სჯულდება რაცხს ამილახვრებს არაგვის და ქსნის ერისთავების შემდეგ პირველად და. ორბელიანთ წინეთ, უმთავრეს დიდებულთ შორის მესამე წყებაში ქარ. ცხ. გვ. 686 შ. 2. ვახუშტიც ამტკიცებს ზემოხსენებულ ამბავს ამილახვრების შთამომავლობის შესახებ. ისტ. საქ. გვ. 36.

მა და მემკვიდრემ, განათავისუფლა დატყვევებული მეფე გიორგი, რომელმაც ჰპოვა თავისი სამეფო უწინდელზე უფრო დანაწილებული. აღმოსავლეთ ივერიაში მდ. არაგვის მარცხენა ნაპირიდან ალაზნის ხეობის მარცხენა მხარემდი კახელებს მეფედ აღეარნათ ვილაც დავითი, მეფის შთამომავალი, იმისათვის, რომ ბაგრატს არ დამორჩილებოდენ; როგორც ამბობენ, ეს დავითი დიმიტრის შვილი უნდა ყოფილიყო და ზემოხსენებული მეფე ალექსანდრეს შვილის შვილი. ბაადურის შემწეობით გიორგიმ მოახერხა ბაგრატის განდევნა ქართლიდან; მან აგრეთვე დავითიც აიძულა, თუშეთში გაქცეულიყო. მაგრამ 1462 წ. ის ისევ დაბრუნდა და გადაჭრით გამოაცხადა თავისი თავი კახეთის დაუმოუკიდებელ მეფედ. გიორგიმ ველარ მოასწრო საქართველოს შეერთება და გარდაიცვალა იმავე წელში; ის დამარხეს მცხეთაში. გიორგი VIII განათავისუფლა საეკლესიო მამულები ყველა სახელმწიფო გარდასახადისაგან, თვით ესრედწოდებულ თათრის ხარაჯისაგან, რომელსაც იხდიდენ თათრების სასარგებლოდ. XVI საუკ. დამლევს სიმონის მეფობაში თათრის ხარაჯი აღარ იხსენება მცხეთის სითარხნის გუჯარში.

ამ გვარად დაირღვა და დანაწილდა საბოლოოდ ივერიის სამეფო, დაარსებული ფარნავაზის მიერ 302 წ. ქრ. შ. წ.. თითქმის 15 საუკუნე მონგოლთ შემოსევაში იქ ერთობა სუფევდა 5 დანასტიის მართველობაში, რომელიც დამყარებული იყო პატრიარქალურ ფეოდალიზმისა მჭიდრო კავშირზე. 1243 წ. უცხო ტომელებმა გაჰყვეს სამეფო უფლება ორ მეფეთა შორის და მით ბოლო მოუდეს ერთობას და შეიტანეს მომავალში შუღლი და შლილობა. 1314 წ. გიორგი ბრწყინვალემ, ისარგებლა ილხანების დაუძლერებით, იწყო იმერეთის და სამცხის შემოერთება ქართლის სკიპტრის ქვეშ და კიდევ სისრულეში მოიყვანა თავისი განზრახვა, თუმცა-მთლად კი ვერა; — გამოჩნდა თემური, რომელიც თითქმის 20 წლის განმავლობაში სწეწდა და გლეჯდა ივერიას თავისის წამლევკავის თავ. დასხმით. ამით მისცა საშვალება ამა მხარის დასავლეთ ნაწილის მთავ-

რებს თანდათან ჩამოცილებოდნენ ქართლს. ხანგრძლივ მეფობის დროს ალექსანდრემ ლამის განამტკიცა თავისთვის და აგრეთვე თავის შთამომავლობისათვის სამეფო უფლება მთელ სახელმწიფოს მიწაწყალზე, მაგრამ ხელახლად აღორძინებულმა თემურის შვილების ძლიერებაჲ და დახელოვნებულმა ცბიერობამ ორის თათრის დინასტიისამ—თეთრის და შავის ცხვრისა¹⁾—არ შეეძლოთ არ დაეძლიათ ეს რიცხვ მცარე ვერი, რომელსაც თანდათან ძალ-ღონე აკლდებოდა ურთიერთშორის ბრძოლით და რომელიც მოკლებული იყო ყოველგვარ სახელმწიფო დაწესებულებას. ამ გვარად დამღუბველი შედეგი სამეფოს ნაწილ-ნაწილად დაყოფისა გამოჩნდება ახალ ისტორიის აღწერაში.

¹⁾ ესრედ იწოდებოდა ორი ურთიერთ შორის შეტოქე თათრების თემი.

უმაჯრანის შეცდომების გასწორება

155 გვ. ზემოთხე მეოთხე სტრიქონის შემდეგ გამოტოვებულია შემდეგი: „დავითის მემკვიდრე შეიქნა ძე მისი დიმიტრი I, რომელიც იყო სომხის ქალის შვილი, თუმცა ისტორიამ არ იცის მისი სახელი. დიმიტრის გამეფების შემდეგ ხორასანიდან ჩამოვიდა აბულსევერის ერთი შვილთაგანი და სთხოვა აბულეთ ორბელიანს, დაეთმო უკანასკნელს პირველსთვის მამისეული ქალაქი ანი. რადგან აბულეთი თურქებისგან შიშობდა ერთობ.— და ამიტომ თავის შვილის ივანეს მომავალი ძლიერ აღონებდა,— დათანხმდა“.

გვ.	სტრ.	დაბეჭდილია	უნდა იყოს
II	28	არ არის	არ გვაქვს
46	15	264 წ.	262
59	33	228 წ.	328 წ.
61	17	322 წ.	332 წ.
63	10	365 წ.	364 წ.
78	29	ჭერამისა	ჭერემისა
79	17—18	ჭერაჰი	ჭერემი
80	2	ჭერამი	ჭერემი
89	3	რიონის	00
97	22	X	VI
100	10	განდრეკელი	განუდრეკელი
123	17	927 წ.	939 წ.
129	27	924 წ.	994 წ.
141	24	1060 წ.	1050 წ.
143	3	1042 წ.	1056 წ.
150	27	ლიპარატის	ლიპარიტის
151	11	აბულელმა	აბულეთმა
"	27	ბეჟკენ	ბეშკენ
156	3	აბულელმა	აბულეთმა
157	20	1195 წ.	1196 წ.
158	4	სეკმანის	სუკმანის
159	27	აშარნისას	აშარნიისას
160	6	მოქანდავე	მოქანდაკე
"	3	1117	?

II

165	11	ყიზილარსანმა	ყიზილარსლანმა
168	3	მხარგრძელმა	მხარგრძელი
174	4	კორნი	კარნი
178	23	ილიაქუთი	ილიქუთი
186	28	თამარმა	თამარი
188	15	სარდლებნად	სარდლებად
202	12	სულჯუყების	სელჯუყების
204	4	ენკასირის	ევკასირის
206	2	ფოთსში	ფოთში
207	16	ანიკის	ანიკის
208	7	ჩასვენ	ჩასვენს
209	29	ფარსმანმა	ფარეჯანმა
213	26	ხლოს	ახლოს
214	20	1407 წ.	1307 წ.
217	6	1320 წ.	1330 წ.
222	8	მარონ-შაჰი	მირონ-შაჰი
224	5	1043 წ.	1403 წ.
228	7	ფეშკენანუ	ფეშკენ ანუ
231	22	ანდა	ან და
233	32	ჭურცოგმა	ჭერცოგმა
235	10	1462 წ.	1469 წ.

1919 წ. იანვარი
 საქართველოს
 ისტორიული მუზეუმი
 ვიბლიოთეკა

შთამომავლობითი სია საქართველოს მეფეთა¹⁾.

სამარა (მამასახლისი მცხეთისა + 322 წ. ქრ. შ. წინ).
აზონ ბერძენი (პატრიკი ანუ ერისთავი ქართლისა, ალექსანდრე მაკედონიელის მიერ დადგენილი).

1. ფარნავაზ (302—237 წ. ქრ. შ. წინ.).
2. საურმაგ (237—162).
3. მირვან I (სიძე საურმაგისა 162—112).
4. ფარნაჯომ (112—93).
5. არშაკ (სიძე ფარნაჯომისა 93—81).
6. არტაგ (81—66).
7. ბარტომ (66—33).
8. მირვან II (ძე ფარნაჯომისა 33—23).
9. არშაკ II (23 და 2).
10. ადერკი (2 წ. ქრ. შ. წ. + 55 წ. ქრ. შ. შემდ.)
შვილის შვილი ბარტომ I).

ქრისტეს შობის შემდეგ.

- ორმეფობა (დუარბები)
11. ბარტომ II (55—72) და ქართამ.
 12. კაოს (72—87) და ფარსმან I.
 13. არმაზელ (87—103) და აზორკ.
 14. დეროკ (103—113) და ამზას I.
 15. მირდატ I (113—129) და ფარსმან II ქველი.
 16. ადამ (129—132 ფარსმან II ქველის შვილი).
 17. ფარსმან III (132—182).
 18. ამზას II (182—186).
 19. რევ (186—213. დისწული, ძე სომეხთ მეფისა).
 20. ვაჟე (213—231).
 21. ბაკურ I (231—246).
 22. მირდატ II (246—262).
 23. ასფაგურ (262—265).
 24. მირიან (265—342), ძე სპარსეთის მეფის ქასრე არ-დაშირისა).
 25. ბაქარ I (342—364).
 26. მირდატ III (364—379).
 27. ვარაზ ბაქარ ანუ ბაქარ II (379—393).
 28. ტრდატ (393—405. ძე რევისა, შვილის შვილი მი-რიანისა).
 29. ფარსმან IV (405—408. ძე ვარაზ-ბაქარისა).
 30. მირდატ IV (408—410. ძმა ფარსმანისა).
 31. არჩილ I (410—434).
 32. მირდატ V (434—446).
 33. ვახტანგ გურგასლანი (446—499).
 34. დაჩი (499—514).
 35. ბაკურ II (514—528).
 36. ფარსმან V (528—542).
 37. ფარსმან VI (542—557. ძმისწული ფარსმან V).
 38. ბაკურ III (557—570).
 39. გვარამ I კუროპალატი (575—600, ვახტანგ გურგასლანის ასულის შთამომავალი ბაგრატიონი—მთავარი).

40. სტეფანოზ I (600—619).
41. ადარნასე (619—639. ძე ბაკურ III).
42. სტეფანოზ II 639—663).
43. შირ (663—668).
44. არჩილ (668—718. ძმა შირისა).
45. იონე (718—786).
46. აშოტ კუროპალატი (786—822 შვილის შვილი ნერსისა, სტეფანოზ I შვილის, გვარამის შვილის შვილისა).
47. ბაგრატ I (826—876).
48. დავით მეფე კუროპალატი (876—881).
49. ადარნასე II (881—923).
50. სუმბატ (923—958).
51. დავით ანუ ბაგრატ II რევენი (958—994).
52. გურგენ მეფეთ მეფე (994—1008).
ბაგრატ III (980—1014).
53. გიორგი I (1014—1027).
54. ბაგრატ IV (1027—1072).
55. გიორგი II (1072—1089).
56. დავით აღმაშენებელი (1089—1125). ✓
57. დიმიტრი I (1125—1154). ✓
58. დავით III (1154—მეფობს ექვსი თვე).
59. გიორგი III (1154—1181 ძმა დავითისა).
60. თამარ (1184—1212).
61. გიორგი IV ლაშა (1212—1223).
62. რუსუდან (1223—1247).
63. დავით IV ნარინი (1243—1293) და დავით V სოსლანი (1243—1269).
64. დიმიტრი II თავდადებული (1273—1292 დავით სოსლანის შვილი).
65. ვახტანგ II (1289—1292. დავით ნარინის შვილი).
66. დავით VI (1292—1310 ძე დიმიტრი თავდადებულისა, ვახტანგ III და გიორგი მცურე (1308—1318).
67. გიორგი V ბრწყინვალე (1318—1346 ძე დიმიტრი თავდადებულისა).
68. დავით VII (1346—1360).
69. ბაგრატ V დიდი (1360—1395).
70. გიორგი VII (1395—1407).
71. დავით VIII } 1407—1413
72. გიორგი VIII }
73. ალექსანდრე (1413—1442).
74. ვახტანგ IV (1442—1445).
75. დიმიტრი შუათანი (გამეფდება იმერეთში 1445—1552 ძმა ვახტანგ IV).
76. გიორგი IX უმცროსი (ქართლის მეფე 1445—1469 ძმა ვახტანგ IV).

(1) რიგი ციფრებისა უჩვენებს, ვინ ვის შემდეგ მეფობდა. ნიშანი + უჩვენებს სიკვდილის დროს. ამასთანავე ფრჩხილებში მოგვყავს ხრონოლოგია ვახუშტის მიერ შემუშავებული და ბროსეს მიერ შესწორებული, რომელიდანაც სჩანს, თუ რომელი მეფე ანუ მეფის მოადგილე (მთავრის ანუ ერისთავთ-ერისთავის სახელწოდებით) რამდენს წელს მეფობდა ე. ი. პირველი რიცხვი აჩვენებს გამეფების და უკანასკნელი გარდაცვალების წელს.

აქ უნდა დავსძინოთ, რომ 1) წ. ნინოს ცხოვრების ახალ ვარიანტით, რომელიც ბ. ე. თაყაიშვილის მიერ გამოიკა 1891 წ. პირველ მეფედ არის ნაჩვენები ბარან და მეორედ აზო, ხოლო ფარნავაზი ირიცხება შესამე მეფედ, აგრეთვე ფარსმან II ქველისა და მირდატ I შემდეგ ვიღაც ადამის გამეფებად არის ხსენებული მეფე როკ, ხოლო შემდეგ ასფაგურისა ვიდრე მირიანამდე—მეფე ლევ. ამ ვარიანტის ჩვენებით გვარამ კუროპალატამდე ირიცხებიან 42 მეფე, მაშინ როდესაც ვახუშტის და ბროსეს ხრონოლოგიით ნაჩვენებნი არიან მხოლოდ 38. 2) თეიმურაზ ბატონიშვილი თავის საქართველოს ისტორიაში გვ. 110 იხსენიებს ამ ვარიანტის აზოს აზონად, ძედ არიანესა მაკედონელთ მთავრისა და სხოლოში ამბობს, რომ კათალიკოზი არსენი დიდი სწერსო აზონს ძედ არიანესა.

შთამომავლობითი სია ძველის აფხაზეთის ერისთავთა და მეფეთა

1. ლეონ I ერისთავი (თანამედროვე მეფ. მირისა და არჩილისა)
 2. ლეონ II (ძმისწული ლეონ I პირველად ერისთავი და შემდეგ მეფედ შეიქნა 786-806)
 3. თევდოსე I (ძე ლეონ II + 845)
 4. გიორგი I (ძმა თევდოსესი + 875)
 5. იოანე (+879)
 6. ადარნასე (+887)
 7. ბაგრატ (ძმისწული გიორგი I + 906)
 8. კოსტანტინე (906—921)
 9. გიორგი II (921—955)
 10. ლეონ III (955—964)
 11. დემეტრე (964—979 ძმა ლეონ III.)
 12. თევდოსე II ბრმა + 985 ძმა ლეონ III)
- ამათი და გურანდუხტ, დედა ბაგრატ III, გურგენ მეფ. მეფ. შვილისა, რომლისგანაც იწყება აფხაზეთის და ქართლის სამეფოების გაერთება.

ლასიკის მეფეთა სია

გუბაზ ¹⁾ (+61)

- |
- ცატე (ბაქრ. წათესი) (ქრისტეს სჯული მიიღო 522)
დამნაზესი I
გუბაზ II + 554
წათესი (ცატე) II.

შთამომავლობითი სია კახეთის მთავართა ანუ ქორეკოზთა

1. გრიგოლ (787—827)
 2. ვაჩე ანუ დაჩე (ივანე ქვაბულის ძის ძე, არჩეული გარდაბანელთა მიერ 827—839)
 3. სამოელ დონაური (არჩეული ვაჩეს შემდეგ 839-861)
 4. გაბრიელ დონაური (ძმა სამოელისა 861—881)
 5. ფადალა I არეშმანელი (სამოელის ძმის წული 881-893)
 6. კვირიკე I (893—918)
 7. ფადალა II (ძე კვირიკესი 918—929)
 8. კვირიკე II (929—976)
 9. დავით (976—1010)
 10. კვირიკე III დიდი (1010—1029)
 11. გავი ანუ გაგიკ (დისწული კვირიკე დიდისა 1029—1058)
 12. აღსართან I (1058—1084)
 13. კვირიკე IV (1084—1102)
 14. აღსართან II (ძმისწული კვირიკე IV 1102—1105)
- ამ დროიდან კახეთის სამეფო, შეერთებული ქართლის სამეფოსთან დავით აღმაშენებლის მიერ, შეადგენს საქართველოს სამეფოს 363 წლის განმავლობაში.

¹⁾ იგივე გუბაძე.

ძთამომავლობითი სია ქართლის მეფეთა.

- გიორგი VIII († 1469)
1. კონსტანტინე III (1469—1505)
 2. დავით VIII (1505—1525)
 3. გიორგი IX, ძე კონსტანტინე III, (1525—1535)
 4. ლუარსაბ I, ძე დავით VIII, (1535—1558)
 - 5₁. სვიმონ I (1558—1569)
 6. დავით ანუ დაუთ-ხან, ძმა სვიმონისა, (1569—1578)
 - 5₂. სვიმონ I (1578—1600)
 7. გიორგი X (1600—1605)
 8. ლუარსაბ II (1605—1616)
 9. ბაგრატ VI, ძე დაუთხანისა, (1616—1619)
 10. სვიმონ II (1619—1629)
 11. თეიმურაზ I კახთა ბატონი (1629—1634)
 12. როსტომ, ძე დაუთ-ხანისა, (1634—1658)
 13. ვახტანგ V ანუ შაჰნავაზ I, ძე მუხრანის ბატონის თეიმურაზისა, რომელიც იშვილა როსტომ მეფემ, (1658—1676)
 14. გიორგი XI ანუ შაჰნავაზ II (1675—1688)
 15. ერეკლე I კახეთისა, მუხრან-ბატონის შვილის დავითის ძე, (1688—1691)
 16. გიორგი XI ანუ შაჰნავაზ II (1691—1695)
 - ერეკლე I მეფე კახეთისა (1695—1703)
 - ვახტანგ VI, ძე ლევანისა, შვილის შვილი ვახტანგ V, გამგებელი ქართლისა—(1703—1709)
 17. ქაიხოსრო, ვახტანგ VI ძმა, (1709—1711)
 - 16₂. ვახტანგ VI მეფე (1711—1714)
 - 18₁. იესე, ძმა ვახტანგ VI, (1714—1716)
 19. ბაქარ, ძე ვახტანგ VI, (1716—1718)
 16. ვახტანგ VI (1719—1724)
 - 18₂. იესე ანუ მუსტაფა-ფაშა (1724—1727)
 20. კონსტანტინე II კახეთისა ანუ მაჰმად-ყული-ხანი (1724 - 1729). 1724—1735 წლებში ქართლს განაგებს უმეტეს შემთხვევაში ისაყ-ფაშა ახალციხისა
 21. ალექსანდრე ანუ ალი-მირზა, ძე კახეთის მფლობელის დავით III, ანუ ალი-ყული-ხანისა, გამგებელი ანუ ვალი ქართლისა (1736)
 22. ხანჯალ-ხანი გამგე ქართლისა (1736)
 23. ალავერდი-ხანი, იესე მეფის უკანონო შვილი, გამგე ქართლისა (1737)
 24. გიორგი აბდულ-ბეგი ანუ არჩილ II, ძე იესე მეფისა, მეფე (1737)
 25. თეიმურაზ II, ირაკლი I შვილი, (1744—1760)
 26. ირაკლი II (1760—1798)
 27. გიორგი XII (1798—1800)
 28. დავით, გამგებელი ქართლისა და კახეთისა (1801)

ძთამომავლობითი სია კახეთის მეფეთა.

1. დავით I შვილი დიმიტრისა, მეფის ალექსანდრეს ძისა, (1466—1471)
2. გიორგი I (ანუ ლევან I) (1471—1492)
3. ალექსანდრე I (1492—1511)
4. გიორგი II, ავ-გიორგი (1511—1513)
5. დავით VIII, მეფე ქართლისა, განაგებს კახეთს (1513—1520)
6. ლევან II, ძე გიორგი II, (1520—1574)
7. ალექსანდრე II (1574—1605)
8. დავით II (მეფობს ექვს თვეს 1603 წ.)
9. კონსტანტინე I, ალექსანდრე II ძე, (მეფობს ექვს თვეს 1605 წ.)
- 10₁. თეიმურაზ I, დავით II ძე, (1605—1615)
11. ისა-ხან (1615)
12. ალი-ყული-ხან (1516) 1616
- 10₂. თეიმურაზ I (მეფობს ექვს თვეს 1516)
13. ფეიქარ-ხანი (1616—1623)
14. ყარჩი-ხან ქართლისა (1624)
- 10₃. თეიმურაზ I (1623—1634)
- 15₁. სალიმ-ხან (1634)
- 10₄. თეიმურაზ I (1636—1648)
16. როსტომ მეფე ქართლისა და სალიმ-ხანი (1648—1657)
- 15₂. სალიმ-ხან (1657—1659)
17. მურთუ-ხალი-ხანი (1659—1664)
18. არჩილ მეფე ანუ შაჰნავაზ-ხანი, ძე ქართლის მეფის შაჰნავაზ I, (1664—1675)
19. ერეკლე I ანუ ნაზარ-ალი-ხანი, ძე თეიმურაზ I შვილის დავითისა, (მეფობს ერთ წელს 1675)
20. ბეჟან-ხან (1677—1683)
21. უცნობი ხანი (1683—1688)
22. აბაზ-ყული-ხან (1688—1694)
23. ქალ-ბალი-ხან (1695—1703)
24. დავით III მეფე ანუ იმამ-ყული-ხანი, ერეკლე I შვილი, (1703—1722)
25. კონსტანტინე II ანუ მაჰმად-ყული-ხანი, ერეკლე I შვილი, (1723—1729)
26. ალექსანდრე III ანუ ალი-მირზა, ძე დავით III (იმამ-ყული-ხანისა), (1736)
27. თეიმურაზ II, ძე ერეკლე I, (1737—1744)
28. ერეკლე II (1744—1798)
29. გიორგი XII (1798—1800)
30. დავით, გამგებელი ქართლისა და კახეთისა (1801) ✓

შთამომავლობითი სია იმერეთის მეფეთა:

1. დავით I მეფე ანუ ნარინ-დავით, ძე რუსუდანისა, თამარ მეფის ასულისა, (1259—1293)
2. კონსტანტინე I (1293—1327)
3. მიქელ I მეფე, ძმა კონსტანტინე I, (1327—1329)
4. ბაგრატ I ერისთავი, უმცროსად წოდებული, (1330—1372)
5. ალექსანდრე I მეფე (15 წ. ერისთავი, 2 წ. მეფე, 1372—1389)
6. გიორგი I მეფე, ძმა ალექსანდრე I, (1389—1392)
7. კონსტანტინე II მეფე, ძე ბაგრატ I, (1396—1401)
8. დიმიტრი ერისთავი, ძე ალექსანდრე I, (1401—1455)
9. ბაგრატ II მეფე (7 წ. ერისთავი, 16 წ. მეფე 1455—1478)
10. ალექსანდრე II (1478—1510)
11. ბაგრატ III მეფე (1510—1548)
12. გიორგი II მეფე (1548—1585)
13. ლევან მეფე (1585—1590)
14. როსტომ მეფე, ძე ბატონიშვილის კონსტანტინესი, ბაგრატ III შვილისა, (1590—1605)
15. გიორგი III მეფე, უკანონო შვილი კონსტანტინესი და ძმა როსტომისა, (1605—1639)
16. ალექსანდრე III მეფე (1639—1661)
17. ბაგრატ IV მეფე (იმეფა ექვსი თვე)
18. არჩილ მეფე, ძე ვახტანგ V, ქართლის მეფისა, (1661—1663)
17. ბაგრატ IV (1663—1668)
19. დარეჯან დედოფალი და ვახტანგ ჭუჭუნაშვილი (1668)
20. დემეტრე გურიელი მეფე (1669)
17. ბაგრატ IV მეფე (1669—1678)
18. არჩილ მეფე (ერთ წელს 1679)
17. ბაგრატ IV მეფე (1679—1681)
21. გიორგი III გურიელი მეფე (1681—1683)
22. ალექსანდრე IV მეფე, უკანონო შვილი ბაგრატ IV, (1683—1690)
18. არჩილ მეფე იმეფა ერთი წელი (1690—1691)
21. ალექსანდრე IV მეფე (1691—1695)
18. არჩილ მეფე (1695—1696)
23. გიორგი IV, გოჩიად წოდებული, (1696—1698), 18. არჩილ მეფე (იმეფა ექვსი თვე)
24. სვიმონ მეფე, ძე ალექსანდრე IV, (1699—1701)
25. მამია III გურიელი მეფე (იმეფა ერთი წელი)
26. გიორგი V აბაშიძე მეფე (1701—1707)
27. გიორგი VI მეფე, ძე ალექსანდრე IV, (1707—1711)
25. მამია III გურიელი მეფე (იმეფა ერთი წელი 1712)
27. გიორგი VI (იმეფა 10 თვე 1713)
25. მამია III გურიელი მეფე (იმეფა ორი თვე)
27. გიორგი VI მეფე (1714—1716)
28. გიორგი გურიელი IV მეფე (იმეფა 3 თვე)
27. გიორგი VI მეფე (იმეფა 6 თვე)
29. ალექსანდრე V (1721—1752)
30. გიორგი VII, ძე გიორგი VI, (მეფედ გახდა 1746 წ. და იმეფა ცოტა ხანი)
31. სოლომონ I დიდი, ძე ალექსანდრე V, (1752—1782)
32. დავით II მეფე, ძე გიორგი VII, (1782—1788),
33. სოლომონ II მეფე, ძე არჩილისა, სოლომონ I ძმისა, (1788—1810)

შთამომავლობითი სია სამეგრელოს დადიანთა*).

1. გიორგი I († 1323)
2. მამია I († 1345)
3. გიორგი II († 1384)
4. ვამეყ I ანუ ვამეყ († 1396)
5. მამია II († 1414)
6. ლიპარიტ I († 1470)
7. შამა-დავლე, დადიან-გურიელი † 1474)
8. ვამეყ II, ძე მამია II († 1482)
9. ლიპარიტ II, ძე შამა-დავლესი, († 1512)
10. მამია III, მამა ამისი ცნობილი არ არის, († 1532)
11. ლევან I († 1572)
12. გიორგი III († 1582)
13. მამია IV, ძმა გიორგი III, († 1590)
14. მანუჩარ I, ძმა გიორგი III, († 1611)
15. ლევან II, ძე მამია IV, († 1657)
16. ლიპარიტ III, მანუჩარ I შვილის შვილი, († 1658)
17. ვამეყ III, გიორგი I ლიპარტიანის შვილი, შვილის შვილი ლევან I, († 1661)
18. შამა-დავლე ანუ ლევან III მანუჩარ I შვილის-შვილი († 1680)
19. ლევან, უკანონო შვილი შამა-დავლესი, († 1694)

ჩიქოვანის შთამომავლობა.

- 20—I. გიორგი ლიპარტიანი, ძე კაცია ჩიქოვანისა.
- 21—II. კაცია I († 1710)
- 22—III. ბეჟან I, ძმა კაციასი, († 1728)
- 23—IV. ოტია († 1732, ანუ 1744)
- 24—V. კაცია II († 1788)
- 25—VI. გრიგოლ († 23 ოქტომბერს 1804)
- 26—VII. მანუჩარ, გრიგოლის ძმა, (გააძევეს 1796 წ.)
- 27—VIII. თია ანუ ტარიელ, გრიგოლის ძმა (გააძევე-ბული)
- 28—IX. ლევან V, გრიგოლის შვილი, († 30 ივლისს 1846)
- 29—X. დავით († 1853, აგვისტოს 30)

* უძველესი დადიანების შთამომავლობითი სია ცნობილი არ არის, მხოლოდ მოხსენებულნი არიან:

1. იოვანე ბაგრატ IV დროს (1027—1072)
2. შანშე გიორგი III დროს (1154—1184)
3. ვარდან თამარ მეფის დროს (1184—1212)
4. ცოტნე რუსუდან დედოფლის დროს (1223—1247)
5. ბედიანი დავით IV დროს (1243—1259)
6. მამია გიორგი V დროს (1318—1346)

მეთორმეტე საუკუნედან შემდეგი შთამომავლობითი სია ცნობილი:



შთამომავლობითი სია გურიის მთავარ ანუ გურიელთა *).

1. კახაბერი († 1483)
2. გიორგი I († 1512)
3. მამია I († 1534)
4. როსტომ († 1564)
5. გიორგი II († 1600)
6. ვახტანგ I (1583†1587)
7. მამია II, ძე გიორგი II († 1625)
8. სვიმონ I (ცოცხალია კიდევ 1672 წ.)
9. ქაიხოსრო I, ძე ვახტანგ I, († 1658)
10. დიმიტრი, ძე სვიმონ I, მეფე იმერეთისა 1668 წ. (ამ წლის ახლო ხანში გადაიცივლა)
11. გიორგი III გურიელ-დადიანი, ძე ქაიხოსრო I-სა, († 1684)
12. მალაქია, ძე ქაიხოსრო I, (შემოქმედლათ ვახდა 1698 წ.)
13. ქაიხოსრო II, ძე გიორგი III, († 1689)
14. მამია III, ძე გიორგი III, († 1717)
15. გიორგი IV († 1726)
16. ქაიხოსრო III, ძე მამია III, გურიელი 1716 (?)
17. მამია IV, ძე გიორგი IV, (იხსენიება 1726—1762)
18. გიორგი V, ძე გიორგი IV, (იხსენიება 1744—1779)
19. სვიმონ II (იხსენიება 1789—1790)
20. ვახტანგ II, ძე გიორგი V, (იხსენიება 1788—1812)
21. მამია V, ძე სვიმონ II, უკანასკნელი მთავარი (1810—1826)

*). უძველესი გურიელების შთამომავლობითი სია ცნობილი არ არის, მხოლოდ მოხსენებულნი არიან:

1. ვარდან ვარდანის ძე.
2. მარუშთან ვარდანის ძე (თამარ მეფის დროს).
3. ლიპარიტ ვარდანის ძე.
4. იოანე.
5. გურიელი ბეშქენ.
6. გურიელ-დადიანი გიორგი (ამის შვილები: ვამეყ და კახაბერ).
7. გურიელი კახაბერი და მეუღლე მისი ანა (აშენებენ ლეხაურის ეკლესიას 1352 წ.).
8. გურიელი გიორგი და მეუღლე მისი ელენე (აშენებენ ლეხაურის სამრეკლოს 1422 წ.).

შთამომავლობითი სია ათაბაგთა და უაშათა სამცხე-სათაბაგოისა.

1. სარგის ჯაყელი († 1285)
2. ბექა I († 1306 ანუ 1308)
3. სარგის II († 1334)
4. ყვარყვარე I († 1361)
5. ბექა II († 1391)
6. იოანე I († 1444)
7. ალბულა († 1451)
8. ყუარყუარე II, ძმა იოანე I (1451—1466)
9. ბააღურ (1466—1475)
10. მანუჩარ I, ძმა ბააღურისა (1475—1487)
11. ყვარყვარე III, ძე ალბულასი (1487—1500)
12. ქაიხოსრო I (1500—1502)
13. შვეტაბუკ დიდი (1502—1516)
14. ყვარყვარე IV (1516—1535)
15. ქაიხოსრო II (1545—1573)
16. ყვარყვარე V (1573—1582)
17. მანუჩარ II, ძე ქაიხოსრო II, (1582—1614)
18. მანუჩარ III (1614—1625)

უაშებთ.

19. ბექა III ანუ საფარ-ფაშა, ძე ყვარყვარე V, (1625—1635)
20. უსუფ I (1635—1647)
21. როსტომ I (1647—1659)
22. ასლან I (1659—1679)
23. უსუფ II (1680—1690)
24. სალიმ, ასლან I შვილი, (1690—1701)
- 25₁ ისაყ, ძე უსუფ II, (1701—1705)
- 26₁ ასლან II, ძე სალიმისა, (1705—1708)
- 25₂ ისაყ (1708—1716)
- 26₂ ასლან II (1716—1718)
- 25₃ ისაყ (1718—1737)
27. უსუფ III, უკანასკნელი ფაშა ათაბაგების შთამომავლობისა, (1737—1744)

მარი ბროსსე

გვ. 111 115


საქართველოს ისტორია

ნ ა წ ი ლ ი მ ე რ ა ე

მეფეთა და მთავართა გენეალოგიით და ქრონოლოგიით

ნათარგმნი და განმარტებული სიმონ ლოლობერიძის მიერ

გამოცემული ნიკოლოზ ლოლობერიძის მიერ.



ტ ვ ი ლ ი ს ი

სტამბა მ. შარაძისა და ამხანაგობისა, ნიკოლ. ქ., № 21

1900

სარჩევი.

გამომცემლისაგან	I
წინასიტყვაობა ავტორისა	III
ქართლის ისტორია შემდეგ საქართველოს განუყოფისა	1
კახეთის ისტორია	75
სამცხე საათაბაგოს ისტორია	131
ისტორია ეგრისისა, აფხაზეთისა, ანუ იმერეთისა შემდეგ საქართველოს განუყოფისა; ისტორიული მიმოხილვა სამეგრელოსი და გურისა	155

გამომცემლის სიტყვა.

ეს წიგნი შეადგენს მეორე და უკანასკნელს ნაწილს საქართველოს ისტორიისას, რომლის პირველი ნაწილი მე გამომეცე 1895 წელს. ეს ისტორია შედგენილი იყო, როგორც პირველ ნაწილის წინასიტყვაობაში მოხსენებულა, რუსულს ენაზედ ცნობილ აკადემიკოსის მარი ბროსისესაგან. იგი რუსულს ენაზედ აქამდის არ დაბეჭდილა. მეორე ნაწილი მოგვიტხოვრებს ისტორიას საქართველოს სამეფოებად და სამთავროებად დაყოფიდან ერეკლე II გამეფებამდის (1469—1744 წლ). როგორც პირველი ნაწილი ამ ისტორიისა, ისე მეორე გადმოთარგმნილია ხელნაწერიდამ სიმონ ლოლობერიძის მიერ, რომელსაც ეკუთვნის აგრეთვე შენიშვნები და განმარტებანი. შთამომავლობითი სიები მეფეთა და მთავართა; მეორე ნაწილში დართული, შეადგინა ბ-ნ ექვთიმე თაყაიშვილმა, რომელსაც ამისათვის დიდს მადლობას ვუძღვნი.—

წინასიწყევლობა ავტორისა.

შას აქეთ, რაც ივერია განაწილდა სამს სამეფოდ: ქართლ, კახეთ და იმერეთად და ხუთ სამთავროდ: გურია, ახალციხის მაზრად, ოდიშ, აფხაზეთად და სვანეთად, ამ ქვეყნის ისტორიაც ერთობას მოკლებული შეიქმნა. თვითოეული ქართველთ ერის ნაწილი და თვითოეული მფლობელი განცალკევებით და თავის-თავად ჰმოქმედობს. ხან-და-ხან, — ისიც იშვიათად, — რამდენიმე განცალკევებული ნაწილი წინანდელ საერთო მამულისა ერთმანერთს შეუერთდებოდნენ ხოლმე რაიმე განსაზღვრულის სურვილის მისაღწევად. ამიტომაც საქართველოს ისტორიკოსმა ცალ-ცალკე დასწერა მოთხრობა ამ სამი სამეფოსა და ახალციხის მაზრისა, რომელიც სარწმუნოების მხრით სრულიად განშორდა დანარჩენ საქართველოს. რაც შეეხება გურიას, ოდიშს ანუ სამეგრელოს, აფხაზეთს და სვანეთს, ის მცირეოდენი მასალა, რომელიც ჩვენ ხელთა გვაქვს, — ნამეტურ უკანასკნელ ორ სამთავროზე, — მჭიდროთ შეკავშირებულია იმერეთის ისტორიასთან, რადგან ეს სამთავროები ოდესმე იმერეთის უზენაეს ფლობელობის ქვეშ იყო. სწორედ რომ ვსთქვათ, ამ დროიდან ივერია აღარ არსებობს. მე ვხმარობ იმ სახელ-წოდებას ამ ერისას და თვითოეულ იმის ნაწილსას, რომელიც რუსეთში მიღებულია: საქართველოს, ქართლს, კახეთს, იმერეთს და სხ, და აქედამ წარმომდგარს საკუთარს სახელებს: ქართველებს, ქართლებს, კახელებს, იმერლებს და სხ.

ვეცდები რომ ჩემი მოთხრობა, რაც შეიძლება, დავუახლოვო ჩვენს დროს. მე დავემყარები ქართველ მწერლებზე და დავუმატებ მხოლოდ ფაქტებს ანუ რიცხვებს სხვა გარეშე წყაროებიდანაც, შემდეგ კრიტიკით მათის განხილვისა.



ქართლის ისტორია

შემდეგ საქართველოს განყოფისა.

კონსტანტინე III 1469 წ. შეიქმნა შემკვიდრედ გიორგი VIII-სა. მეფედ აკურთხა ტფილისში კათალიკოსმა ახალ-ციხისა და კახეთის რამდენთამე ეპისკოპოსთა თანა-დასწრებით. იმის მეცადინეობით ხერკისა, საგურამოსა და მარტყოფის მაზრა არ შეუერთდა კახეთს, აგრეთვე არც ლიხის მთები—იმერეთსა და არც მტკვრის აღმოსავლეთი ნაპირი—ახალ-ციხის საათაბაგოს. ამ ნაირად მაშინდელ ქართლს შეადგენდა ის ქვეყნები, რომელიც ოსეთისა და ლიხის მთებს აქეთ, მტკვრის, დებედის და ივრის ხეობის ჩრდილო ნაწილს შუა მდებარეობდა.

არსებობს კონსტანტინეს მიერ მიწერილი 10 მარტს 1465 წ. წერილი კასტილიის დედოფლის იზაბელას, იოანე მეფის მეორე მეუღლისადმი. ამ წერილში კონსტანტინე ულოცავს დედოფალს მუსულმანებზე გამარჯვებას. ქართული დედანი ამ წერილისა ჯერ არ აღმოჩენილა; ხოლო რუსული თარგმანი, რომელიც ვარშავის არხივშია დაცული, ამ ოცის წლის წინად დაიბეჭდა.

ცნობილია, რომ აზიის ივერიელებს თავი მოსწონდათ მით, რომ ენათესავებოდნენ ისპანიის ივერიელებს; ცნობილია აგრეთვე, რომ მთელის აზიის საქრისტიანო ერებმა კონსტანტინოპოლის აღების შემდეგ გაჰმართეს ხშირი მიწერ-მოწერა ფრანგებთან, ¹⁾ რათა შეერთებულის ძალით განედევნათ ბერ-

¹⁾ აზიაში ევროპიელებს ფრანგებს უწოდებენ. აქედან წარმოსდგასიტყვა „ფრანგი, ფრანგები“, რომელსაც ჩვენში უწოდებენ იმ ქართველთ, ვინც კათოლიკეთა სარწმუნოება მიიღეს.

ძნების დედა-ქალაქიდან იმისი დამპყრობელნი. ამით შეიძლება აიხსნას კონსტანტინეს ზემოხსენებული წერილი იზაბელასთან.²⁾

1471 წ. იმერეთის მფლობელმა, ბაგრატმა, დაიპყრა ქართლი ლიხიდამ მდინარე ქსნამდის მტკვრის მარცხენა ნაპირი, აგრედვე მარჯვენა ნაპირიცა. ჩვენ გვაქვს დასამტკიცებლად ამა ნაამბობის სინამდვილისა სიგელები, რომელიც ბაგრატს გაუცია ქართლის დაქვრის დროს. თუ მემათიანეს დავერწმუნებით, სამცხის მაზრის დარბევის შემდეგ უზუნ-ჰასანის მიერ 1472 წ., მეფე კონსტანტინე წავიდა მასთან და თანვე იახლა რამდენიმე თავადი ბარათაშვილი და ყვარ-ყვარე ათაბაგის შვილი, მზექაბუკი, რომელმაც სწავლით და მჭევრ-მეტყველებით დააჩუმა მუსულმანის მეცნიერები და კიდაობაში აჯობა მალაპიას, თათრის გამოჩენილს ფალავანს. იქიდან დაბრუნების დროს მეფე დიდის პატივის ცემით გამოისტუმრეს.—1477 წ. ვამეყ დადანის იმერეთში შემოსევამ აიძულა ბაგრატი დროებით უკან დაწეულიყო, ხოლო შემდეგ დადიანის დამარცხებისა, ისევ დაბრუნდა ქართლში. 1478 წ. უზუნ-ჰასანი, სპარსეთის მფლობელი, თავს დაესხა ამ მხარეს და გარს შემოერტყა ტფილისის ციხეს, რომელიც მეფემ თვისის ნებით გარდასცა მტერს, ხოლო ბაგრატი რაჭაში გადავიდა, სადაც მალე გარდაიცვალა. უზუნის სიკვდილის წინად, 1478 წ., კონსტანტინე ეახლა იმის შვილს, სპარსეთის მფლობელს, და ცდილობდა, რომ იგი ქართველებზედ კეთილის თვალით ყოფილიყო. უზუ-

²⁾ ავტორი შეცდომით იხსენიებს კასტილიის დედოფალს იზაბელას მეფე იოანეს მეუღლით. მეფე კონსტანტინემ გაუგზავნა წერილი იზაბელას კასტილიელს, რომელიც ცოლი იყო სახელ განთქმულის ფერდინანდ არაგონელისა, მეფე იოანეს შვილისა. ზოგიერთს გუჯარებში კონსტანტინეს გამეფება უკვე 1477 წ. არის მოხსენებული, როდესაც იზაბელა კასტილიისა ტახტზე იჯდა. Hist. du regne Ferdinand et Isabelle par Prescot, t. 1, p. 166 და 200.

წის შვილმა ხადიდმა დიდის პატივის ცემით გამოისტუმრა მეფე ქართლისა. სპარსელების მეციხოვნენი ტფილისილამ გაიქცნენ. კონსტანტინე დაეპატრონა თავისს სამეფოს, დაიპყრა აგრეთვე იმერეთი ვამეყ დადიანის და კახაბერ გურიელის შემწეობით და დაიმორჩილა ათაბაგი მანუჩარ. მაგრამ ეს ათაბაგი მალე აუჯანყდა მეფეს, რომელიც დაამარცხა იმის ბიძაშვილმა 1483 წ. და რომელიც ამას შემდეგ ტფილისს გაიქცა. ალექსანდრე, ბაგრატიის შვილი, ეკურთხა მეფედ ქუთაისში და მას უკან თითოეულმა მფლობელმა დაიჭირა თავ-თავისი სამკვიდრო. კონსტანტინემ ბარათაშვილების და ციციშვილების დახმარებით 1486 წ. განდევნა თათარნი, რომელთაც სამცხე და სომხეთი დაარბიეს, და ლიპარიტ დადიანის შემწეობით ხელახლად დაიჭირა იმერეთი. ამ დროს იაყუბმა, სპარსეთის მფლობელმა, იწყო სამხრეთ ქართლში ქნოზიანის და აღჯა-ყალის ციხის აშენება, თუმცა თავადნი ბარათაშვილნი წინააღმდეგნენ, და იმის ჯარი 1488 წ. გარ-შემოერთყა ტფილისს. მეფე სწრაფად მივიდოქ, მტერი რამდენჯერმე დაამარცხა და აიძულა ტფილისს გარ-შემოერთყმული ჯარი შემოეხსნა. ამ ბრძოლაში ვაჟ-კაცობით თავი გამოიჩინეს ქაიხოსრო ციციშვილმა, ჯავახ ჯავახიშვილმა და სულხან ბარათიანმა.—ალექსანდრემ ისარგებლა ხელ-საყრელ გარემოებით და გამეფდა იმერეთში. იაყუბმა გაჰგზავნა 1490 წ. ახალი ჯარი, რომელმაც თუმცა ორბეთის ციხეზე იერიში მიიტანა, მაგრამ ვერ აიღო; ხოლო თათრებმა აიღეს და დააქციეს კოჯრის ციხე და ხელახლად გარს შემოადგნენ ტფილისს. თათრები აქაც დამარცხდნენ, და ამას შემდეგ დაეცნენ ორბეთს, მაგრამ უკუქცეულ და დამარცხებულ იქმნენ ბარათაშვილებისა, ციციშვილებისა და სხვა თავადების მიერ; შემდეგ მეფის ჯარმა დაანგრია ქნოზიანის და აღჯა-ყალის ციხეები. თათრებმა ტფილისი მიატოვეს. მეფემ სამღვდლოების და დიდებულთა რჩევით გადასწყვიტა, ლეონის ნებას მიეწოდოთ და დროს ვაცა-

დოთ ერთობის აღდგენა ივერიაშიო. — კათალიკოსად, შემდეგ დავითის გარდაცვლებისა, მან დანიშნა ნიკოლოზი, ხოლო შემდეგ ნიკოლოზის სიკვდილისა, აბრაამ-აბალიკი *). ამას შემდეგ კონსტანტინემ კიდევ მშვიდობიანად იმეფა თორმეტ წელს. იაყუბი დედამ მოსწამლა და მთელი მისი სახლეთულობა ამოწყვეტილ იქმნა. შემდეგ სეფიდების უფლება დამტკიცდა სპარსეთში. ისმაილ შაჰმა, რომელიც შაჰის სეფი-ედინის აბუ იშაკის შვილის შვილის ძის ძე იყო, ადერბეიჯანი და თავრიზი დაიჭირა, შაჰად გამოაცხადა თავი და იმის ჯარიხადი-შებგის წინამძღოლობით იერიშით მიადგა ციხე მენტისის-სამხრეთ საქართველოში და ამ მხრიდამ დიდი საუნჯე გაიტანა.

არსებობს კონსტანტინეს მიერ ნაბოძები წყალობის წერილები, რომელშიაც იწოდება მეფედ 1465 და 1466 წ. სამეფო წოდების ამ გვარი მითვისება ბატონიშვილისაგან უცნაურად უნდა ჩაითვალოს, თუმცა ამ გვარ მაგალითს ხშირად შეჰხვდებით და არა ღირს ამაზე დიდხანს შევჩერდეთ. მაგრამ შესამჩნევია, რომ, სხვა საბუთებით, კონსტანტინეს მეფობის დასაწყისი ითვლება 1477 და 1478 წ. ეს გარემოება იქნება წარმოსდგა იმისაგან, რომ კონსტანტინემ მაშინ თამარი შეირთო და ამ დროიდან აღნიშნავდა იმასთან ერთად მეფობას (ჩვენ ვიცით რამდენიმე ამგვარი მაგალითი). შესაძლებელია აგრეთვე, ეს იმიტომაც მოჰხდა, რომ ამ დროს ის დაბოლოვებით შეიქმნა ქართლის მეფედ, მას შემდეგ, რაც იმერთა ბაგრატი განდევნეს. ასე იყო თუ ისე, კონსტანტინე 1505 წ. გარდაიცვალა.

უმფროსი შვილი კონსტანტინე III-სა, დავით VIII, შეიქმნა იმის მემკვიდრედ და ეკურთხა მეფედ ტფილისში თავისის ცოლით ნესტარ ჯავარით, რომელიც ბარათაშვილის გვარის ჩამომავალი იყო. 1509 წ. გორი დაიპყრა იმერეთის მფლო-

*) აბრაამ II.

ზელმა ალექსანდრემ, რომელსაც წინააღმდეგობა ვერ გაუწია დავით მეფემ, მაგრამ ამ დროს ჯიქები ანუ ჩერქეზები დაეცნენ იმერეთს, აიძულეს ალექსანდრე დაეტოვებინა გორი და უკან დაბრუნებულიყო. 1511 წ. გიორგი კახელმა მოჰკლა თავისი მამა, მეფე ალექსანდრე, და დაეცა ატენის ციხეს, რომელშიაც დავითი იმყოფებოდა. მაგრამ ვერ მოახერხა აღება, სამაგიეროდ ის ქართლს არ ასვენებდა და ხშირად თავს ესხმოდა. რადგან დავითი ძალიან წყნარი და გულ-კეთილი იყო, მან შეარიგა ბაგრატი და ვახტანგი, იმერეთის მფლობელის ალექსანდრეს შვილები და არ დასთანხმდა ომი გამოეცხადებინა ავ-გიორგისათვის, კახეთის მეფისათვის, რომელსაც დიდხანს შემწყვდეული ჰყავდა დავითი ატენში. ამის შემხედავემა ბაგრატი გამოსთხოვა თავის ძმას, მეფე დავითს, ნება ეომოს ავ-გიორგის, და მიიღო რა საუფლისწულოდ მუხრანის მარა, არაგვის და ქსნის ხეობა, ძალზე გაუმაგრდა ავ-გიორგის, რომელიც სამს თვეს გარშემოერტყა მტკვრის ციხეს. ავ-გიორგის შიმშილით სურდა იმის აღება, მაგრამ ვერ მოახერხა და უკუ იქცა. როდესაც მეორედ მოადგა, დატყვევებულ იქმნა ომის შემდეგ ბაგრატის მიერ და 1513 წ. დაახრჩვეს.

ამას შემდეგ დავითმა დაიპყრა კახეთი, სადაც დამხრჩვალის მეფის ერთად-ერთი შვილი ლევანი, — რომელიც 7 წლისა იყო, — გადარჩა და იმალებოდა უბრალო ტანსაცმელით დიდებულ გარსევან ჩოლოყაშვილის სახლში. 1518 წ. ისმაილ შაჰმა განიზრახა კახეთის დაპყრობა, მაგრამ უარი სთქვა ამაზედ შემდეგ იმისა, როდესაც მეფე დავითმა თავისი შვილი რამაზი გაუგზავნა დიდის საჩუქრებით. ეს შემთხვევა დაიხვიეს ხელზედ კახელებმა, მოიყვანეს ლევანი და მეფედ გამოაცხადეს. რამაზი აღერსით მიიღო შაჰმა და დაუბრუნა დავითს, რომელმაც ამას შემდეგ კახეთს გაილაშქრა და კიდევ აიღებდა მალნარის ციხეს, სადაც ლევანი თავს იფარავდა, მაგრამ ამ დროს ამბავი მოუვიდა, რომ სულთანის სე-

ლიმი ქართლს წამოსულიყო. როცა დავითმა დაამარცხა ოს-
მალნი, რომელნიც შემოესივნენ ქართლს, მან ისევ გაილა-
შქრა კახეთს, სადაც, თუმცა ზოგიერთები მიემხრნენ, მაგ-
რამ 1520 წ. დამარცხდა და ტფილისს დაბრუნდა. მეო-
რედ დაამარცხა მოხისში მამია გურიელმა, ლევანის სიშამრ-
მა, რომელიც სიძეს მიეშველა, და ბოლოს სამღვდლოების და
დიდებულთა რჩევით შეურიგდა კახთ ბატონს. 1522 წ. ის-
მაილ შაჰი ქართლს შემოესია დასაპყრობლად და განიზრახა
ხალხის გამაჰმადიანება; მან აღჯა-ყალის ციხე გადააკეთა. და-
ვითი არ დასთანხმდა შაჰმადის სჯულის მიღებაზე და ისმაი-
ლის ნახვაზე, გაამაგრა ტფილისი და ყველა ადგილნი,
რომელნიც კი თავის დასაცველად გამოსადგენი იყვნენ.
ბატონიშვილი ლუარსაბი დახვდა სპარსების სარდალს ელიას.
ბეგს თელეთში და სასტიკის ომის შემდეგ დამარცხებულ იქ-
მნა. მეციხოვნეთა უფროსის ღალატით ციხე აიღეს სპარსე-
ლებმა და ააგეს მეჩეთი, აქამომდე დაცული ავლაბრის ხიდებს
შუა. სიონის ღვთის მშობლის ხატმა, მტრისგან მტკვარში
გადაგდებულმა, მისცურა კახეთის ნაპირად; იქ იპოვეს მცხოვ-
რებლებმა ღმირთვეს მთავარს ლევანს, რომელმაც ბუდე განუ-
ახლა ღმირბრუნა სიონს, სადაც ახლაც ასვენია. როგორც-კი
ისმაილი გაბრუნდა, მეფე დავითმა დაიჭირა ყველა ციხეები,
სპარსების მიერ დაპყრობილი, და შაჰის სიკვდილს შემდეგ
1523 წ. დაიპყრა ტფილისი, ამოსწყვიტა ყველა მაჰმადიანე-
ბი და აღჯა-ყალი დაამხო. შემდეგ ბერად შედგა დამიანეს
ფემ-დაძახელით და 1525 წ. ტფილისში გარდაიცვალა.

დავით VIII-ის ძმა გიორგი IX გამეფდა 1524 წ.; მცხე-
თაში იკურთხა გვირგვინი; მეგობრობა ჰქონდა მეზობელ მთა-
ვრებთან. კათოლიკოზის დოსითეოზის სიკვდილს შემდეგ, მე-
ნიშნა მის ადგილას თვისი ძმა მელქისედეკი.

ზეპირ-გარდმოცემა მოგვითხრობს, ვითომც გიორგი IX
შეუერთდა იმერთა ბაგრატს, ლევანს, კახეთის ბატონს, და
ყვარყვარე ათაბაგს და ვითომც მათ გაილაშქრეს იერუსალი-

მში, სულეიმაზ სულთანის თხოვნით; ვითომც მათ წაერთვათ მამელიუკებისათვის წმინდა ქალაქი და დაბრუნებულიყვნენ საქართველოში; ვითომც სულთანს ქართველებისათვის ეჩუქებინოს უფლის წმინდა სასაფლაო, გოლგოთა, ბეთლემი და წმინდა ჯვარის მოწასტერი. ამ ამბავს ერთის სიტყვითაც არ იხსენიებენ მე-XVI საუკუნეში დსავლეთის ისტორიკოსები¹⁾. შემდეგ სულეიმაზმა გაილაშქრა სპარსეთს

1) იერუსალიმის ხმლით აღების შესახებ ქართველთა მეფეების მიერ, რაიცა ავტორს სამართლიანად მიაჩნია ზეპირ-გარდმოცემათ, ბ-ნმა თ. ჟორდანიამ (1893 წ.) წერილები დაჰბეჭდა. როცა ბ-ნმა ცაგარელმა (СВ'ЖЛ. КН. III, стр. IX) უარჰყო თვით ამბავი იერუსალიმის ქართველთა მიერ აღებისა და ჟორდანიას მიერ ნაჩვენები 1527 წ., ბ-ნმა ჟორდანიამ თავისს გამოცემულ ხრონიკებში (წ. 2. გ. 357—368) გააქრელა 14 გვერდზე თავისი შინიშენა, სადაც „დაუტყვირთავს იგი სამოწმებელთა სიმრავლეთ (ციტატებით). მაგრამ ამ „სამოწმებელთაგან დატყვირთვის“ შემდეგ უმთავრესი საბუთი ბ-ნ ცაგარლისა, რომ თათრებს ათის წლის წინეთ, ვინემ 1527 წ., რომელსაც უჩვენებს ჟორდანია, დაპყრობილი ჰქონდათ იერუსალიმი და ის საბუთი, რომ იერუსალიმს მაშინ სპარსელები კი არ ჰფლობდნენ, არამედ ეგვიპტელი მამელიუკები, ისევ შეურყეველად რჩება... ბ-ნი ჟორდანია თავის მოსაზრებას ასაბუთებს შემდეგ ავტორიტეტების ჩვენებაზედ: 1) ვილაც უცნობ პატრიარქის იოროფოსაგან 1881 წ. გამოცემულ წიგნაკზე ბერძნულად, რომელშიაც დავით და ლეონ მეფეები არიან მოხსენებულნი; 2) მოგზაურის მუსაფუფის აღწერილობაზე (რა დიდი ავტორიტეტი გამოუნახავს!); 3) გრაფინია უვაროვის სამგზავრო წერილებზე (ესეც დიდი ავტორიტეტი!); 4) პლ. იოსელიანის მიერ იერუსალიმის და წმ. ადგილებს აღწერაზედ; 5) ერთი დაბეჭდილი დაზიანებული ნაწყვეტი იმერთა მეფის ბაგრატ III გუჯრისა, სადაც მეფე აღიარებს, რომ მას მრავალნი სასწაულნი უხილავს ხმელთა და წყალთა ზედა ძლევა-მოსილობისა, აძლევს მიზეზს ბ-ნს ჟორდანიას დასძინოს: „რა საქმე უნდა ჰქონოდა იმერეთის მეფეს ზღვაში, თუ არ ის, რომ მან აღბად თავისი ჯარი წასახა ზღვით კონსტანტინეპოლში და იქიდან პალესტინაში?“ 6) პოლშელ ნიკოლ რაძივილის მგზავრობაზედ წმ. ადგილებში 1582 წ., სადაც ის სწერს, რომ ქართველთ მთელი გოლგოთის მთა დაიპყრესო მაშინ, როდესაც იერუსალიმი იყო სამფლობელო ეგვიპტის სულთანისა; 7) ჯრუჭის სვინაქსარის წარწერა; 8) იერუსალიმის ჯვარის დაზიანებული წარწერა, რომელიც ბ-ნ ცაგა-

ღა გაიარა ქართლის საზღვრებს ახლოს. მას არავითარი ვნება არ მიუცია მეფე გიორგისათვის, მხოლოდ შერიფ-ხანი, ტფილისის მმართველი, სპარსთაგან დაყენებული, გააგდო. 1534 წ. მეფე გიორგიმ ხელი აიღო ტახტზე და დაუთმო თავისს ძმისწულს ლუარსაბს, ხოლო თითონ ბერად შედგა გერასიმეს სახელით.

აქ უნდა შევნიშნოთ, რომ იმ ცნობებით, რომელიც რუსის ელჩ ტატიშჩევს მოჰყავს 1600 წ., ლუარსაბ I შეიქნა მემკვიდრედ თავისის მამის დავითისა. ჩვენ არ ვიცით, ვინ უფრო მართალია; — შეგვიძლია მხოლოდ ვსთქვათ, რომ ტეტიშჩევის ჩვენება არ ეთანხმება მატეიანეს დედანს ლუარსაბ I ყოველ ღონისძიებას ჰხმარობდა გაედევნა მაჰმადიანები თავისს საფლობელოდგან. 1526 წ. მან შეირთო თამარი, იმერეთის ერისთავის ასული, და გარდააყენა კათალიკოსი მელქისედეკი, რომლის ადგილას გერმანე დაჰნიშნა. 1536 წ. შაჰ-თამაზ I მოვიდა განჯას დიდ-ძალის ჯარით და იქიდან

რელს ასე ამოუკითხავს: „ქ. მირიან... კონსტანტინე... მეფემ ეს ჯვარი... მოვიდეს... და დაიჭირა იერუსალიმი და აღაშენა ეს ჯვარი“. ხოლო ბ-ნი ჟორდანიას ასე კითხულობს: „მირიან მეფეს წმან კონსტანტინე დიდმა, იმპერატორმა, უბოძა ეს ჯვარი. შემდეგ მოვიდეს სპარსნი და დაიპყრეს იერუსალიმი და აღაშენა ეს ჯვარის მონასტერი“. ბ-ნი ჟორდანიას ირონიით დასძენს, რომ „ამ ამოკითხულს ხელ-ახლა ამოკითხვა სჭირია“. და 9) ვახუშტი ვერ შეთხზავდა ანუ ვერ გამოიგონებდა ამ ამბავს. — ჩვენ შეგვიძლია მხოლოდ დავსძინოთ, ბ-ნი ჟორდანიას სანუგეშებლად, ერთი ჩვენება სახელ-განთქმულის მიშოს ჯვაროსანთა ისტორიიდან, სადაც მას მოჰყავს აპუტის სიტყვები: „ივერიელებს გარდა არავის არ ჰქონდა ნება იერუსალიმში შესვლისა დროშა გაშლილი და უბაჟოთ“. Hist. des croisades par Michot, t. IV, p. 8. მაგრამ ვერც ეს ჩვენება იერუსალიმის ქართველთა მიერ დაპყრობას ვერ ჰყენს შუქს და ოსმალებმა 1527 წ. ათის წლის წინად აიღეს სირია, პალესტინა იერუსალიმით და ეგვიპტე. შუადარე Ручов. къ познанію Кавказа СПб. 1847 г. М. Селезнева და დოსითეოზის მოგზაურობა (წ. XI, თ. 811). Памятники грузин. Старинны въ св. Землѣ и на Синаѣ, СПб. А. Цагарели, стр. 52, 62 и 63.

ტფილისს ანაზღად დაეცა, როცა ქართლის მეფე თავის უეცრად გარდაცვალებულის შვილის დასაფლავებაზე მცხეთას იმყოფებოდა, ტფილისის ციხე და ქალაქი დაიპყრა და მკვიდრთაგანი ბევრი გაამაჰმადიანა. მათ შორის იყო ვინმე გულბაათი, მეციხოვნეთა უმფროსი.

მეფემ განიზრახა შესწევნოდა იმერთა ბაგრატსა, რომელსაც დაიფლო სამცხე და რომელსაც ბასიანის მხრიდამ თათრები დაეცნენ; მომხდარ ომში ცილობა ატყდა ქართლელთა ღ სამცხელთა შორის, რომელთაც ჩვეულებისამებრ მოწინავე მებრძოლე ჯარად სურდათ დამდგარიყვნენ. მესხნი არ დასთანხმდნენ თავისს მოწინაამდგეებს და უკუ იქცნენ. ქართლელები 1545 წ. დამარცხდნენ. შემდეგ ამისა ლუარსაბი სპარსეთის შაჰის მოწოდებით შეუერთდა ლევანს, კახეთის ბატონს, და მესხებს და ისინი დაეცნენ შირვანს, რომლის მფლობელი დარვიშ-მაჰმადი აუჯანყდა თამაზ შაჰს; ეს უკანასკნელი მაშინ სხვაგან იყო გალაშქრებული. მეფემ და იმისმა მოკავშირეებმა დიდი ნადავლი იშოვეს, ხოლო აჯანყებულს დარვიშს მუხანათობისათვის თავი მოჰკვეთეს.

1548 წ. ზამთარში შაჰი ხელ-ახლად შემოესია ქართლს, აიღო და დააქცია ტფილისი, სადაც მეციხოვნენი ჩააყენა. ქაიხოსრო ათაბაგი დაემორჩილა მას და მიათხოვა ერთი თვისი ნათესავი ქალი და მით იხსნა თავი უბედურობისაგან. შაჰის წასვლის შემდეგ ლუარსაბმა დაიპყრა საათაბაგოს უდიდესი ნაწილი. ეს რომ შაჰმა შეიტყო, მივიდა სამცხეს, დაიპყრა ეს ქვეყანა და დაახოცინა ის სამცხელნი, რომელთაც იმას წინად ლუარსაბი მიიპატიყეს და დაეხმარნენ მას.

ოსმალებმაც გაილაშქრეს სპარსების წინააღმდეგ და, გარდააკეთეს რა ყარსის ციხე, უკუ იქცნენ. შაჰმა დაუყოვნებლივ სამხრეთისაკენ გასწია, აიღო და დაანგრია ყარსი. სპარსთა და ოსმალთა შეჭრეს ზავი, რომლის ძალითაც ქართლი, კახეთი და სამცხე უნდა დაჰრჩენოდათ სპარსელებს, იმერეთი, გურია და ოდიში — ოსმალებს. შაჰი დაბრუნდა სომხითით და

აილო ცბიერებით ბირთვისი, გორი, ვერის ციხე და მიაღვა ატენის ციხეს, რომელიც იერიშით აიღო 1556 წ. და დაატყვევა ციხეში მყოფი დედოფალი ნესტან-ჯავარი, მეფე ლუარსაბის დედა რამდენასამე თავადიშვილის ქალით. ეს რომ ლუარსაბმა შეიტყო, დაედევნა შაჰს და დაჰხოცა მრავალი სპარსი, მაგრამ ვერ მოახერხა განეთავისუფლებინა დედოფალი, რომელმაც გაუპატიურების შიშით თავი მოიწამლა. გამარჯვებულმა შაჰმა დააყენა ბეგლარ-ბეგები, ხანები და სულთანები ყაზახისა და შამშადილის მაზრებში, არანსა და ერევანში და უბრძანა შემწეობა აღმოეჩინათ ტფილისის ციხის მეციხოვნეთა უფროსისათვის, როცა საჭიროება მოითხოვდა. ამიტომაც როგორც კი ლუარსაბი შემოერტყა ტფილისს, განჯის ბეგლარ-ბეგი, სახელიად შაჰ-ვერდი, წამოვიდა ქართლს. მეფე შეიღებით დაუხვდა წინ და შეებრძოლა ვარხუნაში. ¹⁾ სპარსები შედრკნენ. ბოლოს შაჰ-ვერდიმ თვალი მოჰკრა ლუარსაბს, რომელიც შორს იდგა, და დაეცა იმის ამაღლას. ლუარსაბი ცხენზე შეჯდა და შეება მტრებს, მაგრამ სასიკვდილოდ დაიჭრა ერთის სპარსელის მიერ და მალე, 1558 წ., გარდაიცვალა ქრილობისაგან. რადგან ლუარსაბი მთელი თავისი სიცოცხლე მუსულმანებს უბრძოდა და მოკლულ იქმნა ომში მათ მიერ, ქართველებმა წმიდა მოწამეთ შერიცხეს და იმის სახელს იხსენიებენ 1 ივნისს არჩილ მეფესთან ერთად

სვიმონ I, ლუარსაბის შვილი, მეფედ ეკურთხა მცხეთას და გორში სცხოვრობდა. მეფე ლუარსაბმა გერმანე კათალიკოზის სიკვდილს შემდეგ ნიკოლოზ ბარათაშვილი დააყენა; სვიმონმა კი ნიკოლოზის ადგილზე კახელი ბატონიშვილი ნიკოლოზ დაჰნიშნა 1584 წ., ხოლო იმის შემდეგ დომენტი 1595 წ. ახლო ხანებში. სვიმონმა 1559 წ. შეერთო ნესტან-დარეჯანი, ლეონ კახელის ასული, რომელიც ლეონს შეეძინა შამხალის ასულისაგან.

¹⁾ სომხითში.

ამასობაში მუხრან-ბატონმა არჩილმა დაარბია ტფილისის არე-მარე, რომელიც სპარსებს ეჭირათ. ის იყო ძმა ვახტანგ მუხრან-ბატონისა, რომელიც იყო შვილი ზემოხსენებულის ბაგრატიისა, 1530 წ. ბარნაბას სახელით ბერად შესულია. სპარსნი თავს დაესხნენ არჩილს საფურცლეში, მოიტაცეს მთელის ოჯახით და ტყვეთ წაიყვანეს სპარსეთს. 1560 წ. სვიმონმა შეპკრიბა ციხე-დიდს²⁾ ჯარი, დაამარცხა სპარსები და სურდა ომი განეგრძო, მაგრამ შაჰ-ვერდი სულთანი, განჯის ხანი, ანაზღად თავს დაესხა აღდგომა დღეს. ქართველები საშინლად დამარცხდნენ; აქ მოჰკლეს ბატონიშვილი გიორგი კახელი და კახელები იძულებულ იქმნენ ომის ველი დაეტოვებინათ. მოკლულ იქმნა აგრეთვე ცხრა თავადი ამილახვრის გვარისა. ისინი დამარხულნი არიან შიო მღვიმის ზემო ეკკლესიაში, რომელიც ამას შემდეგ ებოძა იმათ ოჯახს საგვარეულო სამარხად. მეფე სვიმონი გაიქცა. 1561 წ. ფხოვლები თავს დაეცნენ მუხრანს და მოჰკლეს თავადი აშოთანი, ბაგრატიის შვილი.

სვიმონის დამცირება რომ შეიტყო მისმა უნცროსმა ძმამ დავითმა, — რომელიც გარყვნილი კაცი იყო, — წავიდა სპარსეთში, გამაჰმადიანდა და სახელად იწოდა დაუთ-ხანი. შაჰმა გამოჰგზავნა დაუთ-ხანი ქართლში მეფედ, რომელსაც უნდა დაჰხმარებოდნენ განჯისა და სხვა მოსაზღვრე ხანები. 1567 წ. სვიმონმა დაამარცხა იმისი ჯარი დილომში, რის შემდეგ დაუთ-ხანს თავი უნდა შეეთარებინა ტფილისის ციხეში, მაგრამ ამასაც სვიმონი გარს შემოადგა. უსეინ ბეგი³⁾ ყარაამანი მიეშველა დაუთ-ხანს და აიძულა სვიმონი ტაბახმელისკენ დაწეულიყო. ასტყდა ხელმეორედ ომი, რომელშიაც დაუთ-ხანი ხელ-ახლავ დამარცხდა სამადლოს მთაზედ და სვიმონი ისევ ტაბახმელას

²⁾ ძეგვი.

³⁾ იგივე ყარამონდუქუასან-ბეგი.

დაბანაკდა, მაგრამ ვერც ტფილისი აიღო, ვერც მეციხოვნე-
ნი მიიმხრო და ამიტომ ქართლისაკენ წავიდა.

ეს რომ შაჰ-თამაზმა შეიტყო, 1569 წ. შეპყრობა ჯარი,
წინანდელზე ბევრად უდიდესი. განჯისა და შამახის ბეგ-
ლარ-ბეგებმა მოისყიდეს ლეკები და თავს დაეცნენ სვიმონს
ფარცხას. კახაბერ ყორღანაშვილმა უღალატა მეფეს, მიემხ-
რო სპარსებს და მიუძღვა იმ ადგილს, სადაც მეფე იმყოფე-
ბოდა. სასტიკი ბრძოლა ასტყდა. პირველს კვეთებაზე მეფემ
უკან დაახევინა მტერს, მაგრამ ომით გატაცებული გამოეკი-
და სპარსებს და თავის ჯარს განშორდა. ყორღანაშვილმა-
იცილო მეფე და შეატყობინა მისი ვინაობა სპარსელებს,
რომელნიც მეფეს შემოეხვივნენ. ერთმა შამხალ სულთანის
გულამმა, სახელად ჯემშიდმა, სხვების დახმარებით დაატყვევა
სვიმონ მეფე და ყაზმინს მიჰგვარა შაჰს. სვიმონმა გადაწყვე-
ტილი უარი გამოაცხადა გამაჰმადიანებაზე. მეფე ლამუთის
ციხეში გაჰგზავნეს, ხოლო ბატონიშვილი არჩილი ცოლ-შვი-
ლით შირაზს წაიყვანეს. მეისტორიე ისკანდერ მუნჯი ამტკი-
ცებს კი, რომ სვიმონი გამაჰმადიანდაო, — თუმცა კი დრო-
ებით, — და სახელ იწოდაო მაჰმუდ-ხანად.

სვიმონ მეფის დატყვევების შემდეგ, დავითს ტახტის
მოცილვე არა ჰყავდა, მაგრამ ხალხს არ უყვარდა, იდგა ქვეშის
ციხეში¹⁾, დმანისის ხეობაში, სადაც განცხრომით სცხოვ-
რობდა და ტფილისში იშვიათად მიდიოდა. რადგან და-
ვითმა ყოველი პატივის-ცემა აპყარა დედოფალს²⁾, სვი-
მონ მეფის მეუღლეს, — რითაც სურდა ესიამოვნებინა იმის
ძმის აღექსანდრე კახთ მეფისათვის, რომელთანაც ნეს-
ტან-დარეჯანი დედით ერთი არ იყო და რომელსაც სძულ-
და თავისი ნახევარ და, — ამილახვრებიც თავს დაესხნენ მას

¹⁾ სომხითში.

²⁾ ნესტან დარეჯანს, რომელიც კავთის-ხევში სცხოვრობდა.

და სრულიად გაძარცვეს³⁾). ამავე დროს კოჯრიდამ მომავალი სპასპეტი საჩინო ბარათაშვილი, რომელიც არ დაემორჩილა დაუთ-ხანს, შეხვდა კახაბერ ყორღანაშვილს, შეიპყრო და გელი-ყარის კლდეზედ გადააგდო⁴⁾).

1576 წ. შაჰ-თამაზის სიკვდილს შემდეგ შაჰათ დაჯდა ძლიერ მოკლე ხნით ჰაიდარ, მერმე იმისი ძმა, ისმაილი, დაჯდა სპარსეთის ტახტზე; მან საპატიმროდამ განათავისუფლა მეფე სვიმონი და არჩილ მუხრან-ბატონი. თვითონ კი მოკლულ იქმნა 1577 ან 1578 წ. ზოგი ამბობს, ექესი თვე იმეფაო და ზოგი—ერთ წელიწად ნახევარიო. შემდეგ იმისა ხუდა-ბენდე შეიქმნა შაჰად. დაუთ-ხანმა რომ გაიგო სვიმონის განთავისუფლება, მიჰმართა ოსმალთ შემწეობისათვის. ოსმალნი შეესივნენ სპარსეთს, დაამარცხეს ჩილდირის ომში, 10 აგვისტოს 1576 წ. აიღეს ერივანი, განჯა, თავრიზი და მთელი ადერბეიჯანის მაზრა დაიპყრეს. სულთანმა მურად III ჯარის წინამძღოლად დაჰნიშნა მუსტაფა ლალა-ფაშა. იმისმა ჯარმა გარდმოვლო სომხითი და მოადგა ტფილისს. დაუდ-ხანი შეშინდა, დასწვა ქალაქი და შეიფარა თავი ლორეს, მაგრამ შემდეგ ოსმალეთში წავიდა, სადაც წყალობით მიიღეს და სარჩოდ ორი ფაშალაგი უბოძეს. მისი შეიღებები ბაგრატ და ხოსრო დარჩნენ კახეთში, საიდანაც შემდეგში სპარსეთს წავიდნენ. მუხრან-ბატონი ვახტანგი უმეფოების დროს შეიქმნა ქართლის მმართველად, წარსდგა წინაშე ლალა-ფაშისა მორჩილების გამოსაცხადებლად და მით იხსნა თავისი ქვეყანა აკლემბისაგან. ოსმალეებმა მაინც დააყენეს თავისი ფაშა ტფილისში და სანჯახები — გორსა,

³⁾ მაშინ ხალხში ამბობდნენ ანდაზად: „ვაი სვიმონ მეფის საქონელსაო.“

⁴⁾ ამ სიტყვების მიძახებით: „უკეთუ კეთილ არს გაცემა მეფისა და ქვეყნისა, იწილე აწ შენცა“. ხალხში დაცულია აგრეთვე ანდაზა ამ ამბის შესახებ: „ყორღანას-ძე ქარაფრინდა, ხელი ჰკრეს და გადაფრინდა“. ქ. ცხ., II ნაწ., გვ. 28.

ოლთისსა და სხვა ადგილებში. სომხითის შკვიდრთ დიდად ავნეს ოსმალებს, როდესაც იმათმა ჯარმა გადმოიარა ამ მხარეზე, აგრეთვე იმერლებმაც, — რომელთ წინააღმდეგ დიდ ძალი ჯარი იყო გაგზავნილი, — მრავალჯერ დაამარცხეს ისინი მთებზე გადასვლის დროს. ამასობაში ლალა-ფაშამ ალექსანდრე კახთ-ბატონის შემწეობით აიღო შაქის ციხე შირვანში, შიგ შეციხოვნენი ჩააყენა და უკანვე ქართლში დაბრუნდა. — ეს რომ გაიგო შაჰ ხუდა-ბენდეს დედამ, — რომელიც ტომით ქართველი იყო, შალიკაშვილის გვარისა — დააბრუნა და თან ფულიც გამოატანა მეფე სვიმონს და ყველა დატყვევებულებს. დაუთ-ხანმა მაშინ გარდასცა ყველა ციხესიმაგრეები ლალა-ფაშას და გაიქცა სტამბოლს, სადაც მალე გარდაიცვალა.

ამასობაში ოსმანმა, თავრიზის ფაშამ, რომელსაც ყირიმის თათრებიც ეწეოდნენ, დაამარცხა სპარსნი; ამათ შაჰის მეუღლის წინამძღოლობით მაგიერი გარდაუხადეს მათ, დაატყვევეს ზ მოჰკლეს თათარ-ხანი. შემდეგ ამისა ოსმალებმა შაჰის მეუღლე დაატყვევეს ზ მოჰკლეს. მათ აიღეს ტფილისი და გორი და ბარათაშვილების ჯავრი იმით ამოიყარეს, რომ სამშვილდეს მათი საყდარი დააქციეს. იმავე წლის ოკტომბერში სვიმონი შევიდა ქართლში და ხაზზე დაუწყო მოლაპარაკება ლალა-ფაშას, რომელიც სამცხეს წავიდა. მაშინ სვიმონმა მაჰმადის სჯული უარ-ჰყო, ხელ-ახლად გაქრისტიანდა და დაიკავა ლორი, გორი და ყველა ქალაქები გარდა ტფილისისა; მან დასაჯა ამილახვრები და ქსნის ერისთავი ელიზბარი დედოფლის ავად მოპყრობისათვის; დაჰნიშნა გორის მოურავად სულხან თურმანიძე, ხოლო ქართლის მმართველი ვახტანგ მუხრან-ბატონი შეიპყრო. შემდეგ სვიმონმა ისინი შეიწყალა და განათავისუფლა, როდესაც მიუძღვნეს დედოფალს ის, რაც მოეტაცათ მისთვის; მეფემ ჩამოართვა მხოლოდ რამდენიჲე ნაწილი მამა-პაპეულის მამულისა. ყორღანაშვილის ცოლ-შვილს კი და მის სახლეუ-

ლობას მეფე მკაცრად მოექცა და ყველა ისინი გელი-ყარას კლდიდამ გადააყრევინა.

მეფე მედგრად დახვდა ლალა-ფაშას, რომელიც დასაველეთ ქართლს ხელ-ახლად შემოესია ღ რომელმაც მარტო სადგერის წმ. გიორგის ეკლესიის გაძარცვა მოასწრო.

კახეთის მეფე ალექსანდრე გაჯავრებული იყო სვიმონზე, როგორც თვისის დის გამო, აგრეთვე სიმამრის ბარძიმ ამილახვარის გამო; ამას გარდა მას ეშინოდა, რომ სვიმონმა ელი მირზონის და ხოსრო მირზას მოკვლისათვის, — რომელნიც იმის ცოლის ძმები იყვნენ, — ჯავრი ჩემზე არ ამოიყაროს. ის ანაზღად თავს დაესხა მეფეს დილომში და იქ ჩაიდინა საქციელი, რომლითაც დედოფალი ¹⁾ შეურაცხყო.

რამდენისამე ხნის შემდეგ სვიმონმა დაამარცხა კახელები ქოტორში ²⁾ და დაატყვევა მრავლად კახეთის დიდებულნი, რომელნიც განათავისუფლა მხოლოდ მაშინ, როდესაც აიძულა თავი დაეწყევლათ იმ მტრობისათვის, რაც მათ სვიმონს აღმოუჩინეს. ეს მოჰხდა 1580 წ. ³⁾ ახლო ხანებში. სვიმონი იძულებული შეიქმნა სპარსეთში გაეგზავნა თავისი ქალი საცოლოთ ჰამზა-მირზასათვის, შაჰ ხუდა-ბენდეს შვილისათვის, და თავისი 12 წლის ვაჟი ლუარსაბი — მძევლად. ალექსანდრე კახელსაც სპარსებმა მოსთხოვეს ერთგულობის სათავდებოდ მისი ქალი და ვაჟი კონსტანტინე.

¹⁾ დედოფლის პერანგის ამხანაგი ალექსანდრემ ჩამოჰკიდა შუბზე და გაფრიალებული გაიძლოა წინ. ამ საძაგლობის მსმენელმა სვიმონ მეფემ შეუთვალა ალექსანდრეს: „ქმენ საქმე უშვერი, რამეთუ თუმცა ექმნა სხვას, ჯერ იყო შენგან ძიებად შურისა (დედოფალი ნესტან-დარეჯანი ნახევარ-და იყო ალექსანდრესი). აწ განემზადე ზვალისათვის ბრძოლად, რამეთუ ვეძიებ შურსა“.

²⁾ მარტყოფში.

³⁾ მ ფე სვიმონმა სვეტი-ცხოვლის საყდარში ამ ნაირი ფიცი დაადებინა: „ღმერთმან, სიმართლის მოქმედმან, კახს კაცს ნუღარასოდეს ნუ გაუმარჯოს ქართველს კაცზე, არც დიდთა და არცა მცირეთა“.

ამასობაში ქართლის მმართველი ვახტანგი გარდაიცვალა. უყარყვარე ათაბაგი თავს დაესხა ლორეს და იმის გარშემო მდებარე მხარეში შეიფარა თავი. ცოტა ხანს უკან მაჰმად-ფაშამ აიღო ლორე და გორი და დაიბანაკა მუხრანს იმ განზრახვით, რომ სურსათი მიეწოდებინა ტფილისის მეციხოვნეთათვის. აქ მეფე სვიმონი თავს დაესხა მაჰმად ფაშას და აიძულა გაქცეულიყო ტფილისს. იმავე წელს სვიმონმა მიიმხრო ათაბაგი მანუჩარ, რომელიც რამდენისამე ხნის წინად გამაჰმადიანდა და სახელად მუსტაფა დაირქვა. შემდეგ კი, შევიწროებული მუსულმანების შეურაცხყოფით და ძალ-მომრეობით, ისევ გაქრისტიანდა. სვიმონ მეფემ მიათხოვა მას ცოლად თავისი ქალი ელენე. ის გარს შემოერთყა ტფილისის ციხეს, დაამარცხა მეციხოვნენი, როდესაც ისინი ციხის გარეთ გამოვიდნენ და გაილაშქრა ლორეს ასაღებად. მან დაამარცხა ფარხად-ფაშა და ჯერ აიღო ის მღვრმენი, რომელნიც ლორეს გარს არტყიან და შემდეგ ლორის ციხე, ტფილისი და სამშვილდე. 1586 წ. ჯავრის ამოსაყრელად სულთანმა დიდ-ძალი ჯარი გამოჰგზავნა ფარხად-ფაშის^{*)} წინამძღოლობით, რომელმაც ხელ-ახლავ დაიპყრა ლორე. მაგრამ ერთი რაზმი ოსმალოს ჯარისა სვიმონის ცბიერებით სრულებით გაფანტულ იქმნა ხატის სოფელში, ასე რომ ლორისა და გორის გარდა ოსმალებმა ქართლში ვერსად ვერ შეიმადრეს თავი და ამ ქვეყანაში მშიდობიანობა სუფევდა.

1586 წ. დამლევს სპარსებმა ტახტიდამ გადმოაგდეს ბედკრული ხუდა-ბენდე და შაჰათ დასვეს იმისი შვილი ჰამზამირზა, რომელიც რამდენისამე თვის შემდეგ მოკლულ იქმნა დალაქის მიერ. შემდეგ იმეფა მოკლეს ხნით მისმა ძმამ, ისმაილ III, და ბოლოს ხუდა-ბენდეს მესამე შვილი, აბაზ I, შეიქმნა შაჰად 1587 წ. ამ დროს სვიმონი გამოექომაგა ათაბაგ მანუჩარს, — რომელსაც ოსმალები თავს დაესხნენ, — დაა-


*) ფერად-ფაშა.

ბანაკა ახალ-დაბაში და შემდეგ შევიდა სამცხეს, საიდანაც განდევნა იმისი მტრები და მოწინააღმდეგენი. როცა შეიტყო, რომ იმერეთის მეფეს ზოგიერთი დიდებულნი არ ემორჩილებიანო, თავს დაესხა და გოფანთოში დაამარცხა მეფე ლევანი, რომელიც თავის ციხე-სიმაგრეებს შეეფარა, თვითონ სვიმონს კი შიშით ჰქონდა ოსმალებისა, — რომელთაც ჯერ კიდევ გორი ეჭირათ, — და უკანვე დაბრუნდა, მხოლოდ იმერეთიდან მძევლები წამოიყვანა. იმის წამოსვლის შემდეგ იმერეთში არეულობა მოჰხდა: დადიანმა წაართვა ტახტი ლევანს და მეფედ როსტომი¹⁾ დასვა.

როცა სვიმონმა ამ ცვლილების ამბავი შეიტყო, წამოვიდა ჯარით იმერეთს, აიღო ციხეები: სვერი, სკანდა, ქუთაისი, გაემართა ოდიშისაკენ და დაედევნა როსტომს, რომელიც იქ გაიქცა. სვიმონი რომ ოფიშკვითში დაბანაკდა, დადიანის მოციქული გამოეცხადა და სთხოვა, როსტომი შეირიგეო, როსტომი ამიერიდგან შენი მორჩილი იქნება. სვიმონმა არ შეიწყენარა ეს თხოვნა. ასტყდა ოში; სვიმონის ჯარი იძლია. დამარცხებულმა სვიმონმა დასტოვა ზარბაზნები, თავისი ბანაკი და დაბრუნდა ქართლში 1590 წ. კავთის-ხევს რომ მოვიდა, ერთმა ქვრივმა დიდი პატივის ცემით მიიღო უცნობი სტუმარი და კარგად გაუმასპინლდა. ქვრივი სწუხბდა ქართველების ჯარის გამო. დასაჯილდოებლად ამისა სვიმონ მეფემ გაააზნაურა იმისი ოჯახი ქვრივის-ძის სახელწოდებით²⁾.

¹⁾ კოსტანტინეს ძე, რომელსაც მამია დადიანმა თავისი ასული შერთო ცოლად. შხეფის-ციხეში დამწყვდეული ლევანი მალე გარდაიცვალა.

²⁾ ზოგი სხვანაირად მოგვითხრობს ამ ამბავს, ვითომც ის ქალი ქვრივის ძე იყო გვარად, ქმარი ლაშქარში ჰყავდა და ქალმა მეფესთან წუხილი დაიწყო: „ნეტა ღმერთმა მიჰხედოს მეფეს წყალობით და გვეღირსოს სვიმონის ცოცხლებით მოსვლა და სხვანი მისის ქირის სანაცვლონი იყვნენო“. სვიმონმა გაააზნაურა ვითომ იმისი ქმარი და ყმა და მამული უბოძა.



გადარჩენილის ჯარით სვიმონი ხელ-ახლად გარს შემოად-
გა გორის ციხეს, ცხრა თთვის შემდეგ აიღო და მით მთელი
ქართლი ოსმალებისაგან გაათავისუფლა. ეს რომ სულთანმა
მუჰამედ III გაიგო, გაჰგზავნა ჯათარ-თაშა დიდძალის ჯა-
რით, რომელიც დაბანაკდა ნახიდურს. სვიმონი იღგა სა-
ლარაშენს, საიდანაც ოსმალების ბანაკის დასათვარიელებლად
წაიყვანა თორმეტი ცხენოსანი და ჟებრძანა მექანარეს ბუკი
დაეყვირებინა³⁾. ოსმალნი აღიჭურვნენ და ამხედრება იწყეს.
მეღმე მაშინვე საჩქაროდ გამოსწია ბანაკისკენ. ფარცხისს რომ
მიადწია, აწუფს, აღგეთის ნაპირად, მეფეს ცხენი ლაფში ჩაუ-
ვარდა. სვიმონი ტყვეთ წაიყვანეს ოსმალებმა თავიანთ ბანაკში,
სადაც იმ ზამთარს და გაზაფხულს თანა ჰყავდათ, ხოლო 1600
წ., ზაფხულში, სვიმონი სტამბოლს გაისტუმრეს. მეფის ძე გი-
ორგი გამოედევნა ოსმალებს, მაგრამ მათ მოასწრეს ლორის აღე-
ბა და 'შიგ შესვლა; გიორგი დაბრუნდა ქართლში და მამის
გამოსასყიდლად შეჰპირბა ყოველი საუნჯე, როგორც თავისი,
აგრეთვე საეკლესიო და სამონასტრო; მაგრამ ვერაფრით ვერ
უშველა მამას. მეფე დიდ-ხანს იჯდა დაპატიმრებული შვიდ-
კოშკიან ციხეში, სადაც 1611 წ. ახლო ხანებში გარდაი-
ცვალა.

დასამტკიცებლად იმისა, რომ ქართველთ ისტორია შეც-
დომით აღნიშნავს სვიმონის სიკვდილს 1600 წ., სხვათა შო-
რის, ერთი გარემოებაც საკმარისია: 1606 წ. მივიდა სპარსეთ-
ში მეფე სვიმონის სახელით ერთი ქართველი ქალი გულჩინ,
რომელიც დიდად მიღებული იყო სტამბოლში და სცდი-
ლობდა სულთანსა და შაჰს შორის ზავი და მორიგება ჩამო-
ფგდო. ამას გარდა ოსმალოს მენისტორიენი ამბობენ, რომ
სვიმონი მოკვდაო ოთხის წლის წინად ამ ორ სახელმწიფოთა

³⁾ მეფეს სჯრდა საკუთარის თვალთ ენახა, რა ნაირად იყვნენ ოს-
მალნი მომზადებულნი მტრის დასახვიდრად.

შებრძოლებამდე, მაშასადამე, ზემოხსენებულის წლის ახლო ხანებში.

სიგიმონ მეფის ტყვედ წაყვანის შემდეგ, მისი შვილი გიორგი X გამეფდა და ეკურთხა ტფილისში. 1600 წ. მეფე გარს შემოადგა და აიღო ლორე. 1600 წ. დამლევეს შაჰ-აბაზი გარშემოერთყა ერევანს და ქართლისა და კახეთის მეფენი დაიბარა ჯარით. მეფეებს თან ახლდათ არაგვის ერისთავი ნუგზარ, რომელიც იმას წინაღ გადაუდგა ალექსანდრეს და მიემხრო მეფე გიორგის. ქართველებმა ვაჟ-კაცობით თავი იჩინეს; შაჰმა მეორე წელს, მაისში, აიღო ეს ციხე. მეფე გიორგის რომ ისტუმრებდა, შაჰმა მოსთხოვა ლორეს დათმობა, და ამის სანუქფოდ სხვათა შორის აჩუქა მამული ლაგიჯარის მახლობლად, გილანში, რომლიდანაც შემოდიოდა 3000 თუმანი ანუ 30,000 მანეთი და გაისტუმრა შინ. მეფეს შემდეგ დიდხანს აღარ უცოცხლია. 1605 წ. მან მიაშველა ჯარი კახეთის დედოფალს ქეთევანს, რომელმაც გაილაშქრა თავის სიძის კონსტანტინეს წინაღმდეგ, და შვიდ სეკდემბერს ამავე წლისას გარდაიცვალა, — ზოგიერთის თქმით, ფუტყრის კბენით, რომელიც თავლის ფიტაში ჩარჩენილიყო; ზოგი კი ამბობს, ვითომც შაჰ-აბაზს მოეწამლოს. ამ მეფისაგან დარჩა სიგელი ბორის თევდორი-ძის⁴⁾ სახელზე, დაწერილი 10 მაისს 1600 წ. ამ სიგელითა სჩანს: 1) რომ რუსის მეფეს გამოეგზავნა ელჩათ ტატიშჩევი, რომელსაც კახეთიდან დაბრუნების დროს უთხოვნია გიორგის მეფის ასული ელენე საცოლოდ რუსის მეფის ძის ანდრიასაავის და 2) მეფე ბორისმა თავისი ასული ქსენია შეაძლია ცოლად ხოსრო მუხრან-ბატონს, გიორგის დისწულს. ამ ორ ქორწინებაში არც ერთი არ მოჰხდა, — თუმცა ორივე მეფე თანხმანი იყვნენ, — რადგან ამ დროს ბორისი

⁴⁾ აქ უნდა იგულისხმებოდეს თევდორე ბორისის ძე, რომელმაც შემდეგ ბორისისა ცოტა ხანს იმეფა.

ტახტიდამ გადმოაგდო პირველმა ცრუ-დიმიტრიმ ⁵⁾. მეფე გიორგმ 10 მაისს 1605 წ. ჯვარზე დაიფიცა რუსთა მეფის ერთგულებისათვის.

გიორგის სიკვდილს შემდეგ ოსმალებმა დაიჭირეს ლორე, რომელშიაც მეციხოვნეთა უფროსად ჩააყენეს მოჰამედ-ფაშა, ყაზახის ტომის შთამომავალი; მათ დაიპყრეს აგრეთვე ტფილისი, რომელიც აბდალატიფ-ფაშამ გარდასცა მათ—და დმანისი; ქართლის სატახტო ქალაქი ჩააბარეს ვინმე ალი-ყული ხანს.

ეს რომ შაჰმა შეიტყო, გამოილაშქრა და დაიპყრო მთელი ყარაბაღი და ჩრდილოეთისაკენ გასწია. მხოლოდ მაშინ დაუთმო მაჰმედ-ფაშამ ლორე, აბდალატიფ-ფაშამ გარდასცა ტფილისის ციხე სპარსთა მეციხოვნეებს და ქართლისეგ სპარსელებმა ჩაიგდეს ხელში.

ლუარსაბ II გამეფდა შემდეგ თავისის მამის გიორგისა და ეკურთხა მცხეთას. ქართლში მშვიდობა ჩამოვარდა, მხოლოდ უფულობა იყო დიდი, რადგან სვიმონ მეფის გამოსასყიდლად დიდ-ძალი ფული და საუნჯე იქმნა შეგროვილი. ამასთან მეფის უფლებაც ძალიან დასუსტდა ხანგრძლივის ომების გამო. დიდებულნი შეიხიზნენ თავიანთ სამფლობელოებში და იქ გამაგრდნენ.

ამ დროს შაჰ-აბაზმა ცოლად შეირთო თინათინ, უმცროსი და ლუარსაბისა და ქორწინება დიდის ამბით გარდაიხადა. ბატონის ასულს დაარქვეს სპარსულად ლელა ანუ ფატმან-სულთან-ბეგუმი. ლუარსაბი თექვსმეტის წლისა იყო, როდესაც ქართლი მოიარა და დიდებულებს ეწვია. ამ დიდებულებში უძლიერესი იყო გიორგი სააკაძე, ტფილისისა და დვალეთის მოურავი, რომელსაც აზნაურობა რამდენისამე წლის წინად მიეღო. ის იყო დიდი ვაჟ-კაცი და გამბედავი.

⁵⁾ ბორისი უცებ გარდაიცვალა, ხოლო მისი შვილი თევდორე ტახტიდამ გარდაუგდო ცრუ-დიმიტრიმ.

კაცი, მაგრამ აუი ენა ჰქონდა და ამასთან იყო პატიოსნების წესის არა ყოველთვის მტკიცედ დამცველი. თავს ისე აჩვენებდა მეფეს, ვითომც ძალიან შეურაცხყოფილი ვარ მით, რომ ჩემი ცუდი ყოფა-ქცევა მამხილეო. თუმცა მიუხედავად ამისა სააკაძემ მაინც თავის ხელმწიფეს არ უღალატა იმ ხანად.

1609 წ. ყირიმის თათრები, ზღადადიდამ დაბრუნებულები, შეესიენ და გაძარცვეს თრიალეთი. ზოგიერთის თქმით, ისინი იყვნენ ის თათრები, რომლებიც ოსმალებმა ახალციხიდან გაჰზავნეს ქართველების დასასჯელად, როცა ისინი ამ მხარეს შეესიენ. ქართველთა მათიანე კი არ იხსინიებს არსად ამ შესევას. ამ თათრების ჯარის სარდლათ იყო ვილაც ჯელილ ანუ ჩილ-ფაშა და მის ხელ ქვეითი იყო ფერჰად-ფაშა. ლუარსაბი მაშინ ცხირეთს იმყოფებოდა და შეუდგა თავის დაცვას. თუმცა გზა ჩახერგილი იყო, მაგრამ მაინც ვერ შეაჩერეს თათრები, რომლებმაც მრავალი ქართველები ამოსწყვიტეს. ერთის სომხის⁶⁾ მღვდელი თევდორე ცბიერებით გაუძღვა მათ ქვესადრისაკენ, და მით ააცილა ისინი ცხირეთს. როცა თათრები მიჰხვდნენ, რომ თევდორე მღვდელმა მოგვატყუაო, შეუბრალებლად აჰკუწეს. ამასობაში მოურავმა გიორგი სააკაძემ საჩქაროდ მოასწრო 1500 მგომარის შეკრება; საბარათიანოს მცხოვრებნიც მოეშველნენ მეფეს და ერთად დაეცნენ მტერს, რომელიც გორის ხიდისაკენ გაემართა; რადგან ზიდი ჩაქცეული იყო მეორე სომხის მღვდლისაგან, თათრებმა ფონი მოსძებნეს და ისე გავიდნენ მტკვარში ქარელს ახლოს. მაშინ ახალ-დაბას მყოფი მეფე გავიდა მტკვარში თავის მხედრობით და გამაგრდა სურამს⁷⁾ ახლოს და ახალციხეს

⁶⁾ ავტორი აქ შეცდომით იხსენიებს თავ-დადებულ ქართველს თევდორე მღვდელს სომხის მღვდლად. ის იყო კველთას მღვდელი თევდორე. ხოლო სომხის ტერტერამ, სააკაშვილმა, გორის ხიდი ჩააქცია. ის სხვაა და თევდორე—სხვა.

⁷⁾ ტაშის კართან.

მიმავალი გზა შეუკრა თათრებს. აქ მოჰხდა ფიცხელი ომი ⁸⁾; მრავალი თათარი დაიხოცა; გამარჯვებულებს დარჩათ მდიდარი ალაფი, ხოლო თათართაგან ვინც გადარჩა, გაიქცა.

როცა მეფე დაბრუნდა უკან, ეწვია მოურავს ნოსტეს, სადაც შეუყვარდა მოურავის და, და განიზრახა იმის ცოლად შერთვა. მოურავმა ისე დაიჭირა თავი, ვითომც ამ ქორწინების წინააღმდეგი ვარო, და კიდევ მოახსენა მეფეს თავისი აზრი. არც დედა მეფისა, მარიამ ლიპარტიანის ასული, ურჩევდა მეფეს ამ შეუღლებას. მაგრამ მეფემ არ ჩსმინა დედის რჩევა და დაიწერა ჯვარი. ექვსის თთვის შემდეგ დიდებულებმა აიძულეს მეფე უარ-ყყო ეს შეუსაბამო ქორწინება, შეერთო სამეგრელოს მთავრის ასული და განეტყვებინა მეუღლე. ამას გარდა დიდებულებმა გარდასწყვიტეს ნადირობის დროს მოეკლათ მოურავი ყარაიაზში; ეს რომ მოურავმა შეიტყო ფარეშთა უხუცესის კახაბერ ხერხეულიძისაგან, სწრაფად გაიქცა ცხენის ჭენებით ნოსტეს, იქიდან მთელის სახლელულობით გასცურა მტკვარში და მივიდა ქსნის ერისთავ ნუგზართან — თავისს სიმაგრთან. ნუგზარი იყო შვილის-შვილი ვილაც ვანათელ აზნაურისა, რომელსაც სვიმონ მეფემ ერისთაობა უბოძა ერთგულ სამსახურისათვის. ნუგზარი ემდურებოდა მეფე ლუარსაბს მისთვის, რომ არ მისცა თავისი უფროსი და ცოლად მის შვილსა. მოურავი და ნუგზარი წავიდნენ აღჯა-ყალაში და აქედგან — სპარსეთს. შაჰ-აბაზმა მიიღო ისინი დიდის წყალობით, და ცოტახანს უკან ნუგზარი გამოუშვა შინ, ხოლო მოურავი თან იახლა, საქართველოს მდგომარეობას დაწვრილებით გამოვკითხავ ამასაო.

1612 წ. ლუარსაბმა შაჰის ბრძანებით მიათხოვა თავისი შვილი და ხვარეშანი კახეთის მეფეს თეიმურაზს, იმისავე ბრძანებით მოჰკლა ყაზახის ხანი, რომელსაც აგრეთვე ნაბრძანები ჰქონდა მოეჭრა თავი ლუარსაბისათვის.

⁸⁾ ბორჯომის ხეობის შესავალში.

შემდეგს წელს ლუარსაბმა და თეიმურაზმა, სანადიროდ შაჰის მიერ მიპატიჟებულებმა მაზანდარანს, დიდხანს არ გასცეს შიკრიკს პასუხი და არც ეწვიენენ შაჰს. შაჰმა შეურაცხყოფად მიიღო, როგორც ესა, აგრეთვე ის, რომ ორივე მეფე ერთმანეთს დაუახლოვდნენ და შეჰრეს ზავი, რომელიც, იმის ფიქრით, სპარსეთის საწინააღმდეგოდ უნდა ყოფილიყო დასაკენილი.

ისტორიკოსი არაქელი და ზოგიერთი დასავლეთის მეისტორიენი ამტკიცებენ, რომ შაჰს უყვარდა ზემოხსენებული და ქართლის მეფისა და ძლიერ ეწყინა, როდესაც ის სხვას მიათხოვეს. ალბად აქ შეცდომა უნდა იყოს, როგორც ამ ამბის მოთხრობაში, აგრეთვე დროს აღნიშვნაშიაც.

ოკტომბერში 1641 წ., შაჰ-აბაზი, შეგონებული მოურავის მიერ, — რომელიც ერთის წლის წინად გამაჰმადიანდა, — მივიდა განჯას იმ განზრახვით, რომ უეცრად დაეცეს კახეთს. შეშინებულმა ლუარსაბმა შეჰკრა კავშირი თეიმურაზთან. შაჰი საიდუმლო წერილებით სცდილობდა მეფეებს მოეკლათ ერთმანერთი და, როდესაც კახეთის აოხრების შემდეგ, ის შევიდა ქართლში, დიდებულებმა უარი განაცხადეს სპარსელების წინააღმდეგ ეომათ, რადგან შაჰის გაგზავნილი კაცები ყველგან აცხადებდნენ მშვიდობიანობას და ვერაგობით შეაგონეს ხალხს წყნარად ყოფილიყო. მეფეები გადაიხვეწნენ იმერეთში, სადაც დიად მეგობრულად მიიღეს ისინი. შაჰი ამაოდა სცდილობდა დაეთანხმებინა იმერეთის მეფე დაეთხოვა და გამოესტუმრებინა ქართლის და კახეთის მეფენი. გიორგი მეფე არას გზით არ დასთანხმდა ამაზე. ვერც შალიმანმა, ლუარსაბის შამა-მძუმემ, დაითანხმა ქართლის მეფე თავის ნებით გამოცხადებულიყო შაჰთანა. ბოლოს შაჰ-აბაზმა გაჰგზავნა თავისი კარის კაცი, ადერბეიჯანის ვეზირი, სარუ-ხოჯა საჩუქრებით და ორის წერილით გიორგისთანა და ლუარსაბთან. ამ წერილებით უნდოდა ჩამოეგდო მეფეთა შორის შუღლი. სარუ-ხოჯა სამჯერ მივიდა მეფეებთან,

მაგრამ არა თუ ვერა გააწყურა, არამედ, უკანასკნელ მისვლის დროს, შეურაცხყოფა მიაყენეს და გაძარცვეს კიდევ. მას შემდეგ სარუ-ხოჯას იმერეთში აღარ გაუვლია. მაშინ ლუარსაბის დამ, შაჰის მეუღლემ, ყოველი ღონის-ძიება იხმარა და შეაგონა თავისს ძმას დაჰმორჩილებოდა და მინდობოდა შაჰს. ლუარსაბი შეშინდა, შაჰ-აბაზმა მართლა არ მისცეს ქართლი მეფე გიორგის შვილისაო, — რაზედაც, თუ ვერწმუნებით სპარსეთის მეისტორიეს, მოლაპარაკება იყო გამართული, და გარდასწყვიტა დაეტოვებინა იმერეთი. შაჰმა ცბიერობით ჩაიყვანა ლუარსაბი გორიდან ტფილისს, თუმცა ლუარსაბს განზრახვა ჰქონდა გაქცეულიყო გზაში. ერთის წლის შემდეგ, როცა შაჰი ყარაიაზს წავიდა, თან წაიყვანა ლუარსიბი და აქედამ თან იახლა ყარაბაღსა და ასტარაბაღს.

შაჰის დაბრუნების შემდეგ ქართლში 1616 წ., სხვა და-სხვა საბაბით სპარსები დღე-და-ღამ უდარაჯებდნენ მეფეს მოგზაურობის დროს, ნამეტურ მას შემდეგ, როცა მეფემ გაქცევა მოინდომა. ბოლოს აშკარად მიუყენეს დარაჯები, ვითომ და იმ მიზეზით, რომ ლუარსაბს მოჰპარეს შაჰის ნაჩუქარი აღმასებით შემკული ნივთები. ამ გვარად შაჰ-აბაზს თითქო შეპყრობილი ჰყავდა ლუარსაბი. ამასობაში ვიღაც სპარსელი განაგებდა ქართლს, როგორც შაჰის მოადგილე, და ბაგრატ VI-ს, დაუთ-ხანის ძეს, მინიჭებული ჰქონდა უფლება სიგელებისა და გუჯრების გაცემისა.

ისპაჰანს მისვლის უმაღვე შაჰმა შეიტყო თეიმურაზის შესევა კახეთში; მაშინ შაჰ აბაზმა ურჩია ლუარსაბს, მაჰმადის სარწმუნოება მიეღო; როცა ლუარსაბმა უარი განაცხადა, შაჰმა გაჰგზავნა გულაბ-ყალის ციხეში, შირაზის ახლოს; შაჰი უკმაყოფილო იყო მით, რომ აქ რუსის ელჩი ივანე კარობინი შუამდგომლობდა ლუარსაბის განთავისუფლებისათვის და უბრძანა მოეხრჩოთ იგი შვილდის ბაწრით იმ დროს, როცა ელჩი ძვეზის ქვრით თავს იქცევდა.

ეს მოჰხდა 1622 წ. — მეფე ლუარსაბს საქართველოს ეკკლესია წმ მოწამეთ ჰრაცხს. ანტონ I კათალიკოზმა წარმოსთქვა შესხმა იმის სიკვდილის შესახებ. ლუარსაბის ხსენებას ქართველთ ეკკლესია დღესასწაულობს 21 ივნისს.

ტფილისში ყოფნის დროს, ალბად 1616 წ., შაჰმა შეიტყო, რომ ლუარსაბს მოეხერხებინა სანდო კაცების შემწეობით მეფე სვიმონის ნეშტის პოვნა სტამბოლში და იქილამ გადმოსვენება მისი. შაჰმა ბრძანა, ვითომც პატივ-საცემლად მაჰადიანის ხელმწიფისა, სვიმონის ნეშტი მეშხედს წაესვენებინათ, მაგრამ ნამდვილად კი არავინ იცის, სად დაკრძალეს იგი ნეშტი მეფისა.

ლუარსაბის მოკვლის შემდეგ მისი და მიატოვა შაჰმა და მიათხოვა ფეიქარ-ხანს, კახეთის გამგებელს. ქართლის მეფედ კი დაჰნიშნა ბაგრატ VI, დაუთ-ხანისა და კახეთის მეფის ასულის ანნას ძე, რდმელიც, როგორც მაჰმადიანის სარწმუნოების მიმდევარი, არავისაგან პატივ-ცემული არ იყო. ბაგრატს დაცინვით საბარათიანოს ბატონს უწოდებდნენ, რადგან საბარათიანოში სცხოვრობდა. მეორედ გალაშქრების შემდეგ კახეთს, 1616 წ. ბოლოს, შაჰ-აბაზი ესტუმრა ტფილისში ბაგრატს, რომელსაც დიდი წყალობა მიანიჭა; აქედამ ის წავიდა სომხეთს, სადაც მიღებული იყო იქაურის ათაბაგის მელიქ მარმენეს მიერ და აქედამ გადავიდა საზაფხულო იალაღებზე სევანგის ტბის ახლოს. ბაგრატი გარდაიცვალა ბოლნისში 1619 წ. მეუღლე მისი სცხოვრობდა ხან ტფილისში, ხან სომხეთში თვისის შვილით სვიმონით, რომელსაც ქართველები ნაკლებად სცემდნენ პატივს. რაც შეეხება კახეთს, ამ სამეფოდამ გარდაასახლეს მაზანდარანში 80,000 ოჯახი და მათ ნაცვლად დაასახლეს თათართა ტომნი.

ახლო ხანებში ნუგზარ ერისთვის მემკვიდრედ დარჩენილი მისი შვილი ბაადურ გამოაგდო მისმა ძმამ, ზურაბმა. — ზურაბი თავის მეუღლითურთ წავიდა შაჰ-აბაზთან და, როცა შაჰმა და ბაგრატ მეფის ძემ სვიმონმა დაამტკიცა ერისთავად ზურაბი,

მან დაიპყრა ბაზალეთი და ბააღურ განდევნა იმერეთს; შემდეგ დაიპყრო მთიულეთი და ხევი, რომელიც აქამომდე სახასო იყო. ცოტა ხანს შემდეგ ზურაბი თავს დაესხა თავადს ჩიჯავაძეს საჩინოს, იმერეთში, ჯავრის ამოსაყრელად ბააღურის მოკვლისათვის. მან დაიჭირა და თავი მოჰკვეთა ჩიჯავაძეს. სვიმონი წავიდა სპარსეთს, ზურაბი დაედევნა უკან თავის გასამართლებლად; ზურაბი მალე გამოჰგზავნეს საქართველოში დიდ-ძალის ჯარით. მას ახლდნენ ყარჩი-ხანი და მოურავი. მათ უნდა აეკლათ კახეთი და ქართლის მკვიდრნი აეყარნათ და გადაესახლებინათ სპარსეთს. ამასთანავე შაჰმა სვიმონს უბოძა მეფის უფლება და მიათხოვა ცოლად თავისი შვილის-შვილი ჯამ-ხანუმი, ისა-ხან ყორჩიბაშის და ზუბეიდაბეგუმის ასული. ამით დამკვიდრდა საზოგადო წესიერება და მღელვარება დროებით შეწყნარდა საქართველოში.

სვიმონ II დაბინავდა ტფილისში, ანუ აღჯა-ყალაში. როგორც სპარსეთის მეისტორიე გვარწმუნებს. სპარსები წავიდნენ მუხრანს, სადაც აუარებელი რიცხვი კახელთა, ცბიერებით მიწოდებული ვითომც იმერეთში გასალაშქრებლად, მახვილით იქმნა ამოკლექილი. ახლა საქმე მიდგა ქართველების გადასახლებაზე. მოურავმა შემთხვევით შეაჩერა შაჰის შიკრიკი და, რომ შეიტყო ის განსაცდელი, რომელიც თვითონ მას და მის თანამემამულეებს მოელოდა, მოჰკლა იგი და ყოველივე აცნობა ზურაბს. ზურაბი და გიორგი სააკაძე, როგორც ვითომ სპარსების ერაგულები, მოელაპარაკნენ ყარჩი-ხანს და დაიბარეს ქართველები და მათი დიდებულნი, რომელთაც მოურავმა შეატყობინა შაჰის ზემოხსენებული განზრახვა. ყველა დასთანხმდა წინააღმდეგნ სპარსელებს, გარდა ანდუყათარ ანუ აბდულ-ყათარ ამილახვისა, რომელიც მაჰმადიანი და მეფე სვიმონის ქვისლი იყო. ამასთანავე ამ ანდუყათარის და შაჰსა ჰყავდა ჰარამხანაში. დიდებულებმა წაიყვანეს აბდულა და დაამწყვდიეს საფურცლეს, ხოლო მისი მფულღე წარგზავნეს თრუსოს ხეობას, არშის ციხეში.

მეორე დღეს ქართველნი ანაზღად დაეცნენ სპარსებს. ყარჩი-ხანი მოჰკლა თვით მოურავმა, ხოლო იმისი შვილი, იმამ-ვერდი ბეგი—მოურავის შვილმა ზურაბმა; შირვანის ბეგლარ-ბეგი უსუფ-ხანი და სხვა წარჩინებულნი გაჟლიტეს, ზოგი კი გადარჩა და უშველა თავს. ქართველებს აურაცხელი ალაფი დარჩათ. ეს მოჰხდა ნორიოს, მარტყოფის მაზრაში, 24 მარტს 1623 წ. შემდეგ ამისა ზურაბ ერისთავი დაუყოვნებლივ წავიდა კახეთს და იქიდან გამოაგდო ფეიქარ-ხანი, რომელსაც ცოლად ჰყავდა ლელა, მეფე ლუარსაბის და, შაჰ-აბაზისაგან განტყვებული, შემდეგ ლუარსაბის მოკვლისა მოურავმა აიღო ტფილისი გარდა ციხისა, რომელიც შათირ-შაჰის წინამძღოლობით არ დაჰნებდა მას,—მერე შეუერთდა ზურაბ ერისთავს და დაედევნა ფეიქარ-ხანს, მაგრამ ვეღარ დაეწია. მათ დაარბიეს განჯა და ყარაბაღი და დაბრუნდნენ დიდის ნადავლით. თეიმურაზმა, მათ მიერ მოწოდებულმა კახეთში, მიათხოვა ზურაბს თავისი ასული დარეჯანი. ხოლო ქართლის გამგებლად იყო დაყენებული ქაიხოსრო, ვახტანგ მუხრან-ბატონის ძე, მაგრამ არაფერს არ აკეთებდა ამ ორ დიდებულთა დაუკითხავათ, რომელთაც უკვე ჰქონდათ მოლაპარაკება ოსმალებთან და ყოველს ღონეს ჰხმარობდნენ, რომ ტფილისის ციხე აეღოთ.

როგორც-კი გაიგო შაჰ-აბაზმა ქართლის აჯანყება და კახეთში მოჰხდარი ცვლილება, გააგდებინა თავი მოურავის შვილს პაატას, ხოლო ცოლი ზურაბისა დააყენა მოახლედ თავისს ჰარამხანაში; ამას გარდა მან გაჰგზავნა ქართლში ურიცხვი ჯარით ისა-ხან ყორჩიბაში. ის დაბინაკდა მდინარე ალგეთის ნაპირად იმ ადგილას, რომელსაც ინკანდერ-მუნჯი გუმიშლუს უწოდებს. ყორჩიბაშს ახლდნენ ერეენის ემირი გუნა-ხანი, ადერბეიჯანის ბეგლარ-ბეგი შაჰ-ბენდე-ხანი. ქართლები იდგნენ კოჯორს მანუჩარ ათაბაგის მაშველის ჯარით და კახელებით. სარდლის ბარათ ბარათაშვილის განკარგულებით ივნისის დამდეგს 1624 წ. დაეცნენ დილით.

მტერს და სავსებით დაამარცხეს. ემირ გუნამ მოუსწრო ომს და, როცა მიჰხვდა სპარსების დამარცხებას, სწრაფად შემოუტია მარაბდის სერიდამ ქართველებს, რომელნიც, - სიცხისაგან დაქანცულნი, - მალე განბნეულ იქმნენ. კახელებმა რომ გაიგეს თეიმურაზ მუხრან-ბატონის სიკვდილი, აიშალნენ და გაიქცნენ. სპარსნი შემობრუნდნენ, განაგრძეს ომი და იძულებულნი ქართველები უკუქცეულიყვნენ. თუმცა ამ ომში სპარსნი ქართველებზე მეტნი დაიხოცნენ, ისა-ხანმა მაინც გაათავისუფლა ტფილისი გარშემორტყმულ ჯარისაგან და ჩააყენა შიგ მეციხოვნენი, რომელნიც კუმისის ტბის არე-მარეს მკვიდრთა ძარცვავდნენ. მოურავმა ერთი მუქა ჯარით დაჰხოცა ამ მეციხოვნეთა შორის 700 კაცი; ხოლო მეორე შეგვედრის დროს ბირთვისთან საბარათიანოს ჯარის დაუხმარებლად მანვე დაჰხოცა 500 სპარსელი.

ზურაბ ერისთავთან შეთანხმებით ისა-ხანმა გაჰგზავნა არშის ციხეში ანდუყაფარის ცოლის მოსაყვანად როსტომ-მირზა, დაუთ-ხანის უკანონო შვილი. ეს როსტომი ისპაანში დიდხანს სცხოვრობდა და თითქმის არავინ არ იცნობდა; პირველად მოურავის შემწეობით გაიცნეს; მალე ისპაანის მოურაობა უბოძეს; მეფე ლუარსაბის ჯიბრზედ შაჰს დიდათ პატივ-ცემული ჰყავდა. სპარსები შაჰ ბენდე-ხანის წინამძღოლობით შევიდნენ დუშეთს და არშის ციხეში, საიდანაც წამოიყვანეს ბატონის ასული და ლომისას მთით მდინარე ქსანზე სამხრეთისკენ ჩიმოვიდნენ.

აქ მათ დაუხვდა მოურავი, რომელმაც ისინი ძლიერ დაამარცხა. სხვათა შორის, მოჰკლეს, თუ ტყვეთ წაიყვანეს, ადერბეიჯანის შაჰ ბენდე-ხანი და ერევნის ყაზახ-ხანი. მიუხედავად ამისა, როსტომის ვაჟ-კაცობამ სძლია მოურავს, რომელიც იძულებული იყო დაეტოვებინა ქართლი და წასულიყო სამცხეს, სადაც მასთან მივიდა მისი მეუღლე. ეს მოჰხდა 1626 წ. სპარსები უკან გამოუდგნენ და აიღეს ხერთვისი და რაძდენიმე ციხე. მაგრამ ისინი გამოდევნილ იქმნენ

იქიდან მოურავის მიერ, რომელმაც მიჰმართა სულთანის მთავრობას და გარდასცა ოსმალებს მის მიერ დაპყრობილი ქალაქები. შემდეგ მოურავი გადავიდა იმერეთის მეფესთან და დადიანთან და იქიდან დაბრუნდა სამცხეს. ისა-ხანმა მეფე სვიმონი დასტოვა ტფილისში, ხოლო როსტომ-მირზა დაჯილდოვებულ იქმნა ყულარ-ალის⁹⁾ ღირსებით.

ამასობაში ანდრეაფარ ამილახვარმა იასე ქსნის ერისთავის დახმარებით დაიპყრო თავადის ლაზნელის მამული, გადაარცვა მცხეთის ტაძარი და მწარე სიკვდილით მოკვდა ტფილისში, ნარიყალის კლდის ნაპრალიდამ გადავარდნილი. მოურავი დაბრუნდა ქართლში და სვიმონ მეფის ჯიბრზედ ქართლის გამგეთ დააყენა ქაიხოსრო მუხრან-ბატონი. მანვე დაიპყრო დვალნი, რომელთაც უარი სთქვეს ხარჯის გადახდაზე, დასაჯა სომხეთის ათაბაგი, სპარსელების მომხრე, და აიღო ბირთვისი, სადაც ქაიხოსრო ბარათაშვილს ჩაყენებული ჰყავდა ხუთასი სპარსელი მეციხოვნე. ეს მეციხოვნენი ყველანი ამოსწყვიტა. აგრეთვე დაამარცხა ქველი წერეთელი, რომელიც თავს დაესხა მას და აუოხრა მამული.

ამას შემდეგ ზურაბ არაგვის ერისთავი აეშალა ქართლის გამგეს ქაიხოსროს და მოურავს. ის არამც თუ ცდილობდა ხელში ჩაეგდო უზენაესი უფლება, არამედ სურდა ფული მოეჭრევინებინა თავის სახელზე. მან მიიწვია თეიმურაზ კახთბატონი და მოიწადინა იმის გამეფება ქართლში. მოურავი ჯარით სამცხიდან და იმერეთიდან მოვიდა დუშეთს. ფიცხელი ომი გაიმართა ბაზალეთს, სადაც მოურავი დამარცხდა. მოურავი წავიდა სამცხეს და თან წაიყვანა ქაიხოსრო 1626 წ. იქიდან შეუერთდა ოსმალებს არზრუმში და წავიდა სტამბოლის, სადაც ხელ-ახლავ გამაჰმადიანდა მუჰამედ-ბეგის სახელით.

⁹⁾ მონათ უხუცესი: ამის ხელისა იყო ყოველი მეფის როქის (ჯამაგირით დაქირავებული) სპანი, თვინიერ ციხე-ქალაქთა (ეხტ.), მოლაშქრეთ მთავარი, (ს. ო. ლექსიკონი, დასტურლამალი მეფის ვახტანგ მეექვსისა, გვ. 188.

ამ დროს თეიმურაზმა მოლაპარაკება დაუწყო დაუთხანს, რომელიც ტფილისის ბეგლარ-ბეგად იყო დანიშნული—და შეურიგდა სპარსელებს. მოურავმა და იმის მხლებლებმა (ქართ-ველეებმა) გასაოცარი ვაჟ-კაციბა გამოიჩინეს ოსმალების რაზმებში; მაგრამ დიდმა ვეზირმა შეიძულა ეს კაცი; არ ვიცით ნამდვილად, ეს სიძულვილი ჩამოაგდო იმისმა ცოლმა, რომელიც სულთანის და იყო და რომელიც შერთო ისმენდა ქართველ მხედრის დიდებასა და ქებას, თუ თითონ დიდი ვეზირი გაჯავრებული იყო ზოგიერთ ქართველების ურიგო ყოფა-ქცევით. მან უბრძანა თავი მოეკვეთათ, როგორც მოურავისათვის, აგრეთვე მის შვილებისა და 40 ქართველისათვის კონიაში, ივნისის დამდეგს 1629 წ. სამაგიეროდ ბაღდადის ომის შემდეგ სულთანმა მოაკვლევინა დიდი ვეზირი ხოსრო-ფაშა¹⁰). ამ გვარად მოკვდა გიორგი სააკაძე, ორჯელ ღალატის მტვირთველი, სჯულის უარის მყოფელი და სამშობლოს დამღუპველი. ის იყო იშვიათი ვაჟ-კაცი და საოცარის ნიჭით შემკული¹¹). თეიმურაზმა გამოაცხადა თავისი თავი ქართლის მეფედ და მუხრანის მახრა აჩუქა თავის შვილს დავითს.

შაჰ-აბაზი გარდაიცვალა 1629 წ. დამდეგს. რადგან მან მოაკვლევინა თუ თვალები დასთხარა ყველა თავის შვილებს, მისი შვილის-შვილი ისმაილი, რომელიც მისი უფროსის შვილის სეფ-მირზას ძე იყო, — აღიარებულ იქმნა შაჰად

¹⁰) ქართლის ცხოვრებით, ვეზირ-აზამ, ნაწ. II, გვ. 44.

¹¹) გიორგი სააკაძეს ცხოვრებას ბ-ნმა ან ფურცელადემ უძღვნა მთელი მონოგრაფია, რომელიც, სამწუხაროდ, უფრო ისტორიულ რომანსა ჰგავს... ავტორი გაუტაცნია ამ ჩვენის ალკივიადეს მოღვაწეობას და ერთობ იდეალურ მომქმედად, გმირად გვიხატავს დიდს მოურავს. ბ-ნ ან. ფურცელადის წარმოდგენით, გ. სააკაძე საქართველოს შეერთების იდეით იყო გამსჭვალული, მაშინ როდესაც მის მოქმედებიდან ეს არა სჩანს და ყველა მაშინდელი მწერალნი ერთხმად აღიარებენ, რომ თუმცა სააკაძე ნიჭით და მხნეობით შესანიშნავი კაცი იყო, მაგრამ მუხანათი, გამცემი, მოღალატე, რენეგატი იყოველ. მის სახელს ზიზღით იხსენიებს ისტორია...

სეფის სახელით. იმის გამეფება მოჰხდა ქართველის ხოსრო მირზას წინ-დახედულ განკარგულებით, რითაც ამ ხოსრო მირზამ დიდი გავლენა და სიმდიდრე შეიძინა. ცოტა ხანს შემდეგ ზურაბ ერისთავი აეშალა თავის სიმამრს, თეიმურაზს. მან მეფედ აღიარა სვიმონი, რომელსაც მთელი ქართლი დაუმორჩილა. ამას შემდეგ თეიმურაზი შაჰთან წავიდა საჩიველლად და გზიდან წერილი მისწერა ზურაბს, რომლითაც შეურაცხყოფას აყენებდა. მაშინ ზურაბმა თავისის უფლების გაძლიერებისათვის მოჰკლა სვიმონი ცხვილოში. თეიმურაზმა გაუგზავნა იმისი თავი შაჰს და შეიქმნა ორის სამეფოს მეფედ 1638 წ. თეიმურაზ I-ით კახეთის დინასტია გამეფდა ქართლში და თან და თან განდევნა ქართლის მეფის გვარის ჩამომავალი. თეიმურაზმა გაილაშქრა წუკეთის სულთანზე, დაღესტნის მთებში და იქ ხელი მოიტეხა; შემდეგ თავის ჯარის წინამძღოლობა ჩააბარა ზურაბს, რომელმაც მოჰკლა სულთანი და დაიპყრა ეს მხარე. შემდეგ ამისა თეიმურაზს ექვი შეუვიდა, ვაი თუ გაძლიერებულმა ზურაბმა განიზრახოს ქართლში გაბატონებაო და, ვათომც მისგან მოკლულ სვიმონ მეფის ჯავრის ამოსაყრელად, ზურაბი მოჰკლა და იმისი თავი შაჰს გაუგზავნა. თეიმურაზმა თავისი ასული ქეთევანი¹²⁾ მიათხოვა ალექსანდრეს, იმერეთის მეფის ძეს. თეიმურაზი ორჯელ თავს დაესხა ულუკოსარის მხარეს და ორჯელვე დიდად გამარჯვებული დაბრუნდა ლაშქრობიდან. შემდეგ გაილაშქრა ყარაბაღს, სადაც მიიწვია განჯის ბეგლარ-ბეგმა დაუთ-ხან უნდილაძემ, რომელიც ტომით ქართველი იყო. თეიმურაზმა იქ მრავალი ყაჯარი ამოჰხოცა და ეს მხარე სულ ააოხრა. ყაენი განრისხდა, როგორც ყარაბაღის აკლებასზე, აგრეთვე უფრო იმაზე, რომ თეიმურაზმა გადაასახლა კახეთში დაუთ-ხანი, რომელიც შემწევობას აძლევდა ამ ლაშქრობაში. შაჰმა გამოჰგზავნა ქართლში 1672 წ. ხოსრო-მირზა და, როს-

¹²⁾ ვახუშტით, დარეჯანი, რომელიც უწინ თეიმურაზმა ზურაბს მიათხოვა.

ტომ-ხანის სახელით, ქართლის მეფედ აღიარა. ერთი გუჯარი ყოველ ექვს გარეშე აღნიშნავს ზემოხსენებულ წელს, როდესაც მრავალ დიდ ბულოთ თან ხლებით როსტომი ქართლში შემოვიდა ყაენმა კახეთი სელიმ-ხანს მისცა. მუხრან-ბატონი და ბარათაშვილები მიემხრნენ ახალ მეფეს; თეიმურაზმა ველარ შესძლო შებრძოლება და იმერეთს გარდაიხვეწა.

გამეტდებ თუ არა როსტომ-ხანი, გადააკეთა გორისა და სურამის ციხეები და შიგ სპარსელნი მეციხოვნენი ჩააყენა. მაშინ ის 67 წლის მოხუცი იყო, მაჰმადიანი, ცბიერი, ძლიერ მდიდარი და დიდად პატივცემული შაჰის მიერ, რომელმაც ყველა მეზობელ ხანებს უბრძანა მისთვის დახმარება აღმოეჩინათ. როსტომ-ხანის დროს თან და თან დაბრუნდნენ შინ სპარსეთში ტყვეთ წაყვანილი ქართველნი, რომელნიც მისდევდნენ სპარსთა ზნე-ჩვეულებას და განცხრომით სცხოვრობდნენ. მათ შემოიღეს იმნაირი ცვლილება, რომელიც ქართველებს სასიკეთოდ არ გამოადგათ: სპარსული ტანთ-საცმელი, ზნე-ჩვეულება; თანამდებობის სახელ-წოდებანი შეიცვალა სპარსულ წეს-წყობილების მიხედვით. ქრისტეანობა მხოლოდ დაბალმა ხალხმა დაიცვა. როდესაც 1633 წ. სულთანმა მურად IV გაილაშქრა ერევანზე, სპარსებმა სიფრთხილისათვის დაიჭირეს საათაბაგოს სამხრეთი ნაწილი და ახალ-ციხე. ამასთანავე სელიმ-ხანის ადგილზე კახეთში ხანათ მამუი-ბეგი დააყენეს და გორში მეციხოვნეთა ჯარი შეიყვანეს. როდესაც თეიმურაზი დარწმუნდა, რომ მისი საქმე ირღვეოდა, დასთანხმდა, ნიშნად მორჩილებისა, ყაენისათვის მიეთხოვებინა თავისი ასული თინათინი, რომელსაც თან გაჰყვნენ სპარსეთში დიდებულის შაჰ-ყული ხანის მეუღლე და ლევან დადიანის ელჩი, მოინაბეგი. ამის სანუქტოდ შაჰმა დაუბრუნა თეიმურაზს კახეთი. შემდეგში შაჰმა სიმთვრალეში სასიკვდილოდ დასჭრა ბატონის ასული; მოგზაური ტავერნიერი გვარწმუნებს, რომ შაჰმა იმდენად შეინანა ეს თავისი საზიზღარი მოქმედება, რომ რამდენსამე ხანს აღარ დაუღლევია ღვინო და არაყიო.

როსტომმა შეირთო ქეთევან აბაშიძის ქალი, რომელსაც სახელად უწოდა გულ-დუხტარი. ანჩის ხატისა და სიონის ეკლესიას შუა აიშენა სასახლე, შემოავლო კედელი ხიდის ყურიდამ ნარან-ყალამდე და მით გაჰყო ქალაქი და ციხე. მან შემოავლო მეტეხის ციხეს გალავანი და იქ ჩააყენა სპარსნი. როდესაც როსტომმა შეიტყო, რომ დათუნა, არაგვის ერისთავი, აღარ შემორჩილებოა, ბრძანა იმისთვის თავი მოეკვეთათ 1635 წ. და ამით შიშის ზარი დასცა ყველა ურჩებს: იოთამ ამილახვარს, ფარსადან ციციშვილს, იასე ერისთავსა და სხვებსა.

ერისთავმა ზაალმა, დათუნას ძმამ, მიიწვია თეიმურაზი ქართლის მეფედ, მაგრამ ამ დროს განმავლობაში ზავი ჩამოვარდა შაჰსა და ოსმალოს სულთანს შორის და ქართლი სპარსეთს დარჩა. როდესაც როსტომმა ძალ-ღონე შემოიკრიბა და ტახტზედ დამტკიცდრდა, დასაჯა ბარათაშვილები სპარსელების დამარცხებისათვის ბირთვისში 1625 წ. ¹⁾, ხოლო თეიმურაზმა სამ წელს ყოფნის დროს დუშეთში ვერ მოახერხა წინ წაწეულიყო და ქართლში შესულიყო. პირველის მეუღლის სიკვდილს შემდეგ როსტომმა ითხოვა ცოლად მარიამი, ლევან დადიანის და. ამ ლევანს დიდი დამოკიდებულება და კავშირი ჰქონდა სპარსეთის მთავრობასთან და მუდამ წელს შაჰისაგან პენსიას იღებდა. ლევანი დასთანხმდა, ჯარით გადმოვლო იმერეთი და გადმოიყვანა თავისი და ²⁾. იმერეთის მეფე გიორგი გზაზე ჩაესაფრა ჯარით, მაგრამ თავათვე დატყვევებულ იქმნა დადიანის მიერ; ხოლო როსტომმა დიდის ამბით გარდაიხადა ტფილისში ქორწილი. ჩვენს დრომდე

1) დიდის მოურავის დროს როსტომმა ბრძანა, ქაიხოსრო ბარათაშვილი გადმოეგდოთ განჯის კარისაკენ ციხის მაღალის ადგილიდან. ვახ. ქ. ც., II. ნაწ., გვ. 47.

2) საათაბაგოში, როსტომი კაკას ხიდზე დაჰხვდა საცოლოს ზეკარის ხეობაში.

მოდწეული დედოფლის მარიამის მზითვის სია გვიჩვენებს, რომ მაშინდელი დადიანები მდიდარნი ყოფილან. ვახუშტი მოგვითხრობს ამ ამბავს შემდეგ 1636 წ. და აღგვიწერს როსტომის დაქორწინებას 1638 წ., მაგრამ ზოგიერთს გუჯრებში, რომელიც ამ შემთხვევის გამო იყო გაცემული 1635 წ., მოყვანილია მარიამ დედოფლის სახელი; ხოლო ერთ გუჯარში 1632 წ. მეფე აღიარებს, რომ როგორც კი ქართლში შემოვედი, მაშინვე ვითხოვე მარიამიო.

მარიამმა არამც თუ არ უარ-ჰყო ქრისტეს სჯული, არამედ ძალიან ღვთის მოსავი ქალი იყო; როსტომ მეფე, რომ უფრო შევაყვარო ცოლს თავიო, მოინათლა. მიუხედავად ამისა მან მიიღო შაჰისაგან დაქორწინების დროს დიდი საჩუქარი ფულად. მესტორიე ფარსადან გორგიჯანის-ძე ამბობს, რომ აღბად ამ შემთხვევის წინად ზოგიერთმა ქართლის დიდებულმა განიზრახა შეეგონებინათ როსტომისათვის, შვილად აეყვანა და თავის მემკვიდრეთ გამოეცხადებინა იმერეთის ბატონი-შვილი მამუკა, მაგრამ რაღაც გარემოებისა გამო ეს განზრახვა აღარ შესრულდა. ამას შემდეგ ნოდარ ციციშვილმა და სხვა დიდებულებმა და აგრეღვე კათალიკოსმა ევდემონ დიასაძიძემ მოიწვიეს მეფედ თეიმურაზი, რომელმაც, მესტორიე ისკანდერ მუნჯის ჩვენებით, ღუშეთში ყოფნის დროს განიზრახა როსტომის მოკლა. როსტომმა შეჰკრიბა ჯარი ქართლში და მეზობელ სახანოებში, დაამარცხა მტერი ხოვლეს და დაიჭირა გორისა და ძოვრის ციხეები. კათალიკოსი შეიპყრეს. ნოდარის ციხე რუსთავში დანგრეულ იქმნა. კახეთი დაიჭირა ადამ-სულთანმა, როსტომის ძიძის შვილმა. შემდეგ როსტომთან შებრძოლებას ველარავინ ჰბედავდა; თეიმურაზმა ძლივს უშველა თავს³⁾; კათალიკოსი მალალ კოშკიდან ხევში გადააგდეს; გიორგი გოჩაშვილს თვალები დასთ-

³⁾ კახეთში გაიქცა.

ზარეს და დანარჩენებს სხვა-და-სხვა სასჯელი გადაუწყვიტეს. მარტო ნოდარი შეიწყნარეს იმის დედის ვედრებით, რომელიც კახეთის მეფის შთამომავალი იყო. როსტომ მეფის უფლება თანდათან გაძლიერდა. მან კათალიკოსად დაპნიშნა ქრისტე-ფორე ურდუბეგაშვილი, რომელმაც შეარიგა როსტომი და თეიმურაზი. როსტომმა რამდენიმე სოფელი დაუომო თეიმურაზს, მაგრამ ამ ზავმა დიდ-ხანს ვერ გასტანა; რამდენსამეხნის შემდეგ ომი ხელ-ახლად ასტყდა: 1644 წ. მაღაროში მოჰხდა ბრძოლა ამ ორ ხელმწიფეს შორის. როსტომი დამარცხდა, მაგრამ ქართველებმა არ მიატოვეს იგი: როსტომს მუდამ ეწეოდა ყენი, რომელსაც ეს მეფე უგზავნიდა თავის მოწინააღმდეგეთა და აგრედვე დიდებულების ვაჟებსა და ქალებს. გაგზავნილი ყმაწვილები იქ ეჩვეოდნენ განცხრომით და დიდ-კაცურად ცხოვრებას და ითვისებდნენ მუსულმანთ გარყვნილ ზნე-ჩვეულებას⁴⁾.

შემდეგ შაჰ-სეფის გარდაცვალებისა 1642 წ., სპარსეთის ტახტზედ ავიდა ძე მისი, შაჰ-აბაზ II. როსტომმა განიზრახა ხელ-ახლად თავ-დასხმოდა კახეთს დასასჯელად თეიმურაზისა, რომელმაც პირობა დაარღვია. როსტომმა გაჰგზავნა ვახტანგ მუხრან-პატონი თიანეთს, სადაც დაბა უღლისში შეებრძოლნენ მას კახელები, რომელთ მხედართ-მთავარი რევაზ ჩოლოყაშვილი სასიკვდილოდ დაიჭრა, ხოლო კახელები გაიქცნენ. შემდეგ ამისა სპარსელები ჯემალ-ხანის წინამძღოლობით შეებრძოლნენ კახელებს მაღაროში, სადაც 1648 წ. მოჰკლეს დათუნა, თეიმურაზის შვილი. მაშინ დედოფალ ხორეშანის, მეფე თეიმურაზის მეუღლის, თხოვნით, როსტომი დასთანხმდა

⁴⁾ იანვარში 1645 თუ 1646 წ. დედოფალს მარიამს მოუკვდა თავისი ვაჟი ოტია, რომელიც ჰყავდა პირველ ქმრის სვიმონ გურიელის ხელში. მარიამმა დამარხა იგი მცხეთის ეკლესიაში. ოტიას სიკვდილის წელს ერთი გუჯარი აღნიშნავს 1645 წ., ხოლო მისის საფლავის ქვის წარწერა—1646 წ. ავტ.

და იმერეთში გაისტუმრა ისინი ბარგით, თითონ კი დაიკავა კახეთი და ბატონიშვილის დათუნას თავი გაუგზავნა შაჰს. ამ გამარჯვებისათვის შაჰმა, რომელიც მაშინ მიდიოდა ყანდა-არს, როსტომს უბოძა დიდი საჩუქრები, რადგან როსტომი უძეო იყო, მან იშვილა, არ ვიცით კი ნამდვილად რომელი წელს, ისპაჰანს მცხოვრები მეფე სვიმონ I-ს შვილი-შვილთუ შვილი-შვილის ძე⁵⁾ ლუარსაბი. ის იყო შთამომავალი სვიმონისა და თამარისა, როსტომის დისწულისა, რომელიც სვიმონმა შეირთო 1640 წ. ეს ბატონიშვილი მოკლულ იქმნა ყარახისში ნადირობის დროს 1652 თუ 1653 წ., არ ვიცით კი ვისგან. შიოშ ბარათაშვილი ამ მკვლელობას აბრალებდა ბაადურ თუმანიშვილს, მაგრამ ხრმლით გასამართლებაში ბარათაშვილი დამარცხებულ იქმნა თუმანიშვილისაგან; ამ გვარად სიმართლე ვეღარ გამოაშკარავდა. როსტომს სურდა შვილად აეყვანა ყაზმინის მოურავი ვახტანგ ხოსრო-მირზა, ძმა ლუარსაბისა, მაგრამ რადგანაც იმისმა დედამ უარი განაცხადა და ამ დროს თვით ვახტანგიც გარდაიცვალა, როსტომმა დაჰნიშნა თვის მემკვიდრეთ ვახტანგ მუხრან-ბატონი, — იგივე ბახუტ-ბეგი, — რომელიც წავიდა სპარსეთს, გამაჰმადიანდა და დამტკიცებულ იქმნა ქართლის ტახტის მემკვიდრეთ. ამ ხანებში მეფემ დაჰნიშნა თავის მოადგილეთ, ისპაჰანის მოურავად, ფარსადან გორგიჯანიძე, რომელიც გამაჰმადიანდა. ეს გორგიჯანიძე იყო ავტორი საქართველოს შესამჩნევ ისტორიისა და მთარგმნელი მუსულმანურის კანონმდებლობისა, ესრეთ წოდებულ ჯამი-აბაჯისა. თუმცა მეფე როსტომი მაჰმადის სჯულის აღმსარებელი იყო, მაგრამ მრავალ მისის გუჯრებიდან სჩანს, რომ პატივს სცემდა ქრისტეს სარწმუნოებას. უნდა დავსძინოთ აგრედვე, რომ მის სამეფო ბეჭედზე ჯვარი იყო გამოხატული. როდესაც 1656 წ. მცხეთის

⁵⁾ ვახუშტით ლუარსაბი იყო ძე სვიმონ I, ვახტანგის ძმისა. ქტ., II ნ., გვ. 49.

ტაძრის გუმბათი ჩამოიქცა, მან თავის საკუთარს ხარჯით აღადგინა იგი. ამ გვარადვე გააკეთა კახეთში ალავერდის ტაძრის გუმბათი, რომელიც თეიმურაზის მეფობის დროს ჩამოინგრა. მისმა მეუღლემ, კეთილ-მორწმუნე დედოფალმა მარიამმა, განაახლა მრავალი ტაძარი, დაქცეული ზოგი დროთა ვითარებისა, ზოგი მიწის ძვრის გამო და ზოგი კაცთა ხელით. შემდეგ ლევან დადიანის გარდაცვალებისა 1657 წ., როსტომი შეეწია ჯარით იმის ძმის წულს ლიპარიტს, როცა ეს უკანასკნელი შეებრძოლა ვამიყს, რომელიც იმერეთის მეფე ალექსანდრემ დადიანათ დასვა სამეგრელოში. ლიპარიტი, მიუხედავად იმისა, რომ მას შეუერთდა ქართლის ჯარი, ბახუტა ზეგის და ზაალ ერისთავის სარდლობით, დამარცხებულ იქმნა ბანძას და გაიქცა სტამბოლს, სადაც მალე გარდაიცვალა. თვითონ როსტომი სიბერისა გამო დაუძლურდა და გარდაიცვალა დეკემბერში 1658 წ. ვახტანგ მუხრან-ბატონი შეიქმნა იმის მემკვიდრეთ და ტახტზე ასვლის დროს მიიღო სახელი შაჰ-ნავაზ I-ისა. შაჰის ბრძანებით შეირთო მან ცოლათ მოხუცებული დედოფალი მარიამი და მიიღო შაჰისაგან ძვირფასი საჩუქარი და აღმასებით შემკული ნიშნები სამეფო უფლებისა. ზაალ ერისთავი, რომელსაც არ უყვარდა ვახტანგი, განშორდა მას და წავიდა ღუშეთს. შაჰ-ნავაზ I, იგივე ვახტანგ V, სამეფო სიით იყო პირველი ქართლის მეფე მუხრან-ბატონის შვილების დინასტიიდან და ავიდა ტახტზედ თებერვალში 1659 წ. ჩვენამდე დაცულია ერთი გუჯარი, დაწერილი 1658 წ., პირველ წელს იმის მეფობისას. ის უნდა იყოს ხელ მოწერილი მაშინ, როდესაც შაჰ-ნავაზი მემკვიდრეთ იყო როსტომ მჭფის სიცოცხლეში, თუმცა მიუხედავად ამისა, ის უკვე იწოდება მეფედ.

ყაენმა უბრძანა სეფი-ყული სულთანს, ქართლში წადი ღ შეარიგე შაჰ-ნავაზი და ზაალიო; თუ ვინიცობაა ზაალი წინააღმდეგი გახდეს, აქ წამოიყვანე, სპარსეთშიო. ზაალი მართლაც არ დასთანხმდა და ამიტომ სეფი-ყულმა თან წაიყვანა

ღ შაჰს წარუდგინა; შაჰი კეთილად მიეგება ღ სანადიროდ წაიყვანა მაზანდარანს; იქ ზაალიცა ღ მისნი თანამხლებელნი ქართველნიც გაამაჰმადიანა. ამავე დროს შაჰმა დააბრუნა სამეგრელოში შაჰ-მაჟდ დაუნი, ე. ი. შამან-დავლე, გარდაცვალებულ დადიანის ძმის წული, რომელიც სპარსეთში მივიდა შაჰის პატივისცემლად. შამან-დავლე თავის ბიძის სიკვდილს შემდეგ ქართლში იმყოფებოდა და ყაენმაც მოწყალებით შეიწყნარა.

მალე იმერეთის მეფე ალექსანდრეც გარდაიცვალა. იმერლებმა შაჰ-ნავაზი მეფედ მიიწოდეს. შაჰ-ნავაზი ფცის წყალის ნაპირს რომ მიადგა, იძულებული შეიქმნა უკანვე დაბრუნებულიყო თავის საკუთარის სამეფოს დასაცველად ზაალ ერისთავისაგან. ზაალმა სპარსეთიდან დაბრუნების უმაღ იწყო ქართლის აჯანყება. შაჰის ბრძანებით ზაალი მოჰკლეს იმისმა გადამტყრებულმა ძმისწულებმა 9 მაისს 1660 წ. იმის მემკვიდრეთ შეიქმნა ოთარი. მკვლელებმა ვერ გაიხარეს. არც ერთი იმათგანი თავის სიკვდილით არ მომკვდარა: პაპუა მოკლულ იქმნა ომში შაჰ-ნავაზის მიერ, ოთარი და ედიშერი, არ ვიცით ვისგან, — მოწამლვით დაიხოცნენ. რადგან ზაალმა ამოჰხოცა კახეთში უმეტესი ნაწილი თათრების ელთა, შაჰ-ნავაზი შეიქმნა ორსავე სამეფოს წამდვილ მეფედ და ამასთან დიდი ზედ-გავლენა ჰქონდა იმერეთშიც. შაჰ-ნავაზმა ამავე წელს (1660 წ.) კათალიკოზ ქრისტეფორეს სიკვდილს შემდეგ დაჰნიშნა კათალიკოზად თვისი ბიძაშვილი დომენტი; თავისი ასული ანუკა ცოლათ შაჰს მიათხოვა.

ქართლის მეფემ კავშირი შეჰკრა ვამეყ დადიანთან იმაზედ, რომ იმერეთი ჩვენ გავიყოთო ღ სთხოვდა, შენი ასული შეერთოთ ჩემს უმცროსს შვილს არჩილსაო; ვამეყ ჯერ დასთანხმდა, ხოლო შემდეგ თავის ცოლს ელენეს აჰყვა და დაარღვია თავისი დაპირება. თვისი ასული მიათხოვა ბეჟან ლოლაბერიძეს, რომელიც მალე იმერლებმა მოჰკლეს ⁶⁾. შაჰ-ნავაზ სწრა-

⁶⁾ ვახუშტით, „შეჩენითა მეფისა შაჰ-ნავაზისათა მოჰკლეს ლოლაბერიძე იმერთა“.

ფად შევიდა ჯარით აღის სიმაგრეში. დადიანმაც შემოიკრიბა ძალ-ლონე და დაიბანაკა საჩხერეს, მაგრამ, როდესაც შეიტყო, იმერეთის დიდებულები ქართლის მეფეს მიემხრნენო, უკან დაიწია და სამეგრელოში წავიდა. ვახტანგი დაედევნა, შეესია იმერეთს, გარს შემოადგა სკანდას, სადაც თეიმურაზი იფარავდა თავს და დაიკავა ქუთაისი და ყველა ციხეები. 1661 წ. თეიმურაზი დაჰნებდა ვახტანგს და თავის ნებით წამოვიდა ქართლში როდესაც შაჰ-ნავაზი სამეგრელოში შევიდა, აიძულა ვამეყი სვანეთში გაქცეულიყო, სადაც იგი მოკლულ იქმნა ხოსია ლასხიშვილის შეჩენილ კაცების ხელით. იქიდან გამობრუნებული ჭაქვის⁷⁾ ციხეს შემოერტყა, აიღო ციხე და წაიყვანა ტყვეთ დადიანის მეუღლე შვილებით; შემდეგ ნადავლით ქუთაისს დაბრუნდა. იქ მან, თანხმად მთელის იმერეთის ერის სურვილისა, მეფედ თავისი შვილი არჩილი გამოაცხადა, ხოლო დადიანათ — შამან-დავლე, დედოფლის მარიამის ძმისწული. შემდეგ დაბრუნდა ქართლში და თან იახლა ბაგრატი, იმერეთის მეფის ალექსანდრეს შვილი. რომელსაც დედინაცვალმა, თეიმურაზის ასულმა, თვალები დაათხრევინა ყოველივე ეს მომხდარი ამბავი რევაზმა, ზაალ ერისთვის ძმამ, და იმისმა ძმისწულმა იესემ შეატყობინეს შაჰს. როგორც-კი შაჰ-ნავაზმა ეს ლაშქრობა დაასრულა, ოსმალები უკმაყოფილონი დარჩნენ მოხსნადარ ცვლილებით იმ ქვეყანაში, რომელიც ზავის პირობით მათი ხელ-ქვეითი იყო და მოსთხოვეს სპარსეთის შაჰს, არჩილი ტახტიდამ გადააყენეო. 1663 წ. მართლაც შაჰმა გადააყენა არჩილი, დაიბარა სპარსეთში და აღუთქვა სხვა ჯილდო. თეიმურაზი უკვე გაგზავნილი იყო სპარსეთში. ამ დროს, სახელდობრ 1662 წ., ერეკლე, თეიმურაზის შვილის შვილი, რომელიც წინად ზაალ ერისთავმა მიიწვია. თუშეთში იყო და კახეთს დაეცა. შაჰის ნება-დართვით, ქართლის მეფე წავიდა ჯარით იქ და მეზობელ ხანების

⁷⁾ ლეჩხუმში.

შემწეობით დაიპყრა კახეთი. ერეკლე თავის დედით, ელენე დიასამიძის ქალით, მთებში შეიხიზნა. 1662 წ. არჩილი გამაჰმადიანდა და შაჰ-ნაზარ-ხანი იწოდა სახელად. შაჰმა უბოძა კახეთის მეფობა და გამოისტუმრა მაზანდერანიდან. შაჰ-ნაზარ-ხანი თავის მამას შეხვდა კახეთში. ერეკლე დაეცა მამა-შვალს აწყვერში, მაგრამ დიდად დამარცხდა. ამის შემდეგ მან მოსპოა თავისი წინააღმდეგოვა.

არაგვის ერისთავი ოთარი, ერწოსა და თიანეთის მელობელი, ბატონიშვილ ერეკლეს ექომაგებოდა. ამას გარდა ვინმე იორამ გოჩაშვილის ცდილობდა გამეფებულიყო. შაჰ-ნავაზმა პირველი მათგანი შეიპყრა და სპარსეთში გაჰგზავნა, მეორეს თვალები დასთხარა. შაჰ-ნავაზი ჯარით შევიდა დუშეთს, დაიმორჩილა ყველა ერისთვის გვარის წევრნი და შეიწყნარა ისინი მხოლოდ მაშინ, როდესაც თავმდაბლად *) პატივება მოსთხოვეს. ოთარისა და იმის ძმების სიკვდილს შემდეგ⁶ ერისთავად მათი ბიძა რევაზი დააყენა; ამ სახით მთელი ქართლი და იმისი დასამხარი ქვეყნები ამ მეფის უფლებასა და ზედ-გავლენის ქვეშ იყო. ის თუმცა მაჰმადიანი იყო, მაგრამ ქრისტიანობის წარმატებისათვის თავის სამეფოში მცირედ არა ზრუნავდა და კათალიკოზის დომენტის დახმარებით აღადგინა ხალხში სარწმუნოებრივის წეს-რიგის აღსრულება *). შაჰ-აბაზ II 1667 წ. გარდააცვალა; იმის მემკვიდრეთ შეიქმნა მისი შვილი სულეიმანი. მან მიათხოვა ანუკა შაჰ-ნავაზის ასული, რომელიც მისის მამის შაჰ-აბაზის ქვრივი იყო, ლორის ხანს შაჰ-ვერდის, თანხმად მათის სურვილისა. სპარსებმა გალავანი გაავლეს ტფილისის სამხრეთ ნაწილს და კარის მცველები დააყენეს. ამის მხილველმა შაჰ-ნავაზმა აიშენა სასახლე ქალაქის დაშორებულ უბანში და მით იხსნა თავი შეთქმუ

*) „შევედრნენ ისინი ზრმალ-კისერ კილულნი“, ქ. ცხ.

*) „იმან კათალიკოზით დომენტით კვალად შემოიყვანა აღსარებად და ზიარებად“, ქ. ცხ.

ლთავან. ამ დროს მან თავისი შვილები დააქორწინა: არჩილს უთხოვა ქეთევანი, თეიმურაზის შვილის-შვილი, გიორგის—თამარი, კახეთის მეფის ასული, ლუარსაბს—მარიამი, არაგვის ერისთვის რევაზის ასული, ლევანს—თუთა გურიელის ასული. შემდეგ ამისა გაილაშქრა ცხინვალს და აიძულა დეალები ბეგარა ძველებურად ეხადათ.

ამასობაში მეფის ოჯახში შფოთი და უთანხმოება ჩამოვარდა. ამისი მიზეზი ის იყო, რომ ბატონიშვილმა გიორგიმ მოჰკლა სპასებრი ზაზა ციციშვილი, მეფის ნათესავი, რომელმაც თავის სიამაყით შეურაცხ-ყოფა მიაყენა მეფეს და გიორგის თვალწინ ხანჯალი ჩასცა იმის მოსამსახურეს¹⁰⁾. მეორეს მხრით ბატონიშვილი ლუარსაბი, რომელსაც ცოლად თავად რევაზ არაგვის ერისთვის ასული და რაქის ერისთვის დისწული ჰყავდა, წავიდა ახალ-ციხესა იმ განზრახვით, რომ ფაშის შემწეობით იმერეთი დაეპყრო. ლუარსაბმა ვერ მოახერხა აღესრულებინა თვისი წადილი. მაგრამ იმისი ძმა არჩილი იმავე განზრახვით წავიდა ახალ-ციხეს. ეს რომ მეფემ შეიტყო, არჩილს გზაში კათალიკოზი დასწია, მაგრამ არჩილმა არ შეისმინა დარიგება არც კათალიკოზისა და არც მეფისა. გაჯავრებული შაჰ-ნავაზი წავიდა სპარსეთში და გზაში მოკვდა დაბა ხოშკარს, ყაზბინს იქით, 1675 წ. შაჰ-სულეიმანმა საჩქაროდ ქართლში შეიკრიკად აბაზ-ყული, განჯის ხანის შვილი, გაჰზავა და დაიბარა თავის სატახტო ქალაქში ბატონიშვილი გიორგი, რომელიც ქართლის გამგეთ იყო, ღ დაპნიშნა მეფედ 1678 წ.

გიორგის გამეფება დაგვიანდა იმ მიზეზის გამო, რომ ალექსანდრე, შაჰ-ნავაზის მეორე შვილიც, ეძიებდა ტახტზედ ასვლას და დაესაკუთრა თავისს მამის ყოველს სიმდიდრეს, რაც-კი სიკვდილს შემდეგ დარჩა. ამ დროს განშავლობაში

¹⁰⁾ „ქ. ცხ.“, მსმენელი ამისი დამძიმდა მეფე ფრიად, ვინაიდან იყო ნათესავი.

შაჰ-ალი-ხანი, მეფეზე გადამტერებული იშის გამო, რომ მან არ მიათხოვე ცოლად თავისი ასული ანუკა, — სცდილობდა, თუმცა-კი ამოდ, ქართლის მეფობა კახეთის ბატონიშვილს ერეკლეს რგებოდა, მაგრამ არჩილი ჯარით შემოვიდა ახალ-ციხიდან და ცბიერებით ისე მოქმედობდა, ვითომც ქართლის დასაყვარობლად მოვდივარო და მით დააჩქარებინა შაჰს ამ საქმის გადაწყვეტა გიორგის სასარგებლოდ. თუმცა მეთროიე, თანხმად მემკვიდრეობის წეს-რიგისა, გიორგის მეფობას იწყებს 1676 წ., მაგრამ ოფიციალურად, თანხმად გუჯრებისა და ნაშთებისა, იშის მეფობა ორის წლის შემდეგ უნდა დაწყებულიყო.

გიორგი XI-მ, იმავე შაჰ-ნავაზ II-მ და გურგენ-ხანმა, დომენტის გარდაცვალების შემდეგ 1675 წ., კათალიკოზათ ნიკოლოზ ამილახვარი დაჰნიშნეს ამ დროს მეფე არჩილმა. დასტოვა კახეთი და იმერეთი დაიპყრო. სპარსეთის შაჰმა მოსთხოვა გიორგის, რომ არჩილს იმერეთისათვის თავი დაენებებინა. არჩილი გადავიდა დვალეთში და იქიდან წავიდა რუსეთს. თან წაიღო სამსჯვალი მაცხოვრისა, სამოსელი და საბელი, რომლითაც აწამეს და ხელები შეუკრეს იესო ქრისტეს¹¹⁾. გიორგის მეორე ძმა ლუარსაბიც დაიბარეს სპარსეთში ამ ბატონიშვილების შევიწროება ზემოხსენებულ შაჰ-ალი-ხანის შურმა გამოიწვია. დიდებულ ციციშვილთაგანნი ყველა არ ემორჩილებოდა მეფეს; ერთი მათგანი მეფის მომხრე იყო და ამიტომ მოკლულ იქმნა ტფილისის აბანოებთან. ჩვენებ

¹¹⁾ პლ. იოსელიანი სწერს, რომ „მეფე არჩილმა 1641 წ. თან წაიღო მოსკოვის ის მიტრა მანგლელ ეპისკოპოზისა, რომელზედაც წარწერაა, რომ რუსუდან დედოფლის დროს არის ნაკეთებია და რომელშიაც დაცული იყო და ახლაც დაცულია სამსჯვალი უფლისა, კოსტანტინე დიდის შიურ ნაჩუქარი მირიან მეფისათვის (318—342). ის მიტრა დაცულია მოსკოვის მიძინების ტაძარში: „Описание древностей г. Тифлиса“, стр. 147.

მზრუნველობა და მფარველობა აღმოუჩინა იმის შვილს, ხოლო სხვა ციციშვილები კი შერისხა. არჩილის წასვლის შემდეგ, გიორგი გურიელი გამეფდა იმერეთში. ქართლის მეფეს აღარ ეგონა, თუ ოდესმე არჩილი დაბრუნდებოდა რუსეთიდან და გადასწყვიტა იმერეთის ტახტზედ დაესვა ალექსანდრე, გარდაცვლილის ბაგრატ უსინათლოს შვილი; ალექსანდრეს გამეფებაზე მან დაითანხმა ახალ-ციხის ფაშა. ალექსანდრე წავიდა იმერეთს 1682 წ. ამავე წელს გარდაიცვალა კეთილმორწმუნე დედოფალი მარიამი, ქვრივი როსტომ მეფისა და შაჰ-ნავაზისა, ხოლო შემდეგ წელს მოკვდა დედოფალი თამარიც, შაჰ-ნავაზ II მეფლზე. იმერეთის ახალმა მეფემ განდევნა იმერეთიდან გიორგი გურიელი და ცოლად სთხოვა მეფე გიორგის მისი ასული მარიამი, მაგრამ უარი უთხრეს ამაზედ. შემდეგ მან განიზრახა შერთვა ელენესი, ბატონიშვილის ლუარსაბის ასულისა; თვითონ მეფე გიორგიმ შეირთო 1681 წ. მეორე ცოლი ხორეშან, მიქელაძის ქალი, რაჭის ერისთვის პაპუნას დისწული. ამასობაში ქართლში შინაგანი შფოთი თანდათან გაძლიერდა. დიდებულნი, აჯი-ალი-ხანის მიერ წაქეზებულნი, მაჰმადის სჯულს იღებდნენ. მეფემ მოაკვლევინა იასონ არაგვის ერისთავი, რომლის მაგიერ დააყენა გიორგი ოთარის შვილი და ქამარ-ბეგი, სომხის მელიქი, რომელიც აჯი-ალი-ხანს ატყობინებდა ყველაფერს, რაც ქართლში ჰხდებოდა. მეფემ დააპატიმრა აგრეთვე ერეკლე მუხრან-ბატონი და თავადნი მაჩაბელნი. გიორგიმ დაიბარა არჩილი, რომელიც რუსეთში იმყოფებოდა და სთხოვა ხელახლავ იმერეთში გაშვებულიყო. ყაენმა რომ ეს ამბავი შეიტყო, მოსთხოვა სპარსეთში გაგზავნა მეფის ძმის ლევანისა, რომელიც შესანიშნავი იყო თავის ჭკუით და მართვა-გამგეობის ნიჭით. მეფემ იმის ნაცვლად თვისი შვილი ბაგრატ გაუგზავნა შაჰს; შაჰმა ეს იწყინა და დაბეჯითებით მოსთხოვა გაეგზავნა მისთვის ლევანიცა ეს მოჰხდა 1688 წ. ბატონი-

შვილმა ლევანმა, რომელსაც 1678 წ. მოუკვდა ცოლი თუთა, გურიეონის ასული, შერთო 1680 წ. თინათინი, ავალი-შვილის ასული. რადგან გიორგი არაგვის ერისთავი აღარ ემორჩილებოდა, მეფემ გადასწყვიტა დუშეთის დაპყრობა და წავიდა საბურთაოს და იქედამ თინს. მეფის მოწინააღმდეგეებს კახელები შეეწივნენ, მაგრამ დამარცხდნენ და მეფემ დუშეთი გადასწვა. ქსნის ერისთავი დათუნა, რომელიც მეფემ მაშველის ჯარით გამოიწვია, არამც თუ არ ერეოდა ლაშქრობაში, არამედ ხელიდამ გაუშვა გიორგი ერისთავი და იმისი ძმა ჰარძიმი, რომელნიც მცირედის ჯარით უკუიქცნენ. მეფე იძულებული შეიქმნა დაბრუნებულიყო საქმის გათავებამდე. შაჰ-სულეიმანმა, განრისხებულმა მეფის მოკმედებით, ლევანი და ბაგრატი ჰერათს გაჰგზავნა და ლუარსაბი — ქირმანს, სადაც გამაჰმადიანდა. შაჰს ავრედვე მოახსენეს მეფის გიორგის ზოგიერთი ავი საქციელი იისონ ქსნის ერისთავისა და ქამარ-ბეგის, სომხითის მელიქის შესახებ; ამას გარდა ისიც მოახსენეს შაჰს, რომ მეფე გიორგი მოურიგდა ახალ-ციხის ფაშას და გზაში დაიჭირა საჩუქრები და ტყვეები, რომელიც იმერეთის მეფემ შენ გამოგიგზავნაო. სულეიმანმა მოსთხოვა გიორგის, დაუთმე ქართლის სამეფო ერეკლეს, კახეთის მეფეს, რომელიც ისპაჰანს თოთხმეტი წელიწადი ყოფილიყო. დიდებულთა და თავის მოძღვრის ბერის ნაცვლი-შვილის შეგონებით ერეკლე გამაჰმადიანდა მთელის სახლელობით. ეს ნაამბობი ქართველ შვისტორიესი ძლიერ საეჭვოა, თუმცა ცნობილია, რომ მუსულმანნი მფლობელნი და შემჭირვებელნი საქართველოსი თხოულობდნენ ქართველ მეფეთაგან მხოლოდ გარეგნობით მაჰმადიანობას და მით კმაყოფილდებოდნენ. ამას გარდა, არ არის კარგად გამოკვლეული, რომელს წელს 1676 წ., თუ 1687 წ., გამაჰმადიანდა ერეკლე. მან დაირქვა სახელი ნაზარ-ალი ხანისა და სპარსეთის ჯარით შევიდა ქართლში. მეფე გიორგის არავინ არ შეეწია.

იგი იძულებული იყო ჯერ ცხინვალს გაქცეულიყო და მერე იქიდან — რაჭას 1688 წ. ¹²⁾.

ერეკლე, იგივე ნაზარ-ალი-ხანი, თუმცა მამაცი ზ მოწყალე კაცი იყო, მაგრამ ლოთობა და მოღონა ძლიერ უყვარდა. მან დიდი ცვლილება მოახდინა სამეფო მოხელეთა გადაყენებით და მათ მაგიერ თავის მომხრეების დაყენებით, რამდენადაც ეს შესაძლებელი იყო მაშინ, როდესაც შაჰი მუდამ ერეოდა ქართლის საქმეებში. შაჰს რომ ექვი არ აელო მის ერთგულებაზე, მეფემ ჯარი გაჰგზავნა ზრამაგას ხეობაში, ოსეთში, განსადევნლად არჩილის შვილებისა, რომელნიც იქ რუსეთიდან შემოვიდნენ. მაშინ არჩილის შვილები დიგორში გადავიდნენ. მეფემ მიანდო ლიპინ ციციშვილს ქარელში გადმოეყვანა ბატონიშვილ ლევანის სახლეულობა, რომელიც სამცხეს შერხიზნა ცოლის ნათესავებთან. მეფე ძალაუნებურად სცდილობდა ქართველების დამკვირვებას და კახელების ამიღლებას და სპარსელებს მიანება მძლავრობით ემოქმედათ ქართლში. ამ დროს მეფე გიორგი წავიდა რაჭიდან ოდიშს და იქიდან გურიიზედ გადავიდა ახალ-ციხის მაზრაში იმ განზრახვით, რომ თავს დასცემოდა ალექსანდრე იმერეთის მეფეს. მაშინ ალექსანდრე ქართლში გადავიდა, მაგრამ ხონთქარმა ყაზალი-ხანის, სპარსეთის ელჩის. შეგონებით, უბრძანა ახალ-ციხის ფაშას გიორგისა და არჩილის შეჩერება და ალექსანდრე მეფის იმერეთში დამკვიდრება. მეორეს მხრით ქართლის დიდებულებმა: აშოთან მურან-ბატონმა, გივი ამილახვარმა და ნიკოლოზ მაღალაშვილმა ურჩიეს მეფეს, რომ ოსმალები დაერბილებინა საჩუქრებით და გარეგნად მაჰმადიანობის მიღებით თათრებისგან თავი დაეხსნა. დოლენჯი ხმალაძის შემწეობით მეფე ჩამოვიდა ციხის

¹²⁾ უფრო სწორედ რომ ესთქვათ, ერეკლე I გამეფდა ქართლში უკვე 1687 წ. ეს სხვათა შორის მტკიცდება იმ გუჯრითაც, რომელიც მან გასცა თავის მეფობის პირველს წელს.

კედელზე ჩამოშვებულის თოკით და ქართლში დაბრუნდა 1691 წ. მან დასტოვა დროებით თვისი სახლეულობა ხეობაში. ერეკლე გადაიხვეწა და სამი თუ ოთხი წელიწადი მეფე გიორგი მშვიდობით მეფობდა.

მეფის შემოსვლის უმალ ყველა ქართველები შეუერთდნენ რუსისში, მან დაატყვევა და საპატიმროში ჩასვა ალექსანდრე იმერეთის მეფე: სახლეოლობა, შემდეგ ღუშეთი გარდავლო და თიანეთში მივიდა, სადაც შესაფერის პატივისცემით დაჰხვდნენ არაგვის ერისთავები: გიორგი ბ ბარძიმი. აქედან წავიდა დიდგორს და შემოიერთა სომხითელნი და ბარათაშვილები. კათალიკოზათ მან ხელახლად განაწესა ნიკოლოზ ამილახვარი, რომელიც ერეკლე-ნაზარალი-ხანმა გადააყენა. იმის მაგიერ იყო დანიშნული იოანე დიასამიძე. მეფეს ჰქონდა არჩილთან მიწერ-მოწერა ბ ჟურჩევდა ხელახლად დაეჭირა კახეთი. ამაზე კახელები თანხმანი იყვნენ, მაგრამ არჩილმა უარი განაცხადა, რადგან ემზადებოდა რუსეთში წასვლას. მიუხედავად ამისა მეფე წავიდა კახეთს იმ განზრახვით, რომ დაეჭირა ეს ქვეყანა. ამ დროს ერთ უბრალო მიზეზისა გამო ასტყდა ჩხუბი თუშთა და ბარძიმს შორის; ამ ჩხუბში ბარძიმი მოკლულ იქმნა ნინო-წმინდას ახლოს. მაშინ მეფე დაბრუნდა მცხეთას. არჩილი გადავიდა ოსეთში და იქილამ გაეშვზავრა რუსეთს 1693 წ. ნოემბერს. შამხალის შეგონებით მეფე დაიჭირა მცირე ყაზარდოს მფლობელმა ყილრიქმა. არჩილი გამოიქცა იქილამ და მივიდა ბალხარს, რომელიც მდ. მალკის სათავეში მდებარეობს.

შემდეგ ამისა თიანეთში მოჰხდა ომი ერეკლე ნაზარალი-ხანის მომხრეთა და ქართლელთა შორის. ამ ომში ქართლელნი დამარცხებულ იქმნენ. ამას შემდეგ ორნივე მეფენი შეთანხმდნენ და ზავი შეჰკრეს, რომ ერთმანეთის მამულს აღარ შეეხონ, მაგრამ ზოგიერთ ბოროტ განმზრახველთა შეგონებით ჩაიშალა ეს შეთანხმება. ერეკლემ დაიჭირა თიანეთი; გიორგიმ გამოადევნა ერეკლე არაგვის ხეობიდან და

დაიპყრა მარტყოფი. აქ კახელები დაეწივნენ ქართლელთ ჯარის წინამძღოლ ზაალ ხერხეულიძეს და სდიეს მცხეთამდე; შოვიდნენ აქ და შემოადგნენ მცხეთას 1694 წ. ერეკლე დადგა მცხეთის პირდაპირ, ჯვართან, სადაც ზარბაზნები მოუვიდა ტფილისიდან, ლ დაუწყო სროლა მცხეთის ქალაქს. ამ გვარად იბრძოდნენ რამდენსამე ხანს, მაგრამ ვერც ერთმა მხარემ ვერ გაიმარჯვა. მეფე გიორგი იძულებული იყო სიკვდილით დაესაჯა ციციშვილი და ბეჟან სააკაძე, რადგან ისინი მეფის განკარგულებას ატყობინებდნენ მტერს. შემდეგ ამისა ერეკლე გადავიდა სომხეთს, და, თუმცა შემოუერთდა თუშთა და კახთა ჯარი, დამარცხებულ იქმნა ბოლნისში გიორგისა და არჩილ მეფისაგან; ქართველებმა დაამარცხეს აგრეთვე სპარსელების ჯარი, რომელიც სულეიმანის მოადგილის შაჰ-უსეინის მიერ გამოგზავნილი იყო ერეკლეს დასახმარებლად და ტფილისის მეციხოვნეთა გამოსაცვლელად. ერეკლემ მიჰმართა შაჰს, რომელმაც გამოუგზავნა ქელა-ალი-ხანი დიდ ძაღის ჯარით. 1694 წ. ქართლის დიდებულებმა ვერ გაჰბედეს მტერთან ბრძოლა. მეორეს მხრით იმერეთის მეფე ალექსანდრე დაცა ქართლს და წაიყვანა მრავალი ტყვე ალიდან. მეფენი გიორგი და არჩილ გამოუდგნენ, წაართვეს ტყვეები და თვით ალექსანდრეც შეიპყრეს და შემდეგ რუსიში დაარჩვეს. ამავე წელს გარდაიცვალა დედოფალი ხვარეშანი. მეფე გიორგი დარწმუნდა რა, რომ დიდებულებს აღარასურთ ეომონ სპარსეთის ჯარს, ლ რომ ისინი ატყობინებდნენ მტერს მეფის ყოველს განკარგულებას, გადავიდა იმერეთს.

უმთავრესი მიზეზი საქართველოს სახელმწიფო საქმეთა არე-დარევისა და ხშირის უწყესობისა იყო შაჰ-ჰუსეინის სისუსტე, დაუდევნელობა და განცხრომით ცხოვრება. მას არ ჰქონდა უნარი განერჩია სიმართლე სიცრუისაგან და სჯეროდა ყოველივე, რასაც მოახსენებდნენ. ეხლაც ასე მოჰხდა. ზოგნი ქართველთაგანნი მოახსენებდნენ სასარგებლოდ გიორგი მეფისა, ზოგი კი წინააღმდეგ. ერეკლე მეფის გეზირმა და

აბაზ-ყული-ხანმა ქართლის საქმეების შესახებ სხვა-და-სხვა ერთმანეთის წინააღმდეგი, მოხსენება წარუდგინეს ყაენს. ამის გამო მთელი ქართლი გაიყო ორ დასად, რომელთაგან ყაენი ხან ერთს დაიხალოვებდა, ხან მეორეს.

როცა ნაზარ-ალი-ხანი ქალბალაი-ხანის თანხლებით გარდავიდა ქ. გორს, უბრძანა აეკლოთ რამდენიმე სოფელი ქართლის ჩრდილოეთად. იქაურ მკვიდრთ არ მისცეს ნება თავის მებატონეებს გამაგრებულიყვნენ ციხეში არაგვის ერისთავი მისმა ქვეშევრდომებმა შეიპყრეს და მიჰგვარეს ახალ მეფეს. დავით ქსნის ერისთავი, პაპუნა მუხრან ბატონი, თამაზ სპასპეტი, მრავალნი დიდებულნი და ქაიხოსრო ლევანის ძე გამოეცხადნენ ერეკლეს, რომელმაც წარგზავნა ისინი სპარსეთს და შაჰის ბრძანებით დაბინავებულ იქმნენ ქირმანს. ამით შემდეგ წავიდა სპარსეთში თვით მეფე გიორგი, რომელიც შაჰმა განსაკუთრებულის მოწყალებით მიიღო. უმეტესი ნაწილი ამა თავადთა ყაენმა დააბრუნა ქართლში, დანარჩენნი, რომელთაც კი მაჰმადიანობა მიიღეს, წავიდნენ ყანდაარს-მეფის წასვლამდე ბატონიშვილმა ვახტანგ ლევანის ძემ ჯვარი დაიწერა ხარაგაულში სამხრეთ იმერეთში, ყაბარდოს ბატონის ასულს რუსუდანზე, რომელიც წინად დანიშნული ჰყავდა გიორგი მეფის ძეს, ბატონიშვილს ბაგრატს. თავის მწინააღმდეგეთა სამეფოდგან განდევნის შემდეგ მეფე ერეკლე გაძლიერდა; მან ხელ-მეორედ გადააყენა კათალიკოზი ნიკოლოზი ლ მისი ადგილი მისცა ივანე დიასამიძეს; აგრეთვე მან გადააყენა სხვა-და-სხვა თანამდებობიდან გიორგის ერთგული ქართველები, დაჰნიშნა იმათ მაგიერ კახელები და სცდილობდა გაემრავლებინა მცხოვრებთა რიცხვი კახეთში, რისთვისაც სხვა-და-სხვა მეზობელ მხარეებიდგან გარდაასახლა მრავალნი მეკომურნი.

ერეკლე სამართლიანი და პირუთვნელი მმართველი იყო; როგორც მაჰმადიანმა მან გაავრცელა ქართლში სპარსული ზნე-ჩვეულება და მრავალ-ცოლოსნობა; თუმცა ისპაჰანში

ყოფნის დროს ჰყავდა მეუღლე ანა ჩოლოყაშვილის ასული შვილებით: დავით და ელენეთი, მაგრამ ქართლშიაც რამდენიმე ცოლი შეირთა.

1700 წ. იოანე კათალიკოზის სიკვდილს შემდეგ ერეკლემ დაჰნიშნა იმის ადგილას მისი ძმისწული ევდემოს დიასამიძე; მანვე დაჰნიშნა ქსნის ერისთავად დათუნა შემდეგ დავითისა, როდესაც ეს უკანასკნელი მისმა ყმებმა მოჰკლეს. ამას შემდეგ ერეკლემ ჯაგრის ამოსაყრელად მეფე სვიმონის მოკვლისათვის იმერეთს გაილაშქრა, მაგრამ იმერლები, აბაშიძეების წინამძღოლობით, წინააღმდეგნენ; მეფემ ვერა მოახერხა და იძულებული შეიქმნა ხელ-ცარიელი დაბრუნებულიყო ტფილისს.

ამ დროს მეფე გიორგი გამაჰმადიანდა შაჰ-აბაზის სახელწოდებით და გაგზავნილ იქმნა ყანდაარის მაზრაში იქაურ მკვიდრთა, ავღანელთა, დასამშვიდებლად; გიორგი მივიდა ყანდაარს ძმებით: ლევანით, რომელიც ქირმანის ნაიბი იყო, და ლუარსაბით; თან წაიყვანა ძმისწული ქაიხოსროც გიორგიმ დაამარცხა იქაურნი მკვიდრნი, ლუთბარნი და ბულუჯნი, და მრავალს მათგანს თავი მოჰკვეთა, რისთვისაც შაჰმა დიდად დააჯილდოვა. გიორგი დასახლდა ქირმანის მაზრაში, რომლის გამგედაც იყო დანიშნული. მისმა ნათესავებმა მიიღეს სხვა და სხვა თანამდებობა სპარსეთის სასახლის კარზე და, შაჰის ბრძანებით, ბატონის-შვილი ვახტანგი დაბრუნდა 1701 წ. ქართლში, სადაც ჩაიბარა მამის ყველა მამულები. ქართველებმა დაამარცხეს ხელ-მეორედ ავღანელები, რომელნიც ინდოეთის მხრიდან ხასანანს დაეცნენ, და ბულუჯნი, რომელნიც ქირმანის მაზრაში აჯანყდნენ, მირ-სამარდარის წინამძღოლობით, ყანდაარის ხანის წინააღმდეგ; მაგრამ მითკიდევ ვერ დაიპყრეს ეს ქვეყანა. ყანდაარის სარდალი თაშაზი ავღანელებმა მოჰკლეს ერთ-ერთს შებრძოლებაში; მაშინ შაჰმა ამირ-სპასალარად მეფე გიორგი დაჰნიშნა და წინამძღო-

ლობა ამ საქმეში მას ჩააბარა. გიორგის წასაქვებლად შაჰმა დაჰნიშნა ლევანი ირანის მდივან-ბეგად, ე. ი. მსაჯულთა უხუცესად და წაართვა ნაზარ-ალი-ხანს ქართლი, რომელიც მეფე გიორგის ჩააბარა და გამგედ¹⁾ ლევანის შვილი ვახტანგი დააყენა. ეს მოჰხდა 1703 წ. ერეკლე ჯერ კახეთში წავიდა და აქედამ მალე სპარსეთს გაემგზავრა. ვახტანგი მოვიდა ტფილისს; იმავე წელს მისი მამა ლევანიც დაბრუნდა შინ. მან საქმეები წესზედ დააწყო და გიორგი მეფის მტრობისათვის არაფერი არ დაუსჯია ლევანმა გაკზავნა ქირმანს ორი ათასი ქართლელი მხედარი; ამ ჯარით მეფე გიორგიმ განვლო უდაბნოები, მივიდა დაბა გირიშქსა ჭ გაილაშქრა ყანდაარზე. მეფე გიორგიმ შიშის ხარი დასცა ავღანელებს; მირ-სამანდარი დამორჩილა გიორგის, ხოლო ინდოეთის ხელმწიფის შვილმა საჩუქრები განაუგზავნა შაჰს. ლევანმა თხუთმეტი თვე დაჰყო ტფილისში და შემდეგ დაბრუნა ისპაანს 1704 წ. ვახტანგმა გადააყენა კათალიკოზი ნიკოლოზი, დანიშნული გიორგი მეფის მიერ, იმ მიზეზითა, რომ ის ბერთაგანი არ ყოფილიყო²⁾, ჭ ევლემოსი უვიცობისათვის. კათალიკოზად დაჰნიშნა თავისი ბიძა დომენტი, რომელიც ახლად ჩამოსული იყო რუსეთიდან. ვახტანგი მშუადი, ცნობის-მოყვარე, საქმეშიგულ მოდგინე, ჭკვიანი და გამბედავი კაცი იყო; ქართლსა და კახეთში ძალიან მიჩნეული ჰყავდათ ჭ დიდს პატივსაცა სცემდნენ; ამასთან ვახტანგი შაჰააც ეწვოდა: ამ მდგომარეობაში იგი მშვიდობიანად შეუდგა თავის სამეფოში რიგიან წეს-წყობლების დამყარებას³⁾; დაიბარა ვლა ეთიდნ

¹⁾ ჯანიშინად ე. ი. მოადგილედ, ხელმწიფის მოადგილედ მჯდომი გამგებელი. იხ. დასტურლ-შალი მეფე ვახტანგ VI, გვ. 191.

²⁾ „რამეთუ არს სოფლური“ (ვახ.) მ. ჯანაშვილი თავის საქაოთველოს საეკლესიო ისტორიაში სწერს რომ დომენტი III ვახტანგა მისცა კათალიკოზობა შემდეგ ნიკოლოზის სიკვდილისათ, გვ. 25.

³⁾ პეისონელი, რომელიც წარ ულ საუკუნეში მოგზაურობდა ჭ რომლის მოახრობაც სპარსეთისა და საქართველოს არეულობის თაობაზე, ჩვენ

სტამბა ტფილისში, დაპბექდა მრავალი სასარგებლო თხზუ-
ლებანი⁴⁾); შეადგინა ქართულ კანონების კრებული, რომ-
ელიც მეფეების მიერ დაწერილი იყო სხვა ზ სხვა⁵⁾
დროს, შეპკრიბა ერთად ზ შეავსია მატრიანეები და სხვა-
და-სხვა ადგილებში, მაგალითად, ქალაგირსა და ლისში,
გაიყვანა არხები ყანების მოსარწყავად და რამდენიმე სო-

ქრნალ „ივერია“-ში გადაეთარგმნეთ, ვახტანგ ხასიათს არ უქებს და
ამბობს, რომ ის ერთობ თავ-მოყვარე და დაუდგრომელი იყო. 1879 წ.
№ № IX და X.

¹⁾ მოგვყავს რამდენიმე ცნობა ქართულ წიგნების ბეჭდვის შესახებ ბ-
ნ. ცაგარლის წიგნიდამ: ვახტანგმა დააფუძნა ტფილისში სტამბა, რომლისა-
თვისა საჭირო მასალა და მესტამბეები ვლახეთიდან დაიბარა. შემდგენელი
ქართულ საბეჭდავის შრიფტისა—მხედრულისა და ხუცურისა—იყო ვინმე
ბიხელ სტაფანოვიჩი, უნგრო-ვლახელი, რომელიც ვახტანგმა 1710 წ.
ტფილისში ჩამოიყვანა. როგორც კი სტამბა გაპმართეს, დაბადების ბეჭდ-
ვა დაიწყეს. ვახტანგმა მოასწრო დაბეჭდვა შემდგვის წიგნებისა: წინას-
წარეტყველთა, სახარესა, სამოციქულოისა, დავითისა, კონდაკისა,
კურთხევანისა, ლოცვანისა და საერო წიგნებისა—ვეფხვის ტყაოსნისა და
ცნობა კმნილებათა (ვარსკვლავთ-მრიცხველობა), გადმოთარგმნილი სპარს-
ლიდამ თვით მეფე ვახტანგის მიერ.—დასავლეთ ევროპის სტამბებში ქარ-
თული შრიფტი უფრო ადრე შემოიღეს, მე XVII საუკ; რომში პროპა-
ანდას სტამბაში ქართული წიგნები იბეჭდებოდა; იქ დაიბეჭდა, მაგ. წიგნი:
Alphabetum Ibericum, sive Georganum et c. Romae 1629; Stephano Paulini et Nicephore Irbadii Dictionario Georgiano et Italiano-
Romae 1626. იხ. Свѣд., о пам. гр. писъм., выш. I, О Грам. Лит. Гр.
Яз. გვ. 110.

²⁾ ესრედ წოდებული სამართლის წიგნი, რომელიც 7 ნაწილად
დაყოფილია და შეიცავს: 1) 52 მუხლს მოსეს კანონებიდამ ამოკრებილს,
2) ტერძის იმპერატორების ლეონ ბრძენის, კოსტანტინეს და სხ. კანო-
ნებს, 3) სომხის კანონებს, 4) მეფის გიორგი ბრწყინვალის ძეგლის დებას,
5) აღბუღას კანონებს, 6) კათალიკოზების კანონებს და 7) თვით ვახ-
ტანგ მე-VI სამართალს, რომელიც 267 მუხლს შეიცავს. მეფე ვახ-
ტანგის სჯულ-დება გამოცეპულია პირველად სენატის მიერ 1828 წ.
პეტერბურგში და მეორედ—ტფილისში ფრენკლის მიერ დ. ბაქრაძის რე-

ფელიც გააშენა^{*)}. ამას გარდა მან გაჰგზავნა იერუსალიმს 2000 თუმანი (20,000 მან.) გოლგოთის მონასტრის გამოსასყიდლად და 14 ქართველთ მონასტრის ვალების გარდასახდელად; თითონაც გამოისყიდა მრავალი წმ. ხატი, რომელიც წინად დაევირავებინათ. პურის სიძვირის გამო ამ დროს ქალაქი ისპაანი აჯანყდა და ბატონიშვილს ქაიხოსროს შიანდვეს იქაურ მდაბიო ხალხის დამშვიდება. ბატონიშვილი სწრაფად მივიდა ჯარით და გონიერის სიმტკიცით მოასწრო აჯანყების მოსპობა. როდესაც კათალიკოზი დომენტი დარწმუნდა, რომ კახელები მეღავეებიან საეკლესიო მამულებსაო, რომელიც კახეთში მდებარეობდა, წავიდა შაჰთან 1708 წ. შაჰმა მამულები და სახნაფ-სათესი აღგილები, სადაც საქართველოში აღმოჩნდებოდა, მცხეთის მონასტერს გუჯრით დაუმტკიცა. — შემდეგ ყანდაარის დაპყრობისა, რომელიც ამირსამაღდარს ეკუთვნოდა, მეფე გიორგიმ უბრძანა მირვეისს ახარის სულთანის დაქვეის დამორჩილება. დაქვეის შეიპყრეს ღ მოპკლუს. დაქვეის თავი მეფემ გაუგზავნა შაჰს მირვეისის ხელით; შაჰმა მადლობა შეუთვალა გიორგის, მაგრამ მეფის შტრების მიერ შეგონებულმა, ყანდაარს გაისტუმრა მირვეისი, რომელიც ეძებდა ჟამს მეფე მოეკლა, თუმცა ცბიერებით მეფის ერთგულებას იჩინდა. ამ დროს ერთმა სულთანმა დამორჩილების სურვილი განაცხადა; ის მოკლულ იქმნა გზაზედ მიმავალი იმის მეტოქის მიერ, რომელმაც უკვე დაიპყრო

დაქტორობით 1887 წ. გამოჩენილი რუსის იურისტი მ. კოვალევსკი და წვეფრი საფრანგეთის საკასსაციო სასამართლოსა დარესტი აქებენ ვახტანგის კანონების ჰუმანურს ხასიათს.

*) მეფე ვახტანგს დიდი ღვაწლი მიუძღვის ქართულ ისტორიოგრაფიაშიაც. „მის ბრძანებით შეპყრიბეს აქა-იქ გაფანტული ძველი მატიანენი, შეაგროვეს და დაარქვეს ძველებური სახელი „ქართლის ცხოვრება“, ტექსტი და ფრანგული თარგმანი ქ. ცხ-ისა შენიშვნებით და ახსნით აკადემიკოსმა ბროსსემ გამოსცა, ეს ნაწილი მატიანესი 1307 წლამდე მოყვანილია. იხ. მ. ბროსეს საქართვ. ისტ., გვ. 2.

შისი სამფლობელო. მკვლელი შეშინდა და მეფეს აუჯანყდა. ქართველებმა დაამარცხეს აჯანყებული. ამ გალაშქრებაში მირ-ვეისმა თვით-მნებელობით მოჰკვეთა თავი აბდალთ⁷⁾ სულთანს, ვითომც მეფის ბრძანებით და შემდეგ თავს დაესხა თვით გიორგი მეფეს და მოჰკლა ოთხშაბათს, ვნების კვირაში, აპრილს 1709 წ. ზოგი ამბობს, ვითომც მირ-ვეისმა გიორგი თავის კარავში მიიწვია სადილად და სადილს უკან ძილში მოჰკლაო⁸⁾.

მირ ვეისმა დაუყოვნებლივ დაიჭირა ყანდაარი და შიგ ქართველები აღარ შეუშვა. ამიტომ ისინი იძულებულნი შეიქმნენ გირიშკისკენ დაბრუნებულიყვნენ. ეტიკებმა გზები დაუბნინეს; ავღანელები მრავალჯერ თავს დაესხნენ, წაართვეს ნავეები და ბორნები, რომლებითაც ჰდინარეებში გადიოდნენ; ერთის სიტყვით, ყოველი ღონისძიება იხმარეს იმათ გასაწყვეტად, მაგრამ ქართველებმა ყოველივე აიტანეს და მიაღწიეს და გირიშკს. ეს რომ შაჰმა შეიტყო, ძალიან შესწუხდა, მიიხმო ქაიხოსრო, ლევანის შვილი, და დაჰნიშნა იგი ბატონიშვილის ვახტანგის მაგიერ, რომელმაც მეფობაზე უარი

⁷⁾ მეფემ სთხოვა შაჰს, მირ-ვეისს ნულარ გამოუშვებო, „ვინაითგან ბოროტი მანქანა იყო“. ქ. ცხ.

⁸⁾ პეისონელი გიორგი მეფეს ამბობს ავღანელების მიმართ სასტიკ მოპყრობას. ხოლო მირ-ვეისზე ამბობს, რომ განეზრახა მტარვალ ყანდისაგან განეთავისუფლებინა ავღანელები და ამიტომაც ცბიერებით მოჰკლა მეფე გიორგიო. ბატონიშვილს თეიმურაზს მოჰყავს ფარს. გორგიჯანიძის სიტყვები: „ავღანელებს ეგონათ, რომ ქართველები კაცის მკამლები არიანო“. მალკოლმი თავის Hist. de Perse-ში, რომელიც იეზუიტის კრუზინსკის წიგნზე აყარებს თავისს ცნობებს,—მოგვითხრობს, რომ ავღანელთ წინამძღოლმა მირ-ვეისმა გიორგი მეფე ყენთან დაბეზდა, ვე მეფე გლალატლბსო. სომხის ვაჟარი ისაულ-ორი,—რომელმაც პეტრე დიდისაგან ნება მიიღო აღებ-მიცემობა გაემართა სპარსეთში,—ძალიან დაუახლოვდა გიორგი მეფეს და ამანა ღრუსეთის ამ აგენტმა, რომელიც სომხის მეფეების შთამომავლად იწოდებოდა, განიზრახეს, აუვადგინოთ საქართველო და სომხეთი, რუსეთს შეეჯეროდეთ და სპარსეთს დავმორდეთო.

სტქვა, ქართლის მეფედ და ირანის სპასალარად. იესე, ლევანის შვილი, რომელსაც ახალი სახელი აღი-ყულო-ხანი დაარქვეს, დანიშნულ იქმნა ქართლის ბეგლარ-ბეგად, ხოლო როსტომი, იმისი ძმა, ნაშობი ხარქისაგან,—ისპანის მოურავად. ამასობაში ქართველნი, გირიშკის ციხეში გარ-შემორტყმულნი, გამოვიდნენ ციხიდან და თავს დაესხნენ ავღანელებს; მრავალს მათგანს მოჰკვეთეს თავები ლეონტი ისპანს გაჰგზავნეს. სპარსელებმა დიდხანს შეაჩერეს ქაიხოსრო და ბოლოს ყანდაარს ისე გაისტუმრეს, რომ იმის ჯარს სრული ჯამაგირიც არ მისცეს. მრჩეველად დაუნიშნეს ვინმე იმამ-ყული-ბეგი, რომელმაც უღალიატა ქაიხოსროს, სპარსელების მოსვლის უმაღლესი, მირ-ვეისმა მოჰკლა ოც და ათი ქართველი, რომელნიც ტყვეთ ჰყავდა ყანდაარში, მაგრამ ნება მისცა ბატონიშვილს ალექსანდრეს, ლუარსაბ მეფის ძის შვილს, წასულიყო და თან წაეყვანა პაპუნა და ნოდარ ციციშვილები, რომელთაც გაატანა მეფის გიორგის და იმის მხლებლების გვამნი. შემდეგ ამისა მოჰხდა ომი. ამ ომში ქართველებს არ დაეხმარა სპარსეთის ჯარი, მაგრამ მათ მაინც დაჰხოცეს დიდძალი მტერი და შოახერხეს გირიშკს შესვლა.

ქაიხოსროს ქართლიდან მაშველი ჯარი მოუვიდა და იცავდა ციხეს ოთხს თვეს ავღანელების დიდძალ ჯარისაგან, რომელიც მას გარს ადგა. ბოლოს საიდუმლო შეთანხმებით შაჰმად-ხანთან, რომელიც სპარსეთის წინამძღოლი იყო, მირ-ვეისმა ლაღატით ამოსწყვიტა მაშველი ჯარი და წავიდა ყან-

სულ-მოკლე ყანმა დაიჯერა თურმე ეს ქორი, მაგრამ რადგან მეფის გიორგის შიში ჰქონდა, მირ-ვეისი უკანვე ყანდაარს დაბრუნა თავისი ძველ წოდებით და ამ სახით მეფეს თავისი მოქიშპე წინ დაუყენა. ცბერმა მირ-ვეისმა გიორგის შეგობრად აჩვენა თავი და კიდევ აღუთქვა თავის მშვენიერის ქალის შითხოვება. როდესაც მეფე გიორგი, ვითარცა სასიძო, დარბაზში მიპატივებულნი იყო მირ-ვეისის მიერ, ნადიმის დროს მირ-ვეისის ამაღამ მოჰკლა მეფე. გიორგისთან ერთად დახოცნენ მისნი მხედარნი, რომელნიც იმის ამაღამ იყვნენ. Hist. de Perse, t. 2, p. 412—426.

დაარს, სადაც ფიქრობდა ქართველებიც გაეტყუებინა. მირვეისმა წაიყვანა მძევლად სეხნია ცრციშვილი, რომელიც მას მიენდო. და, როდესაც უარი მოუვიდა, ვერ გამოვისყიდით სეხნიასაო, მირვეისმა თავი გააგდებინა მძევლად წაყვანილ ციციშვილს.

ვახტანგი განაგებდა ქართლს მშვიდობიანად და საზოგადო პატივისცემა დაიმსახურა. ქაიხოსრო წავიდა ყანდაარს; მირვეისმა შეიტყო, რომ აბდალები, ავღანელების ერთი ტომი, რომელიც მორჩილი აყო ქაიხოსროსი, მიდიოდნენ იმის დასახმარებლად, თავს დაესხა და მრავალი გასწყვიტა. ქართველები წინ წავიდნენ და, შემდეგ რამდენისამე დამარცხებისა, აიძულეს მტერი შესულიყო ყანდაარს, რომელსაც გარს შემოერთყნენ სამის თვის განმავლობაში. ამას შემდეგ შიმშილი და ავადმყოფობა მძვინვარებდა სპარსთა ბანაკში; მირვეისი იერიშით მივიდა ბანაკზედ, სპარსები უკუ იქცნენ და ბატონიშვილი ალექსანდრე მოიკლა. მეორე დღეს მირვეისი ხელ-ახლად დაეცა ზურგის ჯარს, სპარსნი გაიქცნენ და ქაიხოსრო, რომელიც საკვირველის სიმამაცით იბრძოდა, მოკლულ იქმნა ექვსის ავღანის მიერ 26 ოქტომბერს 1711 წ. მისმა ძმამ იესემ ძლივს მოასწრო გაქცევა გირიშკს და იქიდან — ისპაანს.

იმავე დროს ვახტანგმა გაილაშქრა ოსებზე, რომლებიც აღარ ემორჩილებოდნენ, ჩველო ზრაშაგო და უღელის ხევები ქედელას მთამდე და კუდარომდე. იქიდან გამარჯვებული დაბრუნდა ქართლში, სადაც დახვდა ამბავი, რომ შენი ნათესავები დაჰხოცეს სპარსეთშიო; დახვდა აგრედვე ყანის რაყაში, რომლითაც ქართლის მეფეთ ინიშნებოდა.

ვახტანგი თავის დაახლოვებულ კაცთა რჩევით წავიდა სპარსეთს აპრილში 1712 წ. ქართლის გამგეთ დასტოვა თავისი ძმა სვიმონი; წასვლისას ვახტანგმა მიათხოვა თავისი ქალი თამარ კახეთის ბატონიშვილს თეიმურაზს, ხოლო მეო-

რე ქალი ანუკა—ვახუშტი აბაშიძეს; თავისი სახლეულობა სს-
ცხოვრებლად გორში გაჭვანთა. შაჰმა ვახტანგი დიდის პა-
ტივისცემით მიიღო და მოიწადინა იმისი გამაჰმადიანება; რა-
დგანაც ვახტანგმა უარი განაცხადა, სპარსეთის ვეზირნი აღარ
დასთანხმდნენ იმის ქართლში გამოშვებას, მით უმეტეს რომ
მისი საკუთარი ძმა იესე აბრალეზდა ვახტანგს, ყურანი შეუ-
რაცხყოფო. მაშინ ქართლში გამოჭვანთეს ხალიფა, რომელ
მაც დაბრუნების შემდეგ მოახსენა, რომ ვახტანგი ემტერება
მაჰმადიანთ, და რომ დიდებულთ არ უნდათ იმისი დაბრუ-
ნებაო. ყაენმა ბრძანა სვიმონის გადაყენება, რადგან ბორო-
ტად ხმარობდა უფლებას და მეფედ იესე დაჰნიშნა 10 მარტს
1714 წ. იმ პირობით, რომ სვიმონი შეეპყრა და, როგორც
ის, აგრეთვე ვახტანგის სახლეულობა და 500 ქართველი
ოჯახი გაეგზავნა დასასახლებლად ფარსაბათს, მაზანდერანში;
ხოლო ვახტანგი იესეს თხოვნით გაგზავნილ იქმნა ქირმანს.

ამ დროს ვახტანგმა მიიღო, არ ვიცით კი რა გზით,
საფრანგეთის კაროლის ლუდოვიკო XIV წერილი და ილუ-
მალ გაჭვანთა ევროპაში თავისი ნათესავი დედის მხრით,
ბერი სულხან საბა ორბელიანი⁹⁾, რომელიც რომს 1713 წ.
მივიდა და იქიდან საფრანგეთში გადავიდა მარტში 1714 წ.

⁹⁾ საბა სულხან ორბელიანი იყო ავტორი განთქმულის ქართულის
ლექსიკონისა. ის იყო შესანიშნავი მწერალი XVII და XVIII საუკ.,
საბა სულხანი დაიბადა 1658 წ. და არჩილის და გიორგის დეიდაშვილი
იყო. ყმაწვილობისას საბა სხვა და სხვა თანამედრობას ასრულებდა. ხოლო
შემდეგ უდაბნოში წავიდა და 1698 წ. ბერათ შედგა მონასტერში საბას
სახელით. 1710—1712 წ. საბა გაჰყვა ქაიხოსროსა და ვახტანგ მეფეებს
ხორასანს და ისპანს, სადაც ერთი წელი დაჰყო. 1713 საბა სულხანი,
როგორც ზევითაც იყო მოხსენებული, ოსმალეთს გადავიდა და ევროპაში
წავიდა. ის იყო სიცილიაში, რომში, გენუასა და საფრანგეთში, სადაც
კაროლმა ლუდოვიკო XIV მოწყალებით მიიღო და ბრძანა მისთვის ეჩ-
ვენებინათ მისი სატახტო ქალაქის (პარიკის) შესანიშნავი ადგილები. იქი-
დან გამობრუნებულმა 1716 წ. შან ნახა რომის პაპი, შემდეგ გამოიარა
მალტაზე და სტამბოლს დაჰყო საფრანგეთის ელჩთან ერთი წელიწადი-

საბა ორჯერ საღარბაზოდ იყო მიწვეული კაროლის მიერ და გამოითხოვა თავის მეფისთვის ფულით დახმარება. 1716 წ. თებერვალში სულხანი კიდევ სტამბოლში იყო, საიდანაც ქართლში აპირებდა დაბრუნებას. ამის მეტი ჩვენ არა ვიცით, რა იმის მოგზაურობისა დასავლეთ ევროპაში და არც ის ვიცით, რა შედეგი ჰქონდა იმის მოგზაურობას.

როგორც კი მეფე იესე, იგივე ალი-ყული-ხანო, შემოვიდა ქართლში 1714 წ., დედოფალი რუსუდანი რაქას გაიქცა. სვიმონმა შეიპყრა კათალიკოზი დომენტი და სურდა მისთვის თვალები დაეთხარა, რადგან სამარცხენოდ მოქმედებდა ვახტანგის წინააღმდეგ და ტახტს ეძიებდა, რისთვისაც სჯულის უარ-ყოფას აპირებდა და კათალიკოზობაზე

უკანასკნელი თავისი დღენი საბამ სპარსეთში გაატარა მეფე ვახტანგთან და ღრმა მოხუცებულობაში გარდაიცვალა. სიკვდილის წინად მან უარ-პყო კათოლიკეთა სარწმუნოება, რომელიც თავის მოგზაურობის დროს ევროპაში მიიღო და რომლის სადიდებელათ შეთხზა წიგნი „სამოთხის კარი“. თუმცა „სამოთხის კარს“ ანტონ კათალიკოზი „ჯოჯოხეთის კარათ“ სთელის, მაგრამ წყობილ-სიტყვაობაში ძალიან აქებს იმის სხვა და სხვა საერო თხზულებას. საბამ დასწერა აგრეთვე ევროპაში მოგზაურობა, რომელშიაც დაწვრილებით აღგვიწერს ეკლესიებს და სამღვდლოებებს, თუმცა ევროპის ცხოვრების სხვა და სხვა მხარეს არ ეხება, და თუ ეხება, ისიც გაკვრით. ჯერ კიდევ სიკაბუჯეში საბამ დასწერა სიბრძნე-სიცრუის წიგნი ნამდვილ სახალხო ენით XVII საუკ. ეს ზღაპრები, ზოგი პირდაპირ თითონ შეთხზა ქართულ ცხოვრების შეფერებით, ზოგი გადმოთარგმნა აღმოსავლეთის და ევროპიულ იგავ-არაკებიდან. ეს სიბრძნე-სიცრუე რამდენსაჲე ევროპიულ ენაზე უკვე გადათარგმნილია. რუსულად გამოვიდა 1878 წ., ხოლო ინგლისურს ენაზე გადათარგმნა სხოლიოებით და მშვენიერად გამოსცა ბ-ნმა ვარდროპმა. საბას თხზულებათა შორის ყველაზე უფრო შესანიშნავია ლექსიკონი ქართულის ენის, რომლითაც მან უკვდავი სახელი დაიმსახურა და რომლის შედგენას სულხანმა ოც და ათი (1669—1698) წელი შესწირა. ის შეიცავს 15 ათას სახელს და 25 ათასს სიტყვას და ანბანის რიგზე არის შედგენილი. ეს ლექსიკონი თ. რ. ერისთავის რედაქტორობით და ეპისკოპოსის ალექსანდრეს საფასით 1884 წ. გამოიცა ტფილისში.

ხელს იღებდა. ახლაც იესემ დომენტის დაუბრუნა კათალიკოზოზა. იესე ძალიან მდიდარი, ამაყი და ხორცილთ განცხრომის მიმდევარი კაცი იყო. იესე არ უგდებდა ყურს სამღვდღელოების მხილებას. მანდატურთ-უხუცესს ქაიხოსროს მან წაართვა კოლი, რომელიც მახლობელი მისი ნათესავი იყო. ამას გარდა შეერთო 1715 წ. ელენე, ერეკლე მეფის ასული. ამ გონება მოკლებულმა გამგემ ვერ მოახერხა ვერც ქარელის დამორჩილება, რომელთაც ხუნანის სამი სოფელი აიკლეს და ვერც იმ დარიგების ასრულება, რომელიც შაჰმა მისცა, როცა ისტუმრებდა ქართლის გამგედ. მაშინ შაჰმა დაიბარა ვახტანგი ქირმანიდამ და დაითანხმა, რომ გამაჰმადიანებულყოფა ჰუსეინ-ყული-ხანის სახელ-წოდებით. 1716 წ. იანვარში დაუბრუნა მას ქართლის ტახტი და სპასალარის წოდება უბოძა. შაჰის ბძანებით ვახტანგი წავიდა ხორასანს და ქართლის გამგედ დანჰიშნა თავისი შვილი ბაქარი. ისპანიდან შაჰმა გამოჰგზავნა მტარვალი, რომელმაც შეიპყრა იესე კახეთში და გარდასცა ბაქარს; ბაქარმა იესე ჩასვა ტფილისის ციხეში. მისმა კოლმა ელენემ, მონაზონობაში ელისაბედათ წოდებულმა, არ ისურვა ქმრის მოშორება და თავის ნებით იტანდა საპყრობილეში ყოფნის მწუხარებას. მამის ბრძანებით ბაქარმა დასაჯა რამდენიმე დიდებული, სახელდობრ: ერეკლე მუხრან-ბატონი, რომელსაც თვალები დასთხარა, ჭ პაპუნა დიასამიძე, რომელიც დაარჩო. ვახტანგის თხოვნით, როგორც იყო, შაჰმა შეფეთ აღვიარა ბაქარი, რომელიც გამაჰმადიანდა 1717 წ. 1 აგვისტოს.

ბაქარის, იმავე შაჰ-ნავაზ III, მეფობაში 7000 ქარელნი თავს დაესხნენ ბოლნისს და აიკლეს ქციის ხეობა; ბატონი-შვილმა სვიმონმა, რომლის კოლ-შვილი კოტა წანად ქირმა გასწყვიტა, ძალზე დაამარცხა ისინი, მაგრამ შემდეგ ქარელებმა გაიბარჯვეს, რადგან რიცხვით ერთობ აღემატებოდნენ ქართველებს, და დიდი ნადავლი წაიღეს, თუმცა უმრავლესი

ნაწილი ქარელთა სიციხითა ღ უწყლოობით გასწყდა. ბაქარმა და-
ითხოვა ქსნის ერისთავი დათუნა სახლთ-უხუცესობის თანამ-
დებობიდან. დათუნა აუჯანყდა ბიქარს, რომელმაც მის და-
სამორჩილებლად თავისი ძმა ვახუშტი გაპგზავნა¹⁰⁾. დათუნა
გარდაიცვალა, ხოლო მისი შვილი შანშე სპარსეთს წავიდა. ვახ-
ტანგმა მოითხოვა, რომ შანშე გარდაეცათ ბაქარისთვის და
თვითონ ვახტანგი კი ქართლში გამოეშვათ ლეკების განსადევ-
ნელად. ვახტანგი მოვიდა ანდარ-ბეზს, ქ. ლორის ახლოს.
აქ მას ხალხი დაჰხვდა დროშებით რიგ-რიგათ საბარათიანო-
დან, საამილახვროდან, სამუხრანოდან, მცხეთიდან და სამ-
ღვედლოებისაგან აქედან მეფე ტფილისს წავიდა 7 აგვისტოს
1719 წ. ახლა-კი ვახტანგ მე VI მეფის ნამდვილის უფლებით
იყო აღჭურვილი. ტფილისში შესვლის უმალ ვახტანგი აღი-
არებულ იქნა მეფეთ ყველა დიდებულთა და სამღვედლოების
შიერ და, როდესაც მეფე დაბრძანდა ხალიჩით მოფენილ ტახ-
ტზე, ზედ გადააყარეს ოქრო და ვერცხლი საქართველოს ერის
ძველის ჩვეულებისამებრ¹¹⁾.

ვახტანგმა ბრძანა სომხის მელიქის ქაშარ-ბეგის დახვრე-
ტა და, თუმცა აპატივა სიცოცხლე რამდენსაშე დიდებულს,
რომელთაც ოსეთში ლაღატი ჰბრალდებოდათ, მაინც ისი-
ნი ოსებში გასცვალა.

ვახტანგმა შაჰის ბრძანებით გაილაშქრა ლეკებზე, რო-
მელნიც იკლებდენ ხოლმე საქართველოს და სპარსეთის ჩრდი-
ლოეთ მხარეს. ვახტანგმა აცნობა ეს ამბავი იმამ-ყული-ხანს,
კახეთის ბატონს და გაპგზავნა კახეთში ჯარი ერასტე ყაფ-
ლანის შვილის წინამძღოლობით; მაგრამ ამ უკანასკნელმა
ვერა გააწყო რა, რადგან კახელებმა ხელი შეუშალეს. ეს მოჰხდა

¹⁰⁾ ისტორიკოსი და გეოგრაფი.

¹¹⁾ ქარ. ცხ. „არამედ ესე წესი ძველადვე იყო საქართველოსა და
უყოფდიან ყოველთა ესრედ ტფილისს და მიერთ უხმობდენ მეფედ და
თვინიერ მისა არა“.

1720 წ. ამასობაში ქსნის ერისთავი შანშე აუჯანყდა მეფეს და გამაგრდა დუშეთში

მეფემ რაჭველებსა, აბაშიძეებსა და სხვა იმერთა დახმარებით, დროებით დაიმორჩილა ერისთავი. ამდროს ლეკები დაეცნენ შირვანს ჯავრის ამოსაყრელად თატი-ალი-ხანის მოკვლისათვის. ეს თატი-ალი-ხანი შამხალის, სპარსეთში უმთავრეს ვეზირის, შვილი იყო. შაჰის ბრძანებით მას ლალატობისათვის თვალები დასთხარეს ლეკებმა აიღეს შამახია და გაძარცვეს იქ მყოფი მდიდარი რუსის ვაჭრები. წაართვეს აუარებელი საქონელი და ამით საბაბი მისცეს იმპერატორს პეტრეს გაელაშქრა დარუბანდისაკენ; ამ გალაშქრების ამბავს ქვემორე მოვიხსენებთ. შირვანის ხანი ქაიხი შეებრძოლა რუსებს დიდძალის ჯარით, რომელიც ამოწყვეტილ იქმნა მტრისაგან და თითონ ხანიც მოკლულ; მაშინ შაჰის ბრძანებით ვახტანგმა კახეთი გარდავლო 1720 წ. ზამთარში და ისე დაამარცხა ლეკები. რომ შეწყალება მოითხოვეს. გაზაფხულზე მეფე მეორედ დაეცა მემბოხე შანშეს ზაბუყურს და აიძულა ხელახლად დამორჩილებულიყო; შემდეგ ამისა მან იმერეთში გაჰზაფნა ჯარით ბატონიშვილი ვახუშტი დასახმარებლად თავის დისწულის ალექსანდრესი, რომელიც ხონთქრის ბრძანებით დანიშნული იყო იქ მეფედ. იმავე 1721 წ. ზამთარში ლეკები ხელახლად დაეცნენ და გაძარცვეს განჯა. ვახტანგმა გაილაშქრა მთაში და მეორედ დაამარცხებდა ლეკებს, შაჰი რომ არ შეპრიგებოდა მათ და მურადბეგის პირით ბრძანება არ კამოგზაფნა ვახტანგისათვის, შეაჩერე ომიო. ამით შეურაცხყოფილმა ვახტანგმა მიჰმართა რუსეთის იმპერატორს, რადგან პეტრე I ამ დროს ემზადებოდა მაგიერი მიეზლო სპარსებისათვის რუსის ვაჭრების გაძარცვის გამო¹²⁾.

¹²⁾ პირველი წერილი ვახტანგისა პეტრე დიდთან დაწერილი იყო 21 ნოემბერს 1721 წ. ლათინურ ენაზე დასავლეთის მისიონერების მიერ.

1722 წ. ავღანელები ისპაანს მიუახლოვდნენ. 15 მარტს გულნაბადის ომში მოიკლა როსტომ ყულარ-ადასი, ვახტანგის ძმა, და ცოტახანს შემდეგ — მირ-მაჰმუდი, ავღანელების წინამძღოლი, გარს შემოადგა სპარსეთის სატახტო ქალაქს. ლეკებიც მოადგნენ განჯას. შეშინებული შაჰი შემწეობას სთხოვდა ქართლის მეფეს¹³⁾, მაგრამ გვიან-ლა იყო. მამუკა, რომელიც იმას წინად რუსეთში იყო გაგზავნილი, დაბრუნდა ქართლში და გამოუცხადა ვახტანგს, რომ იმპერატორი პეტრე დიდი კეთილთა გულით არის ჩვენზეო. იმპერატორი სთხოვდა ვახტანგს, შემეწიე სპარსეთის ლაშქრობაშიო, და ამდროს იგი უკვე მოუახლოვდა თავის ჯარით დაღესტანს. მეორეს მხრით ქართლელნი დიდებულნიც თანხმა გახდნენ მხოლოდ განჯა დაესხნათ მტრისაგან, მაგრამ სპარსეთში წასვლაზე უარი სთქვეს. აგვისტოში შაჰის შეიღმა ხელახლად შემწეობაითხოვა; ვახტანგი ადერბეიჯანის სპასპეტად დაჰნიშნა და მდიდარის საჩუქრებით სცდილობდა თავისკენ მიემხრო. ამავე დროს ბაადურ თურქისტანი შეიღმა მოუტანა იმპერატორის წერილი, გამოგზავნილი იმის ბანაკიდან მდ. სულაკზე. ამას გარდა სვანთქარსაც მოლაპარაკება ჰქონდა მეფესთან და სთხოვდა, ჩამოე-

რომელნიც სცხვრობდნენ ტფილისში და იწყებოდ: „sacra majestas“¹⁴ მეფე ვახტანგი სწერს, რომ თავის თავს, შეიღებს და ქვეშევრდომებს სწირავს ღვთის მორწმუნე ხელმწიფეს. იმისმა ელჩებმა: სეზნია ჩხეიძემ, რუსის ეპისკოპოზმა გიორგიმ და სხ. მოახსენეს პეტრე დიდს, რომ ათი ათას რუსის ჯარს მეფე მოაშველებს 50,000 მემარს, აქედან 20 ათასს მეფე დაჰნიშნავს სპარსეთში გასალაშქრებლად, რომ რუსის ჯარს გასასვლელი გზა მიეცეს ჩერქეზების ქვეყანაზე, რომელიც იმის ნათესავები არიან (ვახტანგს ჩერქეზის მთავრის ქალი ჰყავდა) და სხვა.

¹³⁾ ჰანგეი, რომელსაც ზემოხსენებული პეისონელი თავის წიგნს უძღვნის, და მალკოლმი სწერენ: როდესაც სპარსეთში შეიტყვეს, რომ ვახტანგმა შეწვევაზე უარი შეუთვალაო, შაჰის მთელი სასახლე სასოწათკვეთილებად იქცა. მართლაც, მალე დაემხო ისპაანი და მთელი სპარსეთი ავღანელებმა დაიპყრეს. Malcolm, Hist. de Perse, t. II, გვ. 437 და 461.

ცალე სპარსელებსაო, ამ მდგომარეობაში მეფემ გადასწყვიტა თავის ერთმორწუნეებს მიმხრობოდა და წავიდა განჯას, სადაც რუსების მოსვლას უცდიდა¹⁴⁾. შაჰ-ზადემ რომ ეს შეიტყო, ჩამოართვა შეფეს ყაზახის მახრა და გადასცა კახეთის მმართველს მაჰმად ყული-ხანს, იმავე კონსტანტინეს, რომელსაც მეფესთან უთანხმოება ჰქონდა და რომელმაც, რასაკვირველია, მაშველი ჯარი არ მისცა ყარაბახზე ამხედრების დროს. მიუხედავად ამისა, ვახტანგი სამი თვე იდგა განჯის ახლოს; შაგრამ ამით საერთო საქმეს სარკებლობა ვერ მოუტანა, რადგან სხვა ზ სხვა დამაბრკოლებელ გარე მოვბათა გამო იმპერატორმა ველარ შესძლო თავისი ლაშქრობა დარუბანდს იქით განეგრძო. ვახუშტიმ, რომელიც მმართველად დარჩა ტფილისს, შეატყობინა ეს ამბავი მეფეს; მეფე უკან დაბრუნდა და ტფილისს მოსვლის უმალ გაჰგზავნა ჯარი საფურამოს, რადგან კახელებმა და ქარელებმა ლილოს მახრა დაარბიეს. შემდეგ ამისა ვახტანგმა ინახულა თეი მურაზი, მაჰმად-ყული-ხანის ძმა, რომელმაც შეჰფიცა, ამიერიდან ქართლში მშვიდობიანობას აღარ დავარღვევო

10 ოქტომბერს 1723 წ. ავღანელებმა აიღეს ისპაანი და ტახტიდში ჩამოაგდეს შაჰ-უსეინი; მისი შვილი შაჰ-თამაზი წინაღვე გაიქცა და თავრიზში ყაენათ იქმნა აღიარებული. ვახტანგმა შაჰ-თამაზს მორჩილება განუცხადა ელჩის სენხნია ჩხეიძის პირით; ეს ის სენხნია ჩხეიძე უნდა იყოს, რომელმაც მაშინდელ ამბების საინტერესო ქრონიკა შეადგინა. ახალმა ყაენმა, კონსტანტინეს თხოვნით, მისცა ამ უკანასკნელს იანვარში 1723 წ. ქართლი, რომელიც ვახტანგს ჩამოართვა; მეფემ თავისი სახლეულობა გორს დახიზნა და შეუდგა ტფილისის დაცვას; შესაწევად რაჭისა და იმე-

¹⁴⁾ „არამედ განუტევა ყოველნი და აღირჩია რუსთ-მეფე, რამეთუ ჰგონებდა განთავისუფლებასა ეკლესიისასა და ძალს ქრისტიანობისასა“
„ქარ. ცხ“.

რეთის ჯარი მოიწვია. მაშინ მაჰმად-ყული-ხანის ძმა თეიმურაზი იღუმალ მივიდა მცხეთას; თითონ მაჰმად-ყული-ხანმა კი კლდის-უბანი დაიჭირა ტფილისში, მაგრამ როგორც ის, ისე მისი შომხრე მოთარეშენი და ქვეყნის ამოხრებელნი თელეთიდან განდევნა ბატონიშვილმა ბაქარმა და მალე უკანვე დაბრუნდა.

ვახუშტი გაჰგზავნეს დაბა მცხეთას, მცხეთას ელაღატნა მეფისათვის და კახელებს მიმხრობოდა. ვახუშტი გარს შემოადგა ქალაქს ღამით იმ დროს, როდესაც საკათედრო ეკლესიაში ლოცვად იდგა ხალხი. მტერი მდგრად იცავდა თავს, სანამ უკანასკნელამდე არ გასწყვიტეს და ტყვეთ არ შეიპყრეს. ბაქარმა თავის მხრით დაიჭირა თაბორის მთა ტფილისის სამხრეთად. იქ შეებრძოლა ლეკებს და აიძულა მტკვარში შეცვივნულიყვნენ. წყალში მრავალნი დაიღუპნენ. ხოლო თეიმურაზმა ველარ მოუსწრო ომს ტფილისის ციხეში შევიდა. მაჰმედ-ყული-ხანმა ფულით და დაპირებით შეჰკრიბა დიდძალი ჯარი ლეკთა, ხელახლავ მიადგა ტფილისს და, თუმცა ბაქარმა და იმისმა ბიძამ სვიმონმა დიდი წინააღმდეგობა გაუწიეს, მაინც 4 მაისს 1723 წ. შევარდა ქალაქში და აიკლო; ეკლესიები შებღალა მტერმა, ხოლო დედაკაცებს უნდა აეტანათ გამხეცებულ მტრის ყოველ-ნაირი მტარვალობა¹⁵). სისხლი მდინარესავით მიდიოდა ქუჩებში. ვახტანგმა მიატოვა სვიდ-აბადი და მცხეთას წავიდა; ხოლო შვილი მისი ბაქარი — დუშეთს.

ამასობაში არზრუმის ფაშა იბრაგიმი უახლოვდებოდა საქართველოს და სთხოვდა ვახტანგს სპარსელებს ჩამოსცლოდა. ამბობენ, რომ მეფე დასთანხმდა და აღუთქვა ოსმალებისათვის ეძლია

¹⁵) მემატინე შემდეგის სიტყვებით ჰგოდებს ამის შესახებ: დასწევს სიონი და შემუსრეს ხატი ყოვლად წმინდა ღვთის მშობლისა, რაოდენნი. ქალწულნი განიხრწნენ და ქეშმარიტნი დედანი და მოწაშენი ბოროტებით განიგმიონენ და სისხლი მართალთა დაითხია ურჯულოთაგან. „ქარ. ცხ.“ შვ. 85.

ყოველ წლივ დიდი ხარკი იმ პირობით. რომ სამეფო უფლებ-
ბა საშვილიშვილოდ დარჩენოდა. ასე იყო თუ ისე, მან ყო-
ველივე შეატყობინა იმპერატორს, შეპკრიბა იმერლების ჯა-
რი და ფაშას გაუგზავნა თავისი შვილი ბაქარი, რომელსაც
თავისი ძმა იესე თან გააყოლა⁴⁶⁾. 12 იანვარს ოსმალები
შიადგნენ ტფილისს, რომლის გასაღები გადასცა მათ მაჰმედ-
ყული-ხანმა. ფაშამ დაიქრა ციხე და სპარსნი განდევნა იქი-
დან, ხოლო ბაქარი დანიშნა მეფეთ და დაარქვა მას იბრა-
გიმ-ფაშა. მაჰმედ-ყული-ხანი შეიპყრა და გადასცა ბაქარს.
ქართლის ახალმა ბატონმა გაათავისუფლა მაჰმედ-ყული ხანი
და ბრძანა თავი მოექრათ გიორგი არაგვის ერისთავისათვის,
რომელიც იმის სიძამრი იყო; თავი მოექრათ, იმიტომ რომ
მტრულად დახვდა ბაქარს, როცა ის ტფილისიდან გაიქცა,
არაგვის ხეობისაკენ. ამ დროს ვახტანგი მხედ ებრძოდა-
ლევებს დუშეთში და ამილახვრების სამფლობელოში.

ბაქარს თავი მოაბეზრეს ოსმალებმა თავის სხვა და სხვა
გვარის მოთხოვნილებითა და შევიწროებით. მან მიატოვა
ტფილისი, გაიქცა ცხინვალს და იქ თავის მამას შეუერთდა;
ქართლში დასტოვა იესე, რომელიც ხელ-ახლად გამაჰმადიან-
და, როგორცა ვსთქვით, და მუსტაფა-ფაშა დაირქვა.

შემდეგის წლის გაზაფხულს ოსმალებმა გაჰგზავნეს იესე
გორს შესაბრძოლებლად ბაქარისა, რომელმაც ატენში ყოფ-
ნის დროს აღხოცა მრავალნი ოსმალნი თრიალეთს და შემ-
დეგ ამისა დაბრუნდა მეფე ვახტანგთან პირველ იენისს 1724 წ.

რუსეთიდან დაბრუნებულმა დავით ნაზარაშვილმა და
ფრანგისტან თურქისტანიშვილმა იმპერატორის პეტრე დი-
დის სახელით მიიწვიეს მეფე ვახტანგი რუსეთს. მეფე ვახ-
ტანგმა პირველ ივლისს გადავლო რაქა და მივიდა ყაბარდოს,

⁴⁶⁾ იესე და ბაქარი ერთად წარდგნენ სერასკირის ბანაკში, სადაც
გამაჰმადიანდნენ და ორთავეს დაჰხურეს ყაუბი (ჩაღმა); ბაქარს იბრაგიმის-
სახელი დაარქვეს, ხოლო იესეს—მუსტაფასი.

საიდანაც იახლა თავისი ცოლი ძმა, ადილ-გირგი, ბაკაევის გვარის შთამომავალი. მას დახვდა რუსის ამალია ჯვარის ციხესთან მდ. სულაკზე; მეფეს ახლდა დიდ-ძალი ამალია, ბატონი-შვილნი, მრავალნი დიდებულნი და სასულიერო კაცნი. იქიდან ზღვით ასტრახანს წავიდა.

მეფის წასვლის შემდეგ ქართლს ჰმართავდნენ ახალ-ციხის ფაშა ისაყი და მეფე იესე. ქართველები და კახელები მიემხრნენ მაჰმად-ყული ხანს თედო-წმინდას, რომელიც მდ. ლიახვის სათავეში მდებარეობს. იესე თავს დაესხა შეტეხულთ ოქტომბერში და დაამარცხა. ამას შემდეგ ოსმალების ბატონობა დამკვიდრდა საქართველოში და ხარკმა და გადასახადებმა საოცრად იმატა. ამის გამო არაგვის ერისთავი ოთარი გაიქცა ასტრახანს, ხოლო კათალიკოზი დომენტი წავიდა ლორეს ციხეში, რომელიც ჯერ ოსმალებს არ დაეკირათ; დომენტის მაგიერ ოსმალებმა, იესეს შეგონებით, კათალიკოზად დაჰნიშნეს ბესარიონი. დომენტი იქიდან სტამბოლს წავიდა, სადაც სკდილობდა ჩაგონებინა ხონთქრისათვის, რომ მოწყალედ მოჰპყრობოდა ქრისტიანებს და იმის ძმას იესეს, მაგრამ ისაყმა, ახალციხის ფაშამ, და ტფილისის მოურავმა ისე აუწერეს საქმის გარემოება, რომ ხონთქარი განრისხდა დომენტიზე, რომელიც, იმის ბრძანებით, გაგზავნილ იქმნა ტენედოსის კუნძულზე.

როგორც წინად მოვიხსენეთ, ვახტანგი პეტერბურგს იყო მიწვეული. ცარიცინს რომ მივიდა, შეიტყო იმპერატორის პეტრეს გარდაცვალება; ეს ამბავი მოჰხდა 25 იანვარს 1725 წ. ამ ფრიად სამწუხარო ამბით დალონებულმა მეფემ განაგრძო გზა იენისის პირველ რიცხვებში. იმპერატრიცა ეკატერინე I-მა დიდის ამბით და ფრიად მოწყალედ მიიღო ვახტანგი და დაუნიშნა შეფესაც და იმის მხლებლებსაც შესაფერი საზრდო¹⁷⁾.

¹⁷⁾ ვახტანგის ამალიაში იყო 1185 სხვა და სხვა წოდების კაცი. მას თან ჰყავდა თვისი სახლობა, 4 ეპისკოპოსი და 1200-მდე სული ორისავე

მალე ვახტანგი გაპაგზავენეს დარუბანდს და იქილამ გილანს რომ ზაფი ჩამოეფლო სპარსეთთან; იქ ამ დროს სარდალი ნადირი, ავშარის ტომის შთამომავალი, პმართავდა სახელმწიფოს შაჰ თამაზის სახელით. როგორც სპარსნი, აგრედვე ოსმალნი, დავთანმხნენ რუსის მთავრობის წინადადებას; დალისტანის მხარე, კასპიის ზღვის პირად მდებარე, რუსებს დარჩათ. იმპერატრიცა ეკატერინეს სიკვდილს შემდეგ, რომელიც ექვს მაისს 1727 წ. მოჰხდა, ვახტანგი დაბრუნდა რუსეთში.

1728 წ. იესე, იგრივე მუსტაფა-ფაშა, გარდაიცვალა. ისაყ ფაშამ გაჰყო ქართლი ოთხ მახრად ღ დიდი ხარკი დაადო. ოსმალნი სასტიკად ექცეოდნენ და საშინლად ავიწროებდნენ ქართველებს. მაგალითად, ერთხელ ოსმალოს შიკრიკებმა გაჯავრებულებმა მით, რომ ფოშტის ცხენების მოყვანა დაუგვიანეს, ორს თავადიშვილს ლაგამი ამოსდეს პირში და ზედ შესხდნენ¹⁶⁾. ამის გამო ასტყდა ამბოხება და არაგვისა და ქსნის საერისთავოში, საამილახვროში და საათაბაგოში ხალხი აჯანყდა. მაჰმად-ყული ხანი, კახეთის ბატონი, რომელიც ორბუნჩუყიანთ ფაშა იყო, ოსმალებს ეწეოდა მემამოხეთა დამშვიდების საქმეში და ებრძოდა შანშე ქსნის ერისთავს.

სქესისა. მათ შორის იყვნენ: ქრისტეფორე, მთავარ-ეპისკოპოსი სამთავისისა, პავლე, ტფილისის მიტროპოლიტი, ნიკოლოზი, რუისის ეპისკოპოსი, არსენი, ურბნისის ეპისკოპოსი და იოანე, ნიქოზის ეპისკოპოსი. Пл. Иселіани, Гр. подъ властью царей-магометанъ, стр. 82. ამათ რიცხვში იყო ჩვენი გამაჩენილი პოეტი, დავით გურამიშვილი, რომელსაც მირგოროდში მისცეს 80 კომლი გლეხი. დ. ჩუბინაშვილის სიტყვით, ეკატერინე I-მა უბოძა ვახტანგს წმ. ანდრია მოციქულის ორდენი, დაუნიშნა ყოველწლიურ სარჩოდ 24,000 მან. და აჩუქა 26,000 კომლი გლეხი, „ქარ. ცხ.“, ნაწ. II., წინა-სიტყვა, გვ. VIII.

¹⁶⁾ „მანუჩარ ყაფლანის შვალს და გიორგი ქართველის შვილს ამოსდეს ლაგამი, შესხდენ და ჩხვლეტდენ დეხით წასასვლელად“, ცხ. ქარ., გვ. 89,

მაგრამ იმულებული იყო შინ გაქცეულიყო, იმიტომ რომ ოსმალები კარგის თვალით არ უყურებდნენ. ამ ნაირად მთელ ქართლს ოსმალებმა დაადვეს თავისი უღელი.

რადგან ლეკებმა თან და-თან გაახშირეს თარეშობა შიდა ქართლში, ისაყ-ფაშა თავის შვილით იუსუფით მუღამებრძოდა, აფთხოვდა და, ასე იყო თუ ისე, აკაევდა ცოტაოდნად; მაგრამ მტარვალთა რიცხვი მუღამ ღლე მატულობდა და, როდესაც ქართლში შემცირდა შკიდრთა რიცხვი, ისინი თრიალეთში გადადიოდნენ ჯავახეთამდე და ახალციხემდე, გზაში ყველაფერს სძარცვამდნენ და აოხრებდნენ. ოსმალები დამარცხდნენ მუხრანსა, ნადარბაზევსა და ნიჩბისში. ამ უბედურებას თან დაჰყვა ჟამი და ყოველივე ის, რაც თან სდევს ასეთ გადამდებს სენს, მაგ. ონავარ მხეტთა და ფრინველთა გამრავლება. ამ გარემოებაში მყოფმა თოფან-ფაშამ, რომელიც ისაყ-ფაშას მაგიერად იყო დანიშნული, თანხმობა ჩამოაგდო ქართველთა შორის, რამდენისამე გამარჯვებით თავი იჩინა, მაგრამ მალე ისევ დაუთმო ადგილი ისაყ-ფაშას და საქმე მაშინ ისევ აღრინდებულად დატრიალდა. ამასობაში თამაზ შაჰს წაართვეს თეირანი, თავრაზი, ისპანი და სპარსეთის უმეტესი ნაწილი; 1732 წ. ტახტიდამ გადააგდო თამაზ-ხანი ნადირ თამაზ-ყული-ხანმა და იმის მაგიერ შაჰად დაჰნიშნა ახლად დაბადებული მისი შვილი აბაზი. ამით ისარგებლა იმპერატორმა ანა იოანნეს ასულმა, რომელიც პეტრე II შემდეგ ავიდა ტახტზე, გაჰგზავნა ვახტანგი დარუბანდს და უბრძანა შამახიის დაქვერვა.

ვახტანგი წავიდა 1732 წ., მაგრამ ნადირმა იმპერატორის ელჩი გამოუგზავნა და დაითანხმა, ხელი აეღო სპარსეთში ყველა დაპყრობილ ადგილებზედ. როგორც კი ეს ზავი შეჰკრეს ნადირთან, ვახტანგი დაბრუნდა რუსეთში, და ჯვარის ციხე რუსებმა დაანგრირეს. ამ დროს ქართლს განაგებდა ოსმალებისაგან დაყენებული ისაყ-ფაშა. ხოლო კანონიერ იმის მფლობელად ითვლებოდა კახეთის ბატონიშვილი

თეიმურაზი. ისაყმა გადააყეთო მუხრანისა და ავქალის ციხეები და 12 სიმაგრე საგო დიღმიდან მოყოლიებული ატენამდე, რითაც განიზრახა გზა შოესპო ლეკებისათვის, რომელნიც ნათაგ აქედამ ქურდულად გადაიპარებოდნენ ხოლმე სამცხე-საათაბაგოში. ნადირმა 1735 წ. შემდეგ ხანგრძლივად გარემოდგომის შემდეგ დაიპირა განჯა. ერევანი პირველ შეტევასზედ თავისით დამორჩილდა; ბოლოს ლორე იერიშით აღებულ იქმნა; ოსმალები ყარსთან დამარცხდნენ; ტფილისში მყოფნი ოსმალნი მდღვრად იცავდნენ თავს, მაგრამ ამაოდ; ბოლოს ოსმალები განდევნილ იქმნენ, როგორც ტფილისი-დამ, აგრეთვე გორიდამა და მუხრანიდამ¹⁹⁾.

როგორც კი შაჰ-ნადირი საქართველოს სატახტო ქალაქში მოვიდა, გადასახლა დიდ-ძალი რიცხვი ქართველებისა კახეთიდან, სომხეთიდან და ზემოქართლიდან ხორასანს, რომელიც წინად დაიპყრო. შემდეგ გაილაშქრა დაღესტანს, რომელსაც ყირიმის თათრები თავს დაეცნენ; შემდეგ მტრის განდევნისა შაჰ-თაშაზ-ყული-ხანმა დაიპყრა ეს მხარე და აღიარა თავი ხელმწიფედ ნადირ-შაჰის სახელწოდებით 1736 წ.; ეს მოჰხდა აბაზ III სიკვდილის მეორე დღეს. შაჰმა ქართველები შინ გამოისტუმრა და დაადვა ქართლს ხარჯი, რომელიც 5300 თუმანს უდრიდა; ამას გარდა ქართლს უნდა ერჩინა ტფილისში 500 სპარსელი ჯარის-კაცი თავის ოჯახებით. ნადირმა ქართლის გამგეთ კახელი ბატონიშვილი

¹⁹⁾ ამ ათის წლის განმავლობაში, ე. ი. იმ ხანს, რა ხანსაც ოსმალები ბატონობდნენ ქართლში და ექიშებოდნენ სპარსებს, დაიხრცა სხვა და სხვა ომსა და ბრძოლაში 15 ათასი ქართველი. ოსმალებში გარდასახლეს და ტყვეთ წაიყვანეს 1500 სახლობა, ზოლო სპარსეთში—800 კომლი. ამას გარდა ზემო ქართლიდან—საავალიშვილოდამ—სპარსელებმა 500 სული ტყვეთ წაიყვანეს, საციციანოდან—500 ოჯახი და ქსნის საერისთაოდამ—1000 სული. ერთის დღის განმავლობაში 500 ქალი და ბაღი იქმნა ამოწვეტილი. ვისაც არ შეეძლო სპარსელებს გაპყლოდა, ცხვირს და ყურებს სჭრიდნენ, ნიშნად ქვეყნის სრულიად დამორჩილებისა-

ალი-მირზა²⁰⁾ დაპნიშნა. მან და შაჰის ნათესავემა სეფი-ხანჯალ-ხანმა შეიპყრეს კახეთის ბატონიშვილი თეიმურაზი და რამდენიმე დიდებულნი, რომელთაც ჟურჩობა შესწამეს, და სპარსეთში გააგზავნეს. ნადირ-შაჰმა თან წაიყვანა ისინი, როდესაც გაილაშქრა ყანდაარის ასაღებად, რომელიც აიღო კიდევ მარტში 1738 წ.

ხოლო ქსნის ერისთავი შანშე, გივი ამილახვარი და სხვანი არ დაემორჩილნენ სპარსელებს და აჯანყდნენ. სეფი-ხანი, არაგვის ერისთავის ბარძიმისა და აბდულ ბეგის დახმარებით, რომელიც მეფის იესეს შვილი იყო, ბევრჯელ დაეცა აჯანყებულებს სურამის ახლოს და ბორჯომის ხეობაში, მაგრამ ვერც ერთხელ ვერ გაიმარჯვა; მან მხოლოდ ცბიერებით მოახერხა მათი დაწყნარება. ლეკები ჩაერიდნენ ომში და სძარცვავდნენ ქართლის დასავლეთ ნაწილს. მაგრამ იძულებულნი შეიქმნენ დაეთმოთ ბოლოს სპარსეთის ჯარებისათვის. მაშინ, 1637 წ., აბდულ-ბეგი დაპნიშნეს ქართლის მმართველად არჩილის სახელწოდებით. ზემოხსენებული ალექსანდრე ალი-მირზა, რომელიც იყო ერთ დროს კახეთის გამგეთ, — ისევ თავის წინანდელ ადგილზედ დაინიშნა. შანშე კი ოჯახით რუსეთში გაიქცა. 1737 წ., არ ვიცით კი რა მიზეზისა გამო, ნადირმა გადააყენა აბდულ-ბეგი და ალი-მირზა და ყანდაარს თან წაიყვანა ზემოხსენებულ დიდებულებთან ერთად. ნადირმა თან წაიყვანა აგრედვე თეიმურაზი და ერეკლე, კახეთის მფლობელნი.

იმავე წელს მეფე ვახტანგი გარდაიცვალა ასტრახანს და დამარხულ იქმნა ერთ ეკლესიაში, რომელიც ჯერ კიდევ არ აღმოუჩენიათ. საკვირველია, რომ მაშინდელი მასალები ერთმანეთს არ ეთანხმება ვახტანგ მეფის სიკვდილის წლისა და დღის შესახებ. მეისტორიე სეხნია ჩხეიძე აღნიშნავს ვახტანგ მეფის გარდაცვალების უამს 25 მარტს 1737 წ.; ვახუშტი,

²⁰⁾ ივანე-ყულისაძე.

ვახტანგის შვილი, ქართლის ისტორიაში მოგვითხრობს, რომ 26 მარტს გარდაიცვალაო და თავის ქორონიკონებში-კი იმავე წლის 27 მარტს აღნიშნავს, ხოლო თხოვნაში, რომელითაც იმპერატორს ელისაბედ პეტრეს ასულს მიჰმართა ნოემბერს 1749 წ., ვიზობს: „1735 წ. ჩემი მშობელი ვახტანგ ლევანის ძე გარდაიცვალაო“. იმ ქართველთაგან, რომელნიც ახლდნენ ვახტანგს, ზოგი შინ დაბრუნდა; უმეტესი ნაწილი კი რუსეთის სამსახურში შევიდა; მათ უბოძეს მამულები სსმხრეთ რუსეთში და იმათგან შეადგინეს ქართველთ ულანების პოლკი, რომელიც 1835 წ. მოსპეს²¹⁾

კათალიკოზის ბესარიონის სიკვდილს შემდეგ, დომენტ დაბრუნდა ოსმალეთიდან და თავისი აღრინდელი თანამდებობა დაიკირა—1736 წ. ხანჯალ-ხანი, რომელიც შაჰმა, ინდოეთზე გალაშქრების შემდეგ, ქართლის გამგედ დააყენა და რომელმაც დიდი ხარკი დაადვა ქართლს,—გამოეთხოვა წუთი-სოფელს და იმის ადგილას დანიშნეს ალავერდი, მეფის იესეს უკანონო შვილი. ერთის წლის შემდეგ შანშე დაბრუნდა ქართლში, დაიქირავა ლეკის ჯარი და დიდხანს იბრძოდა თავის მტრებთან და თითქმის დაუსჯელად სძარცვავდა ქვეყანას, რადგან რუსეთში გაქცევის დროს, ძმა მისი, იესე, კახეთში დაიშალა, ხოლო მისი ცოლი და სახლობა გიორგიმ, არაგვის ერისთავმა მოიტაცა. შანშე გარს შემოფრტყა და ომის შემდეგ აიღო ქალაქი ანანური 1739 წ. და არაგვის ერისთავი ცოლით და მომხრეებით მოაკვლევინა. ლეკების დიდ-ძალმა ჯარმა, რო-

²¹⁾ იმ ქართველთა შორის, რომელნიც მალოროსიაში დასახლდნენ, ვპოულობთ შემდეგ თავადების გვარებს: ამილახერებს, ბარათაშვილებს, თურქისტანიშვილებს, ჭავჭავაძეებს, ორბელიანებს, სააკაძეებს, ფხვიძეებს, ქობულაშვილებს, ციციშვილებს, წერეთლებს, ხერხეულიძეებს, ჯავახიშვილებს და სხვა აზნაურთა: ზედგინიძეებს, თულაშვილებს, ბედაუთიშვილებს, ოდიშელიძეებს, ტყავაძეებს და სხვ. Плохинский, Поселение грузинъ въ Малоросію въ XVIII в. 1898 г.

მელიც შანშეს ახლდა, დმანისამდე მიაღწია. მაგრამ შანშე მალე შეაჩერეს განჯის ხანმა სეფმა და ასლამაზ-ხანმა, რომელიც გვარად ორბელიანი იყო. შემდეგ ამ ლეკთა ბრბოს სდიეს ქსნის საერისთავოში და დაამარცხეს კახეთი, მაშინ როდესაც თავის სამზღვარს მიაღწიეს; დაამარცხეს ისე, რომ სრულიად ამოსწყვიტეს. როცა შაჰ-ნადირი ინდოეთიდან დაბრუნდა და მოახსენეს ეს ამბავი და სიკვდილი მისის ძმის იბრაგიმისა, რომელიც მოჰკლეს დაღესტანში, მან 1741 წ. გაილაშქრა დაღესტანზე. ამასობაში აღრი-ყული ხანი ქართლში ებრძოდა შანშეს, რომელიც, როგორც იყო, ძმით იესეთურთ, ახალ ციხეში შეიპყრეს და ხორასანს გაჰგზავნეს შემდეგ ორთავეს თვალები დასთხარეს. გივი ამილახვარი ქსნის ერისთავად იქმნა დანიშნული. სპარსებმა დაასუსტეს ქართლი მუდმივის გადასახადით პურიით თუ ფულით; აგრეთვე კაცების გაყვანით ჯარში, რომლის რიცხვი დან და თან მატულობდა. შემდეგ ხალხის საერთო აღწერისა და ყოველწლიურ საქონლის დაწვლილებულის რევიზიისა ქართველები წავიდნენ დარუბანდში საჩრვლელად ნადირთან, რომელიც იწოდებოდა არა მარტო შაჰად, არამედ შაჰინ-შაჰად. შაჰ-ნადირმა ქართველები მოწყალებით მიიღო, დააბრუნა შინ, და თითოეულს მათგანს თანამდებობა უბოძა და შესაფერი ჯამაგირი დაუნიშნა. გზაში 1742 წ. დომენტი კათოლიკოზი გარდაიცვალა. კახეთის დედოფალს თამარს სურდა დომენტის აღგილას გაემწესებინა ბატონიშვილი ანტონ, იესე მეფის შვილი. ანტონი ღირსეული კაცი იყო და ქუთაისს ეპისკოპოსობდა. რადგან მან უარი განაცხადა, კათოლიკოზად დაჰნიშნეს ნიკოლოზოზ ხერხეულიძე. ქართველებმა ვეღარ შესძლეს აესრულებინათ სპარსების ყოველი მოთხოვნილება და გადასწყვიტეს, გივი ამილახვრის წაქეზებით, აჯანყება, მაგრამ ვერა მოახერხეს-რა.

იმპერატორცა ელისაბედ პეტრეს ასულმა გაჰგზავნა ასტრახანს 1742 წ. ბაქარი, ვახტანგის შვილი, რომელსაც მიანდო

სპარსეთში სხვა და სხვა საქმეების გაკეთება. ამ შემთხვევაში ქართველებს საბაბი მისცა ეფიქრნათ მუხრან-ბატონების დინასტიის ხელახლა აღდგენისთვის, მაგრამ ზაქარი ღალე დაბრუნდა რუსეთს და არც არავითარი ამ ნაირი განზრახვა არ განუცხადებია. ნადირ-შაჰმა განაგრძო დაღესტანში ლაშქრობა წელიწად-ნახევარს; გივი ამილახვარი, ქართლის ვეჟილი, არამც თუ არ ემორჩილებოდა სპარსების მიერ დაყენებულ ხანს, არამედ მან ლეკებთან კავშირი შეკრა, იღუმალ გავიდა ტფილისიდან და შეუერთდა ბეჟანს, არაგვის ერისთავს, და ჩრდილოეთს ქართლში იწყო გამაგრება. იმამ-ყული-ხანი ებრძოდა გივის და, ხან მძლავრობით, ხან დაპირებით და საჩუქრებით, თან და თან დაამშვიდა და შეირიგა რამდენიმე დიდებულნი. სურამში, კალასა და არაგვის მაზრაში დიდი წინააღმდეგობა გაუწიეს, ხოლო ქართლის სამხრეთ ნაწილს — საბარათიანოს და საორბელიანოს — სპარსეთის მხარე ექირა. შაჰ-ნადირმა რომ შეიტყო ქართლის მდგომარეობა, დასთანხმდა ხარკი შეემსუბუქებინათ. ამასთანავე კახეთის მფლობელს თეიმურაზს უფლება მისცა, ისე მოქცეულიყო იქ, როგორც საუშჯომესოდ დაინახვდა, ოღონდ კი უწესოება ამოეთხვრა და გივი დაემორჩილებინა. ამ დროს ფატალი-ხანი ადერბეიჯანელი დიდძალის ჯარით და ქერიმ-ხანი, შაჰის დაახლოებული ნათესავი, შეუერთდნენ შაჰს; მაგრამ გივსაც მოუვიდა შესამჩნევი შაშველი ლეკის ჯარი, რომლითაც გამაგრდა არაგვის ხეობაზე და იცავდა, როგორც თავის თავს, აგრეთვე თავის სიძეს, არაგვის ერისთავს. მან რამდენჯერმე დაამარცხა სპარსნი. ახლა გამაგრდა ცხვილოსის ციხეში და იქიდან დაიწყო ხანებთან ზავის შესახებ მოლაპარაკება. შაჰმა უკვე დაღესტანი დაიპყრა და გივისაგან თხოულობდა სრულს მორჩილებას; რადგანაც გივი არ დასთანხმდა, შაჰმა უბრძანა განეგრძოთ ომი. ეს მოხდა მარტში 1743 წ. ლეკებმა ჯარი ათასობით ემატებოდა გივს ბელად შალაჩის წინამძღოლობით. ლეკებმა დაარბიეს ხევი, ბოლნისი და მთელი საბარა-

თიანოს მახრა. ზოგიერთნი თავადნი ორბელიანთა შორის სიკვდილით იქმნენ დასჯილნი, ვითარცა ლეკების მომხრენი ღ თანამოაზრენი. აჯი-ალთი ხანმა და აბდულ-ბეგმა ვერ მოახერხეს მტრის განდევნა. შაჰ-ნადირმა რომ გაიგო ქართლის უბედური მდგომარეობა, დაიბარა თეიმურაზი, ხაზინის მოხელენი და ზედამხედველნი, რომელთაც აუხსნეს, რომ ქვეყანა აკლებულიაო და დიდი ბოროტ-მოქმედება არსებობსო. შაჰს ძალიან ეწყინა და სასტიკად დასაჯა თვისნი მოხელენი და გაჰგზავნა ქართლში რევიზორად მირზა-აშუმი, ვეზირი და ვეჭილი. გივი მანც განუხდ იყო გამდგარი და არ ემორჩილებოდა შაჰს. ოთარ ციციშვილიც შეუერთდა გივს. აჯი-ხანი და აბდულ-ბეგი ამაოდ სცილობდნენ, ან დაემშვიდებინათ ქვეყანა, ან და დაემორჩილებინათ ბეჟანი, არაგვის ერისთავი, რომელიც გივის სიძე იყო ისიცა და იმისი ნათესავი ოტიაც მოკლულ იქმნენ თავის ქვეშევრდომების მიერ, რომელთაც მობეზრდათ ხანგრძლივი ომიანობა. გივმა სასტიკად დასაჯა დამნაშავენი. იმას უნდოდა სხვებისათვის მაგალითი ეჩვენებინა და ამბობება არ გაერცულებულიყო. იმავე დროს მთიულები დაეცნენ გივი ამილახვარს, გასძარცვეს მთელი იმისი ოჯახი და წაიღეს მისი ქონება. რევაზმაც, მისმავე ბიძაშვილმა, უღალატა გივის და, შაჰის ბრძანებით, არაგვის მახრა მის შემდეგ გადასცეს კახეთის მეფეს თეიმურაზს. ამასობაში გივის კიდევ მოუვიდა ლეკებიდგან მაშველი ჯარი და იმანაც გაახშირა ზედ-დაცემა არაგვის მახრასა და ზემო ქართლზე. აჯი-ხანი, აბდულ-ბეგი და ძმა მისი ისაკ-ბეგი, ტფილისის ვალი, დიდ გაჰირვებაში ჩავარდნენ. ამ დროს ვილაც ცრუ შაჰ-ზადეს, რომელიც ლეკებმა გამონახეს და რომელიც შაჰ-უსეინის შვილათ უწოდებდა თავის-თავს — ქართლში გზა დაებნა და ჩაუვარდა ხელში ერეკლეს, თეიმურაზის შვილს. ერეკლემ შაჰ-ზადე გარდასცა შაჰ-ნადირს. მაშინ ნადირი ყარსის ციხის აღებას სცდილობდა და ძლიერ გაეხარდა ეს ამბავი. ერეკლეს აუარებელი წყალობა უბოძა. ამასობაში არც

ოსმალები დარჩენილან გულ-ხელ დაკრებოლნი. ყველა გივის მომხრენი ზემო ქართლიდან გაიქცნენ არზრუმის სერასკირთან. იქ უნდოდათ ენახათ შაჰ ზადე, რომელიც ნადირმა ოსმალებში გაისტუმრა. ამ ბედკრულმა ტახტის მიძიებელმა აღერსიანად მიიღო მნახველები, ვითარცა თვისნი ქვეშევრდომნი და ყველას დიდი საჩუქრები დაურიგა. ამ დროს ხონთქარმა გამოუგზავნა გივს და ლეკებს დიდძალი ფული, ოღონდ დამეხმარეთ სპარსელებთან ბრძოლაშიო. იუსუფ-ფაშა ზამთარში 1743 წ. შეესია ზემო ქართლს დიდის ჯარით და ფულსაც დანიშნულებისამებრ ურიგებდა. მაშინ ერეკლე შემოვიდა ჩრდილოეთ ქართლში, განდევნა გივი ოსმალებითურთ და ძალზე დაამარცხა ცხინვალს, სადაც თავისის ხელით მოჰკლა ბელადი მალაჩი. დანარჩენთ გზაში შეხვდა თეიმურაზი ქართველებით ოსმალებმა გაფანტეს ისინი და ფული წაიღეს კახეთში ლეკებისთვის, მაგრამ ეს რომ ერეკლემ შეიტყო, დაედევნა და მიეწია მარტყოფს, საცა მრავალი დააყუევა და მრავალი გასწყვიტა. იუსუფ-ფაშამ ძლივს მოასწრო გაქცევა. თეიმურაზმა, რომელიც მაშინ გორში იყო, დაიჭირა გამოქცეულები და წაართვა მთელი მათი ნადავლი. ლეკებიც ფრედვე დამარცხებულ იქნენ საბერათიანოსა და ზემო ქართლში. შაჰ-ნადირს ისე ესიამოვნა ესე ყოველივე, რომ ქართლის სამეფო თეიმურაზს უბოძა, ხოლო კახეთისა იმის შეიღოს ერეკლეს მისცა 1744 წელს.

კახეთის ისტორია

შემდეგ განყოფისა.

1466 წ., გიორგი VIII მეფობის დროს ქართლში, იმერეთის მფლობელმა ბაგრატმა დაიპყრა ქართლი და მოიწადინა კახეთის შემოერთებაც. ამ განზრახვის ჩასაშლელად ქართლის დიდებულებმა აშორჩიეს და აღიარეს მეფედ დავით ერისთავი, რომელიც იყო დიმიტრის შვილი და ქართლის სასიქადულო მეფის ალექსანდრეს შვილი-შვილი. მეფე გიორგიმ, როგორც კი იხსნა თავი ყვარყვარე ათაბაგის ტყვეობიდან, დაეცა დავითსა, რომელმაც დიდოეთში შეაფარა თავი. მტრის გაბრუნების შემდეგ, გამოვიდა იქიდან და მეფედ ეკურთხა, როგორც ამბობენ, 1467 წ. ქ. ბოდბეში კონსტანტინე II-მ, ქართლის მეფემ, არ შეუშვა მარტყოფში, საგურამოსა და ხერკის მაზრაში, რომელიც ქართლის საზღვარი იყო მაშინ. დავითი დაეპატრონა მხოლოდ ჰერეთსა და კახეთს. გარდაიცვალა 1471 წ. იმის შვილი გიორგი I, — სხვათა აზრით, ლევანი, შეუკავშირდა ბაგრატს, იმერეთის მფლობელს, წინააღმდეგ ქართლის მეფისა, კონსტანტინესი; მანვე კახეთის ერისთავების მაგიერ დაპნიშნა მოურავები: ქიზიყისა, ენისელისა, წუქეთისა, დიდოეთისა, თიანეთისა, ჭიაურისა, შილდისა, ყვარლისა, მარტყოფისა, გრემისა, ჰანკისისა და სხ. და თვისი სამეფო დაჰყო სადროშოებად; მოწინავე იყო ქიზიყი — ბოდბეში; მემარჯვენე — ნაკრესში, მემარცხენე — მარტყოფში. ასის წლის შემდეგ თავადმი ზენიგოროდსკიმ ჰნახა კახეთის ჯარი და ხუთ სადროშოდ იყო დაჰოფილი: სამეფოდ, მემარჯვენედ, ქიზიყისად, ხოლო უკანასკნელ ორ სადროშოს არ ასახელებს. ამ დროს (1589 წ.) მთელს ჯარში იყო 10,000 მხედარი, 3000 ქვეითი ჯარისკაცი და 500 ცხენოსანი იანიჩარი, რომელნიც შეიარაღებულ-

ნი იყვნენ თოფებით. მეფე ლევანმა უბოძა დროშები ვის-
კოპოსებსაც და მთავარ-ეპისკოპოსათ აღიარა ალავერდის
წინამძღვარი. ახლად დაარსებულ კახეთის სამეფოში სატახ-
ტო ქალაქად გრემი შეიქნა. სახელწოდება ჰერეთისა და კუ-
ხეთისა შობისაჲ. მესობელნი ერნი გიორგის მეფეს კი არ უწო-
დებდნენ, არამედ ბატონსა. თუშები, ფშავლები და ხევსურე-
ბი თავს არ უხრიდნენ. მთიულთა შორის მარტო დიდოე-
ლები ემორჩილებოდნენ. მდიდარის ძღვენსა და ორისავე
სქესის მრავლად ტყვეების მირთმევით გიორგიმ თავი იხსნა
უზუნ-ასან-ყაენისაგან ამ ყაენის მემკვიდრის იაყუბ-ყაენის
დროსაც მშვიდობიანობა არ დარღვეულა კახეთში. მეფე გი-
ორგი ვარდაიცივალა 1491 წ. მისი შვილი ალექსანდრე ეკურთ-
ხა მეფედ ბოდბეში (ზოგიერთის თქმით, ალავერდის მონას-
ტერში). იგი შეურიგდა კონსტანტინეს, ქართლის მეფეს, და
საზღვარი დაუდგა ქართლსა და კახეთსა. როდესაც ადერ-
ბეიჯანი დაიპყრო შაჰ-ისმაილ I-მა, მას აახლოა ალექსანდრემ
თავისი შვილი დიმიტრი, რომელიც ყაენმა მოწყალებდ მიი-
ლო. იმის დროს კახეთში მშვიდობიანობა იყო. ხოლო მეო-
რე იმისმა შვილმა გიორგიმ, — არ ვიცით კი უმეროსი იყო
თუ უმცროსი, — შეიძულა თავისი ძმა დიმიტრი და თავლები
დასთხარა. ამ დიმიტრის ჩამომავლობიდან მომდინარეობს
თვალდამწერის შვილების გვარი, რომელიც ქართლსა და რუ-
სეთში არსებობდა აქამომდე. დაბრმავების შემდეგ დიმიტრი
სპარსეთში წავიდა, იქიდან მოვიდა ქართლს და აიშენა
ღირბის ციხე ლუარსაბ I მეფობაში. რევაზმა, რომელიც, ზო-
გიერთის თქმით, ძმა უნდა ყოფილიყოს დიმიტრისა, ხოლო სხვე-
ბი გვარწმუნებენ, რომ ის დიმიტრის შვილი იყოვო, შეიძინა
დაბა რუისი და თავის საგვარეულო სამარხად აქაური ეკლე-
სია დაჰნიშნა. იმისი მოდგმა ორ ნაწილად გაიყო: რამაზის
შვილებად და დავითის შვილებათ. ეს დავითი შვილები 1666 წ.
რუსეთში დაესახლნენ და ამ გვარის ერთი ქალი მეფე თეფ-
ლორე ალექსის ძემ დაჰნიშნა; მეორე ქალი ჯერ შეირთო

ალექსანდრემ, არჩილ მეფის შვილმა, და მერმე შიათხოვეს დიმიტრი პავლეს ძეს ციციშვილს. ის იყო დედა სახელოვნანის ვაჟ-კაცის პავლესი, რომელიც მუხანათობით მოკლულ იქმნა ბაქოში 1806 წ. თებერვალს²³⁾. ეხლა ამ გვარის მოთავედ ითვლება თავადი სერგეი ივანეს-ძე, რომელიც სენატორია და რომელსაც საიმპერატორო სამეცნიერო აკადემიის ვიცე-პრეზიდენტის ადგილი უქირავს. აქ უნდა შევნიშნათ, რომ ამ ალექსანდრემ საქართველოს ყველა სხვა მეფეებზე უწინარეს იწყო დაახლოვება რუსეთის დიდ კნიაზებთან. 1491 წ. მან გაუგზავნა ელჩები ვასილ ბრმას, რომელმაც ცოტა წინად დაიპყრა ყაზანი²⁴⁾; მეფე ულოცავდა გამარჯვებას და უღრმეს პატივისცემას უცხადებდა. 1511 წ. ზემოხსენებული ბატონიშვილი გიორგი თავს დაეცა თავის მამას ალექსანდრეს, მოჰკლა და დაჯდა იმის ტახტზე. ამ ბოტ-მოქმედებისა გამო გიორგი II იწოდება ისტორიაში ავ-გიორგით. იგი შეებრძოლა ქართლის მეფეს დავითს და ააოხრა მისი სამფლობელო; ბოლოს ავ-გიორგი დაატყვევა ბაგრატმა, — რომელიც პირველი მუხრან-ბატონი იყო, — და ავ-გიორგი ტყვეობაში მოკვდა. მთელი კახეთი დაიჭირა დავითმა, რომელმაც ორჯელ ამოდ განიზრახა მოკვლა მცირე წლოვან ლევანისა, ერთად-ერთის მემკვიდრისა კახეთის სამეფო გვარში ეს ლევანი დამალული ჰყავდა გარსევან ჩოლაყაშვილს. ლევანი აღიარებულ იქმნა მეფედ და გამაგრდა მდინარის ციხეში, სანამ ოსმალთ მოულოდნელმა ქართლზე თავს-დასხმამ არ აიძულა დავითი უკან დაბრუნებულიყო. დავითმა გაიმარჯვა ოსმალებზე და 1520 წ. ისევ კახეთს წავიდა, სადაც, თუმცა შეეწივნენ ცოტაოდენი კახელები, მაგრამ მაინც დამარცხდა ქიზიყში.

²³⁾ ეს მოჰხდა 8 თებერვალს 1806 წ. Н. Дубровинъ, Закавказье отъ 1803—1805 г., გვ. 479.

²⁴⁾ ვასილ II-მ დროებით დაიჭირა ყაზანი; ნამდვილი დაპყრობა ყაზანისა იოანე IV მრისხანის მეფობაში მოჰხდა, 1552 წ.

მაშინ ლევან II ეყურთხა მეფედ ბოლბის ტაძარში. შაშია გურიელი, იმისი სიძემრი, გადავიდა ლიხის მთაზე, თავს დაესხა ქართლს, დაამარცხა დავითი მობისს და შეარიგა ლევანთან, რომელსაც მიათხოვა თავისი ასული თინათინი. მეფე დავითი იძულებული შეიქმნა დაეთმო ლევანისათვის, რომელმაც ამ სახით მფელი კახეთი დაისაკუთრა. გურიიდან მომავალს თინათინს იმ გვარი სიზმარი ენახა, რომ მან გადასწყვიტა აეშენებინა შუა მთის მონასტერი ყოვლად-წმინდა ღვთისმშობლის სახელზე, რომელიც რამდენისამე წლის შემდეგ დაამთავრა.

ლევანი, როგორც წინად მოვიხსენეთ, შეეწია მეფე დავითს 1523 წ. ომში შაჰ-ისმაილის წინააღმდეგ. ცოტა ამაზედ წინად კიდევ, როგორც ხეპირ-გადმოცემა მოგვითხრობს. შემწეობა აღმოუჩინა ქართლისა და იმერეთის მეფეებს წმინდა ქალაქის წართმევაში მამულიუკების ხელიდამ. დრო და ნამდვილი ამბავი ამ გალაშქრებისა არ არის სისწორით გამოკვეთილი ²⁶).

ორის ვაჟის — ალექსანდრესა და იესეს — დაბადების შემდეგ, თინათინი ვაყარა ქმარს, რომელსაც შამხალ ყარამუსალის ქალისაგან კიდევ შეეძინა ოთხი ვაჟი: გიორგი, ელი-მირზა, ვახტანგი და ქაიხოსრო. საგულისხმოა, რომ ლევანს უყვარდა შამხალის ქალი თინათინის შერთვამდე. ნამდვილად კი ვიცით, რომ ლევანს, ამ ექვს შვილს გარდა, კიდევ ჰყავდა ოთხი ვაჟი, რომელთა შორის კათალიკოზი ნიკოლოზიც იყო, და ოთხი ქალი.

როდესაც 1536 წ. შაჰ-თამაზმა ტფილისი აიღო, ლევანი უახლა დაბრუნების დროს და გამოუცხადა თავისი მორ-

²⁶) როგორც ხევთ მოვიხსენეთ, პროფ. ცაგარლის გამოკვლევით, ეს ამბავი ისტორიული ანაქრონიზმია, უკეთ რომ ვსთქვათ, სიცრუეა. ქართველთა უარი, მართალია, წავიდა იერუსალიმს, მაგრამ ეს იყო 1303 წ. და არა 1527 წ. (Свѣд. о пам. гр. письм. в. 3.), Памятн. гр. старинны въ св. землѣ и на Синаѣ, გვ. 57, 62 და 67.

ჩილებს; ამის გამო შაჰმა საჩუქრებით გამოისტუმრა. მრუხე-
დაუად ამისა, შაჰის მფლობელი ასან-ბეგი ძარცვავდა თავისს
მოსახლვრე კახეთს; ამიტომ ლევანი შეებრძოლა ასან-ბეგს,
დაამარცხა და კიდევ მოჰკლა ომში. მანვე დაამშვიდა ტუშა-
ვლები, ხევსურები და თუშები მით, რომ ნება მისცა მთები-
დამ ჩამოსულიყვნენ თავიანთ ოჯახობით საზამთროდ ალაზ-
ნის ვალმა ხეობაში და ჩრდილოეთ კახეთის საძოვრებზე.

ასან-ბეგზე გამარჯვებით წაქეზებულმა ქართლის მეფემ
ლუარსაბმა და სამცხელებმა განიზრახეს ვალაშქრება ადერ-
ბეიჯანს და შირვანს ასან-ბეგის შვილის და მეჰკვიდრის დარ-
ვიშ-მაჰმადის წინააღმდეგ, შაჰ-თამაზი შეებრძოლა, როგორც
მათ, აგრეთვე დარვიშ-მაჰმადს, რომელიც მას აღარ ემორჩი-
ლებოდა. შაჰმა ლევანი მიიმხრო, ჩამოაცალა სხვა ქართვე-
ლებს და 1548 წ. დაამარცხა მემბოხე ხანი, რომელსაც თა-
ვი ომის ველზე მოჰკვეთეს. ლევანი დაბრუნდა შინ დიდის
საჩუქრებით და მდიდარის ნადავლით, რადგან ლევანი და
შაჰი დაზავდნენ და რადგან ლევანს ლეკები შეშინებული
ჰყავდა, იმის მეფობის უკანასკნელ წლებში მშვიდობიანობა
ჩამოვარდა კახეთში. იგი მხოლოდ ერთში შესცდა; ლეკები
ფიფინეთში დაასახლა იმ პირობით, რომ ყოველ-წლივ ეზი-
დათ ყინული კავკასიის მთებიდამ კახეთის სასახლეში ამას
გარდა მან 1558 წ. განაახლა რუსეთთან მისვლა-მოსვლა და
განუცხადა მეგობრობა და ვასსალური დამოკიდებულება მე-
ფე იოანე შრისხანეს, რომელმაც დაიპყრო ყაზანისა, ასტრახა-
ნისა, თერგისა და ტარკის მზრები კასპიის ზღვაზე.

შემდეგ წელს მან თუმცა მიათხოვა თავისი ასული ქართ-
ლის მეფეს სვიმონს, მაგრამ იმის თხოვნა დახმარებისა ომში შა-
ჰის წინააღმდეგ უარ-ჰყო. მისი შვილი გიორგი-კი, რომელიც
თავის სურვილით გაერია ომში ძეგვთან²⁶⁾, მოიკლა ომის
ველზე. ლევანის მგორე ვაჟი ალექსანდრე სცხოვრობდა შუა

²⁶⁾ უხე-დბდთან.

შთაში თავის დედასთან (თინათინთან). ლევანს განსაკუთრებით უყვარდა ის ვაჟები, რომელთაც შეძენილი ჰყავდა შამხალის ქაღისაგან. აქ უნდა შევნიშნოთ, რომ ლევანის სპარსეთში მუდმივმა დაახლოებამ და მეგობრობამ კახელების ზნე და ჩვეულება შესამჩნევად შესცვალა და გარყვნა.

ლევანის სიცილილს შემდეგ 1574 წ. ასტყდა ხანგრძლივი შუღლი და ქიშობა მის შვილებს შორის. ელი-მირზამ, ხოსრომ და ვახტანგმა დააპყრეს ქვეყანა ალექსანდრემ, თინათინის შვილმა, იკურთხა გვირგვინი ბოდბეში და, თავის სიმამრის დახმარებით, აგრედღე ბარძიმ ამილიხურისა და დაუთ-ხანსა, დაამარცხა თავისი ძმები, რომელნიც ომის ველზე დაიხოცნენ.

ამ შემთხვევის დრო ნამდვილად ვიციით ერთის გუჯარიდამ. იქიდანა სჩანს, რომ ელი-მირზა ცოცხალი იყო 1580 წ., ხოლო დღე და თვე გუჯარში არ არის მოხსენებული.

ალექსანდრე II დაჯდა ტახტზე და კახეთი დაიფლო. ერთი მისი შვილი ერეკლე შინაურ უკმაყოფილების გამო იძულებული შეიქმნა სტამბოლში წასულიყო. ამით საბაბი მიეცათ სპარსელებს, რომ მეფესთვის განდგომილება შეეწამნათ. ერეკლე სუსტის ქკუის კაცი ზყო; მან შეერთა ჩერქეზის ხანის ასული და გამაჰმადიანებული სცხოვრობდა სტამბოლს, სადაც ყველა ზიზლით უცქეროდა. შემდეგ ქკუა შეერყა და გარდაიცვალა 1583 წ. ახლო ხანებში. შაჰი მოვიდა ყარაბაღს. კახეთის დიდებულმა ოთარ ჩოღაყაშვილმა განიზრაზა აეცილებინა კახეთისათვის იმისი რისხვა, შეაგულიანა საათაბაგოს მმართველი, დედის იმედი, და მოაკვლევინა ვარაზ შალივაშვილი, შაჰ-თამაზის ცოლის ძმა, რომელსაც ვითომც განეზრაზოს იმისთვის უფლების ჩამორთმევა. შაჰი განრისხდა და ამხედრდა შურის საძიებლად საათაბაგოზე, ხოლო კახეთი ამით გადარჩა აოხრებას. იქიდან გამობრუნებულმა, 1574 წ., შაჰმა მოწყალედ მიიღო კონსტანტინე, ალექსანდრეს მცირე-წლოვანი შვილი, და მძევლად

თან წაიყვანა. აქ უნდა შევნიშნოთ, რომ კარგად არ არის გამოკვლეული, შაჰ-თამაზმა თუ ხუდა-ბენდემ წაიყვანა კონსტანტინე მძევლად. მეორე წყარო გვიჩვენებს, რომ ხუდა-ბენდემ გამოსთხოვა სვიმონ მეფეს და ალექსანდრე II-ს ქალები, რომელთა სახელი არ არის მოყვანილი. ამას გარდა ალექსანდრეს ვაჟიც მძევლად წაიყვანა, რომელიც შემდეგში შეიქმნა ლიდი ერთგული მაჰმადიანთა სჯულისა. ამით შაჰს სურდა უზრუნველად ყოფილიყო თავის ვასალების მხრით და დაესაჯა ალექსანდრე იმის ორქოფობით მოქმედებისათვის, რადგან ლალა-ფაშის შემოსევის დროს საქართველოში, 1578 წ., ალექსანდრე არამც თუ არ შეებრძოლა ოსმალებს, სამედ თვითონ გაუძღვა მაშველის ჯარით შირვანს და იქიდან დაბრუნების დროს არაგვის ხეობამდე მოჰყვა.

ალექსანდრეს ძმამ, იესემ, რომელიც სპარსებს მძევლად მისცეს 1548 წ. და რომელიც გამაჰმადიანდა ისაყის სახელით, შეირთო შაჰ-თამაზის ძმის სამ მიწის ქალი. იესე დაჰნიშნეს შექის ხანად, მაგრამ შემდეგ ოსმან-ფაშის მიერ ამ ქვეყნების დაპყრობისა, იქიდან გადმოვიდა და ისევ კახეთს დაბრუნდა 1580 წ. ამის შემდეგ იესე შეიპყრეს და დაამწყვდის ციხეში, სადაც მალე მოკვდა.

ალექსანდრემ განიზრახა ჯაგრის ამოყრა სვიმონ მეფისა, რომელმაც ბარძიმ ამილახვარი აიკლო, და დაეცა ქართლს. დაამარცხა მეფე დილომს და არ დაირცხვინა შეურაცხყოფა მიეყენებინა თავის დის, დედოფლის დარეჯანისათვის, რომელიც სძულდა. როდესაც გაბრუნდა კახეთისკენ, ძრიელ დამარცხდა ქოტორს. შემდეგ ამისა მეფეები დაზავდნენ აშოთანის შუამდგომლობით, რომელიც სანდო კაცი იყო სვიმონ მეფისა და რომელსაც ცოლად ქეთევანი, ალექსანდრეს ქალი, ჰყავდა³⁾. 1596 წ. შაჰ-აბაზმა ცოლად სთხოვა ქალი

³⁾ აქ შეცდომა უნდა იყოს: ვახუშტით, აშოთან მუხრან-ბატონის ასული ქეთევანი ალექსანდრეს უფროსის შვილს, დავითის, ცოლი იყო, ქარ. ცხ., ნაწ. II, გვ. 110.

დარეჯანი¹⁾), მაგრამ მეფემ შეუთვალა, რომ ჩემი ქალი უკვე დანიშნულია. იგი მიათხოვა მანუჩარ დადიანს და მხოთვად შაჰის ზოგიერთი საჩუქარი თან გაატანა. დარეჯანი 1597 წ. გარდაიცვალა. დარჩა შვილი ლევან დადიანი. ისტორიკოსი ვახუშტი ამის გვარის წერას აღნიშნავს 1587 წ., ხოლო სიკვდილს 1591 წ. ჩვენ უფრო ნამდვილად მიგვაჩნია ჩვენ მიერ მოყვანილი თარიღები, რომელიც დამყარებულია მაშინდელ რუსეთის არხივის საბუთებზე. ამას შემდეგ მეფე ალექსანდრემ გამოსცადა თავის ოჯახში უსიამოვნება, აყალ-მაყალი და საოცარი არგე-დარევა. ამის დას, ალავერდში მონაზონად შემდგარს, ნამუსი აშხადა ალავერდელმა, რომელიც იერუსალიმს მიდიოდა ფულით ქართველ მონასტრების ვალების გადასახდელად, მოაულოდნელად უკან დაბრუნდა და შეირთო ცოლად ეს მონაზონი. 1601 წ. ბატონიშვილი კონსტანტინე დაბრუნდა სპარსეთიდან ბოროტ განზრახვით, მაგრამ მაშინ ვერაფერი მოახერხა. ამასთან მეფის ძენი, დავით და გიორგი, რომელნიც ტფილისში ხშირად დადიოდნენ სანადიროდ სვიმონ მეფის შვილთან, სმაში წაიჩხუბნენ. გიორგიმ განიზრახა დავითის დაპატიმრება და კახეთის დაპყრობა დავითმა შეუტყო ეს განზრახვა და თითონ შეიპყრო იგი თორღას ციხეში. შემდეგ ამისა დავითი ისე გაკადნიერდა, რომ ტახტიდგან გადმოაგდო ხანში შესული თავისი მამა და საპყრობილეში ჩასვა. ამით ვერ შეიჯერა გული, მოაკვლევინა მამის მომხრენი და ყოველგვარი სასტიკობა ჩაიდინა ამ ქუთა მოკლებულმა ტახტის მიმთვისებელმა. დავითმა 11 თვე იძვდა; სიკვდილის წინად საშინელმა სენმა შეიპყრო, მუცელი გაუსკდა და საშინელს ტანჯვაში დალია სული 21 დეკემბერს 1602 წ.

ალექსანდრე ხელ-ახლად გამეფდა, მაგრამ ცოტას ხანს. 1603 წ. დამლევს შაჰ-აბაზმა დაიბარა კახეთის ჯარით, იმ

¹⁾ ვახუშტით, ნესტარ-დარეჯანი.

დროს, როცა ერევანს ალყა შემოარტყეს, დაასაჩუქრა დიდ-
ძალის ოქროთი და განსაკუთრებული პატივი სცა. მაგ-
რამ შინ გამოსტუმრა მხოლოდ წლი-ნახევრის შემდეგ. მე-
ფე დაბრუნდა კახეთში მარტს 1605 წ. რიცხე. მრავალ სპარ-
სელთა ამალით და თავის შვილის კონსტანტინეს თან ხლე-
ბით. კონსტანტინემ დაიპყრო ყაბალა და მთელი შირვანი,
რის შემდეგ შაჰ-აბაზი დიდად მოწყალებდ ეპყრობოდა. შაჰმა
უბრძანა გადმოეგდო ტახტიდამ ალექსანდრე და გამხდა-
რიყო შირვანისა და კახეთის ბატონი. უბედურმა კონსტან-
ტინემ განიზრახა ამისთანა საძაგლობის ჩადენა და 12 მარტს
მოაკვლევინა მოხუცებული მამა, შმა გიორგი და რამდენიმე
დიდებული ზაგემში, ანუ, როგორც ვახუშტი ამბობს, ბაზარ-
ში⁵⁾, და ისე გაკადნიერდა, რომ ბრადსა სდებდა, შაჰის
ორგულნი ხართო და თავს იმითი მართლულობდა, ვითომც
ალექსანდრესაც თავისი მამა მოეკლას კახელების ჩვეულებ-
ისამებრ. ჩვენ უფრო სამართლიანად მიგვაჩნია ისტორიკო-
სის არაქელის ნაამბობი, რომ ქართველები (კახელები), მეფე
ალექსანდრეს თანხმობით, შეიტქვენენ კონსტანტინეს, ამ რჯულ
გადამდგარის, მოსაკლავად, მაგრამ კონსტანტინემ შეიტყო მათი
განზრახვა, თვითონ დაასწრო მტერს და გადააქარბა იმ
სამზღვარს, რა სამზღვარშიც ნება აქვს კაცს თავი დაიცივას.

ბატონის შვილის დავითის ცოლმა ქეთევანმა რალაც ბე-
დად წინაღვე, 1604 წ, გაჰზაფნა თავისი ერთადერთი შვილი
თეიმურაზი სპარსეთში. შაჰ-აბაზმა მოწყალებდ მიიღო ყმაწ-
ვილი, ზრდიდა და ასწავლიდა სპარსულ ენას და სპარსულ
ზნე-ჩვეულებას. ამით გადარჩა თეიმურაზი სიკვდილს, ხო-
ლო ალექსანდრეს შვილი-შვილი, მანუჩარ დადიანის შვილი,
მცირე წლოვანი ლევანი, რომელიც ალექსანდრესთან იზრდე-
ბოდა, თავის პაპის სიკვდილს შემდეგ, სამეგრელოში წაიყ-
ვანეს.

⁵⁾ ზაქათლის მაზრაში.

ზევით ჩვენ ორჯელ — ლევან I და ალექსანდრეს I მეფობაში — მოვიხსენიეთ რუსის ხელმწიფეები. დროა უფრო ვცარლად ავწეროთ კახეთის მეფეების მიწერ-მოწერა რუსის დიდ კნიაზებსა და მეფეებთან. აღვილი დასაჯერებელია, რომ უკანასკნელ შხ წლის განმავლობაში რუსებმა უფრო დაახლოვებით გაიცნეს ქართველები და ორისავე ერის მეფეებს ერთმანეთთან მიწერ-მოწერა ჰქონდათ. 1586 წ. დაბრუნდა თარჯიმანი ივანეტი დანიელის ძე რუსინი, რომელიც გაგზავნილ იყო ალექსანდრე II-თან იმის ქვეყნის გასაცნობად. მას ახლდნენ ქართველი ელჩები, მღვდელი იოაკიმე, ბერი კირილე ქსანტოპულო და ხურშიდ ჩურქანენინი, ანუ ჩერქესი, რომელთაც შინდობილი ჰქონდათ გამოკეთხოვათ რუსის მეფის მფარველობა ოსმალების წინააღმდეგ.

შემდეგ წელს მეფე თევდორე ივანეს ძემ გაჰგზავნა საქართველოში თავისი დესპანი, ბირკინი, და აღუთქვა მეფეს თერგის შესართავთან ქალაქის აშენება, რათა დაიცივას ამიერკავკასია თათართა შემოსევისაგან, რომელთაც წინა წლებში კასპიის ზღვის ნაპირების გზები შეისწავლეს და იქილამ თავს ესხმოდნენ ხოლმე. ასტრახანილამ ელჩები მივიდნენ სუნჯის კოშკთან, რომელიც აშენებული იყო იქ. სადაც მდინარე სუნჯა ერთვის თერგს; იქილამ მთები და ყაბარლო ჩაიარეს და სონის ქვეყანაში შევიდნენ; ესრედ იწოდებოდა მაშინ სამფლობელო არაგვის ერისთავისა, რომელიც, თანახმად ჩვენის საბუთებისა, ქვეშევრდომი იყო კახეთის მეფისა. ერისთავმა გადაიყვანა ისინი კეხარის მთაზე, ალაზნის სათავეში, სადაც მიიღო მეფის მოურავმა და ბაზიერთ-უხუცესმა უმანმა. 1587 წ. სექტემბერს ალექსანდრემ მიიღო ფიცი და ვალდებული გახდა ყოველ-წლივ ეძლია რუსთა ხელმწიფისათვის საჩუქრად თავის ქვეყნის უმჯობესი ნაწარმოები იმ პირობით, რომ რუსების სტრელებმა *) დაღესტნელები შეი-

*) მაშინდელის მუდმივის ჯარის კაცნი.

კაფონ; რუსებს ამ დროს, გარდა სუნჯისა, მეციხოვნენი ჰყავდათ ჩაყენებულნი ტიუმენსა და ტურკში.

ბირკინმა თან წაიყვანა რუსეთში ქართველი ელჩი, თავადი ყათლან ვაჩნაძე. ეს ვაჩნაძე, ბერი კირილე და სხვები სადარბაზოდ მიპატიებულნი იყვნენ რუსის მეფის, ბორის გოდუნოვის კავკასიის ნამესტნიკის მიერ. ქართველთ ელჩებმა დაბეჯითებით მოსთხოვეს მეორე ციხის აგება წინააღმდეგ ტარკოველ შამხალისა, რომელიც დაუძინებელი შტერი იყო საქართველოსი. ეს შამხალი გადაემტერა მეფე ალექსანდრეს მას შემდეგ, რაც ალექსანდრემ თავის შვილს გიორგის ნება არ მისცა ეთხოვნა შამხალის ქალი და იმას ამჯობინა ასული ყირიმ შამხალისა, რომელიც იმის ნათესავი და მემკვიდრე იყო. — კახელების თხოვნის გამო თავადს ანდრია ივანეს-ძე ხვაროსტინის ბრძანება მოუვიდა აღასრულოს მეფე ალექსანდრეს სურვილი.

ამავე ელჩს (ვაჩნაძეს) უნდა მიერთშია საჩუქრად მეფე თევდორე ივანეს ძისათვის ოქრო-მკედით მოქარგული მშვენიერი გარდამოხსნა, რომელიც ახლა ასვენია ჩესმენის საინვალიდო ქსენონის ეკლესიაში, და რომელსაც, თუმცა მრავალი ქართული და ბერძნული წარწერები აქვს, შაგრამ ეს წარწერები ისტორიას არ შეეხება.

1589 წ. თავადი ზენიგოროდსკი რამდენისამე სასულიერო კაცით გაემგზავრა ელჩად საქართველოში. მეფის გრამოტის გარდა ამ სასულიერო კაცებს თან მიჰქონდათ რუსის პატრიარქის იობის წერილი ალექსანდრესთან: პატრიარქი აუწყებდა მეფეს, რომ მიღებული ხარ რუსის ხელმწიფის მჟარველობაში და აგრედვე, რომ რუსის მღვდლებს მინდობილი აქვთ ქართველთ ეკლესიის გამართვა, თანხმად წმინდა მამათა სწავლისა და იმათგან დადგენილ წეს-რიგისა.

ზენიგოროდსკის ახლდა ამაღა, რომელშიაც რეაასი კაცი იყო; თან მოჰქონდა დიდ-ძალი ფული. ქართველთაგან მთებში არავინ დაჰხვედრია და ამის გამო დიდის გაქირ-

ვებით მიადწია სონის ქვეყნამდე და მხოლოდ საზღვარზე დახვდა ბერი კირილე. ბოლოს მეფემ, ცოტა არ იყოს, გულცივად მიიღო თავადი გრემში, რომელიც მაშინ კახეთის საატახტო ქალაქი იყო. არ ვიცით, რა მიზეზისა გამო, ალექსანდრემ ჯეროვანის პატივისცემით არ მიიღო ეს ელჩები; ყოველი მათი მოქმედება გულსა სტკენდა და ცდილობდა, რაც შეიძლება, ნაკლებ დაეთმო და, რაც შეიძლება, მეტი სარგებლობა ჰქონოდა თითონ რუსის მფარველობითა; დაიტრაბახა, რომ სპარსეთის შაჰი ცდილობს ჩემს მეგობრობასაო. ნება არ მისცა მღვდლებს მიწერ-მოწერა გაემართათ კათალიკოზ ნიკოლოზთან, რომელიც მეფის ძმა იყო და რომელზედაც მეფე განრისხდა, როცა მან ცილობა გაუწია ამა თუ იმ საეკლესიო წეს-წყობილების შესახებ იერუსალიმის პატრიარქს, კახეთში მოსულს იმ დროს. ამის გამო ბერმა ზაქემ, რომელიც ელჩის ამალაში იყო, ვეღარ მოახერხა ქართველ სამღვდელოების დაყოლიება და ამას შემდეგ აღარ ისურვა ეწირა არც გრემსა, არც ზაგემს ანუ ზეგანს, მეორე საატახტო ქალაქში, არც ერთს რომელსამე: იქაურ ეკლესიაში, რადგან ეგ ეკლესიანი ჩემის აზრით სასურველ წესიერებაში არ არიანო.

მეფე ალექსანდრე მუდამ იმას ჩიოდა, რომ ეს ოთხი წელიწადია, რაც მივენდე მეფე თეოდორე ივანეს ძის მფარველობას და მან კი არავითარი თვალსაჩინო შემწეობა არ აღმომიჩინაო; ხოლო იმ ხარკმა, რომელსაც ვიხდი, გამაღარიბაო. თუმცა იმავე წელს რუსის ჯარმა თერგზე პალტოვის წინამძღომლობით დაამარცხა ყაზარდოს მთავარი სოლაღი და აიძულა შამხალი შეწყნარება და პატიება ეთხოვნა, მაგრამ ალექსანდრე მაინც გაჯავრდა, რომ რუსები შეურიგდნენ დამარცხებულ მტერს. ამას გარდა დაბეჯითებით თხოულობდა ასი კაცი სტრელებისა მაინც კახეთში დაეტოვებინათ შესაშინებლად სხვა და სხვა მტრებისა, რომლებიც გარს ერტყნენ კახეთს. ძლივს დაუტოვეს 25 კაცი, რადგან მეფეს არ სურდა.

თავისის ხარჯით შეენახა ისინი, ხოლო სტრეგლები არ დასთანხმდნენ მუქთად ემსახურნათ. 1590 წ. მაისში ზენიგოროდსკი უკანვე დაბრუნდა ლარსს, აქედამ მთებით სუნჯას გარდავლო. თან ჰყავდა თავადი სულეიმანი და ხურშიდ ჩერქეზიშვილი, კახეთის ელჩები.

ბორისი დაჰპირდა განეგრძო ომი შამხალის წინააღმდეგ, მაგრამ მოითხოვა, რომ ალექსანდრემაც შემოღობისამებრ მიიღოს მონაწილეობა ამ გალაშქრებაშიო. ამ პირობით და საჩუქრებით, — რომელთა შორის, ჩვეულებისამებრ, საუკეთესო ჯიშის სანადირო ქორებიც იყო, — მან გაისტუმრა საქართველოში ვასილ ტიმოთეს-ძე პლეშჩეევი, მაგრამ მისი ამბავი ჩვენ არა ვიცით-რა. პლეშჩეევს დაბრუნების დროს 1591 წ. ახლდნენ ქართველი თავადი არამ ჯეზდამბეკი და მოხუცი კირილე ბერი. ისინი მივიდნენ 1592 წ. და მადლობა განუცხადეს რუსის მეფეს შამხალის ქალაქის ანდრეევის დაქცევისათვის, — რომელიც თავადმა გრიგოლ ოსიპის-ძემ ზასეკინმა აიღო, — და სთხოვდნენ ბორის გოდუნოვს ციხეც აეღოთ და დაეპყრათ ყუმუხების მთელი მხარე. თავადი ივანე ნიკიტას-ძე ვსევოლოდსკი გაჰყვა არამ ჯეზდამბეკს საქართველოში 1593 წ. მას უნდა მოეთხოვა დახმარება ყირიმ შამხალისა და კახეთის ჯარისა ყუმუხებზე გალაშქრების დროს. ამას გარდა უნდა წამოეყვანა რუსეთში ევროპიულ წესზედ აღსაზრდელად ალექსანდრეს ერთ-ერთი შვილი და ან ძმისწული. ბოლოს უნდა შეეგონებინა ალექსანდრესათვის, რომ ამიერიდამ რუსის მეფის დაუკითხავად აღარ მიეცა სპარსებისათვის სამეფო გვარეულობის შვილი. ვსევოლოდსკი დაბრუნდა და თან წამოიყვანა ზემო მოხსენებული თავადი ხურშიდი და ქერემის მთავარ-ეპისკოპოსი არტემი. გრამოტაში რუსთ ხელმწიფის სახელზე, რომელიც მათ გაატანა, ალექსანდრე თავს იმართლებდა, რომ შორეულ გალაშქრობაში, — რომელიც თერგში ყუმუხების წინააღმდეგ დაიწყო, — ვერ მივიღებ მონაწილეობასაო და გადაქრით უარს უთვლიდა თავის ძმისწულის

გაგზავნაზე რუსეთში. ერთს იმათგანს თვალები დასთხარა, ხოლო მეორე დიდ ხანს საპატიმროში ყოფნით მოკვდა. ამ გვარ მდგომარეობაში იყო საქმე და, რა გასაკვირველია, რომ ქართველი ელჩები მოსკოვში გააჩერეს წელიწად-ნახევარი. შინ გაუშვეს მხოლოდ 1596 წ. ივნისს; თან გააყოლეს რუსის ელჩი კუზმა პეტრეს ძე სავინი.

შაჰ-ხუდა ბენდეს დიდათ არა სწყენია ალექსანდრეს რუსებთან დაახლოვება, იმიტომ რომ იმედი ჰქონდა მიემხრო თავისკენ მეფე თეოდორე ივანეს ძე ომში ოსმალების წინააღმდეგ. ხოლო შაჰ-აბაზი სულ სხვა აზრისა იყო: მას ვერ გაეგო ვერც მიზეზი რუსების მუდმივის ბრძოლისა შამხალთან, ვერც ისა, თუ რისთვის აშენებდნენ ქალაქებს ჩრდილოეთ დაღესტანში, რისთვის იკისრეს ალექსანდრეს დაცვა მთიულთა და ოსმალთაგან და რისთვის სცდილობდნენ გადაბირებას ბატონიშვილის კონსტანტინესი, რომელიც სპარსებს მძევლად ჰყავდათ მიცემული. დასასრულ, ის ბრალსა სდებდა ალექსანდრეს სამარცხვინო მოქმედებისათვის: ვითომც ალექსანდრეს მოეკლას მუხანათობით ელჩი ბეგ-მირზა, ანუ ბირი მირზა, რომელიც გაგზავნილი იყო მასთან სათხოვნელად იმის ქალისა შაჰის საცოლოდ, — და წაერთმია მისთვის ფული და საჩუქრები და მიეცეს ყოველივე ესე მზითვეში თავის ასულისათვის, რომელიც მიათხოვა მანუჩარ დადიანს, როგორც წინადაც მოვიხსენეთ.

მეფე თეოდორემ დაავალა სავინს განეცხადებია ალექსანდრესათვის უკმაყოფილება იმის შესახებ, რომ მან მონაწილეობა არ მიიღო რუსეთში დაშორებულ ექსპედიციაში კუმუხების წინააღმდეგ, რაიცა ისე ძვირად დაუჯდა რუსეთს. მან უბრძანა სავინს გამოსთხოვოს ალექსანდრეს ნიშნად მორჩილებისა საჩუქარი. რაც შეეხება ივერიის სხვა მფლობელებს, სავინს მიანდევს ვასსალად მიეღო ისინი, ვინც კი ისურვებდა.

სავინი წავიდა ყაზანიდამ ასტრახანს, იქედამ ზღვით მი-

ვიდა ტერკს, შემდეგ ჩაიარა სუნჯის ციხე და ჩვეულებრივის გზით მივიდა ლარსში და შემდეგ კახეთში, 1596 წ. დეკემბერს. საინმა გადასცა ალექსანდრეს მეფის გრამატა და პატრიარქის კურთხევა და შემდეგ წელს ოკტომბერში უკან დაბრუნდა. ლარსში შეჩერდა ზამთრისა და დიდის თოვლის გამო და იძულებული შეიქმნა დაბრუნებულიყო კახეთში, სადაც დაჰყო 1598 წ. მაისამდე; იქიდან აახლეს თავადი სულეიმან ბულ-ალი-ხანი, ანუ აბულელაძე. გზაში მან შეიტყო, რომ სამეფო ტახტზე ასულიყო ბორის გოდუნოვი. იმ ზამთარს დარჩა ასტრახანში. სხვა და სხვა მოულოდნელ გარემოების გამო ამ დესპანობამ სამს წელიწადზედ მეტს გასტანა.

სულეიმანი მივიდა მოსკოვს 1599 წ. ივლისში და სცდილობდა გაემართლებინა თავისი ხელმწიფე შესახებ იმისა, რომ მონაწილეობა ვერ მიიღო ზასეკინის გალაშქრებაში შამხალის წინააღმდეგ და ისევ დაბეჯითებით თხოულობდა, რომ რუსებს შამხალთან ომი განეგრძოთ; თუ არა და მეფე ალექსანდრე გადუდგება რუსეთსაო. რაც უფრო ხანში შედიოდა ალექსანდრე, თან და თან უფრო ძნელი შეიქმნა მასთან საქმის დაქერა. თან და თან უფრო ჩიოდა, რომ ჩემის მტრების გაწყვეტას აგვიანებენო. მისისავე სახელით სულეიმანმა ითხოვა აგრედვე საჩუქრები და რამდენიმე ბაზიერი. ქართველები წარსდგნენ მეფე ბორისისა და პატრიარქის წინაშე, და, არ ვიცით, რა მიზეზისა გამო, ორს წელზედ მეტს ხანს დაარჩინეს ისინი მოსკოვში.

1601 წ. სულეიმანი წამოვიდა ერთად რუსის ელჩთანვე ივანე ათანასეს ძე ნაშოკინთან, რომელსაც დაავალეს, როგორც კახეთის საქმეების დაწყობა, აგრეთვე თხოვნის მიღება ივერიის სხვა მფლობელთაგან, რომელნიც კი მოისურვებენ რუსეთთან დაახლოვებას: იმავე წელს თავადი რომადანოვსკი წავიდა ჯარით ტერკს, ხოლო თავადი ალექსანდრე ზასეკინი გაგზავნილ იქმნა სპარსეთში შაჰთან, რომლისათვისაც უნდა აე-

ხსნა, რომ მარტო სჯული იყო მიზეზი იმისა, რომ რუსეთმა მიიღო თავის მფარველობის ქვეშ საქართველო. ზასეკინი უნდა გალაშქრებულიყო შამხალის წინააღმდეგ და, იმის სამფლობელოს რამდენისამე ადგილის დაქერის შემდეგ, უნდა აეშენებინა ტიუმენის და ანდრიას ციხეები გემი, რომლითაც ნაშჩოკინი მიდიოდა, კინალამ დაიღუპა ვოლგაზე და მხოლოდ 6 დეკემბერს მიაღწია მან ასტრახანს. მზეელი ყაზბარდო, სუნჯის ხეობა და დაღესტანი მაშინ აღელვებულიყო და ამ ქვეყნებში გავლა ელჩებისათვის ძლიერ საფრთხილო იყო. ამას გარდა თერგის მოურავმა, თავადმა ანდრია ხილკოვმა შეიტყო, რომ 1601 წ. ნოემბერში ბატონიშვილი კონსტანტინე დაბრუნებულიყო სპარსეთიდან და რომ მეფე აღექსანდრე ტახტიდან გადმოეგდო მის შვილს დავითს და რომ ის ბერად შემდგარიყო. სულიეიმანმა არც ეს ამბავი დაიჯერა, არც ნაშჩოკინს უჯერებდა რასმე და თხოულობდა, რომ ნაშჩოკინი მალე წამოსულიყო საქართველოში. ეს მისი თხოვნა კიდევ ასრულდა და პირველ იენისს ნაშჩოკინი გამოეცხადა აღექსანდრეს და დავითს, რომელიც მაშინ მეფობდა. ზათხულში მოუხდა სხვა და სხვა ადგილებში ცხოვრება, როდესაც მეფე დავითი ებრძოდა სონის ანუ არაგვის ერისთავს და თავისს ძმას გიორგის. ნაშჩოკინს დაუნიშნეს მეორედ სადარბაზოდ მიწვევა, მაგრამ ამ დროს დავითი გარდაიცვალა, როგორც ზევით მოვხსენეთ.

აღექსანდრე ისევ გამეფდა და, როცა შეიტყო, რომ იმ წელს რუსები შამხალზე აღარ აპირებდნენ ამხედრებას, ძალიან გაჯავრდა და ზიზღით ეპყრობოდა ნაშჩოკინს, რომელმაც მოახსენა ბორისს იმისი და იმის შვილების უმართებულო მოპყრობის ამბავი. საგულისხმოა, რომ ნაშჩოკინის მოხსენებაში ბევრი გადაჭარბებულია, თუმცა საზოგადოდ მაშინდელი ამბები რომ კარგად განვიხილოთ, დავრწმუნდებით, არც ნაშჩოკინი და არც აღექსანდრე მართალი არ იყვნენ. ნაშჩოკინი რუსეთში დაბრუნების შემდეგ ფორმალურად გამ-

ტყუნებულ იქმნა ცუდ ყოფა-ქცევაში. რუსეთის მეფემ ბრძანა სიკვდილით დაესაჯათ ის და მხოლოდ უცაბედმა სიკვდილმა გადაარჩინა სამარცხვინო სასჯელსა; მის მემკვიდრეებს მაინც უნდა შეეტანათ იმის მამულიდან დიდ-ძალი ფული სანუქფოდ იმ ქართველებისა, რომელნიც მან დატუქსა და დააზარალა. მისი ამხანაგი დიაკი ლეონტიევი სასტიკად იქმნა დასჯილი და მთელი თავისი სიცოცხლე საპყრობილეში უნდა ყოფილიყო დამწყვდეული. ქართველმა სულეიმანმაც ძლივს გაიმართლა თავი ბრალდებულებისაგან ასტრახანში. ამის გამო მოხუცი ბერი კირილე, რომელიც ნაშჩოკინს გაჰყვა 1603 წ., იენისში, დიდხანს გააჩერეს ასტრახანში და მხოლოდ 1604 წ. თებერვალს სადარბაზოდ მიიღო ბორისმა. როცა ჰკითხეს საქმის გარემოება, ბერი ამართლებდა ყველაფერში ალექსანდრეს; ამტკიცებდა, რომ ნაშჩოკინმა ცილი დასწამა მეფეს და თავის მხრით უჩიოდა უზრდელობისა და ცემისათვის, რომლის შედეგი ოთხის კაცის სიკვდილი იყო. ჩვენ უკვე მოვიხსენეთ, რით გათავდა ეს საქმე. კირილემ მოახსენა აგრედვე დაწვრილებითი ცნობანი იმ ადგილების შესახებ, რომელთ დაქერა სიმაგრეებათ რუსთავის საჭირო იყო, სახელდობრ: ტერკისა, ტარკალისა, თოზლოჟისა და ვოინაკისა. ბორისმა გამოსტუმრების დროს აღუთქვა კირილეს, სახეში მივიღებ მეფე ალექსანდრეს თხოვნასა.

კირილეს თან გააყოლეს მეფის დაახლოვებული აზნაური მიხეილ ეგნატის ძე ტატიშჩევი, რომელიც სახელმწიფო საქმეებში განვითარებული იყო და ამასთანავე გულ-კეთილი. მას მიანდევს შერიგება სონის ერისთავისა მეფე ალექსანდრესთან და, თუ ეს არ მოხერხდებოდა, უნდა შეეგონებინა ერისთავისთვის, რუსეთის მფარველობა მიეღო. ტატიშჩევა დიდძალის ამალით ძლივს მიაღწია ლარსს ამ დროს ხმა გავარდა ალექსანდრეს მოკვლისა და, თუმცა ეს ხმა მაშინ არ გამარ-

თლდა, მაგრამ მაინც ნიშანი იყო იმისი, რომ კონსტანტინეს პირველმა ცდამ უნაყოფოდ ჩაიარა.

მაშინ გამოაშკარავდა, რომ არაგვის (იგივე სონის) ერისთავი საბოლოოდ გადაუდგა მეფე ალექსანდრეს და მიემხრო გიორგის, ქართლის მეფეს. 1504 წ. მარტში ალექსანდრე სპარსეთში იყო წასული და იქიდან ჯერ კიდევ არ იყო დაბრუნებული, როდესაც შამხალის მომხრეებმა ამით ისარგებლეს და დაეცნენ გრემს და ზაგემს, გაძარცვეს და ააოხრეს სრულიად.

ტატიშჩევი იყო სადარბაზოდ გიორგი ბატონიშვილთან, ალექსანდრეს შვილთან, რომელმაც მანამდი არ შეჰფიცა რუს ხელმწიფეს ერთგულებაზე, სანამ არ მისცეს შემწეობა კუმუხების და ოსმალების წინააღმდეგ. ცოტა ხანს უკან ერთმა რაზმმა, რომელშიაც 50 სტრელცების ჯარისკაცი იყო და კახეთის ჯარი, დიდად დაამარცხა და სრულიად განდევნა მტარვლების ბრბო. ბოლოს 1505 წ. 1 იანვარს, როგორც გიორგიმ, აგრედვე მთელმა უმთავრესმა სამღვდელოებამ და დიდებულებმა მიიღეს ფიცი რუს-ხელმწიფის ერთგულებაზე. იმავე დღეებში რუსის სარდლებმა ბუტურლინმა და შირონოსოვმა დიდად დაამარცხეს შამხალები ტერკსა, ანდრიას ციხესთანა ჭ სხვა ადგილებში. მიუხედავად ამისა, ბატონიშვილი გიორგი მაინც უარზედ იყო, რომ ქართველებს მონაწილეობა მიეღოთ დადესტანს გალაშქრებაში.— შემდეგში ტატიშჩევი თითქმის თვით მხილველი იყო იმ მკვლევლობისა, რომელიც კონსტანტინემ მოიქმედა და რომელიც წინად მოვიხსენეთ. ამის გამო ტატიშჩევი მალე წავიდა ქართლში. კახეთში ჯეროვანის პატივისცემით არ ეპყრობოდა არც ბატონიშვილი გიორგი და არც კონსტანტინე მან საიღუმლოდ მისწერა მეფე გიორგი X, მომიხერხე, იქნება როგორმე გამოვეცალო კახეთსაო. ელჩი გაუშვეს ქართლში მხოლოდ 1604 წ. აპრილს. ელჩს უნდა გადაეფლო არაგვის ერისთავის საფლობელო; როცა მივიდა კარაღეთში, სადაც მაშინ იმყოფებოდა მეფე გიორ-

გი, საუბარი ჰქონდა იმ ორ ქორწინებაზე, რომელიც ჩვენ ქართლის ისტორიაში მოვიხსენიებთ. მან ინახულა და გასინჯა სასიძო და სადედოფლო, და ჩამოართვა გიორგის მეფური სიტყვა. თავის მხრით მან აღუთქვა გიორგის წაყვანა ისინი რუსეთს, მაგრამ ამ დროს ასტყდა რუსეთში ესრედ წოდებული არეულობის ხანა და ეს განზრახვა ვეღარ შესრულდა. მისში ტატიშჩევი დაბრუნდა არაგვის საერისთაოში. იმ არეულობის გამო, რომელიც მაშინ რუსეთში მოჰხდა, ივნისში ელჩი უმალოდ, ისე რომ ხოსროც არ ჰხლებია, წავიდა ტერკში, რომელსაც მთიულები გარს შემოსდგომოდნენ. კუმუხელებს აეღოთ ანდრიას სიმაგრე და იძულებული გაეხადნათ სუნჯის სახლად დაეწვა იქაური საპატიმრო. ტატიშჩევმა ძლივს მიაღწია მოსკოვს ნოემბერში. ცრუ დიმიტრის შემდეგ გამეფებული ვლადისლავი არ ივიწყებდა საქართველოში დაწყებულ საქმეს და დაჰნიშნა იქ ელჩათ თავადი რომადანოვსკი, რომელიც ავაზაკებმა მოჰკლეს სარატოვს 1606 წ. ამ ნაირად დროებით მოისპო მისვლა-მოსვლა და მიწერ-მოწერა რუსთა და ქართველთ მეფეთა შორის. შემდეგში თავ-თავის ალაგას განვაგრძობთ ამ მიწერ-მოწერის ამბავს.

იმ ბოროტების ჩადენის შემდეგ გამეფებულმა კონსტანტინემ, რომელიც წინად მოვიხსენიებთ, არ ითაკილა შეეთვალა თავის რძლის ქეთევანისათვის, ცოლად გამოძყეო. დედოფალმა საძაგელ მკვლელს ზიზლით უარი შეუთვალა და, დაიმედებული კახელების ერთგულებასა და სიყვარულზე, იარალით წინააღუდგა კონსტანტინეს, მით უმეტეს, რომ შაჰმა ოფიციალურად აცნობა, კონსტანტინე თავისით ჰმოქმედობს და არა ჩემის ბრძანებითაო. კონსტანტანტინეს ამ შებრძოლებაში ეწეოდა შაჰ-მირ-ხანი, ალი-ხანი, სულტანი შემედინლუ და ზოგიერთი სხვა ემირი, რომელთაც უნდა ებრძოლათ შირვანში ოსმალების წინააღმდეგ. ქართველებს ამილახვრის წინამძღოლობით ქეთევანის მხარე ეჭირათ.

კახელები შეითქვენ და დაეწივნენ კოსტანტინეს შირვანში მიწავალს და ლამით დაეცნენ იმის კარავს. მან მოასწრო არდებილს გაქცევა. ხუთის თვის შემდეგ სასტიკი ომი ასტყუდა დაბა მაკაბელთან ამ ორ დასს შორის. როგორც კი კოსტანტინე გამოჩნდა, სამმა გულადმა დიდებულმა ხმლით შეუტიეს და ნაწილ-ნაწილ აჰკუწეს; სპარსნი გაიფანტნენ; არივინ არა ნაღვლობდა მამის მკვლელის სიკვდილს⁷⁾. თვით შაჰ-აბაზი, რომელმაც ეს ბოროტება მოაქმედებინა, დიდის ზიზლით იხსენიებდა კოსტანტინეს, და თუ ვერწმუნეთ მეისტორიე არაქელს, თვით აბაზმა ნება მისცა ქართველებს აეგავათ კოსტანტინე დედამიწის ზურგიდამა. ამის შემდეგ მმართველმა ქეთევანმა გამოსთხოვა შაჰ აბაზს თავისი შვილი, სპარსეთში მცხოვრები. შაჰმა შეიწყნარა მისი თხოვნა.

ამ დროს ლევანისა და ალექსანდრეს რიცხვ-მრავალ შთამამელობიდან საქართველოში მარტო თეიმურაზი დარჩა. რუსეთში-კი სცხოვრობდა ერთი მისი ბიძაშვილი, ბაგრატი, იესეს შვილი, და ალექსანდრეს შვილი-შვილი. ის და მამა მისი დიდხანს იყვნენ სპარსეთში და შემდეგ საქართველოში დაბრუნებისა ციხეში ჩასვეს. ოცის წლის დატყვევების შემდეგ ალექსანდრემ თან წაიყვანა იგი ერევანს. ჯერ ბაგრატი დარჩა დასთან სპარსეთში, მერე დაბრუნდა სამშობლოში. აქედამ ბიძის სიკვდილს შემდეგ გარდაიხვეწა ასტრახანს და მერე მივიდა მოსკოვს. იქ დიდხანს დაჰყო სერგიევის სამების ლავრაში. ვასილ შუისკიმ გააუმჯობესა მისი მდგომარეობა; ჩვენ არ ვიცით, როდის და რანაირ გარემოებაში გარდაიცვალა იგი.

შაჰ-აბაზმა კარგად იცოდა ყველა ეს შინაური მდგომარეობა კახეთის სამეფოსი და მან იქ დასვა ტახტზე თექვსმე-

⁷⁾ მემატინე გორგიჯანიძე სწერს, რომ ამ კოსტანტინემ, მამის მკვლელმა, იმეფა მხოლოდ ექვსი თვე, და რომ მასზე გამართლდა სპარსული ანდაზა: „მამის მკვლელს არ შეუძლიან იმეფოს და, თუ-კი ერთხელ გაჰფუდა, მხოლოდ ექვსი თვე შეუძლიან ტახტზე ჯდომაო . . .“

ტის წლის ბატონიშვილი (თეიმურაზი). თავზე გადააყარა ოქრო და აღიარა კახეთის მეფედ. თეიმურაზ I კახეთს რომ მივიდა, იკურთხა გვირგვინი და ყველასაგან აღვიარებულ იქმნა მეფედ 1606 წ. თეიმურაზმა შეირთო ანნა, მამია გურიელის ასული, რომლისაგანაც ეყოლა ორი ვაჟი: ლევანი და ალექსანდრე და რომელიც ყელ-ჭირვებით მოუკვდა 1610 წ. შაჰმა სანუგეშებლად დაიბარა თავისთან თეიმურაზი, უბრძანა შავების გახდა და შეაგონა, მეორე ცოლად შეერთო ხვარეშანი, ქართლის მეფის ლუარსაბის უფროსი და, რომელიც შაჰს არ მიათხოვეს. თეიმურაზი ძალა უნებურად დასთანხმდა ამაზე 1612 წ. რადგან ლუარსაბი იმის ბიძაშვილის შვილი იყო, შაჰი დაბეჯითებით თხოულობდა ამას, რადგან სურდა თეიმურაზის დამცირება და ქრისტეს სჯულის შეურაცხყოფა. სპარსეთის ბატონი ეძიებდა მიზეზს, რომ ლუარსაბს თავს დასცემოდა. რაც შეეხება კახეთს, კონსტანტინეს მკვლევლობის ხსენება ძალიან აღელვებდა იქაურ მკვიდრთ და ყველას სწყუროდა შურის ძიება და მაგიერის გადახდა. 1614 წ. ზატხულში შაჰ-აბაზი ანაზღაოთ მოვიდა განჯას და ცბიერებით სცდილობდა სიძე და ცოლის ძმა ერთმანეთს დაეშორებინა, და დაერღვია ის კავშირი, რომელიც მათ შორის სუფევდა; მას ახლდა განთქმული მოღალატე დიდი მოურავი. ამას წინად შაჰმა სანადიროდ დაჰპატიჟა თეიმურაზი და ლუარსაბი მაზანდარანში. მათ რაღაც მიზეზი მოიღვეს და არ წავიდნენ. ეხლა შაჰმა დაჰყო რამდენიმე ხანი ყარაბაღს და ემზადებოდა შირვანზე გალაშქრებას ოსმალების წინააღმდეგ. ერთგულობის მძევლად მან მოსთხოვა თეიმურაზს ერთ-ერთი მისი შვილი. მეფემ გაუგზავნა უმცროსი შვილი ალექსანდრე და თან გააყოლა თავისი ცოლი? ქეთევანი პატარა ქალით, ელენეთი. ზოგიერთნი ამბობენ, რომ ელენე შემდეგში შაჰ-აბაზის ერთი ცოლთაგანი შეიქნაო, თუმცა ეს დამტკიცებული არ არის. ეს შაჰს ეწყინა და მოითხოვა უფროსი შვილი ლე-

ვანი, რომელიც თეიმურაზმა დიდებულთ რჩევით კიდევაც აახლა. შაჰი არც ამას დასჯერდა და დაიბარა თეიმურაზი. მაშინ თეიმურაზი არა თუ დაემორჩილა იმის ბრძანებას, არა მედ ჯებირი გაავლო მუკუხანიდამ გაღმა მხარემდე შუამთამდი და იქ გამაგრდა. ამ დროს სპარსეთში სცხოვრობდა ბაგრატი, დაუთ-ხანის შვილი, რომელსაც მოუვიდა თეიმურაზის წერილი; ის შეშინდა და მიართვა შაჰს წერილი. წერილში თეიმურაზი შეურაცხებით იხსენიებდა შაჰს. ამის შემდეგ შაჰ-აბაზმა უფრო მოიწადინა კახეთის სრულიად აკლება. შაჰ-აბაზმა დაჰყო თავისს ბანაკში 1614 წ. შობამდი, შორის გზით იღუმალ გარს შემოუარა ქართველების ჯებირებს და შევიდა შუა კახეთში. ამ ანაზღად იერიშის მიტანაზე თეიმურაზი იძულებული შეიქნა გაქცეულიყო მუხრანს და აქედამ იმერეთში. გზაში შეხვდა სპარსების რაზმი, რომელიც მან სრულებით დაამარცხა და დიდი ნადავლი იშოვა.

ხალხი ძალა-უნებურად დაჰმორჩილდა; ის მაზრები, რომელიც თავის ნებით დაჰნებდა, დაწვრილებით აღწერეს სპარსების მოხელეებმა. წმინდა ხატები და ეკლესიის მდიდარი სამკაული ნადავლად დარჩა შაჰს, რომელმაც ყოველივე ეს გაუგზავნა ისპაანს თავის ცოლებს ტანსაცმელის შესამკობლად. როგორც ამბობენ, ამ ძვირფას ნივთებში ერთი ხელთუქმნელი კვართიო. შაჰმა უბრძანა იმის დაცვა და იმის წინ დღე და ღამ განუწყვეტლად სანთლის ანთება. 1622 წ. მან აჩუქა ეს წმინდა ნივთი მიხეილ თეოდორეს ძეს, რომელსაც ეს საუნჯე მიართვა ელჩმა, ტომით ქართველმა, რუსადბეგმა, და რომელიც აქამომდე დაცულია კრემლის⁸⁾ მიძინების ეკლესიაში.

⁸⁾ პირველ ტომში ამა ისტორიისა უკვე მოხსენებული იყო ჟორდანის აზრი ამ წმ. კვართის შესახებ; ის ამტკიცებს, რომ კვართი დაცულია სვიტი-ცხოვლის ქვეშე და არა წადებული საქართველოდან შაჰ-აბაზის მიერ, რომელმაც ვითომ საჩუქრად გაუგზავნა რუსეთის მეფეს მიხეილ თეოდორეს ძეს და რომლისაგანაც იქმნა მრავალი სასწაულებრივი

საშინელი უბედურება ეწიათ მაშინ კახელებს. ბედშავნი, გუნდ-გუნდად განდევნილ იქმნენ სპარსეთში და დასახლებულნი მაზანდარანს ქ. ფარსაბულის არე-მარეში, სადაც ნოტიო და ძალზე მავნებელი ჰაერი იყო და სადაც ათასობით დაიხოცნენ შიმშილისა და ავადმყოფობისაგან. ერთი ნაწილი მათი სიკვდილს გადარჩა და რამდენისამე წლის შემდეგ გამაჰმადიანდა გასაუმჯობესებლად თავის გაწვალებულ მდგომარეობისა. ამ გარდასახლებულთ რიცხვი ოთხმოცი ათასი იყო.

ასეთი იყო შაჰ-აბაზის მტარვალობა კახეთში მის ორმოც და ათს დღეს იქ ყოფნის დროს. რაც შეეხება ქართლს, — ლუარსაბის წასვლის შემდეგ, ამ ქვეყნის მართვა ჩააბარეს ხანებს: სელიმ ფეიქარს და ბესტაშს; იქილამაც მრავალნი მკვიდრნი მოსწყვიტეს და დასახლეს შირაზში, ისპანის მახლობლად, ხოლო არაქელის ჩვენებით, ასუფაში. ისინიც განუდგნენ ქრისტიანობას.

შაჰის ყოფნის დროს ტფილისში, იმის შეგონებით, ვილაც თავზედ ხელ-აღებულმა ქართველმა იკისრა მეფე თეიმურაზის მოკვლა და ამ განზრახვით იმერეთში წავიდა. ორჯერ შეიპარა მეფის საწოლს ოთახში, მაგრამ ვერ მოახერხა თავის ბოროტის განზრახვის შესრულება, რადგან პირად ვერ იცნობდა თეიმურაზს. მის გაქცევის დროს კიბეზე ხმაურობა ასრყდა და ბოროტ-გამზრახველი შეიპყრეს.

შაჰ-აბაზმა გრემისა და ალავერდის ეკლესიაში დააწესა ვედრება მაჰმადისადმი და დაიფლო თეიმურაზის ყოველი განძი, თორღას ციხეში დაცული, ხოლო ალავერდის უდაბ-

კურნება მოსკოვში. ქრონიკები, თ. ჟორდანიასი, გვ. 15. შენ. ქრონიკების ავტორი ამტკიცებს, რომ შაჰ-აბაზს საქართველოდგან კვართი-კი არ გაუტანია, არამედ სამოსელი უფლისა, რომლის ნაჭერი ჯვარში ჩატანებული იყო და რუსთ ხელმწიფეს მიხეილს მიართვა 1618 წ. ის დასძენს, რომ მოსკოვში დაცული კვართი იერუსალიმით არის გატანილიო, ქრ., ნაწ. II., გვ. 449.

ნო გარდააკეთა მეტად შესამჩნევ ციხე-სიმაგრედ. შემდეგ საჯაროდ დაპნიშნა თავის მოადგილედ ისა-ხანი, გიორგის შვილი და თეიმურაზის ბიძაშვილი. კახეთიდან წასვლისას სპარსებმა თან წაასხეს კიდევ რამდენიმე ათასი ტყვე. ისა-ხანი მშვიდობიანად განაგებდა კახეთს; რაკი მაჰმადიანი იყო, კახელებს არ უყვარდათ და ამიტომ აიძულეს არდებილს წასულიყო, ხოლო ქვეყნის მართვა მიენდო ნოდარ ჯორჯაძესა და დაუდ ასლანის შვილს. ყოველივე ეს ამბავი მოჰხდა 1615 წლამდე.

სამის თვის შემდეგ შაჰ-აბაზის წასვლის უკან, კახეთის გამგეებმა მიიწვიეს თეიმურაზი და სურდათ იმის გამეფება. თეიმურაზმა ქართლზე გადმოიარა. მას ახლდნენ იმერლები, მეგრელები და გურულები. შაჰ-აბაზმა სწრაფად გაჰგზავნა იქ ალი-ყული ხანი 15 ათასის ჯარით და უბრძანა გზები შეეკრა თეიმურაზისათვის არაგვის და მტკვრის ნაპირებად. ამ ბრძანების გამო ალი-ყული ხანი უდარაჯებდა კახეთში ყოველ ფონს და გარდასავალს. მეფემ ვერაგობა იხმარა, ცრუ ხმები დაჰყარა თავის განზრახვის შესახებ და ზავის ჩამოგდებაზედ დაუწყო მოლაპარაკება; თან მორჩილებას უცხადებდა სპარსებს; ყოველ ამით სპარსნი მოსტყუებდნენ ღმერთს თეიმურაზს; ხოლო როდესაც სპარსებმა მტრის მოსაგერებლად მიღებული ღონისძიება შეასუსტეს, ქართველები მოულოდნელად დაეცნენ თავს და დაამარცხეს. მთელი ბანაკი აუარებელის სიმიდრით დარჩათ ქართველებს. შემდეგ თეიმურაზმა დაიფლო ალონი, ზაგემი და მოჰკლა არეშის სპარსთა სარდალი; მაგრამ რაკი ეშინოდა შაჰის მალე შემოსევისა, უკუ იქცა ისევ იმერეთს ქართლის მეფის ბაგრატის საიდუმლო დახმარებით. ასე გათავდა თეიმურაზის ექვსის თვის ლაშქრობა კახეთის ტახტის დაბრუნებისათვის.

თითონ შაჰ-აბაზი მოტრიალდა საქართველოში 1616 წ. გაზაფხულზე. ისკანდერ მუნჯი მოგვითხრობს, რომ კახელები თავის ჩვეულებისამებრ შეიხიზნენ სიღნაღებში (სანგლებში).

ასე უწოდებდნენ ტყეში ჩახერგილ თავ-შესაფარ ადგილებს, რომელიც წყლით სავსე თხრილებით გარშემოყოლებული იყო და შიგ პატარა ტივით ან ბორნით გადიოდნენ. ვიდაც უზაშმა ჰუსეინ-ხანმა გამოჰნახა ერთი ამ სიღნაღთაგანი, ტივით ფავიდა გაუფრთხილებლად და, რადგან არავითარი წინააღმდეგობა არ შეხვედრია, სპარსნი გაიფანტნენ ტყეში პატარა რაზმებად დახიზნულების საპოვნელად, მაგრამ ქართველებმა ძალა შემოიკრიბეს, შეერთდნენ, თავს დაესხნენ სპარსელებს და ხმლით ამოსწყვიტეს ყველა, ვისაც კი შეხვდნენ. ამ გაუფრთხილებლობისა და თავხედობისათვის შაჰმა სიკვდილით დასაჯა ჰუსეინი. შემდეგში ზემო ხსენებულმა ყარჩხა-ხანმა მოახერხა სიღნაღს დახიზნულთ ერთმანეთის დაშორება და განცალკევება და ნაწილ-ნაწილად მათი დამარცხება; ვინც კი გადარჩა, გაიქცა. მაშინ მთელი კახეთი გაძარცვეს და დაარბიეს. გამძვინვარებული ჯარი თარეშობდა და სრულიად ააოხრეს ქვეყანა. შაჰი აქეზებდა ლეკებს, რომ დასდევნებოდნენ გაქცეულ კახელებს, დაეჭირათ ისინი და ტყვეთ დაეყიდათ. ქვეყნის გამგედ მან დასტოვა ფეიქარ-ხანი. ისა-ხანის ვეჟილმა, ზემო ხსენებულმა დაუდ-ხანმა, თეიმურაზის მომხრემ; თავი შეაფარა ერთ მცხოვრებთაგან მიტოვებულ სოფელში. იმის წინააღმდეგ გაჰგზავნეს სპარსების რაზმი ისა-ხან ყორჩი-ბაშის წინამძღოლობით, რომელმაც ზამთარი დაჰყო პანკისის მაზრაში, სადაც იმალებოდა ფეიქარ-ხანი, ხოლო ქართველები იძულებულნი შეიქმნენ გადასულიყვნენ დაღესტნისაკენ. მათ შორის მომხდარ ბრძოლაში თუმცა მრავალი დაიხოცა წარჩინებული სპარსი, მაინც ქართველებსაც დიდი ზარალი მიეცათ. ამ გალაშქრების შემდეგ მთელი ჩრდილო კახეთი უწინდელზე უფრო მეტად იქმნა აკლებული და მრავალნი მცხოვრებნი ელისენის მაზრისა, რომელიც ზაგემზეა მიკრული, გარდასახლდნენ მაზანდარანს, ფერუხ-აბადის მახლობლად.

1617 წ. გაზაფხულს შაჰ-აბაზმა აიღო ციხე ქერლან-ქუჯი

ანუ ხარნაბუჯი და კახეთის დანარჩენი ნაწილებიც დაიპყრა; შემდეგ ქართლი განვლო, შევიდა სომხეთის მაზრაში და ესტუმრა იქაურ ათაბაგს მირმანს. იქიდან წავიდა საზაფხულო-იალაღებზე გოგჩის ტბის მახლობლად.

ამ დროს იმერეთში დიდი შიმშილი იყო. თეიმურაზმა შემწეობა სთხოვა ხონთქარს. ქართველთ მეფის ასეთი საქციელი აიხსნება მით, რომ იმერეთში მეორედ წასვლამდე თეიმურაზმა ომში მოჰკლა ისა-ხან, შაჰის მოადგილე კახეთში, და შეეწია დელი-მელიქს, რომელიც შაჰს აუჯანყდა და რომელმაც დაიპყრა შირვანის ქალაქები, — არეში და შამახია; ამას გარდა თეიმურაზმა თავი გააგდებინა 2,500 სპარსელს და იმათი თავები მიართვა ხონთქარს ახმეტ III. ოსმან II-მ სარჩოდ დაუნიშნა თეიმურაზს რამდენიმე სოფელი გურიის სამხრეთად⁹⁾. იქილამ მეფე წავიდა ახალ-ციხეს; დაჰყო რამდენიმე ხანი ოლთისში და მერე 1619 წ. ბრწყინვალე ამალით სტამბოლს წავიდა ოსმანის მიწვევით. ქართველები შევიდნენ სტამბოლს ცხენებით, რომლებიც ვერცხლით იყვნენ დარახტულები და თავზე მშვენიერი სინსილები ეხურათ. სულთანმა მიიღო თეიმურაზი დიდის პატივისცემით, მაგრამ მაშინ გაბმული იყო ომში გერმანელებთან და თეიმურაზს სპარსების წინააღმდეგ ჯარით ველარ შეეწია. როდესაც შაჰ-აბაზმა შეიტყო, რომ თეიმურაზი ხონთქარს მიემხროვო, მისი შეილები ისპაანს წაიყვანა და აქ უბრძანა იმათი დასაქურისება 1620 წ.¹⁰⁾ ალექსანდრე მალე მოკვდა, ლევანი ჭკუაზედ შეიშალა და გარდაიცვალა ღრმა მოხუცებაში, წელში ოთხად მოზრდილი, დასუსტებული და ყველასაგან პატივ-ახდილი-თეიმურაზის ოსმალეთში ყოფხის დროს დედოფალი ხვა-

⁹⁾ გონია.

¹⁰⁾ არ ვიცი, ნამდვილია თუ არა ეს თარიღი, ვახუშტის მიერ ნაჩვენები, რადგან რუსის ელჩი ვასილ კარობინი, რომელიც შაჰის სუფრაზე მიწვეული იყო 1622 წ. თებერვალში და სადილს უკან სადარბაზოდ მიღებულ იყო, არ იხსენიებს ამ წელს. შენ. ავტორისა.

ჩემნი ოლთისში სცხოვრობდა. შაჰ-აბაზმა იქ გაჰგზავნა ჯარი, თაბუნ-სულთანისა და ამირ-გუნა-ხანის წინამძღოლობით, რომელთაც თოვლიანი გზა გასჭრეს და მიაღწენ ციხეს ახალ გახაფხულზე. თეიმურაზმა დაჰყო რამდენიმე ხანი სტამბოლში, მაგრამ, როცა ყოველი იმედი ოსმალების მიერ დატმარებისა დაჰკარგა, დაანება თავი იქაურობას, დაათათბირა ყველანი, სანადიროდ მიედივარო, და ამ სახით დაბრუნდა აზიაში. ჯელალები ¹¹⁾ — ოსმალოს დათხოვნილი ჯარი — თარგ-შობდნენ მაშინ აღმოსავლეთის ყველა გზებზე. ეს ჯელალები რამდენჯერმე დაესხნენ თავს თეიმურაზს, მაგრამ ყოველთვის დიდის დამარცხებით უკუ-ქცეულ იქმნენ. როგორც იყო, მეფემ მოაღწია ოლთისს შემდეგ იმისა, როცა ნოდარმა და კახელებმა, ამ ციხის დამცველებმა, დაამარცხეს ამირ-გუნა-ხანი, რომელიც იერიშით მივიდა მის ასაღებად. თაბუნ-სულთანი ომის ველზე მოიკლა; ქართველებმა დიდს მანძილზედ სდიეს გაქცეულ სპარსებს და გამარჯვებულნი დაბრუნდნენ დედოფალთან. თეიმურაზი სცხოვრობდა გონიას, მდ. ჩოლოხის ნაპირად და აქედამ აპირებდა რუსეთში ზღვით წასვლას, მაგრამ ეს მისი წადილი მაშინ ვეღარ შესრულდა. ფეიქარ ხანმა, შაჰის მოადგილემ კახეთში, ააგო ციხე-სიმაგრეები სხვა და სხვა ადგილას, სახელდობრ, ხორნაბუჯში და დაასახლა განადგურებულ სოფლებში და მინდვრებზე მრავალნი ელნი მომთაბარე თათრებისა ¹²⁾. როცა შეიტყო თეიმურაზის ქართლში დაბრუნება, გაიქცა განჯას და ეს ამბავი შაჰს შეატყობინა. შაჰმა სწრაფად გამოჰგზავნა ყორჩხა-ხანი და უბრძანა კახელების გაწყვეტა. ყორჩხა-ხანმა მიიწვია ¹³⁾ საფურცლეს უმთავრესნი დიდებულნი. როგორც კი გა-

¹¹⁾ ჯალადნი, ვახუშტით.

¹²⁾ მულანლოელნი.

¹³⁾ „რეცა ხალათის მიცემად, ვახუშტით, — ვითამც ყაენის წყალობის გამოსაცხადებლად და მისგან გამოგზავნილ ხალათის მისაღებად.

მოცხადნენ მასთან სადარბაზოდ, ყველას თავები გააგდებინეს. ამას არ დასჯერდა ყორჩხა-ხანი. მან შეჰკრიბა კახელების დიდძალი ჯარი აღლანის ველზე, მუხრანის არე-ამარეში, ვითომც დასახედავად და გასასინჯავად, თუ მზად არის ჯარი იმერეთს გასალოაშქრებლად. ყორჩხა-ხანმა იარაღი დააყრევინა მათ და შემდეგ უბრძანა ყველა აეკუწნათ. ამ სასტიკობის ჩადენის შემდეგ შაჰმა გასცა ბრძანება, ქართლებიც აგრედვე გაეწყვიტათ. მაშინ ქართლები შეითქვენენ, შეუბრალებლად მოჰკლეს ყორჩხა-ხანი, იუსუბ-ხანი და იმისი შვილი და ამხანაგები და ხანის მხლებელნი ყველა სპარსელნი. 1623 წ. მოურავმა და ზურაბ არაგვის ერისთავმა მოიწვიეს თეიმურაზი კახეთის ბატონად. ამის შემდეგ თეიმურაზი მეფობდა რამდენსამე წელს კახეთსა და ქართლში; თუმცა იმავე დროს სვიმონ II-ც მეფობდა ქართლში, მაგრამ იმას პატივს არავენ არა სცემდა. სვიმონ II-მ ტფილისის დაჭერაც ვერ მოახერხა და დახეტიალობდა ჩრდილოეთ სომხეთში¹⁴⁾. ახლა-კი თეიმურაზი მოურავისა და ზურაბის თანხმობით განაგებდა საქმეებს. დიდებულებს სურდათ, რომ ზურაბს შეერთო ზემოხსენებული ლელა, ლუარსაბ მეფის უმცროსი და, მაგრამ ვერ მოახერხეს, ეს ბატონის ასული წაერთმიათ ფეიქარ-ხანისათვის; მაშინ სთხოვეს თეიმურაზს, მიეთხოვებინა თავისი ასული დარეჯანი ზურაბისათვის, რაზედაც მეფე დასთანხმდა. შემდეგ დაშარცხებისა მარაბდის ომში¹⁵⁾, თეიმურაზი განიხლო რამდენსამე ხნით იმერეთს, მაგრამ შემდეგ ისა-ხან-ყორჩხაშის წასვლისა, მალე დაბრუნდა იქიდან. შაჰი განრისხდა თეიმურაზზე და უბრძანა შირაზის ბეგლარ-ბეგს, იმამყული-ხანს, დედოფლის ქეთევანის გამაჰმადიანება და, თუ დედოფალი თავის ნებით არ დასთანხმდებოდა, მაშინ უნდა მოეკლათ გვემითა და წამებით. შაჰის ბრძანება კიდევ ას-

¹⁴⁾ სიმონი იყო შვილი ბაგრატიისა, ესრედ წოდებულის საბარაქთიანოს ბატონისა.

¹⁵⁾ მარაბდა მდებარეობს ბორჩალოში მდ. ალგეთის ნაპირას.

რულეს 12 სექტემბერს 1624 წ. 10 წლის განმავლობაში ციხეში შეპყრობილმა დედოფალმა საშინელის წვალების შემდეგ თავისი სიცოცხლე შესწირა ქრისტეს სჯულის სიყვარულს. ქართველებმა შერიცხეს იგი წმინდათა შორის და იმის სახელს იხსენიებენ 13 სექტემბერს. რომის კათოლიკე ბერები დაესწრნენ ამ შემთხვევას შირაზში და დედოფლის ნეშტს წესისამებრ პატივი სცეს; გამოისყიდეს ეს ნეშტი დიდძალის ფულით და მეტი ნაწილი მისი წაასვენეს კახეთში, სადაც დაკრძალეს ალავერდის საკათედრო ეკლესიაში. 1656 წ. თეიმურაზმა მიართვა იმის ფეხის ცერი მეფე ალექსი მიხეილის ძეს. ამბობენ, რომ დანარჩენი წმინდა ნაწილები გაიტანეს ევროპაში და ახლა სადღაც ბელგიაში ასვენიაო.

შემდეგში მოურავი შეურიგდა ერისთავს¹⁶⁾ და თეიმურაზს და მოიწადინა უფროსობა და უზენაესის უფლების ხელში ჩაგდება. ეს რომ შეუტყეს, წინააღმდეგნენ თეიმურაზი და ზურაბი და მათ შორის გაიმართა ფიცხელი ომი ბაზალეთს 1626 წ., რომელშიაც მეფე დაიჭრა მოურავის ხელით ბეჭში; თუმცა გიორგი სააკაძემ დაამარცხა მტერი¹⁷⁾, მაგრამ იძულებულ იქმნა სამცხეს უკუქცეულიყო და ოსმალეთთან მიწერ-მოწერა გაემართა, როგორც ქართლის მატიაწე მოგვითხრობს. მაშინ თეიმურაზი დროებით შეურიგდა შაჰს, დაუთხანის შუამდგომლობით, რომელიც ფარსის ბეგლარ-ბეგი იყო, თუმცა ტფილისში სცხოვრობდა. თუმცა ამ შერიგებას გვიმოწმებს მხოლოდ ერთად ერთი მეისტორიე ისკანდერ-მუნჯი, მაგრამ ეს უნდა იგულისხმებოდეს ერთს ადგილას ქართლის ცხოვრებაშიც.

ქართველების და საზოგადოდ ყველა ქრისტიანების მტერი შაჰ-აბაზი გარდაიცვალა 1628 წ. ჩვენის აზრით, ინგლისის

¹⁶⁾ ზურაბს, არაგვის ერისთავს.

¹⁷⁾ აქ lapsis calami უნდა იყოს. ამ ბაზალეთის ომში დაამარცხდა გიორგი სააკაძე, ვახუშტი, გვ 120. Hist. de la Georgie, t. II.

ისტორიკოსი მალკოლმი¹⁸⁾ სრულიად უსამართლოდ აქებს შაჰ-აბაზის დიდ-სულოვნებას თეიმურაზის შესახებ; ისტორიკოსად გვიხატავს იმის ბოროტებას, უსამართლო მოქმედებას და შეუბრალებლობას. ამ ხანებში ზურაბ ერისთავი აეშაოა თავის სიმამრ თეიმურაზს, რომელმაც დაჰყარა ხმა, ვითომც სპარსეთში მიდიოდეს შაჰთან მორჩილების გამოსაცხადებლად. შეშინებულმა ზურაბმა იმის საამოდ მოჰკლა სვიმონ მეფე. როდესაც თეიმურაზმა მეტოქე მოიცილა, განიზრახა გალაშქრება მთებში წუქეთის სულთანის წინააღმდეგ. ის სულტანი შაჰ-აბაზის მიერ კახეთის აკლების დროს დაიხვე მტარვალობდა ამ ქვეყანაში. თეიმურაზმა გზაში ხელი მოიტეხა და გადასცა ჯარის წინამძღოლობა ზურაბს, რომელმაც დაიპყრა წუქეთი, სულტანი მოჰკლა და დიდი ნადავლი შეიძინა. ზურაბი რომ უკან დაბრუნდა, როგორც სწერს თავის წერილებში თეიმურაზი, — მან განიზრახა მეფის მოკვლა, არ ვიცით კი, რა მიზეზის გამო ატყდა მათ შორის ახალი შუღლი. თეიმურაზმა 1629 წ. მოაკვლევინა ზურაბი საფურცლესი და ამავე წელს თავისი ქალი მიათხოვა იმერეთის ბატონისშვილს ალექსანდრეს. შემდეგში შევიტყობთ, რით ისახელა თავი ზურაბის ქვრივმა და იმერეთის დედოფალმა.

თეიმურაზმა შეჰკრიბა ორთავე სახელმწიფოს ჯარი, მეორედ დაეცა ულუკოსარის მთიულებს — რომელნიც იკლებდნენ კახეთს, — დაიპყრა იმათი ქვეყანა და ცეცხლითა და მა-

¹⁸⁾ მალკოლმი თავის სპარსეთის ისტორიაში სწერს, რომ ყველა უბედურების მიზეზი, რაც-კი საქართველოს ეწია, ერთის მხრით იყო სპარსეთის მფლობელობის სასტიკი პოლიტიკა და მეორეს მხრით არა წრფელი ერთგულება საქართველოს მეფეთა, რომელნიც ნიადაგ თავის მიცემულ სიტყვას არღვევდნენ. ავტორი დასძენს, რომ სპარსთა და სხვა დამპყრობელთ უღელმა შეაჩვია ქართველები ცბიერებას, როგორც თვით-არსებობის დაცვის ღონისძიებას და სიცრუეს, — როგორც თავის პირადის ღირსების დაცვის ხერხსაო.

ზვილით მოაოხრა. შემდეგ მტკვარ გაღმა გავიდა და შემოიერთა იქაური¹⁹⁾ ბეგლარ-ბეგი დაუდი, დაიპყრა ბარდა, ყარაბალი, შამშადილი და ყაზახი და დაბრუნდა დიდის ნადავლით. ცოტა ხანს შემდეგ თეიმურაზმა მიიღო თავის მფარველობის ქვეშ ზემოხსენებული დავით უნდილაძე, განჯის ბეგლარ-ბეგი, რომლის ოჯახი სულ უბრალო მიზეზის გამო ამოწყვეტილ იქმნა შაჰის ბრძანებით. ეს უნდილაძე მან დაასახლა ივრის პირად, იქ, საცა მუდანლოელნი თათარნი და ყაჯრის ტომნი მკვიდრობდნენ. ეს რომ შაჰმა შეიტყო, ქართლის მეფობა მისცა სვიმონ მეფის ძმის, დაუდ-ხანის, უკანონო შვილს ხოსროს, რომელიც მაჰმადიანობაში იწოდებოდა როსტომ მირზად. ნამდვილად ვიცით, რომ როსტომი გამოგზავნილი იყო საქართველოში 1632 წ. მოსვლის უმაღლესე მეორედ დაქორწინდა დადიანის დაზედ მარიამზედ. ლევან დადიანმა ამის შემდეგ შაჰისაგან დიდი საჩუქარი მიიღო.

ქართველები გადუდგნენ თეიმურაზს და მეფე გაიქცა 1634 წ. ამასობაში სელიმ-ხანმა დაიჭირა კახეთი. ორის წლის შემდეგ თეიმურაზი, არაგვის ერისთავის ზაალის მიერ მოწოდებული, დაბრუნდა დვალეთით ანანურს და იქ სცხოვრობდა რამდენსამე ხანს. მუდამ ებრძოდა როსტომს და ელოდებოდა ხელ-შემწყობ შემთხვევას. სელიმ-ხანმა, რომელიც მოსაბრუნში²⁰⁾ იმყოფებოდა, ვეღარ დაიცვა თავი თეიმურაზის განუწყვეტელ თავ-დასხმისაგან და წავიდა სპარსეთს. კახელები ხელ-ახლავ დაემორჩილნენ მეფეს, რომელიც შეურიგდა შაჰს და სცდილობდა თავის ქვეყნის ხანგრძლივ უბედობის კვალი ამოეფხვრა, რადგან ამ დროს იღებდა რუსეთიდან დახმარებას თუ ფულით თუ სხვანაირადაც. ჩვენს მკი-

¹⁹⁾ განჯისა.

²⁰⁾ მოსაბრუნნი სძევს ყარაღაჩის ახლოს, ქარის პირდაპირ, საინგილოს ბოლოში, ალაზნის მარჯვენა ნაპირად. 1720 წ. ეს დაბა, ვითარცა მოწამე სპარსების სასტიკის მფლობელობისა კახეთში, დაცალიერდა. პლ. იოსელიანი. Грузия подъ властью царей-магометанъ, стр. 104.

თხველს უნდა ვუამბოთ რამდენისამე წლის წინად მომხდარი ამბები.

1615 წლიდან თეიმურაზს მუდამ მიწერ-მოწერა ჰქონდა ტერკის მმართველებთან. მაგრამ პირველად იმერეთში ყოფნის დროს მან გაჰგზავნა სტამბოლს მთავარ-ეპისკოპოსი ფეოდოსი მოსალაპარაკებლად ხონთქრის მთავრობასთან, რომელიც დაეხმარა მას ანატოლიაში ლაშქრის წინ წამოწევით. ეს ფეოდოსი ცოტა ამას წინად იყო რუსეთში რაღაც თავის საქმეებისათვის. ახმეტ III-ს სიკვდილს შემდეგ ილუმენი ხარიტონი ორჯელ წავიდა ოსმალთა დედა ქალაქში და გამოითხოვა თავის ხელმწიფისათვის სარჩენად მომატება ზოგიერთ ადგილებისა ახალციხის ფაშალიყის სამხრეთად. იმავე ხარიტონმა 1619 წ. მიიტანა მოსკოვში წერილები იმერეთის მეფის გიორგი III და გურიის მთავრისა. ამ წერილებით მფარველობას თხოულობდნენ. ამნაირისავე თხოვნით მიჰმართა თეიმურაზმა, ხოლო ლევან დადიანმა არ ისურვა მფარველობის თხოვნა. რადგანაც თეიმურაზს სარჩო ხონთქრისაგან ჰქონდა, რასაკვირველია, რუსის ხელმწიფე მხურვალედ არ მოეკიდა ამ საქმეს. ხარიტონი 1621 წ. აპრილში გამობრუნდა და მიიტანა მოწყალე პასუხი იმერეთის მეფეს და გურიის მთავარს, ხოლო თეიმურაზს პასუხი არ მოსვლია. საწყალ ილუმენს შეეშინდა მეფის რისხვისა და გადიხვეწა საქართველოდან.

1624 წ. მარტში გოლგოთის არხიეპისკოპოსმა იერუსალიმში — თეოდოსიმ, რომელიც ტომით ქართველი იყო, განვლო ტრაპიზონი, კათა¹⁾, ვარონეთი და მივიდა მოსკოვს, ვითარცა ელჩი თეიმურაზისა, რომელიც, შემდეგ დამარცხებისა მარაბდას, დროებით ახალციხის მაზრაში იმყოფებოდა. რუსთა მეფემ და პატრიარქმა თეოდოსი მოწყალედ მიიღეს, მაგრამ დროთა ვითარების გამო ვერ შეეწივნენ უბედურს მეფეს. თეოდოსიმ ვეღარ გაჰბედა მოსკოა თეიმუ-

¹⁾ ეზლანდელი ფეოდოსია.

რაზთან, რომელიც სიკვდილს ემუქრებოდა, თუ ვერას გაუ-
რიგებდა მოსკოვის მეფესთან თავის დესპანობით.

ცხრა წელიწადი გავიდა მას შემდეგ, რაც შესწყდა ამ
ქვეყნებ შორის მისვლა-მოსვლა. 1634 წელს თეიმურაზმა,
როსტომ-ხანისა და სპარსელების მიერ შევიწროებულმა, ისევ
რუსეთს მიჰმართა მან გაჰზაფენა კუკოსონის მიტროპოლიტი
ნიკიფორე, რომელიც უფრო ბერძენი უნდა ყოფილიყო; ნი-
კიფორე მივიდა მოსკოვს 1636 წ. ოქტომბერში და თეიმურა-
ზის აქამომდე გაჩუმებას ამართლებდა მით, რომ არაგვის
ურისტავი, რომლის სამფლობელოზე მოდის გზა ჩრდილოე-
თისაკენაო, განუდგა კახეთს; რომ თეიმურაზმა უარი უთხრა
ყვენს თავის ქალის მითხოვებისა და თავის შვილის დაფითის-
დაქორწინებისა ზემოხნენეზულის იმამ-ყული ხანის ქალზე.
ნიკიფორემ დასძინა, რომ მეფე განუდგა სპარსებს და რამ-
დენჯერმე წარმატებით შეესია შირვანსა და ადერბეიჯანს,
მაგრამ შემდეგ მაინც იძულებული შეიქმნა მიეთხოვებინა თა-
ვისი ქალი თინათინი შაჰისათვისაო. შეისტორიე ისკანდერ-მუნ-
ჯი შიაწერს თეიმურაზის ასულის მითხოვებას შაჰ-სეფისადმი
იმის მეფობის დასაწყისს, ხოლო ქალის გაგზავნას 1634 წ.
ანუ 1635 წ. როგორც-კი დამკვიდრდა თეიმურაზი კახეთში,
მაშინვე იწყო მიწერ-მოწერა რუსეთთან. ნიკიფორე გამოის-
ტუმრეს მოსკოვიდამ მხოლოდ 1637 წ. მაისში და თან გა-
მოაყოლეს რუსის ელჩი თ. თეოდორე თეოდორეს-ძე ვოლ-
კონსკი. მას ახლდნენ სასულიერო კაცნი და მოჰქონდა დიდ-
ძალი ფული, როგორც მეფისათვის, აგრედვე საქართველოს
ეკლესიებისათვის. როცა ვოლკონსკი ტერკში მივიდა, შეიტ-
ყო, რომ თეიმურაზი იმერეთში წასულიყო თავის სიძის,
მეფის ალექსანდრეს, შესარიგებლად ლევან დადიანთან. თეი-
მურაზი იქილამ დაბრუნდა მხოლოდ 1638 წ. იანვარში. საქმე
ამით კიდევ არ გათავებულა. არაგვის ერისთავმა და მთიულეებმა,
— რომლებსაც რუსთა დოკუმენტები ხავსად (ოვსნი?) და გოვად
უწოდებენ, — არ გაუშვეს რუსები. ელჩების კახეთში შემოსვ-

ლის გასაადვილებლად თეიმურაზმა განიზრახა გალაშქრება თუშებსა და დიდოელებზე, რომელთაც მდ. ანდიის კოისუს სათავე ეჭირათ. ისინი მედგრად დახვდნენ მეფეს და ბევრი დიდებული დაიხოცა მეფის სიახლოვეს. თვით მეფეს ერთს ბრძოლაში ცხენი მოუკლეს. დასასრულ, მეფემ გაიმარჯვა, გზა გაიხსნა და თ-დი ვოლკონსკი შემოვიდა კახეთში 1638 წ. აგვისტოს. სასულიერო კაცნი, რომელნიც ელჩს ახლდნენ, უკმაყოფილო დარჩნენ საქართველოს ეკლესიის წეს-წყობილებით აღვილი წარმოსადგენია, რა არევ-დარევა იქმნებოდა. მართლა ამ მხრივ შემდეგ იმ უბედურებისა, რომელიც კახეთს თავს დაატყდა, შემდეგ იმდენის ხნის არეულობისა, ნამეტურ უმეფობის დროს და სპარსების ხანების გამგებლობის ჟამს. რუსები საზოგადოდ გაკვირვებულნი იყვნენ მით, რომ ქართველები წირვას ისმენდნენ ქუდ-მოუხდელნი და მთლად შეიარაღებულნი და ჯვრები არც ეკლესიის სამკაულს და არც სამოსელს არ ჰქონდა, როგორც დაწესებულია; რუსებმა ვერ გაიცნეს კათალიკოზი ევდემონ დიასამიძე, რომელიც ქართლში სცხოვრობდა. იმათ აღკრძალული ჰქონდათ, როგორც იმისი ნახვა, აგრედვე იმასთან მიწერ-მოწერა. ამასთანავე ისიც უნდა დავუმატოთ, რომ ამ დროს გარდაიკვალა ქართლის არხიეპისკოპოსი იოანე, რომლის სახელობაზე პატრიარქმა გამოჰგზავნა ეპისტოლეები. ამ სახით, რუსებმა ვერ მოახერხეს მსჯელობა გაემართათ ვისმესთან საჭირო საეკლესიო ცვლილების შესახებ.

მეფის გიორგი III სიკვდილის წელს ზამთარში თეიმურაზმა გაისტუმრა იმერეთში თავისი სიძე ალექსანდრე, რომელიც სამეფო გვირგვინით აკურთხა ალავერდის არხიეპისკოპოსმა ზებედედ და სამებელმა ეპისკოპოზმა ზებედედვე.

შემდეგ თეიმურაზს უნდა მიეღო ფიცით აღთქმა. მეფე დიდხანს ყოყმობდა; თხოულობდა, რომ რუსის მეფეს აეშენებინა მაგარი ციხე თერგის ხეობაში დასაცველად ამის სამფლობელოსი ლეკების თავ-დასხმისაგან და უარს ამბობდა

ზოგიერთ წმინდა ნივთების გადაცემისას, რომელთაც ითხოვდა რუსთა მეფე. მიზეზად ის მოჰყავდა, რომ ავგაროზის ხელთ-უქმნელი ხატი შაჰ-აბაზმა უკვე წაიღო და ყოვლად წმინდა ღვთის მშობლის სარტყელი ასვენიაო ქ. რუსთაში, რომელიც ეხლა ქართლის მეფეს როსტომ-ხანს უჭირავსო; ბოლოს 1639 წ. 19 აპრილს რუსის სასულიერო კაცებს ნება მისცეს ერთი ეკლესია ეკურთხებინათ ქ. ზაგემში ანუ ბაზარ-ზეგანში; 23 და 24 იმავე თვეს მეფემ თავის ოჯახით და კარის დიდებულის კაცებით შეჰფიცეს ერთ-გულება მეფე მიხეილ თეოდორეს-ძეს და ხელიც მოაწერეს ფიცის ფურცელს.

თ. ვოლკონსკი მეორე დღესვე გაისტუმრეს. ის მივიდა შაჰის ნება-რთვით 2 მაისს შემახიაში, 12 ივნისს — დარუბანდში და 16 ივლისს ზღვით — ასტრახანში. მას თან ახლდა მიტროპოლიტი ნიკიფორე. საქართველოში-კი რუსთაგანნი დარჩნენ ხატის მკეთებელნი და ფანჯრების ჩამსხმელნი, რომელნიც ელჩს ახლდნენ. ჯერ კარგად არ არის გამორკვეული, ნიკიფორეს მეორეთ ელჩად მისვლა მოსკოვში; ვიცით მხოლოდ, რომ ნიკიფორე მთელი წელიწადი ასტრახანში იყო შეჩერებული, შემდეგ რუსთა ხელმწიფემ სადარბაზოდ მიიღო. როდესაც დაბრუნდა საქართველოში, 1641 წ. ივნისში, თან გამოაყოლეს რუსის ელჩი თ. ექვთიმე თეოდორეს-ძე მიშეცკი, რომელსაც მიჰქონდა თეიმურაზისათვის მდიდარი სანუქრები ნივთებით და ფულით. დიდად საყურადღებოა მეფის ღრამატა, რომელიც მიშეცკიმ თეიმურაზს გადასცა. ღრამატაში მოკლედ მოხსენებულია ყოველი მიწერ-მოწერა და ურთიერთობა რუსეთის ხელმწიფეებისა არა თუ მარტო კახეთის მეფეებთან, არამედ ივერიის ყველა მფლობელებთან გარდა ახალციხის ათაბეგისა.

1636 წ. ახლო ხანებში კათალიკოზმა ევდემონ დიასამიძემ, რომლის ძმისწული ცოლად ჰყავდა დავითს, თეიმურაზის შვილს, ქართლში გასამეფებლად თეიმურაზი მიიწვია.

მეფე მივიდა მუხრანს და შემოიერთა არაგვის ერისთავი ზაალი; მაგრამ როდესაც შეიტყო, რომ როსტომმა დაიჭირა ქალაქი გორი და დაამარცხა ყველა თავისი მტერიო, უკუ იქცა კახეთს და რამდენისამე წლის განმავლობაში დამშვიდებით იყო. კათალიკოზი ლალატისათვის სიკვდილით დასჯილ იქმნა. მისმა მოადგილემ, ქრისტეფორე ურდუბელაშვილმა, 1539 წ. შეარიგა მეგრძოლნი დასნი სხვა და სხვა პირობით, რომელიც, ერთის მეისტორიეს თქმით, თეიმურაზმა აღარ შეასრულა რე დაისაკუთრა ის სოფელნი, რომელნიც პირობის ძალით ერისთავს და როსტომ-ხანს დაუთმო. როსტომი ამ უპირულობისათვის ეძიებდა დროს, რომ თეიმურაზის ჯავრი ამოეყარა. 1677 წ. როსტომმა შეიტყო, რომ თეიმურაზი მცირე ჯარით იმყოფებოდა მაღაროს, ქიზიყის მაზრაში, მაშინვე ანაზღად დაეცა თავს, მაგრამ დამარცხდა. მიუხედავად ამისა ქართლელბმა არ უღალატეს როსტომს. ზაალ ერისთავიც განუდგა თეიმურაზს, იმიტომ რომ როსტომმა დასაჯა საეჭვო მოქმედებისათვის და არაგვის ერისთავობა გადასცა იმის ნათესავს ელიზბარს. მაგრამ ზაალის მამიდამ ანა ციციშვილმა როსტომს გამოსთხოვა იმის პატივება, ხოლო ზაალს ჩააგონა როსტომს დაჰმორჩილებოდა. ზაალი გაგზავნილ იქმნა სპარსეთს, სადაც გამაჰმადიანდა. ამის შემდეგ, რასაკვირველია, თეიმურაზსა და იმის შუა მოისპო კეთილი მეგობრობა. თეიმურაზმა წაართვა ზაალს თიანეთის მაზრა და ყველა მამულეები, რომელიც-კი კახეთში მოეპოვებოდა. სპარსეთიდან დაბრუნების შემდეგ როსტომი დედის ჯარით შევიდა კახეთში. თეიმურაზმა, რომელიც მაშინ თიანეთში იყო, შეჰკრიბა თავისი ჯარი. იმის წინააღმდეგ გაგზავნილ იყო მუხრან-ბატონი ვახტანგი, რომელსაც ზაალ ერისთავიც ახლდა; ხოლო სპარსნი მაღაროში შევიდნენ, სადაც იმყოფებოდა მეფის ძე დავითი. ერთსა და იმავე დღეს თეიმურაზი დამარცხდა დ. უფლისში, რომელიც თიანეთის მაზრაშია, ხოლო ზაალი მისი დავითი სპარსებმა მოჰკლეს 1648 წ. — მაღარ

როში. ამ ორ გვარ უბედურების შემდეგ თეიმურაზმა სამუდამოდ მიატოვა როსტომთან ბრძოლა და, დედოფლის ხვარეშანის შუამდგომლობით, რომელიც დაახლოვებული ნათესავი იყო როსტომ-ხანისა, გამოსთხოვა ქართლის მეფეს, იმერეთში წასვლისათვის თავისუფალი გზა მიეცა. როსტომმა კახეთი დაიჭირა და ზაალ ერისთავს გაუნაწილა ერწოს მახრა. კახელები სულით დაუცნენ და ზოგი ვის მიეკედლა და ზოგი ვის; იმერეთში თეიმურაზმა შუამდგომლობა ჩამოაგდო მეფე ალექსანდრესა და იმის მოწინააღმდეგე დადიანს შუა. ამ შუამდგომლობით მან ვერა გაარიგარა, როგორც შემდეგში ვნახავთ. ამასთან 1650 წ. ახლო ხანებში გარდაიცვალა უმცროსი მისი შვილის-შვილი გიორგი, რომელიც იშვილა იმერეთის მეფემ ალექსანდრემ.

წინაღ მოვიხსენეთ რუსის ელჩის თავად მიშეცკის მოსვლას კახეთში. ის დაბრუნდა მოსკოვს 1643 წ. ექვსის წლის შემდეგ თეიმურაზმა გაჰგზავნა რუსეთში თავადი ივანე და არქიმანდრიტი პახომი. 1650 წ. ნიკიფორე მათეს-ძე ტოლოჩანოვი მივიდა იმერეთს რუსთა მეფის მინდობილებით ალექსანდრე და თეიმურაზ მეფეებთან. მან დიდის გაჭირვებით განვლო გზა ასტრახანსა, ტერკსა; ორსავე ყაზარდოსა ბალქარის მხარეზე და რაჭის გზით მიაღწია საქართველოს; მიღებულ იქმნა ქუთაისში 1551 წ. ივლისს. იმავე წელს ანუ მომავალ წლის დამდეგს თეიმურაზმა რუსეთში გაჰგზავნა აღსაზღველად ბატონიშვილი ნიკოლოზი, თავისი მეორე შვილი-შვილი. ახალგაზრდა ბატონიშვილის ამალას ყაზარდოში შამხალის შეგონებით თავს დაესხნენ, მაგრამ მან მოასწრო მშვიდობით გადარჩენა და ყიზლარს მისვლა, საიდანაც მოსკოვს მიაღწია. ანტიოქიის პატრიარქი მაკარი, რომელიც მაშინ 1655 წ. მოსკოვში იყო, — იხსენიებს ბატონიშვილს ნიკოლოზს და იმის დედას ელენეს, რომელიც მას ენახათითონ თეიმურაზი, მეფე ალექსი მიხეილის-ძის მიწვეული, მივიდა მასთან 1658 წ. ზაფხულს. იმავე დროს თუშებმა,

ფშავებმა და ხევსურებმა, — რომელნიც მთიან კახეთის ჩრდილოეთ სამზღვრად სცხოვრობდნენ, — როგორც ვასალებმა ფიცი მიიღეს რუსეთის მორჩილებისა. ალექსი მიხეილის ძემ დიდად მოწყალედ მიიღო თეიმურაზი, ერთის წლის შემდეგ გაისტუმრა დიდის პატივისცემით და საჩუქრებით. საქართველოში დაბრუნების შემდეგ თეიმურაზმა შეიტყო დედოფლის ხვარეშანის გარდაცვალება. მალე მოუკვდა უფროსი შვილის შვილი ლუარსაბიც და აგრედვე სიძე ალექსანდრე. ამ უბედურებისაგან თავ-მოებზრებული თეიმურაზი შაჰს მიენდო. ამ დროს კახეთის მმართველმა სალიმ-ხანმა და ზაალ ერისთავმა მოუწოდეს და დაასახლეს მთელს ამ მხარეში 15 ათასი კომლი მომთაბარე თათრებისა, რომელთაც ააგეს სამი ციხე და მუდამ ეკლესიებს ჰბილწავდნენ და შეურაცხ-ყოფას აყენებდნენ ხალხს; ამის შემდეგ ზაალ ერისთავი და დიდებულები შეითქვენენ და დანიშნულადღეს ამოსწყვიტეს თათრები, ხოლო სალიმ-ხანი აიძულეს უკუ ქცეულიყო 1659 წ. ამ შეთქმულების მოთავენი — შალვა და ელიზბარი, — რომელნიც ქსნის ერისთავის გვარისანი იყვნენ, — შეიპყრა მურტუზ-ალი-ხანმა, სალიმის მოადგილემ, და გაჰზავნა სპარსეთს, სადაც მათ თავი მოჰკვეთეს. საქართველოს ეკლესია იხსენიებს მათ სახსოვარს 15 სექტემბერს. ამ სახითვე ზაალიც სპარსების შეგონებით მოკლულ იქმნა თავის ძმისწულის მიერ.

ქართლის მეფემ შაჰ-ნავაზ I-მა დიდის პატივით მიიღო სპარსეთში მიმავალი თეიმურაზი ტფილისში 1611 წ., თანხმად ყეენის ბრძანებისა; შაჰ-ნავაზმა სამეზავრო ხარჯიც მისცა და თეიმურაზი წავიდა ისპაანს. პირველ მიღებაზე შაჰ-აბაზ II-მ დიდი პატივი სცა თეიმურაზს და საჩუქრებით ააგო. შემდეგ კი მაჰმადიანობის მიუღებლობისათვის შაჰმა გაჰზავნა ამრაფში, მაზანდარანს; იქილამ, შემდეგ სჯულის გამოცვლაზედ მეორედ უარ-ყოფისა, ყეენმა ბრძანა ასტრბადში გადაეყვანათ. შემდეგს წელს დაბრუნდა რუსეთილამ თვის პა-

პის დაბარებით და შაჰის მიწვევით ბატონიშვილი ნიკოლოზი, — რომელმაც სახელი გამოიცვალა და ერეკლე დაირქვა; არ ვიცით რა მიზეზისა გამო, ერეკლე დაესახლა დედით თუშეთს. თუშებმა არ გაუშვეს ერეკლე სპარსეთს; მაშინ შაჰნავაზი შევიდა კახეთში, დაამარცხა ერეკლე და აიძულა შესულიყო თორღას ციხეში, საიდანაც ჩუმად გამოიპარა დედითურთ და რამდენსამე ხანს თუშეთის მთებში სცხოვრობდა.

მეფე თეიმურაზი ღრმა მოხუცებაში, 74 წლისა, გარდაიცვალა ასტრბადს 1663 წელს ზამთარში. სიკვდილის წინად მან მონაზონობა მიიღო. თეიმურაზი იყო სასიქადულო კაცი და ძლიერის სულის პატრონი, ნამდვილი ღვთის-მოსავი და ნიადაგ თავის ბედის წინააღმდეგ მებრძოლი. ის იყო აგრედვე წარჩინებული პოეტი. საზოგადოდ უნდა ვსთქვათ, რომ თეიმურაზი ღირსი იყო უმჯობესის სვე-ბედისა. თეიმურაზის შემდეგ კახეთი დარჩა უკანონო მფლობელის ხელში. შაჰის ნება-დართვით ქართლის მეფემ გაუქმებულ ტახტზე დასვა უფროსი თავისი შვილი არჩილი, რომელიც მაშინ 15 წლისა იყო. ერეკლემ მოსვენება არ მისცა არჩილს და კახეთს ორჯელ თავს დაესხა, მაგრამ ორჯელვე დამარცხდა. შემდეგ ამისა ის მეორედ წავიდა რუსეთში. შაჰმა დაიბარა იგი თავისთან და, როდესაც ერეკლე გამოეცხადა შაჰსა, მან მოწყალედ მიიღო და აღვიარა იგი მეფედ. მაშინ არჩილიც წავიდა სპარსეთს და ძალა-უნებურად გამაჰმადიანდა შაჰ-ნავაზ-ხანის სახელწოდებით. ის იყო გონიერი კაცი, რაინდულის ხასიათის პატრონი და მამის დახმარებით ბედნიერად მეფობდა; სხვათა შორის მან ლეკებიც დატუქსა. არჩილს დიდის ხნის დანიშნული ჰყავდა ნოდარ ციციშვილის ქალი, მაგრამ რალაც აქამომდე გამოურკვეველის მიზეზისა გამო აღარ შეურთავს. შაჰ-ნავაზს გაეგონა მშვენიერება ახალგაზდა ქეთევანისა, — რომელიც განსვენებულის თეიმურაზის შვილის-შვილი იყო და რომელიც მაშინ საწინდრად ახალციხის ფაშას წაეყვანა იმის მამიჯის, იმერეთის დედოფლის

დარეჯანის ვალში, — მან დიდი ფული გამოიღო მის გამოსასყიდლად და შერთო თავის შვილს არჩილს 28 მარტს 1668 წ., კახელების დიდად სასიხარულოდ. არჩილის ბრძნულის მართვის დროს კახეთი აღორძინდა და აოხრების და გავერანების კვალი თანდათან გაჰქრა; ყოველივე უქადოდა არჩილს ბედნიერს მეფობასა.

1671 წ. ერეკლე დაბრუნდა რუსეთიდან, არ ვიცით, თავის საკუთარს სურვილით, თუ შაჰის დაბარებით, რომელსაც არ ეჭაშნიკებოდა თავის ვასალის შაჰ-ნავაზის გაძლიერება. ერეკლემ დაჰყო ასტრახანში რამდენიმე ხანი და შემდეგ თუშეთს გადავიდა. ერეკლე ყოყმანში იყო და არ იცოდა გარკვევით, რა გზას დასდგომოდა. შაჰნავაზს მოუვიდა შაჰის ბრძანება, რომ შეიპყროს ერეკლე. დედა მისი ხუთის წლის შემდეგ, ე. ი. 1675 წ. დაბრუნდა კახეთში. ერეკლე რომ გზად მიდიოდა, არჩილმა ძლიერ მეგობრულად მიიღო და აახლა ამაღლა ისპანს გასაცოლებლად.

შაჰ-სულეიმანმა, შაჰ-აბაზის მემკვიდრემ, დიდის პატივისცემით მიიღო ერეკლე და დედა მისი და გულის მოსაგებად რუსეთის მეფისა, რომლის ელჩი დოღგოვი ამ ბატონიშვილისათვის შუამდგომლობდა, აღიარა იგი კახეთის მეფედ, ხოლო მის მოადგილედ დაჰნიშნა კახაბერი გორჯასპი. ამით კახელები უკმაყოფილოდ დარჩნენ, მოისყიდეს სპარსელი დიდებულები, შეითქვნენ გორჯასპის წინააღმდეგ და აიძულეს წასულიყო კახეთიდან. შაჰმა დაჰნიშნა მის ადგილას აბაზყული, განჯის ხანი, და ამასობაში ყოველ ღონისძიებას ხმარობდა ერეკლე გაემაჰმაღიანებინა, რისთვისაც კახეთის მეფობას ჰპირდებოდა.

მეორე მხრით თავი მოაბეზრეს მაჰმადიანებმა არჩილს, რომლის მეგობარნი აქეზებდნენ ხელ-ახლავ დაეპყრა იმერეთის სამეფო. მამის დაუკითხავად არჩილი ანაზღად თიანეთს წავიდა და იქიდან — ახალციხეს 1675 წ. დამდეგს. მიზეზი იმის და შაჰ-ნავაზის აშლილობისა ის იყო, რომ არაგვის ერისთა-

ეები ჰფლობდნენ კახეთში ერთობ დიდს მამულებს, რის გამოც დიდი გავლენაც ჰქონდათ და, როდესაც არჩილმა განიზრახა იმათ მამულების ჩამორთმევა, შაჰ-ნავაზი არ დასთანხმდა წაერთმია ის, რაც შაჰის წყალობით ჰქონდათ მინიჭებული. ამასობაში ოთარ ერისთავი წავიდა სპარსეთს საჩივრულად არჩილზე იმ შევიწროებისათვის, რომელიც არჩილმა მიაყენა; მაშინ ქართლის მეფემ ააოხრა იმის მამულები. ეს რომ ოთარმა შეიტყო, მოუმატა ჩივილს, მაგრამ აღარ მიუშვეს შაჰთან, და როცა დაატყო, რომ ჩივილისაგან არა გამოვიდოდა-რა, დაბრუნდა შინ.

ცოტა ხანს უკან შაჰ-ნავაზი, გზად მიმავალი ისპაანს, მოკვდა, ხოლო ერეკლე საჯაროდ აღიარებულ იქმნა კახეთის კანონიერ ბატონად 1676 წ., რაც ცხადად სჩანს იმის სახელით დაწერილ გუჯრებიდამ. რამდენსამე წელს ისევ დარჩა სპარსეთში და იცავდა ქრისტეს სჯულს, ხოლო კახეთს ბეჟან-ხანი განაგებდა. ამ ხანში აიშენა სასახლე ყარაღაჯს, სამხრეთ ქიზიყში, და უბრძანა კახელებს, იქვე სახლები დაედგათ. კახელები დიდად უკმაყოფილონი იყვნენ იმისი და საქმემ იქამდის მიაღწია, რომ ქართლის მეფემ, გიორგიმ, უბრძანა ესროლათ მისთვის თოფი. ამით გაჯავრებულმა ბეჟანმა მოიწვია და შეუსია კახეთს მტარვალნი ლეკნი, რომელნიც ამ დროდან დაწყებული მუდამ და დაუწყნარებლად იკლებდნენ ქვეყანას და მკვიდრნი ტყვედ მიჰყავდათ. ეს ამბავი რომ აუწყეს შაჰს, მან ბეჟან-ხანის მოადგილედ სხვა ხანი დაჰნიშნა, რომლის სახელიც ჩვენ არ ვიცით. მაშინ სამი დიდებული: რევაზ ჩოლოყაშვილი, აბელ ქიზიყის მოურავი და მერაბ ელისენის მოურავი განაგებდნენ ყველაფერს კახეთში და გიორგი მეფის შეგონებით შეითქვნენ ხანის წინააღმდეგ, რომლის მაგიერ 1688 წ. დასვეს აბაზ-ყული ხანი, განჯის ბეგლარ-ბეგი. ამ ნაირის ურჩობით კახელები სცდილობდნენ შაჰს ერეკლე კახეთში გამოეშვა; ეს განზრახვაც მალე აუსრულდათ.

აბაზ-ყული-ხანს, თუმცა კარგი მეგობრობა ჰქონდა მეფე გიორგისთან, იძულებული იყო პატივი ეცა ერეკლე ნაზარ-ალი-ხანისათვისაც, რომელიც სპარსეთიდან ქართლის მეფის წოდებით მოვიდა. გიორგი მეფე ამაოდ სცდილობდა თავისი ძმა არჩილი ხელ-ახლავ კახეთში გაემეფებინა; თუმცა ზოგიერთნი დიდებულნი დაითანხმა, მაგრამ ეს განზრახვა ვერ შეასრულა. ნაზარ-ალი-ხანის მოთხოვნილებით, აბაზ-ყული-ხან შეეწია მას, როგორც ერწო-თიანეთის მაზრის ჩამორთმევაში არაგვის ერისთავთაგან, აგრედვე იმ ლაშქრობაში მეფის გიორგის წინააღმდეგ, რომელიც ხანდისხან სრულიად უნაყოფოდ თავდებოდა. ბოლოს ერეკლე იძულებული შეიქმნა გასცლოდა ქვეყანას, თუმცა ტფილისი, სადაც სპარსების მეციხოვნენი იდგნენ, მის უფლებაში დარჩა; მან აუწყა ყოფელივე ყვეს, რომელმაც უბრძანა შეპყრობა აბაზ-ყული-ხანისა და ჩამორთმევა ყველა იმის მამულებისა.

კახელები ზოგნი გიორგის მიემხრნენ და ზოგნი—ნაზარ-ალი-ხანს. ახლად დანიშაულმა ქეღბ-ალი-ხანმა განჯის ჯარით 1695 წ. დაუწყა ბრძოლა გიორგი მეფეს, რადგან ლეკებმა და ქარელებმა არ მოიშალეს კახეთზე თავ-დასხმა და დაღესტნლების შემოყვანა ამ ქვეყანაში, ქეღბ-ალიმ შეიწყნარა კახელების თხოვნა, და ნება მისცა, ქარელებს დასცემოდნენ. პირველ შებრძოლების დროსვე ქარელები ამოსწყვიტეს, მაგრამ, საუბედუროდ, გამარჯვების შემდეგ კახელები შესასვენებლად დარჩნენ ამ მხარეში და იქ იყოფდნენ ნადავლს; ამასობაში ქარელებმა შემოიკრიბეს ძალ-ღონე, ანაზ-ლად დაეცნენ, წაართვეს ნადავლი და აიძულეს უკუ-ქცეულიყვნენ.

ამ ამბავმა გაახარა ქეღბ-ალი-ხანი, რომელსაც ლეკებთან პირობა ჰქონდა შეკრული: ლეკები აძლევდნენ ხარკს და ნება აღებულნი ჰქონდათ განეგრძოთ ქვეყნის აკლება სპარსების დახმარებით ერეკლე მეფობდა ქართლში; როცა მეფე გიორგი დარწმუნდა, რომ ქართველების უმეტესი ნაწი-

ლი არ შემოიჩრილებო, წავიდა კახეთს, იქ დაესახლა და ემსახურებოდა ქეღობალი-ხანს, შემდეგ გადასწყვიტა შაჰს ჰხლებოდა და სრულს იმის მორჩილებაში ყოფილიყო.

მაშინ ერეკლემ რამდენსამე ხანს შეისვენა და დაიწყო მაჰმადიანურის წესისამებრ განცხრომით ცხოვრება. სამწუხაროდ, კახელებმაც შეითვისეს გარყვნილი ზნე-ჩვეულება თავის მფლობელებისა და ქრისტიანობაც თანდათან დასუსტდამ მხარეში.

დედოფალი ელენე გარდაიცვალა 1695 წ. ახლო ხანებში. ერეკლემ დაიბარა ისპანიდან თავისი მეუღლე, ანნა ჩოლოყაშვილის ქალი, და თავისი ასული ელენე; მისი ვაჟები კი დავით იმამ-ყული-ხანი და კონსტანტინე მამედ-ყული-ხანი ყვენთან დარჩნენ მძევლად.

ყანდაარს გაგზავნილმა მეფე გიორგიმ გამოიჩინა, როგორც საოცარი ვაჟკაცობა, აგრედვე ბრძნული განკარგულება; ყვენმა დასაჯილდოვებლად დაუბრუნა გიორგის ქართლი. ერეკლე კი დაჰნიშნა კახეთის მეფედ 1703 წ., მაგრამ უკმაყოფილოდარჩა ამით, წავიდა სპარსეთს და გამოითხოვა კახეთის სამეფო თავის კანონიერის უმფროსის შვილის დავითისათვის; თითონ კი შაჰის ყულარ-აღასობის თანამდებობა მიიღო და სამუდამოდ დასახლდა სპარსეთში.

საქართველოს მეფეთა თავ-გარდასავალის ასახსნელად უნდა ვთქვათ, რომ მეფე ერეკლე ცნობილია თანამედროვე მოგზაურთა და მეისტორიეთაგან ხასიათის სისუსტით, რომლისა გამო მუდამ დაახლოვებულ კაცთა ხელში სათამაშოდ ჰხდებოდა. ვინმე ჰაჯი-ალი-ხანი, რომელიც წინად აღერბეიჯანის ბეგლარ-ბეგი იყო, ისე ათამაშებდა ერეკლეს, ვითარცა ბავშვს; მან მიუყენა ერეკლეს თავისი კიასო ანუ მოადგილე, რომელმაც ვერაგის მოქმედებით და ცრუ დაბეზდებით ყველა აღძრა ერეკლეს წინააღმდეგ და ჩამოაცალა მეგობრები და მომხრენი. ამასთან შაჰ-აბაზის მიერ შემოღებული სისტემა ის იყო, რომ არავითარი უფლება არც ქრისტი-

ანე მეფეებისა და არც სხვა თანამდებობის კაცთა შეწყნარებულ-
ლი არ ყოფილიყო, რითაც საქართველოში შუღლი, უთან-
ხმოება და არეფ-დარევა დაითესა: არავინ დაიმედებული არ
ჩყო თვით უახლოეს მომავალზე და უცხო ხელი მუდამ მზად
იყო ჩარეულიყო იმ ცილობაში, რომელიც ურთიერთის წი-
ნააღმდეგობით ჩნდებოდა. ამ გვარი იყო მდგომარეობა ივე-
რიის ქვეყნებისა.

დავით III, იგივე იმამ-ყული-ხანი, მივიდა კახეთში და
დაესახლა ყარაღაჯს. თუმცა დავითი სცხოვრობდა მაჰმადის
წესზე, მაგრამ ქართველების ზნე-ჩვეულებაც შეითვისა და
ცნობილია, ვითარცა კარგი მცოდნე სპარსულისა და ქარ-
თულის ლიტერატურისა. ცოლი მისი ფახრი-ჯან-ბეგუმი იყო
ასული ჩუხუ რაზადისა, ერეენის ბეგლარ-ბეგისა, შამხალის
შვილისა. დავითმა დაათვალიერა კახეთი, შემდეგ გარდავლო
ჯვარი და მივიდა მცხეთას, სადაც ინახულა მეფე ვახტანგი,
რომელთანაც შეჰკრა კავშირი.—დავითმა შემუსრა ქარელები
და ხარკი დაადო. 1706 წ. ხელ-ახლავ გაილაშქრა ქარელებ-
ის წინააღმდეგ. ამ გალაშქრებაში მოიწვია ყველა მთიულ-
ნი, რომელნიც კახეთის მეზობლად სცხოვრობდნენ. პირველ
შებრძოლებზედ გაიმარჯვა, მაგრამ შემდეგ დავითის გაუფრ-
თხილებლობის გამო ქარელები გზაში ჩაყსაფრნენ და დიდი
ზარალი მისცეს მეფის ჯარს; მაშინ მტარვალებმა იწყეს გა-
ღმა მხრისა და აღმოსავლეთ კახეთის დარბევა ისეთის ძალით,
რომ დავითი იძულებული შეიქნა ზამთარში ყარაღაჯიდან თე-
ლავს გადასულიყო, ხოლო ზაფხულს—მალაროში. თუმცა-
არ სდევნიდა ქრისტიანებს და არ ართმევდა ეკლესიებს მა-
მულებს და შემოსავალს, მაგრამ წინანდელ მეფეებზე უფრო
ბევრს უგზავნიდა შაჰს—სანუქჟოდ იმის საჩუქრებისა—ორი-
საზე სქესის ტყვეებს, რომლებსაც დიდებულთ პირველ გვა-
რებს სტაცებდა.—თავის მამის, ერეკლეს, სიკვდილს შემ-
დეგ სპარსეთში, 1710 წ., დავითი წავიდა შაჰთან, რომ მოე-
ხსენებინა თავის ქვეყნის საჭიროებანი. გზად მიმავალმა ინა-

ხულა ტფილისში ვახტანგი და ვახტანგის ასული ცოლად უთხოვა თავის ძმას თეიმურაზს, რომელიც სამღვდელოების ნება-დართვით უნდა გაჰყოფიდა ბაინდურ ერისთავის ასულს. დავითის სპარსეთში ყოფნის დროს თეიმურაზი განაგებდა კახეთს თავის დედის ანნას ზედამხედველობის ქვეშე.

ლევები ძველებურად სასტიკად მძვინვარებდნენ და არბევდნენ კახეთს, რომლის მკვიდრნი არამც თუ ამარცხებდნენ მტერს, არამედ ხშირად თითონ აქეზებდნენ და ჰბაძავდნენ ლევების მაგალითს. ქიზიყის მოურავმა, ლევანმა, შემოიყვანა მტარვალები და შეუსია ელისენის მოურავის, მერაბის, მამულს. მერაბი გაიქცა და უშველა თავს, დაიქირავა მეორე ბრბო ლევებისა და დაეცა რევაზის მამულს. ამნაირის საქციელით წაქეზებულმა ლევებმა თანდათან განავრცელეს თავისი ნავარდობა, მიერეკებოდნენ ტყვეებს, საქონელს და თავისს მხეცურ ბუნებისამებრ ყველაფერს აოხრებდნენ. ხანდისხან დაწყნარდებოდნენ, მოკლე ხნით შეისვენებდნენ და შემდეგ ხელ-ახლავ იწყებდნენ მტარვალობას. ლევებს ხელს უწყობდნენ ზოგიერთა არამზადა კახელებიც, რომელნიც სარგებლობდნენ თავის მეზობლების დასუსტებით, შემოჰყავდათ წინააღმდეგ განზრახულ სახეირო საქმის მოსახერხებლად მიხვეულ-მოხვეულ გზებით დანიშნულ ადგილას ბოროტ-მოქმედების ჩასადენად; მერე იმავე გზით ბრუნდებოდნენ შინ; არც მდევარის გამოკიდება, არც დასჯა მათთვის! რომ ეს ამბავი მოგონილი არ არის ისტორიკოსის მიერ, არამედ სრულიად ნამდვილია, სხვათა შორის, სჩანს დავით მეფის მრავალ წერილებიდან, რომლებითაც ამ ამბავს დავითი აუწყებს ვახტანგს 1712 წ. თეიმურაზმა ჯვარი დაიწერა თამარზე და, აიღო რა დიდი მზითევი, დასახლდა მანავში და გულითადის მწუხარებით შეჰყურებდა თავის მამულის აკლებას.

მეფე დავითმა ხუთი წელი დაჰყო სპარსეთში და 1715 წ. დაბრუნდა; შაჰის შეგონებით დაუმოყვრდა იასეს, ალი-ყული ხანს, ვახტანგის ძმას. მან მიათხოვა იასეს თავისი და ელენე,

რომელიც დიდის ხნის დანიშნული ჰყავდა, — თუმცა მისი პირველი ცოლი ცოცხალი იყო. საქორწინო მზადებაში ლეკები დაეცნენ მეფის ამაღლას და მოჰკლეს გლეხებს გარდა 24 დიდებული. კახელები უკიდურეს მდგომარეობაში ჩავარდნენ და, ნიკოლოზ ალავერდელის რჩევით, რომელსაც დიდი გავლენა ჰქონდა მეფე დავითზე, — ყოვლად საზიზღარი ცბიერობა იხმარეს: კახელებმა წაჰბადეს ლევან II-ს მაგალითს 1574 წ. და გარდასწყვიტეს, ლეკები მოეცილებინათ მით, რომ გაუამხანაგდნენ, წინამძღვრობა გაუწიეს და შეიყვანეს ქართლსა, შამშადილსა, ყარაბაღსა და შირვანში. მიუხედავად ამისა, ჭარღლებმა არ დახოგეს არც კახეთი, რომელიც ააოხრეს. მაშინ მეფე დავითმა შესაწევნად მიიწვია თავისი სიძე იასე, რომელიც ჯარით შევიდა კახეთში და პირველად დაამარცხა მტერი მალაროში, თუ წინა-მინდორში, მაგრამ შემდეგ ლეკებმა გაიმარჯვეს და დიდის ნადავლით დაბრუნდნენ შინ. — შემდეგის წლის გაზაფხულზე იასე მეორედ შევიდა კახეთში ანა დედოფლის სიკვდილისა გამო, დაბანაკდა საგარეჯოს, დაჰყო იქ სამი თუ ოთხი თვე, მაგრამ ვერც ახლა გაარიგა რა. ლეკებმა დაიპყრეს შილდა და ყვარელის ციხე, რომლის მეციხოვნენი მედგრად იცავდნენ თავს, გასწყვიტეს აუარებელი ხალხი, დასწვეს ციხე-სიმაგრეები. კახელები დაედევნენ, მაგრამ ლეკებმა მოასწრეს ათასობით ტყვეების წაყვანა. მაშინ კი კახელებმა გარდასწყვიტეს აესრულებინათ ის განზრახვა, რომელიც წინად მოვიხსენიეთ: შეიყვანეს ლეკები სამხრეთ სომხეთში და აიკლეს ბოლნისის სოფლები, საიღამაც გადავიდნენ შირვანის და შემახიის მაზრაში.

ამასობაში თუშები შეიარაღდნენ და დაეცნენ ლეკებს, რომელთაც განაცხადეს, რომ ჩვენ კახელების მოკავშირენი ვართ და მეფე დავითს მოსთხოვეს, თუშებთან მოგვარიგეო. მეფე იძულებული შეიქნა — თუმცა უმეტესი ნაწილი მთიულებისა ამის წინააღმდეგი იყო, — ძალა დაეტანებინა მათთვის,

შემდეგში აღარ დასცემოდნენ ქარელებს, ხოლო ნადავლი უკანვე დაებრუნებინათ.

1719 წ. მეფე დავითმა საფურცლეში ინახულა ქართლის მეფე, რომელმაც გაზაფხულზე გაგზავნა ჯარით კახეთში სარდალი ერასტი ყაფლანიშვილი. ერასტიმ სამი თვე დაჰყო კარდანახში, ჩრდილოეთ ქიზიყში, მაგრამ კახელებმა არ მიუშვეს ქარელებთან აბრძოლველად. შემდეგ ზამთარში შაჰმა ქარელების გასაწყვეტად გამოგზავნა ბეგლარ-ბეგი ქალბალი-ხანი. რადგან მან მეფე დავითისაგან ცნობა ვერ მიიღო, შაქს წავიდა. ქარელები დაეცნენ ანაზხად, მოჰკლეს ბეგლარ-ბეგი და ყოველი იმისი ქონება წარიტაცეს. მაშინ განრისხებულმა შაჰმა უბრძანა ვახტანგს ქარის დაპყრობა. მთელმა კახეთის სამღვდელოებამ და დიდებულებმა დაბეჯითებით სთხოვეს ვახტანგს აღასრულე შაჰის ბრძანებაო. 1721 წ. იანვარში ვახტანგი შევიდა კახეთში, მაგრამ არ აცნობეს ლეკების შემოსევა ხაშმსა და უჯარმაში. შემდეგში კახელები იმართლებდნენ თავს მით, რომ ამ ბრბოს ამოწყვეტით არა გამოვიდოდარაო. ქართლის ჯარი მათ ბანაკში გააჩერეს ორმოც და ხუთი დღე, მარტო იმისათვის, რომ თითონ ესარგებლნათ დიდძალის ჯარით და რამეს გამორჩინოდნენ. ამდროს ქარელებმა მოციქულები გამოუგზავნეს; ამას გარდა, მეფეს შაჰის ბრძანება მოუვიდა, შენს საფლობელოში დაბრუნდიო; შაჰს ლეკების დაპყრობა შირვანის ხანისათვის შეენდო.

ორის წლის ავადმყოფობის შემდეგ მეფე დავითი გარდაიცვალა მაისში 1721 წ. იმისი გვამი დაასაფლავეს ქუმთას, სადაც ქართველ გამაჰმადიანებულ მეფეებს ჰმარხავდნენ.

კონსტანტინე II, იგივე მამედ-ყული-ხანი, იყო თუმცა უფროსი, მაგრამ ქრისტიანულ წესით უკანონო შვილი დავითისა და ისპანს მდივან-ბეგად ირიცხებოდა. ხალხს ის არ უყვარდა, რადგან მუსულმანი იყო და ცოლად ჰყავდა ფურჯან-ბეგუმი, შამხალის ასული, და შირაზის ბეგლარ-ბეგი-

სა. დავითის სიკვდილს შემდეგ დიდებულებმა და სამღვდელ-ლოებამ განიზრახეს ტახტზე დასვით თეიმურაზი, დავითის უმცროსი ძმა, მაგრამ მან თავის სინიდიისიანობით, თუ რაიმე სხვა მოსაზრებით, უარი განაცხადა გადაქრით, ძმას მოციქულები გაუგზავნა და იბარებდა მალე მოსულიყო და ტახტი დაეჭირა.

კონსტანტინე უკვე დანიშნული იყო ნაიბად, კახეთის გამგედ, დავითის ავადმყოფობის დროს; აქამომდე დაცულია ერთი გუჯარი, თუმცა ეს გუჯარი ჯერ კარგად არ არის გამოკვლეული, რომელშიაც კონსტანტინე დავითის სიცოცხლეშივე მეფედ იწოდება; ხოლო მეორე გუჯარი, რომელსაც 11 მაისის 1722 წ. თარიღი აქვს, — ცხადად ამტკიცებს რომ შაჰისაგან მიიღო კახეთის სამეფო, ყაზახის, ერევნისა და შამშადილის მაზრები. იმის ჩამოსვლამდე თეიმურაზი იმამყული-ხანის მეუღლის ზედამხედველობით განაგებდა კახეთს და მან შემოსეული ლეკები რამდენჯერმე განდევნა, მაგ. ხორდშამოში.

ამ დროს მეფე ვახტანგმა, რომელიც ადერბეიჯანის ბეგლარ-ბეგად დაინიშნა, განიზრახა ყაზახის მაზრის შემოერთება. კონსტანტინე წინააღმდეგა, დაიქირავა ჭარელები და არ ისურვა ვახტანგის პირადად ნახვა დაზავებისათვის, თითქმის ეშინოდა, ვახტანგი რაიმე ხიფათს შემამთხვევსო. ამ დროს აჯანყდა გოგჯანურას თათრის ელი, ყაზახში მცხოვრები; იმათ დასამშვიდებლად ვახტანგმა გაგზავნა ჯარი. კახელებმაც შემოიყვანეს იქ მხედრობა და ორივე დასი იბრძოდა ამ პაწია მაზრისათვის. კახელები დამარცხდნენ; ვახტანგმა დაიფლო კონსტანტინეს ყოველივე ქონება. მაშინ კონსტანტინემ დაიქირავა უფრო მომეტებული რიცხვი ლეკებისა, ააოხრა წინწყარო და წაართვა ვახტანგს ცხენების ჯოგი, რომელიც იმის მიდამოში იყო. მაგიერის გარდასახდელად იასე და ბაქარი ვახტანგის შვილი, დაეცნენ საგურამოს მაზრას და დამარცხეს ზოგიერთ შეტაკებაში ბატონიშვილი თეიმურაზი. მაშინ

კონსტანტინე იძულებული შეიქნა გაეგზავნა თეიმურაზი ტფილისის ზავის შესაკვრელად. მან შეარიგა მეფეები, რომელთაც კავშირი შეჰკრეს ერთმანეთში. ამის შემდეგ შაჰ-თამაზ II-მ, როგორც ზევით მოვიხსენიეთ, წაქეზებულმა კონსტანტინეს მოხსენებით, ქართლის სამეფო მას გარდასცა.

შემდეგ ტფილისის აღებისა ოსმალების მიერ და იქიდან ვახტანგის გასვლისა, კონსტანტინე გაიქცა და ლეკებთან და ოსმალებთან დაიჭირა საქმე; ისინი შემოესიენ კახეთს, აიკლეს ქვეყანა, შებილწეს ეკკლესიები და მკვიდრნი ტყვეთ წაასხეს. თეიმურაზი გადავიდა ანანურს და თან წაიღო სამეფო განძი, რომელთა შორის იყო ქეთევან დედოფლის ნაწილები. არაგვი გასვლის დროს ეს წმ. ნაწილები დაიკარგა. — კონსტანტინე შეუერთდა ყაზახში ქარელებს, მაგრამ ერთმა იმათმა ბრბომ სრულიად გაძარცვა მეფე; მაშინ კონსტანტინემ აღარ იცოდა, რა ექმნა, და თეიმურაზი ტფილისს გაუგზავნა ბაქარს შემწეობის სათხოვნელად. ამნაირისავე თხოვნით მიიქცა შაჰთან და კახეთის ჯარითა და ლეკების დამხმარებელ რაზმით ყაზახის მაზრაში შევიდა. ოსმალები დაცნენ და წაართვეს ყოველივე, სხვათა შორის არამხანაც. მაშინ კონსტანტინე წავიდა განჯას, რომელსაც ჰფლობდა მისი დისწული მაჰმედ-მირზა, მაგრამ იქ ვერა გაარიგარა და კახეთში დაბრუნდა; ვახტანგის წასვლის შემდეგ, დაჰნიშნეს ქართლის გამგედ; შაჰმა უბოძა ფული, რომელიც მოიხმარა ჯარის სარჩენად და თავისს მომხრეების დასაჯილდოვებლად. იქიდან ისევ კახეთში დაბრუნდა. თელავიდან გაჰყარა ლეკები, რომელთაც ალყა შემოერტყათ ამ ქალაქისათვის. ამის შემდეგ შეურიგდა ლეკებს და გაუშვა ისინი ქართლის ასაკლებლად.

ამ შემთხვევის შემდეგ მაჰმად-ყული-ხანი შეეწია ოსმალებს გალაშქრებაში ქსნის და არაგვის ერისთავების წინააღმდეგ, რომელნიც უკანასკნელ ომში მტრულად მოეპყრნენ მას. იუსუფ-ფაშას სძულდა კონსტანტინე, მაგრამ სადარბაზოდ

მიიწვია გორს, — ალბად რაიმე ცუდის განზრახვით. როდესაც კოსტანტინემ უარი შეუთვალა, უსუფ-თაშა წავიდა დალესტანში, სადაც ეძრაბა ლეკების წინამძღოლმელს სურზავს. კოსტანტინე ჯერ წინააღმდეგი იყო თაშას დაახლოვებისა, შემდეგ კი, ალავერდელისა და ლუარსაბ თარხნიშვილის რჩევით 1729 წ., გარდასწყვიტა მისულიყო მასთან. თაშამ მეგობრულად მიიღო, ხოლო იმ დროს, როცა კოსტანტინე ცხენზე ჯდებოდა, მაჰმად-ბეგმა, ისაყ-თაშის საჭურველის მტვითველმა, უკანიდამ ესროლა თოფი და მოჰკლა. კახელები აქეთ-იქით გაიქცნენ, ვინც როგორც მოასწრო, ხოლო დანარჩენნი ოსმალებმა აპკუწეს. კოსტანტინეს, ალავერდელს, რევაზ ერისთავს და ზოგიერთ სხვებს დასჭრეს თავები, რომელნიც ისაყმა სტამბოლს გაჰგზავნა. კოსტანტინეს სიკვდილის წლის შესახებ ღიდი უთანხმოებაა. ზოგიერთი თანამედროვე ისტორიკოსი სწერს, რომ მოჰკლეს 1732 წ. და ზოგი კი მიაწერს მის სიკვდილს 1735 წ., თუმცა შეურყეველი საბუთი არც ერთს არ მოჰყავს.

ისაყ-თაშასთან შეთანხმებით სურხანმა, შემდეგ ომისა, აიღო თელავი და გაძარცვა მთელი გაღმა მხარე. თეიმურაზი გაიქცა ფშავეთს; ოსმალებმა დაიჭირეს ეს მხარე და ააშენეს მაღაროში ციხე ლეკების შესაშინებლად. ლეკები გუნდ-გუნდად შეესიენ მთელს მხარეს და ბოლნისამდე მივიდნენ; მათ დაედევნა ისაყ-თაშა და ისე დააზიანა და დაამარცხა, რომ ლეკებმა ამიერიდგან მოსპეს თავისი შემოსევა საქართველოში. თეიმურაზი მაშინ დიდ სილატაკეში ჩავარდა და დააპირა რუსეთში წასვლა, მაგრამ 1731 წ. კახელებმა შემოიყვანეს თელავში.

თეიმურაზმა ტფილისში ინახულა იუსუფ-თაშა და აღიარებულ იქმნა კახეთის მფლობელად იმ პირობით, რომ ერთგულად ემსახუროს ოსმალს მართებლობას, მაგრამ 1734 წ. თამაზ-ყული-ხანმა დაიპყრა შირვანისა და კურმუხის მხარეები რუსთა სოფელ ენდერამდი, ანუ ენდრეევამდი, — სადაც

შეჩერდა და მერე განჯას მივიდა. ეს რომ იუსუფ-ფაშამ შეიტყო, გაპგზაენა ქიზიყში ჯარი, რომელსაც კახელები, აბელ-მოურავის რჩევით, დაეცნენ ღამით; მრავალი დაჰხოცეს და დიდი ნადავლი აიღეს. ოსმალთაგანი ვინც გადარჩა, განთიადისას ტფილისს გაიქცნენ; მაშინ ოსმალებთან ერთად იყვნენ შანშე, ქსნის ერისთავი, გივი ამილახვარი და ზოგიერთი სხვა ქართველები თავისის ოჯახობით.

1735 წ. თამაზმა მოციქული გაუგზაენა იმამ-ყული-ხანს და სთხოვდა ცოლად იმის ქალს. თეიმურაზმა შაჰის ბრძანება დასრულა და თვითონ ეახლა მრისხანე მბრძანებელს, რომელმაც მიიღო შესაფერად იმის ხარისხისა. რუსის ელჩი თავადი სერგეი გოლიცინი, რომელიც მაშინ სპარსეთში იყო, დაესწრო წირვას, რომელიც თეიმურაზის კარის ეკლესიის მღვდელმა შეასრულა, რადგან გოლიცინს მართლ-მადიდებელი მღვდელი თან არა ჰყავდა.

როცა ოსმალებმა შეიტყვეს, სპარსებმა მიანდეს თეიმურაზს ჯარი იმ პირობით, რომ ჭარებლები ამოსწყვიტონო, იმათ ყარაღაჯიღამ უკან დაიხიეს ტფილისს. კახელებმა დააქციეს ეს ციხე და წავიდნენ თავის მეფის და სპარსელების შესახვედრად. ზოგიერთმა ჭარებლებმა მედგრად დაიცვეს თავი, დანარჩენები იარაღით ამოსწყვიტეს და ქვეყანა მათი გადასწვდეს და გაანადგურეს. ამ გამარჯვების შემდეგ შაჰ-თამაზში ერევანში დაიბარა თეიმურაზი, რომელიც დაუყონებლივ გამოეცხადა. შაჰმა გააბრუნა შინ იმ პირობით, რომ თავისი ოჯახიც მოეყვანა. გზაში მიმავალმა თეიმურაზმა გაიგო, რომ ყირიმის თათრები შემოსულან დარუბანდშიო და ძლივს უშველა თავს გაქცევით, — ფშავლებში შეაფარა თავი. მაშინ თამაზმა იარაღით დაიპყრა კახეთი და მრავალი ტყვე იქიღამ ხორასანს გაპგზაენა. შემდეგ დაბრუნდა დარუბანდს. ჭარებლებმაც კი დიდი ზარალი მისცეს სპარსელების ჯარს და ზოგიერთნი ტყვენი გზიღამ გამოიქცნენ და დაბრუნდნენ ქართლსა და კახეთში.

როცა 1737 წ. ნადირი შაჰად აღვიარებულ იქმნა მულანის თვალ-უწვდენელ ველზე, თეიმურაზი ხელ-ახლავ დაეპატრონა თავისს სამფლობელოს და, ტფილისის ხანის მიერ მიწვეული, წავიდა ქ. გორს, სადაც შეიპყრეს და იქილამ ისპაანს გაჰგზავნეს. თუმცა სპარსეთის მბრძანებელმა შეიტყო, რომ თეიმურაზი თვისის ნებით კი არ გამოეცხადა, არამედ ცბიერებით დატუსაღებული იყო, მაინც მოწყალედ მიიღო ნადირმა თან წაიყვანა ყანდაარის ლაშქრობაში. შაჰმა მოსთხოვა ვაჟი ერეკლე და ასული ქეთევანი, რომელნიც წაასხეს სპარსეთში თებერვალს 1737 წ. ბატონის ასული მიათხოვეს ნადირის ძმისწულს, ალი-ყული-ხანს. მისი ძმა-კი ინდოეთზე გალაშქრების დროს ნადირს თან ახლდა და მონაწილეობას იღებდა ომში, რომელიც დიდის სინამდვილით და ცხოველის სურათებით აწერილია ერთს იმის წერილში. ერეკლე იქილამ დაბრუნდა საქართველოში სექტემბერს 1739 წ.

დავით III-ს შვილი ალექსანდრე, — იგივე ალი-მირზა, — დანიშნული იყო ქართლის ვალიად და შევიდა კახეთში ამ ქვეყნის დასაპყრობად. 1736 წ. მან გამოსცა რამდენიმე სამეფო სიგელი და ბრძანებანი, რომლებშიაც დიდს სიფიცხეს და მრისხანე კილოს იჩენდა; მაგრამ დედოფალმა თამარმა, თეიმურაზის მეუღლემ, თავის მხნეობით და სიმტკიცით იმის ყველა მოქმედება გააქარწყლა და აიძულა ბედკრული ბატონი-შვილი წასულიყო ინდოეთში შაჰ-ნადირთან, სადაც ომში მოჰკლეს. ხოლო თეიმურაზი ერეკლეს მისვლის უმაღლ დაბრუნდა კახეთში 1738 წ. და განაგებდა ამ ქვეყანას შაჰ-ნადირის ძმის, იბრაჰიმ-ხანის ზედამხედველობის ქვეშ.

როცა იბრაჰიმ-ხანმა გაილაშქრა ქარელებზე, თეიმურაზი კახეთის ჯარით თან ახლდა. ქარელების მახრა დაიპყრეს და ცეცხლითა და მახვილით გაანადგურეს, ციხე-სიმაგრეები და აქციეს და მკვიდრნი ტყვეთ წამოასხეს. ამ დიდის დამარცხების შემდეგ დიდხანს არ გაუვლია, რომ ლეკებმა შემოიკრიბეს ძალ-ღონე და ანაზღად დაეცნენ სპარსელებს, როცა ისი-

ნი მოსვენებაში იყვნენ; სპარსებმა ველარ მოასწორეს თავის დაცვა, მრავალი დაიხოცა, — თვით სარდალიც ომან ველზე მოიკლა — და ქართველებიც დიდად დაზარალდნენ.

როგორც კი ბატონიშვილი ერეკლე ინლოეთიდან დაბრუნდა, შეირთო ვახტანგ ყაფლანიშვილის ასული, — რომელსაც მალე გაეყარა — და მეორედ დაქორწინდა ანნა ფხვიძის ანუ აბაშიძის ასულზე. 1741 წ. შაჰ-ნადირი მოვიდა არდებადს და თეიმურაზს უბრძანა მეორედ გაელაშქრა ქარელებზე. ამ გალაშქრების დროს საქართველოს მტარვლების ბუდე სრულიად ამოფხვრილ და დაქცეულ იქმნა: ვაჟკაცები ტყვეთ წამოიყვანეს, ხოლო ქალებს პატივი აჰყარეს და მონებად გახადეს. ამის შემდეგ მეფე თეიმურაზი მოსვენებით სცხოვრობდა თავის სატახტო ქალაქს თელავში.

გივი ამილახვარმა, რომელიც მაშინ ქართლის ვეჟილად იყო დანიშნული, თეიმურაზს წინადადება მისცა შაჰ-ნადირს ავუჯანყდეთო. როცა თეიმურაზმა უარი შემოუთვალა, გივმა დააბეზლა ტფილისის ხანთან, რომელმაც დაიბარა თეიმურაზი და სთხოვა დახმარება დაღესტანზე გალაშქრებისათვის. მეფე არ გამოეცხადა ხანს და შემოუთვალა, რომ მზადა ვარ დაგეხმაროვო. ამ პასუხის მიღების შემდეგ ხანი გაჯავრდა, შეესია საგარეჯოს და აიკლო ეს მახრა. მაშინ თითონ თეიმურაზი წავიდა შაჰ-ნადირთან დარუბანდში და ცოტა ხანს შემდეგ დედოფალი თამარი და მთელი მეფის ოჯახიც გაჰყვა მას უკან. ნადირი დარწმუნდა, რომ მეფე ერთგული ყოფილა ჩემიო და დააბრუნა კახეთში იმ პირობით, რომ მეფეს თავის წინამძღოლობით და ხარჯით გამოეყვანა ხუთასი საუკეთესო მეომარი. ნადირი დასთანხმდა ეპატივებინა 300 თუმანი ხარჯი, რომელიც ქართველებს ემართათ, ხოლო კახეთის მართვა სრულიად მიანდო თეიმურაზს.

1742 წ. ალავერდის ტაძარი საოცარის მიწის-ძვრისაგან, რომელმაც 40 დღეს გასტანა, დაინგრა.

ახლო ხანებში ლეკების რაზმი, რომელიც 7000 კაცი-

საგან შესდგებოდა და რომელსაც ბელადები გალგა და მალიჩა უწინამძღვრებდნენ — გივი ამილახვარს ეახლნენ და ემსახურებოდნენ. თეიმურაზს შაჰის ბრძანება მოუვიდა, ლეკები გასწყვიტეო. სარდალმა ფათ-ალი-ხანმა, ნადირის ცოლის ძმამ, და აჯი-ალი-ხანმა თეიმურაზს დაახმარეს ჯარი, რომელმაც ქალაში, ერეთის ციხესთან, გორის ახლოს მტარვალეები დაამარცხეს. გივი ამილახვარმა სპარსებს ისე მოაჩვენა თავი, ვითომც დაგმორჩილდითო და დაარწმუნა, ლეკები თავის ნადავლით კახეთზე გაეშვათ შინ; ხოლო ლეკები მან ჩააყენა საფარში, საიდანაც შეტაკების დროს გამოცვივდნენ და უმეტესი ნაწილი სპარსების ჯარისა დაჰხოცეს. ამას შემდეგ შაჰმა გადააყენა ფათ-ალი-ხანი და ქართლში გაჰგზავნა თავისი დაახლოვებული კაცი ქარიმ-ხანი დიდძალის ჯარით, რომელიც შეუერთდა ქართლის ხანს იმამ-ყულის. მაშინ შეშინებული გივი შევიდა სხვილოსის ციხეში. სპარსებმა დაიჭირეს სამთავისი და ქალის ციხე და სხვილოს გარშემოაღგნენ. იმამ ყული-ხანი გადააყენეს და იმის ადგილზე დანიშნეს ხოჯა-ხანი, რომელიც ლმობიერი კაცი იყო. გივი შეურიგდა მას და მძევლებიც მისცა. როგორც იყო, შაჰმა სრულიად დაამარცხა ლეკები, ბრძანა დაებრუნებინათ მძევლები და არ ისურვა მემამოხეებთან რაიმე პირობით შერიგება, არამედ მოითხოვა სრული მათი მორჩილება. ამასთანავე მან მიიწვია თეიმურაზი მეუღლითურთ და ორთავეს უდიდესი პატივი სცა.

თუმცა სპარსებმა მრავალი ღონისძიება იხმარეს გივის დასამარცხებლად, მაგრამ ის მაინც გამაგრდა; მუდამ დღე იმდენი დამხმარებელნი ემატებოდნენ, რომ საციციანოს, საბარათიანოს მაზრები და სომხეთი ემორჩილებოდა და, თუ წინააღმდეგობას იწყებდნენ, ლეკების ჯარით თავს ესხმოდა. აფლანელები, — რომელნიც უმთავრესს რაზმს შეადგენდნენ და რომელთაც აჯი-ხანი და ქართლელი ალი-ხანი წინამძღოლობდნენ — იკლებდნენ სურამის ქალას.

1743 წ. შაჰ-ნადირმა ოსმალებზე გაილაშქრა. მაშინ ლეკებმა იბოვეს ვიღაც საათა, რომელიც ვითომც შაჰ-სულთან ჰუსეინის შვილი ყოფილიყოს, სპარსეთის ტახტის კანონიერ მემკვიდრედ აღიარეს და დიდი ამბოხება მოახდინეს შირვანის მაზრაში. ნადირის შვილი ნასრ-ულლა გაგზავნილ, იქმნა საბრძოლველად ტახტის მაძიებელის წინააღმდეგ. ნასრ-ულლამ დაიპყრა შამახია, უმთავრესი ბურჯი საათას მომხრეებისა. ტახტის მაძიებელი შაჰ-ზადე, — რომელიც ნასრ-ულლამ ცხვირის მოჭრის შემდეგ განათავისუფლა, — გაიქცა დაღესტანში და მიწერ-მოწერა გაჰმართა ხვანთქართან, რომელმაც დიდი ფული გამოუგზავნა.

1742 წ. მოჰკლეს ბეჟან ერისთავი. არაგვის ხეობის ზოგიერთმა მკვიდრმა თეიმურაზს მიჰმართა თხოვნით, შეგვეწიე ღდაგვიფარეო. თეიმურაზი დასთანხმდა და მით დაასწრო ისაყ ბეგს, — იესეს შვილის შვილს, — რომელსაც დანარჩენთ მკვიდრთ მიჰმართეს. ორმავე დასმა სთხოვა შაჰს გარდაწყვიტე ჩვენი საქმეო. შაჰმა თეიმურაზს უბოძა ეს ქვეყანა იმ პირობით, რომ დაეპყრა და დაემორჩილებინა შაჰისათვის.

ყარსს გალაშქრების დროს ოსებმა, ჩერქეზებმა და ლეკების აუარებელმა ბრბომ გაახშირეს ქართლში შემოსევა. თეიმურაზმა შეჰკრიბა დიდ-ძალი ჯარი თავის ქვეშევრდომებში და დამორჩილებულ ანწუხელებსა, ტაბუხელებსა და სხვა მთიულთაგან და წავიდა ანანურს. შაჰ-ნადირის ნება-დართვით მან დაიჭირა ასავალს მთელი საერისთავო და იწყო დაპყრობა საამილახვროსა და ქსნის საერისთაოს მიდამოებისა. თეიმურაზი ჯრსავე სამეფოს შეუცილებლად განაგებდა. მაშინ კახეთმა იწყო აღყვავება და ბევრი ქართველი გარდაესახლა იქ, რადგან იქ უფრო მყუდროება იყო. ამავე დროს ცრუ შაჰ-ზადე შემოვიდა კახეთში, საიდანაც აპირებდა დასავლეთისაკენ წასვლას ამილახვრის სანახავად და შეერთებას იმის მფარველებთან — ოსმალებთან. ნამდვილად არ ვიცით, გამყოლებმა

დაუბნის გზა, თუ შანშემ, ქსნის ერისთავმა, გასცა, შაჰ-ზადე ხელში ჩაუვარდა თეიმურაზს, რომელიც მაშინ თინში იყო. თეიმურაზმა მიიყვანა ნასრ-ულლასთან და ბატონი-შვილს ერეკლეს ჩააბარა. მაშინ შაჰმა თეიმურაზის ერთგულობა და დიდი სამსახურის გაწევა დაასაჩუქრა მით, რომ მას მიუბოძა ქართლის სამეფო, ხოლო მეფის ძე ერეკლე დაჰნიშნა კახეთის მთავრად.

სამცხე-საათაბაგოს ისტორია

შემდეგ განყოფისა.

სამცხის მაზრა, — რომელიც მტკვრისა და ქოროხის სათავეში მდებარეობს, — თავდაპირველად ოძრახოსისა და ჯავახოსის, მცხეთოსის შეილების, ხვედრი იყო. პირველმა მეფემ ფარნაეზმა იქ დაადგინა სამი ერისთავი: ოძრახისა, წუნდისა და კლარჯეთისა. ეს მხარე რამდენსამე ხანს სომხების უფლების ქვეშ იყო და მეორე საუკუნეში, ქრ. შ. შ., ხელახლად ქართველების ხელში გადავიდა. ყარზა-ბაქარის მეფობაში კლარჯეთი მიემხრო ბერძნებს; გურგასლანმა ხელახლად დაიპყრა და გადასცა სამცხე თავის უმცროს შეილებს, ლევანს და მირდატს. მირდატი განაგებდა ამ მხარეს ფარანის ტბიდან ზღვამდე ქართველთ მეფის უზენაეს უფლების ქვეშ. მან მიათხოვა თავისი და გურამს, რომელიც ტომით ებრაელი იყო, და რომელიც საქართველოს ბაგრატიონის ვვარის მამათ-მთავრად შეიქმნა; გურამის შთამომავლობა ორ უმთავრეს ნაწილად დაიყო: უმფროსი შტო მეფობდა აღმოსავლეთ ივერიაში, რომელიც ფრიად შევიწროებული იყო ტფილისში დამკვიდრებულ მუსულმანების ემირებისაგან. უმცროსი შტო, რომლის დედა-ქალაქად არტანუჯი იყო, დარჩა კლარჯეთსა და ტაოს მაზრაში და სრულიად განჰქრა მე-XI საუკუნის დამდეგს. ეს უკანასკნელი მთავრები პირდაპირ ბერძნების დამოკიდებულებაში იყვნენ. ჩვენ ვიცით მათი ვინაობა, სახელი, ნათესაობრივი კავშირი და თარიღები მათის გარდაცვალებისა. იმპერატორმა კონსტანტინე პორფიროგენეტმა გადმოგვცა დაწვრილებით ზოგიერთი მათი ამბავი. ამ მოთხრო-

ბაში არის გამოხატული ბაგრატიონის გვარის დამოკიდებულება ვიზანტიასთან კონსტანტინეს დრომდე. ამ დროიდან მე-XIII საუკუნის ნახევრამდე სამცხის მხარე საქართველოს მეფეების სრულს მორჩილებაში იყო.

აქ ჩვენ არ შევალთ იმის გამოკვლევაში, თუ საიდან წარმოსდგა სახელი სამცხე, რომელიც ისტორიულად ვერ გამოურკვევიათ, ხოლო ფილოლოგიურად ძნელი ასახსნელია. ჩვენ მოვიხსენებთ მხოლოდ იმას, რა ნაირად შეიცვალა ეს ძველი სახელი და დაერქვა სამცხეს საათაბაგო. თამარის დროს ვინმე ივანე ახალციხელი, ე. ი. ახალციხის მფლობელი, 1207 წელს, ყარსის აღების შემდეგ, წოდებულ იქმნა ათაბეგათ და ემირთ-ემირათ. ისტორიკოსნი არ მოგვითხრობენ ამ ივანეს ვინაობას და იმის მემკვიდრეებს უწოდებენ მთავრებად, ახალციხის მფლობელებად, სპასალარებად, მანდატურთ და მეჭურჭლეთ უხუცესებათ, ე. ი. სარდლებათ, ზეფის მცველების უფროსებად, და არა ათაბეგებათ. თავდაპირველად სარგის მე-II-მ მიიღო 1320 წელს მეფე გიორგი ბრწყინვალისაგან ათაბეგის ხარისხი, რომელიც თვითეულს იმის შთამომავალს უნდა გამოეთხოვა და დაემტკიცებია, სანამ მე-XIV საუკუნეში სრული მათი დამოუკიდებლობა არ აღვიარეს. აქედან წარმოსდგა საათაბაგოს სახელი, რომელსაც მე-XIX საუკუნემდე ჰხმარობდნენ. მონგოლების შემოსევის დროს აღმოჩნდა ვინმე სარგის ჯაყელი, ე. ი. მფლობელი ჯაყის ციხისა და იმ ქვეყნისა, რომელიც ახალციხის სამხრეთ-დასავლეთისკენ მდებარეობს. სარგისი იყო შთამომავალი იმ გვარისა, რომელიც ძველადვე ცნობილი იყო ამ ქვეყნის მფლობელად და ამავე სახელით ისტორიაში იხსენება ბაგრატი IV-ს დროიდან. შემდეგ თამარისა და იმის მემკვიდრეების მეფობაში სარგისი ირიცხება სამცხის პირველ დამოუკიდებელ მფლობელად, რომელმაც მთელი მხარე შემოიკრიბა თავის უფლების ქვეშ. გარდაიცვალა 1285 წ. მისმა შვილმა ბექა I-მა დაიპყრა სამცხე-კლარჯეთი ტაშის კარამდე, — ეხლანდელ

ბორჯომის ხეობამდე, — და ფრიად განძლიერდა, მან მიათხოვა თავისი ქალი ტრაპიზონის იმპერატორს ალექსი მე-II-ს და საჩუქრად მიიღო ქანეთი, ე. ი. ესრედ წოდებული ლაზისტანი. გარდაიცვალა 1306 წელს.

შემდეგ ქართლის მეფემ გიორგი VI ბრწყინვალემ შეაერთა მთელი საქართველო და 145 წლის განმავლობაში სამცხის ერისთავნი საქართველოს ვასსალები იყვნენ, როგორც მაგალ. სარგის ჯაყელი II, ბექას შვილი, რომელიც 1334 წელს მოკვდა. მეფე გიორგი ბრწყინვალის ნება-დართვით მისი უფლება შვილზე — ყვარვარე I-ზე — გადავიდა. 1364 წ. იმის მემკვიდრედ, ბაგრატ V ნება-რთვით, შეიქმნა შვილი მისი ბექა II¹⁾; იმის სიკვდილს შემდეგ 1391 წ. მეფე გიორგი VII-მ გარდასცა ათაბეგობა იმის შვილს აღბუღას, რომელმაც შეადგინა ფრიად შესანიშნავი სჯულ-დება, აქამომდე ხელ-ნაწერად დაცული. აღბუღას შემდეგ, რომელიც 1451 წელს გარდაიცვალა, მეფე გიორგი VIII-მ დააყენა იმისი ბიძა, ყვარყვარე II, თუმცა განსვენებულ ათაბეგს (აღბუღას) შვილები დარჩა. ყვარყვარემ მიიმხრო მესხები — სამცხის მახარის მკვიდრნი — და საიღუმლოდ წააქეზა ბაგრატ მე-II, იმერეთის მფლობელი, რომ უარი ეთქვა ქართლის მეფის დამოკიდებულებაზე, — რისთვისაც შემწეობა აღუთქვა. ბაგრატსაც ეს უნდოდა. გიორგიმ, ქართლის მეფემ, მოსთხოვა ყვარყვარეს დახმარება იმ გალაშქრებაში, რომელიც განიზრახა ბაგრატის წინააღმდეგ. ცბიერი მოკავშირე აუჩქარებლად გაემზადა საომრად და განიზრახა გარემოების მიხედვით მოქცეულიყო. გიორგი დამარცხდა 1463 წ., ხოლო ყვარყვარემ სამცხეში გაღიბირა მეფის მომხრენი და დაისაკუთრამათი ადგილ-მამული.

როცა გიორგი მეფემ დავრიშ-გილაქის შემოსევა თავიდან მოიცილა, მოვიდა სამცხეში. მაშინვე მისნი მომხრენი, ადგი-

¹⁾ ქართლის ცხ.-ში ბექა II-ს შემდეგ ათაბეგად აღნიშნულია ძე პისი, იოანე (1391—1444) და იმას შემდეგ ძე მისი აღბუღა (1444—1451).

ლობრიენი ერისთავნი, წინააღმდეგენ ყვარყვარეს, მაგრამ ამ უკანასკნელს შეუერთდნენ იმერთ მფლობელი ბაგრატ და გურიელი კახაბერი. მაშინ ყვარყვარემ თავისი მტრები ზოგი გასწყვიტა და ზოგი განაძევა. იმათ შორის იყო ზაზა, თანასკერტის მფლობელი, რომელიც შეიხიზნა ქარელში და შეიქმნა მამათ-მთავრად დიდებულის გვარის ციციშვილებისა. ძეფე გიორგიმ რომ დაატყო ყვარყვარეს გაძლიერება, მეორედ შევიდა ჯარით სამცხეში, მაგრამ ფარავნის ტბის ახლოს დამარცხდა და დატყვევებულ იქმნა 1465 წ. ამას შემდეგ ყვარყვარემ დაიფლო შთელი მხარე და სახელი საათაბაგოსი, ე. ი. ათაბეგის სამფლობელოც ყველასაგან ცნობილი შეიქმნა. ყვარყვარე 1466 წ. მოკვდა იანვარში.

შვილი და მემკვიდრე მისი ათაბეგი ბაადურ შიშობდა, როგორც ოსმალების გაძლიერებას, რომელნიც ხშირად აოხრებდნენ საქართველს, აგრეთვე მასაც, რომ ბაგრატს, იმერთის მფლობელს, როგორც კი დამკვიდრდებოდა ტახტზე, არ გამოეცხადებინა მისთვის ომი; მან განათავისუფლა მეფე გიორგი და აღუთქვა შემწეობა გალაშქრებაში დასამორჩილებლად კახელებისა, რომელნიც განუდგნენ ქართლის მეფეს. ბაადურმა ეს დაპირება კიდევ ასრულა. მაშინ მესხებმაც მიატოვეს ქართველები და ისევ ბაადურს მიემხრნენ.

ათაბეგმა არ ისურვა პირადად ხლება ქართლის მეფის კონსტანტინე III-ის წინაშე და გაუგზავნა სამეფო გვირგვინის კურთხევაზე ადგილობრივი ეპისკოპოზები, თანახმად იმათის თხოვნისა, ხოლო შემდეგში უკმაყოფილო შეიქმნა იმათის წასვლით და იწყა სამცხის სამღვდელოების დამცირება. ჯავახეთი, ამ ქვეყნის უმჯობესი ნაწილი, აქამომდე ქართლის მეფის ხელში დარჩა და ბაადურმა, რათა დაიმსახუროს მისი მეგობრობა, ზოგიერთ გალაშქრებაში შემწეობა აღმოუჩინა. გარდაიცვალა 1475 წელს.

ბაადურის მემკვიდრედ მისა ძმა მანუჩარ I-ლი შეიქმნა.

მანუჩარი სრულიად არ ემორჩილებოდა ქართლის მეფეს და არ შეეწია იმერეთს გალაშქრების დროს. როცა უზუნ-ჰასანი შემოვიდა სომხეთისა და საქართველოს დასაპყრობად, მან მიიმხრო მანუჩარი ამ განზრახვის ასასრულებლად.

საქართველო ცეცხლითა და მახვილით იქმნა აოხრებული, ხოლო მისნი მკვიდრნი ტყვეთ წაასხეს. შემდეგ მეფე კონსტანტინემ იმერლების და მეგრელების დახმარებით დაიპყრო 1481 წელს ჯავახეთი, რომელიც ხელ-ახლად მალე აუჯანყდა და გადუდგა; მაშინ ათაბეგი აღარ დასთანხმდა არავითარ შერიგებაზე.

1486 წ. იაყუბ-ყაენი, უზუნის შვილი, შემოესია ტაშირს და უბრძანა მეფე კონსტანტინეს სამცხის აკლება. ათაბეგმა შეკრიბა ჯარი და მტრის დასახვედრად მოემზადა. იაყუბი შევიდა სამცხეში, აიღო ციხე ახალ-ქალაქი, იერიშით მივიდა და დააქცია ახალციხე და მთელი მხარე ააოხრა. აწყური თუმცა თავის ნებით დაჰმორჩილდა, თათრებმა მაინც მოიტაცეს აწყურის ღვთის-მშობლის ხატი. ეს მოტაცება იმითი უნდა აეხსნათ, რომ იაყუბი მაშინ ძალიან გაჯავრებული იყო მით, რომ თავადმა ბარათაშვილებმა დიდად დააზიანეს იმისი ჯარი სომხეთში დამარცხებით.

შესახებ აწყურის განთქმულის ღვთის-მშობლის ხატისა აი რას მოგვითხრობს მემატეიანი: 1472 წელს უზუნ-ჰასანი დაეცა სამცხეს ყვარყვარეს ათაბეგობის დროს და მოიტაცა აწყურის ხატი, რომელიც შვიდის წლის განმავლობაში თათრების ხელში იყო. ამისთვის ღმერთმა დასაჯა ისინი ჭირით, მათი ქვეყანა უნაყოფო შეიქმნა და ქალებსაც შვილები აღარ ეძლეოდათ. ბოლოს თათრები მიხვდნენ, რა იყო მიზეზი ამისთანა საშინელის უბედურებისა და ხატი დაასვენეს გაუხედნავს კვიცზე: რომელმაც თითონ, კაცის გაუყოლებლად მოასვენა აწყურს. ამას შემდეგ აღარაფერი აბრკოლებდა მესხებს, რომელნიც, შემდეგ იმათის ქვეყნის დაპყრობისა, ქართლში გადასახლდნენ. მესხნი ათასობით დაბრუნდნენ შინ, თუმცა

მეფე კონსტანტინე არ უშვებდა. მეფე კიდევაც გამოედევნა ჯარით და 13 მარიაპოლისთვის 1483 წ. მოჰხდა ომი ყვარყვარე ათაბეგსა და ქართლის მეფეს შორის. ქართლები ძლიერ დამარცხდნენ არადეთს.

ჩვენის აზრით, ამ გარდმოცემაში მოხსენებული სახელი ყვარყვარე ათაბეგისა აფიქრებინებს კაცს, რომ აქ რალაც შეცდომა უნდა იყოს და ეს ლეგენდა შეთხზული თუა ავტორის მიერ, რომელსაც კარგად არ სცოდნია არც ისტორია და არც ქრონოლოგია.

იაკუბ-ყენის საშინელის შემოსევის დროს მანუჩარმა ვერ შეაჩერა აუარებელი მტრის რიცხვი, მხოლოდ შესწირა დიდძალი ფული წმ. ხატის გამოსასყიდლად. მეორე ნაამბობით, ღვთის მშობლის ხატი, გაძარცული ძვირფას სამკაულთაგან და დასაწვავად ცეცხლში ჩაგდებული, თითქმის სრულიად დაუზიანებლად გადარჩა და დაცულ იქმნა ვინმე ქრისტეანის მიერ, რომელიც მართლ-მადიდებელი არ ყოფილა და რომელსაც დაუბრუნებია იგი აწყურის ტაძრისათვის; ხოლო ნაცვლად იმ ეპისკოპოსისა, რომელმაც მტერს გარდასცა ქალაქი, დაუყენებიათ სიმეონ ტრაპიზონელი, რომელიც იყო ეპისკოპოზი ტბეთისა, შავშეთში მდებარისა. ცხადდება ბუნდოვანი განმეორება წინად მოყვანილ ლეგენდისა, რომელშიაც იგია ჩართული. მანუჩარი გარდაიცვალა 1487 წ.

ყვარყვარე მე-III, შვილი აღბულასი, 59 წლისა იყო, როცა ათაბეგობა მიიღო და მთელი მხარე დაიქირა.

1490 წელს მან უარი შეუთვალა კონსტანტინეს და არ შეეწია ოსმალებთან შებრძოლებაში. შემდეგ მტრის გაბრუნებისა ყვარყვარე დაუახლოვდა მეფეს. იმის ბატონობის დროს ერთი სამცხელი ვაჭარი შეურაცხჰყვეს შირვანის ერთის მეღუქნის თაოსნობით, რომლისგანაც ის აბრეშუმს ჰყიდულობდა. სამცხელი აქებდა და ადიდებდა თავის ბატონს, რომელიც უთუოდ მაგიერს გარდაგიხდის ამ შეურაცხყოფისათვისაო. ყურებით არ დამაბას შენმა ბატონმა ღუქნის დარაბაზეო.

გამწარებულმა ვაჭარმა შესჩივლა ათაბეგს, რომელმაც შეკპრიბა 500 რჩეული მხედარი, გარდავიდა დმანისის ხეობით შირვანს, ანაზდად გაჩნდა შაქში და მიაქედა ყურებით მეღუქნე იმის დუქნის დარაბას. გამობრუნების დროს ყარაიაზზე და მუხრანის მაზრაზე ათაბეგს დაუხვდა დიდებული ციცი ციციშვილი ქართლში შეკრებილ ჯარით. ათაბეგს მოსთხოვეს, რომ აღვიარებინა მეფის უზენაესი უფლება, ვითარცა ერთგულ ქვეშევრდომს. ათაბეგი იმართლებდა თავს მით, რომ გზაზე არც ერთ ქართველისათვის ვნება არ მიმიცია, ხოლო ჩემის მოქმედებით განვადიდე ქართველის სახელით. მიუგზავნეს რუისის ეპისკოპოსი, მაგრამ ვერც იმან გააწყო-რა; მაშინ მოჰხდა სასტიკი ომი არადეთის მთასთან, რომელსაც ამის შემდეგ დაერქვა „ცეცხლის ჯვარი“. ათაბეგმა და იმისმა მხლებლებმა საოცარი ვაჟკაცობა გამოიჩინეს; ქართლები დიდად დამარცხდნენ და მათი ეპისკოპოზიც დაატყვევეს.

ყვარყვარე მე-III-მე მშვიდობიანად ჰმართავდა თავის სამფლობელოს და შემდეგ შეურიგდა მეფეს. ყვარყვარე მოკვდა 1 იანვარს 1560 წ., როდესაც შეუსრულდა 72 წელიწადი.

შვილი და მემკვიდრე ყვარყვარესი, ქაიხოსრო I, განაგებდა ქვეყანას მხოლოდ ორს წელიწადს და სცდილობდა საჩუქრებით შეეჩერებინა არზრუმისა და ტრაპიზონის ოსმალნი, რომელნიც ჭანეთის მაზრას ხშირად შეესეოდნენ ხოლმე.

1502 წ. იმის მემკვიდრედ შეიქმნა შვილი მისი მზე-ჭაბუკ-დიდი, რომელიც შეურიგდა მეფე კონსტანტინეს. როცა მზე-ჭაბუკმა შეიტყო, რომ ოსმალებმა თითქმის წაართვეს გურიელს ჭანეთი, საჩუქრებით დაამშვიდა ისინი და დაიფლო, როგორც ჭანეთი, აგრეთვე აჭარის მაზრაც. 1572 წ. ოსმალები წავიდნენ ჯარით საქართველოს დასაპყრობად და საათაბაგოზე გადაიარეს. მზე-ჭაბუკმა ჩააყენა ციხეებში მცველები, თითონ კი ოსმალებს გზაზე შეეგება და დაითანხმა, რომ იმისი მხარე არ აეოხრებინათ. მან სურსათი მისცა და

გზირები გააყოლა იმერეთში. ამას შემდეგ ჰმართვიდა მხარეს მშვიდობიანად და ისე ბრძნულად, რომ ქვეშემრდომებმა უწოდეს სახელად მზე-ჭაბუკ-დიდი. მან მშვიდობიანობაში გაატარა თავისი ათაბეგობა; თვით ოსმალნიც კი ერიდებოდნენ. მოკვდა 1516 წელს.

შვილი და მემკვიდრე მისი, ყვარყვარე მე-IV, კიდევ უფრო მეტად დაუმეგობრდა ქართლის მეფეს დავითს, როცა 1520 წ. ოსმალებმა ქართლის დაპყრობა განიზრახეს და სამცხეზე გადმოიარეს, ათაბეგმა აიძულა მკვიდრნი ჩაკეტილიყვნენ ციხე-კოშკებში. რადგან მტერს გასაძარცვავად არა დახვდარა, შეესია თრიალეთს, სადაც მეფე დავითმა სრულიად დაამარცხა ისინი. დაბრუნების დროს ყვარყვარემ განფანტა გამოქცეულნი, რომელთაც თან სურსათიც მოჰქონდათ.

შემდეგ შეეწია დავითს ბრძოლაში სპარსელებთან; მათმა წინამძღოლმა შაჰ-ისმაილმა სამცხის დასარბევად გაჰზავნა ერთი ნაწილი თავის ჯარისა, რომელიც ტფილისს გარს ერტყა დეველის სარდლობით. ამას გარდა ყვარყვარე შეეწია ქართლის მეფეს გიორგის წმინდა აღვითებში გასალაშქრებლად; იქიდან ქართლელნი გამარჯვებულნი დაბრუნდნენ¹⁾. მაშინ იმერეთის მეფე ბაგრატე განრისხებული იყო მით, რომ ათაბეგმა მზე-ჭაბუკმა შემოიყვანა ოსმალები იმერეთში და ისარგებლა მით, რომ სამცხე აოხრებული იყო სპარსელების მიერ, შეუერთდა დადიანს და გურიელს და დაეცა სამცხეს ფერსათის მთიდან. ომში, რომელიც მურჯახეთში, ახალ-ქალაქს ახლოს, მოჰხდა, ათაბეგი დამარცხდა. ათაბეგი დაატყვევეს და იმერეთში წაიყვანეს, სადაც გარდაიცვალა.

შემდეგ ათაბეგად არავინ არ იყო აღვითარებული. ბაგრატმა დაიპყრა საათაბაგო და გურიელს, თანახმად დაპირებისა, მისცა აჭარა და ქანეთი; თითონ კი სამცხეს სცხოვრობდა. ამასობაში ოთარ შალიკაშვილმა მიიყვანა სტამბოლში ათაბეგობა.

¹⁾ ამ ლეგენდაზე იხ. შენიშვნა ქართლის ისტორიაში

ბეგის შვილი, ქაიხოსრო, მოახსენა ხონთქარს ყოველივე, რაც კი მოიქმედა ბაგრატი სამცხეში. შალიკაშვილი არწმუნებდა ხონთქარს, ბაგრატი იმიტომ მოეპყრა ასე სასტიკად სამცხეს, რომ ყვარყვარემ იმერეთში ოსმალები შეიყვანაო.

განრისხებულმა ხონთქარმა სულეიმანმა გამოჰგზავნა ქაიხოსრო სამცხეში დიდძალის ჯარით და არტილერით, რომელსაც მუსტაფა ფაშა სარდლობდა. როგორც კი ოსმალები მივიდნენ, ბაგრატი გურიელის დახმარებით შეებრძოლა და ამოსწყვიტა ისინი 1542 წელს ომში თვით მუსტაფა-ფაშაც მოჰკლეს. ხონთქარი ამის შემდეგ უფრო განრისხდა და გამოჰგზავნა ახალი ჯარი, რომელიც შეაგროვა არზრუმის და დიარბეკირის მაზრებში. მაშინ ბაგრატი შემწეობა მოსთხოვა ქართლის მეფეს ლუარსაზს და 1545 წელს იერიშით მივიდა ოსმალებზე ბასიანის მაზრაში, სოხოისტანს. ქართველები დამარცხდნენ ამ ბრძოლაში მესხების ჯიუტობით, რომელნიც მოწინავე რაზმში არ ჩააყენეს, როგორც ისინი თხოულობდნენ, თანახმად ზემო ქართველების ძველებურის უფლებისა; რადგან ამაზედ უარი უთხრეს, ომში მონაწილეობა აღარ მიუღღათ. ორნივე მეფენი დაბრუნდნენ შინ. ოსმალებმა დაიჭირეს ციხეები საათაბაგოში ოთარის შეგონებთ, რომელსაც ეშინოდა, რომ ბაგრატის სასარგებლოდ არ გადატრიალებულიყო საქმე.

ქაიხოსრო მეორე შეიქმნა ათაბეგად, ხოლო ოსმალი უკან გაბრუნდნენ და დაავადეს ქაიხოსროს, სპარსელები არ შემოეშვა. მან შეირთო ცოლად ვახტანგ მუხრან ბატონის ასული, „დედის იმედი“, რომელიც ამპარტავანი და უღვთო, ავისა და შეუთვისებელის ხასიათის ქალი იყო და დიდი ვნებაც მოუტანა თავის ქვეყანას.

რადგან ოსმალებმა, თანახმად იმათის ზნე-ჩვეულებისა, შეავიწროეს ქაიხოსრო, მან და ოთარმა წერილობით განუცხადეს სპარსთ მორჩილება და სთხოვეს თურქების განდევნა. ამის გამო შაჰ-თამაზი შემოვიდა სამცხეში. ხონთქარი სულ-

ლეიმანი შეიარაღდა. ქაიხოსრომ განიზრახა ორნივე მეგრ-
ძოლნი შეეკავებინა და არც ერთი არ შემოეშვა თავის სამ-
ფლობელოში; ამისთვის სთხოვა შაჰს, რომ მიეცა წერილი,
რომელშიაც შაჰი თავის უკმაყოფილებას და რისხვასაც
უცხადებდა ქაიხოსროს. ეს რომ მიიღო ქაიხოსრომ, მაშინ-
ვე გარდასცა ხონთქრის მთავრობას, რომელიც დარწმუნ-
და ამით ათაბეგის ერთგულებაზედ და შეაჩერა სამხედრო
მოქმედება. სპარსელებიც ასე მოიქცნენ და ამ სახით საათა-
ბეგო გადარჩა ომიანობის საშინელებას.

იმერეთის მეფე ბაგრატ I 1546 წ. დაეცა სამცხეს და
მოასწრო მხოლოდ აწყვერის ღვთის-მშობლის ხატის მოტა-
ცება და წამოსვენება ჯერ ციხის ჯვარში და შემდეგ იმე-
რეთში. ხოლო დადიანი ლევანი, რომელიც ბაგრატმა ცბი-
ერებით შეიპყრა და გელათის სამრეკლო კოშკში ჩასვა, ათა-
ბეგის განკარგულებით განთავისუფლებულ იქმნა ზოფილანდ-
რე ჩხეიძის მიერ; დადიანი გურიელის დახმარებით სამცხე-
დან სამეგრელოში გადაიყვანეს. შემდეგს წელს ათაბეგმა
მიიღო მონაწილეობა მეფე ლუარსაბის და კახთა ბატონის
გალაშქრებაში ადერბეიჯანს; როდესაც 1548 წ. შაჰ-თამაზი
გარს შემოადგა ტფილისს, განაცხადა სურვილი ათაბეგთან
დაახლოვებისა მოყვრობის კავშირით; რადგან ქაიხოსროს ქა-
ლი არ ჰყავდა, მან მიათხოვა შაჰს თავის ნათესავის ოთარის
ასული. მეფე ლუარსაბს ეს ეწყინა, მოიმხრო მესხთა რამდე-
ნიმე დიდებული, წაართვა ათაბეგს ჯავახეთი და ყველა ის
მიწები, რომელიც შტკვრის იქითა მარჯვნივ ნაპირზე მდებარე-
ობდა.

1550 წლიდან 1552 წლამდე ხონთქარმა თავის მხრით
გამოჰგზავნა ისკანდერი, არზრუმის ფაშა, რომელმაც დაიპყრო
ტაოს მაზრა, არდანიუჯი, არტაანი და ფარაფანის მიდამო. ქაი-
ხოსრომ შეატყობინა ეს შაჰ-თამაზს, რომელმაც განდევნა
შირვანიდან ქართველთ ჯარი და წაართვა ოსმალთს ყველა მათ-
მიერ დაპყრობილი ციხეები: ვარძია, თმოკვი, ვანისი, მღვიმე.

ასპინძა და ვარენთი, რომელნიც გადასცა კანონიერ მფლობელს, ათაბეგს, ხოლო იმის გამცემნი იჯაშერ მაზანი და ვახუშტი სიკვდილით დასაჯა. შაჰმა დააბრუნა აგრედვე აწყვერის ხატი, რომელიც ამ ლაშქრობის დროს ხელში ჩაიგდო.

იმის გაბრუნების შემდეგ 1553 წ. იმერეთის მეფე გიორგიმ ხელახლავ დაიპყრა აწყვერი; ხონთქარმა გაამაგრა ყარსის ციხე, თავისი ჯარი ბასიანამდე წამოსწია და მით აიძულა შაჰ-თამაზი არტაანში წასულიყო. 1556 წ. შაჰმა დაიპყრო სამცხე და სამცხელები, რომელნიც აუჯანყდნენ ათაბეგს; ჩამოართვა ქამულები და სიკვდილით დასაჯა ზოგიერთნი, მაგალ. ომანი და იჯა; ამას შემდეგ, როგორც ოსმალები, ისე სპარსელები, დაბრუნდნენ შინ.

მაგრამ შაჰ თამაზმა, შეშინებული ოსმალების გაძლიერებით, გაჰგზავნა ჯარით დასავლეთისაკენ თავისი შვილი ისმაილი, რომელიც იერიშით მივიდა ყარსზე და აიღო. შემდეგ დაიპყრა მთელი სამცხე და, სრულიად განთავისუფლებული მტრებისაგან, დაუბრუნა ათაბეგს. 1562 წ. ათაბეგის ცოლის ძმებმა, არჩილმა და აშოთანმა, აწყვერს თავი შეათარეს სპარსელებისგან, რომელთაც ქართლი გაძარცვეს და ტყვეთ წაიყვანეს მეფე ლუარსაბის დედა. იმერეთის მეფე გიორგი შეურიგდა ათაბეგს და დაუბრუნა აწყვერის ხატი.

1564 წ. ათაბეგის შვილმა, ყვარყვარემ, შეირთო მარეხი, დადიანის ასული.

თუმცა იმ უამად საათაბაგოს მდგომარეობა ბევრად გაუმჯობესდა, ოსმალებს მაინც ეჭირათ ტაო, შავშეთი და კლარჯეთი და ძალიან ავიწროებდნენ ხალხს. ქაიხოსრო დარწმუნებული იყო, რომ მარტო საკუთარის ძალ-ღონით ვერას გააწყობდა, ამიტომ მიჰმართა შაჰ-თამაზს ღ 1570 წ. სთხოვა მთარველობა. ყენმა დიდად მოწყალედ მიიღო და უარი არ უთხრა შემწეობის აღმოჩენისა, მაგრამ დაპირების ასრულება დაგვიანდა. ამასობაში ათაბეგი 1573 წ. ყაზბინს გარდაიკვალა. მას დარჩა სამი ვაჟი: — ყვარყვარე, მანუჩარი და ბექა —

და ერთი ქალი თამარი, რომელიც 1563 წ. ვახტანგ გურიელმა შეირთო, ხოლო როდესაც 1592 წ. ვახტანგი გარდაიცვალა, მისი ქვრივი მიათხოვეს მანუჩარ დადიანს.

ყვარყვარე V, შვილი განსვენებულ ათაბეგისა, შეიქმნა იმის მემკვიდრედ და განაგებდა ქვეყანას დედის და ვარაზის, ოთარ შალიკაშვილის ძმის, გავლენის ქვეშ. ეს შალიკაშვილი მოაკვლევინა მმართველმა დედის იმედმა ცრუ დაბეზღების გამო კახელის ოთარ ჩოლოყაშვილისა, როგორც ამას წინად მოვიხსენეთ. შაჰმა განიზრახა თავის ცოლის ძმის მოკვლისთვის მაგიერა გადაეხადა, მაგრამ ვრიდებოდა ოსმალთა, რომელნიც დაუთხანმა, ტფილისის მფლობელმა, მოიწვია შემწეობისათვის. შაჰი შეესია სამცხეს და საშინელის დარბევს შემდეგ გაბრუნდა და ამ სახით მომავალ დროსათვის ეს მხარე იმერეთით და ოდიშითურთ ხონთქარს მიანება. მაშინ ათაბეგი, აკლების დროს გარდასახლებული ოჯახითურთ, დაბრუნდა და ხელახლად დაეპატრონა თავის მამულს. ამასობაში კიკოლამ, ვარაზის შილმა, ხონთქართან დააბეზლა ათაბეგი, რომელიც გაიქცა და თავი შეაფარა მეტეხის ციხეში თავის 16 წლის ბიძაშვილით, ერეკლე მუხრან-ბატონით და იქიდან 1576 წ. სთხოვდა შაჰს შეწყნარებასა და შემწეობას.

მეამბოხეთა რაცხვი თანდათან მატულობდა, ორთავე დასთა შორის მუდამ დღე ბრძოლა იმართებოდა: ერთი იცავდა ერთ ციხეს, მეორე იერიშით იღებდა მეორეს; ერთი რომ ოსმალებს ემხრობოდა, სხვები ეწინააღმდეგებოდნენ და სპარსელებთან ჰქონდათ ურთიერთობა. მაგრამ შაჰ-თამაზის სიკვდილამდე 1576 წ. სპარსები არ გაერივნენ ამ არეულობაში, რადგანაც არ სურდათ დაერღვიათ შემოხსენებული ზავი, რომელიც მათ შეჰკრეს ოსმალებთან. ეს უკანასკნელი კი განუწყვეტლად ომობდნენ და სძარცვავდნენ ყველაფერს, რასაც კი მოასწრებდნენ. ბოლოს გამარჯვება ათაბეგს დარჩა, რომელმაც დაიპყრო ციხეები: ოდადის, ქვალნი, ფოსო, ქაჯის ციხე, თმოგვი, ყველი და აწყვერი. ეს რომ შეიტყეს

ოსმალებმა, ლალა-ფაშის წინამძღოლობით სამცხეს შეესივნენ დიდძალის ჯარით და შემდეგ ომისა სხვათა შორის აიღეს ქაჯის-ციხე. აგვისტოში 1578 წ. ლალა-ფაშას შეუერთდნენ ვანისა და არზრუმის ფაშები. როცა ეს ამბავი იუწყა ხუდაბენდემურ, შაჰ-თამაზის მემკვიდრემ, გამოჰგზავნა ჯარი, რომლის რიცხვი 15,000 აღემატებოდა, თოფა-ხანის, მაჰმედ-სულთანის, ყარა-ხანის და სხვათა წინამძღოლობით. ისინი დაბინავდნენ პალაკაციოს, ეხლანდელ ჩილდირის ტბასთან. პირველ შებრძოლებაზე სპარსელებმა გააქციეს თურქნი, მაგრამ მერე დამარცხდნენ; მაშინ ოსმალებმა ციხეები: ქაჯის-ციხე, არტანის, ხერთვისი, ახალ-ქალაქი დაიპყრეს, ხოლო მანუჩარმა და ყვარყვარემ დედით მორჩილება განუცხადეს; მანუჩარი ახლდა ფაშას სვიმონის წინააღმდეგ გალაშქრებაში. ლაშქრობის შემდეგ სვიმონი და მისი ძმა წაიყვანეს სტამბოლს 1579 წ. მურად ხონთქრის წინაშე წარსადგენად. ამასობაში მეორე იმისი ძმა, ანუ ათაბეგის ახლობელი ნათესავი თვალშვენიერი, რომელიც წინად ათაბეგს ქაიხოსროს სპარსეთში თან გაჰყვა, ყვარყვარეს განდგომილობის შემდეგ დააპატიმრეს სპარსეთში, საიდანაც სამშობლოში აღარ დაბრუნებულა. მანუჩარი გამაჰმადიანდა და მიიღო ოლთისა და აწყვერის სანჯახები, ხოლო ყვარყვარე ქრისტიანედ დარჩა და 1580 წ. ათაბეგად დაბრუნდა შემდეგ იმისა, როცა ჭილაობაში, რომელსაც თვით ხონთქარი დაესწრო, ფალავან თათარს მოგრია; რაც შეეხება ყვარყვარეს უნცროს ძმას, ბექას, ოსმალები ამას სრულიად პატივს არა სცემდნენ, თუმცა გამაჰმადიანდა საფარ-ფაშის სახელით.

ამ დროსვე მძვინვარებდა ჭირი ახალციხეს და) ათაბეგის ოჯახში ყველანი ავად დახდნენ, მაგრამ მარტო ერთად ერთი მათგანი, ბერი, რომელიც თავის მოქმედებით სრულიად უცნობი არ არის, იმსხვერპლა ამ საშინელმა სენმა. შემდეგ 1581 წ. ოსმალები შევიდნენ ქართლში. სინან-ფაშამ, რომელსაც მანუჩარი ახლდა, აიღო ლორე, ტფილისი, გორი,

ხლო ყვარყვარე ათაბეგი იმერეთში გაპგზავნა. როგორც-კი სინანის ჯარი დამარცხდა მუხრანში 1552 წ., მანუჩარმა შეირთო ელენე, ქართლის მეფის სვიმონის ასული. ამას შემდეგ ყვარყვარე მალე გარდაიცვალა.

იმის ძმის და მემკვიდრის, მანუჩარ I-ს (II?),—იგივე მუსტაფა ფაშას—მოკვლა დააპირეს ოსმალებმა, ალბად იმიტომ, რომ გულ-წრფელად არ იცავდა მაჰმადიანობის წესრიგს. ოსმალოს ჯარი მუჰამედ-ფაშის წინამძღოლობით გაგზავნილ იქმნა სურსათის მისატანად ტფილისის დამცველთათვის. ეს ჯარი დმანისის გზას დაადგა და მერე აპირებდა ალტალღანასა და გორზე გადასვლას. მანუჩარი შეუერთდა მათ ახალქალაქთან და საჩუქრად ძვირფასი ხმალი მიიღო იმ სამსახურისთვის, რომელიც აღმოუჩინა ჯარს. მუჰამედის ამაღლა რომ მივიდა გორის ველად, გარშემორტყმულ იქმნა ქართველთა დიდძალის ჯარით. ოსმალები ველარ შეებრძოლნენ და აქეთ-იქით გაიქცნენ. გაჯავრებულმა მუჰამედ-ფაშამ უბრძანა მანუჩარი მოეკლათ. მანუჩარი ეცა მუჰამედ-ფაშას თვით კრების წინაშე, დასჭრა მუჰამედი, რომელსაც თავი გაუპო, თვითონ კი თავისის მხლებლებით გავარდა ბანაკიდგან. შემდეგ ყოველივე აუწყა ხონთქრის მთავრობას. შემდეგ ამისა მან დაუტევა მაჰმადიანობა და 1584 წ. ჯვარი დაიწერა მეფის ასულზე. სინან-ფაშა ამ დამარცხების შემდეგ გამოსცვალეს და მის ადგილას ფერხად-ფაშა დაჰნიშნეს. მანუჩარის ოსმალებიდგან განდგომის შედეგი ის იყო, რომ ბატონიშვილი თვალ-შვენიერი გაანთავისუფლეს. ის იყო ათაბეგის ქაიხოსრო II შვილი და, შემდეგ მამის სიკვდილისა, სპარსეთში იმყოფებოდა.

როცა ლალა-ფაშამ აიძულა ყვარყვარე ათაბეგი შეერთებოდა ოსმალებს, შაჰმა ჩაადო თვალ-შვენიერი ორმოში, საიდანაც ამოიყვანეს მხოლოდ 1582 წელს. შაჰ-აბაზი რომ გამეფდა, თან წაიყვანა ხვარასანს, სადაც გასაოცარი ვაჟკაცობა გამოიჩინა 1587 წ. ამის გამო შაჰ-აბაზმა დიდად დაა-

ჯილდოვა. შემდეგ ისტორია აღარ იხსენიებს ამ ბატონი-შვილს.

შაჰ-აბაზმა მიიღო თავის მფარველობის ქვეშ მანუჩარი და იმისი დედა დედის-იმედი. იმავე 1587 წ. ოსმალებმა გადააკეთეს ახალციხისა და გორის ციხეები, თუმცა მეფე სვიმონი, რაც შეეძლო, ებრძოდა ამ დროს. მანუჩარს გარს ერტყნენ მოღალატენი, ამიტომ ახალ-დაბისკენ დაიწია, ხოლო დედა მისი და ქაიხოსრო, ყვარყვარეს შვილი, საკანაფე ციხეში სცხოვრობდნენ. ელია დიასამიძემ, რომელიც საავალი-შვილო მაზრაში დემოთის ციხის მეციხოვნეთა უმფროსი იყო, მითთვისა ყოველი საგანძური, რომელიც იქა და საფარის მონასტერში დაცული იყო; ამით მტკიცდება ამ ქვეყნის უბედური მდგომარეობა.

მანუჩარმა ცოტახანს შეისვენა ახალ-დაბას და შემდეგ მოახერხა თავის მტრების შეჩერება და, მეფე სვიმონის დახმარებით, რომელმაც მაშინ დაამარცხა ოსმალები ხატის სოფელში, სამცხის მხარე დაიპყრო. ოსმალების ხელში მარტო ახალციხე დარჩა. ამ მდგომარეობაში მანუჩარმა განიზრახა დაზავება ოსმალებთან და ამ სურვილის მისაღწევად გაჰგზავნა სტამბოლს აწყვერის მიტროპოლიტი და ზოგიერთი დიდებულნი ამანათებად. ამასთანავე მისი დედა და ძმისწული ქაიხოსრო წარდგნენ ახალციხის ფაშის წინ და მორჩილება განუცხადეს. თითქმის ამავე დროს ხაიდარ-მირზა გაგზავნილ იყო შაჰის მიერ ხვანთქართან ზავის ჩამოსაგდებად. ხვანთქარმა შეიწყნარა მანუჩარის თხოვნა, აღვიარა ათაბეგად და ნება დაჰბრუნა, ქრისტიანედ დარჩენილიყო. შემდეგ მშვიდობიანობა აღარ დარღვეულა საათაბეგოში. მანუჩარმა მხოლოდ 1604 წ., როდესაც ერთობ შეაფიწროეს ოსმალებმა, გაჰგზავნა თავისი შვილი მანუჩარი შაჰ-აბაზთან და შეიყვანა სპარსელთა მეციხოვნენი ხერთვისისა და რამდენსამე სხვა ციხეში. ოსმალოს წინაშე თავს იმართლებდა მით, რომ მინ-

დოდა დამეთარა ჩემი საფლობელო მძვინვარე შტრის დარბევისაგანო.

სპარსეთის ისტორიკოსი ისკანდერ-მუნჯი გვარწმუნებს, რომ მანუჩარმა შაჰს მიჰმართა თავის ცოლის შეგონებით, რომელიც ძალიან უკმაყოფილო იყო ოსმალების ბატონობით და იმ მცირე სარჩოთი, რომელიც მიჩენილი ჰქონდა; ამ მიზეზით სთხოვა აგრედვე შემწეობა ოსმალების წინააღმდეგ შაჰ-უსუფ-ფაშას, რომელიც ზემოხსენებულის ბეგის შვილი უნდა ყოფილიყო. სპარსელებმა, ემირ ხუნა-ხანის წინამძღოლობით, დაიჭირეს არტაანი და ახალციხე და დაატყვევეს შაჰ-უსუფ-ფაშა, მაგრამ მანუჩარმა მაინც დიდხანს ვერ მოისვენა. შემდეგს წელს ფურხად-ფაშა და ყირიმის ჯელალ-ფაშა, ქართლში გზად მიმავალნი, შევიდნენ სამცხეს; მანუჩარს იმდენი ჯარი არა ჰყავდა, რომ შეჰბმოდა იმისთანა მძლავრ მტერს და შეიხიზნა თავის ბიძაშვილის, მეფის ლუარსაბის, სამეფოში. ეს თათრის ჯარი საშინლად დამარცხდა 1610 წელს, როცა ომში დიდმა მოურავმა საოცარი ვაჟკაცობა გამოიჩინა. ამ დამარცხების შემდეგ ოსმალების უფლება საათაბაგოში თანდათან შესუსტდა.

1609 წელს მამია გურიელმა დაიპყრა აჭარა; ათაბეგმა წინააღმდეგოვა ვერ გაუწია, რადგან ხალხმა ჯეროვანი შემწეობა არ უღმომოუჩინა. მაგიერის გარდახდას მანუჩარი სხვა უფრო მარჯვე დროს ჰფიქრობდა, მაგრამ 1614 წელს მოკვდა.

ხვანთქრის ბრძანებით სამცხელებმა ერევნიდამ მიიწვიეს და ათაბეგათ აღვიარეს მანუჩარ III, შვილი განსვენებულის ათაბეგისა. მანუჩარმა საცხოვრებლად მიუჩინა მეფე თეიმურაზს ოლთისი. შემდეგ კახეთის მეორედ აკლემისა შაჰ-აბაზის მიერ. მანუჩარის ათაბეგობის დროს ერის სულის ძლიერება საათაბეგოში თანდათან დასუსტდა, მაჰმადიანობამ იწყო გავრცელება და კანონიერის ათაბეგის უფლებას ხშირად არ აქცევდნენ ყურადღებას არც ოსმალები და არც

შკვიდრნი. მანუჩარი შაინც არ გადასდგომია ქრისტიანობას და ამისთვის ცნობილ იქმნა დამნაშავედ არზრუმის ფაშის მიერ, რომელმაც 1624 წ. სამცხეში ჯარი გამოჰგზავნა მის დასასჯელად. ათაბეგი ახალდაბას გაიქცა და იქიდან, დიდის მოურავის თხოვნით, მონაწილეობა მიიღო მარაბდის ომში სპარსელების წინააღმდეგ. ქართველების დამარცხების შემდეგ მან უკანვე ახალდაბაში დაიხია. თან ჰყავდა 300 მხედარი. შემდეგ შეურიგდა ოსმალებს სტამბოლში. მარაბდის ომის შემდეგ დიდმა მოურავმა გაჰგზავნა თავისი ოჯახი სამცხეში და თვითონაც იქ შეიხიზნა. სპარსელები დაედევნენ, დაიჭირეს ხერთვისი, ახალციხე და რამდენიმე ციხე სამცხისა. ახალციხეში იჯდა მუსტაფა-ფაშა, რომელმაც ერთის წლის წინად დაიჭირა სპარსელ სარდლის სელიმ-ხანის წასვლის შემდეგ; ეს სელიმი შეშინდა, როდესაც ოსმალოს ჯარმა გამოილაშქრა არზრუმიდან ჩრდილოეთისაკენ. აქ ოსმალები რამდენსამე ხანს იცავდნენ თავს, შემდეგ კი ციხე, რომელიც ცუდ მდგომარეობაში იყო, უნდა დაჰმორჩილდებოდა. ამასთანავე მოურავი შეებრძოლა სპარსელებს, დაამარცხა ასპინძის ახლოს, აიძულა უკან დახეულიყვნენ და გადასცა ხვანთქარს ყველა ადგილები, მის მიერ დაპყრობილი. მანუჩარი სტამბოლიდან დაბრუნდა, ხელ-ახლად აღვიარებული ათაბეგად,¹⁾ ქრისტეს სარწმუნოება გამოუცვლელი, და ეწვია თავის ბიძას ბექას. ამ ბოროტმა კაცმა, რომელიც ყველას სძულდა და ყველას მიერ პატივ-ახლილი იყო, განიზრახა საშინელი საქციელი: მან მოსწამლა თავისი ნათესავი და ბატონი 1625 წ.

ბექა III, ყვარყვარეს შვილი, აღვიარებულ იქმნა ათაბეგად საფარ-ფაშის სახელით. თანხმად ოსმალთ წეს-რიგისა, მან დაწესა შემდეგი ხარჯი: ფულად შვიდ აბაზ ნახევარი

1) ბექას ანუ საფარ-ფაშის შემდეგ საათაბაგოს მმართველები ახალციხის ფაშებათ იწოდებოდნენ და არა ათაბეგებად.

კომლზე, ორი შაური—ცხვარზე, აბაზი — ხარზე, ექვსი შაური — ცხენსა და კამეჩზე. ფაშის სასარგებლოდ ამ ფულად გარდასახადს გარდა დაწესებული იყო აგრედვე ორ აბაზ ნახევარი. დააწესა აგრედვე მეშვიდედი მიწის ყოველ გვარის შემოსავლისა. მაშინ ქრისტეს სჯული საათაბაგოში თანდათან ისპობოდა, სამღვდლოება ჰქრებოდა, ეკლესიები და მონასტრები დაეცნენ და ოსმალებმა ჯამეებთ გადააკეთეს, არამც თუ მარტო სამცხეში, არამედ ტაოსა, შავშეთსა და კლარჯეთში, რომელნიც ოსმალებმა დაიპყრეს. საფარ-ფაშის ჯარი შეუერთდა მოურავისას, რომელიც ხვანთქრის სამსახურში შევიდა.

როცა 1635 წ. საფარ-ფაშა მოკვდა, მისი შვილი უსუფი, ვითარცა მემკვიდრე, ხვანთქრის ბრძანებით, აღვიარებულ იქნა ახალციხის ფაშათ. მან ნება მისცა სამცხეზე გავლისა ქართლის მეფეს, როსტომ ხანს, რომელიც მიდიოდა იმერეთში დასაქორწინებლად მარიამ დედოფალზე, ლევან დადიანის დაზე.

უსუფის მართვა შესანიშნავი იყო მხოლოდ მით, რომ მუსულმანთა ზნე-ჩვეულება და წეს-რიგი თანდათან გავრცელდა საათაბაგოში და ქრისტეანობა-კი დასუსტდა; სპარსეთის ისტორიკოსის მოთხრობით, უსუფი გაუმასპინძლდა ნოდარ ციციშვილს, რომელიც ხოვლეს დამარცხების შემდეგ იქ გაიქცა. უსუფი 1647 წ. მოკვდა.

უსუფის შვილი როსტომი 12 წელს ჰმართავდა საათაბაგოს; სტამბოლს წავიდა ფაშობის ხარისხის მისაღებად და იქიდგან დაბრუნდა „ფრიად მაჰმადიანი“ და აიძულებდა თვით დიდებულთა ცოლებსაც მიელოთ მაჰმადის სჯული. რადგან მისი ცოლი არ დაეთანხმა და გაქცევა დააპირა, როსტომმა შეიპყრა და ისე შეავიწროვა, რომ ცოლმა კლდეზე გადავარდნა და თავის დახრჩობა განიზრახა; ბოლოს საბრალო დასთანხმდა იმ პირობით, თუ ყველა წარჩინებულთ ცოლები იმაზე უწინ გამაჰმადიანდებოდნენ. ეს უკანასკნელნი დაემორ-

ჩილნენ ფაშის ბრძანებას და როსტომის ცოლმა უნებურად დაასრულა თავისი დაპირება.

მაშინ ეკლესიები წინანდელზე უფრო აოხრებულნი შეიქმნენ, ჯვრები და წმ. ხატები გაჰქრნენ, სამღვდელოება საშინლად დამცირდა და უვიცი ხალხი შთავარდა სრულს სიბნელეში. მაშინ შემოიღეს თათრულია წოდებანი: ფაშა, ბეგი, ალი-ბეგი, სანჯაყი და ალა. ათაბეგი ფაშის სასეღ-წოდებით ჰმართავდა ახალციხეს და ოლთისს; მეორე ფაშა იჯდა კოლას, მდ. შტკვრის სათავეში, ბეგები განაგებდნენ შავშეთს და აქარას, ალი ბეგები და ალები სხვა უფრო მცირე მაზრებს. ქრისტეანე ერი იძულებული შეიქმნა ომში გასულიყო თავის თანამორწმუნეთა წინააღმდეგ. როსტომი ორჯელ შეეწია ჯარით ლიპარიტ დადიანს, რომელიც ლევანის სიკვდილის შემდეგ სამცხეში შეიხიზნა; შეეწია აგრედვე ქაიხოსრო გურიელს 1569 წ. და ვურიის მთავრობა დაუბრუნა; მაშინ ახალციხის ფაშას ოსმალოს მთავრობის მინდობილებით ზედამხედველობა ჰქონდა იმერეთზე, აგრედვე მთლად შავის ზღვის ნაპირებზე, სადაც კი ქართველი ტომი ესახლა. როსტომი უმთავრესი გამგე იყო ყველა იმ ქვეყნებისა და მხოლოდ სამძიმო საქმეებში რჩევას ეკითხებოდა არზრუმის ფაშას. როსტომი 1659 წ. გარდაიცვალა.

ასლან პირველი შეიქმნა თავის მამის, როსტომის, მეგვიდრედ და აღვიარებულ იქმნა სტამბოლში ფაშად. ბოლოს იქიდან დაბრუნდა ახალციხეს და წავიდა იმერეთს, სადაც მიიწვიეს. ასლანმა დაუბრუნა ტახტი დაბრმავებულს ბაგრატს, თითონ კი დიდის ნადავლით მალე მოვიდა ახალციხეს. ასლანმა თან წამოიყვანა ტყვეთ ვახტანგ ჭუჭუნაშვილი ცოლით დარეჯანით, რომელნიც ოლთისის ციხეში ჩასვა. მას შემდეგ არ გაუვლია დიდხანს, რომ შაჰ-ნავაზ, ქართლის მეფე, გაჯავრებული მით, რომ ვამეყ დადიანმა მიათხოვა თავისი ქალი სხვას¹⁾ და არა იმის უფროს შვილს, არჩილს, რომელსაც

¹⁾ ბეჟან ლოლობერიძეს.

წინად აღუთქვა, შეესია იმერეთს და იქიდან 1663 წ. სამეგრელოს და ვამიყის მოკვლის შემდეგ სვანებს მიერ, არჩილი იმერეთის ტახტზე დასვა. ეს ამბავი ასლანმა მოახსენა ხვანთქარს და 1663 წ. მეორედ შევიდა იმერეთში, ხელახლად ტახტზე აიყვანა ბაგრატი, ხოლო დარეჯანი და იმისი ქმარი განათავისუფლა ფულით. რადგან ფული ხელში არა ჰქონდათ, ასლანმა დაიტოვა ამანათათ ქეთევანი, თეიმურაზ მეორეს შვილიშვილი.

1669 წ. ასლანი დასთანხმდა 80 ქისა აეღო ახალგაზდა ბატონის ასულის²⁾ გამოსასყიდლად და გაამეფა ბაგრატი, რომლის შვილი აღექვანდრე მძევლად ჰყავდა ასლანს, ნიშნად იმისა, რომ მამა მისი აასრულებდა თავის დაპირებას. შემდეგ აღმოჩნდა იმერეთის ტახტის მძიებლად ქართლის ბატონიშვილი ლუარსაბი, ფაშამ მიიღო მისგან ძღვენი, მაგრამ მასხარად აიგდო და 1674 წ. შინ გაისტუმრა. შემდეგ წელს არჩილმა დასტოვა კახეთი და მივიდა იმერეთს ტახტის მძიებლად; არჩილი მეგობრულად მიიღო ასლანმა, რომელიც დიდად პატივს სცემდა იმის ცოლს ქეთევანს, მაგრამ გურიელი შეიქმნა მისი მეტოქე და ისიც ეძიებდა იმერეთის ტახტს. ფაშამ ვერ იკისრა ამ საქმის გადაწყვეტა და მოახსენა ხვანთქარს, რომელმაც ბრძანა არჩილის დაპატიმრება. ეს ბრძანება შეასრულა ასლანმა და რამდენსამე ხანს დაატუსაღა არჩილი, შემდეგ კი გაანთავისუფლა. არჩილმა მალე განდევნა, როგორც გურიელი, აგრედვე ბაგრატი, რომელიც ასლანთან გაიქცნენ. დაქრთამულმა ასლანმა მოახსენა ეს ამბავი ხვანთქარს, რომლის ბრძანებით არზრუმის ფაშა წამოვიდა იმერეთს. როცა არჩილის წერილით არზრუმის ფაშა დარწმუნდა, რომ არჩილის გამეფება და შემდეგ ამისა საქმეების არე-დარევა მოჰხდა სამცხის ფაშის თანხმობით და მონაწილეობით, — რადგან დაქრთამული იყო, — 1679 წ. უბრძანა თავი მოეკვეტათ ასლან-ფაშისათვის.

²⁾ ქეთევანი გამოისყიდა შაჰ-ნავაზმა.

უსუფე II, ასლანის შვილი, წავიდა სტამბოლს ფაშობის საძიებლად, რაიცა ერთობ ძვირად დაუჯდა. უსუფი დაბრუნდა ახალციხეს 1680 წ. მაშინ სტამბოლში ვინც მეტს ქრთამს გაიღებდა, ის ადვილად მიიღებდა ამა თუ იმ სამკვიდრო მამულს. ამ სახით, ერთმა მღვდელმა, ფირიალის შვილმა, ფულთით იყიდა ჯავახეთის ფაშალიყის მფლობელობა, რომელიც XVIII საუკუნის ნახევრამდის კიდევ ეკუთვნოდა იმის ოჯახს. ამ სახით, მაჰმადიანობა, რასაკვირველია, თანდათან გავრცელდა ხალხში, ხოლო ქრისტიანობამ თანდათან იკლო და ბოლოს კიდევ მოისპო და მეჩითმა აჯობა ეკკლესიას.

უსუფე-ფაშის დროს ალექსანდრე, ბაგრატიის შვილი, იქმნა გამეფებული იმერეთს შემდეგ იმისა, როცა ქართლის მეფემ გიორგიმ გარდასცა ის ფაშას. ამავე უსუფმა 1685 წ. მოჰკვეთა თავი ქაიხოსრო გურიელს და თვითონაც გარდაიცვალა 1690 წ.

დიდალის ფულის დახარჯვით უსუფის ძმამ სალიმმა მიიღო მისი მემკვიდრეობა და ქვეყნის მართვაში იმას მიჰბაძა. გაუმასპინძლდა ქართლის მეფეს გიორგის და შეეწია, რომ მისი ძმა არჩილი გამეფებულიყო იმერეთს. შემდეგ ხვანთქარის ბრძანებით შეიპყრა მეფე გიორგი სოფ. ოშორს და ტყვედ წაიყვანა ახალციხეს, მაგრამ ენგიჩარებმა გაათავისუფლეს 1691 წ. ამას შემდეგ მან იმერეთში მეფედ დასვა ალექსანდრე, რომელიც ქართლიდან მეფე ერეკლეს შემწეობით გადმოვიდა. არჩილი გაიქცა და ალექსანდრეს დარჩა მეფობა; ცოტახანს უკან ალექსანდრე ისევ უარ-ჰყვეს და არჩილი გაამეფეს. ხვანთქარი უკმაყოფილო დარჩა ამნაირის ხშირის ცვლილებით და ბრძანა არჩილის გაძევება და იმის მაგივრად სვიმონის, ალექსანდრეს შვილის, გამეფება 1698 წ. უსუფი 1701 წ. გარდაიცვალა. იმისმა შვილმა და მემკვიდრემ ისაყ-ფაშამ განიზრახა დაესვა იმერეთის ტახტზე გიორგი, ზემოხსენებულის სვიმონის ძმა; ამით უნდოდა მოესპო გიორგი აბაშიძის გავლენა, რომელიც თანდათან ძლი-

ერდებოდა იმერეთში. ახალციხის ფაშებს უფრო მოსწონდათ ეს განუწყვეტელი ლაშქრობა და არევ-დარევა, ვიდრე მშვიდობიანი მდგომარეობა იმერეთისა, იმიტომ რომ ლაშქრობის დროს ისინი თავის ნებაზე განაგებდნენ ყველაფერს, საჩუქრებს შოულობდნენ, დავლას იღებდნენ და ქრისტიანების ტყვეთა ყიდვით მდიდრდებოდნენ. ხვანთქარმა გამოჰგზავნა არზრუმის ფაშა დიდძალის ჯარით იმერეთში და დაავალა მტკიცედ დამკვიდრება იქ წეს-რიგისა. იმავე დროს ისაყ-ფაშა შეესია იმერეთს კაკას ხიდის გზით.

ახმედმა, რომელიც იმ დროს ავიდა ხვანთქარის ტახტზე, უკან დააბრუნა არზრუმის ფაშა სერასკირი და ისაყ-ფაშა, რომელთაც იმერეთის მეფედ გიორგი, ალექსანდრეს შვილი, დასვეს 1703 წ. ახალციხეს მოსვლის უმალ ისაყმა მოსჭრა თავი კოლის ფაშას, რადგან არ ემორჩილებოდა. ხვანთქარმა ბრძანა თითონ ისაყის სიკვდილით დასჯა, მაგრამ ისაყ-ფაშა გაიქცა და რამდენსამე წელს სტამბოლს იმალებოდა.

1705 წ. ასლან II, სალიმის შვილი, შეიქმნა ისაყის მემკვიდრედ. იმის მმართველობის დროს საათაბეგოში მკვიდრთა შორის ძლიერ შემცირდა ქრისტიანეთარიცხვი, თუმცა ქართლიდან და სამცხედან ბევრი დაესახლა ჯაფახეთში; ავრედვე ბევრი ტყვეთ წამოყვანილი იმერლები დაესახლნენ იქ და მშვიდობიანად სცხოვრობდნენ; ისინი იხდიდნენ მხოლოდ თითოეულ კომლზე დაწესებულს ხარჯს. ისაყმა ისარგებლა დიდის ვეზირის გამოცვლით, გამოცხადდა მთავრობის წინაშე, ხელახლავ მიიღო ფაშობა და დაბრუნდა ახალციხეში. სალიმის შვილი ასლანი წავიდა სტამბოლს 1708 წ. ისაყმა აამაღლა თვისნი მომხრენი, ხოლო სალიმის მეგობრები დაამდაბლა და მამულები ჩამოართვა. მის დახმარებით 1712 წ. მეფე გიორგიმ დაიფლო იმერეთი, მაგრამ ცოტა ხანს უკან გაძევებულ იქმნა იქიდვან; 1713 წ. ხელახლავ დაბრუნდა იქ. ასლან-ფაშამ წაართვა ფაშობა ისაყს და ორის წლის განმავლობაში ძრიელ შეავიწროვა მისი მომხრეები. ბოლოს ისაყმა აჯობა ასლანს, რომელსაც

მისცეს მეორე ფაშალიყი. 1719 წ. ისაყმა ხელახლავ გაჰგზავნა თავისი სარდალი იმერეთში მეფე გიორგის ტახტზე ასაყენად, რომლის სიკვდილს შემდეგ, მან გამოსთხოვა ქართლის მეფეს ალექსანდრე, გიორგის შვილი, დასვა იმერეთის ტახტზე 1721 წ. და მზრუნველად დაუყენა ლევან დადიანი.

ორის წლის შემდეგ ისაყა გაჰყვა ქართლს სერასკირს, არზრუმის ფაშას; მათ დააპყრეს ტფილისი, მთელი ქართლო სამხრეთიდან ჩრდილოეთამდე, აგრედვე კახეთიც, ხოლო საათაბეგოს მართვა ისაყმა მიანდო თავის მოადგილეს. მაშინ საათაბეგო და ჯავახეთი აღყვავებულ მდგომარეობაში იყო. მხოლოდ ჯარის ხშირად მისვლა-მოსვლა აწუხებდა. ახლო ხანებში ლეკებმა დაიწყეს ყველა ამ ქვეყნებში თარეშობა და დაუსჯელად მუსრს ავლებდნენ ხალხს. წინააღმდეგობას ვერავინ უწევდა. ოსმალების განჯიდგან განდევნის შემდეგ თამაზ ყული-ხანის მიერ, ქართველებმა მიატოვეს ისაყი და დაეცნენ სამცხეს და ჯავახეთს, მაგრამ ისაყს მოადგილემ დაამარცხა და უკუ აქცია ისინი. თითონ ისაყი, რომელიც ქართლის დაპყრობის დროს სამაჟულიანი ფაშა იყო, ახლა ორთულიანი შეიქმნა და 1737 წ. თავის ნებით ადგილი დაუთმო თავის შვილს უსუფს, რომელმაც დიდი სასყიდელი გაიღო სტამბოლში ფაშობის შესაძენად.

უსუფ მე-VII ჰმართავდა საათაბაგოს მამის სიცოცხლეში, რომელიც ახლა მოსვენებით სცხოვრობდა. ერთხელ აქარლები პატივით არ მოეპყრნენ უსუფის მოხელეს; ფაშა შევიდა ჯარით აქარაში და ააოხრა აჯანყებული მახრა. ზოგიერთნი აქარელნი წავიდნენ სტამბოლს და უჩივლეს უსუფს, რომელიც იძულებული შეიქმნა თითონ გამოცხადებულიყო სტამბოლს თავის გასამართლებლად და ძლივს ქრთამითა და ძღვნით გადიცილა თავიდან სასჯელი.

1741 წ. მან გაჰგზავნა ჯარით იმერეთში თავისი სიძე, ჯავახეთის ფაშა, ფარიალაშვილი, დასასჯელად მეფე ალექსან-

დრესი, რომელიც აღარ ემორჩილებოდა. ალექსანდრე გადა-
აყენეს და იმისი ძმისწული გიორგი გაამეფეს.

უსუფმა პირველად აღმოუჩინა მფარველობა შანშე ერი-
სთავს, რომელიც შაჰ-ნადირს აუჯანყდა, შემდეგში კი შეე-
შინდა ირანის მბრძანებელის მუქარისა, შეჰკრა შანშე და გა-
დასცა სპარსელებს. შემდეგ ამისა უსუფმა იმერეთის ტახტზე
ხელ-ახლავ ალექსანდრე დასვა. 1742 წ. სამცხის სამხრეთ
ნაწილს დაეცა სპარსეთის ჯარი და ააოხრა. ამ ჯარმა ძლი-
ერ დაამარცხა აგრედვე ყარსის სერასკირი. ბოლოს 1744 წ.
ხვანთქარმა გარდასცა უსუფს დიდძალი ფული ლეკებისათვის
დასარიგებლად, რომელნიც შაჰ-ნადირს არ ემორჩილებოდ-
ნენ. როდესაც ის ჯარით კახეთს მიდიოდა, ქართლზე და-
ქსნის ხეობაზე გადაიარა და ისე დამარცხდა ცხინვალსა და
მარტყოფში, რომ უსუფი ძლივს სიკვდილს გადარჩა და ცო-
ტა ხანს უკან ჯავრით მოკვდა. მაშა მისი, მოხუცი ისაყ, ისევ
საათაბეგოს მმართველი შეიქმნა.

ამას შემდეგ საათაბეგოს ისტორია უერთდება საქარ-
თველოს საზოგადო ისტორიას და ძლიერ ძნელდება იმის გა-
მორკვევა, ვისი შთამომავალნი არიან საათაბეგოს უკანას-
კნელნი მმართველნი, რომელნიც ხვანთქარის ბრძანებით ინი-
შნებიან და იცვლებიან.

ი ს ტ ო რ ი ა

ეგრისისა, აფხაზეთისა ანუ იმერეთისა შემდეგ საქართველოს განუყოფისა: ისტორიული მიმოხილვა სამეგრელოსი და გურიისა.

ჩვენ განვიზრახეთ მოკლე ისტორიული აღწერა იმ ქვეყნისა, რომელიც მდებარეობს შავის ზღვის პირად: ჩრდილოეთით—გაგრიდგან დაწყებული ლაზისტანის სამხრეთ საზღვრამდე, დასავლეთით—შავი ზღვიდგან აღმოსავლეთისაკენ ლიხის მთამდე. ეს ქვეყანა შემდეგ იყოფა ძველ სამცხისა და ქართლისაგან იმ მთებით, რომელიც აძლევს მიმართულებას, როგორც მდ. ჩტკურის, აგრედვე ჭოროხის მიმდინარეობას. ამ სივრცეზე სტხოვრობდა ერი, რომელსაც ერთი ენა ჰქონდა, თუშცა მისის ქართულის კილო, მეტადრე განაპირად, ცოტა არ იყოს, შეცვლილი იყო და მცირედ არ განსხვავდებოდა ქართულისაგან. ამ ქვეყნების მკვიდრნი, თუ პირდაპირ არ ეკუთვნიან ივერიის ერის მოდგმას, მისი მახლობელნი ნათესავნი მაინც არიან.

ყველა ეს მკვიდრნი ძველს დროში ურთიერთ შორის პოლიტიკურად შეკავშირებულნი იყვნენ და მათი სვებედი მუდამ ერთი და იგივე იყო. მაშასადამე, ისტორიკოსი¹⁾ საფუძვლიანად აერთებს სამს სახელი-წოდებას: ეგრისს, აფხაზეთს და იმერეთს, რომელიც წარმოგვიდგენს სამს შესანიშნავს ამ მხარეში მომხდარს ცვლილებას. თავდაპირველად, ეგროსი—ზებირ გადმოცემით—ძმა ქართლოსისა—დაესახლა მდინარის

¹⁾ ვახუშტი.

შირად, რომელსაც დაერქვა მისი სახელი ეგრისი, ეხლანდელი ენგური. ეგროსისაგან წარმოსდგა სრულიად კანონიერად წარმოებული სახელ-წოდება მეგრელია. ამ მხარეს სომხის ძველი მწერლები უწოდებენ ეგერ, ეგერაცტან და იქ მყოფთ ეგერაცად. ეგროსის შთამომავლობა გავრცელდა ზემოხსენებულს საზღვრებს შუა და ცნობილი იყო ბერძნების მიერ კოლხთა სახელით, რომელნიც ვითომც ეგვიპტის ტომისანი უნდა ყოფილიყვნენ. ძნელად დასაჯერებელია თქმულება, ვითომც სეზოსტრის დაეპყროს კოლხიდა და ამ მხარეში დაეფუძნებინოს ეგვიპტას ახალშენი.

კოლხიდამ ბერძენთა შორის სახელი განითქვა ჯერ ისევ 1200 წლამდე ქრ. შ. წ. ეს მოჰხდა არგონავტების ლაშქრობის დროს. არგონავტები მოვიდნენ საძებრად რაღაც ოქროს მატყლოვანის ვერძისა, ანუ იმ საუნჯისა, რომელიც წამოედო ვითომ ვილაც ფრიკსს, თესსალიის მთავარს. ეს მხარე სახელ-განთქმული შეიქმნა აგრედვე გულთმისანის მედეას მეფობით. სახელწოდება: კოლხოს, კოლხიდა მოგონილია ბერძნების მიერ და გავრცელებული იყო მთელს ევროპაში ბერძნების მწერლებისაგან. ჯერ კიდევ ვერ აუღსნიათ რიგიანად, თუ საიდან წარმოსდგა ეს ლექსი.

გადმოსახლებულმა ბერძენებმა გაჰმარათეს ახალშენები შავის ზღვის როგორც ჩრდილოეთის ნაპირად, აგრედვე აღმოსავლეთისა და სამხრეთისად იმ დროს, როდესაც სპარსეთის მეფეებმა, ქიანის დინასტიის შთამომავლებმა, დაიპყრეს ივერია. იმ ადგილებს, რომელიც ბერძენებმა დაიჭირეს ენგურის დასავლეთისკენ, სახელდობრ: ირაკლია, დიოსკურია, სევასტოპოლი ანუ ანაკლია, ისკურჩე და სოხუმი და სხვ., არხონტები განაგებდნენ. ალექსანდრე დიდის გარდაცვალების შემდეგ, კოლხიდა, ენგურის გაღმა-გამოღმა მდებარე, ე. ი. სამეგრელო, იმერეთი, გურია და ლაზისტანი ივერიის სამეფოს ეკუთვნოდა, ხოლო შემდეგ — პონტოს სახელმწიფოს, რომელ-

საც ეჭირა თავის სამხედროებით სამხრეთის პირი შავის ზღვისა და ჩრდილოეთის ნაწილი მცირე აზიისა.

მე-III საუკუნეში, ქრ. შობ. შ., ისტორიაში პირველად იხსენიება სახელი ლაზებისა, როდესაც იმპერატორმა დიოკლიტიანემ დაიფარა ისინი ჩრდილოეთ ერთა შემოსევისაგან, რომელთაც თანდათან დაიპყრეს პონტოს სამეფო. ლაზების სახელს დროგამოშვებით იხსენიებენ აქა-იქ მე-IV საუკუნემდე, როდესაც პონტოს სამეფო სრულებით მოისპოვებთანგ გორგასლანის შემდეგ ერთი ნაწილი ამ ქვეყნისა და იპყრეს მისმა უმცროსმა შვილებმა, რომელთ შთამომავალნი ბიზანტიის მეფეების უზენაესს მფლობელობის ქვეშ იყვნენ. ჯერ არ არის გამოკვლეული, რა მიზეზით დაერქვათ ლაზები ეგრისის მკვიდრთაცა, იმ ქვეყნის მკვიდრთ, სადაც შესდგასამეფო, რომელიც მდებარეობდა მდ. რიონისა და ქოროხის მიდამოთა შორის, აპშევების, ანუ აპსევეების და მისილიანების ქვეყანამდე, რომლის მცხოვრებნი შავის ზღვის ჩრდილოეთის ნაპირად იყვნენ დაბინადრებულნი. უნდა შევნიშნოთ, რომ ბერძნები გარკვევით ვერ სწერენ ლაზიკის ამბებს; გეოგრაფიულ აღწერაში ხშირად შეცდომებიც შეჰპარვიათ; თვით ქართველები სრულიად არ ჰხმარობენ ლაზიკის სახელწოდებას. მე-VI საუკუნეში ლაზიკის დაპყრობისათვის ცილობა ასტყუა ბერძენთა და სპარსთა შორის და ამ ცილობაში ბევრი სისხლი დაიღვარა. ბერძნებმა მოიწადინეს დაპყრობა ლაზიკისა და ივერიისა, ვიოარცა ქვეყნებისა, რომელთაც მათგან მიიღეს ქრისტიანობა. ბერძნები დიღხანს იბრძოდნენ ამ ქვეყანაში და უნდა სცოდნოდათ აქაურ ადგილების მდებარეობა. მაგრამ ისინი გვარწმუნებენ, რომ ლაზიკა მდებარეობდა ფაზისის ორსავე ნაპირადაო, იმ ფაზისისა, რომელიც მომდინარეობდა სამხრეთით, სახელდობრ სომხეთიდგანაო. რიონს ფაზისად უწოდებენ და დასძენენ, რომ რიონი გამომდინარეობს იმ ხეობიდან, რომელიც ჰყოფს ლაზიკასა და ივერიას. მაშასადამე, ბერძნებს არ სცოდნიათ, რომ რიონი

გამოდის კავკასიის მთებიდან, რომ რიონს ერთვის ყვირილა, ხოლო ყვირილას — ძირულა და ამ უკანასკნელს ჩხერიმელა, რომელიც გამოდის ლიხის მთიდან, და ეს მთა აქ სამხრეთით საზღვრავს იმერეთს. 161 წელს ლაზების მეფე გუბაძე I ძალა-უნებურად უნდა მიჰნდობოდა ბიზანტიის იმპერატორს. მან მიიღო ლეონ I-საგან ინვესტიტურა ანუ ნიშნები სამეფო ღირსებისა. შემდეგ გუბაძე მიემხრო სპარსელებს და იძულებული შეიქმნა გარდაეცა გვირგვინი თავის შვილისათვის.

522 წ. ლაზების მეფემ ცატემ მიიღო ქრისტეანობა და ინვესტიტურა კონსტანტინოპოლში იმპერატორის იუსტინ I-საგან. ამით სპარსელები უკმაყოფილო შეიქმნენ, გაჰგზავნეს 523 წ. ჯარი ეხლანდელ ბორჯომის ხეობით და დაიპყრეს შორაპნისა და სკანდის ციხე.

ცატეს მემკვიდრეთ შეიქმნა შვილი მისი გუბაძე II. ამ მეფემ 528 წ. წაართვა სპარსელებს ლაზიკის ყველა ადგილები, რომელიც მათ ეჭირათ 523 წ. და შეჰკრა მათთან ზავი.

ამასობაში ივერიის მფლობელნი: გურგენ, ზამანარსი და მრავალი სხვა დიდებულნი მიიქცნენ კონსტანტინეპოლს, რითაც დიდად აწყყენეს სპარსთა მეფეს და იქ შეათარეს თავი სპარსელების დევნისაგან, რომელნიც სკდლობდნენ ივერიასა და ლაზიკაში გაევრცელებინათ ცეცხლის თაყვანის მცემლობა.

541 წ. ლაზები აუჯანყდნენ ბერძნებს, რომელთაც ააშენეს ჩრდილოეთ გურიაში ციხე პეტრა, — ამ ციხის მდებარეობა ჯერ კიდევ არ არის გამოკვლეული, — მოუწოდეს სპარსელებს და იმათის შემწეობით მოინდომეს განთავისუფლება ბიზანტიის მხედართმთავრებისაგან, რომელნიც მეტად ავიწროვებდნენ. სასანიდის მეფე ხოსრო ანუ შირვანს ესიამოვნა ეს თხოვნა და გამოჰგზავნა სარდალი ანიაბედი, რომელიც ტაოს მხრიდან შემოვიდა ლაზიკაში და აიღო პეტრა. შემდეგ მებრძოლთ დასდევს პირობა, რომ ოთხის წლის განმ-

ფლობაში აღარ ეომათ; ამ ვადის გასვლამდე გამოგზავნილ იქმნა ლაზიკაში სპარსეთის სარდალი მერმეროი, რომელსაც ჰქონდა მინდობილი მოეკლა მეფე გუბაძე და სპარსელები-სათვის დაემორჩილებინა ეს ქვეყანა. გუბაძე მალე მიუხვდა ამ განზრახვას, უბრძანა დაეწვათ სპარსელთა მიერ ფლოტი-სათვის მომზადებული მასალა და სთხოვა შემწეობა იმპერატორს იუსტინეს, რომელმაც გამოჰგზავნა დაგისტე ჯარით, მაგრამ მან ვერ წაართვა პეტრა სპარსელებს; ლაზებმა მაინც შემუსრეს 14,000 ჯარი მერმეროისა და სულ ამოსწყვიტეს ზოგი ტაშის კარის ხეობაში, ზოგი მდინ. ფაზისის ფონში. ამ სახით, სპარსელნი იძულებულნი შეიქნენ მიეტოვებინათ ლაზიკა 549 წელს.

მერმეროის მოადგილე ხორიანი შემდეგს წელს თავს დაესხა ჩრდილოეთ ლაზიკას, მაგრამ საშინლად დამარცხდა მუხარხის ანუ ვაკის მინდორზე; თითონ ხორიანი ომის ველზედ მოჰკლეს. 551 წ. პეტრაც დაუცალეს ბერძნებს, შემდეგ სასტიკის ომისა. ბოლოს სპარსეთის სარდალმა ნაბედმა დაიჭირა ლაზიკა აფხაზეთის სამზღვრამდე და მერმეროი, რომელიც ამაოდ მოვიდა პეტრას მისაშველებლად, გავიდა რიონს გაღმა და მიაშურა ლაზების დედა ქალაქს არხეოპოლისს, რომელიც ეხლანდელი ნაქალაქევი უნდა იყოს, მდ. აბაშას და ტეხურს შუა. შორაპნის, როდოპოლისის, ანუ ვარდ-ციხის და სკანდის ციხეები თვით ლაზებმა დააქციეს იმ განზრახვით, რომ სპარსელებმა თავი ვერსად შეათარონო.

რიონსა და ტეხურს შორის ბერძნებს გამაგრებული ჰქონდათ ბანაკი, რომელიც უმთავრესი საფუძველი იყო იმათის სამხედრო მოქმედებისათვის და რომელსაც ისინი უწოდებდნენ ინსულს, ეხლანდელი ასულეთი ანუ ისულა ე. ი. კუნძული. მერმეროიმ სრულიად ყურადღება არ მიაქცია იმ გარემოებას, რომ ორსავე სახელმწიფოს ჰქონდა დადებული პირობა არ ეომათ ხუთის წლის განმავლობაში, დაიზამთრა ქუთაისს, მახლობლად ბერძნების ბანაკისა, აიღო რამდენიმე

სიმაგრე, როგორც, მაგალითად, უხიმერიონი, ქუთაისიდგან ჩრდილოეთად მდებარე, ტელეფა და პატარციხე მდ. ქვევრელის პირად. მაგრამ ვერ აიღო ვერც წიფელის ციხე აფხაზეთში და ვერც არხეოპოლისი; მერმე მიჰმართა უნაგერის ციხეს. მისგანვე აშენებულს, მახლობლად ამ ქალაქისა და დაეცა ბერძნების ბანაკს. ამ ლაშქრობაში გახდა ავად და გარდაიცვალა მცხეთას 552 წელს. ლაზთა ერს სძულდა ბერძნები, რადგანაც კუდად ეპყრობოდნენ. მაგრამ მეფე გუბადეს მაინც არ სურდა დაახლოვებოდა სპარსელებს და აცნობა ყოველად იმპერატორს იუსტინიანეს. მან გამოჰგზავნა ლაზიკაში სარდლები: გარეგინ, ბესსა, იუსტინ და სხვანი. ამ სარდლებმა მოუწოდეს გუბადეს, ვითომც სათათბიროდ იმის შესახებ, თუ როგორ ავიღოთ უნაგერაო, — და მოჰკლეს. შემდეგ ამისა ბერძნების ჯარი ძრიელ დამარცხდა სპარსთა სარდლის ნახარაგანის მიერ, რომელიც მოვიდა ციხის მოსაშეფლებლად. ამასთან ერთად იბრძოდნენ ციხიდგან გამოსული სპარსელებიც. ბერძნები იძულებულნი შეიქმნენ უკან დაეხიათ თავიანთ გამაგრებულ ბანაკში. ლაზები დიდს გაჭირებაში ჩაყარდნენ და არ იცოდნენ, ვის მინდობოდნენ, სპარსელებსა თუ ბერძნებს. დიდებულის პარტაძის რჩევით, გარდასწყვიტეს მივინდოთ ბერძნებსაო. იმპერატორმა იუსტინიანემ აღვიარა ლაზთა მეფედ გუბადის ძმა ცატე, და ბრძანება გასცა დაეტუსალებინათ ის სარდლები, რომელთაც მოაკვლევინეს გუბადე.

552 წლის დამდეგს მისსიმიანები, რომელნიც სცხოვრობდნენ აპსილსა და სვანეთს შუა, ჩამოეცალნენ ბერძნებს და მიემხრნენ სპარსელებს. წინამძღოლი სპარსელებისა, ნახარაგანი, ამაოდ მივიდა იერიშით ბერძნებისაგან გამაგრებულ ინსულზედ და შემდეგ ფაზის ციხეზედ, რომელიც მდებარეობდა პალეოლტომის ტბის პირად მდ. ნადართის დასავლეთს; მან დაიხია უკანვე ივერიაში, რადგან იმედი დაჰკარგა გამარჯვებისა. მაშინ ხოსრო მეფემ, გულდაწყვეტილმა ამდენის სისხლის ამაოდ დაღვრით და ფულის დახარჯვით, ასე და

შორებულ ქვეყანაში, მით უმეტეს რომ სპარსელები განდევნილ იყვნენ როდოპოლისიდან და ჩრდილოეთ ლაზიკის მხრიდან, — მოურიგდა იმპერატორს იუსტინიანეს 556 წ., ჯერ შვიდის წლის ვადით, ხოლო შემდეგ ეს ზავი ორმოც და ათის წლის ვადით შეჰკრეს. ამ მორიგებით სვანეთიც განთავისუფლდა, რომელზედაც სპარსებს ხელი აღებინეს. 590 წ. სპარსეთის სარდალმა ბეხრამ ჩუბინმა გაილაშქრა სვანეთზე და დაბრუნდა იქილამ გამარჯვებული, თუმცა დაწვრილებული ამბავი ამ გალაშქრებისა არა ვიცით რა. შემდეგ ამისა სპარსელები აღარ გამოჩენილან ლაზიკის მიდამოთა შორის და კმაყოფილდებოდნენ მარტო უზენაესის მფლობელობით ივერიაში. რაც შეეხება ერისთავთ გვაროვნობის გაძლიერებას, უნდა შევნიშნოთ რომ ისინი არიან გადმოსახლებულნი ყაბარდოდგან ქსნისადა არაგვის ხეობაში, იმპერატორის იუსტინიანეს ნებადართვით, — როგორც ზვირ-გარდმოცემით ვიცით — მაშინ, როდესაც ლაზიკაში წარმატებით იბრძოდნენ ბერძნები.

შემდეგ ლაზიკის დაპყრობისა, ბერძნებმა დასვეს იქ თავისი მმართველები, რომელთაგან პირველი იყო საქურისი ეფფროზი, საყვარელი კაცი იმპერატორისა. იუსტინიანემ მოსპო აქ ორ-მეფობა, რომელიც ძველის დროიდგან იყო დამყარებული, მიაღებინა ქრისტეანობა ხალხს, რომელიც მანამდე ხეს სცემდა თაყვანსა, აღაშენა აფხაზეთის უკიდურეს სამზღვარზედ დიდებული ბიჭვინთის ტაძარი, რომელიც დღემდის არსებობს. ზემოხსენებულნი ცნობანი ლაზიკის შესახებ ჩვენ ბიზანტიელების ნაწერებიდან ამოვკრიფეთ. მეორეს მხრით საქართველოს მემატიანე მოგვითხრობს მხოლოდ იმას, რომ მე-IV საუკუნის ნახევარში ვახტანგ გორგასლანმა წაართვა ბერძნებს აფხაზეთი და ჯიქეთი და შემდეგ დაუბრუნა ეს მხარენი იმპერატორს ლევანს, ნაცვლად ტაოსა და კლარჯეთისაო. მან მიიღო აგრედვე ადგილნი, მდებარენი კელასურსა და ენგურს შუა, მზითვად მეუღლისა თვისისა, რომელიც იყო საბერძნეთის მეფის ასული. ეს ადგილები დარჩა მას

აქეთ საქართველოს ხორსროიანთა დინასტიის მეფეთა მფლობელობაში იმპერატორის ირაკლის დრომდის, რომელმაც ისევ ჩამოართვა ამ მეფეებს და დასვა აფხაზეთში თავისი მმართველი. ჩვენამდის დაცულია სია მმართველებისა, რომელნიც ამ დრომდე და შემდეგ მე-VIII საუკუნის გასვლამდის რიგრიგად იყვნენ დანიშნულნი, მაგრამ ჩვენ გვგონია, რომ ეს სია ვერ არის სწორედ შედგენილი და ამიტომ ვერ ვბედავთ მკითხველს წარვუდგინოთ.

მურვან-ყრუმ დაიქირა სამეგრელო და იმერეთი 732 წ. ახლო ხანებში. მეფე მირმა და არჩილმა თავი შეაფარეს აფხაზეთში. მეფე არჩილმა აქ მასპინძლობისა და სამსახურისათვის დააჯილდოვა აფხაზეთის მმართველი ანუ ერისთავი ლევან I მით, რომ აღვიარა დამოუკიდებელ მეფედ, და მიათხოვა თავისი ძმისწული.

ახლა მოვიხსენოთ რამდენისამე სიტყვით აფხაზეთის პირვანდელ მთავართა ბიოგრაფია, რომელიც უფრო დაწვრილებით მოთხრობილი გვქონდა საქართველოს ძველს ისტორიაში.

ლევან I-ის მემკვიდრემა და ძმისწულმა ლევან II-მ გაპყო აფხაზეთი რვა საერისთაოთ: 1) აფხაზეთისა და ჯრქეთისა, 2) ცხომისა და ალანისა, 3) ბედიისა, 4) გურიისა, 5) რაჭისა და ლეჩხუმისა, 6) სვანეთისა, 7) შორაპნისა და არგვეთისა და 8) ქუთაისისა. გარდა პირველის სატახტო ქალაქის ანაკოფიისა, მან დააარსა კიდევ მეორე — ქუთაისი და, საფიქრებელია, მანვე დააარსა აფხაზეთის კათალიკოზობა ბერძნების თანხმობით იგი გარდაიცვალა 806 წ., ხოლო იმეფა ოცი წელი.

ლევანის შვილმა, თევდოსე I-მა შეირთო ქართლის მეფის აშოტ კუროპალატის ქალი. შემდეგ ეომა თავის სიძეს ბაგრატ I და, რა დამარცხდა თურქის ბუღასაგან კვერცხაბში, დაბრუნდა შინ დვალეთით და გარდაიცვალა 845 წ. გიორგი I-მა, თევდოსეს ძმამ, დაიპყრო ივერია, დასვა ჩიხის

ურისთავად ძმისწული თვისი თინენი და გარდაიცვალა 877 წ.

იოანე მამის (გიორგის) მემკვიდრეთ შეიქმნა. მისმა დედამ მისთვის გვირგვინის მოსაპოვებლად მოჰკლა თინენი და განდევნა ზღვის გადაღმა უნცროსი ძმა მისი ბაგრათი. ბაგრათი გადურჩა ზღვის დელვასა და ქარიზხალს და მივიდა კონსტანტინეპოლს. იოანე გარდაიცვალა 879 წ.

შვილი მისი ადარნასე, რომელსაც ჰყავდა ქართლის მეფის გურამ კუროპალატის ასული, შემდგომად რვა წლის მეფობისა, მოკლულ იქმნა ბაგრატისაგან, რომელიც დაბრუნდა კონსტანტინეპოლიდან 887 წ.

ბაგრატ I-მა შეირთო ქვრივი ადარნასესი. შემწეობას აღწევდა თავის ცოლის ძმას ნასრეს, როდესაც ეომებოდა ადარნასეს, ქართლის მეფეს, მაგრამ დამარცხდა. ის გარდაიცვალა 906 წ.

მემკვიდრედ დარჩა შვილი მისი კონსტანტინე, რომელიც ქართლებს მიემხრო და ეომებოდა სომხის მეფეს სუმბათს და კიდევ დაამარცხა. მიეშველა აგრედვე კვირიკეს, კახეთის ქორიკოზს, რომელიც ეომებოდა მუსულმანს აბულკასიმს და პატრიკ ადარნასეს; როცა დაამყარა იგი მფლობელად, კონსტანტინე დაბრუნდა აფხაზეთში და გარდაიცვალა 921 წ.

ბაგრატის სიკვდილს შემდეგ სრულიად აფხაზეთის მფლობელად დარჩა გიორგი II, შვილი კონსტანტინესი, რომელიც წელიწად ნახევარს ეომებოდა თავის ძმას ბაგრატს. იგი იყო ღვთის მოყვარე და ააშენა მრავალი ეკლესია. გიორგიმ მიათხოვა თავისი ქალი გურანდუხტ ქართლის ბატონის შვილს გურგენს, დაიჭირა ქართლი, შემდგომ ადარნასე კუროპალატის გარდაცვალებისა, და დასვა იქ თავის მოადგილედ შვილი თვისი კონსტანტინე. კონსტანტინე გადუდგა მამას და აღარ ემორჩილებოდა; მაშინ გიორგიმ გადააყენა მოადგილეობიდან და დაასაჭურისა. შემდგომ ამისა მოწოდებულ

იქმნა კახეთის კარიკოზის კვირიკეს მიერ და მან დაიფლო კახეთიცა. გარდაიცვალა 955 წ.

ლევან III-მ შეიქმნა მემკვიდრედ მამისა გიორგისა, მიათხოვა თავისი ქალი დავითს, ქარიკოზის კვირიკეს შვილს და, იმის გარდაცვალების შემდეგ, გაილაშქრა კვირიკეზე. ამ ლაშქრობაში ავად გახდა და გარდაიცვალა. მან იმეთა მხოლოდ ოთხი წელიწადი, თუ ვერწმუნებით ისტორიკოსს, მაგრამ უნდა ვიგულისხმოთ, რომ იმეთა 964 წლამდის მაინც, ამიტომ რომ კუმურდოს ტაძრის აშენება დაწყებული იქმნა მეფე ლევანის დროს, სახელდობრ 164 პასექის წელს (994 წ. ქ. შ.), როგორც აზბობს ტაძრის წარწერა, რომელიც აქამდე დაცულია. აქ უნდა შევნიშნო, რომ აფხაზეთის გეფეების ქრონოლოგიაში იპოვება შეცდომანი, რომელთა შესწორებაც ეხლა ძრიელ ძნელია მასალების უქონლობის გამო; მაგალითად, განა შესაძლებელია ვირწმუნოთ, რომ მეფე გიორგი II-მ, რომელმაც იმეთა 34 წელი და გარდაიცვალა 955 წ., როცა იქნებოდა ასე 55 წ., მიათხოვა თავისი ქალი გურანდუხტი გურგენს, ბაგრატ სულელის შვილს, რომელმაც დაიწყო მეფობა 958 წ. და გარდაიცვალა 994 წ.—გურგენი შეიქმნა ბაგრატის მემკვიდრედ და თვითონ გარდაიცვალა 1008 წ. არ ვიცი, როდის გარდაიცვალა დედოფალი გურანდუხტი, მაგრამ ვიცი, 979 წ. ბაგრატ, შვილი მისი, ძალიან ყმაწვილი იყო, მაშასადამე გიორგი II-ს ქალს არ შეეძლო გათხოვება იმ დროს, რომელსაც ისტორია გვისახელებს. ჩვენ შევნიშნავთ აგრედვე, რომ აფხაზეთის სამეფო შეიცავდა მე X და XI საუკუნის დამდეგს, არა მარტო ჩრდილოეთ მხარეს შავი ზღვის პირისას, სადაც აგებულნი იყვნენ საოცარნი ნაშთნი ქრისტიანობის ხუროთ-მოძღვრებისა—მდიდარნი საეპისკოპოზო ტაძარნი ბედიისა, მოქვისა და დრანდისა, არამედ მთელს სამეგრელოს, სადაც მარტვილის ეკლესია აშენებულია ბაგრატ III-გან 976 წ.; შეიცავდა აგრედვე იმერეთს, სადაც მეფეებს სატახტო ქალაქი ჰქონდათ.

სადაც ააშენეს სავანის ეკლესია 981 წ., ქუთაისის დიდებულ-
ლი ტაძარი 1003 წ., ნიკორწმინდის მონასტერი რაჭაში, კაცხი-
სა — არგვეთში და სხვანი. აფხაზეთი შეიცავდა კიდევ ჩრდილო
ქართლს, სადაც აშენებულა წვიმოეთის ეკლესია 1002 წ.
და მრავალნი სხვანი; დასასრულ, აფხაზეთის სამეფოს საზღვა-
რთა შორის იყო სამცხეს მხარე, როგორც სჩანს კუმურდოს
დიდებულ ეკლესიის ნაშთისაგან, აგრედვე წყაროსთავისა,
ზედა-თმოგვისა და სხვა ეკლესიების წარწერათაგან; მაშასადამე,
უფლება გვაქვს ვსთქვათ, რომ მაშინდელი აფხაზეთი დუღდა
და გადმოდიოდა მცხოვრებლებით, სახელ განთქმული იყო
ქრისტიანობით, სიმდიდრით და განათლებით.

შემდეგ ლევანისა მეფედ დაჯდა ძმა მისი დიმიტრი. აფ-
ხაზნი ამაოდ სცდილობდნენ მის გადაგდებას და მიენდვნენ
იმის ძმას თევდოსეს, რომელიც დაიბარეს კონსტანტინე-
პოლიდან.

შემდეგ დიმიტრის სიკვდილისა 979 წ. გამეფდა მისი ძმა
თევდოსე, ძმის მიერ ღალატით დაბრმავებული. ეს მეფე
არ უყვარდა ერს, რომელმაც სასაცილოდ დაარქვა „ჩალა-
შეფე“. 985 წ. დასვეს მის მაგიერ ბაგრატე, გურგენის და
გურანდუხტის შვილი. სავანის ეკლესიის კარებზე დღესაც
არის წარწერა, გამოქანდაკებული 981 წ., რომელიც ამტკი-
ცებს, რომ ბაგრატე კუროპალატი მაშინაც ცნობილი ყო-
ფილა აფხაზეთის მფლობელად, თუმცა მეფის სახელი ერქვა
მის ძმას. ეს ბაგრატე III ერმა ამოირჩია პირველ მეფედ აფ-
ხაზეთ-ქართლისა და იმის სკიპტრას ქვეშ იყო შეერთებული
მთელი საქართველო და ხანდისხან ნაწილი ჩრდილო სომხე-
თისა და სპარსეთისა, სანამ 1259 წ. მოჰხდებოდა სამეფოს
დანაწილება.

ქართლის ისტორიიდან სჩანს, რომ რუსუდანის შვილი
დავით I, ნარინი, იმერეთის მეფე, განუდგა მონგოლებს 1259
წელს და გამეფდა ქუთაისში. ლიხის მთებით, — რომელიც
ჩრდილოეთით სამხრეთისკენ მიიმართება ქართლის მინდვრის

საზღვარზე, — განიყოფებოდა ნარინისა და დავით, გიორგი-
ლაშას შვილის, სამეფოები. იმ მხარეს, რომელიც მდებარეობდა
ლიხის მთის იქით ტფილისისაკენ, უწოდებდნენ
ამეკს, ხოლო იმ მხარეს, რომელიც მდებარეობდა ლიხის მთე-
ბიდგან დასავლეთისკენ — იმეკს. აქედგან წარმოსდგა სახელ-
წოდება იმერეთი, სადაც მეფობდა დავით ნარინი და მისი
შთამომავლობა. აქედან დაწყებული განვლო 72 წელმა, რო-
დესაც გიორგი ბრწყინვალემ ხელ-ახლავ დაიმორჩილა იმე-
რეთი. დავითი გარდაიცვალა 1297 წ.

დავითის შემდეგ მისი შვილი კონსტანტინე გამეფდა.
მას არ დაემორჩილა ძმა მისი მიქელი და დაიპყრო რაჭისა-
და ლეჩხუმის მხარე. ამის შემხედვებმა დადიანმა გიორგი I-მა
დაიპყრო ცხომის საერისთაო ანაკოფიამდე და მთელი ოდი-
შის მაზრა; შარვაშიძემ დაიფლო აფხაზეთი, გურია ემორჩი-
ლებოდა ვილაც ერისთავს და სვანეთიც გადაუდგა იმერეთს.

საქართველოს მატრიანედანა სჩანს, რომ დადიანის თანამდე-
ბობა იხსენება ივერიაში მე-XI საუკუნის დამდეგიდან. სიტყვა
დადიანი სწარმოებს სპარსულ სიტყვიდან დად და სომხურიდან
დათავო — მსაჯული. მატრიანე იხსენიებს ზოგიერთს დადიანს,
სანამ დადიანობა მემკვიდრეობით არ გადადიოდა ერთ გვარ-
ში, თამარ მეფის დროს, როდესაც ერთი ვინმე ვარდანი მო-
ხსენებულია თავის შვილებით, შვილის-შვილებით და შთამო-
ვებით ძველს ხატზე ხოპის მონასტერში. ვარდან იყო მსახურთ-
უხუცესი მეფისა; მისი შვილის-შვილი ბედიანი იყო მანდა-
ტურთ-უხუცესი, ე. ი. მეფის ადიუტანტების უფროსი და
დაესახლა ცხომში რუსუდანის მეფობის დროს. ამ ჟამსვე ერ-
თი ვინმე, სახელად კოტნე, რომლისაც გვარი არ არის ცნო-
ბილით, დადიანობდა. შემოხსენებულმა გიორგი I-მა, ვგონებ,
ბედიანის შვილმა, დამკვიდრა თავისთვის სამეგრელო და
მთელი შავი-ზღვის პირი, თუმცა რაოდენადმე იმერეთის მეფის
ფეოდალურ დამოკიდებულებაში იყო, რადგან მეფე უფრო
ძლიერი იყო იმაზედ, და ეკუთვნოდა მეფის შთამომავლობას.

შარვაშიძე, ე. ი. შვილი შირვან შაჰისა, ქართულად შარვაშა, იყო შთამომავალი ბენიშედადის ოჯახისა, რომელიც ჰფლობდა ოდესმე შირვანს და რომლის უმცროსი შტოცა კი ანში ბატონობდა. ერთი ანელი მთავართაგანი, რომელიც ერგო ტყვედ მეფე დავით აღმაშენებელს, 1122 წ. წამოყვანილი იყო აფხაზეთში და იქიდან აღარ დაბრუნებულა თავის მამის მამულში.

მესამე სამთავროს შთამომავლობა, გურიელებისა, მოხსენებულია ისტორიაში რუსუდანის მეფობის დროს, თუმცა იმ გურიელის სახელი კი არ არის მოყვანილი. შემდეგ მემატრიანე მოგვითხრობს, რომ 1330 წ. სვანები აჯანყდნენ წინააღმდეგ მეფე გიორგი ბრწყინვალისა და გადასწვეს ქუთაისიო. მეფემ გამოჰგზავნა იმათ წინააღმდეგ დადიანი და გურიელი და გადააყენა სვანეთის ერისთავი ვარდანძე, რომელიც დაჰნიშნა გურიის ერისთავად; სვანეთის ერისთავად დაინიშნა ერთი ვინმე გელოვანი. ამ ვარდანძეებიდგან, რომელნიც შეიქმნენ შთამომავლობით მფლობელნი გურიისა, წარმოსდგნენ ის გურიელნი, რომელნიც არიან მოხსენებულნი, თუმცა დაუსახელებლად, საქართველოსა და ევროპის სხვა და სხვა მატრიანეში მე-XIV საუკუნეს. შემდეგში მოვიყვანთ პირველის გურიელის გარდაცვალების წელსა, რომლის სახელიც არის მოხსენებული გურიის ისტორიაში.

გელოვანის გვარი დარჩა უპირველეს გვარად სვანეთში, მაგრამ ამ გვარს არავითარი ისტორია არა აქვს.

ეს ზემოხსენებულნი მთავარნი, რომელნიც თანდათან გაძლიერდნენ, ბოლოს იმერეთის მეფის კონსტანტინესაგან დამოუკიდებელ მმართველებად შეიქმნენ. გიორგი I დადიანს, რომელიც გარდაიცვალა 1323 წ., — დარჩა მემკვიდრედ შვილი მამია I.

შემდეგ კონსტანტინეს გარდაცვალებისა, 1327 წ., ძმამისი მიქელ ამაოდ სცდილობდა ძველებურად დაემორჩილებინა ზემოხსენებული ერისთავები. მან მხოლოდ ის მოახერხა,

რომ დაითანხმა ემსახურნა ისინი ლაშქრობის დროს იმერეთის მეფისათვის. გარდაიცვალა 1329 წ. ამას შემდეგ საქმეები თანდათან უფრო აიწეწა.

მიქელის შვილი იყო ბაგრატ I, რომელსაც უმცროსს უწოდებდნენ, რადგან ქართლში მეფობდა მეორე ბაგრატი, წოდებული უფროსად. ამ ბაგრატ I-ს არ სცნობდნენ მეფედ, დიდებულნი მისის მცირე-წლოვანებით სარგებლობდნენ და იკლებდნენ მხარეს. ეს რომ მეფე გიორგი ბრწყინვალემ შეიტყო, შეთანხმდა იმერლებთან, დაიმორჩილა მთელი იმერთი, რომელიც 1330 წლ. განმავლობაში, — ე. ი. სანამ საქართველო განიყოფებოდა სამ ნაწილად, — დარჩა ქართლის მეფის მფლობელობის ქვეშ. მხოლოდ დავით ნარინის შთამომავლობა ირიცხებოდა ერისთავად და იღებდა ინვესტიტურას ქართლის მეფეთაგან. ამ გვარ დამოკიდებულებაში იყო ბაგრატიც, რომელმაც შეირთო, საქართველოს მეფის დავითის ნება-რთვით, ელენე, ყვარყვარე ათაბაგის ქალი, 1355 წ.

გიორგი ბრწყინვალეს ნება-რთვით დადგენილ იქმნა დადიანად გიორგი II 1345 წ. შემდეგ იმის მაშის მამიას გარდაცვალებისა. თითონ გიორგი II მოკვდა 1384 წ. და მეფე ბაგრატი უფროსმა დადიანად დააყენა შვილი მისი ვამიყ I.

უმცროსი ბაგრატი გარდაიცვალა 1372 წ. და, ქართლის მეფის ბაგრატის ბრძანებით, ერისთავობა მიეცა მის შვილს ალექსანდრეს.

ალექსანდრე პირველმა ისარგებლა ქართლის სამეფოს შესუსტებით, რადგან თვით ბაგრატი უფროსი ტყვედ იყო წაყვანილი ლანგ-თემურის მიერ და არც შვილი მისი გიორგი იყო მაშინ იმერეთში. ალექსანდრე არამც თუ აღარ ემორჩილებოდა ქართლის მეფეს, არამედ მან დაიფლო მთელი იმერეთი და გამოაცხადა თავისი თავი მეფედ. ეკურთხა სამეფო გვირგვინით გელათში და ურჩევდა აგრედვე დადიანს, გურიელს, შარვაშიძეს და სვანეთის ერისთავებს, რომ ისინიც გადგომოდნენ ქართლის მეფეს, მაგრამ იმის შიშით, რომ ქუ-

თაისის ციხეში იდგა ქართლის ჯარი, ვერ მიემხრნენ ალექსანდრეს. ალექსანდრემ მაინც დაიჭირა იმერეთში რამდენიმე ციხე და განამტკიცა თვისი უფლება. გარდაიცვალა 1389 წ.

ალექსანდრეს შემდეგ გამეჟდა ძმა მისი გიორგი I; ეს მეფე გაძლიერდა რამდენისაჲე ციხის აღებით, — რომელიც ეჭირათ ქართლებს, — და ცდილობდა დაემორჩილებინა უმთავრესნი დიდებულნი. დაუკითხავად ქართლის კათალიკოზისა, მან დაჰნიშნა 1390 წ. აფხაზეთის კათალიკოზად ვინმე არსენი. რადგანაც დადიანი არ ემორჩილებოდა გიორგი მეფეს, მან ომი გამოუცხადა დადიანს. ვამიყმა თავის მეგრელებით ძლიერ დაამარცხა იმერეთის მეფე, რომელიც მოკლულ იქმნა ომის ველზე. დადიანის მოწოდებით საქართველოს მეფემ დაიჭირა იმერეთი. გიორგის ძმამ და ძმისწულმა თავი შეაფარეს ბასიანის მხარეს და დარჩნენ იქ ოთხს წელიწადს.

1396 წ. იმერლები ქართლის ჯართან ერთად შეებრძოლნენ ლანგ-თემურს, მაგრამ დამარცხდნენ. — ვამეყ დადიანმა გაილაშქრა ჯიქებისა და ალანების ქვეყნებში და გაიმარჯვა. ამ ლაშქრობის შესახებ დაცულია წარწერა ხოპის მონასტრის ეკვდერის ქვაზე, რომლის ქვეშ დაუმარხავს თავისი მშობლები და თავისი და მარები ვამეყ დადიანს. ამ გალაშქრების შემდეგ მას მრავალი განძი და ნადავლი წამოუღია. იგი გარდაიცვალა იმავე წელს და გარდასცა დადიანობა თავის შვილს მამია II ს

კონსტანტინე II-ს ძმამ და იმერეთის მეფის მემკვიდრემ გიორგიმ დაიპყრა მთელი იმერეთი, ისე, რომ ქართლებს წინააღმდეგობა არ აღმოუჩენიათ, რადგანაც ისინი ლანგ-თემურს ეომებოდნენ. კონსტანტინე მეგრელებმა 1401 წელს მოჰკლეს ჩალოდანს ანუ ჩალიანში, რომლის მდებარეობა არ არის ჯერ გამორკვეული. ჩვენ არ ვიცით არც ის, თუ რისთვის მოჰკლეს კონსტანტინე. მას ვაჟი არ დარჩენია.

კონსტანტინეს მემკვიდრედ შეიქმნა დიმიტრი, ალექსანდრე I-ს შვილი. იმის მცირე-წლოვანობით და სისუსტით

ისარგებლა გიორგიმ, ქართლის მეფემ, შემოვიდა იმერეთში დადიანის და იმერლების შემწეობით, შეიპყრა დიმიტრი, გაჰგზავნა იგი სომხეთში და დაიპყრა იმერეთი. გიორგის მემკვიდრემ, კონსტანტინემ, აღარ გამოუშვა ის, მაგრამ ალექსანდრე გაიტაცა დიმიტრის დის თამარის მშვენიერებამ, შეიწო იგი ცოლად და დაუბრუნა თავის ცოლის ძმას იმერეთი, როგორც საერისთაო.

მამია დადიანს, რომელიც მოკლულ იქმნა ომში აბხაზებთან 1414 წ., დარჩა მემკვიდრედ შვილი ლიპარიტ I.

შემდეგ დიმიტრის გარდაცვალებისა, მისმა შვილმა, ბაგრატ II-მ, მიიღო ინვესტიტურა ქართლის მეფის გიორგისაგან. ყვარყვარე ათაბეგმა შეაგონა ბაგრატი და მან აღუთქვა მიენიჭებინა სრული დამოუკიდებლობა სამეგრელოსა, გურიისა, აფხაზეთისა და სვანეთის ერისთავებისათვის, რითაც მიიმხრო ისინი ბრძოლაში, რომელიც მან განიჭაბა. ის წინააღმდეგ ქართლის მეფეს, გაჰყარა ყველა ციხის უფროსები, რომელნიც იყვნენ დაუცნებულნი იმერეთის სიმაგრეებში მეფე გიორგისაგან, რომელმაც შეჰკრიბა თავისი ჯარი და შევიდა იმერეთში. ბაგრატმა აღარ მოუცადა ათაბეგს, რომელიც უნდა მიჰშველებოდა თავის ჯარით, ეომა გიორგის ჩიხორში და დაამარცხა, რის შემდეგაც გიორგი გაიქცა ქართლს 1462 წ.

გამარჯვებულნი ბაგრატი ეკურთხა სამეფო გვირგვინით ქუთაისში, ყველა თავის მოკავშირეთა თანხმობით, რომელნიც დასაჯიდნოდებლად მათის სამსახურისა, აღიარებულ იყვნენ დამოუკიდებელ მფლობელებად. მათ დაედოთ მხოლოდ ერთი ვალდებულება, რომ ზოგიერთ შემთხვევაში უნდა აღესრულებინათ სამხედრო სამსახური, ჯარით შესწოდენ მეფეს და უნდა ყოფილიყვნენ იმერეთის მეფის უზენაესს მფლობელობის ქვეშ. ამას შემდეგ იმერეთის მფლობელნი იწოდებოდნენ მეფეებად. სამეგრელო დარჩა დადიანებს, გურია — ვარდანისძეებს, აფხაზეთი და ჯიქეთი — შარვაშიძეებს და სვანეთი — გელოვანებს.

ყვარყვარე ათაბეგის ორქოთა მოქმედებამ ამ განხეთქილების დროს განარისხა მეფე გიორგი, რომელმაც ძალით გააგდო ის სამცხიდან და აიძულა გაქცეულიყო იმერეთში. ცოტა ხნის შემდეგ, როდესაც დარვიშ გილიაჯი დაეცა ქართლს, ბაგრატი შეეწია ათაბეგს და მან ისევ დაიფლო საათაბაგო. ყვარყვარემ დაამარცხა მეფე გიორგი 1465 წ., წაიყვანა ტყვედ და აღარ გამოუშვია, სანამ ბაგრატი არ ისარგებლა ამ ხელშემწყობ გარემოებით და არ დაიმორჩილა მთელი ჩრდილოეთი ნაწილი ქართლისა. ბაგრატი ისე მოქმედებდა, თითქო კახეთის დაპყრობაც განიძრახაო. 1466 წ., როცა მან შეიტყო განთავისუფლება გიორგი მეფისა, დაბრუნდა შინ.

რადგანაც კონსტანტინე, გიორგის მემკვიდრე, დარაჯობდა იმერეთიდან ლიხის მთის გასავალ ადგილებს, ბაგრატი შეჰკრიბა დიდი ჯარი, შევარდა უეცრად შუა ქართლში; დაიჭირა იგი და აგრედვე სხვა ადგილებიც, რომელიც მდებარეობდა სამხრეთ ნაპირად და იძულებულ ჰყო მეფე გიორგი თავი შეეთარა ტფილისში და დაკმაყოფილებულიყო სომხებით. თითონ კი ჰფლობდა თავის ნებაზე ქართლს 7 წლის განმავლობაში და ამ დროს სიგელებიც მრავალი გამოსცა. ამასთანავე იგი აქეზებდა და ურჩევდა კახეთის მფლობელს, რომ დაებრუნებინა უკანვე კახეთის ის ადგილები, რომელიც წაართვა მეფე კონსტანტინემ. ერთის სიტყვით, ოცნებობდა დაეარსებინა ერთ-მეფობა საქართველოში.

ლიპარიტ დადიანის მემკვიდრედ შეიქმნა 1470 წ. შვილიშისი შამან-დავლე, რომელიც 1474 წ. გარდაიცვალა. იმის მემკვიდრედ შეიქმნა ბიძა მისი ვამეყ II, რომელიც გულგრილად ვერ იტანდა ბაგრატის თანდათანს გაძლიერებას. აფხაზეთის და გურიის შემწეობით ხშირად დაეცემოდა ხოლმე იმერეთს, სძარცვავდა და იფლობდა სხვა და სხვა მხარეებს. ამის გამო ბაგრატი საჩქაროდ გამობრუნდა თავის ჯარით, რომელშიაც ქართლის ჯარიც ერიო. ვამეყი დამარცხებულ იქმნა 1477 წ., სამეგრელო ააოხრეს და ციხეებიც იმერლებმა დაი-

პყრეს; მაშინ ვამეყი უნდა დამორჩილებიყო და ეთხოვნა მეფისათვის შეწყნარება. მეფემ დაუბრუნა საფლობელო და დასტოვა აღრინდელ მდგომარეობაში.

შემდეგ ამისა ბაგრატი დაეცა ხელ-ახლად ქართლის მარებს, საშინლად ააოხრა და მეფე კონსტანტინეს გადააგდებდა ტახტიდამ, თუ რომ უზუნ-ასანი არ შემოსულიყო ქართლში. ბაგრატი აღარ შეებრძოლა უზუნ-ასანს მას შემდეგ, როცა კონსტანტინე დაემორჩილა ამ უკანასკნელს. შემდეგ ბაგრატი გადავიდა რაქაში და იქ გარდაიცვალა 1478 წ.

ჩვენ მოვიხსენეთ ზემოდ, რომ მეფე გიორგი I-მა დააწესა აფხაზეთის კათალიკოზობაო, მაგრამ ისტორიაში არაფერი არ არის მოხსენებული არც არსენის გარდაცვალებაზე, რომელიც ვითომ კათალიკოზად აკურთხეს და არც მის მოადგილეებზე. რადგან ასის წლის განმავლობაში იმერეთის მეფეები სუსტნი იყვნენ, აღბად იმიტომ არ ჰქონდათ შეძლება ეზრუნათ საეკლესიო იერარქიის დაწესებისათვის. ახლად დამკვიდრებულმა იმერეთის მეფემ, ბაგრატმა, 1472 წ. თავის სიკვდილის რამდენისამე წლის წინად დასვა აფხაზეთის კათალიკოზის ტახტზე აღრე ნამყოფი არხიეპისკოპოზად ცაიშისა და ბედლისა იოაკიმე, რომელიც აკურთხა ანტიოქიის პატრიარქმა იხილმა. ჩვენამდის დაცულია ოფიციალური სიგელი, ამ შესამჩნევ გარემოებით გამოწვეული. ამ სიგელით და ისტორიის ნაშთების საშუალებით შესაძლებელია შედგენა კათალიკოზების განუწყვეტელ სიისა აფხაზეთში მე-XVIII საუკ. დამლევამდე, როდესაც ამ კათალიკოზების კათედრა მოისპო.

როცა ალექსანდრე II, ბაგრატის შვილი, გამეფდა, მოიწოდა დაგვირგვინების დროს ოთხივე მთავარი, რომელნიც იყვნენ მის ხელ ქვეით. დადიანმა და სხვებმაც არ მიიღეს მიპატიჟება. როგორც კი შეიტყო მეფე კონსტანტინემ, შემოვიდა იმერეთს 1479 წ. მას ეწეოდნენ იმერლები და დადიანიც, რომელსაც სურდა მაგიერი გადაეხადა აღრინდელ შეურაცხყოფისათვის. დადიანმა გადასცა კონსტანტინეს ქუ-

თაისის ციხე. ალექსანდრემ შეაფარა თავი უშიშარ ადგილს. — სამის წლის შემდეგ ვაშეყის მემკვიდრეთ შეიქმნა მისი ძმის... წული ლიპარიტ II, შამან დაელეს შვილი. 1480 წ. გარდაიცვალა პირველი ისტორიში მოხსენებული გურიელი კახაბერი, რომელსაც ცოლად ჰყავდა ანნა. ერთს ხატზე, რომელიც არის შემოქმედის მონასტერში, იმას უწოდებენ ერისთავთ-ერისთავად, „ერისთავად სვანეთისა“. ამითი მტკიცდება სი-მართლე ზემოხსენებულ მოთხრობისა, რომ ვარდანიძეების გვარი გადმოსულია სვანეთიდან გურიაში.

როგორც კი მეფე კონსტანტინე დამარცხდა ათაბეგისა-გან, ალექსანდრე შემოვიდა მაშინვე ქუთაისში, რაჭველების და ლეჩხუმელების შემწეობით, და მეფედ ეკურთხა 1787 წ. ხელ-ახლად მოწოდებული დადიანისაგან კონსტანტინე მეორედ შემოვიდა იმერეთში და აიძულა ალექსანდრე დაეცალა ქუ-თაისი. მას ჰქონდა გარდაწყვეტილი აღარ გასულიყო ქუთაი-სიდან, სანამ არ მოსპობდა ალექსანდრეს მეფობას და კიდევაც აღასრულებდა ამ განზრახვას, რომ ასან-ბეგი, სპარსეთის შაჰის იაყუბის მიერ წარმოვლენილი, არ შემოდგომოდა ასაღებად ტფილისს. ამის გამო კონსტანტინე იძულებული შეიქმნა დაბ-რუნებულიყო ქართლში. ალექსანდრემ ისარგებლა მისის წა-სვლით, ლიფლო ქუთაისი და მთელი იმერეთი, მოურიგდა დადიანს და გურიელს და დაიმორჩილა აფხაზეთი და სვანეთი.

შემდგომ ამისა ალექსანდრე დაუახლოვდა კონსტანტი-ნეს და სცდილობდა წესიერებაში მოეყვანა, როგორც მთელი სამეფო, აგრეთვე სახელმწიფო საქმეები. მან დაამცირა თავი-სი მტრები, ქვეყნის მართვა მიანდო კეთილ-საიმედო კაცებს და მოსთხოვა დადიანს და გურიელს, რომ დაწესებული, როგორც სამხედრო, აგრეთვე ნადირობის სამსახური, მტკი-ცედ აღესრულებინათ. შემდეგ კონსტანტინეს გარდაცვალე-ბისა, შეესია ქართლს, დაჰქირა ქ. გორი ისე მალე, რომ მეფე დავითმა წინააღმდეგობაც ვერ გაუწია, მაგრამ იძულე-ბული იყო მალე დაბრუნებულიყო, რადგანაც ჯიქები დაეც-

ნენ იმერეთს. ჯიქებმა უომოდ დაიხიეს უკან. შემდეგ ამისა მეფე ავად გახდა და გარდაიცვალა 1510 წ. ამავე წელს გარდაიცვალა აგრედვე დედოფალი თამარი, რომელიც დაიმარხა მასთან ერთად გელათის მონასტერში.

ბაგრატ III, ალექსანდრეს შვილი, 15 წლისა იყო, როდესაც აღიარებულ იქმნა მეფედ ყველა იმერთა და მთავართაგან. მისის მეფობის მეორე წელს თათრის ჯარმა დაიჭირა მთელი სამცხის მხარე და აიძულა ათაბეგი დაჰმორჩილებოდა მას. ათაბეგის შემწეობით ეს ჯარი შემოვიდა იმერეთში ფერსათის მთით და აიკლო მთელი ქვეყანა ცეცხლითა და მანვილითა. რადგან მეფემ ვერ შესძლო მათი შებრძოლება, შეაფარა თავი ციხე-სიმაგრეში, სადაც ხალხიც შეიყვანა. თათრებმა გაძარცვეს მთელი მხარე, დააცარიელეს ქუთაისი და გელათი და დაბრუნდნენ. მაშინ ბაგრატი გამოვიდა თავის საფრიდან და სცდილობდა შეემსუბუქებინა ხალხისათვის ეს საშინელი აოხრება.

იმავე წელს გარდაიცვალნენ: ლიპარიტ დადიანი, რომლის მემკვიდრედ დარჩა, მეფის თანხმობით, ნათესავი მისი მამია III,—და გიორგი გურიელი, რომლის მემკვიდრედ მეფემ იცნა შვილი მისი, მამია IV.

ვახტანგი, უმცროსი ძმა მეფე ბაგრატისა, რომელიც ემდურა მას რაღაც მიზეზისა გამო, გაიქცა ქართლში დიდის ამალით, რომელიც შესდგებოდა თავადთა და აზნაურთაგან. მეფე გამოეკიდა და დაეწია მოხისს, სადაც სასტიკი ომი გაიმართა. მეფემ გაიმარჯვა და თან წამოიყვანა ძმა იმერეთში.

შემდეგ ამისა მამია გურიელი გაემგზავრა ქართლში შესარიგებლად მეფე დავითისა და იმის სიძის ლევანს, კახეთის მთავრისა, და როდესაც დავითმა უარი განაცხადა, მოჰხდა ომი მოხისში, სადაც დავითი დამარცხდა და დასთანხმდა შეპირიგებოდა ლევანს.

სულთან სულეიმან მეორის დროს მეფე ბაგრატმა ქართლისა და კახეთის მეფეებთან ერთად მონაწილეობა მიიღეს

იერუსალიმს გალაშქრებაში, რომელიც მოხსენებულია ქართლის ისტორიაში¹⁾).

შემდეგ ქუთაისის ეპისკოპოსის გერასიმეს გარდაცვალებისა 1529 წ., რომლის ნაცვლად დადგა ძმისწული მისი სიმონ, მეფე ბაგრატმა დააწესა იმერეთში კიდევ ორი საეპისკოპოსო ქუთაისის გარდა. გელათის პირველ ეპისკოპოსად მან დაწინიშნა მელქისედეკ საყვარელიძე. დიდებული წინამძღვარი გელათისა ილარიონი გარდაიცვალა ათის წლის წინად ამ ამბავამდე, მაგრამ არ ვიცით, ვინ დაწინიშნეს მის ადგილზე, მანამ აქ ეპისკოპოზობა დაწესდებოდა. მეორე ეპისკოპოსათ ხონში დააყენეს მცხეთიძე, რომელიც იყო ნაკურთხი კათალიკოზის მალაქია აბაშიძის ძიერ ბიჭვინტის ტაძარში ერთად შემოხსენებულ მელქისედეკთან. ჯერ არ არის კიდევ გამოკვლეული, როდის დაარსდა იმერეთში მეორე საკათედრო ეპისკოპოსობა ნიკორწმინდისა და მეხუთე—ლეჩხუმში. ერთი უცნობი მემატიანე მოგვითხრობს, ვითომც რამდენისამე ხნის შემდეგ ბაგრატს დაუთმეს მთელი ნაწილი ქართლისა, დასავლეთისკენ იმ მდინარისა, რომელიც ჩამოდის არაღეთის ძირში. ამ ადგილებს შეადგენდა: სურამი და ახალდაბა, ისტორიკოსი არ იხსენიებს, რა მიზეზით მოჰხდა ამ ადგილების დათმობა.

ჯიქნი, რომელნიც სცხოვრობდნენ შავი-ზღვის პირად გაგრამდე, ხშირად თავს ესხმოდნენ სამეგრელოს და გურიას. იმათ დასასჯელად მამია დადიანი და მამია გურიელი მივიდნენ ჯიქეთში ზღვით. ჯიქები დახედნენ მათ და ომში დადიანი მოჰკლეს, ხოლო გურიელი ტყვედ წაიყვანეს; დავლა დარჩა მტერს. 1532 წ. ლევან I აღვიარებულ იქმნა დადიანად. გურიელი, რომელიც მისმა შვილმა ტყვეობიდან გამოისყიდა, გარდაიცვალა 1534 წ. და როსტომ დარჩა მის მემკვიდრეთ. ერთ-მეფობის დროს რაჭის მახრა ირიცხებოდა მეფის

1) როგორც ანაქრონიზმი.

სრულს დამოკიდებულებაში. თამარის, გიორგი ლაშასა და რუაუდანის დროს აქ იყვნენ ძლიერნი ერისთავნი, მაგრამ, რაჟდენადაც ვიცით, იმათ არ ჰქონდათ უფლება საერისთაოს მემკვიდრეობით გადაცემისა. რაჟა რაოდენადმე ეკუთვნოდა არგეთისა და ქუთაისის მზრებს. ეხლა კი მეფე ბაგრატმა განიზრახა რაჟაში დაეწესებინა ერისთაობა, რომელიც მამისაგან შვილზე მემკვიდრეობით გადადიოდა, და უწყალობა მოშიტა. ჩხეიძეს რამდენიმე სამეფო სოფელი, ციხე, მინდორი და დაჰნიშნა ის რაჟის ერისთავად. ჩვენის აზრით. ამავე დროს უნდა დაარსებულიყო ნიკორწმინდის საეპისკოპოზო.

ამას შემდეგ ბაგრატმა შეიტყო, რომ სამცხის მხარე აეკლო სპარსეთის სარდალს დევალს; თან გაიხსენა, რომ ოცის წლის წინად ათაბეგმა მზე-ჭაბუკმა შემოიყვანა იმერეთში ოსმალის ჯარი. ამიტომ შეჰკრიბა სამეგრელოსა და გურიის ჯარი და დაეცა სამცხეს, ეომა ყვარყვარე ათაბეგს სოფელს მურჯახედში 1534 წ. ათაბეგი დამარცხდა და ის ტყვეთ წაიყვანა გურიის მთავრის მეღვინეთუხუცესმა ისაკ არტულაძემ, რომელმაც გარდასცა ბაგრატს. ბაგრატმა დაიჭირა მთელი სამცხე და გარდასცა გურიელს როსტომს აჭარის და ჭანეთის მხარე, რომელნიც მას წაართვა ათაბეგმა შემდეგ ოსმალების ლაშქარ ბისა.

შაჰ-თამაზის პირველსავე ომის დროს მეფე ლუარსაბთან, როდესაც სპარსებმა სომხეთი დაიჭირეს, ბაგრატი გამოეცხადა შაჰს ყარაბაღში 1538 წ. და სთხოვა შემწეობა და თავის მხრით აღუთქვა მთელის საქართველოს დაპყრობა. შაჰმა მოწვალედ მიიღო და დაასაჩუქრა იმ სიმარდისათვის, რომელითაც შვილდ-ისარს ჰხმარობდა, მაგრამ, რადგანაც სხვა საქმეში იყო გართული, იმის წინადადება უარ-ჰყო. სპარსეთის ისტორიკოსი ისკანდერ მუნჯი ამბობს, რომ შეყრა მეფისა და შაჰისა მეორედ შაჰის საქართველოში შემოსვლის დროს მოჰხდა 1546 წელსაო.

ათაბეგ ქაიხოსროს შვილი მიენდო ოსმალთა, რომელთაც მისცეს მაშველი ჯარი დიდ-ძალის არტილერიითურთ, მუსტაფა-ფაშას სარდლობით. ბაგრატმა დაუყოვნებლივ მიჰმართა დადიანსა და გურიელსა და სთხოვა შემწეობა, მაგრამ სხვა და სხვა მიზეზებისა გამო უარი შემოუთვალეს. მაშინ ბაგრატმა შეჰკრიბა იმერლები, დაეცა და დაამარცხა ოსმალთს ჯარი ტაოს მხარეში. ამ ომში მუსტაფა-ფაშა მოჰკლეს, მრავალი ოსმალი ამოსწყვიტეს, გადარჩა მხოლოდ ის, ვინც გაქცევა მოასწრო. დიდი დაგლა და ზარბაზნები დარჩათ იმერლებს 1541 წ. მაგრამ ამითი საქმე არ გათავებულა. გაბრაზებულმა ხონთქარმა უბრძანა არზრუძის და დიარბეკირის ფაშებს შეეკრიბათ ყველა თავისი ჯარი და თავს დასხმოდნენ ბაგრატს. რაკი დადიანმა ბაგრატს შემწეობაზე უარი შემოუთვალა, ბაგრატმა მიჰმართა თავის სიძეს, მეფე ლუარსაბს, და ქართლის ჯარით შევიდა ბასიანის მაზრაში, სადაც ოსმალები დაბანაკებული იყვნენ. ბრძოლა 1545 წ. მოჰხდა სოხოსტანში, რომლის მდებარეობა ჯერ არ არის გამოჩვენებული. ახლა კი ბედმა უღალატა ქართველებსა, იმიტომ რომ მესხნი არ ემორჩილებოდნენ მეფეს და ომის დროს ცილობა დაიწყეს. ლალატიც კი იქმნა შემჩნეული. აქ მოიკლა ქაიხოსრო გურიელის შვილი და მასთან მრავალი ქართველი. ბაგრატმა შეათარა თავი ქუთაისში. შემდეგ წელს მან წამოიღო აწყურის ღვთის-მშობლის ხატი და დაასვენა ციხე-ჯვარში, შევიდა სამცხეში, მაგრამ ციხეები ვეღარ წაართვა ოსმალებს. მიუხედავად ამისა ბაგრატმა განიზრახა შემოერთება დადიანისა და გურიელის სამთავროებისა. ამ აზრის აღსასრულებლად მიიწვია დადიანი, ვითომც სანადიროდ, ხონის ტყეში, და შეიპყრა 1545 წ. შემდეგ მიჰმართა გურიელს ამ გვარისავე მიწვევით და თან ჰპირდებოდა, დადიანის სამთავროს გიწყალობებო. გურიელმა საეჭვოდ მიიჩნია ეს მიწვევა და ბოლიში მოიხადა, ვერ მოვშორდები ჩემს ქვეყანას, ბედზედ ჰკიდია ჩემი მდგომარეობა, ისე ვარ შევიწროვებუ-

ლი სხვა და სხვა მტერთა შორისაო. ამასთანავე ურჩევდა მეფეს გაენთავისუფლებინა დადიანი. მეფე არ უშვებდა დადიანს, რომელიც ჰყავდა შეპყრობილი გელათის სამრეკლოში და ეშინოდა, რომ შემდეგ იმის სიკვდილისა მეგრელები არ შეერთებოდნენ გურიელს. ათაბეგის ჩაგონებით, ხოფილანდრე ჩხეიძემ გამოუშვა დადიანი, მოიყვანა ახალციხეს და გურიელმა გზა მისცა ოდიშისაკენ. ბაგრატი სახტად დარჩა, ეს რა მომიხერხესო.

ამასობაში თათრები დაეცნენ გურიელს, რადგან უნდოდან დაესაჯათ ბაგრატის შეწევნისათვის, წაართვეს ჭანის მაზრა და დაიწყეს ბათუმის ციხის შენება. ლევან დადიანი მისდა მადლობის გრძნობით სავსე, გაეშურა მისაშველებლად. მეფე ბაგრატმა გაუგზავნა ძმა თვისი ვახტანგი, გაატანა დიდძალი ჯარი და დაავალა, სხვა და სხვა მანქანებით უნდა დააშორო ეს ორი მოკავშირეო. მოკავშირეთა ჯარის მოსვლამდე გურიელმა დაამარცხა ხმელეთად ოსმალნი, რომელნიც გავიდნენ მდ. ჭოროხს გაღმა და დაიწყეს აშენება გონიის ციხისა. რადგანაც გურიელმა ვერ იშოვნა ნავეები, წყლის პირას დარჩა. ვახტანგი მოელაპარაკა დადიანს რიონის შესართავთან და დააჯერა, რომ შევარდნილიყო გურიაში და არ მოეკვლევინებინა თავისი თავი გურიელისთვის, რომელიც ფიქრობდა ვითომ სამეგრელოს დაპყრობასა. დადიანმა დაუჯერა ამ სიცრუეს. ვახტანგმა ახლა კი მიანება თავი დადიანს. რადგანაც გურიელს არ ჰქონდა ნავეები, ველარ დაუშალა ოსმალებს ციხის აშენება. როდესაც გონიის ციხე აშენდა, მაშინ წაართვეს მას აჭარისა და ჭანის მაზრები. ბაგრატმა იმეფა 38 წელი და გარდაიცვალა 1548 წ.

შემდეგ ამისა იმეფა გიორგი II-მ, ბაგრატის შვილმა, რომელიც მოურიგდა გურიელს და მოიყვანა წესიერებაში იმერეთის საქმეები. პატივსაცემლად დედისა თვისისა თამარისა მან 1556 წ. თავი შეათარებინა მის მეუღლესა მეფე ლუარსაბს, რომელიც იყო დამარცხებული შაჰ-თამაზისაგან. გიორ-

გი დაუმევობრდა აგრედვე ათაბეგს ქაიხოსროს 1562 წ. და დაუბრუნა აწყურის ღვთის-მშობლის ხატი, რომელიც იყო ციხე ჯვარიდგან შაჰ-თამაზის მიერ ცხრა წლის წინად წაღებული და რომელიც ხელ-მეორედ მანვე, გიორგიმ, წაართვა შაჰ-თამაზს. შემდეგ პირველ მეუღლის გარდაცვალებისა მან შეირთო 1563 წ. რუსუდან შარვაშიძის ქალი; ამ დროიდან საქართველოს ჩვეულებისამებრ დაიწყო სიგელებში მოხსენება ახალის ინდიკტიონისა, ე. ი. თვისის მეფობის წელთ-აღრიცხვისა თავის მეორე მეუღლის შერთვის შემდეგ. გელათის ტაძარში სჩანს ეხლაც დახატული სახე მისი, რუსუდანისა და მათის ვაჟის ბაგრატიისა, რომელიც დაებადათ შემდეგ ორის წლისა დაქორწინების დღიდან.

მეფე გიორგიმ როსტომ გურიელის მემკვიდრედ, რომელიც გარდაიცვალა 1564 წ., — დაჰნიშნა შვილი მისი გიორგი II. ლევან დადიანმა, რომელიც განშორდა თავის მეუღლეს, როსტომის ასულს, მოსტაცა ცოლი თავის ბიძას ბათულიას, და შეირთო. გიორგი გურიელს, რასაკვირველია, ძალიან ეწყინა ეს ამბავი, მაგრამ თავი ისე დაიჭირა, ვითომც აქ არაფერიყო, დაუახლოვდა დადიანს და შეირთო მისი ასული, რომელიც მალე გააგდო სახლიდან მაგიერის გარდასახდელად თავის დის შეურაცხყოფისათვის. გურიელისადმი შურის გრძნობით აღძრული დადიანი დაუახლოვდა მეფე გიორგის, რომელმაც მიათხოვა გურიელს თავისი ქვრივი მამიდა. შემდეგ ამისა დადიანი ხელ-ახლად მოუყრიდა გურიელს და დაეცა უეცრად მეფეს იანეთში. თან ახლდნენ დადიანს ხოსრო, მეფე გიორგის ძმა, რევაზ ქალაქე, ლიპარტიანელები და მეგრელები, რომელთაც მონაწილეობა მიიღეს ომში. მეფემ დაამარცხა და გააქცია მოკავშირენი 1568 წ.

შემდეგ ამისა მეფე და გურიელი შეერთებულის ჯარით დაეცნენ დადიანს და დაამარცხეს. დადიანი წავიდა სტამბოლს და მისმა მტრებმა დაიჭირეს სამეგრელო. ლევანი მალე დაბრუნდა არზრუმის და ტრაპიზონის ჯარით, რომე-

ლიც მისცა სულთანმა, და დადგა იმ ადგილას, რომელსაც უძახიან სატყეველას. გურიელი შეშინდა და ათი ათასი დრახმის (15 ათასი მანეთი) დახარჯვით გადირჩინა თავი.

მეფე გიორგიმ ბრძანება გასცა, რომ მოეკლათ ლალათისათვის ჯავახ ჭილაძე, მაგრამ ლევანმა და გურიელმა ნება არ მისცეს მეფეს, რომ მამული ჩამოერთმია მისთვის და ის მამული თითონ გაიყვეს სანახევროდ.

1572 წ. ლევან დადიანი გარდაიცვალა მარცხის გამო, რომელიც შეემთხვა ნადირობის დროს: მისი ცხენი დაეტაკა ვილაჯ ჯაიანის ცხენს. დადიანობა მიიღო მისმა შვილმა გიორგი მე-III. მან მიათხოვა თავისი და 1573 წ. მეფე ბაგრატის შვილს გიორგის. მეფისა და დადიანის ამნაირის დაახლოვებით გაჯავრებულმა გურიელმა მიიწვია ძმა დადიანისა, მამია, შერთო თავისი და ცოლად და დაეცა ზუგდიდს. დადიანი დამარცხდა და გაიქცა ანაკოფიაში. მამიამ მიითვისა დადიანობა. მაშინ ორთავე მოკავშირემ სთხოვეს მეფე გიორგის, დაებრუნებინა სამეგრელოსთვის ჭილაძის მამული, რომელიც მას ჰქონდა წართმეული. მეფე პატივსაცემად ნათესავურის კავშირისა დასთანხმდა ამაზე. სამნივე მთავარი იქნებოდნენ მშვიდობიანად, რომ გაქცეული დადიანი არ დაბრუნებულყო ოსმალოს ჯარით. როგორც კი ეს ამბავი შეიტყო, გურიელმა მიაშველა თავისი ჯარი მამიას, რომელმაც ხელ-მეორედ განდევნა გიორგი დადიანი. დადიანმა ხელახლად შეათარა თავი აფხაზეთში.

1578 წ. გარდაიცვალა გიორგის მეუღლე რუსუდანი და შვილი მისი ბაგრატი. ამავე წელს გარდაიცვალა აგრედვე კათალიკოსი ევდემოს ჩხეიძე, რომელმაც 1568 წ. დაიჭირა საპატრიარქო კათედრა, მაგრამ, არ ვიცით, რომელ წელს ეკურთხა პატრიარქად. არ არის გამორკვეული, თუ ევდემოსი მალაქია აბაშიძის შემდეგ პირველი პატრიარქი იყო.

როდესაც ლალა-ფაშა შევარდა ქართლში და იქილამ დაბრუნებული მოადგა ლიხის მთებს, იმერლებმა დაიჭირეს მა-

ჯარი აღგილი და იქ უღარაჯებდნენ ოსმალების მოახლოვებას. როცა გამოჩნდნენ, დაეცნენ, მრავალი მათგანი დაჰხოცეს და წამოიღეს დიდი ნადავლი.

დადიანად ნამყოფი გიორგი უკიდურეს მდგომარეობაში ჩავარდა და სთხოვა მეფეს შებრალება. მაშინ მეფემ ჰკითხა რჩევა გურიელს და მამიას. გურიელი, რომელიც კმაყოფილი იყო მით, რომ მიატოვა თავისი ცოლი, ლევან დადიანის ქალი, — თხოულობდა მხოლოდ, რომ გიორგის მიეცა სამაგიერო, რომელიც ერგებოდა მისის დის მატოგებისთვის. თუ გიორგი ამ პირობას ასრულებდა, გურიელი ჰპირდებოდა — მამია დადიანობაზე ხელს აიღებსო. გიორგი დადიანი დასთანხმდა ამაზე იმ პირობით, რომ მეფე გიორგის მიეთხოვებინა მისთვის თავის ცოლის და. რადგანაც დადიანს ფული არ ჰქონდა, გირაოდ ფულის გადახდამდე დაუტევა ხოფის შაზრა. მამია დადიანი დააკმაყოფილეს რევაზ ჭილაძის მამულითა და შემდეგ ამისა მშვიდობა დამყარდა მეფესა და მთავართა შორის.

ბათულიას სურდა როგორმე ამოეყარა ჯავრი მისის ცოლის წართმევისათვის; მან მოუყარა თავი საჯავახოელებს და რამდენსამე შეგრელს და განიზრახა გიორგი დადიანის გადაგდება. დადიანმა შეუტყო ეს ამბავი და მოახსენა მეფეს. მეფემ ყოველივე ეს საქმე მიანდო გურიელს და დაჰპირდა საჯავახოს მიდამოების გადაცემას დადიანის თანხმობით. გურიელმა იკისრა ასრულება მეფისა და დადიანის სურვილისა და ბათულია 1580 წ. ერთ ვილაც ავაზაკს დაახრჩობინა; მშვიდობიანობა ისევ დამყარდა ამ მხარეში.

სიმონ ფაშას, — რომელიც იყო დაყენებული შემდეგ მუსტაფა ლალა-ფაშისა, — ეშინოდა, გიორგი თავს არ დამეცესო და ურჩია ყვარყვარე ათაბეგის პირით, რომ გალაშქრებულიყო ქართლის მეფის სიმონის წინააღმდეგ. გიორგიმ შეჰკრიბა ჯარი, მოიწვია აგრედვე ჯარი დადიანისა და გურიელისა, დაეცა ქართლს და აიკლო იქაურობა.

შემდეგ გიორგი დადიანისა, რომელიც გარდაიცვალა 1581 წ., მის მემკვიდრედ შეიქმნა მისი ძმა მამია. გიორგი გურიელმა, რომელსაც ძველებურად სძაგდა მამიას წინაპარნი და ოჯახი, მოიტაცა ლევანი, გიორგი დადიანის შვილი, და შეპყრობილი ჰყავდა შხეფის ციხეში. ეს ყმაწვილი თავისუფლების წართმევით სასოწარკვეთილი გადავარდა ციხის მაღალ კედლიდან და იქვე სული დალია. ამ მიზეზის გამო მამია დადიანი ანაზნად დაეცა გურიელს და აიძულა გაქცეულიყო სტამბოლს, ხოლო გურიელად დასვა ვინმე ვახტანგი. გურიის მთავრის ოჯახის შვილი 1583 წ.

იმავე წელს მეფე გიორგიმ დაატუსალა ძმა თვისი კონსტანტინე და შვილი მისი როსტომი. რადგან მისი შვილი ლევანი ჯერ მცირე წლოვანი იყო, მეფეს ექვი ჰქონდა კონსტანტინესა და იმის შვილზე, ლევანს გვირგვინი არ წაართვანო. მას შემდეგ რამდენსამე ხანს მშვიდობიანობა დამყარდა ამ მხარეში. მეფე გიორგი გარდაიცვალა 1585 წ.

გიორგის შემდეგ ვამეფდა 12 წლის ლევანი. მან განათავისუფლა ბიძა თვისი კონსტანტინე შვილითურთ, რომელთაც დაიფლეს იმერეთის აღმოსავლეთი ნაწილი მდ. რიონის გაღმა. 1586 წ. მეფემ შეირთო ლევან დადიანის ქალი მარეხი და დაუწყო ომი კონსტანტინეს, წაართვა სკანდისა და კაცხის ციხეები და მთელი არგვეთის მხარე; მიუჩინა კონსტანტინეს შესაფერი საუფლისწულო და მით დაამშვიდა მხარე. შემდეგს წელს ვახტანგ გურიელი გარდაიცვალა და გიორგი II-მ დაიჭირა ხელახლად გურია თათრების შემწეობით.

კონსტანტინე რომ გარდაიცვალა, საქართველოს მეფემ, სიმონმა, გაიხსენა სიავე და ცუდი ყოფა-ქცევა ლევანის მამისა, — რომელმაც დიდი უკმაყოფილება გამოიწვია იმერეთში, — ისარგებლა ლევანის სიყმაწვილით, მიიმხრო თავისკენ ზოგიერთი იმერლები და გაილაშქრა იმერეთზე. ლევანმა შეპყრობა ჯარი, ხოლო დადიანმა და გურიელმა დახმარებაზე უარი შეუთვალეს. იმერლებმა დაიბანაკეს ჩხარულას პირზე,

გოფანთოში, და როგორც კი მოახლოვდა სიმონი, დაეცნენ თავსა, მაგრამ ძლიერ დამარცხდნენ 1588 წ.

ლევანმა შეაფარა თავი ღეჩხუშში, ხოლო მთელი იმერეთი დაიფლო გამარჯვებულმა სიმონ მეფემ. როცა სიმონი დაბრუნდა ქართლში, ლევანი ისევ შევიდა თავის სამეფოში, დაუწყო ომი მამია დადიანს, რომელიც მოადგა ქუთაისს, ომში დაამარცხა და 1520 წ. წაიყვანა ტყვედ მეფე ლევანი. იმავე წელს საბრალლო მეფე გარდაიცვალა ოდიშს შხეფის ციხეში.

რადგან ლევანი უშვილოდ გარდაეგო, იმერლებმა დასვეს ტახტზე როსტომი, შვილი ზემოხსენებულის კონსტანტინესი, რომლის დროსაც დიდი არეულობა მოჰხდა.

მამია დადიანის შემდეგ დადიანობდა ძმა მისი მანუჩარ I, რომელმაც შეირთო კახეთის მეფის ალექსანდრეს ასული ნესტან დარეჯანი და მიიღო დიდებული მზითევი. თუ ვერწმუნებით შაჰ-აბაზ I-ს სიტყვებს, მოხსენებულს ერთს მის სიგელში, ეს მზითევი შესდგებოდა იმ ნივთებისაგან, რომელიც გაუგზავნა მან საჩუქრად მეფე ალექსანდრეს, როცა შაჰ-აბაზმა განიზრახა იმის ქალის შერთვა. ვახუშტი სწერს, რომ დადიანის ქორწინება მოჰხდაო 1591 წ., მაგრამ იმ საბუთებიდან, რომელიც არის დაცული რუსეთის არხივში, სჩანს, რომ ეს ქორწინება მოჰხდა უფრო გვიან, 1596 წ. ერთის წლის შემდეგ დედოფალი დარეჯანი გარდაიცვალა და დასტოვა შვილი ლევანი, რომელიც შეიქმნა შემდეგში სახელ-განთქმულ დადიანად ლევან მე II-ს სახელ-წოდებით.

გიორგი გურიელი ემტერებოდა მეფე როსტომს, შეეარდა იმერეთში და აიძულა გაქცეულიყო იქიდან. გიორგი გურიელმა ჩააბარა იმერეთი თეიმურაზ მეფის შვილს, ბაგრატს, რომელიც იყო ბაგრატ მე-III-ს ბიძაშვილის ძე. გურიელმა დაიჭირა მხოლოდ საჩინოს მხარე და საბეკის ციხე, რომელიც ჩააბარა ჩიჯავაძეს.

ამავე წელს სიმონ მეფე მეორედ შევიდა იმერეთში, აიღო ქუთაისი და თან წაიყვანა ბაგრატი.

უკიდურეს მდგომარეობაში მყოფი როსტომ მეფე შეევედრა მანუჩარ დადიანს შემწეობა აღმოძიხინეო. მანუჩარმა შეჰპირბა ჯარი, დაიჭირა იმერეთი და ჩააბარა მეფეს. ეს რომ შეიტყო სიმონ მეფემ, მესამედ დაეცა იმერეთს უფრო დიდძალის ჯარით და დიდის ზარბაზნებით. სიმონს მიემხრო ზოგი ნაწილი იმერლებისა, რომელთა შემწეობით მან დაიკავა ყოველად მაგარი ციხეები და ქუთაისი და აიძულა როსტომი წასულიყო სამეგრელოს. რადგანაც როსტომი ერთად ერთი მემკვიდრე იყო მეფის შთამომავლობისა, სიმონი გამოევიდა და სურდა იმის შეპყრობა. სიმონმა არ შეისმინა დადიანის რჩევა შერიგების შესახებ, ოფიშკვითში შეებრძოლა როსტომსა და დადიანს, სრულიად დაიმედებული, რომ გაიმარჯვებდა, მაგრამ იმედი არ გაუმართლდა. დადიანი დიდად განრისხებული იყო სიმონის ამაყობით, შეჰპირბა რიცხვ-მრავალი ჯარი და სრულიად დაამარცხა მეფე სიმონი. აზობენ, რომ სიმონს ორი ცხენი ჰყავდა: თალავანი და შურდანი. როცა მეფეს გამარჯვების იმედი ჰქონდა, შეჯდებოდა თალავანზე, ხოლო როცა არა, შურდანზეო. რადგან იგრძნო, რომ ვერ გაიმარჯვებდა, უბრძანა მოეყვანათ შურდანი; იმიტომ რომ პირველ შეტაკებიდანვე აღმოჩნდა, რომ ომი წაგებული იყო. სიმონის წინაღობობაც მალე გამართლდა. ქართლები ველარ გაუმაგრდნენ მტერს და სიმონ მეფემ ძლივს მოასწრო ქართლში გაქცევა 1590 წ. დადიანს დარჩა ზარბაზნები, რომლითაც დაამშვენა თავისი სამყოფი ქალაქი ზუგდიდი და რუხის ციხე. მთელი იმერეთი დაემორჩილა როსტომს და მშვილობა დამყარდა მებრძოლ დასთა შორის.

შემდეგს წელს მამია გურიელმა დაამარცხა და განდევნა აფხაზთა ჯარი, რომელიც ზღვით მოვიდა გურიაში.

როსტომ მეფემ შეირთო 1597 წ. მანუჩარ ათაბეგის ქალი თინათინ, რომლისაგანაც შვილი არ ჰყოლია. ხოლო მა-

ნუჩარ დადიანმა პირველის ცოლის სიკვდილს შემდეგ შეერთო თამარი, ათაბეგის ქალი და ვახტანგ გურიელის ქვრივი და ამავე დროს გაჰგზავნა თავისი მცირე წლოვანი შვილი ლევანი მის პაპასთან, კახეთის მეფე ალექსანდრესთან. შემდეგ ამისა მეფე როსტომი, დადიანი და გურიელი მშვიდობიანად და თანხმობით სცხოვრობდნენ. გურიელი გარდაიცვალა 1600 წ. დადიანმა რომ შეიტყო ავი ყოფა-ქცევა კახეთის ბატონიშვილის დავითისა, — რომელმაც გადაადგო ტახტიდან მამა თვისი 1603 წ., — წამოიყვანა ზემოხსენებული შვილი ლევანი, რომელიც მაშინ 13 წლისა იყო, როგორც ვახუშტი გვარწმუნებს, ხოლო ზემოხსენებულ ანგარიშით, ის უნდა ყოფილიყოს 8 წლისა. როსტომი გარდაიცვალა 1605 წ. დედოფალმა თინათინმა იცოცხლა მას შემდეგ ხუთი წელი.

როსტომის შემდეგ გამეფდა მისის ძმის, კონსტანტინეს, უკანონო შვილი გიორგი III, რადგან სხვა მემკვიდრე მეფის შთამომავლობისა აღარავინ იყო. ის ეკურთხა მეფედ ქუთაისში და იმეფა რამდენსამე ხანს მშვიდობიანად.

რადგან ამ დროს ღიდი არეულობა იყო ამ მხარეში და ძლიერ გავრცელდა კაცის კვლა, ცოლ-ქმართა განშორება, ტყვეების საიდუმლო გაყიდვა, ქართლის კათალიკოსი მალაქია და აფხაზეთისა ევდემონი და ეპისკოპოზნი: ქუთათელი სვიმონ, გენათელი ანტონ, ჭყონდიდელი, ბედიისა, მოქვისა, დრანდისა — ფილიპე, ცაგერისა — კოზმან, ხონისა — ზაქარია, ნიკორწმინდისა — იოაკიმე და ცაიშისა — კვირიკე, შეკრბენ და დაადგინეს წეს-რიგი და სასჯელი ყველა ამ დანაშაულობათათვის. სამწუხაროდ, არ ვიცით ნამდვილად, რა დროს მოჰხდა ეს კრება, რადგანაც არაა გამორკვეული, რა დროს სცხოვრობდნენ ეს სასულიერო კაცნი. ჩვენ ვიცით მხოლოდ, რომ აფხაზეთის კათალიკოზი ევდემონ გარდაიცვალა 1578 წ. ღ მალაქიამ დაიწყო პატრიარქობა ქართლში მეფე გიორგი მე-X-ს დროს, მასასადამე, იმისა და ევდემონის ერთად შეყრა საეჭვოდ უნდა მივიჩნიოთ.

მამია გურიელმა დაიჭირა აქარა და გასწყვიტა იქ მყოფნი ოსმალნი 1609 წ. მანუჩარ დადიანი გარდაიცვალა 1611 წელს შემდეგის ახირებულის შემთხვევის გამო: ნადირობის დროს გამოეკიდა ირმებს, რომელთაც ისე დაბეჭეს და დაამტვრიეს, რომ ველარ მორჩა. ეს ამბავი მართლდება აგრედვე დადიანის მოხელე დომენტის ჩვენებით, რომელიც მან მოახსენა რუსის დესპანს ელჩინს 1639 წ. ხოლო ილორის ეკკლესიის ხატზე წარწერა მანუჩარის სიკვდილს მიაწერს შემთხვევით მის ცხენის შეტაკებას ვილაც ფარუხა გოშანარის ცხენთან.

იმის მაგიერ დაჯდა შვილი მისი ლევან მე-II და იმასავით დიდი მარცხი შეემთხვა, ცხენიდან გადმოვარდა ნადირობის დროს.

ლუარსაბ და თეიმურაზ მეფეებმა, რომელთაც სდევნიდა შაჰ-აბაზი, იმერეთში მყოფრო საფარი მოიპოვეს. 1615 წ. შაჰ-აბაზი ამაყად და უზრდელად თხოულობდა მათ გაცემას. მეფე გიორგი დაეკითხა დადიანს და გურიელს და დიდის რიხით უარი შეუთვალა; თავის მხრით გაუგზავნა შაჰს ქართლის კათალიკოზი მალაქია და თავადი აბაშიძე სათხოვნელად, რომ დაებრუნებინა უბედურ მეფეთათვის მათი სამფლობელო. შაჰმა, რასაკვირველია, გადაჭრილი უარი შემოუთვალა. ლუარსაბი მოსტყუვდა შაჰის მიერ დაიმედებით და გამოეცხადა მას. სპარსეთის ისტორიკოსი გვარწმუნებს, რომ ლუარსაბს ეშინოდა, გიორგიმ არ წამართვას ქართლის გვირგვინი თავის შვილისათვისაო ხოლო თეიმურაზი წავიდა კახეთში ჯარით. იმერეთის მეფემ, დადიანმა და გურიელმა დაულოცეს გზა. მეფე დამარცხდა და იძულებული შეიქმნა ხელმეორედ გადასულიყო იმერეთში 1616 წ.; მეფემ და მთავრებმა თეიმურაზს ახლაც დიდი მასპინძლობა გაუწიეს.

ამასობაში ვინმე დაფეხვილი, კუტი პაატა წულუკიძე, რომელსაც მეტ სახელად „წუწკს“ ეძახდნენ, განუდგა მეფე გიორგის და მიენდო ლევან დადიანს, რომელიც ცბიერი,

ავი და შურის მაძიებელი კაცი იყო. პაატა წულუკიძის შეგონებით, დადიანი წინააღმდეგ თავის ხელმწიფესა და მით მრავალი უსიამოვნება და უბედურობა გამოიწვია. 1618 წ. მეფემ შერთო თავის შვილს ალექსანდრეს მამია გურიელის ქალი თამარი, რომელსაც ეყოლა შვილი ბაგრატი და რომელიც მალე გაისტუმრა შვილითურთ მამის სახლში მისმა მეუღლემ, რადგან ექვი აიღო თავის ცოლზედ. ამნაირის შეურაცხყოფით განრისხებული გურიელი შეუერთდა დადიანს და თავის შვილს სვიმონს ცოლად შერთო დადიანის და მარიამი, რომელიც ათაბეგის სახლის შვილი იყო. დადიანი, რომელმაც დაიახლოვა აფხაზნი, ჯიქნი და სვანები, სცდილობდა გურიელთან დამეგობრებას და ამის შემთხვევაც აგერ კარს შიადგა. ქორწინება მოჰხდა 1621 წ.

1617 (ანუ 1618) წ. სამეგრელოში იყო მიწის ძვრა, რომლისაგანაც დაიქცა საძირკვლამდე ცაიშის საეპისკოპოსო ტაძარი და გაღაფანი. ეს უბედური შემთხვევა მოხსენებულია ხატების წარწერაში მაშინდელ ეპისკოპოსის მალაქიას სახელით, რომელიც იყო მღვდელ-მთავარი გურიელის მთავრის გვარისა წარწერაში მოგვითხრობს, რამდენი შრომა და ხარჯი გავსწიე ეკლესიის განახლებისათვისაო; მოგვითხრობს აგრედვე იმასაც, რომ აფხაზეთის კათალიკოზად ვეკურთხე 1619 წ., როგორც სჩანს, ზემოხსენებულ უბედურობის ახლო ხანებში.

დადიანისა და გურიელის დამეგობრებამ მეფე გიორგი ძლიერ დააღონა; ბევრს ხანს აღარ დააყოვნა და ომი აუტეხა მოკავშირეთა. შევიდა ვაკის მხარეს, გოჭოურის მაზრაში, და აიძულა დადიანი მისის მოკავშირეებითურთ ომი დაეწყათ. ბედმა უმტყუნა მეფეს და საჩქაროდ უკან დაიხია. დადიანს დიდი ნადავლი დარჩა; თან წაიყვანა მრავალი ტყვე, რომელთა გამოხსნაც ძალიან ძვირად დაუჯდა მეფეს. თუ ვერწმუნებით ილორის ეკლესიის ხატზე წარწერილს, ზემოხსენებული ომი მოჰხდა ოლასკერის გაღმა, ახალ-სოფელში. სამეფო

დროშა დარჩა დადიანს, რომელმაც ეს დროშა გაჰგზავნა წალენჯიხის ეკლესიაში.

1625 წ. სიმონმა ჩაიდინა საზიზლარი კაცის კვლა: მან მოჰკლა მძინარე მამა თვისი, მამია გურიელი. ლევან დადიანმა მოსთხოვა დაუყოვნებლივ, ჩემი და მარიამი გამოჰგზავნეო. რადგან სიმონმა უარი შემოუთვალა, მოჰხდა ომი ლანჩხუთში. დადიანმა დაამარცხა გურიელი, დაატყვევა და დასთხარა თვალები, ხოლო მთავრობა დაულოცა მის ნათესავს ქაიხოსროს, ვახტანგ გურიელის შვილს. სიმონ გურიელის მეუღლე, სახელგანთქმული მარიამი დაბრუნდა სამეგრელოში და, როგორც ქართლის ისტორიაში მოვიხსენიეთ, როსტომ მეფეს გაჰყვა ცოლად. სიმონი დადიანმა განათავისუფლა ერთის წლის ტყვეობის შემდეგ; სიმონი სტამბოლის გზით წავიდა იერუსალიმში, შედგა იქ ბერად, იცოცხლა ღრმა მოხუცებამდე და 1672 წ. კიდევ ჰქონდა მიწერ მოწერა თავის ცოლად ნამყოფთან, სათნო დედოფალ მარიამთან.

იმ ხანად დიდი მოურავი გაღმოვიდა ქართლიდან, გარდმოვლო საათაბაგო და იმერეთში შემოვიდა. მეფემ კარგად მიიღო, მისცა ჯარი სპარსთა დასამარცხებლად, მაგრამ მოურავს ბედმა უმტყუნა, თვითონაც დამარცხდა და მეფეც დააზარალა.

1692 წ. მეფე გიორგიმ შეჰრთო თავისს შვილს ალექსანდრეს ნესტან-დარეჯანი, თეიმურაზ მეფის ქალი, რომელიც წინად მიათხოვეს არაგვის ერისთავს ზურაბს. ქორწინება მუხრანში გადაიხადეს.

ლევან დადიანი დაეცა აფხაზებს ხუფუს, ეხლანდელს სოუქსუში, სადაც თავადნი შარვაშიძენი იმყოფებოდნენ, ააოხრა მხარე მუწუხ-წყალსა და კაპოეტის წყალს გაღმა და გამარჯვებული დაბრუნდა. დადიანმა განდევნა აკრედვე უცხო ქვეყნების მეკობრენი (პირატები), კაზაკები და ჯიქები, რომელნიც მუდამ აწუხებდნენ სამეგრელოს ნაპირებს. გურიელის შემწეობით ლევანმა განავრცელა და გაამაგრა თავისი

სამფლობელო. ხშირად ესხმოდა თავს იმერლებს, უფრო დღესასწაულს დღეებში, იტაცებდა ტყვეებს და ყოველ წლივ ათასობით ჰყიდდა თათრებში. ამ სახით, ლევან დადიანი დასავლეთ საქართველოში ყველაზე მდიდარი და საშიში მფლობელი შეიქმნა.

1632 წ. როსტომ-ხანმა, როგორც კი ქართლის სამეფო ტახტზე დამკვიდრდა, მოციქული გამოუგზავნა დადიანს, რომ მიეთხოვებინა მისთვის თავისი და მარიამი, რომელიც სიმონ გურიელს ჰყავდა ცოლად. დადიანი დასთანხმდა. როსტომი საცოლოს მისაგებებლად გაემგზავრა ჯარით სამხრეთ იმერეთისაკენ. დადიანი თავის მხრით მიეგება სასიძოს, განვლო სამიქელაოს ვაკე და გავიდა რიონში; ჩააბარა მეფეს საცოლო მდიდარის მზითვით, რომლის სია დღემდის დაცულია.

მეფე გიორგიმ იფიქრა, ახლა მაქვს დრო ლევან დადიანის ჯავრის ამოსაყრელად, ჩავსაფრა გზაში და ჯარით უდარაჯებდა ბაღდადთან. დადიანმა შეიტყო მეფის განზრახვა და ერთი ნაწილი თავის ჯარისა გაჰგზავნა მეფესთან საომრად. ამ ჯარმა უკანიდან შემოუარა მეფე გიორგის, დაატყვევა და მიჰგვარა ლევანს. სპარსეთის შაჰმა, რომელიც სპარსეთის გავლენას აძლიერებდა, საჩუქრად გამოუგზავნა ლევან დადიანს ათასი თავრიზული თუმანი (40 ათასი მანეთი). მადლობის გადასახდელად ლევანმა გაჰგზავნა ელჩი სპარსეთში. მეფე გიორგის ახლდნენ მისი შვილები: მამუკა და ალექსანდრე და სიმამრი მეფე თეიმურაზი, რომელთაც ომში მონაწილეობა მიიღეს და დამარცხების შემდეგ თავს უშველეს მით, რომ გაიქცნენ. სამეფო დროშაც დადიანს ჩაუვარდა ხელში. დროშას ჰქონდა გაკეთებული თავზედ ბროლის ჯვარი, რომელშიაც სჩანდა ღვთის-მშობლის ხატი. ალექსანდრე იძულებული იყო თავის მამის დასახსნელად მიეცა დადიანისთვის სომხები და ურიები, რომელნიც ვაჭრობდნენ ჩხარსა და ჩიხორში. ლევანმა დაასახლა ისინი რუხის ციხის მიდამოთა შორის, იქ, საცა ხალხი გადიოდა და გამოდიოდა ენგურის მდინარე-

ში. უბედურმა მეფე გიორგიმ ვერ აიტანა ამისთანა მძიმე შეურაცხყოფა და გარდაიცვალა ზამთარში 1638—39 წ. მას დარჩა სამი ვაჟი: ალექსანდრე, მამუკა და ბერი.

იმის მეფობის დროს დაწყებულ იქნა მიწერ-მოწერა რუსეთსა და დასავლეთ საქართველოს მეფეთა შორის. მეფე თეიმურაზმა იმერეთში ყოფნის დროს გაჰკზავნა ქურმეტის ღვთის-მშობლის მონასტრის არხიმანდრიტი ხარიტონი, რომელიც მივიდა მოსკოვს 1619 წ. მან მიიტანა იქ ქალაქები თეიმურაზისა, იმერეთის მეფის გიორგისა და გურიის მეფის მამიასი — ასე უწოდებს თავის თავს მამია რუსეთს გაგზავნილ ქალაქებში. — ისინი უცხადებდნენ მეფე მიხეილ თეოდორეს ძეს სურვილს საუკუნოდ ქვეშევრდომობისას; ლევან დადიანმა ვერ მოასწრო ამ ქალაქებთან ერთად გაეგზავნა თავის მხრითაც წერილი. მეფე მიხეილ თეოდორეს ძემ დაითხოვა ხარიტონი აპრილში 1621 წ. და თან გამოატანა გრამოტები მეფე გიორგისთან და გურიელთან. რუსეთის მეფე სწერდა მეფე გიორგის, რომ მიმიღიხარ ჩემს მფარველობის ქვეშეო. ვიშუამდგომლებ შენდა სასარგებლოდ შაჰის წინაშეო, ხოლო გურიის მეფეს არწმუნებდა, რომ კეთილის-მყოფელად მიგულეო და უთვლიდა, ორსავე მეჟეს ჩემის მხრით ელჩებს გამოგზავნიოთ. შემდეგში დავინახავთ, რა ნაყოფი მოჰყვა ამ მიწერ-მოწერას.

მეფე გიორგის შვილი ალექსანდრე ეკურთხა მეფედ ქუთაისში. ლევან დადიანი ადრინდელად თავს ესხმოდა იმერეთს დღესასწაულ დღეებში; იცოდა, რომ იმერლები საუფლო და სადღესასწაულო დღეებში უფრო ძნელად დაინძრვიან და სამსახურშიც ისე მუყაითნი არ არიანო. ამ მიზეზის გამო ალექსანდრემ დიდად გაამაგრა ქუთაისი და იქ ჰყავდა თავ-შეფარებული იმერეთის დიდებულნი თავიანთ ოჯახებით. ამით ალექსანდრეს სურდა არ მიეცა დიდებულებისათვის საშუალება დადიანის მხარეზედ გადასულიყვნენ, თუნდ კიდევ განებრახათ. დადიანმა ააშენა სამეგრელოში თორმეტი სასა-

ხლე, მოწყობილი ყოველისავე საჭირო ავეჯითა, რომ ადვილად შესაძლებელი ყოფილიყო ერთის ადგილიდან მეორეზე გადასვლა; მის მართებლობას ხალხი ისეთს პატივს სცემდა, რომ ოქროსა და ვერცხლის ფიალები, რომელნიც მისის განკარგულებით ყოველ წყაროსთან მგზავრის სახმარებლად ძეწკვით იყვნენ დაკიდებულნი, არც ერთი არ მოუპარავთ. მაგრამ ხსენება მისი შებღალული არის საზიზღარის ბოროტ-მოქმედობით. სიყმაწვილეში ჰყავდა ცოლად აფხაზეთის მთავრის ქალი, — რომელიც ზემოხსენებულს წუწკს (წულუკიძეს) სძულდა. თავის მხრით, ალბად, იმ ქალსაც სძაგდა წუწკი. ამ ქალს ბრალი დასდეს, ცუდის ყოფა-ქცევისა არისო; დადიანმა დაამახინჯა საცოდავი და დაუბრუნა ნათესაეებს, ხოლო შეწამებული მისი მოარშიყე მიაკვრევინა ზარბაზნის ტუჩზედ და უმოწყალოდ დააგლეჯინა. ამ ნაირივე უბედურება მიაყენა თავის ძმას იესეს, რომელსაც ლევანის წინააღმდეგ შეთქმულობა შესწამეს. იესეს თვალები დასთხარეს. შემდეგ ამისა ლევან დადიანმა გაილაშქრა აფხაზებზე 1629 წ. ამ ხანებში მან მოსტაცა თავის ბიძას, გიორგი ლიპარტიანს, ცოლი, განთქმული ნესტან-დარეჯანი, ქილაძის ასული, და შეირთო 1628 წ. საბრალო გიორგი შემდეგ ორმოცის დღის გლოვისა საყვარელ ცოლისათვის, რამდენსამე ხანს უკან ჯავრით გარდაიცვალა. ამბობენ, რომ დარეჯანმა მოაწამლვინა ორი ვაჟი ლევანისა, დაბადებული აფხაზეთის ბატონის ასულისაგან, რადგან განიზრახა დაემტკიცებინა დადიანობა თვისისა და ლევანის უკანონო შვილის ვამეყისათვისაო. ნესტან-დარეჯანს ეყოლა ორი ვაჟი: ალექსანდრე და მანუჩარი, და ორი ქალი: გულ და ზირა ანუ ზილიხანი. ყველა მისი შვილები სუსტის აგებულებისანი იყვნენ; ვაჟები-კი დამბლად-დაცემულნიცა. ალექსანდრემ შეირთო გურიელის ქალი და გარდაიცვალა ერთის წლის შემდეგ. მანუჩარის და გულის თავ-გადასავალისა არა ვიცით-რა. ზილიხანი მიათხოვეს იმერეთის მეფის ალექსანდრეს უფროს ვაჟს. ამ სახით, სამეგრე-

ლოს მრისხანე მფლობელს არ დარჩენია პირდაპირი მემკვიდრე. ცოდვების შესანდობლად და მოსანანიებლად ლევანმა შესწირა ბიჭვინთის ღვთის-მშობლის ეკკლესიას რამდენიმე კომლი კაცი და ადგილები, რომელიც მოხსენებულა ხატების წარწერებსა და სხვა სიგელებში. ნამდვილად ვიცით, რომ დარეჯანი გარდაიცვალა პირველ ივნისს 1638 წ. ლევანი პატრისა სცემდა დარეჯანს და იმის სახელის მოსახსენებლად შესწირა სხვა და სხვა ეკკლესიებსა და ხატებს ძვირფასნი სამკაულნი, რომელნიც არიან მოხსენებულნი სხვა და სხვა წარწერაში 1640 წ. და შემდეგ წლებში. 1645 წ. ლევან დადიანმა, რომელიც განხორციელებული ეშმაკი იყო, გაილაშქრა დიდის ჯარით ქუთაისის ასაღებად. წარწერაში, რომელიც დღემდის დაცულია, ლევანი იხსენიებს, რომ იმერთის დედა-ქალაქი დაცული იყო, გარდა იმერთა და სვანთა, ვინმე საფარ-ფაშის ჯარითაო¹⁾), რომელიც ციხის კედლებსა და ტაძრის შუა იყო ჩაყენებული. ლევანი ღამე იერიშით მიაღდა ეკკლესიის გაღავანს, აიღო გაღვანნი, დაუშინა ზარბაზნები და თოფები ორს ქვეთკირის შენობას, სადაც თავი ჰქონდა შეფარებული მტერს. აიღო ის შენობებიც შემდეგ სასტიკის ბრძოლისა. მერე დაეშვა ქვევით რიონისკენ და დაეცა ქვემო ქალაქის ნაწილს. მან დაანგრია ზარბაზნებით ახლად აშენებული მეფის სასახლე და გადაარცვა ახლო-მახლო მდებარე სოფლები.

ლევან დადიანმა ერთ კვირას დაასვენა თავისი ჯარი ჯიხურას და შემდეგ მეორედ დაეცა ქუთაისს, სადაც მრავალი დავლა იშოვნა და მოიტაცა უწინდელზე ბევრად უფრო მეტი ტყვე. შემდეგ წლის თებერვალს ხელ-ახლა დაეცა იმერთს, დასწვა აჯამეთში მეფის სასახლე, გადაჰბუგა და ააოხრა

1) ათაბეგი საფარ-ფაშა გარდაიცვალა 1635 წ. მაშასადამე, ან ეს ომი ადრე უნდა მომხდარიყოს და ან ზემოხსენებული საფარ-ფაშა ათაბეგი არ ყოფილა.

მთელი არგვეთის მხარე, დაბა ჭალა-ტყეს აქეთკენ მდებარე. ააოხრა გოფინთო, ფხეიძეების მამული და გავიდა რიონში, ბალახვანთან, ქუთაისის ქვემოლ, მტრის თვალ წინ. ლევანმა წაიღო თან აუარებელი დავლა.

1647 წ. მეფე ალაქსანდრეს ძმა, მამუკა, რომელიც ლამაზი და მამაცი კაცი იყო — შეებრძოლა მტერს, რამდენჯერმე დაამარცხა ისინი და ჰხოცდა და ტყვედ მოჰყავდა მეგრელები ას-ასობით. ბოლოს ლევანმა გაიგო, რა ადგილს იღვა მამუკა თავის ჯარით და შეება. საუბედუროდ, მეფე ალექსანდრემ დაიტოვა მამუკას საყვარელი წაბლის ფერი ცხენი. გაცხარებულ ომში მამუკას ცხენმა წაიფორხილა და მამუკა ცხენიდან გადმოვარდა. მეგრელები მაშინვე ეცნენ და სიხარულითა და კიჟინის ცემით მიჰგვარეს ლევანს, რომელმაც საპყრობილეში ჩასვა, სადაც ძლიერ სასტიკად ეპყრობოდნენ. ლევანს სძულდა მამუკა, მარტო იმისთვის კი არა, რომ აწუხებდა სამეგრელოს, არამედ უფრო იმისათვის, რომ მამუკამ უარ-ჰყო მისის ქალის შერთვა, რადგან თავ. ჩხეიძის ქალი ჰყავდა დანიშნული. ისტორიკოსი ფარსადან გორგიჯანიძე მოგვითხრობს, რომ ქართლის ზოგაერთმა დიდებულმა ურჩია ღრმად მოხუცებულ როსტომს, — რომელიც ახლად შემოსული იყო საქართველოში, — დაჰნიშნე შენს მემკვიდრედ იმერეთის უფლისწულიო და, რადგანაც ძალიან ჩქარობდნენ ამ მემკვიდრის მიწოდებას, განიზრახეს მეფის მოკვლა. როსტომმა სიფრთხილის გამო ისე მოაჩვენა თავი, ვითომც არა ვიცი რა მაგ საზიზღარის განზრახვისაო და ურჩია მამუკას, ახალციხეს გადადი, საფარ-ფაშასთანაო. რასაკვირველია, ამ შემთხვევამ შეარყია მეგობრობა იმერეთისა და საქართველოს მეფეთა შორის, ხოლო დადიანის დის შერთვა როსტომის მიერ ისეთი გარემოება იყო, რომელიც უფრო ამწვევებდა მათს ურთიერთობას.

ამ ნაირ შევიწროებულს მდგომარეობაში მეფე ალექსანდრე მიიქცა მეფე ალექსი მიხეილის ძესთან მფარველობის

სათხოვენელად და გაჰგზავნა რუსეთში თავადი ხოსია ჯათარძე. ლევანმა ამ შემთხვევაშიაც დაასწრო და საქმე ჩაუშალა.

მეფე თეიმურაზს, — არ ვიცით, რა მიზეზის გამო, არ ჰქონდა მეგობრობა დადიანთან. თავის წერილში 25 აპრილს 1639 წ. თეიმურაზი ამტკიცებს, რომ მაშინაც ლევანს ჰქონდა მიწერ-მოწერა რუსეთის მეფესთანაო და აგვიწერს მის მოქმედებას ძალიან ცუდის მხრით. მართლაც, ლევანმა მეუღლის შეგონებით, რომელსაც მოსწონდა ყოველივე რუსებისა, გაჰგზავნა ელჩად რუსეთის მეფესთან მღვდელი გაბრიელი 1636 წ. იენისში. ვიდრე ამ ამბავს აუწყებდნენ თარკის მოაურავს რომადანოვსკის, მანამ ის მიიღებდა უმაღლესად ბრძანებას, ამ უცხო ქვეყნის სტუმარს შეეგებეო, მანამ მიტროპოლიტი ნიკიფორე, რომელიც მაშინ მოსკოვში იყო მეფე თეიმურაზისაგან გაგზავნილი, — დაბრუნდებოდა, გაიარა კარგა ხანმა და გაპრიელი ჩავიდა მოსკოვს მხოლოდ 16 ნოემბერს 1638 წ. მეფემ აუდენცია დაუნიშნა და მიიღო გაგზავნილი კაცი 12 დეკემბერს. ელჩმა გამოუცხადა მეფეს, რომ ლევან დადიანს სურვილი აქვს თქვენს სამსახურში იყოს ისე, როგორც სხვანი, თქვენის უდიდებულესობის მონანიო. ელჩი-მღვდელი არწმუნებდა მეფეს, რომ დადიანის ტიტული ხალხში არის „ხანტიპი“, ე. ი. ანტიპი ანუ ანტიპატრიკი, რომ სამთა მფლობელთა შორის, რომელთაც უჭირავთ ეხლა საქართველო, ლევანი ყველაზე უძლიერესიაო, რომ ის არავის ხარკს არ აძლევს და მის სამთავროში 5 ქვითკირის ქალაქია, გარდა სამზღვრებზე გაშენებულ ციხეებისაო. გაბრიელმა სთხოვა აგრედვე მეფეს, ბრძანება გაეცით, რომ კახაკები აღარ დაეცნენ ხოლმე სამეგრელოს ზღვის პირს, რადგან ამით ისპობოდა ყოველივე ვაჭრობა თაარებთან და სამეგრელოში ვეღარ შემოჰქონდათ ვერც მარლილი და ვერც სხვა საქირო საქონელი. მეფე დასთანხმდა მიეღო თავის მთავრობის ქვეშ ლევანი და მიანდო ელჩს ფედოტ ელჩინს, წასულიყო სამეგრელოში, თან წაეყვანა მღვდელი პავლე ზა-

ხარივე, დაეფიცებინა ლევანი და გარდაეცა მისთვის მეფის ბრძანება და საჩუქრები — სახლის ავეჯეულობა, რომელიც ეთხოვნა ლევანს. ელჩინი და გაბრიელი გამოვიდნენ მოსკოვიდან 2 ივნისს 1639 წ. გაბრიელი მოვიდა არაგვის ერისთავის სამფლობელოში ოქტომბრის დამლევს და იქიდან რამდენისამე დღის შემდეგ — სამეგრელოში. ლევან დიდი მგლოვიარე იყო ამ დროს, მოეპარსა ულვაშები და წვერი მეუღლის გარდაცვალების გამო და ძაძით შემოსილიყო. მეუღლე მისი გარდაცვალებულიყო 1 ივლისს. ეს დაიხვია ხელზედ და არ მიიღო ელჩინი; არ მიიღო კიდევ იმიტომ, რომ უკმაყოფილო იყო, ამდენს ხანს რად გააჩერეს ჩემი ელჩი რუსეთშიო. სამეგრელოს დიდებულთ დაჰყავდათ ელჩინი სხვა და სხვა ეკლესიებისა და მონასტრების სანახავად. ელჩინის აღწერილობაში, სამწუხაროდ, არ არის მოხსენებული ყველა ეკლესიისა და მონასტრის სახელი დაწვრილებით. ელჩინის სამეგრელოში ყოფნის დროს იქ იმყოფებოდა ერთი სპარსელი, ბაირამ ყული, რომელიც ხუთის წლის წინად ჩამოსულიყო. ის იყო უთუოდ იმ დროს მოსული, როცა მარიამი მიათხოვეს მეფე როსტომს დადიანს ჰქონდა ხანდისხან შაჰთან მიწერ-მოწერა და იღებდა მისგან ყოველ-წლივ ათას თუმნობით.

პირველ იანვარს 1640 წ. ელჩინმა მიიღო დადიანისაგან სხვა და სხვა წვრი ღმანი საჩუქარი; ელჩინს მაინც კიდევ ატარებდნენ სხვა და სხვა მონასტერში 23 აპრილამდე, როცა დანიშნული იყო ელჩინის სადარბაზოდ მიღება სოფელ ჯიხურში, სადაც წაკითხულ იქმნა მეფის ღრამატა, ხოლო დადიანის მიერ ფიცი ერთგულობისათვის არსად არ არის მოხსენებული ამ დროის საბუთებში. 18 მაისს ელჩინი გამოესალმა ლევანს და მოვიდა მოსკოვს 4 დეკემბერს 1640 წ. მისი აღწერილობა ძლიერ საყურადღებოა მაშინდელ სამეგრელოს ცხოვრების შესწავლისათვის. 1646 წ. რუსეთში გაგზავნილ იქმნა შესაწირავის მოსაგროვებლად ხოპის მონას-

ტრის მიტროპოლიტი. ამავე წელს მეფე ალექსი მიხეილის ძემ გამოჰგზავნა საქართველოში თავისი ელჩი ათანასე ბობორიკინი, რომელსაც ახლდა თეიმურაზის მიერ გაგზავნილი ელჩი თავადი გრიგოლ შალიკაშვილი. ორივენი დაიღუპნენ კასპიის ზღვაში.

სამის წლის შემდეგ ილუმენი ვასილი იქმნა გაგზავნილი იმერეთის მეფის ალექსანდრესაგან. ამ ელჩის შესახებ აქამდის არა გვაქვს დაწვრილებულნი ცნობანი. ზემოხსენებულიდან უნდა ვიგულისხმოთ, რომ რუსის მთავრობას შეეძლო გაცნობა სამეგრელოს საქმეების მდგომარეობისა ხოსია ჯათაროძის მისვლამდე.

შვილი-შვილის დავითის გარდაცვალების შემდეგ, მეფე თეიმურაზი ეწვია თავის სიძეს, მეფე ალექსანდრეს, და ერთი-წლის გლოვის შემდეგ, გაემგზავრა დადიანთან, რომელმაც მიიწვია. ალექსანდრემ სთხოვა, შემარიგეო დადიანსა და მამუკას გამოსყიდვაზე დაითანხმეო. დადიანმა მიიღო თეიმურაზი, როგორც ეკადრებოდა, და ალუთქვა ყოველისავე თხოვნის აღსრულება, მაგრამ წუწკმა (წულუკიძემ) შეაგონა და მან აღარ შეასრულა დაპირება. თეიმურაზმა ვერა გაარიგა-რა და მალე, დადიანის ბრძანებით, დასთხარეს თვალები მამუკას და ეს ჩინებული ყმაწვილი კაცი გარდაიცვალა 1654 წ. ჩვენ არ გვჯერა, რომ ვითომც მამუკას თავი მოეკლას, როგორც ზოგიერთნი ამტკიცებენ.

1660 წ. მეფე ალექსი მიხეილის ძემ გამოჰგზავნა იმერეთში ელჩად მეფესთან ნიკიტორე მათეს ძე ტოლჩანოვი და მასთან დიაკი ალექსი იველევნი. თან მრავალი საჩუქრებიც გამოატანა. წამოსულებმა გადმოიარეს დიგორი; რაჭის სამზღვარზე მიეგება მათ ლომ-კაცი ჯათაროძე და გიორგი არეშიძე, ქუთაისში მიაღწიეს 20 ივნისს 1651 წ. და მიღებულ იქმნენ ალექსანდრესაგან 29 ამავე თვეს წირვის დროს საკრებულო ტაძარში. ისინი ძლიერ განცვიფრებულნი იყვნენ საეკლესიო სამკაულების ბრწყინვალეობით და წირვის მშვენიერ

აღსრულებით. არა ნაკლებ განცვიფრებულნი დარჩნენ სამეფო სუფრის სამკაულითა და ქურჭლის სიმდიდრით. ეს ამბავი მით უფრო დასაჯერებელია, რომ იმ დრომდე იმერეთი თავისუფალი იყო თათართა შემოსევისა და ცარცვარბევისაგან

შემდეგ ალექსანდრე გადავიდა სკანდას, სადაც იმყოფებოდა მეფე თეიმურაზი. რუსის ელჩებმა დაათვალიერეს ქუთაისის ციხის შესანიშნავის გვირაბით გამოყვანილი წყალი, აგრედვე გელათის მონასტერი, სადაც აჩვენეს ერთი ქური, რომელშიაც ჩადიოდა 91,250 ბოთლი ღვინო, და სხვა და სხვა ადგილები.

ამ დროს მოვიდნენ ალექსანდრესთან ოსმალებისა და სპარსების ელჩები და მოსთხოვეს, რომ მიენდოს მარტო მათ მეფეებს და არა სხვას, მაგრამ ალექსანდრემ უარ-ჰყო ხონთქრისა და შაჰის ბრძანება, ამტკიცებდა, რომ მე და რუსის მეფე ერთის სარწმუნოებისანი ვართო. მეფემ გარდასწყვიტა შეეფიცნა ალექსი მიხეილის ძისათვის ერთგულობა. 14 სექტემბერს 1651 წ. მან მიიღო ფიცი მეფისა და მის მემკვიდრეების ერთგულებისათვის, როგორც თავის მხრით, ისე თავის შვილის ბაგრატის მხრითაც, რომელიც მაშინ სამეგრელოში იყო, და ძმის მამუკას სახელითაც. კათალიკოზმა მაქსიმემ, უმაღლესმა სამღვდლოებამ და ბევრმა დიდებულმა მიიღო მონაწილეობა ამ ფიცში. რადგან მეფემ წერა არ იცოდა, ამის გამო საგანგებოდ გამოქრილი იყო ამ შემთხვევისათვის ბეჭედი შემდეგის წარწერით: „მონა უფლისა მეფე ალექსანდრე გიორგის ძე, მოსამსახურე მოსკოვის დიდის ხელმწიფის ალექსი მიხეილის ძისა“. ამას გარდა, 12 დიდებულმა დაასვა თავისი ბეჭედი ამ ფიცის ფურცელზე. როგორც კი ტოლოჩანოვმა შეასრულა თავისი მინდობილება, დასტოვა ქუთაისი და გაემგზავრა რუსეთს. გზაში კიდევ ორას თუ სამას კაცს მოაწერინა ხელი. ელჩს თან გაჰყვნენ ლომ-კაცი ჯაფარიძე და არხიმანდრიტი ევდემონი. მივიდა მოსკოვს 1652

წელს. მისი აღწერილობა აღგილთა, ზნეთა და ხალხის ჩვეუ-
ლებათა ძლიერ შესანიშნავია და საინტერესო.

ზემოდ მოვიხსენეთ, რომ მეფე ალექსანდრემ თავის მეუღ-
ლესთან ერთად გაჰგზავნა თავისი შვილი ბაგრატი გურიაში; რად-
განაც დარჩა უმემკვიდროდ, მან იშვილა უმცროსი შვილის-
შვილი მეფე თეიმურაზისა გიორგი, რომელიც გარდაიცვალა
1650 — 1651 წ. შემდგომ შამუკას გარდაცვალებისა დარჩა
უკიდურეს მდგომარეობაში, მოუწოდა ბაგრატს და გამოაც-
ხადა ტახტის მემკვიდრედ.

1657 წ. სიკვდილმა იხსნა ალექსანდრე თავის საშინე-
ლის მტრის ლევანისაგან. ისტორიკოსი ფარსადან გორგიჯა-
ნიძე გვარწმუნებს, რომ დადიანმა თითონ მოიკლა თავიო-
თავის გარდაცვალებულის შვილის ჯავრით მან კეტი დაირტყა
თავშიო. არ არის ცნობილი, თუ სად დამარხეს ლევანი,
წელენჯიხის ეკლესიის აკლდამაში, რომელიც ჰქონდა მომზა-
დებული, როგორც თავისთვის, აგრედვე ცოლისა და შვილის
ალექსანდრესათვის, თუ სხვაგან სადმე. მეგრელებმა ამოირჩიეს
დადიანად ლიპარიტ მე-III-ე, ლევანის ძმის-წული. ეს არჩევანი
არ იყაბულა მეფე ალექსანდრემ, რომელიც დაეცა სამეგრელოს,
ააოხრა იქაურობა და წამოიყვანა ტყვედ ბევრი დიდებული და
ძვირად დაუსვა მათ თავის დახსნა. მეფემ დააყენა დადიანთ
ვამეყ III, რომელიც, თანახმად სიგელებისა და წარწერებისა,
შვილი იყო გიორგი ლიპარტიანისა. ზოგიერთის თქმით, ის იყო
შვილი ლევანისა და ლიპარტიანის ცოლისა. ალექსანდრემ დაი-
ჭირა ერთი ნაწილი ოდიშისა, რომელიც მდებარეობს უნა-
გერას მთის აღმოსავლეთით, ნაქალაქევის ძველ არხეოპოლის-
ზემოდ.

მაშინ ლიპარტიანმა შენწეობა სთხოვა საქართველოს მე-
ფეს როსტომს, თავის ბიძას, ათაბეგს როსტომ-ფაშას და
თავის ნათესავს ქაიხოსრო გურიელს. ჭილაძეები და მიქე-
ლაძეები შეუერთდნენ აგრედვე და ერთად დაეცნენ ვამეყს.
ქართლის მაშველი ჯარი, რომელსაც სარდლობდნენ მუხრან-

ბატონი ბახუტა და ერისთავი არაგვისა ზაალი, დაიგვიანა გზაში, რადგან სარდლებს უთანხმოება მოუხდათ ურთიერთ შორის.

მეფე ალექსანდრე თავის მხრით გავიდა ცხენის წყალს გაღმა და სასტიკი ომი ასტყდა იენისის თვეში 1658 წ. სოფ. ბანძას. ბედი შეეწია მეფის ჯარს. მეგრელები ძრიელ დამარცხდნენ და ბევრი ტყვედ წამოიყვანეს. თითონ ლიპარიტი და მისი ძმა მამუკა ბრძოლაში დაიხოცნენ ანუ, როგორც ვახუშტი გვარწმუნებს, ლიპარიტი და გურიელი გაიქცნენ სტამბოლს, სადაც ლიპარიტი მალე გარდაიცვალა. გამარჯვებულმა მეფემ დაამტკიცა ვამეყი დადიანად და გურიელად დასვა სიმონის შვილი, რომლის და, ელენე, ჰყავდა ცოლად ვამეყ დადიანს, ქაიხოსრომ, ათაბეგის როსტოის შემწეობით, აიძულა დიმიტრი გაქცეულიყო იმერეთში, მაგრამ მალე, დიმიტრის ჩაგონებით, მოკლულ იქმნა ლალატობით. დიმიტრი შეიქმნა ისევ მთავრად, ხოლო ქაიხოსროს შვილებმა შეათარეს თავი ათაბეგთან.

პირველს მარტს 1660 წ. მეფე ალექსანდრე გარდაიცვალა და დაუტევა თავის მემკვიდრეს ბაგრატს სამეფო ძრიელ სამწუხაროსა და არეულს მდგომარეობაში.

აქ იწყება 29 ზედიზედ განუწყვეტლივ მომხდარი პოლიტიკური არევ-დარევა და შლილობა ამ უბედურ მხარეში 66 წლის განმავლობაში, რომლისაგანაც თანდათან სრულიად დაირღვა ხალხის დაწესებულებათა ძალ-ღონე.

ბაგრატ მე II ავიდა ტახტზე და ეკურთხა მეფედ ქუთაისში. დედინაცვალმა, დედოფალმა დარეჯანმა, მიათხოვა ცოლად ქეთევანი, თავისი ძმისწული, დავითის ქალი. ექვსის თვის შემდეგ წაართვა ისევ და თითონ მოინდომა მისი ცოლობა; რადგან ბაგრატმა უარი განაცხადა, თვალები დასთხარეს. მაშინ დარეჯანმა განიზრახა თავის მამის, თეიმურაზის, გამეფება იმერეთში. რადგან თეიმურაზი არ დასთანხმდა, დარეჯანმა შეირთო ვახტანგ ქუჭუნის შვილი, რომე-

ლიც მეფის შთამომავლობისა იყო და ბატონობდა იმერეთში. ბაგრატის მომხრეებმა ეს ამბავი ასლან-ფაშას შეატყობინეს. ასლან-ფაშა შემოვიდა იმერეთში. დადიანი, გურიელი და იმერლები წინ მიეგებნენ. დადიანმა, ოტია ჩხეიძის რჩევით, გაუშვა ბაგრატი ქუთაისიდან; ვამიყმა მიიღო თავის ბანაკში და ძალით დაიჭირა დედა-ქალაქი. ამ დედოფლის მეუღლეს ვახტანგს, რომელმაც ამავე ოტიას ცბიერებით ქალაქიდამ განდევნეს, — დასთხარეს თვალები; დარეჯანი და ქეთევანი ჩაუვარდნენ ხელში ასლანს, რომელმაც დაასახლათ ისინი ოლთისში და მეფობა გადასცა ისევ ბაგრატს. უსინათლო ბაგრატის მეფობა არ მოსწონდათ იმერლებს. ზოგმა მოუწოდა ვამიყს და ზოგმა — საქართველოს მეფეს ვახტანგს. ამ ორ მფლობელთ გაიყვეს იმერეთი ორ ნაწილად; აღმოსავლეთი ნაწილი დარჩა მეფე ვახტანგს, დასავლეთი — ვამიყს. ხოლო ბაგრატი მაინც ქუთაისში იმყოფებოდა.

საქმე ამით არ დასრულდა. ვამიყ, თავის მეუღლის რჩევით, აეშალა მეფე ვახტანგს, უარი უთხრა თავის ქალის მითხოვებაზე, — რომელიც იყო დანიშნული იმის შვილის არჩილის-მიერ, — და მისცა თავისი ასული ბეჟან ლოღობერიძეს.

ვახტანგი ეზრახა დიმიტრი გურიელს და ზოგიერთ დიდებულთ, მოაკვლევინა ბეჟან ლოღობერიძე და შევიდა იმერეთში. ვამიყი დახვდა ვახტანგს საჩხერეს, მაგრამ ვერ გაბედა შებრძოლება, რადგან მთელი ჩრდილოეთ-იმერეთის დიდაკაცობა მიემხრნენ მეფეს. დადიანი დაბრუნდა სამეგრელოში.

სვერი, კაცხი და სკანდა, — სადაც იმყოფებოდა თეიმურაზი, რუსეთიდან ახლად დაბრუნებული, — ვახტანგს დაემორჩილა. მეფემ შემდეგ ომისა აიღო ქუთაისიც და ბაგრატი ტყვედ დარჩა. მოკავშირენი გადავიდნენ სამეგრელოში, დაიპყრეს ციხეები, სხვათა შორის, ჯაჭვითის ციხე, სადაც დაცული იყო ყველა საგანძურნი ვამიყისა, თვითონ ვამიყმა შეაფარა თავი სვანეთში, ხოლო მისი ცოლი და შვილები, — რომელნიც გაიქცნენ აფხაზეთს, — ჩაუვარდნენ ხელ-

ში გამარჯვებულ ვახტანგს. ვახტანგმა აიღო აგრედვე ზუგდიდი და შარვაშიძე და აფხაზნიც დაიმორჩილა.

შემდეგ ვაჩიყი მოკლულ იქმნა ვახტანგის ბრძანებით; დადიანობა მან მისცა შამან-დავლეს, რომელიც იყო შვილი იესესი ანუ იოსებისა, ლევანის ძმისა, და შერთო მას თავისი ძმის წული თამარი. ახალმა დადიანმა, ბიძის პატივსაცემლად, დაირქვა სახელად ლევან მე-III. შამან-დავლე გაიქცა საქართველოში თავის ბიძის სიკვდილს შემდეგ. იქიდან როსტომ მეფემ შაჰის პატივის-ცემის დასამსახურებლად გაჰგზავნა სპარსეთში შაჰმა კარგად მიიღო და შეეწია ფულით. ეს იყო მიზეზი იმის ამაღლებისა.

როცა ვახტანგი დაბრუნდა იმერეთში, გურიელისა და ყველა იმერლების თანხმობით, დასვა მეფედ თავისი შვილი არჩილი 1661 წ. და დაბრუნდა ქართლში ნადავლით. თან წაიყვანა უსინათლო ბაგრატიცა.

არჩილმა იმეფა თითქმის ორი წელიწადი იმერლების თანხმობით, მაგრამ იძულებული შეიქმნა დაეტოვებინა იმერეთი ოსმალების ბრძანებით, რომელთაც გამოჰგზავნეს იმერეთში ჯარით ასლან-ფაშა და იუსუფი, ყარსის ფაშა, არჩილის გადასაყენებლად. ხონთქრის თხოვნით, შაჰმა უბრძანა მეფე ვახტანგს დაებრუნებინა იმერეთის ბაგრატი, მათი კანონიერი მფლობელი, რომელსაც ჰყავდა დანიშნული თინათინი, უნცროსი და დადიანის მეუღლის თამარისა. ამ ხნობით ბაგრატმა იმეფა ხუთი წელიწადი. ეს მოჰხდა შემოდგომას 1667 წ. დადიანი უკმაყოფილო დარჩა ამ ცვლილებითა, დაეცა იმავე წელს ბაგრატს, დამარცხდა და ტყვედ იქმნა წაყვანილი. ბაგრატმა წაართვა დადიანს ცოლი თამარი და თითონ შეირთო. ხოლო თინათინი განუტევა, რომელზედაც ჯერ ჯვარი არ დაეწერა. თამარის მაგიერ დადიანს მიათხოვა თავისი საკუთარი და, რომელიც ძალიან უყვარდა და რომელიც წინად ჰყავდა ცოლად ვინმე გოშაძეს.

ამ დროს დიდი არეულობა და შფოთი იყო იმერეთში.

დიდებულები მეფეს აღარ ემორჩილებოდნენ. ვისაც კი შეეძლო, იჭერდა ტყვეებს და ჰყიდდა ოსმალეთში. მთავრები სძარცვავდნენ ერთმანერთს.

კათალიკოსი სიმონ ჩხეიძე გარდაიცვალა 1666 წ. და იმის ადგილას დაინიშნა ევდემონ საყვარელიძე. ამავე წელს სენია ჩხეიძე დაემღურა ბაგრატს და გადასცა ქუთაისის ციხე ოსმალთა, რომელნიც ბეჟან ლორთქიფანიძემ მალე გაიშლევინა იქიდან. რაც შეეხება დედოფალს დარეჯანს, იგი დაჰპირდა 60 ათას მარჩილს (12 ათას მანეთამდის) ასლან-ფაშას, ოღონდ კი ხელ ახლავ ჩამაბარე სამეფოვო. ხოლო რადგან ფული არა ჰქონდა, თავისი ძმის-წული ქეთევანი დაუგირავა ეს ქეთევანი შემდეგში გამოისყიდა ქართლის მეფემ ვახტანგმა და შერაო თავის შვილს არჩილს. ფაშამ მიიღო რა ფული სრულად, მოიყვანა ქუთაისს დარეჯანი და მისი მეუღლე. ბაგრატმა წინააღმდეგობა ვერ გაუწია და გაიქცა ქართლში თუ ლეჩხუმში; შემოდგომაზედ 1668 წ. ფაშამ უახლოვდა დარეჯანი და მისი ქმარი იმერეთის მმართველებად მალე იმერლებმა მოისყიდეს მათი საყვარელი კაცი ხოსია ახვლედიანი (?) ანუ ლაშხიშვილი, ლეჩხუმის მეციხოვნეთა უფროსი¹⁾. მან დაარწმუნა დარეჯანი და მისი მეუღლე, რომ გადმოგცემთ ბაგრატსაო, მიიწვია ისინი თავის სახლში და მოაკვლევინათოფიბო დარეჯანი; თითონ ხოსიამ კი მოჰკლა ვახტანგი. უსინათლო ბაგრატმა ხანჯალო ჩასცა გულში მოკლულს დედოფალს, რომელიც მიწაზე ეგდო. გელათის ეპისკოპოსი სოფრონიოზიც, — რომელიც დარეჯანის ბოროტი მრჩეველი იყო, — აგრედვე მოკლულ იქმნა. გარდაცვალებულნი ჯერ დაასაფლავეს ქუთაისის ტაძრის კარის ბჭეში და შემდეგ გელათში დაჰმარხეს.

¹⁾ დარეჯანი ხოსია ლაშხიშვილმა მოჰკლა. ავტორის მხრით ახვლედიანის ხსენება lapsus calami უნდა იყოს. ვახუშტით, „დარეჯან დედოფალი მოჰკლა შუბით ხოსია ლაშხის შვილმა, თავადმა ლეჩხუმისამ. მთარგმ.

იმერლებმა მოიწვიეს მეფედ დემეტრე გურიელი, რომელმაც იმეფა ძლიერ მოკლე ხანს, შემდეგ დასთხარეს თვალები და, როგორც კი გარდაიცვალა, ასლან ფაშამ გურიელად დაპნიშნა ბიძა მისი გიორგი მე-III და, იმერლების თხოვნით, მეფე ვახტანგმა გამოისტუმრა ბაგრატი მეფედ იმერეთში 1669 წ.

ბაგრატის მტერმა სეხნია ჩხეიძემ, დაიპყრა რა ვერაგობით ქუთაისის ციხე, გადასცა ოსმალთა, — რომელთაც დიდხანს ეჭირათ ეს ციხე, — და მოიწვია დადიანი. წინააღმდეგ მეფისა. ლევანი მოვიდა ჯარით. ბრძოლაში, რომელიც მოჰხდა ჩხარის ქალაქთან, ჩხეიძე მოიკლა. დადიანი უკან დაბრუნდა; მაგრამ ცოტა ხნის შემდეგ თამარის წართმევის ჯავრის ამოსაყრელად 1671 წ. ხელ ახლავ შემოადგა ქუთაისს. ბაგრატი გაიქცა რაჭაში და დადიანს, მდგომს ბანაკად გეგუთს, დაუტოვა ქვეყანა, რომელიც მან სრულიად ააოხრა. შემდეგ ამისა მეფემ შეჰკრიბა რაჭისა, ლეჩხუმისა და ზოგიერთ იმერლების ჯარი და დაეცა გეგუთს დადიანსა, და ამარცხა მისი ჯარი და თვითონ დადიანი დაატყვევა. მანამ არ გაუშვა ტყვე, სანამ დადიანმა არ შეჰფიცა, რომ შემდეგში მეგობრობას გაგიწევო.

გიორგი გურიელმა, რომელიც შესანიშნავი ვაჟ-კაცი იყო და მასთანავე უღმერთო სისხლის მსმელი, — შეიყვარა დედოფალი თამარი და ასლან-ფაშას დაჰპირდა აუარებელ ქრთამს, ოღონდ კი მოიტაცე ჩემთვის თამარიო. ფაშა დაეცა ბაგრატს, რომელმაც, როსტომ ჩხეიძის რჩევით, გაჰგზავნა თავისი მეუღლე კვარის ციხეში. როგორც კი ფაშა შემოვიდა ქუთაისში, იმერლები გაიქცნენ და მიატოვეს ბაგრატი, რომელიც შემოდგომაზე 1672 წ., იმ დროს, როცა შარდენი იყო იმერეთში, ფაშამ დაატყვევა.

რადგანაც ასლანმა ვერ შეიტყო, სად იყო დედოფალი დამალული და ვერც აიღო კვარის ციხე, შეიწყნარა ბაგრატის თხოვნა და გაათავისუფლა, მხოლოდ გირაოდ იმ სა-

ჩუქრისა, რომელიც ალუთქვეს, წაიყვანა შვილი მისი ალექსანდრე, რომელიც ეყოლა ერთის ლეჩხუმელის ქალის კოჩილასაგან. ზამთარში ბაგრატი დაეცა გურიელს და აიძულა გაქცეულიყო, რის შემდეგ ბაგრატმა აიკლო მისი სამფლობელო.

ამ დროს ქართლის მეფემ ვახტანგმა განიზრახა მიეთხოვებინა თავისი შვილის შვილი დარეჯან, რომელიც არჩილის ქალი იყო და მაშინ მეშვიდე წელში გადადგა, მანუჩარისათვის, ლევან დადიანის შვილისაოვის, — რომელიც აგრედვე შვიდის წლისა იყო, მაგრამ ეს ქორწინება აღარ მოჰხდა, როგორც დროთა ვითარების გამო, აგრედვე იმიტომაც, რომ დადიანს ბაგრატმა შეაგონა, საფიქრებელია მანუჩარი შაჰს გაუგზავნონო. შეშინებულმა დადიანმა მოაპარვინა თავისს მსახურებს მანუჩარი და მოაყვანინა სამეგრელოში.

ბაგრატმა 1674 წ. წაართვა ოსმალებს ქუთაისის ციხე, მაგრამ ისევ თავის ნებით დაუბრუნა ნაცვლად თვისის შვილის ალექსანდრესი, რომელიც გამოუგზავნა ასლან-თაშამორის წლის შემდეგ დედოფალს თამარს შეეძინა შვილი გიორგი, რომლითაც დიდად განიხარეს მშობლებმა.

ზემოხსენებულ გალაშქრების დროს ვამეყ დადიანზე მეფე ვახტანგმა წამოიყვანა და ჩასვა საპყრობილეში, სომხეთს, ეპისკოპოზი ჭყონდიდელი, რომელიც კაცია ჩიქოვანის ძმა იყო. ეპისკოპოზი გამოიქცა შულაგრიდამ და ისევე მიიღო თავისი საეპისკოპოზო, დაუახლოვდა ლევან დადიანს, რომელიც მიენდო მას. ჭყონდიდელმა შეაგონა ლევანს, რომ იმის ძმას კაციას უწყალობოს სალიპარტიანოს მაზრა და ამ სახით თავისთვისაც გაიადვილოს ლეჩხუმის მაზრის დაჭერა. ცნობილია რომ სალიპარტიანო არის საუკეთესო მაზრა ჩრდილოეთ-აღმოსავლეთის სამეგრელოსა და რომ ის ეკუთვნოდა მემკვიდრეობით დადიანის გვარის უნცროს შტოს, რომელიც ვამეყის სიკვდილით მოისპო. თითონ კაცია იყო დარიბ აზნაურის შვილი, დაიბადა დაბა გორდში და სვანეთში

თაფლით ვაჭრობდა. მოიპოვა რა ცოტაოდენი გავლენა ლეჩხუმში და დადიანის ნდობა, კაცია შეიქმნა საინასარიძო და სალიპარტიანო მაზრების მფლობელი. ეს მხნე და გამჭრიახი, მაგრამ მესისხლე კაცი, ნიადაგ ურჩევდა ლევანს, დიდებულები უწყალოდ გაეწყვიტა. ამის მეტს ჩვენ ვერას ვიტყვით კაციაზე, რადგან მარტვილში იმის სასაფლაოზე ჯცნობის ხელით წარწერაში წაშლილია ყველა ის ადგილი, რომელიც უფრო საინტერესოა ისტორიისთვის. მართალია, ოყურეშის ეკკლესიის კედლებზე ლეჩხუმში დღემდის დაცულია ერთი ნაწილი წარწერისა კაციას შთამომავლობის შტოს შესახებ, მაგრამ ეს არ არის საკმაო ჩიქოვანების წარსულის გასაცნობად. ეხლანდელ დროში ჩიქოვანთა გკარი ძლიერ გავრცელებულია სამეგრელოში და ბევრგან შეჰხვდებით ამ გვარის კაცს სასულიეროსა და სამოქალაქო უწყებაში.

როცა მეფე ბაგრატმა შეიტყო, რომ ვახტანგის შვილს, ზემოხსენებულს არჩილს, სურდა იმერეთის ტახტზე ასვლა, დაუმოყვრდა გიორგი გურიელს და მიათხოვა ცოლად თავისი ქალი დარეჯანი 1675 წ., მაგრამ მალე დადიანმა, კაციას შეგონებით, მოიმხრო იმერლები და მათის შემწეობით სექტემბერს 1678 წ. დასვა არჩილი მეფედ.

ბაგრატი გაიქცა გურიაში და დასტოვა სკანდას დედოფალი თამარი, რომელიც, ამ ციხის აღების შემდეგ, არჩილმა დაუბრუნა ლევან დადიანს, მის კანონიერ ქმარს. ხოლო თავისი სიძე მანუჩარი არჩილმა დაიბარა და თავის თან ჰყავდა მოუშორებლად.

ახალციხის ფაშა დაჰპირდა შემწეობას ბაგრატს, მაგრამ ქართლის მეფემ, გიორგიმ, მოიტაცა შვილი მისი ალექსანდრე, რომელიც იყო ამანათად მიცემული, როგორც ზემოდ მოხსენებულა. ბაგრატი ამის გამო მით უფრო შესწუხდა, რომ, თვისის შვილის გიორგის სიკვდილს შემდეგ, ალექსანდრეს მეტი მემკვიდრე აღარავინ ჰყავდა. ფაშის მოხსენების შემდეგ, ხონთქარმა გაჰგზავნა იმერეთში არზრუმის სერას-

ქერი ჯარით და თან გააყოლა ბაგრატი. იმერლებმა მიატოვეს არჩილი და დაემორჩილნენ ბაგრატს. არჩილმა შეაფარა თავი რაჭაში; უკან დაედევნენ მრავალნი ოსმალნი. მთელი მხარე აოხრებულ იქმნა ცეცხლითა და მახვილითა. თავის თავის საშველად არჩილი იძულებული შეიქმნა დაებეზლებინა სერასკერთან ასლანი, რომ ქრთამს იღებდა და ორპირად იქცეოდაო, რის გამოც ფაშას თავი გააგდებინეს 1679 წ. მიზეზი ასე სასტიკად მოქცევისა ის იყო, რომ ხონთქარი ეჭვობდა, ყველა ამ არეულობის მიზეზი საიდუმლო გავლენაა შაჰისაო; ეს ამბავი ხონთქარმა შეიტყო თავის სპარსელ ელჩისაგან, რომელმაც მოახსენა აგრედვე, რომ არჩილი თავის ნებით ედავებოდა ბაგრატს ტახტს. მაშინ არჩილი მიხვდა, რომ შაჰმა ხელი აიღო ჩემზეო და ყოველივე ასლანს დააბრალა. ბაგრატმა უკანასკნელად იმეფა კიდევ ორი წელიწადი.

ბაგრატმა მალე გაილაშქრა სამეგრელოს, დაამარცხა დადიანი, წამოიყვანა თავისი მეუღლე თამარი და დაბრუნდა ქუთაისს. ლევანმა, გურიელის შემწეობით, რომელსაც დაუწინდრა თავისი შვილი მანუჩარი, დაიჭირა ისევ სამეგრელო; გარდაიცვალა 1681 წ. რადგან ლევანს არ ჰყავდა მემკვიდრე, გარდა მანუჩარისა, გურიელმა აღარ დაუბრუნა იგი მეგრელებს და დადიანობა თითონ დააპირა. დიდებულები არ დასთანხმდნენ; მაშინ გურიელმა მოაკვლევინა ყმაწვილი მთავარი. მეგრელები ამაზე უფრო გაბრაზდნენ და აღარ შეუშვეს გურიელი სამეგრელოში.

ამასობაში არჩილმა დაიჭირა ჩხერის ციხე და დაუყო იმერლებს მოციქულობა, რომელმაც გასწია რვა თვემდე, — და რადგან ვერას გაჰხდა, წავიდა ოსეთში და ერთის წლის შემდეგ რუსეთში გადავიდა; მივიდა თარკში ივნისს 1682 წ., იქიდან — ასტრახანს, საიდანაც ისევ თარკს დაბრუნდა. როდესაც ასტრახანში იყო, გაჩნდა დიდი ცეცხლი და ქალაქის გადაწვის დროს არჩილს დაეღუპა ყოველივე თავისი ქონება, გარდა წმინდა სამქვალისისა, რომელიც წამოღებული იყო და-

დიანის საუნჯიდგან მეფე ვახტანგის მიერ 1661 წ. ეს წმინდა სამქვალოსი არის ეხლა დაცული მოსკოვის ღვთის-მშობლის მიძინების ტაძარში, შემკობილი გვირგვინითა და ზედ ქართულის წარწერითა, საიდანაც სჩანს, რომ პირველი გამკეთებელი ამ გვირგვინისა ყოფილა მეფე დავით ნარინი, შვილი რუსუდანისა. არჩილმა გარდასცა რუსებს ის ლურსმანი იმ სახით, როგორც გადაარჩინა ცეცხლსა. 1685 წლის ახლო ხანებში არჩილი, მიწოდებული მოსკოვს მეფე პეტრე ალექსის ძის მიერ, დარჩა იქ რამდენსამე ხანს და იყო მისგან წყალობით მიღებული. — 1681 წ. მეფე ბაგრატი გარდაიცვალა. მას არ დარჩენია კანონიერი მემკვიდრე და იმერლებმა გიორგი გურიელი დასვეს მეფედ.

იმერეთის ისტორია ამას შემდეგ თანდათან ირევა და იხლართება; სამეფო ტახტის მაძიებელნი თანდათან გამრავლდნენ; აღარავინ ერიდებოდა სხვის საკუთრების მითვისებას, კანონისა და სიმართლის დარღვევას. ცოლ-ქმრობის კავშირი მარტო ფულის სიხარბითა ანუ პატივის მოყვარეობით იკვრის, თითქო სავაჭრო რამ საქმეაო. საქტრისტეანო და სამოქალაქო კანონებს აღარავინ დაეძებს. შფოთმა და არეულობამ უმწვერვალესობამდე მიაღწია. უმთავრობის დროს სამეგრელოში, კაცია ჩიქოვანმა, რომელიც ამ მხარეს ჰმართავდა, უწყალოდ ამოჰხოცა წარჩინებულნი, ჭყონდიდელ მიტროპოლიტის შეგონებით, და შეიქმნა მთელ სამეგრელოს მფლობელად და თავის უფლებას ამყარებდა მხოლოდ ხპალზე. ამ დროს აფხაზებმა აიკლეს სამეგრელოს ზღვის ნაპირი და ყველა სავაჭროსკოპოზო, გარდა დრანდისა და მოქვისა, მოსპეს. კაციას შემდეგ იმის შეიღმა გიორგიმ დაიჭირა სალიპარტიანო და ჰმართავდა იმავე წესით, რომელიც დაამყარა იმისმა მამამ. ამ სახით, დიდებულნი თითქმის სრულიად გაწყდნენ და გლეხნიდა დარჩნენ.

გიორგი გურიელმა შეირთო დედოფალი თამარი, მეფობდა იმერეთში და სამეგრელოს დაჭერაც განიზრახა, მაგ-

რამ გიორგი ლიპარტიანი მოსთხოვა ახალციხის ფაშას უკანონო შვილი ლევან დადიანი, და დასვა მთავრად ლევან მე II-ის სახელით. ქართლის მეფემ გიორგიმ გამოჰგზავნა აგრედვე იმერეთში ალექსანდრე, ზემოხსენებულის მეფე ბაგრატის შვილი. ფაშა დასთანხმდა და 1682 წ. ხონთქრის ბრძანებით დასვა ტახტზე ახალგაზდა ბატონის შვილი. გურიელი გამოვიდა იმერეთიდან; დედოფალი თამარი წავიდა სამეგრელოში იმ განძრახვით, რომ ჩაჰშალოს ამ ქვეყნის შეერთება ალექსანდრეს სკიპტრას ქვეშ და ერთის წლის შემდეგ გარდაიცვალა. მაშინ გიორგი გურიელმა შეირთო კაცია ჩიქოვანის ქვრივი, რომელიც რაჭის ერისთავის შოშიტას ძმისწული იყო და დიდად მოწადინებული იყო იმერეთში გაბატონებისა. ალექსანდრე IV, ბაგრატის მემკვიდრე, სცდილობდა თავისკენ მიემხრო პაატა აბაშიძე, არგვეთის მფლობელი, მიათხოვა მას თავასი და, დარეჯანი, რომელიც მიატოვა გიორგი გურიელმა. ამ დამოყვრებით მან განამტკიცა იმერეთში თავისი მეფობა. ამას შემდეგ მის მოწინააღმდეგეებად დარჩნენ მარტო გიორგი ლიპარტიანი, შოშიტა ერისთავი და ბეჟან ლორთქიფანიძე. მოკავშირენი 1684 წ. შეებრძოლნენ როკითში მეფეს, რომელსაც ახლდნენ აბაშიძეები და მიქელაძენი. მოჰხდა საშინელი ბრძოლა; გურიელმა, შოშიტამ და ბეგრმა სხვამ დასდეს თავი. ლიპარტიანი გაიქცა. ალექსანდრეს მოუკლეს ლევან აბაშიძე, მაგრამ გაიმარჯვა და მრავალი ტყვე დარჩა, რომელთა გამოსყიდვით დიდ ძალი ფული შეიძინა. გიორგის სიკვდილს შემდეგ იმის მამამ მამიამ დაიჭირა გურია, ხოლო მისი ძმისწულები წავიდნენ ახალციხეს.

შემდეგ ამისა ალექსანდრემ სთხოვა ჯერ საქართველოს მეფეს გიორგის ქალი მისი და შემდეგ მის ძმის ლუარსაბის ქალი. ორივეზე უარი მოუვიდა. ალექსანდრემ გაილაშქრა რაჭის ერისთავის პაპუნას წინააღმდეგ, რომელიც ბატონი-შვილის ლუარსაბის ცოლის ძმა იყო, და შემოადგა ასაღებად ნინიას ციხეს, მაგრამ ქართლები მოეშველნენ პაპუნას და

აბაშიძეებიც გადუდგენ მეფეს, რომელიც იძულებული შეიქმნა უკან დაეხია. შემდეგ ამისა პაპუნა, ალექსანდრეს რჩევით, გაეყარა თავის ცოლს, ბეჟან ლორთქიფანიძის ქალს, და შეერთო დარეჯან ბატონიშვილი, რომლის ქმარი, პაატა აბაშიძე, გარდაიცვალა როკიტის ომში მიღებულ ჭრილობით. პაატას ძმა, გიორგი, რომელიც გაკრეჭილი ბერი იყო, შეიქმნა აბაშიძეების გვარის უფროსად. მან შეერთო ქვრივი კაცია ჩიქოვანისა და გიორგი გურიელისა და დიდი სიმდიდრე და გავლენა შეიძინა. მიათხოვა თავისი ქალი ელენე, — რომელიც პირველ ცოლის ხელში შეეძინა, — ქაიხოსრო მეორეს, გიორგი გურიელის შვილს, რომელმაც 1685 წ., მალაქიას გაგდების შემდეგ, პაატა აბაშიძის შემწეობით, დაიჭირა გურია. ახლად დაყენებულმა მთავარმა სიტყვა მისცა ახალციხის ფაშას, მალაქიას მშვიდობიანად ვაცხოვრებო და, როგორც კი დრო იხელთა, დასთხარა თვალეზი. ფაშამ იწყინა ესა და გამოჰგზავნა იმის დასასჯელად შავშეთის ბეგი, რომელმაც მიიწვია ქაიხოსრო მეგობრულ მუსაიფისათვის, მოჰკლა 1689 წ. და გარდასცა მთავრობა დაბრმავებულ მალაქიას. იმავე წელს ფაშამ შეიწყნარა გურულების თხოვნა, რომელთაც კარგი ქრთამი მიაართვეს, და გარდასცა მთავრობა მამია მე-III-ს, ქაიხოსროს ძმას. მალაქია ბერად შედგა და დაინიშნა შემოქმედის მიტროპოლიტად. მამიამ შეერთო ზემოხსენებული ელენე აბაშიძისა.

როკიტის ბრძოლაში, როგორც წინად მოვიხსენეთ, ბევრნი დიდებულნი დაიხოცნენ. ვინც გადაარჩა, გიორგი ლიპარტიანიმა ლევანის სახელით ზოგი მოაკვლევინა და ზოგი თათრებს მიჰყიდა. მისის თანხმობით ლევანმა, ცრუ დადიანმა, შეერთო თინათინი, ბაგრატ მეფის ქალი, და ალექსანდრესი. ამ ქორწინებით ლიპარტიანს სურდა მოეცილებინა მეფე და გურიელი, რომელთაც განიზრახეს დაეჭირათ სამეგრელო, აოხრებული აფხაზების მიერ და დასუსტებული ლიპარტიანის სასტიკის მმართველობით. ამ დროს მეფე ალექ-

შანდრე, რომელმაც შეურაცხყოფად მიიღო ორჯელ უარის თქმა დამოყვრებაზე ქართლის მეფე გიორგისთან, მიემხრო ერეკლე ნაზარ ალი-ხანის დასს და დაეცა რაჭას, სადაც შეაფარა თავი მეფე გიორგიმ, რომელსაც ჰყავდა ცოლად პაპუნა ერისთავის ძმის-წული. მთელი მხარე აოხრებულ და გაძარცვულ იქმნა. რაჭველებმა წინააღმდეგობა ვერ გაუწიეს. ალექსანდრეს დაბრუნების შემდეგ პაპუნა ისევ დამყარდა თავის სამფლობელოში. ამ დროს 1688 წ. დამლევს, არჩილი, მოწოდებული თავის ძმის გიორგისაგან, მოვიდა რუსეთიდან ოსეთში თავის ორის ვაჟით: ალექსანდრეთი და მამუკათი. არჩილმა შეიღები დასტოვა მთებში და თვითონ შეუდგა იმერეთის დაფლობას. არჩილს მოეგებნენ მისნი მომხრენი გველის თავს, ჩრდილოეთ-დასავლეთ რაჭაში. იქ უცდიდნენ არჩილს: პაპუნა ერისთავი, გიორგი ლიპარტიანი, ჭილაძეები, მიქელაძეები და სხვანი. აკლდათ მხოლოდ ორი დიდებული კაცი—გიორგი აბაშიძე და სიმონ ქუთათელი, რომელთა შემწეობით ალექსანდრემ მოაგროვა ჯარი და გველის თავს დახვდა არჩილს. ოსმალებმა შემწეობა აღმოუჩინეს მეფეს და ამ სახით გაჰფანტეს მოკავშირენი.

არჩილმა სამეგრელო გარდავლო და მივიდა აფხაზეთს, სადაც შარვაშიძეებმა დიდი პატივი სცეს. აქედგან მან გამართა მიწერ-მოწერა ყირიმის ხანთან, რომელსაც სთხოვდა შემწეობას, მაგრამ ამ დროს ალექსანდრემ გადაიბირა გიორგი ლიპარტიანი, რომელსაც უწყალობა ლეჩხუმის მაზრადგან არჩილმა ვერა გაარიგარა, სთხოვდა მეტეს თავისუფლად გაეშვათ მაინც რაჭის გზით ოსეთში და ფიცით აღთქმა მისცა, რომ ამიერიდან ხელს ვიღებ იმერეთზედაც. ივნისში 1691 წ. არჩილი წავიდა: მისი ძმა, გიორგი მეფეც, გურიაში გადავიდა.

არჩილს მალე დაავიწყდა თავისი აღთქმა და ყოველს ლონისძიებას ჰხმარობდა ხონთქრის წინაშე, რომ გადაეგდო ალექსანდრე. არჩილი აღთქმას სდებდა, რომ გარდავიხდი

ოცის წლის ხარკს, რომელიც იმერეთს ადევსო. ამ საქმისთვის ყირიმის ხანმა საგანგებოდ გაუგზავნა ხვანთქარს ელჩი, რომელმაც იმდენი მოახერხა, რომ ხონთქარი დასთანხმდა არჩილის წინადადებაზე და გამოჰგზავნა იმერეთში ფორმალური განცხადება, გამოიკითხეთ, ვისი მეფობა სურთ იმერთაო. ამ ფირმანის მომტანი, რასაკვირველია, ალექსანდრემ არ შეუშვა იმერეთში და, როცა დაბრუნდა ახალციხეს, იქ ნახა მფე გიორგი. იქ გამოსჭრეს სამეფო და სხვა ბეჭდები და ფირმანზე ბევრმა მოაწერეს ხელი. არჩილმა, არზრუმის სერასკირის შემწეობით, მიიღო სამეფო ხმალი და ხალათი, წამოვიდა ოსეთიდან და ავიდა ტახტზე 1692 წ. მეფე გიორგიმ, თანახმად დაპირებისა, მისცა ამანათად ოსმალებს თავისი ძმისწული ვახტანგი. ხოლო მეორე ძმისწული ელენე, რომლის შერთვა სურდა მეფე ალექსანდრეს, მიათხოვეს დიდებულს თავადს ქაიხოსრო იაშვილს. თითონ გიორგი საცხოვრებლად დარჩა ახალციხეს. ორის თვის შემდეგ მეორე არეულობა მოჰხდა. როცა გიორგი აბაშიძემ შეიტყო, რომ არჩილს ოსმალებთან აღარა აქვს მეგობრობაო, მოურიგდა ლიპარტიანს და მოიწოდა მეფედ ალექსანდრე. პაპუნა ერისთავმა, სიმონ ქუთათელმა და სხვებმა*) არჩილს არ უღალატეს. 1691 წ. დეკემბერში მოწინააღმდეგენი შეებრძოლნენ გოდოგანში. ალექსანდრე დამარცხდა და გაიქცა გორს. მეფე ერეკლემ მოახსენა ეს ამბავი შაჰს, რომელმაც შიკრიკი გაუგზავნა ხონთქარს. როცა არჩილს აუწყეს, რომ ახალციხის ოსმალებმა საპყრობილეში ჩასვეს მეფე გიორგი, შენი ძმაო, ის გარს შემოერთყა ქუთაისს და რადგან სურდა გიორგი ლიპარტიანის გადმობირება, უწყალობა მას ლეჩხუმი, მაგრამ ამით ვერა მოიგო-რა.

ლიპარტიანმა მაინც უღალატა. მან ღამით გამოაპარა ქუთაისის ციხიდან ოსმალთა ჯარი და მიაშველა სურსათი.

*) გიორგი მიქელაძემ და ბეჟან ლორთქიფანიძემ. ვახ.

ციხიდან გამოსულმა ოსმალებმა ჯავრი ამოიყარეს იმითი, რომ დაანგრეს ქუთაისის ღვთის-მშობლის ტაძარი 1693 წ. მეფე გიორგიმ მოახერხა ახალციხიდან გამოქცევა და დაიფლო ქართლი. რუისში შეიპყრა ალექსანდრეს ცოლი და შვილები, მაგრამ ალექსანდრე, ახალციხის ფაშის შემწეობით, შევიდა იმერეთში და აიძულა არჩილი გაქცეულიყო რაჭასა და ქართლში, საიდანაც მერე ოსეთში დაბრუნდა.

ამ დროინდელ აწეწილ-დაწეწილის საქმეების გარკვევის ისტორიკოსს დიდის გაჭირვებით შეუძლიან. ნამდვილად და დალაგებით ვერ აგვიწერს იქ მომხდარს ხშირსა და უეცარს არეგ-დარევას. ამ შემთხვევაში ჩვენ ვსარგებლობდით არჩილის წერილებით, რომელიც აქვს მიწერილი მეფე იოანე და პეტრე ალექსის ძესთან. ვსარგებლობდით აგრედვე სხვა ოფიციალურ საბუთებით. ამ საბუთებზე დაფუძნებით ჩვენი თარიღებიც, რომელიც ხანდისხან არ ეთანხმება ვახუშტის ჩვენებას.

ალექსანდრემ იმეფა 11 წელიწადი. არჩილი წავიდა ჩრდილოეთისკენ და, როდესაც გადავიდა მცირე ყაბარლოში, მეტად რიცხვ-ნაკლები აძალა ახლდა. 1693 წ. ლალატით შეიპყრა თავადმა ყულჩუყ ქილიქ-ბიტიევმა, შამხალისა და შაჰის ბრძანებით. ყულჩუყი გაჯავრებული იყო იმაზედ, რომ მეფე გიორგიმ, არჩილის ძმამ, წააყვანინა მისი ქალი თავის შვილის ბაგრატის საცოლოდ და, როდესაც მოუკვდა შვილი ბაგრატი, აღარ შეატყობინა ყულჩუყს საქმროს სიკვდილი და დაიტოვა მისი ქალი თავის სახლში. შემდეგ ეს ქალი მეფე ვახუშტანგ სჯულმდებელის მეთულზე გახდა, რუსუდან დედოფლის სახელით. თუმცა არჩილმა საკვირველი ვაჟ-კაცობა გამოიჩინა, მაგრამ მაინც იმავე ღამეს შეიპყრეს და დაატყვევეს. გაათავისუფლეს არჩილი მხოლოდ ჩერქეზთა ქალების თხოვნით, რომელნიც განცვიფრებულნი იყვნენ არჩილის სილამაზითა და ვაჟ-კაცობით. ჩერქეზთა ქალებმა მოსთხოვეს თავიანთ ქმრებს იმისი განთავისუფლება. არჩილი დაბრუნდა ბალქარს, რო-

მელიც მდებარეობს მალკის სათავესთან, და იქ უცდიდა უკეთეს დროს და ხელ-საყრელს გარემოებას.

მეფე ალექსანდრემ მიატოვა თავისი მეუღლე, — დიდებულის ოჯახის შვილი, — რომლისაგანაც ჰყავდა ორი ვაჟი, — გიორგი და სიმონი. — როგორც ზემოდ მოხსენებულა, ეს ვაჟები მეფე გიორგის დაჭერილი ჰყავდა ქართლში. ალექსანდრემ შეირთო გიორგი აბაშიძის ქალი თამარი, რომელიც მაშინ ათის წლისა იყო. ახლო ხანებში გიორგი ლიპარტიანი-მა, გაძლიერებულმა დიდებულთა ამოხოცვით და ტყვეების გაყიდვით, გადაადგო ლევან დადიანი, რომელიც წავიდა სტამბოლს და იქ მალე გარდაიცვალა. ლიპარტიანი დარჩა სრულ მფლობელად სამეგრელოსა და ლეჩხუმისა, თუმცა დადიანად არ იწოდებოდა.

თუმცა იმერეთის დიდებულნი არ დაეთანხმნენ მეფე ალექსანდრეს, როდესაც მან ხელ-ახლად გამოაცხადა, რომ მინდა დავებშარო ერეკლე ნაზარ ალი-ხანს წინააღმდეგ მისის მტრისა, გიორგისაო, ალექსანდრემ მაინც შეჰკრიბა ჯარი, დაეცა დაბა ალს და ააოხრა მისი არე-მარე. არჩილი, რომელიც იმყოფებოდა მაშინ ტაშის კარში, დახვდა გზაზე უკან დაბრუნებულს ალექსანდრეს და დაატოვებინა იმერლებს შადავლი, რომელიც ქართლიდან მიჰქონდათ. შემდეგ ამისა ორთავე ძმებმა — არჩილმა და გიორგიმ — შეაგონეს იმერლებს, რომ მეფე ალექსანდრეს საქციელი ყოვლად საზიზღარიაო; და თუმცა ახოვანი და გულ-უხვი კაციოა, მაგრამ ამასთანავე უჭკუო და უღვთო, ტყვის გამყიდველი მმართველიაო. მართლაც, ამ დროს ალექსანდრეს სურდა გაჰყროდა თავის ცოლს თამარს და ურჩევდა აბაშიძეს, მიათხოვე მეფე გიორგისაო. მოთმინებიდან გამოსულმა აბაშიძემ შეაგონა იმერლები, კათალიკოზი და ერისთავი პაპუნა, რომელნიც თავს დაესხნენ ალექსანდრეს სკანდის ციხეში და წაჰგვარეს ქართლის მეფე გიორგის; მეფემ მოაყვანინა დაბა რუისს, დაარჩობინა და დამარხა იქაურ ეკლესიაში. ამ სახით, არჩილმა თა-

ვიდამ მოიცილა თავისი შუღმივი მეტოქე და დაჯდა იმერეთის ტახტზე 1695 წ.

ამავე წელს არჩილი დაესახლა საჩხერეში თავის ძმით, გიორგით, რომელმაც დაჰკარგა ქართლის ტახტი. დედოფალმა, თამარ აბაშიძის ქალმა, შეუთვალა, ცოლად გამოგყვებოდა ამასთანავე ტახტიც აღუთქვა ჯერ არჩილს, რომელიც ცოლს განშორებოდა და მერე—გიორგის. ორთავემ უარი შეუთვალეს ამ უსინიდისო წინადადებაზე. როცა გიორგი წავიდა ისპაჰანს, აბაშიძე ეძრახა გიორგი ლიპარტიანს, უპოვნა თავის ქალს საქმროდ ვიღაც გიორგი, რომელიც მეფის ნათესავი იყო, და დასწერა მათ ჯვარი თამარის თანხმობით, იგი გამოაცხადეს მეფედ და არჩილი გაიქცა ოსეთში 1696 წ.

გიორგი—ხალხში „გოჩია“ მეფედ წოდებული—სრულიად უღირსი იყო თვისის მაღალის წოდებისა. იყო უზნეო, გაუნათლებელი და სახით მახინჯი. ქვეყნის მართვა მან მიანდო აბაშიძეს, რომელსაც ემორჩილებოდნენ იმერეთის დიდებულნი, დადიანი და გურიელი. ერთის წლის შემდეგ დედოფალმა შეიძულა ეს უზრდელი კაცი და ისურვა მისი მიტოვება და მამის საშუალებით ისევ განუახლა არჩილს თვისი წინადადება. არჩილი მაშინ ერწოს მაზრაში სცხოვრებდა. რუსეთიდან მოელოდა ცოტაოდენს ჯარს, გადავიდა დვალეთს და დაჰყო ზამთარი ზრამაგში. დიდებულებმა გააგდეს მეფე გიორგი—გოჩია—და მოიწვიეს ისევ არჩილი, რომელიც დიდ უარს ამბობდა, რადგან ერთის მხრით იცოდა, რომ დიდხანს ვერ დარჩებოდა და მეორეს მხრით დარწმუნებული იყო, რომ იმერლები მაშინ ცბიერნი, ბოროტნი, ერთმანეთზე მიმხტომნი, ტყვეთა გამყიდველნი და სხვა მრავალ¹⁾ ბიწიერების მიმდევარნი იყვნენ. ბოლოს დასთანხმდა ხალხის მიწოდებაზე და 1698 წ. შევიდა იმერეთში.

¹⁾ „ვახუშტით, „რამეთუ არღარა იყრ პირ-მტკიცეობა, არამედ იყვნენ გარყვნილნი, ფიცის-მტეხელნი, მხდომნი, მკრეხელნი, უკეთურნი, არა თუ წარჩინებულნი, გარნა მდაბიურნიცა“.

არჩილი თავისმა წინაღობამ არ მოატყუა. მალე ახალციხის სელიმ-ფაშამ მოახსენა ხონთქარს ყოველივე ეს ამბავი და მიიღო ბრძანება, რომ გადაედგოს არჩილი ტახტიდან. სელიმმა მოსთხოვა მეფე ერეკლე ნაზარ-ალი-ხანს სიმონი, მეფე ალექსანდრეს შვილი, რომელიც ღირსეულად იზრდებოდა ქართლის მეფის სასახლეში, და მოიყვანა იმერეთს. არჩილმა დასტოვა იმერეთი და გადავიდა რაჭას თავის ძმის წულით, ვახტანგითურთ, შემოდგომაზე 1698 წ., დაიზამთრა ტაგაურში და წავიდა შემდეგს გაზაფხულს რუსეთში სამუდამო საცხოვრებლად. მან იმეთა იმერეთში ხუთჯერ და მისმა ხუთჯერ მეფობამ გასტანა სულ ექვსი წელიწადი. ზემოხსენებულიდამ ცხადია, რომ არჩილ მეფე ვერ იყო რიგიანი. ქრისტეანი და ვერც რიგიანი მმართველი. არ იყო საქმის კაცი და არც პირ-მტკიცე, მაგრამ განთქმული იყო, როგორც რაინდულის ვაჟკაცობით, აგრედვე დიდის პოეტურის ნიჭით. არჩილი შეუდარებლად მალლა იდგა ყველა იმათზედ, რომელთაც სრულიად უსამართლოდ ედავებოდა გვირგვინს კახეთიდან წამოსვლის შემდეგ¹⁾.

სიმონის ტახტზედ ასვლის შემდეგ ფაშა დაბრუნდა ახალციხეს. ცოტა ხანს უკან მეფემ შეირთო გიორგი აბაშიძის ქალი ანიკა, რომელიც დანიშნული ჰყავდა ნასყიდა იაშვილს, ამავე დროს გიორგი აბაშიძეს მოუკვდა პირველი

¹⁾ მოგვყავს იმერეთში დაცული არჩილ-მეფის ტაეპი, რომელიც ამ ბედკრულმა მეფემ ნაღვლიანად წარმოსთქვა, როცა იმერეთს გამოეთხოვა:

გუგულის ქედსა გარდავსდეგ,
ავყარე სევდა გულისა,
დავხედე ქართლის სირონსა,
ღვთისაგან დასახულისა;
დავაგდე ქაჯთა ქვეყანა,
ღვთისაგან დაწყევლილისა;
და ვინც გახდეს მათი მოყვარე,
იქმნეს მაჰმადის სჯულისა.

ცოლი და ითხოვა მეორე, რომელსაც მალე გაეყარა, და შეერთო ბეჟან ლორთქიფანიძის ქალი, პაპუნა ერისთავის ქვრივი. ამ საშუალებით დიდი გავლენა განიმტკიცა იმერეთში. როცა სიმონი დარწმუნდა, რომ იმერლები ყურს აღარ უგდებდნენ და უფრო ემორჩილებოდნენ მის ცოლის დას, დედოფალ თამარს, მიატოვა იმერეთი და გაიქცა ქართლში.

ამ დროს ბეჟან ლორთქიფანიძის შვილი გრიგოლი დაჯდა კათალიკოსად. ვახუშტის თქმით, გრიგოლი ეკურთხა კათალიკოსად შემდეგ ევდემონ საყვარელიძისა, რომელიც გარდაიცვალა 1699 წ. ახლო ხანებში, მაგრამ საბუთებიდან სჩანს, რომ ევდემონი გადაყენებულ იქმნა თანამდებობიდან 1675 წ. და მისი ადგილი დაიჭირა დავით ნემსაძემ, რომელიც აიყვანა საკათალიკოსო კათედრაზე მეფის თანხმობით ლევან მე-III დადიანმა. შემდეგ დავითისა მიიღო კათალიკოსობა ვინმე ნიკოლოზმა, რომელიც 1610 წ. კიდევ ცოცხალი იყო, მაგრამ ეს ჩვენება საეჭვო საბუთზეა დამყარებული. ეს ნიკოლოზიც გარდაყენებულ იქმნა მეფისაგან. იმის შემდეგ დადგა კათალიკოსად ზემოხსენებული გრიგოლი, რომელიც გარდაიცვალა 1642 წ.

რადგან ზოგიერთი ლეჩხუმელი არ ემორჩილებოდნენ ლიპარტიანს და ხშირად ეცემოდნენ ოკრიბის მახრას, აბაშიძემ თავის მეგობრის, ლიპარტიანის, თხოვნით, გარდავლო ზამთარში დათოვლილი რაჭის მთები, შევიდა ლეჩხუმში და ყველა ურჩნი დაიმორჩილა. აქ უნდა მოვიხსენიოთ, რომ აბაშიძის ქალს თამარს ძრიელ სურდა შეუღლება ლიპარტიანთან. ლიპარტიანს ჰყავდა ცოლად თავადის მიქელაძის ქალი, რომელთანაც შვიდი შვილი შეეძინა, მაგრამ მაინც გაეყარა და შეერთო თამარი. ამის შემდეგ ყველა აღიდებდა თამარს და უწოდებდა მას ოდიშისა და იმერეთის დედოფალს.

აბაშიძემ დაამშვიდა რაჭა, რომელიც აუჯანყდა. ამ დროს მამია გურიელმა მოსთხოვა ერეკლე ნაზარ-ალი-ხანს, ახალ-

ციხის ფაშის შუა-კაცობით მეფე სიმონი და განიზრახა მისი კვლავ ტახტზე დასმა. ერეკლემ გარდასცა იგი მამიას. მამიამ აიძულა სიმონი გაჰყროდა ანუკა აბაშიძის ქალს და შეერთო მამიას და. შეურაცხყოფილმა ამით აბაშიძემ სთხოვა დახმარება ლიპარტიანს და ორთავემ ურჩიეს მამიას სიმონის გაძევება. მამია დიდ განსაცდელში ჩავარდა. მაშინ მოკავშირეებმა მოჰკლეს მეფე 1701 წ., როცა ის თავის საწოლ ოთახიდან ღამე კარში გამოვიდა.

მამია მე-III გურიელი გამეფდა მცირეს ხნით. ერეკლე ნაზარ-ალი-ხანი სიმონ მეფის მოკვლით ძრიელ გაჯავრებული იყო აბაშიძესა და მამიაზე. იმათ დასასჯელად მოვიდა დაღალულსა და ისე აჩვენა თავი, ვითომც განიზრახოს დაფლობა ხეფინის ხევის ხეობისა. ამ დროს გურიელი, რაკი ყველა სამეფო შემოსავლით აბაშიძე სარგებლობდა და გურიელს აღარათფერი რჩებოდა იმერეთის დიდებულთა დასაჯილდოვებლად, განშორდა იმერეთს და დაბრუნდა გურიაში.

1702 წ. გიორგი აბაშიძე გამეფდა იმერეთში და იწოდებოდა გიორგი V. ლიპარტიანის თხოვნით მან გაილაშქრა აფხაზეთის მთავრის წინააღმდეგ, რომელმაც ააოხრა სამეგრელო და იქილამ ბევრი ტყვე მოიტაცა. გიორგიმ სამაგიერო გარდაუხადა. აფხაზეთი ცეცხლითა და მახვილით გარდაიარა და წაართვა შარვაშიძეს სამეგრელოს სოფლები, რომელიც დაეჭირა და დაბრუნდა დიდის დავლითა. გაამპარტავებულმა ამ ნაირის გამარჯვებით მან უარი შეუთვალა ისაყ-ფაშას ხარკის გადახდასა და საჩუქრების გაგზავნაზე. ისაყ-ფაშამ მოიწვია ქართლიდან სიმონ მეფის ძმა, გიორგი, და ყოველივე ხონთქარს მუსტაფას მოახსენა. ხონთქარმა უბრძანა არზრუმის სერასკირს გაგზავნა იმერეთში ზღვითა და ხმელეთით დიდის ჯარისა, დაჭერა იმ ქვეყნისა შვიდის წლის ვადით და დაქცევა ყოველ სიმაგრეთა და ციხე-კოშკთა. აბაშიძემ შემოიერთა გურიელი და დადიანი, შეკრიბა იმერეთის ჯარი, ხალხი დახიზნა მთებში, სიმაგრეები დაიჭირა და შეუტრა მტერს ყველა გზეში. სერასკირი გა-

ვიდა გურიაში ქოროხზე. მისი მოადგილე ისაყ-ფაშა გად-
მოვიდა კაკას ხიდზე, გაჰთანტა იმერლები დიდრონის ზარბა-
ზნების საშინელის სროლით და შევიდა ბაღდადში. ამავე
დროს სამეგრელოს ზღვის პირზე გამოვიდა ხომალდებიდან
ჯარი, მაგრამ ამითაც ოსმალნი ვერას გააწყობდნენ, უკეთუ
გურიელს არ გაეტეხა აბაშიძისათვის მიცემული სიტყვა და
არ დაეკრა ფაშისათვის თავი, უკეთუ მიქელაძეც ლიპარტია-
ნის სიძულილის გამო არ დამორჩილებოდა სერასკირის მო-
ადგილეს, არ შეეყვანა იგი შუაგულ ქვეყანაში და არ შეეტყობი-
ნებინა სერასკირისათვის აბაშიძის მდგომარეობა. სერასკირი
შევიდა იმერეთში და გაჰზავნა თავისი მოადგილე არგვეთს,
სადაც მან შემოართყა ჯარი ჭალა-ტყის კოშკებს, რომელიც
აბაშიძეს გამაგრებული ჰქონდა. მეციხოვნენი დიდის თავ-გან-
წირულობით იბრძოდნენ, მაგრამ ისაყ-ფაშამ მოახერხა თხრი-
ლის აღება ღ საშის კოშკის ნაღმით აფეთქება. აგრედვე რუ-
ხის ციხეც აიღეს ოსმალთ ხანგრძლივის ბრძოლის შემდეგ,
შიგ ჯარი ჩააყენეს და ანაკლიაშიც ციხე ააშენეს. ყოველი-
ვე ეს მოჰხდა 1703 წ. მუსტაფა ხონთქრის სიკვდილმა და
არეულობამ, რომელიც მოჰყვა მის სიკვდილს ოსმალეთში,
აიძულა აჰმედი, ახალი ხონთქარი, გაეყვანა იმერეთიდან სერას-
კირი, რომელიც შეურიგდა აბაშიძეს იმ პირობით, რომ დაენგ-
რია შორაპნის ციხე და საჩუქრები მიერთმია მისთვის ბანაკში.
აბაშიძე გამოეცხადა 500 შეიარაღებულის მხედრით. ისა-
ყმა დაითანხმა ის, რომ ეშვილა ბატონიშვილი გიორგი და-
ეცნო მეფედ, მაგრამ ისაყ-ფაშის გაბრუნებამ მაინც მშვი-
დობიანად არ ჩაიარა აბაშიძის წაქეზებით იმერლები დაედევ-
ნენ ისაყ-ფაშას და დაჰხოცეს მრავალნი ოსმალნი ფერსათის
მთაში, მოჰკლეს კოლას ფაშა, დასჭრეს ხელში თვითონ ისაყ-
ფაშა და დაბრუნდნენ მდიდარის დავლით. სერასკირი დაბ-
რუნდა გურიაზე. ოსმალთ მიატოვეს სამეგრელო და აბაშიძე
ისევ გაიმართა წელში.

გიორგი მე-VI, მეფედ წოდებულს, ეშინოდა აბაშიძისა,

ჩიკეტა ქუთაისის ციხეში და, გიორგი მიქელაძის შეგონებით, შეირთო როდამი, რომელიც იყო ყოფილის ქართლის მეფის გიორგი მე-VI ქალი; რადგან დიდს სიღარიბეში იყო, ვახტანგმა გამოუგზავნა დიდძალი ფული, მაგრამ იმერეთის სევ აბაშიძე განაგებდა.

აბაშიძის ქალი თამარი, ლიპარტიანის მეუღლე, საშინლად გაბრაზებული იყო თავის პაპაზე, მიქელაძეზე, ზემოხსენებულ მის მოქმედებისათვის. მისის შეგონებით გიორგი აბაშიძემ წაართვა მიქელაძეს საჭილაო და სამიქელაო და გარდასცა ლიპარტიანს. მიქელაძე წავიდა ქართლში. იესემ ანუ იოსებმა, ლიპარტიანის ძმამ, რომელსაც ჰყავდა ცოლად ბატონის ასული მარიამი, მამიდა მეფე გიორგი მე-VI, შეათარა თავი ლეჩხუმში. შეშინებული ლიპარტიანი წავიდა ლეჩხუმს, გამოდევნა იქიდან იესეს მომხრენი, დადიანად აღიარა თავისი უფროსი შვილი კაცია, ლეჩხუმის მაზრა მეორე შვილს ბეჟანს ჩააბარა, ხოლო უმცროს ძმას გაბრიელს, — რომელიც ბერად შექდგარიყო, — მისცა ჭყონდიდის საეპისკოპოზო, თვრთონ გიორგი დარჩა ისევ ლიპარტიანად და უზენაესი ზედამხედველობა ჰქონდა თავის შვილებზე

ამასობაში იმერეთის დიდებულებმა დაიფლეს, ვისაც რა შეეძლო. რაჭა გლოლითურთ და ჯაფარიძეებით ერგო ერისთავს, ყვარა — თავად იაშვილებს, ხოტევი — წულუკიძეებს, სვჭრი — აბაშიძეებს, რომელთაც მიიღეს ეს მამული მეფის შაჰნავაზისაგან მის აქ გამოლაშქრების დროს. ლეჩხუმი, საჭილაო და სალომინაო ჩიჯავაძეებითურთ დაიფლო ლიპარტიანმა.

გიორგი აბაშიძემ მოიყვანა წესიერებაში იმერეთის საქმეები, აღკრძალა ძარცვა, ერთმანერთის მიხდომა და ტყვეთა გაყიდვა, გარდა იმ შემთხვევისა, როცა კანონიერი ნება-რთვა ექნებოდა გამყიდველს.

ქართლის მეფე ვახტანგმა გაჰმართა მასთან მიწერ-მოწერა კავშირის შესაკვრელად და აგრედვე იმის შვილის ლევანის და თვისის ასულის დაქორწინების შესახებ; ამასთანა-

ვე ვახტანგი ჰპირდებოდა, რომ ახალ დაქორწინებულთ და-
უთმობდა სააბაშიო მამულს ქართლში, აბაშიძემ არ მიიღო
ეს წინადადებანი, როგორც იმიტომ, რომ ეწინააღმდეგებოდა იმისი
შვილი სპარსეთში არ გაეგზავნათ, აგრედვე იმიტომაც, რომ
მეფე გიორგი მე-VI-ს, მის მტერს, ჰქონდა დამოკიდებულება
ვახტანგთან და სთხოვდა მას შემწეობას. კათალიკოზი, გელათის
ეპისკოპოზი და შოშიტა ერისთავი, — რომელსაც ჰყავდა ცო-
ლად მეფე ალექსანდრეს ქალი, — გიორგის მხარეზე იყვნენ
და 1707 წ. საჯაროდ მეფედ აღვიარეს იგი.

მეფე გიორგი მე-VI-მ დაუყონებლივ უბრძანა აბაშიძეს,
რომ ხელი აეღო ყველა სამეფო მამულებზე და დაკმაყოფი-
ლებულიყო თავის სამკვიდრო სამფლობელოთი. კათალიკოსს
და გენათელს, რომელიც აბაშიძემ მოციქულებად გაუგზავნა,
არაფითარი პასუხი არ გასცა მეფემ და დააკავა ისინი. ამ ნა-
ირ ფიცხად მოპყრობის შემდეგ, მთელი იმერეთი მიემხრო
გიორგის. აბაშიძის შეგონებით ლიპარტიანი დაეცა ვაკის
მაზრას, თუმცა იმერეთის და რაჭის ჯარით ყველა ვაკის აღ-
გილები მეფემ უკანვე დაიბრუნა, მაგრამ აბაშიძემ მალე და-
ამარცხა მეფის ჯარი, ბევრი ტყვე წამოიყვანა და გაჰყიდა.
ამ დროს აბაშიძის ქალი თამარი საშინელის სენით მოკვდა
და ლიპარტიანის შვილებმა თავის დედის გაუპატიურებისა-
თვის მიატოვეს მამა თვისი ლიპარტიანი და მიემხრნენ მეფე
გიორგის. აბაშიძის ძმისწულები — ზურაბი, სიმონი და ვახუშ-
ტი — აგრედვე მიემხრნენ მეფეს, რადგან ამ უკანასკნელმა, —
ვახუშტიმ, — შეირთო მეფე ვახტანგის ქალი. აბაშიძე მარტო
დარჩა; ყველა მას დაშორდა. როგორც კი მეფე გაძრიელდა,
გამოვიდა ქუთაისიდან და თანდათან შემოიკრიბა ის მაზრები,
რომელიც აქამდე მას არ ემორჩილებოდა. შემდეგ შემოარტ-
ყა ჯარი კაცხის ციხეს. ლიპარტიანმა დააჯერა რაჭის ერის-
თავი შოშიტა, აბაშიძის შვილის-შვილი, რომ მოჰხმარებოდა
და ორთავე მოკავშირენი მოვიდნენ ფარცხანაყანევს. შეიტ-
ყო თუ არა მეფემ ეს ამბავი, ღამით წაიყვანა ჯარი, დაეცა

მეგრელებს და საშინლად დაამარცხა 1709 წ. გამარჯვებულს მეფეს დიდი ნადავლი და ბევრი ტყვე დარჩა. იქიდან დაბრუნებულმა აილო კაცხის ციხე, რომელიც აბაშიძის შვილმა პაატამ გარდასცა; ამას შემდეგ მეფე შემოადგა სვერის ციხეს, რომელშიაც იყო გამაგრებული თვითონ აბაშიძე, მაგრამ ვერაგააწყო-რა და გადავიდა რაჭას. წულუკიძენი და ზოგიერთნი სხვანი ერისთავის მომხრენი იყვნენ; ღაშე ბრძოლის დროს ერისთავმა მოჰკლა მეფის სახლთუხუცესი და აიძულა მეფე დაბრუნებულიყო ხოტევს. გიორგი შემოადგა აგრედვე აბაშიძეების ნავარძეთის ციხეს. ამ დროს მოშიტა ერისთავმა განუტევა თავისი ცოლი, მეფის და, და შეირთო მეფის მამიდა მარიამი, რომელიც ჰყავდა ცოლად იესე ჩიქოვანს.

ნავარძეთის აღების დროს ლიპარტიანის შვილებმა—კაციამა და ბეჟანმა—სთხოვეს მეფეს, რომ განედევნა მამა მათი და სამეგრელო მათთვის მიეცა. მეფე დასთანხმდა, დასტოვა ნავარძეთში ქველი წყრეთელი და წავიდა სამეგრელოს. შარვაშიძე წინააღუდგა მეფეს, მაგრამ შემდეგ მოურიგდა: მეფემ დააყენა დადიანად კაცია და დაბრუნდა იმერეთში; ნავარძეთის ციხის აღების შემდეგ მან წამოიღო იქიდან ციხის ზარბაზნები.

მოშიტა ერისთავმა, რომელმაც აბაშიძესთან შეჰკრა კავშირი, არ მიჰხედა ამას, გაძარცვა ჭალა-ტყე და წამოიღო იქიდან ნადავლი თავის სასარგებლოდ. გურიელმა თავის სიძის აბაშიძის პატივსაცემლად მტრობა დაუწყო მეფე გიორგის. მაშინ მეფე გიორგი დაეცა გურიას და დაიპყრო ეს ქვეყანა. ამ ომის დროს ლეჩხუმელები ბეჟანის¹⁾ სარდლობით დამარცხდნენ საჯავახოს მაზრაში.

ამ დროს კაცია დადიანი გარდაიცვალა. მისმა მამამ, ლიპარტიანმა, დაიჭირა ხელახლავ სამეგრელო და შეირთო ცოლად გურიელის ქალი თამარი. აბაშიძე უკიდურესს მდგო-

1) ლიპარტიანის შვილი.

შარვობაში ჩავარდა, გამოვიდა სვერიდან და წავიდა ქართლს. თან ახლდა დიდძალი ამაღა, რომელიც ვახტანგ მეფემ გამოუგზავნა. მისი ძმის-წული ვახუშტი იმაზედ წინად გადავიდა და დაესახლა ქართლში. 1711 წ. მეფემ შეირიგა ლიპარტიანი და დაიჭირა რაჭა სხვაგვამდე. ლიპარტიანმა მალე უღალატა მეფეს. შეუერთდა რაჭის ერისთავს, გურიელსა და ბეჟანს, ლეჩხუმის ბატონს, შეითქვენ და გადაადგდეს მეფე, — რომელიც შეიძულეს მისის ბორცის გულისა და სიხარბისათვის, — და იმავე წელს მეფედ გახდა ხელ-მეორედ მამია მე-III გურიელი, რომელმაც ცოტა ხანს იმეფა.

მეფე გიორგი გაიქცა ქართლში და მიღებულ იქმნა გორში, სადაც იმყოფებოდა აბაშიძე. გურიელმა გურიის მთავრობა გარდასცა თავის შვილს, თვითონ კი ჰმართავდა იმერეთს. მალე გაეყარა თავის ცოლს, ელენე აბაშიძის ქალს, და შეირთო შოშიტა ერისთავის ქალი თამარი, რომელიც წაართვა პირველ ქმარს პაპუნა თხეიძეს¹⁾. მეფედ ყოფილს გიორგის სურდა ჯავრი ამოეყარა აბაშიძესი მტრობისათვის, მაგრამ ვახტანგმა შეარიგა ისინი და დააბრუნა უკანვე აბაშიძე თავის მამულში.

მაშინ მეფემ სთხოვა მფარველობა ისაყ-თაშას. თაშისა, ლეჩხუმის ბატონის ბეჟანისა და ზურაბ აბაშიძის დახმარებით, მეფე გიორგიმ ღამით გარდავლო არგვეთი და იქიდან გადავიდა ლეჩხუმს; შეჰკრიბა ჯარი და შევიდა არგვეთის მაზრაში. გურიელმა იმერლებითურთ, რაჭველებითა და სხვებით, იქითკენვე გასწია. მეფე დაუხვდა თხილთა-წყაროსთან. მოჰხდა ომი დაბა ჩხარში. გურიელი სრულიად დამარცხდა და წავიდა რაჭას, მეფის მოკავშირეთ დარჩათ დიდი ნადავლი; გაჰყიდეს აგრედვე ბევრი ტყვე სათათრეთში, ნამეტურ გურულები, რომელთაც გადუხადეს ამ ნაირად სამაგიერო.

გიორგი მე-VI-მ დაიჭირა სვერი ზურაბის დახმარებით,

¹⁾ ვახუშტით „ჩხეიძეს“.

რომელმაც მეციხოვნეთ აღუთქვა დიდი წყალობა¹⁾). მაშინ მისი მტერი აბაშიძე დაბრუნდა ისევ ქართლში, ხოლო მეორე მტერი გურიელი რაჭასა და ცხინვალზე ქართლშივე გადავიდა ამალით, რომელიც ბატონიშვილმა ბაქარმა გაუგზავნა. კათალიკოსმა დომენტიმ მიიწვია ის და განსაკუთრებული პატივი სცა. შემდეგ გააცილეს ახალციხემდე თავის სიძესთან, ახლან-ფაშასთან, და იქიდან შემდეგ გადავიდა გურიაში.

აბაშიძე შემოდგომაზე დაბრუნდა ქართლიდამ რაჭაში კუდაროს მაზრაზე. როგორც კი ზურაბმა შეიტყო ესა, მეფეს მოახსენა, რომ გიორგი აბაშიძეს აქვს საიდუმლო დამოკიდებულება დ მიწერ-მოწერა ნიჟარაძესთანაო. მეფეს უყვარდა ამ ნიჟარაძის ცოლი, დაათხრევინა ნიჟარაძისათვის თვალები, მოიტაცა მისი ცოლი და მით გაახარა ზურაბი, რადგანაც გადამტერებული იყო გიორგი აბაშიძეზე.

ჩვენ დავგრჩა შევავსოთ ცნობანი შესახებ არჩილისა. ბედკრული მეფე წავიდა მოსკოვს 1699 წ. და მას აქეთ ისტორია აღარ იხსენიებს არჩილს. თან ახლდა ვინმე ეგორ ლეონტიევიჩი, დადიანის ლევან მე-IV-ს შვილი, რომელიც შევიდა რუსეთის სამსახურში. სამსახურში შესული დაამტკიცეს კნიაზად და ღერბიც უმაღლესად უბოძეს. იგი იყო შუამდგომლად და თარჯიმნად რუსთ მეფეთა და ვახტანგ ქართლის მეფეს შორის მის მისვლამდე რუსეთში. მან შეირთო რუსის ქალი და შეიქმნა წინაპრათ დადიანის გვარისა. ზოგიერთ ამ დადიანების საფლავი დონის მონასტერშია. დადიანი ეგორი გარდაიცვალა 1765 წ. 82 წლისა.

არჩილი სცხოვრობდა აგრედვე მოსკოვში და იქ 1712 წ. გარდაიცვალა. მისი უმფროსი ვაჟი ალექსანდრე, რომელმაც ფელცხემისტრის თანამდებობა მიიღო, ნარვის ომის დროს 1700 წ., შევდებმა ტყვედ წაიყვანეს და გარდაიცვალა რიგაში 1711 წ.

1) ზურაბ აბაშიძისა.

როცა გიორგი მეფე ქუთაისში იმყოფებოდა, და მას ახლდნენ ზურაბ და სიმონ აბაშიძეები და იმერლები, გურიელი, დადიანი შოშიტა, ბეჟანი და სხვები შემოვიდნენ ოკრიბას შემოდგომაზე 1713 წ. სიმონ აბაშიძე დახვდა მოწინავე ჯარს და გაჰთანტა. გურულები მიეშველნენ თავიანთ მომხრეებს გიორგი მიეშველა სიმონს, მაგრამ დამარცხდა. იმერლები გაიქცნენ შემდეგ ფიცხელის ომისა და ბევრი მათგანი ტყვედ გაჰყიდეს თათრებში.

მამია გურიელმა იმეფა ორი თვე. გარდაიცვალა იანვარში 1714 წ. მემკვიდრედ დარჩა შვილი მისი გიორგი მე-IV. რაც შეეხება მეფე გიორგის, მან შეათარა თავი ტფილისში ბატონიშვილ სიმონთან, გადავიდა იქიდან ახალციხეს და დაიწყო მოციქულობა ბეჟანთანა და ზურაბთან. ერისთავს სურდა იმათი გაცალკევება და გადმოიბირა ბეჟანი, რისთვისაც აჩუქა ჭყვიშის ციხე, რომელიც წაართვა თავის სიძეს ბაკა ჩიქოვანს ამ ორმა კაცმა ძალ-დატანებით შეჰრთეს მერაბ წულუკიძეს ზემოხსენებულის ნიჟარაძის ცოლი; თანხმოზა არც მერაბსა და არც აბაშიძეს არ ჰკითხეს; და ეს საქმე მოახერხეს მხოლოდ იმიტომ, რომ წაერთმიათ ის ქალი მეფე გიორგისათვის.

გაზაფხულზე მეფე გიორგიმ ისევ დაიჭირა იმერეთი. მან ბრძანა გადაეგდოთ კლდიდამ დაბრმავებული ნიჟარაძე, რომელმაც იქვე განუტევა სული. დადიანი, გურიელი და შოშიტა სცხოვრობდნენ განმარტოვებულნი თავიანთ სამფლობელოში. ბეჟანს, ლეჩხუმის ბატონს, ჰქონდა იმედი, რომ მეფე შეირთავდა იმის დას, მაგრამ გიორგიმ, თუმცა მიატოვა თავისი მეუღლე, უფლისწული როდამი, რომელიც მაშინ ქართლში იყო, შეირთო შოშიტას და, მამია გურიელისა და დადიანის ქვრივი. ამას შემდეგ ბეჟანი და ზურაბი განუდგნენ მეფეს. ქართლის მეფის იესეს თხოვნით, რომელმაც დაუბრუნა ჩხარის ჯვარი და გამოუგზავნა როდამი, მეფე გიორგიმ დაუტევა ერისთავის და და დასთანხმდა, მიეღო კვლავ თავისი

მეუღლე, დაუნიშნა მას საცხოვრებლად სავანეს მონასტერი, სადაც არის ეკლესია, აშენებული 981 წ., ბაგრატ მე-III მეფობის დროს. რაც შეეხება ვახტანგის მეუღლეს რუსუდანს და მის შვილებს, რომელნიც გაიქცნენ რაჭაში, ისტორიკოსი ვერ გვიხსნის, რატომ არ გაუგზავნა გიორგიმ ისინი ისევ იესეს, რომელიც დაჯდა ქართლის მეფედ ვახტანგის წასვლის შემდეგ.

ჩხარის ჯვარი, რომელიც ეხლა ქართლშია, ატოცის მონასტერში დასვენებული, როგორც მახსოვს, ნაქები იყო მით, რომ შიგ ჩასვენებულია წმინდა გიორგის ნაწილები. ერთი სომხის მემკვიდრე მოგვითხრობს, რომ ქართლის მეფემ, სახელად დავითმა, რომელიც სცხოვრობდა მე-XVII საუკუნის დამდეგს, თავის შვილის ბეჟო ანუ ბეჟანის მოსარჩენად დაიბარა ეს ნაწილები ოანავანკის მონასტრიდან, რომელიც ეჩმიაძინის მახლობლად მდებარეობსო. ბეჟანი ვარდაიცვალა და ეს ნაწილები მეფე დავითმა სხვა და სხვა გარემოების გამო აღარ დაუბრუნა სომხებს. შეინახა ჯერ კორანტში, მერე იქიდან გადაიტანეს ხაზარეთში თუ ჩხარში და შემდეგ ატოცში. ეს გარდმოცემა ჩხარის ჯვარის შესახებ, ჩვენის აზრით, სიმართლეს მოკლებული არ უნდა იყოს.

პაატა ფხეიძე გადუდგა მეფეს იმ შეურაცხყოფისათვის, რომელიც მან მიაყენა პაპუნას, თამარის მეუღლეს. მეფემ შემოარტყა ჯარი საწირის ციხეს, წყალ-წითელის სათავეში, და გამოათხრევინა კედლები ციხის ასაფეთქებლად, მაგრამ ციხეში მყოფთ შეუტყეს ეს, მოჰკლეს მუშები და წაართვეს წამალი. მეფე დაბრუნდა გეგუთს.

შემდეგ ამისა ლეჩხუმის ბატონმა ბეჟანმა მიართვა მეფეს დიდძალი ფული და დაითანხმა იმის მამა ლიპარტიანი განეძევებინა და დადიანათ ბეჟანი დაესვა. გიორგი ანგარების გამო დათანხმდა. ლიპარტიანმა წინააღმდეგობა ვერ გაუწია და ბეჟანმა ჩაიგდო ხელში დადიანობა, მაგრამ მალე ლიპარტიანმა ხელახლავ დაიჭირა ეს მხარე და დაეცა იმერეთს იმო-

დენის ჯარით, რომ შეშინებულმა მეფემ მიატოვა ბეჟანიც, შოშიტაც და სხვებიც და დაუბრუნა ლიპარტიანს მისი სამფლობელო. იმერეთში დაბრუნების შემდეგ მეფემ მიიწვია ლიპარტიანი გეგუთს და აღუთქვა, ბეჟანს მოვაკვლევინებო. როცა ბეჟანი დარწმუნდა, აუცილებელია ჩემი დაღუპვაო, მოურაგდა მამას კათალიკოსის გრიგოლის შუამდგომლობით. ბეჟანმა გაუწია მამას მასპინძლობა საკვირველის პირმოთენობით და ღამე დაატუსაღა ისიცა და მისი ცოლიც, რომელიც გაგდებული ჰყავდა ქმარს, და ორნივე ერთად ჩასვა ციხეში. ცოლ-ქმარნი გარდაიცვალნენ ამ საპყრობილეში. დადიანობა ერგო ბეჟანს, რომელმაც მამის მომხრენი ზოგი მოაკვლევინა, ზოგს მამული ჩამოართვა და ზოგი ტყვედ გაჰყიდა.

ზამთარში მეფე ერისთავის შემწეობით დაეცა ზურაბ აბაშიძეს და ააოხრა მისი მამული. ზურაბ აბაშიძემ და დადიანმა მოიწოდეს ახალციხის ფაშა მეფე გიორგის გადასადგებლად და გურიელის გასაძევებლად ფაშა მოვიდა ჯარით; დადიანი და ზურაბი მიეგებნენ; მეფე რაჭაში გაიქცა. ოსმალნი ერთი თვე იდგნენ ბანაკად ქვა-ციხეში და შემდეგ გადავიდნენ ქუთაისში. მტრები საბრძოლველად შეიყარნენ სიმონეთში 1716 წ. მეფე სრულიად დამარცხდა და წავიდა ქართლს. გამარჯვებულნი დაეცნენ სავანეს და გაძარცვეს მეფის სასახლე და მთელი სოფელი.

გიორგი მე-IV გურიელმა იმეფა მარტო სამი თვე. ბეჟანმა და ზურაბმა თავისკენ გადაიბირეს შოშიტა ერისთავი, რომელმაც შიათხოვა თავისი ქალი დადიანის შვილს, ოტიას, და მით განამტკიცა მასთან კავშირი. ფაშა დაბრუნდა ახალციხეს.

ამ დროს მოჰქონდათ გურიიდან იმერეთში გურიელების ბარგი. რაჭველები სრულიად მოულოდნელად დაეცნენ სალომინაოში, გაძარცვეს მებარგულნი და თვითონ ისინიც ტყვედ გაჰყიდეს. ეს რომ გურიელმა შეიტყო, მიატოვა იმერეთი და გაიქცა; იმერეთი დარჩა ხელში სამს ზემოხსენებულ

დიდებულს გურიელის დედა, ელენე, დიდად შესწუხდა ამ ცვლილებით, მოიხმო თავისი მეორე შვილი, რომელიც ბერად იყო შემდგარი, გაკრიჭა, უწოდა სახელად ქაიხოსრო მე-III-ე და დასვა გურიელად, იმერეთის დიდებულების თანხმობით. გადაყენებულმა გიორგი გურიელმა კავშირი შეჰკრა ახალციხის ფაშასთან. ახალციხეში იმყოფებოდა აგრეთვე ლიპარტიანის მეუღლე თამარი, გურიელის ქალი, რომელიც მეფემ ცოლად შეირთო. რადგანაც ისაყ-ფაშა და მისი ნათესავი ასლან-ფაშა ერთმანეთზე გადამტერებულნი იყვნენ და ვერ მისცეს მათ შემწეობა, მეფე და გურიელი სტამბოლს წავიდნენ.

არზრუმის სერასკირმა, როცა მასთან გამოცხადდა გურიელი, მისცა ჯარი. ამ ჯარით გურიელმა დაიპყრო გურია 1717 წ. და გააგდო იქიდან ელენე და ძმა თვისი. გურიის ერისთავმა და ბეჟან ნაკაშიძემ, რომელნიც იყვნენ ელენეს მომხრენი, მოიწვიეს ბეჟან დადიანი. ნაკაშიძის შვილის სიმამრი, და მისის შემწეობი გააგდეს გიორგი გურიელი, მაგრამ მან მალე ისევ დაიპყრა გურია.

ზამთარში-კი ბეჟან დადიანი და ერისთავი რაღაც მიზეზის გამო დაეცნენ ზურაბ აბაშიძეს და წაართვეს სვერის ციხე. ცოტა ხანს უკან ბეჟანმა შეიპყრა მან-უჩარი, ერისთავის ძმა. ერთის სიტყვით, ბეჟანი ისე მოქმედებდა, თითქო ქვეყნის სრული პატრონი ყოფილიყოს. ეს არ მოეწონა ზურაბს და ერისთავს, რომელმაც წაართვა ბააკა ჩიქოვანს თავისი და და შიათხოვა დავითს, ზურაბის შვილს; მეორეს მხრით დადიანი გიორგი გურიელის თხოვნაზედ დასთანხმდა და შიათხოვა თავისი ქალი, რომელიც ადრე ცოლად ჰყავდა ზემოხსენებულ ნაკაშიძეს. გურიელმა განუტევა შერვაშიძის ქალი და დასაჯა ნაკაშიძე მით, რომ წაართვა ციხე და აგრეთვე ცოლიც, რომელიც თითონ შეირთო; ერისთავმა დაიჭირა ჯვარი-ციხე და იაშვილების გვარს მთელი მამული ჩამოართვა. ზურაბმა გასწყვიტა და გაჰყიდა ფხეიძეები; ასევე იქცეოდა დადიანი

ნიც ოდიშსა და ლეჩხუმში. აი რა სამწუხარო მდგომარეობა იმყოფებოდა ამ დროს იმერეთი.

მეფე გიორგი მოვიდა სტამბოლიდგან. ხონთქრის ბრძანებით ისაყ-ფაშამ გაისტუმრა იმერეთში ჯარი აგვისტოს 1712 წ. მეფე მოვიდა ქუთაისს; გარდა მდაბიო ხალხისა არავინ არ მიჰყვებოდა. სამივე მთავრები თავმოყრილნი იყვნენ ოკრიბაში. რადგანაც მათ უარი განუცხადეს გიორგის გამეფებაზე, ოსმალნი დაეცნენ და სრულიად დაჰფანტეს ისინი. ოსმალებმა აიკლეს ოკრიბა და იქიდგან წავიდნენ სამეგრელოში. დადიანმა ველარ შესძლო წინააღმდეგობა და დიდის გაქირვებითა და საჩუქრებით შეაჩერა ოსმალები და მოურიგდა მათ, მეფემ გადმოიბირა სამივე მთავარი და დაიფლო იმერეთი მეოთხეჯერ ნახევარ წლით.

თებერვალსა ანუ მარტში 1720 წ. სიმონ აბაშიძემ დაჰპატიჟა მეფე დადებულთა შეგონებით თხმელის ციხეში და ნადიმის დროს მოჰკლა, ყველა მისი მხლებელი დაიჭირა და გაჰყიდა. მეფის საგანძური ჩაუვარდა ხელში ერისთავს, რომელმაც აიღო კაცხის ციხე, სადაც ინახებოდა ის განძეული. იმერეთი ხელ-ახლავ აირ-დაირია. სანამ მშვიდობიანობა იყო, ერისთავი ლევან აბაშიძეთი მოეხმარა ქართლის მეფეს, ვახტანგს, რომელიც მაშინ ქსნის ერისთავს ებრძოდა, — და იქილამ დაბრუნდა საჩუქრებითა და ნადავლით. ლევან აბაშიძემ ზამთარში შემოართყა ჯარი ხარაგაულის ციხეს იმ დროს, როდესაც მისი მფლობელი, მამუკას შვილი, იქ არ იყო, მაგრამ მაინც ვერ აიღო ეს ციხე, რადგან ამ დროს ისაყ-ფაშა მოუახლოვდა იმერეთს შემდეგის მიზეზის გამო: მეფე ვახტანგის სასახლეში იზრდებოდა უფლისწული ალექსანდრე, განსვენებულის იმერეთის მეფის გიორგის შვილი; ისაყ-ფაშამ გამოსთხოვა ვახტანგს ეს ბატონის შვილი და სურდა იმის აყვანა იმერეთის ტახტზედ. შეიძლება თვითონ ალექსანდრემ სთხოვა ისაყ-ფაშას გამეფება თვისი. ვახტანგმა გარდასცა ეს ახლოგაზდა ბატონის შვილი ფაშას, რომელმაც გაჰგზავნა

იმერეთში და მით ჩაუშალა აბაშიძეს მისი განზრახვა. ზურაბ აბაშიძე, ერისთავი და ბეჟან დადიანი ხარაგაულის კოშკის აღების შესახებ ვერ შეთანხმდნენ ერთმანერთში, ხოლო ზურაბ აბაშიძეს და ბეჟან დადიანს არ მოსწონდათ ალექსანდრეს გამეფება. ერისთავი კი მიეგება მეჯვეს და გადასცა საგანძური, რომელიც იპოვნა მან კაცხში. ალექსანდრემ ეს საგანძური აჩუქა ფაშას და თვით ჯარით მიესია ზურაბის ციხეს ცუცხვატს. შემდეგ ერთის თთვის გარშემორტყისა და ერთის კედლის წამლით აფეთქებისა, მეციხოვნენი ღამე გაიქცნენ. როგორც კი ოსმალებმა დაიჭირეს ეს ციხე, წავიდნენ ლეჩხუმს წინააღმდეგ ბეჟანისა და ზურაბისა. შემდეგ ჩვეულებრივის ძარცვისა, დაბრუნდნენ ქუთაისში. ფაშამ მიიღო დადიანისაგან 12 ქისა ფული და გააგდებინა თავი მის მტერს, ოტია ჩხეიძეს. მან დასვა ალექსანდრე მეფედ 1721 წ. და მზრუნველათ დაუნიშნა ბეჟან დადიანი, თვითონ კი დაბრუნდა ახალციხეს.

ამას შემდეგ, როგორც იყო, იმერეთმა შეისვენა. შემდეგ სამოციის წლის არევ-დარევისა და შფოთისა, დამყარდა მტკიცე წესი და შინაგანი მშვიდობიანობა, რომელიც თუმცა სრული არ იყო, მაინც შედარებით წარსულ დროს შფოთსა და უწესოებასთან, დიდს ღვთის წყალობად უნდა მიეჩნიათ.

ალექსანდრე მე-V-მ ტახტზე ასვლის შემდეგ შეირთო ცოლად მარიამი, ქალი ბეჟან დადიანისა, რომელიც ყოველივეს განაგებდა იმერეთში. ნადედოფლარ თამარი და გაბრიელ, ჭყონდიდის მიტროპოლიტი, რომელნიც უკმაყოფილონი იყვნენ ახლის წესის დამყარებით, წავიდნენ სერასკირთან და დააბეზღეს ისაყ-ფაშა, ბეჟანისაგან ქრთამი მიიღო და იმიტომ ალექსანდრე ბეჟანის უფლებას დაუმორჩილაო ეს რომ შეიტყო მეფემ, ბეჟანის შეგონებით მისწერა წერილი სერასკირს, თან გაუგზავნა შესაფერი საჩუქრები

და შეუთვალა, რომ ისაყ-ფაშა მართალია ამ საქმეში და მე გამომიგზავნე დამბეზღებლებიო. სერასკირმა საქმის განხილვის შემდეგ გამოუგზავნა ალექსანდრეს თამარი და ჯყონდიდელი, რომელიც გამოატანა ისაყ-ფაშას. ფაშამ ბორკილები დაადო ორივეს და ისე გადასცა მეფეს. მეფემ თამარი გაგზავნა დეხვირის ციხეში; ხოლო რადგან ჯყონდიდელი სასულიერო წოდებისა იყო, თუმცა გარყვნილი და ბოროტებით სავსე, მაინც არ ჩააგდო ციხეში, მხოლოდ საქყონდიდლო ჩამოართვა. ამ დროს, 1722 წ., გარდაიცვალა გიორგი აბაშიძე ქართლში და კაცხს იქმნა დამარხული.

1723 წ. აბაშიძეები და რაჭველები მიეშველნენ ქართლის მეფეს ვახტანგს, რადგან ზოგიერთნი მფლობელნი აღარ ემორჩილებოდნენ. შემდეგს წელს იმერეთის მეფემ აიღო აფეთქებით ჯვარის ციხე, რომელიც ეჭირა გენათელს გედევანს, ერისთვის ძმას. გაიარა ცოტა ხანმა და შოშიტა დაეცა მეფეს სკანდას, მაგრამ ბევრი ვერა ავნო-რა. ბეჟან დადიანმაც დააპირა რამდენჯერმე მეფის მოკვლა, მაგრამ მეფე თვისის მეუღლის მეოხებით გადარჩა სიკვდილს. 1725 წ. ოსმალებმა ააშენეს ორი ციხე: ერთი ფოთში, — რომელიც ჩააბარეს ფაშას, გამგეს ზღვის ნაპირებისას, და მეორე — ანაკლიაში, რომელიც ააგეს იმ მასალით, რაც დარჩა შემდეგ რუხის ციხის დანგრევისა. ამავე წელს ალექსანდრე შევიდა რაჭაში, დაარბია წულუკიძეების მამული, რადგანაც ერისთვის მომხრეები იყვნენ და სოფელ სევამდისინ მთელი მხარე ცეცხლითა და მახვილით გადაიარა. შემდეგ ამისა მეფე და დადიანი გარს შემოერტყნენ და აიღეს შორაპანი, რომელიც ეჭირა ლევან აბაშიძეს, გიორგის შვილს, და საიდგანაც ისა და რაჭველები ხშირად თავს ესხმოდნენ იმერეთს. დადიანმა, რომელიც მოთავე იყო ამ ციხის აღების საქმეში, გარდასცა ციხე ზურაბს, ხოლო ყოველივე საუნჯე, რაც იქ მოიპოვებოდა, დადიანმა წინაღვე გამოზიდა.

1726 წ. გიორგი გურიელი გარდაიცვალა და გურიე-

ლობა დარჩა მამია მე-IV, შის შვილს, რომლის დედა შარვაშიძის ქალი იყო. იმავე წელს გარდაიცვალა აგრეთვე მეფის ასული მარიამი, შოშიტა ერისთავის მეუღლე. შოშიტა შეურიგდა დადიანს და შეირთო ქვრივი განსვენებულის გურიელისა. ამით უკმაყოფილო დარჩა ზურაბ აბაშიძე და მოიწვია ისაყ ფაშა, რომელმაც გაჰგზავნა იმერეთში თავისი შვილი უსუფი. ამ უკანასკნელმა ჰნახა ალექსანდრე, და, მისის თანხმობით, მიიპატიჟა სადარბაზოდ ბეჟან დადიანი 1728 წელს და მოაკლევინა მაჰმუდ-ბეგს, რომელიც მის საჭურველის მტარებელი იყო. დადიანის შვილი ოტია გაიქცა. ოსმალები გამოუდგნენ და ააოხრეს სამეგრელო, მაგრამ ოტიამ დადიანობა მაინც ხელთ იგდო. ისაყ-ფაშამ შეარიგა მეფე და შოშიტა. ოტია დადიანი წაეჩხუბა თავის ძმას კაცოს და გაუგზავნა იგი ერისთავს, რომელმაც ჩასვა კვარას ციხეში. მერმე მეფე ალექსანდრემ შემოართყა ჯარი შორაპნის ციხეს. ზურაბ აბაშიძემ გადასცა ეს ციხე ოსმალებს. ერისთავი შემოერთყა აგრეთვე დაბა სადმელს, რომელიც ეკუთვნოდა იაშვილების გვარს.

ალექსანდრემ გაჰგზავნა იმასთან საბრძოლველად ლევან აბაშიძე, რომელიც დედით ერისთავის ძმა იყო და რომელიც ერისთავმა ლალათით შეიპყრა და გაუგზავნა ტყვეთ დადრანს. როცა ეს შეიტყო ალექსანდრემ, საიდუმლო გზით ღამე გადავიდა მთებზე, გავიდა რიონში, დაეცა ერისთავს მზის ამოსვლისას სადმელს და აიძულა გაქცეულიყო. დადიანმა განათავისუფლა აბაშიძე, რომელიც შემდეგ შოშიტას გარდაცვალებისა მიემხრო მეფეს.

კაცოც გაიპარა კვარადან. ახლო ხანებში დედოფალი, ბეჟან დადიანის ქალი, გარდაიცვალა. ალექსანდრემ შეირთო ლევან აბაშიძის ქალი 1732 წ., ხოლო თავისი ქალი, დადიანის ასულისაგან ნაშობი, მამია გურიელს მიათხოვა. ერისთავი და ზურაბ აბაშიძე გადუდგნენ მეფეს; იმათ მალე მიემხრო დადიანი ამას გარდა მათ მიიბირეს მეფის ძმა მამუკა,

რომელსაც ცოლად ოტიას და მიათხავეს. ამას შემდეგ მოკავშირენი გაძლიერდნენ და რაჭის ერისთვის წინამძღოლობით მივიდნენ გეგუთს. მეფე, რომელსაც თან ახლდნენ ლევან აბაშიძე და გენათელი, განსვენებულ შოშიტა ერისთვის ძმა, ქუთაისში ჩაიკეტა. აქ უნდა მოვიხსენოთ, რომ გენათელმა გედევანმა წაართვა თავის ძმის-წულს, პაპუნას, ცოლი მისი, მეფე ვახტანგის ქალი, შეირთო იგი და მიემხრო ალექსანდრეს და მისის წყალობით შეიქნა ბარის ანუ ვაკის მაზრის ერისთავად. მოკავშირენი ჯერ გარს შემოერტყნენ ქუთაისს, მაგრამ მოსწყინდათ იქ ყოფნა, თან შეეშინდათ ოსმალებისა და გაიქცნენ შინ. ამ სახით, მეფე მთელს იმერეთში ბატონობდა.

ამ დროს, ე. ი. 1733 წ., ოსმალოს ახალი ფაშა მოვიდა ფოთში, იმ აზრით, რომ უნდა დაეპყრა მთელი ზღვის ნაპირი აზოვამდის. ალექსანდრემ არ დაუჯერა ოტიას და დადიანთან მტრობის გამო შეუერთდა მას.

მეგრელები, რასაკვირველია, გაიხიზნენ სხვა და სხვა ადგილას. თაარები და იმერლები მოვიდნენ ილორის დაბას, გაძარცვეს ილორის ეკკლესია და მთელი მხარე ააოხრეს. იქიდან ოსმალები აფხაზეთს გადავიდნენ და დაიმორჩილეს შარვაშიძე, რომელიც იძულებულ იქმნა მიეღო მაჰმადის სარწმუნოება.

კოდორს გაღმა რომ გავიდნენ, ფაშას სურდა მეფე გაჰყოლოდა ჯიქეთსა და აზოვამდე, მაგრამ ალექსანდრემ უარი განაცხადა, ძლივს მიაღწია ინგურს, რომელშიაც გავიდა თავის დიდებულებთან ერთად, ხოლო ჯარი დარჩა გაღმა და ხელში ჩაუვარდა ოსმალთა. ძლივს ზოგმა მოასწრო და უშველა თავს სამეგრელოში გაქცევით. აფხაზები დაუბრუნდნენ ისევ ქრისტეს სარწმუნოებას, დაიწყეს უწყალოდ ძარცვა და კაცის კვლა, როგორც თავისიანებისა, აგრედვე უცხოებისა და აიძულეს ფაშა მალე დაბრუნებულიყო ზღვით.

როდესაც დადიანმა, ერისთავმა და ზურაბ აბაშიძემ ხელ-

შეორედ დააშორეს მეფეს ბატონიშვილი მამუკა, შეითქვენ, რომ ჩამოერთმიათ ტახტი, ან არა და მოეკლათ ალექსანდრე. 1734 წ. მეფე გურიელის, ლევან აბაშიძის, დადიანის ძმის, კაციას, და სხვების შემწეობით, დაეცა შეთქმულებს ჩიხორში და დაამარცხა. დადიანი მეფემ ტყვეთ წაიყვანა, მისმა ძმამ კი, კაციამ დასდვა ამ ომში თავი. თუმცა დიდი თოვლი იდვა, იმერლები მაინც გამოეკიდნენ გაქცეულებს, ბევრი დაამარცხეს და ბევრი წაიყვანეს ტყვედ და გაჰყიდეს.

დადიანმა არ დაუთმო მეფეს ლეჩხუმის მაზრა. ნაცვლად ამისა მეფემ ზურაბ აბაშიძეს საჭილაო და სამიქელაო წაართვა ოსმალთა ჯარის შემწეობით, რომელიც გამოუგზავნა ისაყ-ფაშამ, და რომელსაც სარდლობდნენ მაჰმედ ბეგი და გივი ამილახვარი. შემდეგ მიათხოვა თავისი და მაჰმედ-ბეგს და მოურიგდა თავის ძმას, მამუკას, რომელსაც უწყალობა ზემოხსენებული მამული. ახალგაზდა ბატონის შვილმა შეუერთა ამ მამულს საჩიჯავაძოც.

1735 წ. თამაზ-ხანმა, თფილისში ჩასვლისათანავე, მოსთხოვა ალექსანდრეს დამორჩილება. მეფემ პასუხიც არ გასცა, მხოლოდ ურჩევდა ოსმალებს, რომელთაც ეჭირათ იმერეთი, რომ ფრთხილად ყოფილიყვნენ. შემდეგ შევიდა ჯარით საწერეთლოს დასასჯელად პაპუნა წერეთლისა, რომელიც გადუდგა, მაგრამ ვერ აიღო ციხე „მოდი-ნახე“. შემდეგ დაეცა ხარაგაულის ციხეს, რომელიც წაართვა მამუკას შვიოს ზურაბ აბაშიძემ; მეფემ აიღო ციხე და დაუბრუნა კანონიერს მფლობელს და სასტიკად დასაჯა ის მოღალატე მეციხოვნე, რომელმაც ორჯერ სხვას გადასცა ჩაბარებული ციხე. ამნაირ საქმის გარემოებით შეწუხებული მეფე ალექსანდრე შეირიგა პაპუნამ და ზურაბმა, რომლის შვილმაც დავითმა განუტევა თავისი ცოლი, ერისთვის და, და შეერთო და მეფისა. 1738 წელს მეფემ გაჰგზავნა რუსეთში ქუთათელი ტიმოთე რაღაც მინდობილებით, რომელიც ჯერ არ არის გამოკვლეული. შემდეგ ამისა მეფის ბრძანებით იაშვილი შემოადგა ჯარით

კვარას ციხეს და აიღო ერთის მეთევზის საშუალებით, რომელიც მდ. კრიხულის პირიდგან იყო. როცა ერისთავმა შეიტყო ეს ამბავი, შევიდა ღამე კიბით ციხეში და ყველა, ვინც იპოვნა ციხეში, უმოწყალოდ გაჰყიდა. ამავე დროს, 1740 წ., ალექსანდრემ თან წაიყვანა ვარციხეს დავითი, ზურაბის შვილი და პაპუნა წერეთელი, რომელნიც მოაკვლენა სრულიად უმიზეზოდ; მაშინ პაპუნას მეუღლე ისე გამაგრდა მოდი-ნახეს ციხეში, რომ მეფემ ვერა ავნო-რა. როცა ზურაბ ერისთავმა და დადიანმა დაატყვეს, რომ მეფეს სურს დაამციროს და აღმოჰტყვას ყველა თავისი ურჩნი, შეერთებულის ძალით წინააღმდეგნენ. ალექსანდრემ სთხოვა შემწეობა ქსნის ერისთავს შანშეს, რომელმაც მოიყვანა ლეკის ჯარი. შანშემ მოიყვანა, გარდა თავის საკუთარის ჯარისა, 500 კაცი და აიძულა მოკავშირენი დაფანტულიყვნენ. ყველა ციხეები დააქცაეს. იმერეთი სრულიად აოხრებულ იქმნა ცეცხლითა და მახელითა. ლევან აბაშიძის რჩევით მეფემ შეაწყვეტინა ლეკებს მათი თავსდასხმა და არ მისცა ნება იმერეთიდგან ტყვეები გაეყვანათ. შემდეგ ამისა მეფე ალექსანდრემ გაჰგზავნა თავისი ძმა გიორგი და ლევან აბაშიძე წინააღმდეგ ვახუშტი აბაშიძისა, რომელიც სცხოვრობდა ქართლში, ტეზრის ციხეში, ტაშის კარის ხეობის შესავალთან. ვახუშტი უკიდურეს მდგომარეობაში ჩაყარდა და დაჰმორჩილდა. ვახუშტი შეიპყრეს და ნავარძეთის ციხეში ჩასვეს. მის გამოსასყიდლოდ მეფე თხოულობდა 500 ქისას და არა სცა პატივი ისაყ-ფაშის თხოვნას, რომელსაც ქრთამი მიართვა და შეევედრა კათალიკოსი დომენტი.

დადიანი ზემოხსენებულის მოქმედების სამაგიეროს გარდასახდელად დაეცა იმერეთს შეერთებულის ძალით: აფხაზეზის, ერისთავისა და ზურაბისა, დასწვა მეფის სამყოფი ვარციხე და ააოხრა მთელი მხარე 1741 წ.


ისაყ-ფაშამ ვახუშტის დასახსნელად გამოჰგზავნა თავისი სიძე ფირიადის შვილი, რომელსაც დიდებულები მიემხრნენ.

მეფე ველარ შეებრძოლა იმას, წავიდა საქართველოში და თან წაიყვანა თავისი ტყვე. მას ახლდნენ მისი ძმა მამუკა, ლევან აბაშიძე და ბარის ერისთავი. ოსმალებმა გამოაცხადეს მეფედ გიორგი, რომელიც, თუმცა ალექსანდრეს ძმა იყო, მაგრამ დედით ერთნი არ იყვნენ.

ალექსანდრე ჯერ გაიქცა შანშე ერისთავთან, რომელიც წინააღმდეგა შაჰ-ნადირს, მაგრამ მალე განათავისუფლა ვახუშტი და თითონ გამოეცხადა ხანს, რომელიც ებრძოდა ერისთავს. ხანი გაუმასპინძლდა და მიიღო დიდის პატივისცემით, როგორც ეკადრებოდა მეფეს, მაგრამ შემდეგ ამისა შეიპყრა. მაშინ ყველა დიდებულნი გაიქცნენ იმერეთში, გარდა ბარის ერისთავისა, რომელიც ალექსანდრემ გაუგზავნა შაჰ-ნადირს მორჩილების გამოსაცხადებლად. ნადირის ბრძანებით ისაყუთაშამ დიდის პატივით შეიყვანა ალექსანდრე იმერეთში შემოდგომას 1741 წ. და შეარიგა დიდებულები. გიორგი, რასაკვირველია, მაშინვე წავიდა იმერეთიდან. შემდეგ ამისა დიდებულები გადუდგნენ მეფეს; მეფემ დააბრალა დიდებულების ღალატი თავის დედინაცვალს თამარს, — რომელსაც მეტ სახელად კოქია ბროლს უწოდებდნენ, — და უბრძანა მისთვის თავი მოეკვეთათ. აგრევე უწყალოდ მოეპყრო ალექსანდრე საჩინო ბარათაშვილს, თავის ძმის ნომხრეს. დადიანი და ერისთავი მოვიდნენ ჯარით გეგუთს. მეფე არ გამოსულა ქუთაისიდან და იქიდან სთხოვდა ისაყუთაშას შემწეობას. მანამ ოსმალები მოვიდოდნენ მოსაშველებლად, ლევან აბაშიძემა და ბარის ერისთავმა მოინდომეს შეეტყოთ, რა ძალა ჰქონდათ მოკავშირეთა და წავიდნენ მათ დასახედავად. მოკავშირეთ ეგონათ, მტრის მოწინავე ჯარი მოდისო, და გაიქცნენ. ამ უცაბედ შეტაკებაში გრიგოლ ერისთავს მოხვდა თოფი და მოკვდა. 1743 წ. მისი ძმა და მემკვიდრე ვახტანგი შეურიგდა მეფეს და მშვიდობა დაჰყარდა ამ მხარეში. 1744 წ. მეფემ დაიჭირა სვერის ციხე, — რომელიც წაართვა ლევან აბაშიძეს მაჭავარიანის ქალმა — და იქიდან წამოიღო

ყოველივე საუნჯე ზურაბისა. ლევანმა თავის მხრით აიღო შრომის ციხე, სადაც იმყოფებოდა ზურაბის შვილი ზაალი, და გაუგზავნა ზაალი ქართლში მის მამას, ნუნისში მცხოვრებს.

დასასრული.



შმთავრეს შეცლომების განსწორება:

გვერდი	სტრიქონი	დაბეჭდილია	უნდა იყოს
2	31	Hist. du regne Ferdinand ab Isabelle par Presco	Hist. du règne de Ferdinand et d'Isabelle par Prescott
6	25	ფემ დაქსახელით	სახელით
"	28 & 29	მენიშნა	მეფემ დანიშნა
10	30	კახეთის	კახთ მეფის
20	6	ყაზახის	ყაზახის
25	27	60,000	80,000
31	11	1636	1629
46	22	1793	1693
56	23	1958	1658
59	20	ოსეთში	მისი
"	21	გასცვალა	გაპყიდა
158	20	აწყეინეს	აწყენინეს
164	10	994	964
173	12	1584	1484
188	22	1692	1629

